

বৈদ্য ঋতুত্রয় অলঙ্কার রচনাবলী

ষষ্ঠ খণ্ড



মিত্র ও ঘোষ পাব্লিশার্স
প্রাইভেট লিমিটেড
১০ শ্যামাচরণ দে স্ট্রীট, কলিকাতা ১২

ପ୍ରଥମ ପ୍ରକାଶ, ୧୯୬୧

ସମ୍ପାଦକ

ଗଜେନ୍ଦ୍ରକୁମାର ମିଶ୍ର

ସୁମତ୍ୟନାଥ ଘୋଷ

ନିବିଡ଼େନ୍ଦ୍ରନାଥ ରାୟ

ମଣିଷ ଚକ୍ରବର୍ତ୍ତୀ

ପ୍ରଚ୍ଛଦ-ପରିକଳ୍ପନା

ଶ୍ରୀଚୁନୀ ବଲ୍ଲୋପାଧ୍ୟାୟ

ପ୍ରଚ୍ଛଦ-ମୁଦ୍ରଣ

ସିଲ୍‌କ୍ ଟ୍ରାନ୍ସ୍ ଓ

ଚୟନିକା ପ୍ରେସ

ମିଶ୍ର ଓ ଘୋଷ ପାବ୍ଲିଶାସ୍ ପ୍ରାଃ ଲିଃ, ୧୦ ଶ୍ୟାମାଚରଣ ଦେ ଷ୍ଟ୍ରୀଟ, କଲିଃ ୧୦ ହିଡ଼େ ଏସ. ଏନ. ରାୟ
କର୍ତ୍ତୃକ ପ୍ରକାଶିତ ଓ ମାନସୀ ପ୍ରେସ, ୧୦ ମାନିକତଲା ଷ୍ଟ୍ରୀଟ, କଲିଃ ୬ ହିଡ଼େ
ଶ୍ରୀପ୍ରଦୀପକୁମାର ବଲ୍ଲୋପାଧ୍ୟାୟ କର୍ତ୍ତୃକ ମୁଦ୍ରିତ

সূচীপত্র

ভূমিকা	শ্রীঅরুণকুমার মদ্বোধোপাধ্যায়	১০
তুলনাহীনা	...	১
শহর-ইয়ার	...	১৮৭
গ্রন্থ-পরিচয়	...	৩৮৫

ভূমিকা

॥ এক ॥

সে আজ বিশ বছর আগেকার কথা। উত্তর কলকাতার এক কলেজে সুবহু-শাম চেঁচাতাম অর্থাৎ সকাল দশটা থেকে রাত নটা পর্যন্ত আই. এ. বি. এ. বি. কম. ক্লাসে পড়াতাম। সৈয়দ মজতবা আলি সাহেব তখন পাটনা বেতারকেন্দ্রের একজন কেস্টুবিষ্ট। ঐ কলেজের কতৃপক্ষ বার্ষিক এক্সটেনশন-লেকচার-এর ব্যবস্থা করলেন। সে বছরের বক্তৃতা দেবেন আলি সাহেব। তিনদিনের বক্তৃতা, দক্ষিণা মন্দ নয়। বিষয়—বাংলাসাহিত্যে মানবিকতা। আলি সাহেব পাটনা থেকে এসে উঠলেন তাঁর পুরনো ডেরায়—পার্ক সার্কাসের পাল' রোডের বাড়িতে। আমার সঙ্গে পূর্বে থেকেই চেনা ছিল বলে কলেজ কতৃপক্ষের নির্দেশে রোজ দুপুরে ট্যাক্স নিয়ে তাঁকে আনতে যেতাম। রোজই গিয়ে দেখতাম, লুক্স-পাজ্জাবি পরিহিত আলি সাহেব সারাঘরে পায়চারি করছেন।

—এ কি, এখনো আপনি তৈরী হননি ?

—বোসো বৎস। অত তাড়া দিও না।

—ট্যাক্স দাঁড়িয়ে আছে।

—থাকুক, ব্যাটারদের দু পয়সা খর্চা হোক। অত তাড়া দিও না। দাঁড়াও পান-জর্দা খাই, তবে তো যাব।

বলে নানা গল্প ফাঁদতেন। বার বার ঘাড়ি দেখি, আর তাঁকে তাগাদা দিই। তিনি হাসিমুখে ইচ্ছে করে দেরি করতেন।

আলি সাহেব তিনদিনের বক্তৃতায় দেখিয়েছিলেন, বাংলাসাহিত্যে মানবিকতা বরাবরই ছিল ও আছে। ধর্মের প্রভাবে যে উচ্চকোটির সাহিত্য-সৃষ্টি হয়েছে, তার বাইরে লোকসাহিত্য জনজীবনের সুখদুঃখের মালা গত হাজার বছরে গাঁথা হয়েছে। রবীন্দ্রনাথের রচনায় তা পেয়েছে অপরূপ বাণীরূপ।

প্রতিদিন এক ঘণ্টা বক্তৃতা। শ্রোতার মাট মিনিট ধরেই হেসে গড়িয়ে পড়তেন। আর আলি সাহেব গম্ভীর মুখে বক্তৃতা করতেন। একদিন বললেন, 'শ্রীহট্ট থেকে অনেক গ্রেট ম্যানের আবির্ভাব হয়েছে। শ্রীচৈতন্যদেবের আদি বাড়ি শ্রীহট্টে। লালন ফকির, হাসনরাজার বাড়ি সিলেটে। অবশ্য আমার কথা এখানে তুলছি না।' (আলি সাহেবের বাড়ি সিলেটে সুরমা নদীর তীরে।)

এই কথা বলেই লালন ফকিরের গানের শ্লেোক ঝাড়লেন—

মরার আগে মলে শমন-জ্বালা ঘুচে যায় ।

জান্ গে সে মরা কেমন, মূরশীদ ধরে জানতে হয় ॥

রবীন্দ্রনাথের কথা উল্লেখ করে বলেন, গুরুদেব মর্তের কবি । তিনি এক মূহুর্তে আমাদের “নীলাম্বরের মর্মমাঝে” নিয়ে গেছেন, সেখানে “তারায় তারায় দীপ্তিশখার অগ্নি জ্বলে নিদ্রাবিহীন গগনতলে” । পরমূহুর্তেই মর্তে ফিরিয়ে এনেছেন, গেয়েছেন—

হেথা মন্দমধুর কানাকানি জলে স্থলে

শ্যামল মাটির ধরাতলে ।

হেথা ঘাসে ঘাসে রঙিন ফুলের আলিঙ্গন

বনের পথে আঁধার-আলোর আলিম্পন ।

রবীন্দ্রনাথ বিশ্বের কবি, আলি সাহেব তাঁর ভাষণে বলেছিলেন, তবু আমরা যেন না ভুলি তিনি বাংলার কবি । বুনোনোস এইরেস থেকে দিনেন্দ্রনাথ ঠাকুরকে লিখেছিলেন ‘চিঠি’—

দূর প্রবাসে সন্ধ্যাবেলায় বাসায় ফিরে এনু,

হঠাৎ যেন বাজল কোথায় ফুলের বৃকের বেগু ।

আতি-পাতি খুঁজে শেষে বৃকি ব্যাপারখানা,

বাগানে সেই জুঁই ফুটেছে চিরদিনের জানা ।

গন্ধটি তার পুরোপুরি বাংলাদেশের বাণী,

একটুও তো দেয় না আভাস এই দেশী ইস্পানি ।

প্রকাশ্যে তার থাক না যতই সাদা মূখের ঢঙ,

কোমলতায় লুকিয়ে রাখে শ্যামল বৃকের রঙ ।

প্রবাসী কবি ব্যাকুল হয়ে দিনর কাছে দেশের খবর চেয়ে ঐ ‘চিঠি’তে লিখেছিলেন—

ঘরের খবর পাই নে কিছই, গুজোব শূনি নাকি

কুলিশপাণি পূরিস কোথায় লাগায় হাঁকাহাঁকি ।

শূনিছ নাকি বাংলাদেশের গান হাসি সব ঠেলে

কুলুপ দিয়ে করছে আটক আলিপূরের জেলে ।

হিমালয়ে ষোগীশ্বরের রোষের কথা জানি,

অনঙ্গেরে জ্বালিয়ে ছিলেন চোখের আগুন হানি ।

এবার নাকি সেই ভুখরে কলির ভূদেব যারা

বাংলাদেশের যৌবনে জ্বালিয়ে করবে সারা ।……

প্রতাপ যখন চেঁচিয়ে করে দুঃখ দেবার বড়াই,

জেনো মনে, তখন তাহার বিধির সঙ্গে লড়াই ।

দুঃখ সহ্য তপস্যাতাই হোক বাঙালির জয়, ...
 মৃত্যুকে যে এড়িয়ে চলে মৃত্যু তারেই টানে,
 মৃত্যু যারা বন্ধ পেতে লয় বাঁচতে তারাই জানে ।
 পালোয়ানের চলারা সব ওঠে যোদিন থেপে,
 ফৌসে সর্প হিংসা-দর্প সজল পৃথ্বী ব্যোপে,
 বীভৎস তার ক্ষুধার জ্বালায় জাগে দানব ভায়া,
 গর্জি বলে, আমিই সত্য, দেবতা মিথ্যা মায়া ;
 সেদিন যেন কৃপা করেন আমার ভগবান,
 মেশান-গান-এর সম্মুখে গাই জুঁই ফুলের এই গান ।

আজ্ঞো স্পষ্ট মনে পড়ে বিশ বছর আগের সেই সভায় বক্তা আলি সাহেবের রূপ । ফর্সা লাল টকটকে মূখ, মূহূর্তমাত্র না থেমে স্মৃতি থেকে তুলে আনছেন রবীন্দ্রনাথের কবিতা ।

লেখক সৈয়দ মুজতবা আলীর রচনার দুটি প্রধান বৈশিষ্ট্য উপরের রেখাচিত্র থেকে পাই—মানবিকতা আর রবীন্দ্রানুগত্য । দুয়ে মিলে সৈয়দ সাহেব । তাঁর জীবনরসিকতা ও সদাজাগ্রত কৌতূহল সম্প্রদায়নিরপেক্ষ উদার মনোভাব ও বৈদগ্ধ্য, মানসিক আভিজাত্য ও নির্মলতা, গদ্যাভাষার দীপ্তি ও শব্দসচেতনতা, বৈষ্ণবপদাবলীপ্রীতি ও সহজমানুষ প্রীতি, লঘুরসিকতা প্রবণতা আর হৃদয়-গভীরস্পর্শী অশ্রুমাশ্রিত হাসি : সব কিছুরই হৃদিস পাওয়া যায় এই দুটি বৈশিষ্ট্যে । তিনি আড্ডাবাজ, মজলিশী মানুষ—একথা যেমন সত্য, হৃদয়ের গভীরে ডুবুরি, একথা তেমন সত্য । তাঁর রম্যরচনায় হয়ত সব সময় আসল মানুষটা ধরা পড়েনি, কিন্তু উপন্যাসে ধরা পড়েই । জীবনের গভীরে ডুব মেয়ে তিনি দুয়েকটি রত্ন তুলে আনেন, প্রতি ক্ষেত্রেই সেটি কাষা-মেশানো । ‘শবনম্,’ ‘অবিশ্বাস্য,’ ‘শহূ-ইয়ার,’ ‘তুলনাহীনা’ তার পরিচয়স্থল ।

বর্তমান খণ্ডে গৃহীত দুটি উপন্যাস—‘শহূ-ইয়ার’ (১৯৬৯) ও ‘তুলনাহীনা’ (১৯৭৪) লেখকের সাহিত্যজীবনের শেষ পর্বের রচনা । দুটি উপন্যাসেরই অবলম্বন মানবজীবনের অন্তহীন দুঃখবেদনা । ‘দুঃখের কাবাকে আমরা সূত্বের কাব্য অপেক্ষা অধিক সমাদর করি’—রবীন্দ্র-প্রদত্ত এই সূত্রকে মুজতবা আলী মান্য করেন । তাঁর উপন্যাস এই সূত্রের সব চেয়ে বড় প্রমাণ । জার্মান সাহিত্যিক জিগিসমুন্ট ফন্ রাডেকি সংকলিত ‘আ বেৎস ডেস্ লাথেনস্’ (হাসির অ-আ, ক-খ) হাসির গম্পগূর্লির আলোচনা-প্রসঙ্গে (টুনি মেম’ পশ্য) আলী সাহেব লিখেছেন,

রাডেকি এ-অনুচ্ছেদ শেষ করেছেন এই বলে—‘হাস্যরস মানুষে মানুষে যোগসূত্র স্থাপন করে ।’ আমি সম্পূর্ণ একমত নই । হাসির চেয়ে কাষা, আনন্দের চেয়ে বেদনাই আমাদের একে অন্যকে কাছে

টানে বেশী। এ নিজে দীর্ঘ আলোচনা হতে পারে। কিন্তু এস্থলে একটি সামান্য উদাহরণ দিলেই বোধ হয় যথেষ্ট হবে। বৈঠকখানার বসে শুনতে পেলুম, বাড়ির বউ-ঝিরা রান্নাঘরে কাজ করতে করতে হঠাৎ একসঙ্গে হেসে উঠলো। আমি সঙ্গে সঙ্গে হাসির হিস্যাদার হতে কিংবা কারণ অনুসন্ধান করতে হস্তদস্ত হয়ে বাড়ির ভিতর ছুটে যাই নে। কিন্তু সবাই যদি একসঙ্গে ডুকরে কেঁদে ওঠে তবে অবশ্যই যাই।

[সৈয়দ মুজতবা আলী রচনাবলী ৩]

পরিহাসের তলায় অনেক বেদনাকে লুকিয়ে রাখার বা বহন করবার অসাধারণ ক্ষমতা তাঁর ছিল, 'দেশে-বিদেশে' বা 'চাচা-কাহিনী' গ্রন্থ দুটি তার প্রমাণ।

॥ দুই ॥

'শহর-ইয়ার' উপন্যাসের মূখপাতে লেখকের উক্তি প্রশিধানযোগ্য :

আমার আপন ভাঙ্গনী পর্যন্ত ফরিয়াদ করে, আমার লয়েলটি-বোধ নেই ; মসলমান হয়েও মসলমানদের নিয়ে গল্প উপন্যাস লিখি নে। এবারে সে বৃথতে পারবে কেন লিখি নে।

মসলমান মেয়েকে নিয়ে আলি সাহেব দুটি উপন্যাস লিখেছেন—'শবনম্' আর 'শহর-ইয়ার'। দুয়ের মধ্যে মিল আছে। দুয়েরই নায়িকা অসামান্য, দুয়েরই নায়ক লেখক স্বয়ং, দুয়েতেই প্রেমের, বেদনাময় কাহিনীর প্রাধান্য, দুয়েতেই রবীন্দ্রনাথের আধিপত্য, রবীন্দ্র-কাব্য আর রবীন্দ্র-সঙ্গীতে জীবনের ব্যর্থ সাধনার তাৎপর্য আর সান্ধ্বনা অব্বেষণ ; দুয়েতেই তথালোচনার প্রাধান্য—ঈশ্বরবিশ্বাসীর সত্যাব্বেষণের পরিচয়দানের প্রয়াস, দুয়েতেই শিথিল-গ্রাথিত কাহিনীতে নায়কের (ওরফে লেখকের) কথার নেশা মাত্রা ছাড়ায়।

তুলনা আর বেশি দূর টেনে লাভ নেই। ফিরে যাই 'শহর-ইয়ার' উপন্যাসে। নায়িকা শহর-ইয়ার আধুনিক মসলমান রমণী, তাতে কোন সন্দেহের অবকাশ লেখক রাখেননি। তাঁর সৌন্দর্য, বুদ্ধির দীপ্তি, আতিথ্য-পরায়ণতা ও কোমল সেবাপরায়ণতা নারীচরিত্রের ভূয়োভূয় প্রশংসাসূচক বর্ণনা করেছেন লেখক। শহর-ইয়ার-এর দাম্পত্যজীবনের, তার সুভদ্র বিনয়ী ডাক্তার-স্বামীর নানা ছবি তিনি এঁকেছেন। শহর-ইয়ার-এর সঙ্গে লেখক-নায়কের সম্পর্ক কী? নায়কের কথায়—'আমার' বোনের চেয়েও বোন, প্রিয়তার চেয়েও প্রিয়া। তার সঙ্গে নায়কের হার্দিক সম্পর্ক যখন জন্মে উঠেছে, তখনি ভৃত্য জমীলের কাছ থেকে নায়ক জানতে পারল শহর-ইয়ার পীর ধরেছে।

এই ঘটনার প্রতিক্রিয়ায় শহর-ইয়ার-এর ডাক্তার-স্বামী মৃতপ্রায় আর লেখক-
নায়ক হতভম্ব। সে কিছতেই এই অবিশ্বাস্য কথা মানতে চায় না, মনে নিতে
চায় না।

সাধারণতঃ মুসলমান মেয়েরও নামাজ-রোজার প্রতি ষেটুকু টান থাকে
সেটুকুকেও ধুয়ে-মুছে সাফ করে দিলেও ষেটুকু থাকার সম্ভাবনা
তাও তো আমি শহর-ইয়ারের কথাবার্তা চালচলনে কখনও দেখি
নি। সে নিজের আমাকে একাধিকবার বলেছে, তার দিল্ তার
জান্, তার সর্বাঙ্কর এমারৎ দাঁড়িয়ে আছে—চৌবট খাম্বার উপর না
—রবীন্দ্রনাথের গানের তিন হাজার গানের তিন হাজার স্তম্ভের উপর।
সেখানে গুরুবাদই বা কোথায়, আর পীর সাহেব তো সেই হাজারো
স্তম্ভের কোনো একটার পলস্তুরা পর্যন্ত নন।

সেটাই তো রহস্য! এই উপন্যাসের রহস্য! এই রমণীর মণি, মমতার খনির
রহস্য! বাউলের দেহতত্ত্বগীতে, লালন ফকীরের মারফতী গানে, কি রবীন্দ্রনাথের
ধর্মসঙ্গীতে—কোনোটাতেই শহর-ইয়ার-এর বিশেষ কোনো মোহ নেই, আর
সে কি না পীর ধরেছে!

লেখক এই অসামান্য নায়িকার জীবনের চারটি স্তর দেখিয়েছেন। প্রথম
স্তরে বাঙালী মুসলমান ঘরের মেয়ে অবরোধ ভেঙে কলেজে লেখাপড়া শিখেছে।
দ্বিতীয় স্তরে সুগৃহিণী, মমতাময়ী সেবাপরায়ণা সঙ্গিনী, রবীন্দ্র-রসিকা; স্বামী
থাকলেও সঙ্গিনী। তৃতীয় স্তরে পীরশরণাগ্রস্তা। পরিণতি চতুর্থ স্তরে—
বিদেশযাত্রিণী অন্তঃস্বা নারী।

শহর-ইয়ার-এর ডাক্তার-স্বামী থাকে তার গবেষণা নিয়ে। বিশাল নির্জন
গৃহে সঙ্গিনী সন্তানহীনা স্বামীসঙ্গবিচ্যুতা, শহর-ইয়ার-এর দিন কাটে কি
করে! সে আশ্রয় নিয়েছিল সাহিত্যে সঙ্গীতে—বিশেষ করে রবীন্দ্রলোকে। ঠিক
সেই সময়ে নায়কের সঙ্গে তার আলাপ-পরিচয়। দিনে দিনে এই আলাপ গাঢ়তর
হয়েছে—নায়ক অনুভব করেছে নায়িকার নিঃসঙ্গতা। রবীন্দ্রসঙ্গীতকে অবলম্বন
করে নায়ক দিনে দিনে আবিষ্কার করেছে এই অসামান্য নায়িকাকে। 'কেটেছে
একেলা বিরহের বেলা আকাশ-কুসুম চয়নে' গানের রেকর্ডখানি পরস্পরকে
কাছাকাছি এনে দিয়েছে। শহর-ইয়ার কেবল রবীন্দ্র-সঙ্গীতের অনুরাগিণী নয়,
সুগায়িকাও। তার নিজের কথায়—'আমার জীবন-রস রবীন্দ্রসঙ্গীত। ঐ একটি-
মাত্র জিনিস।' পর পর যে-সব রেকর্ড শহর-ইয়ার বাজিয়েছে আর গেয়েছে,
তার থেকে এই পরিচয়ের সত্যতা প্রতিষ্ঠিত হয়। 'তোমার আমার এই বিরহের
অন্তরালে কত আর সেতু বাঁধ', 'আমার নয়ন', 'ঐ মরণের সাগর পারে, চুপে
চুপে তুমি এলে', 'কেন চোখের জলে ভাসিয়ে দিলাম না রে', 'জন্ম করে তবু
ভয় কেন তোর ষায় না', 'নিবিড় ঘন আঁধারে জন্মিলে ধুবতারা', 'তোমায়

সাজাবো যতনে কনুসুমে রতনে', 'হাটের ধূলা সন্ন না যে আর, কাতর করে প্রাণ', 'হাওয়ায় হাওয়ায় করেছি যে দান', 'তুমি নব নব রূপে এসো প্রাণে'—এই সব গান নায়িকার আনন্দ আর বেদনা, নিঃসঙ্গতা আর সজনতা, জীবনানুরাগ আর আত্মখণ্ডনপ্রবণতাকে একই সঙ্গে প্রকাশ করে।

পরমবাস্থবী আর পীর-ভক্ত—শহর-ইয়ার-এর দুটি রূপ নায়ককে করেছে বিভ্রান্ত।

পীর-ভক্ত হওয়ার পূর্বে 'শহর-ইয়ারের হার্দিক ও দৈহিক সৌন্দর্য' একদিনে আমার কাছে স্বপ্রকাশ হয় নি। তার হাসি তার গান, দূর থেকে দেখা তার আপন মনে মনে একা একা তালসারির গা বেঁধে ভ্রমণ, আমার বাড়ির দোতলাতে তার আবাস নির্মাণ, মুসলমান রমণীর স্বাতন্ত্র্য নিয়ে তার অভিমান—তার আরো কত শত আহার শয্যাসন-ভোজন, কত কিছুর ভিতর দিয়ে তার সঙ্গে আমার পরিচয় হয়েছে। দিনে দিনে সে আমার কাছে সুন্দরের চেয়ে সুন্দর, মধুরের চেয়ে মধুর হয়ে বিভাসিত হয়েছে। আর আজ? আজ থেকে আবার তাকে নতুন করে চিনতে হবে!

পীর-ভক্ত শহর-ইয়ারকে দেখে নায়কের বেদনা আর ধ্বংস যায় না। এ যদি নতুন মানুষ হত তবে কোন ভাবনাই ছিল না। পূর্বনো মানুষকে নতুন করে চেনা বড় বেদনাদায়ী। আর এ-রমণীর সঙ্গে যদি নায়কের সম্পর্ক প্রণয়ের হত তবে তার আজকের অবহেলা অন্যদিনে পুঁষিয়ে যেত। প্রেম তো পূর্ণচন্দ্র। তাই তার চন্দ্র-গ্রহণও হয়। কিন্তু বন্ধুত্বও শত্রুপক্ষের চন্দ্রমার মত রাতে রাতে বাড়ে আর চতুর্দশীতে এসে থামে। পূর্ণিমাতে পৌঁছয় না। তাই তার গ্রহণ নেই ক্ষয়ও নেই, কক্ষপক্ষও নেই। তবু—তবু এ বন্ধুত্বের উপর এ কিসের করাল ছায়া? এই চিন্তার অংকুশ নায়ককে বিম্ব করেছে। পীর-ভক্ত শহর-ইয়ারকে নায়ক রবীন্দ্র-রেকর্ড বাজাতে বলেছে—'তাই তোমার আনন্দ আমার পর, তুমি তাই এসেছ নীচে।' নায়িকা বাজিয়েছে কিন্তু তার কোন প্রতিক্রিয়া দেখা যায়নি। সে তো আজ রবীন্দ্রগীতলোকে নেই, সে চলে গেছে সুফীপীরের দরবারে! রাতের আঁধারে নায়ক শুনেছে শহর-ইয়ার অতি মধুর কণ্ঠে গাইছে জপগীতি—আরবী দোহাঁ - 'ইয়া লতীফুল্। তুফ্বি না। নাহ্ন্।' 'বিদক্/কুল্লি না।' (হে সুন্দর, তোমার সৌন্দর্য আমাদেরকে দাও। আমরা তোমার পূজারী, আমরা সকলেই।)

পীর-ভক্ত শহর-ইয়ারকে নায়ক যতই দেখে ততই অবাক মানে। তাকে সে যতটা জানে, তার ডাক্তার স্বামী যতটা জানে, ততটাই সম্পূর্ণ জানা নহ্ন। অনাস্থীর অপরিচিত মানুষের (ভূতনাথ খান) চোখে শহর-ইয়ার-এর যে পরিচয় পেল তাতে সে বিস্মিত হয়। শেষোক্তজনের কথায়—শহর-ইয়ার

‘অগ্নিশিখা’। পীর-ভক্ত শহর-ইয়ারকে নামক বার বার রবীন্দ্র-ধর্মসঙ্গীতের আনন্দ অনুধাবন করতে চেয়েছে, সে ম্লান হেসে জানিয়েছে—ঐসব গানের রেকর্ড তার বন্ধুর ভিতর আর সাড়া জাগায় না।

উপন্যাসের অন্তিম অধ্যায়ে শহর-ইয়ার দীর্ঘ পত্র মারফৎ জানিয়েছে তার মানসিক পরিবর্তনের ইতিহাস—তার দাম্পত্যজীবনের ট্রাজেডি—তার নিঃসঙ্গ নারীজীবনের বেদনাজর্গ কাহিনী। রবীন্দ্র-ধর্মসঙ্গীত আর তাকে টানে না, একথা স্বীকার করেও শহর-ইয়ার রবীন্দ্রনাথেরই শরণ নিয়ে তার সমস্যার বিবরণ দিয়েছে—‘যদি জানতাম আমার কিসের ব্যথা তোমায় জানাতাম’। জানিয়েছে, সে ঠিক ঠিক জানে না তার কিসের ব্যথা, অভাব কোন্‌খানে, যার ফলে বিলাসবৈভবের মাঝখানেও যেন কোনো এক অসম্পূর্ণতার নিপীড়ন তাকে অশান্ত করে তুলেছিল। শহর-ইয়ার-এর সমস্যাটা কী? তা হল—পুরুষমানুষ কি কখনো নারীর মন বুঝতে পারে, চিনতে পারে, হৃদয় দিয়ে অনুভব করতে পারে? শহর-ইয়ার তার জীবনে শূন্যতার চরিত্র বিশ্লেষণ করেছে অতি নিপুণভাবে। পুনর্বীর রবীন্দ্রনাথেরই শরণ নিয়ে জানিয়েছে তার পরিস্থিতি—‘টেটে ওঠে পড়ে কাঁদার / সম্মুখে ঘন আঁধার / পার আছে কোন্‌ দেশে। /... হাল-ভাঙা পাল-ছেঁড়া ব্যথা / চলেছে নিরুদ্দেশে। / পথের শেষ কোথায় শেষ কোথায় / কী আছে শেষে!’ শহর-ইয়ার-এর তীক্ষ্ণ আত্মজিজ্ঞাসা—মেয়েদের এই শূন্যতা, দীনতা, ফস্ট্রেটেশনের জন্য দায়ী কে! অশ্ব ঐতিহ্য-আনুগত্য নষ্ট করে দিয়েছে তার দাম্পত্য-জীবন, তার ব্যক্তি-জীবন। মৃত্তিক তবে কোন্‌ পথে? পীরের শরণ নিয়েছে সে। এ তার পরিবর্তন নয় নবজাগরণ। সে নিরাশাবাদী নয়—জীবনকে ঢেলে সাজতে হবে নতুন করে—এ বিশ্বাস তার আছে। ‘রূপনারায়ণের কূলে/জেগে উঠিলাম/জানিলাম এ জগৎ/স্বপ্ন নয়’ : রবীন্দ্রনাথের অন্তিম কবিতা এই অসামান্য নায়িকার কাছে নতুন তাৎপর্য নিয়ে দেখা দিয়েছে, কেবল একটিমাত্র শব্দ সে বদলে নিয়েছে—রূপনারায়ণের ‘কোলে’।

শহর-ইয়ার-এর এই বিশ্লেষণমূলক দীর্ঘ পত্র তার জীবনের টেস্টামেন্ট। লেখক-নায়ক ধীরে ধীরে নিপুণতার সঙ্গে উন্মোচন করেছেন এই নায়িকার জীবনের তিনটি স্তর। আর—তারপর চতুর্থ স্তর—ওস্তাদের মার অন্তিম—শহর-ইয়ার-এর সঙ্গে ডাক্তার-স্বামীর ভুল ভেঙেছে—আগুনে পুড়েছে ট্রাডিশনে মোড়া পাষণদুর্গ (স্বামীগৃহ)—শেষ হয়েছে স্বামীসঙ্গ বিচ্যুতার জীবন—স্বামীর সঙ্গে অন্তঃসত্ত্বা শহর-ইয়ার এসেছে, চলেছে নবজীবনের সম্মানে—সুইডেনে। সেখানে গিয়ে সে কি পাবে নিজঁনতা? আবার দেখা হবে তো? নায়কের দুটি প্রশ্নের উত্তরে শহর-ইয়ার ক্ষীণ কণ্ঠে জানিয়েছে—‘কী জানি, কী হবে।’

জীবন অনন্ত রহস্যময়—কে জানে কী হবে?—‘টেটে ওঠে পড়ে কাঁদার/

সম্মুখে ঘন আঁধার/পরে আছে কোন দেশে।/.....হাল-ভাঙা পাল-ছেঁড়া
ব্যথা/ চলেছে নিরুদ্দেশে। /পথের শেষ কোথায় শেষ কোথায় / কী আছে শেষে !'
উপন্যাসের নায়িকার জীবনে রবীন্দ্রসঙ্গীতের এতো সার্থক ব্যবহার আমার
আর জানা নেই।

॥ তিন ॥

লেখকের সর্বশেষ উপন্যাস 'তুলনাহীনা'র পটভূমি খৃষ্টাব্দের প্রথম
কয়েকটি মাস, পটভূমি—প্রত্যক্ষে কলকাতা, আগরতলা, শিলং; অপ্রত্যক্ষে সমগ্র
পূর্ব-পাকিস্তান—ইয়েহিয়া'র বৃষ্টির তলায় নিষ্পেষিত পূর্ব-পাকিস্তান—আজাদীর
জন্য অপেক্ষারত রক্তস্নাত বন্ধুশ্রী পূর্ব-পাকিস্তান। সম্প্রতিকালের চড়াসুদরে-
বাঁধা সাংবাদিকতাশ্রয়ী উত্তেজক ঘটনাবলীর বিবরণ নয়, সাহিত্যের সৃষ্টিরূপে
হাজির হয়েছে 'তুলনাহীনা'। এ উপন্যাসের নায়ক-নায়িকা হিন্দু—কীর্তি
চৌধুরী আর শিপ্রা রায়। সৈয়দ সাহেবের চারটে উপন্যাসই নায়িকা-প্রধান।
'তুলনাহীনা'র নায়িকা আর এক অসামান্য নারী, যার ব্যক্তিত্বের প্রভাব সবাই
মুগ্ধ, আলোকিত, রক্ত, বিমূঢ়। শিপ্রা কলকাতার খানদানী উঁচু মহলের
সোসাইটি-লোর্ড, বেলারাদের কথায়—'খাঁটি মিসিবাবা'। পবিত্র মহরম মাসে
ইয়েহিয়া খুনখারাবী করতে ইতস্তত করতে পারে : এই ভুল ধারণার উপর
কলকাতা-আগরতলা-শিলঙের অনেক হিন্দু-মুসলমান নির্ভর করেছিল। সকলেরই
শিকড় আছে পূর্ব-পাকিস্তানে। কিন্তু সব ধর্মভীরু মুসলমান আর হিন্দুদের
সব আশাভরসা নির্মূল করে বজ্রের মতো নেমে এল পঁচিশে মার্চের 'ক্র্যাক-ডাউন'।
এই রক্তাক্ত পটভূমিটি এখানে প্রত্যক্ষে নেই, তবু দু'র থেকেই তার প্রভাব পড়েছে
ভারতের সর্বস্তরে সকল মানবের উপর।

আলি সাহেবের সব লেখার মতই এ উপন্যাসেও রবীন্দ্রনাথ হাজির। বস্তুত
তার সাহিত্যে রবীন্দ্রনাথ সর্বগ, সর্বশক্তিমান। প্রেমিক কীর্তি চৌধুরীর
(শিপ্রার সিলেটী ভাষার আদরের ডাকে 'কিতা') সংবাদের জন্য উৎকীর্ণতা
শিপ্রা অপেক্ষা করছে শিলঙে। অপেক্ষা করে করে শিপ্রা যখন ঐর্ষ্যের শেষ
সীমানায় তখন এল কীর্তি আগমন-সংবাদের 'তার'। আর তখনই লেখক
পেয়ে গেলেন মোকা—এসে গেলেন রবীন্দ্রনাথ—শিলঙ আর দার্জিলিঙের
তুলনামূলক বিচারের মধ্য দিয়ে—'দার্জিলিঙের তুলনাতে ঠান্ডা হেথায় কম
হবে। একটা খন্দর চাদর হলেই শীত-ভাঙানো সম্ভবে।' রবীন্দ্র-কবিতায় বর্ণিত
শিলঙকে প্রতীক্ষার অবসান' শেষে নায়িকা লাইনে লাইনে মিলিয়ে নেন—
'এখানে খুব লাগল ভালো গাছের ফাঁকে চন্দ্রদায়', এখানে 'বাতাস কেবল
ঘুরে বেড়ায় পাইন বনের পল্লবে'। মেঘ আর রোদের, আলো আর ছায়ার

লুকোচুরি খেলা দেখাছিল শিপ্রা শান্ত প্রতীক্ষায়—পাইনের শীর্ষ পল্লবের মৃদু আন্দোলন আর টুকুরো নীলাকাশ ।

‘তুলনাহীনা’ প্রেমের উপন্যাস । রবীন্দ্র-নিষ্ফাত লেখকের কলমে সৃষ্ট উপন্যাস পড়তে পড়তে মনে পড়ে যায় ‘শেষের কবিতা’ উপন্যাসের কথা । কেবল রঙ্গস্থলের আকস্মিক সাদৃশ্য দেখে একথা লিখিছি নে, প্রেমালাপনেও ও বন্যামিতার (লাভণ্যঅমিত রায়) কথা মনে পড়ে যায় । কীর্তিকে শিপ্রা আদর করে কখনো ডাকে ‘কিতা’, কখনও-বা ‘মিষ্টা’ । শিপ্রা কীর্তিকে সেই অধরা প্রেমের বাঁধনে বাঁধতে চেয়েছে যে বাঁধনে অমিত রায় বাঁধতে চেয়েছিল লাভণ্যকে, তফাৎ এইখানে, লাভণ্য অমিতের প্রেমে শেষ ভরসা রাখিনি, কীর্তি শিপ্রার প্রেমে তা রাখতে চেয়েছে । রবীন্দ্র কাব্য আর উপন্যাসের ভাষার স্বাদ পাই মৃজ্তবা আলির উপন্যাসে—

আলিঙ্গন ঘনতর করে বাষ্পভরা কণ্ঠে কীর্তি বললে, ‘এই তো আমার অক্ষয় সম্পদ । তোমার প্রেমই আমাকে দেখিয়ে দেবে পথ, ভরে দেবে আমার বুক সাহস দিয়ে, আর সবচেয়ে বড় কথা—আমার মত অপদার্থকে করে দেবে কর্মনিষ্ঠ । যেখানেই যাই না কেন, যেতে যেতে যতই ক্লান্ত হয়ে পড়ি না কেন, তোমার কথা ভাবলেই পাবো নবীন উৎসাহ ।’ (তুলনাহীনা, দ্বিতীয় খণ্ড, একাদশ অধ্যায়)

কিমাশচর্যমতঃপরম্ ! শহর্-ইয়ার তার শেষ চিঠিতে রবীন্দ্রনাথের যে প্রেমগীতির শরণ নিয়েছে, শিপ্রা রায়ও বিদায়বেলায় সেই গানেরই শরণ নিয়েছে (তুলনাহীনা, দ্বিতীয় খণ্ড, একাদশ অধ্যায় পশ্য) । অথচ দুজনের সামাজিক ও মানসিক পরিস্থিতিতে কত ব্যবধান ! আর এই ব্যবধান সত্ত্বেও দুজনে একই ধাতুতে গড়া । দুই নালিকার বস্তব্য উপস্থাপন-রীতি কত আলাদা, তবু একই গানেরই ব্যবহার ।

শহর্-ইয়ার-এর উক্তি :

আমি রবীন্দ্রসঙ্গীত বেশ ভাল করেই চিনি ।...তার শেষের দিকের গানের একটিতে হট্-স্টাফের কিঞ্চিৎ পরশ আছে : ‘বাসনার রঙে লহরে লহরে রঙিন্ হল । /করণ তোমার অরুণ অধরে তোলো হে তোলো ॥’ আর বার বার বলছেন ‘পিয়ো হে পিয়ো ।’ সর্বশেষে বলছেন, আমার এই তুলে-খরা পানপাত্র চুম্বনের সময় তোমার নিশ্বাস যেন (আমার) নিশ্বাসের সঙ্গে মিশে যায় । এই যে পিয়োর ‘নবীন উষার পুষ্পসুবাসের মত নিশ্বাস, একে নিঃশেষে শোষণ করার মত সাব্লাইম কাম আর কী হতে পারে ?’

অন্যাদিকে অফুরন্ত আদরে কীর্তিকে আচ্ছন্ন করে দিচ্ছে যে নায়িকা, সে-ও শরণ নিয়েছে একই গানের—

কীর্তির ঠোঁটের কাছে এনে তার নিশ্বাস শিপ্রা আপন নাক দিয়ে নিঃশেষে শুষে নিয়ে গুনগুন করে গাইলে, ‘আমাতে মিশাক্ তব নিশ্বাস নবীন উষার পুত্প সুবাস—’ বার বার। তারপর আবার বার বার ‘বাসনার রঙে লহরে লহরে রঙিন হল, হে প্রিয়/ করুণ মম অরুণ অধর পিয়ো হে পিয়ো।’ তারপর কীর্তিনীয়া রীতিতে বার বার আখর দিলে, ‘অরুণ অধর পিয়ো হে পিয়ো।’ মাঝে মাঝে থেমে থেমে কীর্তির নিশ্বাস নিঃশেষে শুষে নিয়ে আপন বুক ভরে নেয়—তার শ্রান্তি নেই ক্লান্তি নেই।

‘তুলনাহীনা’ উপন্যাসের শেষে ইয়েহিয়ার বব’র আক্রমণকে পষুর্দস্ত করে স্বাধীন বাংলাদেশ নিজের পায়ে দাঁড়াবেই, দাঁড়াবে, এই আশ্বাস উচ্চারিত হয়েছে, শিপ্রার রোমাণ্টিক প্রেম কীর্তিকে পেয়ে ধন্য হবে, সুখদ পরিণামেরও ইঙ্গিত আছে। শহর-ইয়ার-এর ইন্টেলেকচুয়াল বিশ্লেষণ প্রবণতা শিপ্রার নেই, কিন্তু কীর্তির কথায়—‘তুমি সত্যি শিপ্রা—শব্দটি এসেছে ক্ষিপ্রা থেকে, অর্থাৎ যে দ্রুতগতিতে চলে। তুমি প্রথম যেদিন আমার দিকে তাকিয়ে একটুখানি—কেউ-দেখলো-কেউ-না—প্রসন্ন স্মিত হাস্যের আভাস দিয়েছিলেন—সেদিনই শিপ্রা জেনে নিয়েছে কীর্তিকে। বাংলাদেশের শেষ বিজয়ের আশ্বাসের সঙ্গে মিশে আছে কীর্তির জন্য শিপ্রার ভালবাসা। ‘শিশুর মত সরল চোখে তাই (কীর্তি) দেখতে পেল, সেই মধু মধু, সেই মৃদু হাসি, সেই সুধাভরা আঁখি।’

দুটি অসামান্য নারীচরিত্র সৃষ্টি করেছেন আলি সাহেব ‘শহর-ইয়ার’ আর ‘তুলনাহীনা’ উপন্যাসে। এ দুটি উপন্যাস পড়ে কোন পাঠক বা পাঠিকা যদি ঠোট উল্টে বলেন, ‘বুড বেশী রবীন্দ্রনাথ’, তাহলে অনুমান করি, সৈয়দ মজুব আলি, শহর-ইয়ার-এর মতই কবুল করবেন, “ঐ তো আমার দোষ! কোনো কিছুর বলতে গেলেই আমার রসনায় এসে আসেন নেয় রবি ঠাকুর, কালিদাসের রসনায় যে-রকম বীণাপাণি আসর জমিয়ে মধুচক্র গড়তেন।”

অরুণকুমার মুনোপাধ্যায়

বঙ্গভাষা ও সাহিত্যবিভাগ
কলিকাতা বিশ্ববিদ্যালয়



তুলনাহীনা

খান সেনাদের হাতে নিহত
আমার পরম স্নেহের ভাঞ্চে
ওয়ালীর স্মরণে...

“লে, চ’, ঝপ্ করে আরেকটা গিলে ফেল্ ।”

“না, দাদা । আমার আর সইছে না ।”

“ঐ তো তোদের দোষ । হুইস্কি, হুইস্কি আর হুইস্কি । স্কচ্ হুইস্কি । ভগবানের যেন খেয়ে-দেয়ে অন্য কোন কর্ম ছিল না । তাঁর কুঞ্জের রস ঢেলে দিলেন ঐ ধেধেড়ে পাহাড়ে স্কটল্যান্ডের খাজাদের মধ্যখানে । আরে ব্যাটা ঐটেই যদি দুনিয়ার সব চেয়ে সেরা মাল হত তবে ঐ খেয়ে ওদেশের লোকগুলো দুনিয়ার সেরা সেরা কেষ্ঠাৰিষ্ট হুল না কেন ? বাবুৱা তো এখনো ইংরেজের গোলাম । ওঁদিকে দেখ্, ফরাসীদের । গুশীনদের জাত । খায় দুনিয়ার সব চেয়ে সেরা মাল,—বদৌ, বর্গাণ্ড, শ্যাম্পেন্ । নাচে, গানে, প্রেমে—”

কীর্তি বাধা দিয়ে বললে, “বাঁচালে, সুদিনদা, তুমি তো জানো, আমি হস্তা দুর্দিন ধরে—”

“একটি জান্-খুশ, দিল-তরুর্, পরীতে মজ্জিস । তা বেশ, তা বেশ, তা বেশ । অতি উত্তম প্রস্তাব । তবে কি না আস্ত একটা আসুপ্ত ভলকানো । তা বেশ, তা বেশ !”

এই আমাদেরই গানে গন্ধের চেয়ে গণগন্ধে ভরা কলকাতারই একটি অতি বিখ্যাত বার্-এর সম্মুখে দুটো দেড় গজী স্টেনলেস্ চোঙার লাল মূন্ডুর উপর বসে দুই ইয়ার পণ্ড মকারের শ্রেষ্ঠতম যে “ম”টি সর্ব বার্-এ খুশ্বায়ে ম ম করেন তারই সেবা করতে করতে মধ্যমণি তৃতীয় “ম”-এর আলোচনা-চরে নোকো ভিড়িয়েছেন । কিন্তু হঠাৎ করে দুজনাই ক্ষণতরে বার্-এর গর্ভদেশের প্রতি প্রীতিপ্রসন্ন নড় করলেন । কারণ বার্-এর বারাজনা কও আর বরাজনাই কও, বার্-মেড্ শ্রীমতী বেয়াগিচে ইতিমধ্যে লক্ষ্য করেছেন, দুনো ইয়ারের গেলাস তলানিতে এসে ঠেকেছে এবং সেটা যে তিনি অবশ্যই লক্ষ্য করেছেন তারই স্বীকৃতিস্বরূপ মোলায়েম মূদুহাস্য মুখে মাখলেন । হেস্টিংস্ হািডঞ্জের লীলাভূমি মহানগরীর মহা-বার্-এর মহারানীর এতখানি দূরদৃষ্টি ও পরাভাব-কাতরতা অবশ্যই আছে যে, এই খানদানি বার্-এ কোনো মেহমানকে কোনো কিছু নিজের থেকে চাইতে হয় না—তা সে “আই সে মিস্” বলে তাঁকে ডাক দিয়ে কিংবা শূন্য গেলাসের উপর ঠুংঠাং করে জলতরঙ্গ বাজিয়ে ;—এমন কি উচ্চ মণ্ডাসনের সামান্যতম উস্খুস্ ম্বারা আপন অস্বস্তিটা প্রকাশ করে কোনো মেহমানকে কস্মিনকালেও সিমোরীনা বেয়াগিচের নেকনজর আকর্ষণ করতে হয় নি । সে-পরিস্থিতি, সে-ইন্কিলাব্ ঘটবার বহুপূর্বেই বেয়াগিচে নিঃসন্দেহে আত্মহত্যা করবেন । সে আত্মনাশ জাপানী হারাকিরি প্রতিষ্ঠানের চেয়েও স্বতঃসিদ্ধ, স্বয়ংভু ।...কবে, কবে সেই ফির্পো পের্লিস্তি, তার পূর্বেকার স্পেনসার-এর আমলে এ দেশে এসেছিলেন বেয়াগিচে গোষ্ঠীর প্রথম মহিলা । বসন্তসেনাশ্রেণীয়া মনোরঞ্জনী, চিন্তহারিণী এ-পরিবার—বংশানুক্রমে ।

এখনো আমাদের এই সমসাময়িক বেয়্যারিচে বিপদে-আপদে উৎসবে-ব্যসনে সুদিনদা এবং তার পাঁচো ইয়ারের সম্মানরক্ষার্থে তাঁদের পাটির মক্ষিরানীর রূপে সেখানে ত্রিযামা যামিনী যাপন করে আসেন। তাঁর এখন বয়ঃসম্বন্ধাল, অবশ্য কিঞ্চিৎ ভিন্নার্থে; তিনি যৌবন আর ভরা যৌবনের মাঝখানে। আমাদেরই ইতিহাসে তিনি পরিপূর্ণ “স্টার” না হলেও ক্ষণে ক্ষণে বিদ্যুৎলেখার মত বার বার আমাদের সর্বক্ষেত্র শিহরণ জাগিয়ে যাবেন।...তাই এই বেলাই তাঁর সম্বন্ধে কিছুটা বলে নিতে হল।

“আবার দেব?” কিংবা “ইয়েস্ প্লীজ?” বাঁধা গতে বেয়্যারিচে ফ্যালনা বার-মেডের মত খন্দেরদের সম্মুখীন হন না। সামান্যতম মূদহাস্য দিল্পে জানালেন, “এই যে?” অর্থাৎ “জানি। কি চাই, কখন চাই, জানি। আসছে।”

দুই ইহারও মানানসই স্মিতহাস্য না-বলা থ্যাৎকু জানালেন।

ছিঁড়ে যাওয়া রসালাপের রিপুকর্মটি করতে করতে কীর্তিনাশ চৌধুরী দ্বিধা অভিমানের সুরে বললে, “সুদিনদা, তুমি মাইরি আমার চেয়ে আর ক’ বছরের সিনিয়র? আমাকে যা বলতে চাও সোজাসৃজ্ব কইলেই পারো। ‘আস্ত একটা ভালকানো’ কথাটার মানে কি? মিস্ শিপ্রা ভোরের শিশির-ভেজা শিউলিটি নন সে তো তুমি জানো আমার চেয়েও বেশী। আর পাঁচজনের তুলনায় তুমি তাঁকে কতখানি বেশী জানো—” কিঞ্চিৎ গলা খাঁকারির পর— “মানে, ইয়ে, কত দিক দিয়ে সেটা অবশ্য আমার অজানা, কিন্তু অপ্রায্য হবে না, ভরসা আছে। তুমিই তো, বাপু, আমাকে আলাপ করিয়ে দিয়েছিলে তাঁর সঙ্গে।”

সুদিন চৌধুরী : “অপরাধ করেছিলুম কি? চুপ করে রইলি যে? এবং এই চুপ করে থাকাটাই সদুত্তর। শুধু তাই নয়, তার মধ্যে গভীরতম সত্য লুকনো আছে। এই যে তোদের পোয়েট রবিবাবু গেয়েছে,

‘দেখা হয়েছিল, তোমাতে আমাতে

কী জানি কী মহা লগনে—’

কেন বাপু, ‘শুভ লগনে’ বললে অপরাধটা কি হত? অ। তা হলে তেনার অরিজিনালিটি থাকতো কোথায়?—তাই না? যেদো-মেদো, এস্তেক মুসলমানদের গাইয়া পোয়েট বসিরুদ্দী মূদম খাঁ তক ‘শুভ লগন’টা এ্যাসন জাবড়ে ধরে আছে যে ঠাকুর-বাড়ির তেতলার কাঁব, রাজপুস্তুর দ্বারকামাথের নাতি, আগাপাস্তলা একটা নয়া ধর্মের ভগীরথী দেবেনঠাকুরের নন্দন নোবেল ঘোড়ার রেসে পয়লা নম্বরী সওয়ার তিনি ঐ হাজাপচা ‘শুভলগন’টা এস্তেমাল করেন কি প্রকারে? না? কিন্তু তা নয়। এ-উত্তরটা অতি রশিদ মার্ক প্রোলেতারিয়ার যা-তা উত্তর। আসলে ঐ যে যেতে যেতে পথে দেখাটা হয়ে গিয়েছিল তার ফলে হল প্রেম—পূর্বরাগ, অনুরাগ, চুম্বন, আলিঙ্গন-এটসেটরা-গল্পহ-ইত্যাদি-

কিন্তু সে-সব থাক্। ওসবের কথা তুললে কিফ হোসের তরুণরা তেড়ে আসে। প্রেমের এসব বস্তাপচা প্রাগৈতিহাসিক পর্থাতি এখন যাদুঘরের মাল—ম্যাজিলাম পিস্। হক্ কথা। কিন্তু দাদা, তার সঙ্গে সঙ্গে যে-বিরহ, হুস্ করে বিবিজ্ঞান তোমাকে ঠাঠা রোন্দুরের রাঁদেভুতে ছিবড়েটার মত ফেলে দিয়ে ড্যাং ড্যাং করে চলে গেলেন লেকচারারটার সঙ্গে সিনেমায়—আরো কত কী, সেগুলো কি “শুভলগনে” দেখা হওয়ার সিম্‌টম্? মোটেই না। মিলনের চূষন = শুভ-লগন + রাঁদেভুতে কণ্‌মর্দন = অশুভ লগন। একুনে, মহালগন।

তোকে যে ম্যাডাম শিপ্রার সঙ্গে আলাপ করিয়ে দিয়েছিলুম সেটা মহালগন। শিপ্রাপারে পেঁছে গেছি, আর তোর মাথাব্যথা কিসের। শিপ্রা তো মধ্য-প্রদেশে? না? বেড়ে দে না একথানা আর্জেন্ট টেলিগ্রাম ঐ প্রভিন্সের টুরিস্ট ব্যুরোকে। ব্যস্। তবে হ্যাঁ, ওদের প্লেজার ট্রিপ লাগে আকছারই যাত্রী থাকে দেদার।

তা সে যাক্ গে। কথা হাঁচ্ছিল,—”

আখ্-খ্-খ্। শাস্ত্রালোচনায় অহরহ বিয়বিপাতি!

কি ব্যাপার?

বার্-টার পাশেই ডাইনিং-ডান্‌সিং-কাবারে এই তিন প্রকারের আনন্দভবন মিলিয়ে টাউস এক জলসা-দরবার। বার্-এ তো মেয়েমশেদ গিস্‌গিস্‌ করছিল, সে তো প্রায় উদয়াস্ত লেগেই আছে। কিন্তু নবাব খাজা খাঁর আসল রঙ-মহল পাশের সেই পণ্ডরঙ্গের শ্রীরঙ্গমে একবার কেউ সম্মুখ সংগ্রাম লড়ে সে-ভিড়ে প্রবেশ করতে পারলে সে-ব্যক্তি আর কস্মিনকালেও বলবে না, কলকাতার বাস্‌গুলো বস্তু ক্লাউডেড। আপনি শক্তসমথ জোরান মন্দ মানু্ষ—আপনার নিতম্ব নির্মর্দিত হবে ম্‌হু্‌ম্‌হু্‌। আপনি ধর্মশাস্ত্রের অনুশাসন মানেন—আপনি রিজার্ভ টোবিলে পেঁছতে না পেঁছতে আপনি দলিত মর্দিত পিণ্ডিত এবং আর্লিগিত হবেন কেরালার তন্বী শ্যামা থেকে আরম্ভ করে, নাঁড়ক র্গ্‌ডনীগণের অকুপণ সহযোগিতা পেরিয়ে সর্বশেষে পুঞ্জীভূত মাংসাধিকারিণী মার্কিনীদের সঙ্গে অগনুঁতি কলিশন লাগিয়ে লাগিয়ে নব নব রেকর্ড নির্মাণ করে করে।

সেখানে লেগেছে আজ সম্পূর্ণ ভিন্ন নয়া এক ধুন্ধুমার।

আমাদের দুই ইয়ার এসব ব্যাপারে সচরাচর নির্বিকার। বলতে গেলে এরা এবং এদের গাঙা দুই দোস্ত মাতৃগর্ভ থেকে বেরিয়ে হামাগুড়ি দিতে দিতে হাঁটতে শিখেছেন এই জলসাবরেরই মার্বেল পাথরের মেঝের উপরে।

কিন্তু আজ ভিন্ন গীত।

কাইরো না বেইরুৎ কোথা থেকে এসেছেন সদলবল এক বিশ্ববিজয়িনী নর্তকী। উর্বশী মেনকা থেকে আরম্ভ করে ইজাডরা ডান্‌কান্‌ আনা

পাভলোভা তক আবহমান কাল থেকে আর সবাই নেচেছেন দু-খানা পা দিয়ে, কিন্তু এই দাঁড়িয়ারনী নাচবেন পেট দিয়ে। সোনার পাথর বাটও বন্ধি কিন্তু, কিন্তু—পেট দিয়ে নাচ!

সাপ হাঁটে পেটের উপর দিয়ে কিন্তু সেও তো দেখে নাচের সময় পেটের তোয়াক্কা না করে নাচে কাঁধ দিয়ে, ফণা দিয়ে, কোমর দিয়ে, ল্যাজ দিয়ে, যদিও সাপের পেটটা তার দেহের আণাপান্তলা জুড়ে। আর যদি ভাবার্থে নেন তবে এই সেই উদরসর্বস্ব ফিরাঙ্গ জাত, সেও তো পাক্কা দু'শটি বছর এ দেশের চাষাভূষার অন্য মেরে আপন পেট ফাটিয়ে দিলে, কিন্তু কই, তাকেও তো কখনো ঐ দু'নিয়া-থেকে পেট দিয়ে নৃত্যের তালে তালে মা মহারানীর বন্দনা করতে দেখি নি!

যে কলকাতার তাবলোক পাঁচপেয়ে বাছুর দেখার তরে রিস্টওয়াচ গছা দিয়ে রেস্ট যোগাড় করে তারা আসবে না হৃদয়হৃদয় হয়ে এই বেলি-ডান্‌স্, উদারিক নৃত্য পেটভরে দেখতে!

দুই ইয়ার ঐ উস্তাল জনসমুদ্র উল্লঙ্ঘন অসমীচীন বিবেচনা করে যোগাড় করলেন একখানা উচ্চপদী চেয়ার। তার উপর দাঁড়াতেই স্পষ্ট দেখা গেল নার্তিবস্ত্রীর্ণ নটমণ্ড।

তখনো উচ্ছেভাজার পয়লাপদ শেষ হয় নি। অর্থাৎ নটরাজ অবতীর্ণ হওয়ার পূর্বে নন্দীভঙ্গী দু'কদম আনাড়ি নৃত্য নেচে নিচ্ছেন। তখন বোঝা গেল, হট্টগোলটা উঠেছিল বিরক্তি এবং কথাম্ব উৎসাহ বশতও বটে—এসব হাবিজাবির ঠেলায় মেঘে মেঘে যে বেলা হয়ে গেল, আসল মাল বের করবে কখন? এরা কি পিস্তি না চাটিয়ে খেতে জানে না?

হঠাৎ সব আলো ক্ষণতরে নিভে গেল। পাঁচ নাগর তার ফায়দাটা ওঠাবার পূর্বেই নন্দনকানন থেকে নেমে এল এক শ্যাফ্ট্‌ নীল আলো। আবছা আবছা দেখা গেল যেন সমুদ্র থেকে ভেসে উঠছেন মরুভূমির স্ফিন্‌ক্স্, কিন্তু, তব্ধী নারীরূপিনী এবং দেখা-না-দেখার আলোছায়ার ইন্দ্রপূরীর যেন ইন্দ্রধনু।

সে আবেশ কাটেতে না কাটেতেই আরো অকস্মাৎ কি হতে কি যেন হয়ে গেল। হলসুন্দর তাবলজন যেন বানের জলে হাবুডুবু খেতে লাগল। নাঃ! তেমন কিছু একটা প্রলয়ঙ্করী ব্যাপার নয়। মাত্র গণ্ডা দশক সূর্য যেন জ্বলস্বায়ের মাধ্যখানে যেন একটা এটম বমের মত ফাটিয়ে দেওয়া হয়েছে, আর তারই আচমকা ধাক্কায় তাবৎ পেট্রন-পেট্রনীদের চোখের মণি গেছে উল্টে—সেঁধিয়ে গেছে ভেতর বাগে।

স্থানদ্বর মত দাঁড়িয়ে নটরানী—সেই বন্যার উপরে স্টেজের মাঝখানে।

সম্পূর্ণ নিশ্চল। চোখের পাতাটিতে পর্যন্ত কম্পন শিহরণ স্পন্দন কিছু।

না, কিছুটা নেই। কিন্তু ঐ নিশ্চলতা থেকে সঙ্গে সঙ্গে যেন কোন এক চুম্বন সঙ্কলের দৃষ্টি টেনে নিয়ে গেল নটরানীর নাভিকুণ্ডলীর দিকে।

টগর ফুলের পাপাড়ি কোমর বেঁকিয়ে যেন সর্বাঙ্গে পাক খেয়ে ঢলে পড়ে পাশের পাপাড়িটির উপর, তিনি ফের তাঁর সখীর উপর এবং এই করে করে মাঝখানের স্থির বিন্দুটিকে কেন্দ্র করে সব কাঁচি সখী যেন নেচেই যাচ্ছেন, নেচেই যাচ্ছেন একে অন্যের পিছনে—আমৃত্যু সে রাসনৃত্য!

নটরানীর নাভিকুণ্ডলীটি যেন টগরিনীদের রানী।

ক্ষুদ্রাতিতম ক্ষুদ্র নটরানীর নাভিটি; কেন্দ্র বিন্দুটি। আর সেই বিন্দুটিকে কেন্দ্র করে হুবহু টগরের পাপাড়ির মত মাংস বলুন, পেশী বলুন একের পিছনে আরেকটি যেন নেচে চলেছে চক্রাকারে। নাভিকুণ্ডলীর দিকে যেন ক্রমাগত পাকের পর পাক খেয়ে যাচ্ছে ক্ষুদ্র ক্ষুদ্র সঙ্গঠিত পেশী-পাপাড়ি।

টগরের পাপাড়ি নাচে এক জায়গায় ধীরস্থির দাঁড়িয়ে। এ-স্থলে তা নয়। এ-নারীর কুণ্ডলী-পাপাড়ি পরিপূর্ণ প্রাণবন্ত। এরা একে অন্যের পশ্চাতে কভু দ্রুত কভু মন্দ লগ্নে যেন চটুল পদক্ষেপে পটৌসসী রাশান বালু-এ নর্তকীর মত নৃত্যে নৃত্যে চক্র রক্ষা করে।

নাভিকুণ্ডলী নিয়ে এ-হেন ভৌতিকবাজী দেখানো যে স্দুর্কঠিন, স্দুর্কঠিন কেন, অসম্ভব সে তত্ত্ব যে-কোনো মাসুলু-ডান্‌সার কসম খেয়ে স্বীকার করে নেবে। কিন্তু এহ বাহ্য, আগে গিয়ে পূর্ণ সত্য অনুভব হয় তখন, যখন রাত-কানা জনও হঠাৎ লক্ষ্য করে যে নটরানীর বাদবাকি সর্বাঙ্গ নিশ্চল, নিষ্কম্প প্রদীপশিখাবৎ। বস্তুত ঐ যে ওটা গতিশীলা নিব্বরিণী নয়, নিতান্তই সীমাবদ্ধ নিস্তরঙ্গ নিপ্রাণ সরোবর, অর্থাৎ দ্বয়ের পাকচক্রে না থাকলে মনে কোনো শ্বিধারই উদয় হত না—‘এ তো মেয়ে মেয়ে নয়, প্রতিমা নিশ্চয়।’

কীর্তনাশ ফিস্‌ফিসিয়ে বললে, “হুঃ। এ তো স্রেফ হুনুরির একটা কৌশল! এতে আর্ট কোথায় জানেন শুধু কুবের কুল মেড়ো গুঁটি। পেরেকের বিছানার উপর শূয়ে শূয়ে কাটান যারা বর্ষা-বসন্ত তেনারা তা হলে এ মহাপ্রাসাদের বিজয়িনী মিশরিনীর চেয়ে হাজার দফে গুনানী পাভলোভা-শঙ্করের গুরুর গুরু। হবেও বা। নইলে এ-মহাফিলের চাইসব মেড়োরা এখানকার নাভিকুণ্ডে স্নান সেরে নাক বরাবর ধাওয়া করবেন কেন পেরেক শয্যাশায়ী গুরু মহারাজকে টিপ টিপ করে পেনাম জানাতে? ধন্য, বাবা, তোমাদের আর্ট, নৃত্যকলা,—উর্বশীমাগে মোক্ষলাভের চতুর্থ মার্গ!”

ইয়ার সাদিনদা ঢের ঢের উঁচু দরের খলিফে। কীর্তনাশের পাঁজরে কনুই দিলে একখানা সরেস গুস্তা মেরে বললেন, “ওরে আচাভুয়ো’ চাটীচস হুহুস্কির বোতলটা, আর শূধোচ্ছস এতে আবার নেশা কোথায়? সবুর কর এক লহমা। এখখনি তেড়ে আসবে উড়ের হাত থেকে হোজের জলের তোড়ের মত রসের

মুগ্ধর। কালবোশেখীর ঝড়ের আগে, দেখেছিস তো থমথমে ভাবখানা? তার পর লাগে বটগাছের মগডালে এ্যাট্রনটন কাঁপন। উপস্থিত শূর, হয়েছে তারই খেন দোহার। দাঁড়া না, হুড়মুড়িয়ে ঝড় নামলো বলে।”

একদম করেক্ট্ আবহাওয়ার পূর্বাভাস। বেতারকে টিট দিয়ে।

তবে হ্যাঁ, আলবৎ, ঝড়টা হুড়মুড়িয়ে নামে নি। নামলো ধীরে মশ্বরে। কিন্তু দিব্বলয় আচ্ছাদন করে।

পুকুরের মাঝখানে ঢিল ছুঁড়লে যেমন সেখান থেকে চক্ৰটি চতুর্দিকে চক্ৰাকারে ক্রমে ক্রমে সম্প্রসারিত হতে থাকে এক্ষেত্রেও হুবহু তাই। নাভিকুঁড়লীর নৃত্য ডাইনে বাঁয়ে সম্পূর্ণ নীবিবন্ধকে উন্মেষিত করে তুললো। এদেশের শাস্ত্রীয় সঙ্গীতে যে-রসকে “বাজুবন্ধ খুল খুল যাওত” রূপে সূত্র ধরিয়ে দেওয়া হয়েছে এম্বলে সে-রসই বাজুচক্ৰ ত্যাগ করে কাঁটচক্ৰে সঞ্চারিত হল। নাভিচক্ৰ থেকে উচ্ছরসিত উন্মেষিত হয়ে কম্পন আন্দোলন হল উর্ধ্বমুখী অধোগামী। সর্বদেহে কী আবেগ, কী আবেশ। হৃৎপিণ্ড মুহামান।

পর্ণেশিদ্রয়, সর্বচৈতন্যের বিলুপ্তি আসন্ন।

বেয়ারা কীর্তিনাশের কানে কানে বললে, “হুজুর, আপকে লিলে বহুত জরুরী ফোন।”

দ্বিতীয় অধ্যায়

“হ্যালো?”

“হ্যালো। কীর্তি? শোনো—”

এ যে একেবারে নয়া ব্যাপার। কীর্তির হৃদয় দুয়ারে লিলি ডাল বজ্র নরগিস মাঝে মাঝে টোকা দিয়েছে বটে কিন্তু সে নিতান্ত হলে হল, না হলে না গোছ—কিংবা অগত্যা ইংরিজিতে যাকে বলে অন্ এ রেনি ডে; আর এ হল ঠিক তার উল্টো, এখানে রেন্ নামলো থা থা খটখটে শুকনো মাঠে।

“তুমি আধঘণ্টাটাক পরে এখানে আসতে পারো?”

“কেন? ব্যাপার কি?”

“মানে? তুমি কি কিছুই বুঝতে পারো না? তোমার কি কখনো বয়স হবে না? কেন, কেন, কেন? মিস্টিকে বুঝিয়ে বলতে হয় কেন তাকে ডাকছি, দর্জিকে ডাকার কারণটা তাকে বুঝিয়ে বলতে হয়। তুমি কোনটা যে তোমাকে কারণ দেখাতে হবে?”

বেচারা কীর্তিনাশ। এই অবলোয় অকস্মাৎ অবাচিত অনুগ্রহ। এখন কি আর তার সে বোধশক্তি আছে যে কোনটা ঘটে সকারণে আর কোনটা ঘটে দেবতাদের যখন নিতান্তই কোনো-কিছু করবার থাকে না বলে মানবলি

রিটার্নে “নাম্বার অব্ এ্যাক্শন্ টেকেন” দেখাবার তরে। শিপ্রা তখন দেব-
তাদের একজন। মুখর্ কীর্তির বোঝা উঁচিত ছিল, অকারণ অনুগ্রহই অনুগ্রহ।

হঠাৎ অতিশয় মধুরা নিস্তেজ গলায় “কীর্তি, আমার বস্ত লোনালি লাগছে
যে। তুমি এসো।”

খুটে!

কে বলে কীর্তির নাম কীর্তিনাশ। কীর্তিমান পুরুষ সে। কীর্তিনাশা
নদী যখন ঐ বংশের সর্বশেষ সন্তানের সর্বশেষ পুরুটি (!) পর্যন্ত
গ্রাস করে ঢেউয়ের ডাকে ডাকে ঢেকুর তুলছেন তখন জন্ম নেয় এই সন্তান।
বংশটা লোপ পেলেই করালী কীর্তিনাশা নদী আপন কৃতিত্বের পরিপূর্ণ
সাফল্যলাভের আত্মপ্রসাদ প্রসাদাৎ অবশ্যই একটা কীর্তিস্তম্ভ নির্মাণ করতেন যে
ভূমি গ্রাস করেছেন তারই কোনো এক ভেসে-ওঠা অংশের বালুচরে। সেটা
যখন নিতান্তই হল না তখন শেষ সন্তান কীর্তিনাশ নামের স্কন্ধে পীঠ স্থাপনা
করে একাই চৌধুরি-যোগিনী রূপে উচ্চাটন নৃত্য নেচে যেতে লাগলেন।

ফোন ছেড়ে ভরাপাল তুলে বার-এ ফেরার সময় কীর্তিনাশ আপন পিঠ
চাপড়াতে চাপড়াতে মনে মনে বললে, “ছোঃ, আমার নাম কীর্তিনাশ না কচুনাশ।
শিপ্রাপুলিন-বিহারী নাগরদের এক ফু মেরে পাঠিয়ে দিলুম পম্মার হে-পারে।
সুদিনদাটা একদম বড়বক! বলে কি না, ছুঁড়িছুঁড়ির দোআঁশলা না কি
যেন। যে রমণীর চতুর্দিকে অষ্টপ্রহর কবি সাহিত্যিক ফিলিমস্টাররা ঘুর ঘুর
করছে, যার জিরোবার তরে একলহমা ফুরসৎ নেই সে-মেয়ে ফীল করছে লোনালি।
তার হৃদয়টা অত সহজে ভরে না। সুদিনের কথার কোন মানে হয় না।

বার বার কীর্তিনাশের বৃকের রক্তে রিনিরিনি করে বেজে উঠছে “আমি
লোনালি”—এবং সঙ্গে সঙ্গে তার সর্বচৈতন্যে ছিড়িয়ে পড়ছে গভীর এক প্রশান্তি।

আবার তার মন ভরে জেগে উঠলো, “আমি লোনালি।” কেমন যেন মনের
ভিতর হঠাৎ কে যেন একটা ইয়া লম্বা বিজয়-পতাকা খাড়া করে খটাস করে
মিলিটারি কায়দায় তাকে একটা সেলুট ঠুকে জানালে সে বীর, সে বিজয়ী;
শিপ্রা মহারানী ভিক্টোরিয়ার স্বয়ংবরে সে প্রিন্স্ এলবার্ট। কে না জানে
ইয়োরোপের সর্বদেশের রাজপুত্রেরা তখন জমায়েত হয়েছিলেন লন্ডনে যে যার
রাজাডম্বর নিয়ে।

সঙ্গে সঙ্গে কীর্তিনাশের বৃকের ভিতর কে যেন বলে উঠলো, “ছিঃ! এ
কি কথা! এটা কি আলিপনুরের ঘোড়দৌড় যে তুমি পরলা নম্বরী হয়েছ
বলে দেমাকে মাটিতে পা পড়ছে না—ফারাক শুধু এইটুকু, ঘোড়ার চারটে পা,
তোমার দুটো।”

কে বোঝে এই সামান্য সত্যটুকু? ইহ সংসারের সুন্দরতম প্রান্তে একাঁট
রমণী—হোক সে সুন্দরী সদাচার, হোক সে উপেক্ষিতা কদাকার—তার জীবন

যেন হঠাৎ অর্থহীন হয়ে গিয়েছে, মহাশূন্যে সে যেন হঠাৎ একা, সে লোনালি। সে তখন স্মরণ করলো তোমাকে। “তোমাকে স্মরণ করেছে”—এর পর তে আর কোনো চরমতর সত্য নেই। এর থেকেই তো প্রতিষ্ঠিত হল যা জীবের কাছে চরমতম উপলব্ধি—সে আছে, তার অস্তিত্ব তার নিজের কাছে এই প্রথম প্রতিষ্ঠা লাভ করলো।

* * *

“ওরে ইন্ডিয়ট এদিকে আর। কেটে পড়ছিস যে বড়।”

হ্যাঁ, আধ ঘণ্টা পরে যেতে বলেছে। ততক্ষণে ঝপ করে আরেকটা—

বার-এ তখন পুরো দমে যা তর্কাতর্কি চলেছে কোথায় লাগে তার কাছে উভয় ভিরেৎনামের লড়াই। যদিও তর্কের বিষয়বস্তু কবে—সেই প্লাতো না লাওৎসের আমল থেকে।

ডান্‌স্—বেলি ডান্‌স্—সেক্‌স্।

সরকার পক্ষের প্রধান বক্তা কিউ সি শ্রীযুত সুদিনের মুখে এক বুলি। আর্ট ফর আর্টস সেক্। সঙ্গীত হোক, কাব্য হোক, নৃত্য হোক—তার একমাত্র উদ্দেশ্য রস সৃষ্টি করা। “বিদ্রোহী” কবিতা জনপ্রিয় হওয়ার ফলে দেশের স্বাধীনতা আড়াই মিনিট আগে এল না পরে এল, মোনা লিজার ছবি দেখে তাবৎ ফরাসিনী পুরুষোকে কাতর অবস্থায়ও আ লা মোনা লিজা মূর্চকি মূর্চকি হেসেছিলেন কি না, কিংবা বিলকুল শব্দার্থে কান-কাটা ডান গণের ছবি দেখে চিত্রামোদীগণ আপন আপন কান কাটাবার জন্য সার্জনদের কসাইখানায় কিউ কেটেছিলেন কিনা সেটা সম্পূর্ণ অবান্তর। বেলি-ডান্‌স্ ইজ বেলি ডান্‌স্। আসল দৃষ্টব্য, উদরমর্গ নাভিসরোবরে রূপসাগরের যে তুফান জেগে উঠলো সেইটে দেখে তোমার চিস্তারাজ্য কি আকুল হয়ে ওঠে নি ঐ সরোবরে অবগাহন করে হৃদয়জ্বালা জুড়েতে? তুমি কি ভুলে যাও নি ক্ষণতরে ক্ষুদ্র ঐ নাভি-কুণ্ড বিশাল চিলকা কুণ্ড নয়, তুমি—”

কাঁর্তির মনে অন্য ভাবনা। শিপ্‌রার কাছে যাবো কোন ড্রিংক খেয়ে? হুইস্কি মূইস্কি চলবে না। বে-এস্তেরার হয়ে যাওয়ার সম্ভাবনা। একদম সাদা চোখেও যাওয়া যায় না। পুরুষের যে তেজস্ বিচ্ছুরিত হয় তার ব্যক্তিত্ব থেকে, তার পৌরুষ সস্তা থেকে সেইটেই তো রমণীকে মুগ্ধ করে বিহবল করে, সেটাকে কোনো একটা ড্রিংক মারফৎ কাঁপুৎ মরাল সাপর্ট তো দিতেই হয়। নাঃ—ওসব বিচার-বিবেচনা করা বেকার। কলকাতার কুল্লে নটবর, কাঁড়র কুবের, কালো-বাজারের নম্বরী নম্বরী ঘড়েল যারা চালাকি আর মিষ্টি হাসির ব’ড়িশ দিয়ে চীফ জিটেকটিভের নাড়িভূঁড়ি থেকে গোপন কথার এপেন্‌ডিক্‌স্ টেনে বার করতে পারে তাঁদের সম্বাই হার মেনেছেন শিপ্‌রাদেবীর টোনস-লনের ওয়াটারলুতে। তিনি মোহাতুর হন, তাঁর সর্বাঙ্গে আবেশ লাগে, তাঁর বক্ষে অরণ্যমর্মর জেগে

গুঠে—সবই। ওদিকে কিন্তু বিচার-বন্ধুর মেবদার জ্ঞান অন্টপ্রহর কাঁঝালো বাঙালি কাসুন্দির মত। তাই তোমার মাথাটি রাখতে হবে ফ্রিজের আইস বক্সে। তাঁর গড়া ট্রাফিক আইনের রেড লাইটটাকে পিংক মনে করে মাত্রা ছাড়িয়েছো তো গোছো। পক্ষান্তরে তিনি যে ভাগ্যবানকে গ্রান লাইট দেখান তার ট্রাফিক রেগুলেশন সম্বন্ধে, কীর্তিনাশের কোনো অভিজ্ঞতা নেই। আজকের এই ভর রাতের ফোনে যেন কাঁচা সবুজের আবছা আবছা আভাস দেখতে পেল। সুতরাং বহু আত্মচিন্তা ততোধিক পরকীয়া কিংবদন্তি সুবিবেচনা করে কীর্তি স্থির নিশ্চয় হলেন এহেন পরিস্থিতিতে ড্রিংকরূপে ক্রেম দ্য মার্ভ-ই প্রশস্ততম এবং তদনুযায়ী ড্রিংক শেলফের দ্বিতীয় স্তরের পূর্বতম প্রান্তে ক্ষণভরে কটাঙ্ক হানবো। বেয়ারারের বরদাপাণি সেদিকে প্রসারিত হল।

ড্রিংক সমস্যা সমাধান করার পর কীর্তির কান গেল বৌল-ডান্‌স্‌ তর্কাতর্কির দিকে।

সুদিন বৈরী শঙ্কর বলছে “রেখে দাও আর্ট ফর আর্টস সেক। নাইট ক্লাব, কাবারে লালিতকলা একাডেমি নাকি যে এখানে সেই কাইরো না মরক্কো থেকে আসবেন খাপসুরং খাপসুরং উপকীরী প্যোর আর্ট আর এপলাইড আর্ট বাবদে আমাদের তালিম দিতে? উইন্ড ডেমনস্ট্রেশন। সেইটেই হল আগল তত্ত্ব। আর আর্টের কথাই যদি উঠলো তবে বলি, প্রকৃত আর্ট আদ্যন্ত সর্বকিছুর প্রকাশ করে না—ইঙ্গিত দেয় বহু না-বলা, অ-চাখা রসের প্রতি। আজকের নাচে নাভিকুণ্ডলী থেকে নৃত্যরস বিহগত হয়ে উর্ধ্বলোকে শিহরণ কম্পন জাগিয়ে তুললো এবং নিম্নগামী হয়ে যে রূপে প্রকাশ দিল তার ইঙ্গিতটা ছিল কোন্‌দিকে? সেটা অংশীল।”

এক ঠোঁটকাটা সদ্য বিলেতফের্তী হাবা সেজে শূধালো, “ইঙ্গিতটা কোন্‌ দিকে ছিল সেটা আগিয়ে বঝিয়ে বলুন, তবে তো করা যাবে শলীল অংশীলের বিবেচনা।”

“আখ! তুমি কি সেখানে ছিলে না? যৌনসঙ্গম।”

সুদিন অত্যন্ত বিরক্তি এবং ত্যাগিল্যের সঙ্গে বললে, “যৌনসঙ্গম আবার কবে থেকে অংশীল হল?”

তৃতীয় অধ্যায়

“এসো।”

“আমাকে যে স্মরণ করেছে তাতে আমি ভারি খুশী হয়েছি। আসলে বলা উচিত ছিল, গর্ব অননুভব করছি—”

“না আনন্দটাই বড়। কে কাকে কতখানি আনন্দ দিতে পারে বলো।”

“তোমার কথাই সই। কিন্তু হঠাৎ তুমি এ রকম লোনালি ফীল করলে কেন বলতো? কলকাতার কোন ক্লাব, কোন পার্টি, কোন শো থেকে তুমি প্রত্যাগমন নিমন্ত্রণ পাও না? অব্যাহত দ্বার একটা কথাই কথা। তোমাকে তো সবাই লক্ষ্যে নেয়। আর তুমি কি না লোনালি!”

কিছুমাত্র ছলনা বা ভান না করে শিপ্রা বললে, “কীর্তি, তোমার প্রাণরস অফুরন্ত, তোমার মত অহরহ সজীব আমি খুবই কম দেখেছি। তাই তুমি সহজে বদবে না, জনতার মাঝখানে একটা মানুষ কতখানি নিঃসঙ্গ, বিচ্ছিন্ন, পরিত্যক্ত হতে পারে। আমার কথা বাদ দাও—এক্সবারে পয়লা নম্বরিনীদের কথা চিন্তা করো তোঃ দিনের পর দিন তাঁরা পার্টি পরব ফানকশনে যাচ্ছেন, তাঁদের চতুর্দিকে সমাজের সব চেয়ে উঁচু কাতারের পরসাগলা, খ্যাতিমান শক্তিম্যান সব রকমের প্রভুরা। আর রয়েছে স্মার্ট সেট্। তারা স্মার্ট উইটি কথা বলে, টিম্পনী কাটে আর সুন্দরী গরবিনীর স্মার্ট উত্তর দেন, বীরা পারেন না তাঁরা অস্তত মৃদু হাস্যের তারতম্য দিয়ে কোনটা ভাল কোনটা মাঝারি তার সার্টিফিকেট দেন। আচ্ছা, তুমি কি কখনো ভেবে দেখেছ, এই সমস্ত ব্যাপারটার উদ্দেশ্য কি, অর্থ কি?”

“না। তুমি ভালো করেই জানো, আমি খুব চিন্তাশীল প্রাণী নই।”

শিপ্রা তাঁর সন্ডোল ঘাড়টি আরেকটু উঁচু করে কীর্তির চোখে চোখে তাকিয়ে বললে, “ওটা আর কিছুর না। ওটা বর্তমান সমাজের একটা প্যাটান মাত্র। চলছে, চলবে হয়তো বহুদিন ধরে, কিন্তু যে কোন মুহূর্তে আগাপাস্তলা বদলে যেতে পারে।”

„মানে?”

“অতি সহজ। লন্ডনে এ-প্যাটান অনেক দিন ধরে গড়ে উঠেছিল। এবং তার গোড়াপত্তন করেছিল সে-দেশের খানদানী লোক। অথচ যেই লাগল লড়াই অর্মান তার বড় ভাগটা হয়ে গেল উধাও। বাকিটুকুও ভোল পাণ্ডে নিলে রাতারাতি। কোথায় গেল হাওয়ায় হাওয়ায় মিলে-যাওয়া সিলেক্স বুক-কাটা, কোমর-ছ্যাচা গাউন, অদৃশ্য সিলেক্স ফ্লেশ কালার মোজা আর গ্রিভজ গোড়ালির জুতো! সবাই পরে নিল কাঠখোটা চামড়ার চেয়ে পুরো কাঁথার রুইনফর্ম—প্রাইম মিনিষ্টারের বেগম গিয়ে দাঁড়ালেন কিউয়ের ন্যাঙ্গে—রেশন শপের সামনে।

আর আমাদের এই কলকাতার প্যাটানটা—”

হঠাৎ থেমে গিয়ে শিপ্রাদেবী বললেন, “ওঃ! আই এম ফ্রাইটফুল সরি। তুমি এখানে এসেছ বার ছেড়ে নাক বরাবর। আর তোমাকে একটা ড্রিংক অফার করি নি। কি খাবে বলো।”

কীর্তি আমতা আমতা করে বললে, “না—তা—”

শিপ্রা খিলখিল করে হেসে বললে, “পল্ট গম্ব পাচ্ছি খেয়ে এসেছ ক্রেম দ্য মাই—আরো কাছে এসে বসো দির্কনি।” যে-সোফাটাতে সে আধশোয়া অবস্থায় পা দুখানি গুঁটিয়ে রেখেছিল তারই একটুখানি একপাশে সরে গিয়ে একটান মেরে বসিয়ে বললে, “ঠিক ধরেছি। তা এই অবেলায় ক্রেম দ্য মাই কেন জন্মের একটা ব্যানকুয়েট খাওয়ার পর ক্রেম দ্য মাই দিয়ে মুখশুদ্ধি করেছ বুঝি?”

কীর্তি আকাশ থেকে পড়ে বললে, “ব্যানকুয়েট! আজ আবার কিসের পরব যে ব্যানকুয়েট হবে। মান্‌গুলি ডিনারও তো পরশু দিন। অবাক করলে বাছা তুমি।”

“কিসের পরব? আজ তো পরবস্য পরব। গ্রেট বেলি ডান্‌সের গ্রেটার ব্যানকুয়েট। বেলি-ডান্‌স দেখবে বুঝি একাদশীর ফাঁকা পেট নিয়ে? বেলি-ডান্‌স দেখতে হয় ফুল বেলি নিয়ে। লিকউইড সলিডে হাফহাফি। তা সে যাক্‌ গে। এসো আমরা দু'জনাতে সেলিব্রেট করি ঐ মারাত্মক অমিশনটা। শ্যাম্পেন খাবে? বলতে গেলে পৃথিবীর সর্বশ্রেষ্ঠ শ্যাম্পেন গোত্রের কয়েকজন আমার কাছে আছেন। তোমার জন্য বাকটে বরফ দিয়ে রেখেছি। ঐ সেই ঘরটায় পাবে।”

শিপ্রার বেশভূষা, তার মোটরগাড়ি দেখলে যে-কোনো লোক ভাববে এ মাহিলার যা রুচি, প্রতিটি আইটেম এমনই মানানসই যে তাঁর বাড়ি, ড্রইংরুম ডাইনিংরুম নিশ্চয়ই অতিশয় নিখুঁত কায়দায় সাজানো—কোনো প্রকারে কোনো জায়গায় ছন্দপতন হওয়া অসম্ভব। অথচ প্রথম দর্শনে স্মার্ট সেটের যে-কোনো ব্যক্তি বিস্মিত হবে। ঘরের একপ্রান্ত থেকে যে কালারস্কীম আরম্ভ হয়ে শেষ প্রান্ত অবধি টেউয়ে টেউয়ে বয়ে যাবে, আর আসবাবপত্র কাপেট কার্টন ছাত দেয়াল, মাথার উপরের এবং চারদিকের আলো সেই স্কীমের সঙ্গে মিল খাইয়ে যেন একটা হারমনি গড়ে তুলবে এখানে সে কম্পজিশন একেবারে নেই সে-কথা বলা চলে না, আবার আছেও বলা চলে না। এ-কথা তো শিপ্রা-দেবীর বদোঙ্গার না দেখেও বলা চলে সেখানে দৃষ্টিকটু কিছুরই থাকতে পারে না কিন্তু সেই অনিন্দ্যসুন্দর সামঞ্জস্যটা তো চোখে পড়ে না।

কিন্তু দুর্ভাগ্যবশত দিন ধরে সে ঘরে বসলে, চা খেলে তখন বোঝা যায় শিপ্রা কোন উদ্দেশ্য নিয়ে ঘরটি গুঁছিয়েছে। উদ্দেশ্য দুটিঃ আরাম এবং একবার এক জায়গায় আসন নিলে যেন ফের উঠতে না হয়। কোচ সোফার হাতার ভিতর থেকে অ্যাশট্রে, ড্রিংকের গেলাস রাখার রিং ইত্যাদি ছোটখাটো জিনিস তো বেরবুঝেই, ছোটখাটো ব্লেকফাস্ট খাবার মত ফোন্ড করা একটা ফ্রেমও ঠিক ফিট করে যান্ন ষার উপর বেল্লারা খাবারের স্ট্রে চায়ের সরঞ্জাম অনায়াসে রেখে যেতে পারে। আর পাঁচটা অতিশয় ফ্যাশ্যানেবল ড্রইংরুমে বেল্লারা স্ন্যাক্‌স্‌

নিয়মে ঢুকলেই যে কী তুলকালাম কাণ্ড আরম্ভ হয় ভুক্তভোগী মাত্রই সেটা জানেন। পেগা টেবিলে স্ন্যাক্‌স ধরছে না, সেন্টার টেবিলটা অনেক দূরে—
লে আও আওর একটু, টেবিল ইত্যাদির মহা ঝামেলা। তারই ধাক্কায়
ইতিমধ্যে গালগল্প টুকরো টুকরো খান খান।

শিপ্রার বক্তব্যঃ মানুষে মানুষে ভাবের আদান প্রদান, রসের দান ও গ্রহণ,
অভিজ্ঞতার বিনিময়, একে অন্যের সঙ্গসুখ—এসব নিয়েই তো মানুষের সস্তা,
তার অস্তিত্ব। ভ্রূইংরুম তো তারই কেন্দ্রভূমি। সেখানে যদি ভ্রূংক স্ন্যাক
পদে পদে বাধা দেয় তবে সেটা ব্যর্থ। নাই বা হল আমার বুদ্ধোন্নয়ন
আল্ট্রা মর্ডান।

জর্মন সিলভারের বালতিতে করে কীর্তি শ্যাম্পেন নিয়ে এসেই শুধলো,
“বল তো, ভাই, এই দু-দিনে যখন এক ফোঁটা বিয়ারের জন্য অর্জনের মত
পাতাল ভেদ করতে হয় তখন তুমি এই জাত শ্যাম্পেন পাও কোথা থেকে?”

শিপ্রা আদর করে কীর্তিকে কাছে টেনে এনে বললে, “তোমার এত ভয়
কিসের? তোমার বেলা দেখি, ‘ভয় করে তুই বিজয়ারে হারাবি?’ শ্যাম্পেন?
সে-কাহিনী সরল, আর এক মিনিটে ফুরিয়ে যাবে। বাবার সঙ্গে আমি কিছু-
কাল প্যারিসে ছিলাম। তখন এক গরীব ছোকরা ফরাসি আর্ট স্টুডেন্টের
সঙ্গে বন্ধুত্ব হয়—প্রায় প্রেমের কাছাকাছি। আমি সামান্য যেটুকু পকেট মানি
পেতুম তাই দিয়ে তাকে প্রায় জোর করে এক দিন অতি সস্তা দরের এক
বোতল শ্যাম্পেন খাইয়েছিলাম। আমরা দেশে ফিরে এলাম। তার পর দশ
বছরের ভিতরই সে হুশ হুশ করে আর্টের সিঁড়ি ভেঙে ভেঙে একদম হলিউডে
পৌঁছে গেল। ওঁদিকে মিলিয়নদের পোর্ট্রেট এঁকে পয়সা বা কামায় সে
প্রায় পিকাস্‌সোর সঙ্গে নেক্ টু নেক্। শ্যাম্পেনের পাইকারির বিক্রির সময়
তার এজেন্ট শ্যাম্পেন ডিস্ট্রিবিউটরে এসে হুজুরের জন্য যা কেন তার একটা হিসেবে
সে পাঠিয়ে দেয় দার্জিলিঙের ঠিকানা—ঠাণ্ডায় মোলায়েম থাকবে বলে।”

“তার সঙ্গে দেখা সাক্ষাৎ হয়?”

শিপ্রা হেসে কুটিকুটি! কীর্তির গালে মোলায়েম একটা ঠোনা মেরে বলে,
“ওরে মূর্খ, লণ্ডনে পাকা দু-দুটো বছর কি হাইড পাকে ঘাস খেয়েছিল
শুধু? সে যাচ্ছে ভেসে ভেসে দেশ থেকে দেশান্তরে, আমিও উধাও হচ্ছি
কাঁহা কাঁহা মল্লরুকে। এক দিন কোন খেলার মোহে এজেন্টকে বর্লেছিল
আমার যেন শ্যাম্পেনের অভাব না হয়; তার পর এতদিন সে হয়তো সে-কথা
বেবাক ভুলে গিয়েছে—তা সে যাক্। বেলি-ডান্স্ কি রকম লাগলো সেই
কথা কও।”

কীর্তির অল্প অল্প নেশা হয়ে আসছে। গোড়ার দিকের জড়ত্ব অনেকখানি
কেটে গিয়েছে। ওঁদিকে শিপ্রারও মুখের রঙ উজ্জ্বল হয়ে উঠছে। যুবতী

রমণীর প্রস্তুতিটা চোখ দুটিতে যেন ক্রমে ক্রমে কিশোরীর সদ্য বিকশিত ভাব ফুটে উঠছে।

কীর্তীর মুখে কথা ফুটেছে। আকস্মিক আমন্ত্রণের বিহবলতা কেটে যাওয়ায় ওজন করে কথা কইবার ধরন অনেক পিছনে। সঙ্গে সঙ্গে উত্তর দিলে, “আমি আর নাচটা দেখলুম কই? বরঞ্চ স্মার্ট মাস্টার সন্দিদনকে সুধিয়ে। আমি বার ছাড়ার সময় সেখানেতে নাচের টপিক নৃত্য করছে—তাণ্ডব নৃত্য।”

“মানে?”

সংক্ষেপে বলতে গেলে হিং টিং ছটু। সন্দিদন বৈরীরা তারস্বরে ঘোষণা করছেন, “ঐ বেলি ডান্সে আছে দুই সম্পূর্ণ ভিন্ন জিনিস এবং ভালগার ইঙ্গিত—সর্বোপরি বেলি ডান্সে না আছে বেলি না আছে ডান্স। এর বেশী আমি তোমাকে বলতে পারবো না। এটুকুও বলতুম না; খানিকক্ষণ আগে তুমি বলছিলেন না, এটা একটা সোসাইটির প্যাটর্ন, তাই এটার উল্লেখ করলুম।”

শিপ্রা সিগারেট খায় কালে ভদ্রে। এবারে একটা ধরিয়ে ধীরে ধীরে বললে, “আমার একটি বিশিষ্ট বন্ধু আছেন। তুমি তাঁকে বোধ হয় চেন না—কারণ তিনি একদা ছিলেন কাইরো শহরের স্মার্ট সেটের ফ্রন্ট বেণ্ডার। উত্তর আফ্রিকা—মরক্কো থেকে কাইরো অবধি—সবরকম নাচ তাঁর খুঁটিয়ে খুঁটিয়ে দেখা আছে। তিনি একদিন আমাকে—বলছিলেন, খাঁটি বেলি-ডান্স শিখতে হলে অন্তত বারোটি বছর একটানা রেওয়াজ করে যেতে হয়। আজ রাতে যে-মেয়েটি নাচলো সেও তো শুনোছি বারো বছর ধরে ট্রেনিং নিয়েছে। তাই আশ্চর্য লাগে, সুন্দরমাত্র ভালগার সাজেশন দেওয়ার জন্য বারো বছর ধরে ট্রেনিং!”

সব কথা কীর্তীর কানে তখন আর ঢুকছিল না।

সেটা শ্যাম্পেনের প্রসাদে নয়। বরঞ্চ তার খনে মনে হচ্ছিল নেশা কেট যাচ্ছে, খনে মনে হচ্ছিল নেশাটা যেন চড়াং করে তালুর রক্তদেশের চাড়ে বসছে। এবং এটাও তার জানা ছিল, দু’পাশ রস-সেবনের সময় স্নেহ ফুটি ছাড়া কোনো দৃষ্টিচলিত বা অন্য কোনো সমস্যাকে আমল দিলে এ-সরকম ধারা হবেই। সর্বোপরি তার চোখের সামনে বার বার ভেসে উঠছিল একটা ক্রিকেটের মাঠ।

কীর্তি একদা ভালো ক্রিকেট খেলতো।

কীর্তি মনের চোখে দেখছিলেন, পুরো একবছর ধরে বিপক্ষ ব্যাটিং করছে আর তাকে ফীল্ডিং করতে দেওয়া হয়েছে আউট কীংডে, একদম কানিষ্ট সাইডে। অথচ তার দৃষ্টিশক্তি সত্যিকার, ফাস্ট বোলিংয়ের বেলা সে আগেভাগেই ঠাহর করে নিতে পারে ব্যাটের কাণে লেগে বল স্নিক করলে কোন এক্সেলে আসবে, বাৎ মাছের মত সর্বাঙ্গে মোড় খেয়ে প্রায় মাটি থেকে বল কুড়োতে পারে।

তথাপি ক্যাপটেন শিপ্রা তাকে পুরো একটি বছর ধরে তার পাটিচক্রের

বহুভূমিতে তাকে যেন এপ্রেন্টিস করালেন এক যুগ ধরে।

আর আজ? বড় বড় চাইদের উপেক্ষা করে, বলা নেই কওয়া নেই, একমাত্র তাকেই নিয়ে তিনি চলেছেন পিচ পরিদর্শনে!

চতুর্থ অধ্যায়

সর্ব বিশেষজ্ঞরা সম্পূর্ণ একমত, মানুষ যে সভ্যতার যাত্রাপথে এতখানি এগিয়ে গিয়েছে তার প্রধানতম কারণ মানুষ বংশানুক্রমে, পিতা পুত্রকে, এক পুরুষ পরের পুরুষকে তার অভিজ্ঞতা বিশদভাবে বর্ণনা করে শিক্ষা দিয়ে গিয়েছে। তদুপরি প্রতি যুগের প্রতি পুরুষই পূর্বলব্ধ অভিজ্ঞতাকে উচ্চতর পর্যায়ে তুলবে বলে তার সংস্কার করেছে, নতুন অভিজ্ঞতা পূর্বতর ভাণ্ডারে যোগ দিয়ে সম্পূর্ণ সঞ্চারকে পূর্ণতর করে তুলেছে।

শুধু একটি মারাত্মক, জীবন মরণ সমস্যার ব্যাপারে, সৃষ্টির সেই আদিম কাল থেকে আজ পর্যন্ত এক ইঙ্গিতও এগোতে পারে নি।

“তুমি কি আমার ভালোবাসো?” এ প্রশ্নটি শূধোবার বেলা পুরুষানুক্রমিক ঐতিহ্য কোনো প্রাণীরই রক্তির কাজে লাগে না, এমন কি সমসাময়িক প্রতিবেশী, অন্তরঙ্গ ইয়ারদোস্টের উদাহরণ দিকনির্দেশ সম্পূর্ণ বেকার, বেফায়দা। আদিমের আমল থেকে আজ পর্যন্ত—তথা ভূবনবিখ্যাত মহাপুরুষরাও ভবিষ্যৎবাণী করেছেন, মহাপ্রলয়ের সব নবসৃষ্টির প্রারম্ভেও—মানুষ ঐ প্রাচীনতম প্রশ্নটি শূধোবার সন্দেহ সেই প্রথম দিনের মত বিলকুল হাবা বনে যাবে, কাৎরাতে কাৎরাতে যে-সব ধর্নি প্রকাশ করবে সেগুলো একদম সার্টিফিকেটপ্রাপ্ত কনফার্মড রাম-ইঁড়িয়টের গোঙরানোর মত।

ওদিকে আবার শিপ্রার চরিত্র বিচিত্র। এমনিতে মনে হয় সে আর পাঁচটা টপ ক্লাস সোসাইটি গালেরই মত—গাল বললে স্বল্লেখ্য হয়, লোভ বললে আবার অতিশয়োক্তি হয়ে যায়। আজ চিত্রপ্রদর্শনীর ম্বারোস্ঘাটন, কাল প্রধান-মন্ত্রীকে মাল্যদান এ-সব কোনো প্রকারের সামাজিক, রাজনৈতিক “কর্তব্য কর্ম” করতে সে সম্পূর্ণ বিমুখ—যদিও দেশে এবং বিদেশে লেখাপড়াতে সে অসাধারণ না হলেও ডিবেটে ছিল অতু্যন্তম, উচ্চারণ ন্যাকামি বিজিত। “দোষে”র মধ্যে ছিল স্মার্ট সেটের মত সে ট্যারচা ট্যারচা বাঙলা বলতে পারতো না।

তার আসল বৈশিষ্ট্য ছিল আলাপ আলোচনার সময় মারাত্মক সব অভিমত প্রকাশ করে স্মার্টেস্ট সেটকেও হাজার ভল্টের শক্ দেওয়া। পবিত্র, শাস্ত্রীয়-অচারসম্মত এ ধরনের শব্দ তার অভিধানে ছিল না, কারণ তার পিতাই স্বহস্তে সেগুলো ধুয়ে মুছে সাফ করে দিয়েছিলেন।

তদুপরি তার সঙ্গে প্যারিস লন্ডন করার পর কোনো জিনিস বা “লজি” আঁকড়ে ধরার মত মনোবৃত্তি তার আর ছিল না। সামাজিক আচরণে কাউকেই খুব বেশী কাছে ঘেঁষতে দিত না, আবার হট যাও হট যাও সার্কেবিয়ানা সে ছেলেবেলা থেকে বাড়িতে কখনো দেখে নি বলে সে-গন্ধ তার গায়ে ছিল না। কৈশোরে পুরো একটি বছরের অধিকাংশ সময় কেটেছে প্যারিসের “লক্ষ্মীছাড়া” লব্ধভে গরীব পেণ্টারদের সঙ্গে। সাম্যবাদ ফ্রান্সের পার্লিমেণ্টে মূলমন্ত্র বটে কিন্তু তার পরিপূর্ণ সপ্রকাশ দেখতে হলে যেতে হয় লাতিন কোর্টার মা সরস্বতীর সর্ব কলার—চিহ্নাকন, সঙ্গীত, ভাস্কর্য, নৃত্য, আরো কতো কী যে নিত্য নিত্য সৃষ্টি হয়—ঐ-সব কলার পাগলা চেলাদের মাঝখানে, যারা তিন-দিন ধরে একটা লোফ খায়।

কীর্তি এসব ডীটেল জানতো না কারণ শিপ্রা ঘাড় ঘাড় তার প্যারিস ভিয়েনার জেঞ্জাই নিয়ে কথা কওয়া দূরে থাক, ইংরিজ সাহিত্যের কথা উঠলেও সার্ বা মারলোকে টেনে এনে নিজের বক্তব্য জোরদার করবার চেষ্টা দিত না। কীর্তি শূন্য জানতো শিপ্রা প্যারিসে ছবি আঁকা আরম্ভ করে এবং এখনো চিলকোঠায় ঐ নিয়ে মাঝে মাঝে মশগুল হয়।

অতীতের ঐ সব নানা পরিবর্তনের ফলে শিপ্রার চতুর্দিকে এমন একটি আবহাওয়া বিরাজ করতো যে ঘনিষ্ঠতার বাড়াবাড়ি না করেও সরল জন তাকে মনের কথা বলতে পারতো। আর আমাদের শ্রীমান কীর্তিনাশকে নির্মাণকালে সৃষ্টিকর্তা যে প্যাঁচালো বুদ্ধির সংমিশ্রণ একদম করেন নি সেটা ক্লাবের অগারাজ বয়্যারাটি পর্যন্ত জানতো।

শ্যাম্পনটাও পেটের ভিতর বৃজ্ বৃজ্ করছে।

কি করে যে হঠাৎ শিপ্রাকে শূন্যে বসলো, সেই জানে না : “আচ্ছা শিপ্রা, তুমি আমাকে অন্যদের চেয়ে বেশী পছন্দ করো? ...আই, মীন, আই মীন আমাকে ভালোবাসো?” তার পর আবার গবেটের মত হুট করে বলে ফেললে, “হাও সিলি!”

গেলাসটা ছিল কানায় কানায় ভর্তি। চোঁ করে এক হ্যাঁচকান খতম করে খট করে সেটা টেবিলের উপর রেখে অন্য দিকে মুখ ফির্কিয়ে তাকিয়ে রইলো।

কীর্তি ধরে নিয়েছিল, যে-মেয়ে এতদিন ধরে কারো ফাঁদে ধরা দেয় নি— যদিও মাঝে মধ্যে এর ওর নামের সঙ্গে জড়িয়ে ওর বদনাম রটেছে আবার আপনার থেকেই সেটা কেটেও গিয়েছে—সে বৃষ্টি এহেন অবস্থায় স্মার্ট সমাজের সুপ্রচলিত পদ্ধতিতে খিলাখল করে হেসে উঠবে।

হল একেবারে অপ্রত্যাশিত প্রতিক্রিয়া।

ধীরে ধীরে আধা শোওরা অবস্থা থেকে উঠে বসে কীর্তিকে কাছে টেনে দূই বাহু দিয়ে আলিঙ্গনে বেঁধে খেল চুমো। তার পর তার গালে মুখে চোখে হাত

বুলিয়ে দিয়ে আবার শুলে পড়ে। কীর্তি নির্বাক, অসাড়। এমন কি চুম্বন আলিঙ্গনের সময় সে সাড়াটুকু দিতে হয় তার বিহবল অবস্থায় সেটুকুও সে দিতে পারে নি।

রুদ্র তপস্যার বনে বহু ঘাসে অত্যল্প আশে ভীরু অসরা যে রকম প্রবেশ করে কীর্তির প্রশ্নটা বোরিয়ে এসেছিল সেই ভাবে।

উক্তরে সপ্তর্ষি মণ্ডলের উজ্জ্বলতম তারকারাজি উভয় হস্তে সপ্ত গ্রহের আকাশকুসুম বর্ষণ করে আচ্ছাদিত করে দিলেন এই ধূলির অতি সামান্য প্রাণী কীর্তিকে।

পঞ্চম অধ্যায়

শিপ্রারই বাড়িতে পার্টি। তার এক বাম্ববী ফিরেছেন হাওয়াই থেকে হনিম্বন যাপন করে। তাদেরই অনারে সুন্দুমাত্র পরিচিত জনকে নিয়ে মাঝারি গোছের শো। সবাই হেথাহোথা ঘোরাঘুরি করছেন গেলাস হাতে করে। বেয়ারাদের হাতের ট্রেতে আছে হুইস্কি, কন্যাক, ভোদকা আর বিয়ার। বর্দে বাগের্ণিও রাইন মজেলের রেওয়াজ এ-দেশে নেই বললেই চলে। যোগাড় করাও কঠিন, বিগড়ে যায় বস্তু তাড়াতাড়ি। কিন্তু শিপ্রার ওয়াইন-সেলার দার্জিলিঙের মোলায়েম আবহাওয়ায়। নিজেরও যেটুকু মোহ তা ঐ-সব কণ্টনেনটাল দ্রব্যের প্রতি। সে-সবের জন্য ব্যবস্থা ড্রইংরুমের ভিতর। সেখানে যে দু'পাঁচজন চিড়িয়া আসন নিয়েছেন তাদের প্রায় সবাই ফরাসী জর্মনি। তারা বিলক্ষণ অবগত আছে এই কলকাতা-সাহারায় শিপ্রাই একমাত্র ওয়েসিস্। সঠিক কোন টেম্পারেচারে এ-সব পানীয় ফুল্ল বিকশিত হয়ে এই ভিন্দে দেশে স্ব-দেশের রস সুবাস বিতরণ করবে সে তত্ত্বটিতে শিপ্রা স্পেশালিস্ট।

লনের এক প্রান্তে আসন নিয়েছেন সূদিনাদি স্মার্ট কোম্পানি। কীর্তি প্রাচীন রীতি অনুযায়ী প্রত্যন্ত প্রদেশে। আজ বসেছে সানন্দে। আজ গারাজে বসতেও তার কণামাত্র স্কোভ নেই। এ-উৎসবের হৃদয় পম্বাসনে যে রাজার রাজ্য, বাইরের ভুবনে সে কোথায় কোন ধূলির ধূলিতে অবলুণ্ঠিত হল সে সম্বন্ধে কোন মূর্খ হয় সচেতন!

তদারকির রেঁদে তার পাশ দিয়ে যাবার সময় শিপ্রা স্কণতরে কীর্তিকে উদ্দেশ করে বললে শব্দ “হ্যালো”! ঠৌটে সেই একবছরের পুরোনো মৃদু হাস্য। কিন্তু সূদিন জানে আজকের এ কণ্ঠস্বর এ মৃদু হাস্য এক ভিন্নবাসিনী শানুমতীর মদনরসে মন্ত্রপূত।

ইতিমধ্যে বহু এসেছেন সূদিনাদির সামনে।

সূদিন এক খাল হেসে শব্দগুলো, “কি গো সুন্দরী, হাওয়াই শ্বীপের হুলা

হুলা ডান্‌স্‌ রপ্ত করে এসেছ তো ? এক চক্কর দেখিয়ে দাও না পাঁচজন রস-
পিপাসাকে ।”

বধু বললেন, “নিশ্চয়, কিন্তু হাওয়াইয়ের সেই ঘাস পাবো কোথায়, নাচের
ঘাগরা বানাবার তরে ?”

সুদিন বললে, “সে আর এমন কি বিপাক্ত । রাজকুমারী জাহানারা যে
মসলিন পরে ওরঞ্জজের সামনে সগর্বে উপস্থিত হয়েছিলেন সেটা যোগাড়
করতে কতক্ষণ ! সেইটে ফালি ফালি করে ঘাগরা বানিয়ে যদি প করেন—”

শঙ্কর বললে, “কী বেরাসক রে, বাবা । চাঁদের আলোর টানা আর রাম-
ধনুর পোড়েন দিলে বোনা হবে সে ঘাগরা । মিল্কি উইয়ের দুধ দিয়ে সেটি
থাকবে ভেজানো—তবে না সেটি লেপটে থাকবে সর্বাঙ্গে । তবে না দেখা যাবে
নৃত্যের তালে তালে প্রতিটি পেশীর আন্দোলন, সংকোচন, সম্প্রসারণ ।”

ইতিমধ্যে বর কনে এঁগিয়ে গেছেন আরেক দলকে “হে হে” করার জন্য ।

চৌধুরী আখতর হুসেন শঙ্কর মঠকে ফিসফিসিয়ে বললেন, “বুড়ো খেড়ে
কাক । সাতান্ন ঘাটের পানি খেয়ে শেষটায় বিয়ে করলে নাত্নীর বয়সী
মেয়েটাকে !”

মিস্তুর বললে, “চৌধুরী, আমাদের সোশাল সিসটেমটা তুমি আদৌ বুঝতে
পারো নি । পরুষগুলো তো যায় গোজায়—ঐ যে বললে সাতান্ন ঘাটের ঘোলা
জল খেয়ে খেয়ে । বিয়েও যদি করে ঐ চপের হাফ-বাইজীগুলোকে তবে
জাতটা যাবে উজ্জ্বলে । অন্তত একটা সাইড তো ক্রীম রাখা দরকার ।

নৃত্য আর এগুলো না । কারণ ইতিমধ্যে একটি তরুণী লাভার সহ
উপস্থিত । ইনি সদ্য উনিশে পা দিয়েছেন বলে ক্রাবের প্রাচীন মেম্বার তার
পিতা তাকে সোসাইটি করতে অনুরূতি দিয়েছেন । সঙ্গে সঙ্গে রসলাপ বন্ধ
হয়ে গেল ।

এদের এই একটা মহৎ গুণ এক লহমায় ভোল পালটাতে জানে । এই ছিল
জল-বিছাটি আর এই হয়ে গেল ধোয়া তুলসী পাতা । চৌধুরী বললে, “কি গো
মিস্‌ ডাট্‌, বিলিত যাওয়ার কন্দুর ?”

ঠোট বেঁকিয়ে সুভা বললে, “ফরেন এক্‌শ্‌চেঞ্জ পাবো কোথা ?”

মিস্তুর বললেন, “লাও ! আম্বালাল কস্তুরভাই আছে কি করতে ? তার
তো দেদার ফরেন টাকা ? তোমার পিতৃদেবের লীগেল এডভাইস ভিন্ন দু’বাণ্ডিল
বিড়ি কেনে না । সে তোমাকে লন্ডন অক্সফোর্ড যেখানে প্রাণ যায় সর্বত্র
পাউণ্ডের দাঁরায় ডুবিয়ে রাখবে । তোমার আবার ভাবনা কি ?”

সুভা একটা মামুলী উত্তর দিয়ে কেটে পড়লো । এ সব হচ্ছে কথার কথা—
নিতান্ত কিছু একটা বলতে হয় বলে প্রসঙ্গটা উঠেছিল । নইলে আমাদের এ-
গোষ্ঠীর কোনো এক্‌শ্‌চেঞ্জেরই কোনো ভাবনা নেই ।

সর্বশেষে চৌধুরী ধীরে ধীরে প্রত্যেকটি কথা ওজন করে বললে, “ব্যাপারটা একটু ঘোলাটে হচ্ছে আসছে। ফরেন টাকার কুমীর তো শেঠ চন্দ্রবদন। ইংল্যান্ড আছে প্রায় লাখ খানেক পূর্ব পাকিস্তানী বাঙালী। তারা প্রতি বছর দেশে পাঠান কয়েক কোটি টাকা। শেঠজীও তাদের কামানো পাউন্ড কিনে নেয় সরকার যে রেটে টাকা দেয় তার চেয়ে বেশ কিছু বেশী মুনাবা দিয়ে। ওঁদিকে শেঠজী খবর পাঠায় নারায়ণগঞ্জে তার আমিনকে—সিলেটের অমুক শেখকে অত টাকা পাঠিয়ে দাও। এতে করে—”

এক হাফ-আনার্ভি বাধা দিয়ে বললে, “নারায়ণগঞ্জে শেঠজী পাকিস্তানী টাকা পায় কোথায়? সেখানকার মিল কারখানা তো সব আদমজী ফানুসি পশ্চিম পাকিস্তানীদের। সেখানে শেঠজীর কোন ‘খান্দা’ যে তহবিল গড়বে?”

চৌধুরী মিষ্টি হেসে বললে, “তুমিও যেমন! আদমজীর টাকা খাটে অমৃতসরে শেঠজী মারফৎ এ্যান্ড ভাইস ভারসা। আচ্ছা, না হয় মেনেই নিলুম তোমার আজগুরী গুল। এই কলকাতার শহরে ইন্ডিয়ান টাকা দিয়ে কিনতে চাও কত লক্ষ পাকিস্তানী টাকা—খাসা সস্তা ভাঙয়ে? সিলেটের মোকামে পাকিস্তানী টাকাটা পাঠিয়ে দেবার জিম্মাদারী তো ঐ পাকিস্তানীর—শেঠজীর কি?”

কীর্তি এতক্ষণ চুপচাপ বসে একটা গেলাসও শেষ করতে পারে নি। আসলে তার শরীরে পাঁড়ি মাতালের রক্ত নেই। সে নয়া নয়া করে দেখাছিল, গত রাতের স্বপ্ন। ঘুরিয়ে ফিরিয়ে, উভেট পাগেট। আর দেখাছিল, শিপ্রার দ্রুতপদে আসা-যাওয়া ছোট্ট দুটি পা ঘিরে শাড়ির পাড়ের খেলা। মেমসায়েবদের ফ্রক হয় শতেক ধরনের। প্রতি বছরে আবার মরসুম-মাফিক বার তিন চার কাট্ বদলায়, ভোল পালটায়। সব-কটাই যে একেবারে ফেলনা সে-কথা বলা চলে না কিন্তু এত চেপ্টা এত জিনিয়াস খাটিয়েও প্যারিস এমন একটা ফ্রক বানাতে পারে নি যেটা দুটি পা ঘিরে ঘিরে শাড়ির পাড়ের যে নৃত্য তার কাছে আসতে পারে। তার উপর শিপ্রার চলনভঙ্গিটি তার কোমরের বাঁকা-সোজা নড়াচড়া, কাঁধের ডাইনে বাঁয়ে হেলে-পড়াটার সঙ্গে এমনই মিল রেখে নিয়েছে যে তার হেথা হোথা আসা-যাওয়াটাই পাঁচ জনের চোখ ভরে দেয়। পাড়টি যেন আল্পন্য একে একে সমস্ত লনুটা ছেয়ে ফেলল।

কে কান দেয় তখন আদমজীর ফরেন টাকার দিকে? আমাদের কীর্তিবাবু, না জানেন পলিটিক্‌স, না বোঝেন ইকনমিক্‌স। তবু তার কানে গেল শেষ কথাটা চৌধুরীর :—

“এবার কিন্তু সব-কিছু আবার হয়তো ঢেলে সাজাতে হবে। আওয়ামী লীগ জিতেছে ইলেকশানে উইদু এ থাণ্ডারিং মেজরিটি। দরিয়ার ব্যাকটুকু ভালোর ভালোর পেরতে পারলে লীগওয়ারা আদমজী ফানুসির পাউন্ড পার্সেন্ট মুনাবা বরদাস্ত করবে না।”

সুদিন বললে, “সে তো শূধু কেছা। আথেরে হয়তো বা পশ্চিম পাকিস্তান থেকে একদম কেটে পড়বে। কে জানে, হয়তো বা পুরোপুরি স্বাধীন হয়ে যাবে।”

“এ্যা?” হঠাৎ যেন কীর্তির কানে জল গেল। ঐ স্বাধীনতা শব্দটার সঙ্গে তার কিঞ্চৎ পরিচয় আছে। ছেলেবেলা থেকেই সে যা খুশী তাই করেছে। কালেভদ্রে যখন নিতান্ত বাধ্য হয়ে অনিচ্ছায় কোনো কিছুর সঙ্গে নিতে হয়েছে তখনই পেয়েছে দারুণ পীড়া।

একবার শিপাকে কথায় কথায় বলেও ছিল, “বিবেক নামক ভদ্রলোকটির সঙ্গে আমার পরিচয় বড়ই কম। কিন্তু তিনিও মাঝে মাঝে মোকা পেয়ে যখন চাপ দিয়ে আমাকে বাধ্য করেন অপ্রিয় সব কাজ করতে তখন আমার জানটা যেন ঠোঁটের কাছে এসে থাকি খেতে থাকে। বিবেকের চাপ কতব্য বাবুর চাপ—বাপুরে বাপ। এর উপর আবার বাইরের চাপ। গোলামী!”

সুদিন বললে, “ওহে কীর্তিবাবু, চুপচাপ বসে বসে ঢুকুস ঢুকুস করছো যে বড়। এ্যাশ্বিন তুমিই তো, বাবা, ছিলে শিপাদেবীর প্রতি পার্টিতে এডিংক! আজ সব বন্ধি ওরই উপর ছেড়ে দিলে কেন বলো তো।”

“তা নয় সুদিনদা! আজ যাদের অনারে পার্টি ওদের ইয়ার দোস্তও এসেছেন জনা কয়েক। ওরা তো নিত্য নিত্য এখানে আসেন না। আমার মত পাকা নন—ওরা ঠিকে। আজ ওদের একটা চানসু দিতে হয়। দেখছো না, ম্যাডামকে হেপ্প করার ছলে থার্ড ক্লাস বেয়ারার চেয়েও আনাড়ি সার্ভিস দিচ্ছে। কিন্তু শ্রীমতীর সঙ্গে দু’ এক দফে রসালো করার সুযোগ পাচ্ছে তো।”

“সার্ভিসের কথা তুলছো কেন? ওদের ঠাকুরদা বাটলার ছিল না কি?”

“লডনের ক্যারিজে চীফ ওয়েটারও সার্ভিসে তোমার কাছে হার মানবে। তোমার ঠাকুরদা তো ছিলেন কোম্পানির মংসুন্দী। তবে—”

“চোঙ্কর ছোকরা।”

ষণ্টা দুই হয়ে গেল পার্টি আরম্ভ হয়েছিল। এখন একা, জোড়া জোড়া, একসঙ্গে জনা তিনা বিদায় নিতে আরম্ভ করলেন। কোন এক সংস্কৃতির কবি বলেছেন, যেন পরাজিত বাহিনীর সৈন্যরা একা দুক্লা হয়ে এদিক ওদিক ছিটকে পড়ে। আরেকটা ছোটখাটো দল চললো এক সঙ্গে—ওদের অন্য একটা পার্টি-ডিনারে নৈমন্ত্য। শিপা আগের থেকেই মাফ চেয়ে নিয়েছিলো। এ-পার্টির দু’ একজন বানচাল হয়ে যাওয়াতে সুদিন আর কীর্তি তাদের যেন আদর করতে করতে ড্রাইভারদের জিম্মায় মোটরে তুলে দিল। দু’ একজন সুপ্ত এবং অর্ধ সুপ্ত। তাদেরও তুলে দেওয়া হল তম্বৎ।

সুদিন বললে, “কীর্তি ভায়ো, এবারে আরামসে একটা শেষ ড্রিংক খাই তোমার সঙ্গে। এ-সব পার্টিতে এত সব রকমারি চাঁড়মা আসে যে প্রাণখুলে

কথা বলা যায় না, আর প্রাণ খুলে কথা কইতে না পারলে গলা খুলে রস পান করবে কি করে ?”

লনের সুদূরতম প্রান্তে দুজনতে বসে চুপ করে রইল।

শিপ্রা শেষ গেস্টকে বিদায় দিয়ে ধীর পদক্ষেপে ওদের কাছে এসে দাঁড়ালো।

সুদিন দাঁড়িয়ে উঠে বললে, “বসুন।”

এরা আপনজন। তাই শিপ্রা বললে, “না, ভাই, আমি নাইতে চললাম।”

ড্রিংক শেষ করে সুদিন উঠলো। বললে, “আমি ‘ব্ল্যাক ক্যাট’-এ যাচ্ছি। তুই আসবি, এখানকার কাজ শেষ হলে ?”

বেয়ারাদের বিদায় দেওয়া থেকে আরম্ভ করে আরো পাঁচটা কাজ “রাউন্ড আপ” করার ভার প্রতি পার্টিতেই পড়ে কীর্তির ঘাড়ে।

সুদিন বললে, “তোরা অনারারি নোকার্টিতে কি কোনো কালে প্রমোশন পাবি নে ?”

কীর্তি হেসে বললে, “কড়া কনট্রাক্ট করা আছে, অনারারি—ঠিক হৈ। কিন্তু, দাদা, পার্মোনেট।”

ষষ্ঠ অধ্যায়

কীর্তি ?

শিপ্রা ?

হ্যাঁ। শোনো। বেড়াতে যাবে ? মোটরে। পুরো দিনটা। ফিরতে রাত দশটাও হয়ে যেতে পারে। কোথায় যাব ? সে তো তুমি ঠিক করবে। আমি মেয়েছেলে, একটা শখ জানালুম। তুমি পুরুষমানুষ। শেষ ডিসিশান তো তোমার হাতে ? হ্যাঁ একটা সুটকেস নিয়ে এসো—যদি ব্লেকডাউন-টাউন হলে যায়। আর সব আমি নিচ্ছি। শিগাণির এসো !

কীর্তি ভাবলো, হুঁ সে পুরুষমানুষ, কুল্লে ডিসিশান তার হাতে। দু রাত্তির যেতে না যেতেই যে-শিপ্রাচক্রে প্রত্যন্ত প্রদেশে সে লিকালিক করতে হঠাৎ হয়ে গেল সে-চক্রে চক্রবর্তী। নিজেকে সাতিশয় মর্হমান্বিত পদে উন্নীত দেখেও তার থেকে অবিমিশ্র আনন্দ আহরণ করতে পারলো না। সে বহুদিন বার বার অনুভব করেছে, শিপ্রার কমন সেন্স, সাংসারিক বুদ্ধি তার চেয়ে ঢের ঢের বেশী। যাকে বলে কালচার—সেখানে তো কোনো তুলনাই হয় না। সর্বোপরি কী স্ত্রীলোক কী পুরুষ কস্মিনকালেও কেউ কড়ে আঙুলিটি তক্ তুলে ইঙ্গিত মাত্র দেয় নি তার ব্যক্তিত্বে রয়েছে বিকট একটা পোরুষ ভাব।

সে ডুক অব এডিনবরা হতে রাজী আছে সানন্দে । কিন্তু রানী এলিজাবেথের সিংহাসনে বসতে যাবে কোন্‌ দৃশ্যে ?

ভরসাও অবশ্য আছে শিপ্রা বৃন্দমতী মেয়ে । তাকে যে অথবা অকূল দরিদ্র ডোবাবে সেটা একেবারেই অসম্ভব । যে মেয়ে কি না ইহজন্মে কোনো বেয়ারা বরকে ডিসমিস করে নি । কলকাতা শহরে রীতিমত “লঞ্জাস্কর” রেকর্ড ।

তা সে থাক্‌গে । অত ভেবে কি হবে ? কিন্তু ভাবনাটা স্মৃতি দিচ্ছে যে ।

যাত্রারশ্বেতর শেষ ফির্নাশিং টাচ্‌ সমাপন করে শিপ্রা শূন্যে, “তুমি চালাবে ? ড্রাইভার ছুটি নিয়েছে ।”

আঁৎকে উঠে কীর্তিনাশ বললে, “সর্বনাশ ! তবেই হয়েছে । তোমাকে কেউ বলে নি, আমি নিজেকে যখন গাড়ি চালাই তখন সেটাতে মড়া লাশকেও লিফট দিতে রাজী হই নে । করবো অ্যাকাসিডেন্ট, পলিস বলবে তারই ফলে লোকটা মারা গেছে ।”

স্টয়ারিঙে বসে শিপ্রা বললে, “ফাজলামো রাখো । সোভানী মোটরের জুঁরী । তার মুখে নিদেন একশ’ বার শূন্যেই তোমার মত মোটর মেরামতির হুঁসুঁরি এদেশে তো নেইই জমনিতেও মেলা ভার ।”

“কে বলেছে ? সোভানী ? তা তো বলবেই । আহা, কালকের পার্টিতে যদি দেখতে তার নৃত্যকলা । তুমি তখন লনের অন্য কোণে, কোন্‌ এক কনুসাল না কি যেন—মিষ্টি মিষ্টি কথা বলে মোলায়েম করছিলেন । এদিকে সোভানী তার ইহা আড়াইমণি লাশটাকে লনের উপর বিন ঠেকনা দাঁড় করাতে পারছেন না, ওদিকে সে অম্বুর ফিল্ম স্টার গোলাবাম্মাকে ভারত নাট্যমের কি একটা দারুণ জিগ্‌জ্যাগ্‌ স্টেপ দেখাবেই দেখাবে । দু পাস্তুর টেনেই মগজটি গোবলেট । ভারত নৃত্য সশরীরে দেখাতে গিয়ে দু হাতের চেটো উল্টো করে কোমরে রাখলো লখনোয়ের বাইজী স্টাইলে । তার পর সে হাতীর পায়ের সাইজের এক একখানা থাবা দিয়ে দেখাতে লাগল হরেক রকম মুদ্রা । কি একটা গানও ধরেছিলো বৃষ্টি “বাজত ঘণ্ডুরিরা” না কি যেন । শেষটার জড়ানো গলায় গোলাবাম্মার দিকে সাতিশয় বিনয়নয়ন লাজুক নয়নে তাকিয়ে বললে, “আপনার মতো গুণিনকে বৃষ্টির বলতে হবে না—সেটা হবে কোঁরইং কোল টু এ বার্‌ ইন দি হ্যান্ড—এ নৃত্যটার মূল বস্তু হচ্ছে তন্দ্রা শ্রীরাধা রসরাজ কেট ঠাকুরকে তাঁর পূর্বরাগ নিবেদন করছেন ।”

শিপ্রা খুশী হয়ে বললে, “পার্টিটা তো তাহলে দারুণ সাকসুসফুল হয়েছিল । আর কি দেখলে ?”

“সেটা ঘটে নি তাই দেখেছি বলি কি প্রকারে ?”

“যথা—”

“বাসন্তী আর সুশান্ত তো চিরন্তনই মানিক জোড়। পার্টি পরবের কথা বাদ দাও, তাঁরা হাঁচেন এক সঙ্গে, কাশেন এক সুরে। কাল দু'জনা বসেছিলেন পার্টি নদীর দু'পারে—চখাচখীর মিলন হয় না, জানো তো। এ তারো বাড়ি। যেন চির বিরহের সতীদাহে দু'পারে দু'জন দগ্ধ হবেন! মাঝে মাঝে আবার একে অন্যের দিকে তাকাচ্ছিলেন। বাপস! তখন চোখ থেকে আগুনের যা হুঙ্কা বেরুচ্ছিল, আমি তো ভয়ে মরি, তোমার সাধের বাড়িটাতে না আগুন লেগে যায়।”

“আরো বিস্তর দেখবার ছিল, শোনবারও ছিল। হ্যাঁ, পূর্ব বাঙলার পলিটিক্‌স্‌ নিয়ে দেখলুম দু'একজন চিন্তিত।”

শিপ্রা বললে, “তুমি তো খবরের কাগজের হেড লাইনগুলোও পড়ো না, সে আমি জানি। আর আমি পড়ি খুঁটিয়ে খুঁটিয়ে। ব্যাপারটা সত্যি বস্তু খারাপ মোড় নিয়েছে।”

কীর্তি বললো, শিপ্রা পূর্ব বাংলার পলিটিক্‌স্‌টা খুবই সিরিয়াসলি নিয়েছে। তাই অনেকক্ষণ চুপ করে থাকার পর শুধলো, “আমাদের কি বিশেষ গন্তব্যস্থল আছে?”

শিপ্রা বললে, “রসো গঙ্গা পেরোই। তারপর তুমি স্থির করবে। বোলপুর যাবে? শান্তিনিকেতন?”

কীর্তি বললে, “বোলপুর—হ্যাঁ।” তারপর ঈষৎ কাতর কণ্ঠে বললে, “শান্তিনিকেতনে যেতে কিন্তু আমার সংকেচ বোধ হয়, এমন কি ভয় করে।”

শিপ্রা আশ্চর্য হয়ে শুধলো, “কেন?”

“ওখানে সঙ্গীত নৃত্য এসব তো আছেই তার উপর সেখানে হয় নানা-প্রকারের বিস্তর রিসার্চ। এ-সব তো আমি জানি নে, বুঝি নে। কারো না কারো সঙ্গে পরিচয় হয়ে যাওয়াটা সম্পূর্ণ অসম্ভব নয়। তখন তিনি যদি কোনো প্রশ্ন শোধান বা আলোচনা পাড়েন তখন আমি মুখ খুললেই তো চিন্তুর। আবার একদম চুপ করে থাকাটাও অভদ্রতা।”

“এ তোমার বাড়িবাড়ি, আমি ভালো করে জানি, তুমি রবীন্দ্রনাথের কবিতা বহু বৎসর ধরে মন দিয়ে পড়ছো। রবীন্দ্রসঙ্গীতের কালেকশন তোমার যা আছে সেটা রীতিমত বিরল।”

কীর্তি করুণতর কণ্ঠে বললে, “ভাই, সে আমার নিতান্ত আপন আনন্দ। কিন্তু আটঘাট বেঁধে যুক্তিপূর্ণ ভাষায় ঐ দিয়ে কিছুর বলতে যাওয়া তো সম্পূর্ণ ভিন্ন শিরঃপীড়া।”

শিপ্রা বাঁ হাত দিয়ে কীর্তির উরু চাপড়ে সান্ত্বনা দিয়ে বললে, “থাক্ না তা হলে আশ্রম দর্শন। এগোই তো উপস্থিত পশ্চিমদিকে। তারপর দেখা যাবে।”

কীর্তি বললে, “তুমি আমাকে ভুল বুঝলে আমার দুঃখের অবধি থাকবে না। যাকে বলে রবীন্দ্রদর্শন তার সঙ্গে আমার পরিচয় অতিশয় নগণ্য। তবু আমার একটা অর্ধবিশ্বাস—বরণ বললে ভালো হয় আমার ইনসটিটুট বলে—রবীন্দ্রনাথ আর বিবেকানন্দ এই দুটি লোক যা করে গেছেন সেটা পরিপূর্ণভাবে আপন বুদ্ধির রস্তের সঙ্গে মিশিয়ে নিতে, ঐ দিয়ে মগজের সেলগুলোর গঠন পাল্টে নিতে আমাদের আরো একশ’ বছর লাগবে।”

শিপ্রা বললে, “জর্মনরাও বলে গ্যোটেকে সম্পূর্ণভাবে গ্রহণ করতে তাদের আরো একশ’ বছর লাগবে। একাধিক চিন্তাশীল লোক বলেছেন, গ্যোটেস নিদর্শন যদি সত্যিই আমরা আমাদের চিন্তাধারায়, আদর্শ নির্মাণে মেনে নিয়ে থাকতুম তা হলে হিটলারের আবির্ভাব হত না।”

শীতকালে পশ্চিম বাঙলার বিশেষ করে বর্ধমান বীরভূম অঞ্চলে প্রাকৃতিক সৌন্দর্যের ছড়াছড়ি থাকে না। তবে লক্ষ্য করলে প্রকৃতির একটা দিক মাঝে মাঝে বড়ই চমক লাগায়। ভোরবেলা ঘুম ভাঙলো। শাঁস দিয়ে তাকিয়ে ঠাহর করা গেল না দেবতা আকাশে উদয় হয়েছেন কি না। তারপর হঠাৎ এক বাটকায় সব দুনিয়া সাফ, আসমান জমীন এমন কি হাওয়াটাও যেন আলোয় আলোময় হয়ে গেল। রাজা অনেক আগেই আকাশের বেশ উঁচু জায়গায় সিংহাসনে আসন নিয়ে বসেছিলেন। সামনে ছিল যবনিকা। লগ্নকাল প্রত্যাসন্ন হওয়া মাত্রই বাজাদেশে ধ্বারী চক্ষের পলকে সে যবনিকা সরিয়ে দিয়েছে।

আজ কুয়াশা কাটলো ধীরে ধীরে। মোটরও এগিয়েছিল সাবধানে। শ্রীরামপুর পেরনোর পর শিপ্রা বললে, “এরই কাছোপাঠে ডাইনে মোড় নিলে একটা পুকুর আছে। উঁচু পাড়িতে ছোট ঝড় গাছ-গাছালি রোম্‌দুরটা পিঠ তাতালে সতরণি একটা সরিয়ে নিলেই হল। কিংবা বর্ধমান পেরিয়ে বাবার বন্ধুর বাগানবাড়ি। দশ বছর ধরে ফাঁকা। একটা মালী আছে মাত্র। কোন্‌টা পছন্দ? আমার কোনো চয়েস নেই।”

“এই শীতের সকালে চলাটাই লাগছে বেশ, বসারটা চয়েস!”

যদিও ফ্লাস্ক বিস্তর চা কাফ ছিল তবু একটা পেটল স্টেশনের পাশে দরমার দোকানের বেষ্টিতে দু’জনাতে চা খেতে বসল।

কীর্তি দোকানীকে শূধলো, “বাবসা-বাণিজ্য কি রকম চলছে?”

অত্যন্ত সর্বিনয়ে বললে, “আমাদের খন্দের তো গোরুর গাড়ি। এখন বাবুৱা হুশ করে মোটরে চলে যান। বাস দাঁড়ালে সেও বা কতক্ষণ। গোরুর গাড়ি কমে যাচ্ছে। দোকানটাকে তাই খাড়া করতে পারছি নে।”

শুকনো দরদ শোনাবার মত এদের দু’জনার কেউ নয়।

কীর্তি বললে, “এটা বাঙলাদেশ, আবার ঢাকা সিলেটও বাংলাদেশ। কিন্তু আমার মনে হয় বাস, মোটর বোধহয় বাঙলাদেশের নৌকোকে এতখানি ঘায়েল

করতে পারে নি। তুমি কখনো বাঙালদেশে গেছ ?”

হেসে বললে, “খাঁটি বাঙালদেশের মাটিতে কখনো পা ফেলি নি, কিন্তু বাঙালদেশে গিয়েছি। কোন এক স্টীমার কোম্পানির কি যেন এক পরবে কলকাতা থেকে সৌন্দরবন হয়ে বাহাদুরাবাদ ঘাট না কি যেন। কী সুন্দর দেশ, কি বলবো। পরে আরো বলবো এখন চল।”

মোটর চালাতে চালাতে কিন্তু শিপ্রা বলে যেতে লাগলো প্যারিসের গল্প। কথায় কথায় শূধলো, “তুমিও তো প্যারিসে ছিলে ?”

“আমি একটা অপদার্থ। মোকামে পৌঁছাই। সব বলবো।”

সপ্তম অধ্যায়

বাগানবার্জাট শোঁখন নয় বটে কিন্তু মালীটাও আলসে নয়।

বাড়টার প্রধান লক্ষণীয় বৈশিষ্ট্য তার তিন দিকের প্রান্তর পরিমাণ বারান্দা-গুলো। বাগান, রাস্তা পেরিয়েই কাটা ধানে খোঁচা খোঁচা শূন্য ক্ষেত্র। দিগন্তে গ্রামের সবুজ আভা। মালী প্রাচীন দিনের, অধুনা লুপ্তপ্রায় আরামদায়ক দু'খানা ডেক-চেয়ার পেতে দিয়েছে। মোটর থেকে বের করে সতরপিণ্ড কুশনও।

শিপ্রা বললে, “রবীন্দ্রনাথের গানে আছে, ‘সন্ধ্যাবেলার চামেলি গো, সকালবেলার মল্লিকা’, আর তোমাদের গানে আছে, ‘দুপুরবেলার পিন্‌জিন্‌ গো সন্ধ্যাবেলার উ-ই-স্কি।’ কি খাবে বলো।”

বির্লিত পিন্‌ক্‌ জিন্‌ এদেশের বেগারা-বুলিতে পিন্‌জিন্‌। ছোট্ট গেলাসে প্রথমে কয়েক ফোঁটা বিটার্‌স্‌ ঘুরিয়ে ফিরিয়ে গেলাসে জিন্‌ ঢালা হয়। এটাকে জিন্‌ এন্ড বিটার্‌স্‌ও বলেন কেউ কেউ। তবে এদেশে, বিশেষ করে গরমের দিনে, জিনের সঙ্গে কয়েক ফোঁটা পাতিলেবুর রস দিয়ে গিমলেট্‌টাই পছন্দ করেন স্মার্ট সেটের অধিকাংশ মেম্বার।

কীর্তি সঙ্গে সঙ্গে বললে, “না, আমি সাদা চোখে কথা কইব।”

শিপ্রা আতঙ্কের ভান করে বললো, “আমাকে ভয় দেখাচ্ছ কেন গো ? তুমি কি জার্মান আর আমি ফ্রান্স যে যুদ্ধশেষে সন্ধির শর্ত নিয়ে দর কষাকষি করতে এসেছি ?”

প্রথমটায় সামান্য একটু হকচাকিয়ে কীর্তি হেসে বললো, “ধরো তাই। কিন্তু আমার কোনোই শর্ত নেই। এতটা কাল আমি তোমার ভিতরে গণ্ডিতে ছিলুম না। তবে জানতুম, তুমি যে-ধরনের মানুষ—আমি কিছুর চাইলে এ ধরনের লোক ‘না’ বলতে পারে না। তবে এখন, আমি বলাছি এখন, তোমার কাছে আমি কোনো-কিছুর চাইব কেন ? যদিও আমি আমার সর্বাঙ্গে গোরবের কাঁথা জড়িয়ে

তোমার কাছে ভীষণির মত দু'হাত এক জোড় করে এক কথা খুঁদের তরে উচ্চকণ্ঠে আবেদন আর দাবী দুইই জানাতে পারি।”

শিপ্রা বললে, “আমি যখন নিজের থেকে সম্পূর্ণ স্বেচ্ছায় তোমার বন্ধুর কাছে এসেছি তার সরল অর্থ, এবং আমার অধিকার তুমি আমাকে তোমার ডানার ভিতরে গুঁজে নিয়ে সর্ব বিপদ সর্ব আঘাত থেকে রক্ষা করবে। যেখানে কনের ইচ্ছা আনিচ্ছার কোনো কথাই ওঠে না সেখানেও পিতা যখন সম্প্রদান করে তখনো তো বর জানে তার ঘাড়ে কি দায়িত্ব চাপানো হল। আর—”

বাধা দিয়ে আবিমিশ্র সরল এবং অত্যন্ত করুণ কণ্ঠে কীর্তি বললে, “অপদার্থ। আমি যে কত বড় অপদার্থ সেইটে আমি জানি এবং সেটা তুমি আমাকে আজ এখানে না আনলে আজ দুপুরে তোমার বাড়িতে গিয়ে সেইটে ভালো করে বুঝিয়ে আসতুম। আমার মাত্র ঐ একটি বস্তুই আছে : সেটা— আমি অপদার্থ।”

তথ্যটা যাতে করে শিপ্রার চৈতন্যে গভীর দাগ কাটে তাই কীর্তি ‘অপদার্থ’ শব্দটার উপর পুরো জোর দিয়ে চুপ করে রইল।

তত্বটা সত্য হোক মিথ্যে হোক, একটা বিষয়ে কোনো সন্দেহ নেই, কীর্তিকে যারাই চিনতো তারাই জানতো, ওর ভিতরে রক্তভর ভড়ং নেই এবং সে যে অপদার্থ সেটা তার সরল, স্বাভাবিক অকৃত্রিম বিশ্বাস।

পক্ষান্তরে স্মার্ট, নন-স্মার্ট সব চক্রেই আপন আপন অভিজ্ঞতা থেকে নিঃসন্দেহে সোৎসাহে হলপ নিতে এগিয়ে আসতো যে শিপ্রার মত স্থির বুদ্ধি-ধারণী কন্যার মাথায় হাত বুলোতে পারে এহেন ধুরন্ধর মহানগরীতে বিরল— সর্বসমক্ষে বুলোয় একমাত্র তার চাকর বেয়ারা ঝি আয়া।

তা হলে প্রশ্ন, জেনে বুঝে এই শিপ্রা “অপদার্থ” কীর্তিকে তার পার্টি রাউন্ডে ইনকাম ট্যাক্স অফিসারের সঙ্গে কচসা করার জন্য—অবশ্য ব্রীফিংটা পুরোপুরি শিপ্রারই—পাঠায় কেন? অবশ্য সেটা যে খুব একটা চোখে ঠেকত তা নয়। আর পাঁচজনকেও সে একাজ ও-কাজের ভার দিত। তারাও সানন্দে কর্ম সমাপন করে দিত। তার কারণটাও জলের মত পরিষ্কার। এই জাঁটিল কলকাতার রাজনৈতিক অর্থনৈতিক করপোরেশনিক যুক্তফ্রন্টক গোলাক ধাঁধার ভিতরে বাইরে বহুজনকে নিত্য নিত্য এমন সব ব্যক্তিগত লজ্জাবতী-লতার মত সাতিশয় ডেলিকেট সঙ্কটের সম্মুখীন হতে হয় স্থলে বুদ্ধিমতী যে রমণী তার মৃদুহাস্য, তার দরদিয়া অনুরোধ তার মোহনিনীয়া ছল-কাতরতা দিয়ে গ্রন্থিমোচন করে দিতে পারে অধিকাংশ সমস্যাতেই।

অবশ্য নিঃসন্দেহে বলতে হয়, শিপ্রার চাগক্যদত্ত এই কুটনৈতিক দক্ষতার খবর জানতো আঁত অল্প লোকই। সর্বসমক্ষে সে তাবৎ পার্টির প্রাণ, তাবৎ ক্রোধের জান্।

সেই শিপ্রা এই “অপদার্থ” কীর্তীটাকে কি তবে বাঁদর নাচ নাচাচ্ছে?—
বাঁদর সে যে শিপ্রার প্রসাদ পেয়েছে সেটা মাত্র দু’ দিনের ভিতর কারোরই
জ্ঞানার কথা নয়। কাল যে পাঁচি হলে গেল সেখানেও কীর্তী-বাবু ছিলেন
ঐতিহ্য অনুযায়ী পূর্ববৎ পাঁচিফীন্ডের লাইনসম্মান। কোথায় ভুবন-ভাগানের
ক্যাপটেন শিপ্রা, আর কোথায় সে!

কিন্তু বাঁদর নাচ নাচানো মেয়ে শিপ্রা নয়।

শিপ্রা তাকিয়ে আছে অলস নয়নে রাস্তার দিকে। সাঁওতাল মেয়েরা জোড়া
জোড়ায় একে অন্যের আঙুলে আঙুল জড়িয়ে নিচু গলায় কোরাস গান গাইতে
গাইতে বাড়ি ফিরছে হাট থেকে কেনাকাটা সেরে। সাঁওতাল পুরুষের
চিহ্নমাত্র নেই। একটি সাঁওতাল মেয়ে শুধু চলেছে জোড়া না মিলিয়ে। হাতে
একটা কর্ণ। সেটা দিয়ে কখনো বা আফালন করে, কখনো বা দু’কদম
নেচে নেয়, কখনো বা কর্ণ দিয়ে অন্য মেয়েগুলোকে শাসায় আর তারা খিলাখিল
করে হাসে। আসলে সাঁওতাল মেয়েরা হাটে বাজারে তাড়িফাড়ি খায় না।
এ মেয়েটা ব্যত্যয়—এবং সাতিশয় ব্যত্যয়। বেশ খানিকটে গিয়েছে। তাই
তার এই ফূর্তি।

শিপ্রা তাড়াতাড়ি কীর্তীকে দৃশ্যটা দেখিয়ে বললে, “দেখো, দেখো এই
মেয়েটা হচ্ছে আমার সাঁওতাল সংস্করণ—ওদের সোসাইটি গার্ল।”

কীর্তী প্রথমটার আদৌ বুঝতে পারে নি, ব্যাপারটা কি। বললে, “হিঃ!
এ-মেয়েটা তো রীতিমত বে-এক্সেয়ার।”

শিপ্রা বললে, “আহা, তুমি কিছুর বুঝ না। ভিন্ন ভিন্ন সোসাইটির ভিন্ন
ভিন্ন প্যাটার্নের বে-এক্সেয়ারের রকম-ফের হয়। আমাদের অজ পাডাগাঁয়েও
দু’একটি মেয়ের উড়ুন্ধু উড়ুন্ধু ভাব থাকে—তোমরা যাকে বলো, ‘সাইটি গার্ল’,
একেবারে যেন শব্দ শব্দ অনুবাদ। তার ফল্টনশিট আর প্যাটিসিনীর অর্ধেকমাত্র
তাড়ব লক্ষ্যম্প কি একই প্যাটার্নের? তবে হ্যাঁ, যেখানে মদের প্রচলন নেই
সেখানে এসব ব্যাপারে মাত্রাধিক্য হয় না।” তারপর বেশ কিছুক্ষণ কি যেন
চিন্তা করে বললে, “জানো কীর্তী, আমি অনেক দেশ দেখেছি; আমার জানা
মতে পূর্ব বাঙলার একটা বৈশিষ্ট্য যে ওরা মদ খায় না। চাষাভ্রমো তাড়ি খায়
না, মধ্যবিত্তদের তো কথাই নেই আর পাঁচিশনের আগে পর্যন্ত বড় বড় বেশ
কিছু জমিদার কলকাতায় বাড়ি বানাতে ফূর্তিফার্তি এবং মদ্যপানের জন্য।
ছোট্ট কুর্দিস্থানে কি হয় জানি নে কিন্তু পূর্ব বাঙলার মত একটা মাঝারি রকমের
দেশে মদের প্রচলন নেই, এটা সত্যই বিচিত্র ঠেকে আমার কাছে। ওদের
কালচারটাই যেন বর্ধমান বীরভূম—এক কথায় রাঢ়ের থেকে স্বতন্ত্র।”

কীর্তী বললে, “হুঁ। কিন্তু ঢাকা বেতার যা রবীন্দ্রসঙ্গীত গায় সেটা
কলকাতার চেয়ে কোনো অংশ ধারাপ নয়। তবে পিঁড়ির রাজারা সেটা প্রায়

বন্ধ করে দিয়েছেন।”

শিপ্রা বাকী হাসি হেসে বললে, “তুমি অতশত খবর রাখো কি করে। তুমি না অপদার্থ।”

অষ্টম অধ্যায়

“কীর্তি।”

“ইয়েস, ম্যাডাম।”

“ঠাট্টা নয়। তোমাকে গুলটিকয়েক কথা বলতে চাই।”

“দোহাই তোমার। আমি বড় আনন্দে ডুববে আছি। দয়া করে সেটাকে থাকতে দাও।”

“তুমি যদি আমার কথাগুলো ঠিক মত গ্রহণ করো, তোমার ভিতর যে স্বাভাবিক বুদ্ধি আছে তারই সাহায্য নিয়ে আমার কথাগুলো বুঝে নাও তবে তোমার আনন্দ কিছুর মাত্র কমবে না। কলকাতায় আমার ঘরে শূন্যে শূন্যে তোমাকে যে একথাগুলো বলা যেত না তা নয়। কিন্তু তুমি একাধিক বার বলেছ, আমার স্বরটি বড় রোমাঞ্চিক। সেখানে যে আবহাওয়ায় তুমি কি বুঝতে কি বুঝবে, কি বলতে কি বলবে তার জন্যে পরে হয়তো পস্তাবে। তাই তোমাকে এখানে টেনে এনেছি। এখানে চতুর্দিকে লোকজন রয়েছে। হঠাৎ হৃদয়বেগে আমার হাঁটু জড়িয়ে হাউ হাউ করে কান্নায় ভেঙে পড়তে পারবে না, আমিও তখন সর্ব সঙ্কল্প ভুলে গিয়ে তোমার কান্নায় গলে যাবো না।”

বেচারি কীর্তি কোন দিকে যে হাওয়া বইছে কিছুরই অনুমান করতে পারছিল না। স্তব্ধ হয়ে শূন্য শিপ্রার দিকে তাকিয়ে রইল।

শিপ্রাও সোজা স্থির পূর্ণ দৃষ্টিতে কীর্তির দৃষ্টিতে আপন দৃষ্টিতে রেখে তার স্বাভাবিক কণ্ঠে বললে, “আমি তোমার চেয়ে ছ’বছরের বড়, কিংবা বেশী, কম নিশ্চয়ই নয়। আমাদের বিয়ে হতে পারে না।” শিপ্রা সজ্ঞানে কথা বন্ধ করলো। হয়তো বা কীর্তির মুখ থেকে কোনো মন্তব্য প্রত্যাশা করছিল। হয়তো বা তার প্রত্যেকটি বক্তব্য যেন অক্ষরে অক্ষরে, তার সম্পূর্ণ অর্থ নিয়ে কীর্তির বোধগম্য হয় তার জন্যে আপন নীরবতা দিয়ে তাকে সুরোচন দিচ্ছিল।

কিন্তু কোনো উত্তরই দিল না। কিন্তু সে যে বক্তব্যটা বুঝতে পেরেছে সেটাই তার মূখের ভাব পরিবর্তন থেকেই বোঝা গেল।

শিপ্রা ঠিক আগেরই মত স্বাভাবিক কণ্ঠে বললে, “কিন্তু তারই ফলে আমাদের ভালোবাসাতে সামান্যতম আঁচড়টুকু লাগবে না, আমাদের ভালোবাসাতে কোনো দিক দিয়ে কোনো প্রকারের অসম্পূর্ণতা থাকবে না। কারণ আমি স্থির নিশ্চয় জানি, আমার সর্ব সস্তা দিয়ে অনুভব করছি, তোমার ভালোবাসা একান্ত

ভালোবাসা, তুমি আর তোমার প্রেম অভিন্ন সন্তা ; আর আমার প্রেম তুমি দিনে দিনে চিনে নিলো, আমি আশা ধরি, তুমি কোনো দিন তার শেষ অতলে পৌঁছতে পারবে না । এবং তার সঙ্গে যোগ দিয়ে বলি, এই কলকাতার শহরে শত শত গতানুগতিক যে-সব বিয়ে হচ্ছে সেখানে বর যা পায় তার চেয়ে তুমি পাবে এত বেশী যে দুটোর কোনো তুলনাই হয় না । সে-সব আমি স্বপ্নে দেখেছি, তুমি বাস্তবে পাবে । আর আমি তোমার কাছ থেকে কি পাবো, কি নেব সেটাও আমি ভালো করেই জানি ।

তুমি যে আনন্দসাগরে ডুবে আছো সেটাতেই তুমি থাকবে—শুধু আমাকে পাবে পাশাপাশি ।”

হায়রে কলকাতার রোমান্টিক সূখনীড় থেকে দূরে এসে পথপার্শ্ব উন্মুক্ত প্রাক্ষণে যুগ্ম ভাবিষ্যৎ জীবন সম্বন্ধে সর্বপ্রকার কবিত্ব বর্জিত সাদামাটা ভাষায় আলোচনা করার নিষ্ফল প্রচেষ্টা !

এ বিশ্বাস অবশ্য শিপ্রার পরিচিত জনের ছিল যে, সে যদি কখনো প্রেমে পড়ে তার স্যাঁতসেঁতে-হৃদয় বাঙালীর মত রস-সায়রে হাবুডুবু খাবে না, তার প্রেম হবে পাক্কা ইংরিজি কায়দায়—বিজনেস ইজ বিজনেস—হোক না লেনদেনের বস্তু ওক কাঠের তক্তার স্থলে যুবক যুবতীর প্রেম ।

কিন্তু এর পরই কৌতূহল জাগার কথা, শিপ্রার বক্তব্য শুনে—তা সে রোমান্টিক ভাষাতেই হোক কিংবা কাঠখোঁটো কাঠের ভাষাতেই হোক—আমাদের অপদার্থ কীর্তি ঠাকুরের হৃদয়মনে কি প্রতিভ্রায়া সৃষ্টি করলো ।

এ-কাহিনী যদি প্রেমের মোলায়েম গদ্য কাব্য হত তবে তারই সরস বর্ণনা দিয়ে হেসে খেলে দুঃদশ অধ্যায় জুড়ে বিরাট রসসৌধ নির্মাণ করলে যুবজন উল্লসিত হতেন । কিন্তু এ-স্থলে এই যুবক যুবতী আনির্দৃষ্ট ভাবিষ্যতের দিকে এগিয়ে চলেচে, সে পথে প্রেম-রস মূখ্য নয় গৌণও নয়—সেটি তাদের পাথর ।

আত্মস্ভারিতার গ্যাসে ভর্তি বেলুনমুণ্ড অকালকুস্মাণ্ড ভিন্ন অন্য যে-কোনো সাদামাটা বাঙালী প্রেমমুখজন তার প্রতিদান পেলে এতই আত্মহারা হয় যে সে আর তখন প্রিয়র অন্য কথা শুনতে পায় না । অনাগত ভাবিষ্যৎ সম্বন্ধে তার সাবধান বাণী, দুঃজন্য শান্তিময় জীবন যাপনের জন্য সামান্য দুঃএকটি বোঝা-পড়ার কথা কিছই তার কর্ণকুহরে প্রবেশ করে না । হারানো ছেলে ফিরে পেলে দুঃখিনী-মায়ের চতুর্দিকময় ঘন অন্ধকার যে রকম এক-মুহূর্তে অন্তর্ধান করে, কীর্তির বেলা হল তাই ।

তার চেতনায় মাত্র একটি অনুভূতি—পেয়েছি, পেয়েছি, পেয়েছি ।

এই আনন্দলোককে লুণ্ঠন করবে কোন পাষণ্ড !

শিপ্রা তার মধুরতম হাসি দিয়ে কীর্তিকে নিরঙ্কুশ আত্মহারা করে দিয়ে বললে, “কীর্তি, তুমি যে আনন্দ সাগরে অবগাহন করছো সেটাতে আমি ঝড়

তুফান তুলতে চাই নে। আমার যা বলার সেটা বলা হয়ে গিয়েছে। তুমি রস-সায়র থেকে ওঠার পর তাই নিয়ে চিন্তা করে যদি কিছু বলার থাকে, কাল বলো। উপস্থিত তোমার সায়র থেকে যে দু'চারটি মন্তব্য আহরণ করেছ সেগুলো দেখাও।”

সে-যাত্রা আর বোলপুর হল না। সামনে ময়ূর সিংহাসন। সেটা ছেড়ে কোন মূর্খ ধায় কাবুল কাশ্মীরের পানে সেখানে মোড়ার উপর রসবে বলে।

নবম অধ্যায়

কীর্তি আসামাত্রই শিপ্রা উত্তোজিত কণ্ঠে বললে, “পড়েছো কাগজে পাজির পা-ঝাড়াদের ছুঁচোমোটো?”

কীর্তি হাবার মত তাকিয়ে রইলো।

শিপ্রা বললে, “বাবার সঙ্গে যখন প্যারিসে ছিলুম তখন ফরাসীদের মিলিটারি একাডেমি স্যুঁ সীরের কয়েকটি অফিসার বাবার সঙ্গে বসে ঘণ্টার পর ঘণ্টা দু'নিয়ার যত রকমের বিষয় নিয়ে আলোচনা করতো। একদিন কি একটা মিলিটারি প্রশ্ন উঠলে তারই খেই ধরে যে চারটি কথাবার্তা হল তার থেকে স্পষ্ট বোঝা গেল আর পাঁচটা বাঙালীর মত বাবা মিলিটারির কিছুই জানে না—এসু্যক মিলিটারির ইতিহাস—যা কিনা সহজ পাঠ্য—তাও পাঠে দেখে নি। অফিসারগণ্ঠি তো বিস্ময়ে নির্বাক। শেষটার এক জাঁদরেল বললে, ‘মসিয়ো, এ কী অশুভ তাসবুনোট-জড়োয়া কাশ্মীরী শালের মাঝখানে একটা বিরাট ফুটো। পাশ্চাত্য সাহিত্য চিত্রকলা—বিশেষ করে জঁরিস প্রুডেনস থেকে আরম্ভ করে হেন বিষয় নেই যেটা আপনি হজম করে আপন সিস্টেমে বেমালুম মিশিয়ে নেন, আর মিলিটারি সায়েন্সের কিছুই জানেন না, এ যে সম্পূর্ণ অবিশ্বাস্য!’

বাবা একটু সলজ্জ ভাষায় বললেন, ‘ইংরেজ দু’শ’ বছর ধরে বিশেষ করে বাঙালীদের ঐ জিনিসটার দিকে ঘেঁষতে দেয় নি। পাখি মারার সামান্য একটা শটুগান যোগাড় করতে আমাদের প্রাণ ওষ্ঠাগত হয়। মিলিটারি সায়েন্স তো প্যোর ফিজিক্‌স্‌ নয় যে পুরোনো খামের উল্টো পিঠে তার ফরমুলা লিখে কর্ম খতম করা যায়।’

তারা তখন উঠে পড়ে লেগে গেলো বাবাকে ঐ বিষয়টি শেখাবেই শেখাবে। কাঁহা কাঁহা মোকামে নিয়ে গিয়ে কি সব দেখাতো বোঝাতো খোদায় মালুম। ফরাসীদের যে সব চেয়ে বিরাট কলেবর বন্দুক কামানের কারখানা শ্লাইডার সেটা পর্যন্ত দেখিয়েছে।

কিন্তু এহ বাহ্য। শামিয়ানা সাইজের বৃহৎ বৃহৎ বার্ন্ডল বার্ন্ডল ম্যাপ

পাতা হত কার্পেটের উপর, এবং সব্বাই তারই উপর উপু হলে স্টাডি করতেন ইতিহাসের নামজাদা সব ক্যাম্পেন—নেপোলিয়নের আউসটার লিংস থেকে আরম্ভ করে এদানির ডি ডে নরম্যান্ডি ল্যান্ডিং। একদিন কোথেকে যোগাড় করে এনেছিল বাবুর বাদশার পানিপথ লড়াইয়ের স্ট্রাটোজি। সেটার অধ্যয়ন শেষ হলে ফরাসীরা একে অন্যের দিকে তাকিয়ে বার বার বলছিল, 'ফাঁতাসাতিক, ফরামিদাবল—নে' স পা ?' অর্থাৎ ফ্যানটাসটিক, ফরমিডেবল—নয় কি ? কিন্তু এহ বাহ্য।"

একটু দম নিয়ে তারপর শিপ্রা বললে, "কিন্তু যে-কথা বলতে চাইছিলুম সেটা এ-সবের বিচিত্র স্মৃতির চাপে প্রায় ভুলে যেতে বসেছিলুম। সব চেয়ে আমাকে মৃগ্ধ—মৃগ্ধ কেন আত্মহারা করেছিল এদের আদব-কায়দা এদের অপরিণীম সৌজন্য ভদ্রতা। এবং সর্বোপরি তাদের তীব্রতম আত্মসম্মানবোধ কাউকে কোনো কথা দিলে সেটা রাখবেই রাখবে—যার যাক্ তাতে তার শেষ ফ্রাঁ। এবং সেটা দিলেও যদি শেষ শোধবোধ না হয় তবে সোজা রাস্তা রয়েছে নাক বরাবর। কপালে পিস্তলটি রেখে গুড়ুম !..."

"তাই বলছিলুম, এ-ছুঁচোমোটা কেন ? তুই ইয়েইয়া, তুই বাবা প্রেসিডেন্ট ডিক্টেটর যা-খুশী তাই নির্বি তো নে। পূব বাঙলার লোক যদি তোর আদেশ অমান্য করে তবে চালা তোর বন্দুক কামান। আজকের দুনিয়া পরশুর ইতিহাস বিচার করবে ধর্মাধর্ম।"

ডিক্টেটর হ' আর যাই হ' তোর আদল স্বহৃতা কি ? এভাবে অল তুই আর্মি ম্যান, অফিসার। তোর শরীরের রক্ত, বাইরের চামড়া অফিসারের ধাতু দিলে তৈরী। তোর ধর্ম, আত্মগৌরব আত্মসম্মানবোধ। অনার। কথা দিবি নি, দিস্ নি। কিন্তু একবার দিলে জান কবুল। কী দরকার ছিল তোর গণতন্ত্র ফের চালু করার তরে ওয়ার্ড অব অনার দেবার ? কি দায় পড়েছিল ইলেকশন করার ? আর এখন হল কি ? সোলজার, অফিসার হয়ে তুই তোর শপথ ভঙ্গ করলি, তোর স্বধর্ম ত্যাগ করলি। ভদ্র দেশ হলে অফিসারস ক্লাব থেকে তোর নাম কেটে দিত। ছ্যাঃ !"

এতক্ষণে আসমানের বেপরওয়া চাঁড়িয়া কীর্তিবাবুর কানে জল গেল। তাও যেত না যদি না পরশুর রাতে তার দেবীর প্রসন্ন বয়ান নির্গত তাপহরা বিস্মু বিস্মু অমৃতবারি তার ব্যথাভরা হিয়াটাকে সদ্য ফোটা বেলফুলের মত বিকশিত করে দিত। সে-রাত্রে বাড়ি ফেরার পথে পশথ নিয়োছিল, দেবীর পথ তার পথ। পরের দিন ভোরবেলা ইংরিজি কাগজটা তো পড়লই, একটা নোটিভ বাঙলা কাগজের খয়ের খাঁ ভী হয়ে গেল। কিন্তু দুদিন ধরে অনভ্যাসে ফোটা চড়চড় করছিল বসুই। দুনিয়ার বেকার হাবিজাবি না দিয়ে কাগজ ভাঁতি করা যায় না ? অধিকাংশ খবরের অর্থ কি উদ্দেশ্য কি তার কোনো হাদিসই পাচ্ছিল না

সে। আজ যদি কোনো নিরীহ বাঙালী হঠাৎ নটিংহামের একটা লোক্যাল ডেলি পড়তে বসে তবে তার যা অবস্থা হবে কীর্তির হল তাই। কিন্তু তার কপাল ভালো, কালকের বাঙলা কাগজে আওয়ামী লীগের একটি সমসাময়িক ইতিহাস-মূলক প্রবন্ধ ছিল। যাই বলো, যাই কও, কীর্তির বাপঠাকুন্দা স্রেফ মাথা খাটিয়ে এন্টের টাকাকড়ি কামিয়েছিলেন। ম্যান-ইটার বাঘের বাচ্চা তো আর ভেড়ার ছানা হয় না—কীর্তির খুলিটাতে বেশ খানিকটে বংশলত্ব মদ্যাসিত্ত অর্ধসুপ্ত প্যাঁচালো ঘিলু বাবুর খোঁচাতে জেগে ওঠবার তরে তৈরী ছিল। পাকা নান্নেব যে রকম শহুরে কাঁচা বাবুকে জমিদারির হালটা দুর্দিনেই বেশ খানিকটে বুনিয়ে দেয় এ ক্ষেত্রেও হল তাই।

সদ্যলত্ব বিদ্যে ফলিয়ে বললে, “ঐ ইয়েহিয়া ঘুঘুর পেছনে রয়েছে আন্ত একটা খাটাশ মিলিটারি ক্লিক্‌।”

শিপ্রার চোখের পাতা স্তব্ধ—যেন অর্ধাঙ্গ অবশ। “এ কি কথা শুনিনি আজি?” দুনিয়ার তাবৎ বাবদে বেহন্দ বেখেয়াল বেকুব “নীচ কুলোন্ডবা দাসীর” মুখে “সত্য মিথ্যা জ্ঞান তার” তবে “কি সম্ভবে?” কীর্তির মুখে মোস্ট আপ্‌ টু ডেট ইনসাইড স্টোরি।

বিমূঢ় ভাব কেটে যাওয়ার পর শিপ্রা শূন্য বললে “তুমি না অপদার্থ কীর্তি?”

প্রশ্নটা যেন অদৃশ্য ফু মেরে উঁড়িয়ে দিয়ে বললে, “ছোঃ, এ-খবরটা আবার পদার্থ! খবরের কাগজ থেকে যে তত্ত্ব আধঘণ্টার ভিতর যোগাড় করা যায়।”

শিপ্রা আরও সাত বাঁও পানিমে। বললে, “খবরের কাগজ? ও-সব বদ্ অভ্যাস হল তোমার কবের থেকে?”

কীর্তি সর্দিনয়ঃ “সে অনেক কথা পরে হবে।”

শিপ্রাঃ “তাই সই তুমি যখন এ-সব বুঝতে আরম্ভ করেছো তখন তোমাকে আর একটা খবর জানাই। সেই যে বাবার দোস্ত বুড়ো ফরাসী জাঁদরেল বাঙলাদেশের মিলিটারি হিষ্টি যোগাড় করার চেষ্টা দিয়েছিলেন—নিছক আমরা ঐ দেশের লোক বলে। এটাও এক রকম দরদী হিয়ার আচরণ বলতে পারো। একদিন বাবাকে কথায় কথায় বললেন, রাঙ্কা, রাঙ্কা! প্রায় কিছই যোগাড় করতে পারি নি। তবে দিল্লীতে লেখা এন্টের রাজনৈতিক ইতিহাস পেয়েছি বেশ কিছুটা। তার থেকে স্পষ্ট ধরা পড়ে দিল্লীর হুজুররা বেঙ্গলে মার খেয়েছেন বিস্তর। তাই সে-সম্বন্ধে নীরবতাটাই সমধিক। গ্রেট মোগল আকবরের নাম এ-দেশের লোকও শুনেনে। তিনিও দেখলুম বাঙলাদেশের একটা ক্ষুদ্র অংশ মাত্র জয় করতে পেরেছিলেন। জয় করেছিলেন তার ছেলে জাহাঙ্গির। মদ কপাল আমার, তার স্ট্যাটাঞ্জ খুঁজে পেলুম না।

কিন্তু যা পেয়েছি তার থেকে আমি বুঝেছি, এবং জোর গলায় বলতে

পারি—

তেরা, তেরা, পুনরাপি তেরা

মল্লভূমি, মল্লভূমি, মল্লভূমি—

এই বিরাট পৃথিবীতে আদ্যন্ত অশ্বিতীয়। বিরাট বিরাট নদী আর পৃথিবীর সবচেয়ে বেশী বৃষ্টি যেখানে হয় সেই চেরাপুঞ্জ থেকে নেমে আকাশের জল। দুয়ে মিলে এমন সব ভিন্ন ভিন্ন আকৃতি প্রকৃতির জলো ভূমি তৈরী করে যে সেগুলোর নাম ইন্ডো-চীনা কোনাে ভাষায় নেই। দেশী শব্দের একটা সুর মনে আছে “হাওর” না কি যেন। এমন কি মস্কা যেতে পথে যে জলোজ্জ্বল সেটাও হিটলার পেরিয়ে যেতে পেরেছিল কিংগং লোকস্বয় স্বীকার করে। কিন্তু তোমাদের দেশে আমাদের সনাতন সংগ্রাম পদ্ধতি চলবে না।”

শিপ্রা বললে, “আমি এ-সব আলোচনায় যোগ দিতুম না। তখন সেই প্রথম বললুম, ‘কিন্তু, মিস্সো ল্যা জেনারেল, আকাশ থেকে কিং?’ জেনারেল তো গড্ডাম প্লাড। আপন চেয়ার ছেড়ে উঠে আমার কাছে এসে ফরাসীরা ভাবাবেগে, আনন্দোন্মত্তে উত্তেজিত হলে যা করে তাই করলেন। সর্বপ্রথম আমার গালে খেলেন গুম্ফকর্টিকত কিন্তু অতিশয় মিঠে মিঠে একটি চুম্বন, তার পর আমার চুলের উপর বুলোলেন তাঁর হাত, এবং সর্বশেষে রাজপ্রাসাদীয় কায়দায় দিলেন আমার বাঁ হাতটি তুলে ধরে একটি অতিশয় রিফাইনড চুম্বন।

প্রায় নৃত্য করতে করতে বার বার বলেন, “মাদ্‌মোয়াজেল, মাদ্‌মোয়াজেল্।” অর্থাৎ, “কল্যাণী, কল্যাণী।”

সে তো বুললুম—ফরাসীরা ঐ ভাবে বে-এক্সার হয়। তারপর কি বলতে চান তিনি? আর আমিই বা এমন কোন গুঢ় গুহ্য মিলিটারি স্ট্র্যাটেজিক ট্যাকটিকাল প্রশ্ন শূধিয়েছি যে ঝান্ডা জাঁদরেল আত্মহারা হবেন!

আমার পাশে আসন নিলে কিংগং শান্ত হওয়ার পর বললেন, ‘আমি বস্ত ভুল করেছি, মাদ্‌মোয়াজেল্, বস্ত ভুল বুলেছি এতদিন ধরে। আমি মনে করেছিলাম, তুমি লন্ডন প্যারিস সমাজে বাস করে করে দেশাত্মবোধ হারিয়ে ফেলেছ, কিন্তু এখন আমি দেখছি তুমি দেশের স্বার্থ, দেশের বিপদ সম্বন্ধে বেশ সচেতন। প্রশ্নটা তো অতিশয় সাদাসিধে, কিন্তু তারই ভিতর দিয়ে আমি তোমার অন্তরের অন্তস্তল অবাধে দেখতে পেয়েছি।

শোনো, মাদ্‌মোয়াজেল্, স্ত্রী হোক পুরুষ হোক সবচেয়ে মূল্যবান ধন মানুষের মনুষ্যত্ব। কিন্তু আমার দৃঢ়তম বিশ্বাস সেটাতে মানুষ পৌছয় দেশাত্মবোধ, ন্যাশনালিজম, পোর্ট্রিটিজমের ভিতর দিয়ে এবং তার দৃঢ় ভূমি—”

শিপ্রা বললে, “অবাক মানবে, কীর্তি, তার পর সেই বৃদ্ধ জেনারেল এক লাফে কোচ ছেড়ে, যেন অদৃশ্য এক পতাকা এক হাতে উঁচু করে ধরে, রাস্তার ছোকরা-দের মত ঘরমল্ল নাচতে নাচতে চেঁচাতে লাগলেন,

লিবের্তে, লিবের্তে, তুজুর লা লিবের্তে
লিবার্টি, লিবার্টি, অলওয়েজ লিবার্টি
স্বাধীনতা স্বাধীনতা, স্বাধীনতা চিরদিনের।

দশম অধ্যায়

“উপরে চল। আমার কোনো বান্ধবী, বন্ধু দূরে থাক, কেউ কখনো দোতলার ওঠে নি। বাবা কাউকে উপরে আনতেন না বলে আমি সে রীতিটা এখনো মেনে চলি। কিন্তু তোমাকে এখন সব-কিছু দেখে-চিনে নিতে হবে। তুমিই মালিক। যদি চাও, বাড়ি-ঘর যা-কিছু আছে, উইল করে তোমার হাতে সংপে দেব—”

কীর্তি আশ্বাত পেল; বললে, “তুমি কি আমাকে এখনো চিনতে পারো নি?”

শিপ্রা তাড়াতাড়ি বললে, “সরি, আমি দঃখিত। এই হল বাবার স্টাডি। এখানে বসে তিনি বৈষয়িক কাজকর্ম করতেন। আমার খেলাল খুশীমত ঐ কোণের কোচটাতে বসে খবরের কাগজ, বইটাই, মাঝে-মাঝে শেল্লার মার্কেট রিপোর্ট পড়তুম। আমি জানতুম তিনি তাতে খুশী হতেন। কাজ করতে করতে কখনো গুনগুন করতেন, খুশী হলে শিস্ দিতেন। কোনো কারবার ঠিক তাঁর পছন্দমত না এগোলে গর্গর্ করে বিরক্তি প্রকাশ করতেন। আর প্রায়ই মাথা তুলে বেশ উঁচু গলায় বলতেন, ‘দীজ আর লুর্কিং আপ,’ আমাকে শুন্যোতেন, তোর অন্য শ’খানেক চা-বাগানের শেল্লার কিনবো?’ আমি শুন্য একটু মূর্চ্ক হাসতুম—আমি ও-সবের কীই বা বন্ধুত্ব তখন? কিন্তু আমাকে কখনো ব্যবসা-বাণিজ্য শেখান নি। বলতেন, ‘এসব শুন্যকনো জিনিস নিয়ে নাড়াচাড়া করলে মানুষের প্রাণরস শুন্যকরে যায়’—আমি অবশ্য কখনো তাঁর প্রাণরসে ভাটার টান পড়তে দর্খিত নি। শেষটায় বলতেন, ‘তোকে কিছুটা শেখাতে হবে না। তুই পেয়োছিল আমার ঠাকুমার বন্ধি এবং বিশেষ করে বিচক্ষণতা। বাবা পেয়োছিল তার বন্ধির বারো আনা, আমি পেলুম আট আনা, তোতে ফের এক্কেবারে ফুল হাউস ন’সিকে। যোদিন দরকার হবে পুরো হস্তাটাও লাগবে না, তুই হয়ে যাবি “শেল্লার মার্কেট কুইন,” কিংবা মফং লাগল এবং দেওকরণ নানজীর সম্ভব।’ এবারে চলো এঁগয়ে।”

বিরাত জোড়া খাটের বেড রুম। একশ বছরের পুরনো স্টাইলের।

শিপ্রা বললে, “এখানে বাবার আর একটা ভ্রইংরুম আর গেস্ট রুম আছে। তবে এগুলো কখনো ব্যবহার হয় নি। এইখানে বাবার হিসেব শেষ। এই আমার বেড রুম।”

ছবিতে কীর্তি ফরাসী ধনী কুমারী কন্যার বেডরুম দেখেছে। এবারে আপন চোখে দেখল।

দেওয়ালে ওয়াল পেপারের বদলে খুব দামী সিলেক্টর ওয়ালকাভার। তার উপর আবার ভিন্ন ভিন্ন রঙিন সিল্ক দিয়ে বেহালাতে জড়ানো ফুলের মালায় ডিজাইন। ছাতের চার কোণে চারটি দেবীশশুর বা-রিলীফ। তাদের হাত থেকে ঠিক মাঝখানে এসেছে চারটে ফুলের মালা। সেগুলো যেন ঝুলিয়ে রেখেছে একটা ফোয়ারার পাদপীঠচক্র। পায়ের নিচে ফরাসী কাপের্ট।

আর খাটটি ছোট এবং সূক্ষ্ম কারুকাজে ভরা। খাটটি ফরাসী পালঙ্ক। এমন কি তিনদিকে ফরাসী কায়দায় সিলেক্টর কার্টেন ঝুলছে। বেড-কাভার ভারী কিন্তু স্নাতোগুলো অতি মিহিন। কার্টেন আর বেড-কাভারের ডিজাইন দেয়ালের সিলেক্টর সঙ্গে ম্যাচ কিন্তু মতীফ ভিন্ন—এখানে জলে চালিত মরদা পেশার ওয়াটার মিল ডিজাইন। ঘরের এক কোণে ড্রোইং টেবল—তার উপর বিচিত্র টপ টপের বিস্তর শিশি বোতল, এক সারি কোঁটো—অথচ কীর্তি খুব ভালো করেই লক্ষ্য করে বুঝেছিল শিপ্তা প্রসাধন করে সামান্যতম। সমস্ত ঘরটার কালার স্কিম মড রঙের।

শিপ্তা বললে, “আমার অত বাহার নয় না। বাবা করিয়েছিলেন টপ টু বটম।”

পাশে শিপ্তার একান্তে বসার বৃন্দওয়ার। তার মধ্যে দ্রষ্টব্য, মাঝারি সাইজের সেক্রেটারিয়েট এবং প্রায় সম্পূর্ণ একটা প্রান্ত জুড়ে বিরাট দৈত্যপ্রমাণ গ্রান্ড পিয়ানো।

কীর্তি বিস্ময় প্রকাশ করে বললে, “তোমাকে তো কখনো পিয়ানো বাজাতে শুনিনি।”

শিপ্তা বললে, “আমার বাজনা শোনাবার মত নয়। মাত্র দশ বছরের ছেঁড়া ছেঁড়া রেঞ্জাজে শোনাবার মত হাত পাকা হয় না। আমি বাজাই রাত ঘনালে আর অতি ভোরে। এবারে চলো বেলকনিতে।”

একাদশ অধ্যায়

“ভেবে নিলেছ? অগ্রপশ্চাৎ বিবেচনা করেছ? এখনো ব্যাক-আউট করার সম্ভব আছে?”

কাতর কণ্ঠে কীর্তি বললে, “সমস্ত রাত ভেবেছি। কিন্তু কথাগুলো গুঁছিয়ে উঠতে পারি নি। আর ভয়ও করছে।”

শিপ্তা একটা ক্লেশনওয়া লম্বা হেলান চেয়ারে আধ-শোওয়া হয়ে সামনের

পার্কের দিকে তাকিয়েছিল। বললে, “ট্যারচা হলে বসো আর আমার দিকে না তাকিয়ে তাকাও পার্কের দিকে। সবুজ দিয়ে চোখ ভরে নাও। আর ভয়টা কিসের, শুন।”

যেন প্রাণপণ সিংহের কেশর ধরে, মরি বাঁচি ভাব মূখে মেখে বললে, “মাও একটি কথা নিলে আমি সমস্ত রাত ভেবেছি। আমাদের যদি বিয়ে না হয় তবে তোমার যে নিশ্চয় হবে, সে-কথাটা কি ভেবে দেখেছি।”

শিপ্রা অত্যন্ত সপ্রতিভভাবে সহজ গলায় বললে, “আমি জানতুম তুমি একথাটা তুলবে কিন্তু তুমি না অপদার্থ? তাহলে এ দৃষ্টিচলতা তোমার মাথায় ঢুকলো কি করে? কলকাতা-বোম্বাইয়ের স্মার্ট সেটের যে-কোনো বিবাহিত অবিবাহিত জ্যেষ্ঠান বৃদ্ধো ক্ষণতরে চলতা না করে উল্লাসে নৃত্য করতো আমার মত মেয়েকে মিসট্রেস রূপে পেলে।”

কীর্তি লক্ষ দিয়ে উঠে শিপ্রার মুখ চেপে ধরে বললে, “মাথার দিব্যি দিচ্ছি, শিপ্রা, তুমি যদি ঐ শব্দটা আর কখনো ব্যবহার করো তবে ঐ তোমার পায়ের সামনে মাথা খুঁড়ে খুঁড়ে রক্তগঙ্গা বইয়ে দেব।”

কীর্তির হাতে হাত বুলোতে বুলোতে বললে, “আচ্ছা আর বলবো না। তোমাকে তো দিব্যি কেটে বলেছি, আমি তোমার সব আদেশ মানবো।”

কীর্তি বললে, “সমস্ত রাত ঐ দৃষ্টিচলতাটার সঙ্গে মাথানো ছিল ‘আমি পেয়েছি, আমি তোমার অনুগ্রহ লাভ করেছি’। এবং আমি জানি আমার যে তিনটি সত্যকার খাঁটি বন্ধু, সুনন্দিন্দা, শঙ্কর আর খান সায়েব এরাও ঠিক এইভাবেই আমার অনুগ্রহ লাভের কথা ভাবে।”

শিপ্রা উঠে বসে বলল, “আমার যে লোকনিন্দাটা হবে সেকথা শূনে আমি হাসব না কাঁদব ভেবে পাই নে। লোকনিন্দার প্রাপকরূপে আমি ভেটারুন্। আমার বলস যখন ষোল পেরুল সেদিন বাবা আমাকে ডেকে বললেন, ‘আজ থেকে তুই এ-বাড়ির মিসট্রেস আর আমি যে-সব পার্টি’ দিই তাতে হোস্টেস্। বুকলি? আর আমি আমার ইয়ারদের যে-রকম পার্টি’ দি তুই যেদিন দিব্যি সেদিন আমাকে ডাকতে পারিস, নাও ডাকতে পারিস। বুকলি তো?’ সেদিন দুপুরবেলা বাবা আমার ক্লাস-ফ্রেন্ডস্, ইস্কুলের সব টীচার এবং অন্যান্য যাদের কাছে পড়েছি আর আমার ফ্রেন্ডস্—ছেলে এবং মেয়ে দুইই—সবাইকে দিলেন জব্বর একটা ভোজ। সেটাতে হোস্টেস হতে আমার কোনো অসুবিধে হয় নি যদিও বাবা নিচের তলায় নেমে আগের মত একবারও তদারকি করেন নি। শূধু খাবার সময় আমাদের হেডমিস্ট্রেসের পাশে বসে তাঁকে আদর-আপ্যায়ন করতে করতে আহারাদি করেছিলেন।

তোমরা আবার পার্টি’ করো! আর আমার পার্টি’ই বা কি? কে এক সোভানী একটুখানি বে-এক্সপ্লোর হয়ে ভরত নৃত্যের নামে হস্তানৃত্য নেচেছিল!

এখানেই তো ফুল স্টপ। বাবার পার্টিতে অন্তত জনা পাঁচেক বেহুঁশকে স্ট্রেচারে করে গাড়িতে তুলতে হত। জনা দশেককে দুজন ভাগড়া জোয়ান বেরারা দুর্দিক থেকে স্যাণ্ডউইচ করে মোটরে তুলে দিত।

অবশ্য বাবা আমাকে বিস্তর টিপস আগের থেকেই দিয়ে রেখেছিল। একটা এখনো মনে আছে। ‘যদি লক্ষ্য করিস কেউ একটু বে-এজেরার হয়ে যাচ্ছে তার পাশে গিয়ে বসবি। তাকে আদর-সোহাগ করে বলবি, “আনকল্, তুমি তো জানো, আজ থেকে আমি হোস্টেস। আমার ভারি ইচ্ছে আমি নিজে তোমাকে ড্রিংক দি। তুমি কোনো বয়্যারার ট্রে থেকে ড্রিংক তুলবে না। কথা দাও।’ কথা নিজেই দেবে। খাস হোস্টেসের কোনো অনুরোধ কোনো লোক উপেক্ষা করে না। তারপর বার টেবিলে গিয়ে যে ড্রিংকই হোক না সেটা বয়্যারাকে পাতলা করে দিতে বলবি। তাকে বোঝাতে হবে না। তারপর খামকা টালবাহানা করে, এর ওর সঙ্গে দুটো কথা কয়ে বেশ দেরি করে এসে তোর সেই আনকল্কে গেলাসটা আপন হাতে রেখে প্রথম তো হাজার দফা মফ চাইবি তারপর জুড়ে দিবি লম্বা এক কাহিনী—গেলাসটা কিন্তু হাতে। গল্প শেষে গেলাস দিবি। তোর “আনকল্টি” ও চম্ফুলজায় তোর কাছে ঘন ঘন ড্রিংক চাইবে না। আর কেউ যদি নিতান্তই বেহেউ টালমাটাল হয়ে যায় তবে মজুমদার, কাঞ্জিলাল, ভবতোষ এদের কাউকে একটু হিট দিয়ে আর্সবি। ওদের মাথা ঠাণ্ডা। সব সপ্তকে মুশকিল-আসান।’

পার্টি শেষ হল। বাবা ভারি খুশি। বললেন, ‘একদিন তুই যে-শহরেই যাস না কেন, নামজাদা হোস্টেস হবি। দু’চারটে পার্টি করার পর মজুমদার, কাঞ্জিলালকেও তোর দরকার হবে না।’

কিন্তু সেই দিন থেকেই আমার বদনাম শুরুর। বিস্তর লোকের মুখে ছ্যা ছ্যা। বিশেষ করে মেয়েদের। এমন কি বাবার স্কুলফ্রেন্ড চৌধুরী সাহেব বাবাকে স্পষ্ট ভাষায় বলেন, এটা ঠিক হল না। বাবা বলিছিলেন, ‘দেখো, চৌধুরী, তুমি খানদানী মুসলমান ঘরের ছেলে। তোমার চতুর্দশ পুরুষে কেউ মদ খায় নি, তবু তুমি মদ ধরেছ। শুনোছি অভ্যাসটা নাকি মুসলমানদের মধ্যেও ছাড়িয়ে পড়ছে। আর হিন্দুদের তো কথাই নেই। নিত্য নিত্য নতুন নতুন বার খুলছে এবং সেগুলো ভাঁত। বেশীর ভাগ ক্লাবে আসে সুন্দুমাত্র মদ খেতে। আর ড্রিংক পার্টির কথাই নেই। আমার মেয়ে অত্যন্ত স্বাধীনচেতা, সে আমি জানি তার ছোট্ট বয়স থেকে। তদুপরি তার হিউম্যান ইনস্ট্রেন্ট অফুরন্ত। চাকরবাকররা তাদের বাড়ীতে তাদের সমাজে কি করে, না করে তার থেকে আরম্ভ করে সে কুইন ভিক্টোরিয়ার দৈনন্দিন জীবনযাত্রার বর্ণনা খুঁটিয়ে খুঁটিয়ে জেনেছে। এ-মেয়ে পার্টিতে যাবে না, সেটা প্রায় অসম্ভব। তাই পার্টিতে, ক্লাবে বার-এ একটা ভদ্রমেয়ের আচরণ কি রকম হওয়া উচিত,

সে-সব জালগার এটিকেট মেনে নিয়ে ভদ্রতা শালীনতা সহ কিভাবে মেলামেশা করবে, সেটা আমার কাছ থেকে শিখবে, না শিখবে ঐ সব পাড়ি মাতাল ডে'পো ছোঁড়াদের কাছ থেকে? কোনো ক্লাবে বা পার্টিতে কেউ যদি অশালীন আচরণ করে তখন কি ভাবে চতুরতা এবং ডিপ্লোমাসির সঙ্গে নিজের ভদ্রতা নিজের ডিগনিটি বাঁচিয়ে তাকে ট্যাকল করতে সে-সব শেখাবে ঐ-সব ছোঁড়ারা? আর শুন, কি তাই? আজ তাকে বলে রেখেছিলুম সে যেন কর্নেল সরকারের টেবিলে দু'এক সিপ চাখে। আশু আশু তাকে ভোদকা আবসাঁতেরও দ্রব্যগুণ শেখাব। কোনটা কতখানি ক্ষতি করে ও জেনে নেবে। তারপর কারো পাল্লায় পড়ে যা তা গিলে নিজের অনিষ্ট করবে না, বানচালও হবে না, কাকে কতখানি কি ঢেলে দিতে হবে সেটাও জেনে যাবে—হবে আইডিয়াল হোস্টেস। বাপের চেয়ে ভালো গুরু সে পাবে কোথায়?"

শিপ্রা বললে, "কথাটা অতি সত্য। আমার হাতেখড়ি হয়েছিল বাবার কাছে—পাশে এক গুরুমশাই বসেছিলেন মাত্র। ইন্সকুল না-যাওয়া অবধি তাঁরই কাছে সব শিখিছিঃ প্রাইভেট ট্যুটার বাবা ককখনো রাখেন নি। কলেজে পড়ার সময়ও বাবার ঘরের এক কোণে বসে আধিকাংশ সময় পড়াশুনো করতুম। মাঝে মাঝে তাঁকে প্রশ্ন শুনুধোতুম। জানা থাকলে সুন্দর বুঝিয়ে দিতেন—আর কী অসমী ধৈর্য। না জানা থাকলে একগাল হেসে বলতেন, 'ওরে শিপি, তুই যে বাপ-মরা বিদ্যে রপ্ত করে নিচ্ছিস।' তারপর তাঁর কোনো এক বন্ধু বা পরিচিত স্কলারের কাছে পাঠিয়ে দেবার সময় বলতেন, শিখে এসে আমায় বাতলে দিস্।' তাঁর আর একটা দৃঢ় বিশ্বাস ছিল, 'গুরুকে আপন বাড়িতে টেনে আনলে সত্য বিদ্যাজ্ঞান হয় না। গুরুগৃহে বসে থাকবে বারান্দার বেঁগুতে—গুরুর কখন কৃপা হয়।'"

কীর্তি মুগ্ধ হয়ে বললে, "শিপি, তুমি সত্যি ভাগ্যবতী।"

শিপ্রা বললে, "আমার নামে কি-সব বদনাম রটে তার খবর আমি রাখি নে—আমরা যারা পাটি-ফাটি করি তাদের মধ্যে কার না বদনাম হয়! কিন্তু আজ পর্যন্ত কোনো বিবাহিতা রমণী বলে নি, আমার বাড়ি থেকে তার স্বামী বেঞ্জেয়ার হয়ে ফিরেছে। বাবা বলতেন, 'তুমি লোডি। এ-আইনটা বিশেষভাবে তোমার বেলা প্রযোজ্য।' আর আমি নিজে যে সব চেয়ে মোলায়েম ড্রিংকে সীমাবদ্ধ করে নিজেকে সংযত রাখবো সে-বিষয়ে তাঁর মনে কোনো শ্বিধা ছিল না।"

কীর্তি হাবা ছেলের মত গদগদ সুরে বললে, "সে কি আমরা জানি নে? কিন্তু ড্রিংক কেন, কোন ব্যাপারে তোমার সংযম সৌজন্যের অভাব। সুদিনদ্য যে জালা জালা খায়, ক্লাবের প্রেসিডেন্টকে পর্যন্ত ডোশটা কেসারের বৃদ্ধাঙ্গুষ্ঠ দেখায় সেও তোমাকে রীতিমত সমীহ করে চলে। আমাকে বলে, 'ওরে মুখ'!

তোরা ভাবিস শিপ্রা বৃষ্টি বেখেয়ালে আমাদের এটা ওটা দেখতে পায় নি। ও-মেয়ে না দেখেও সব দেখে, না শুনবেও সব শুনতে পায়। আর আসল গেরো কি জাঁনিস, তার আচরণ বা কথায় প্রকাশ পাবে না, সে অপরাধ নিয়েছে। তাহলে তো গেরোটো ফস্ করে খুলে যেত—হাত পা ধরে মাপ চেয়ে নেওয়া যেত।’ বলে এটাই নাকি তোমার রক্কাস্ত।”

শিপ্রা বললে, “যাঃ! বিশ্বভুবনটা রিফর্ম করার ভারটা কি আমার শ্বক্শে!”
“কিন্তু—”

শিপ্রা বললে, “আজ এ-সব অপ্রিয় আলোচনা এখানেই থাক। ইরানীরা যে-রকম বলে, ‘তখন আলোচনার কার্পেটটা রোল করে গুঁটিয়ে এক কোণে খাড়া করে রাখা হল।’ পরে না হয় আমরা ওটা আবার ঘরময় বিছিয়ে পুরনো আলোচনার শেষ রেশ ধরে নতুন করে ঢেলে সাজবো। আরেকটা কথা তোমায় বলি, কীর্তি। আমাকে যতশত গুণের গুদোম মনে করো না কেন, আমি অন্তরে অন্তরে বিশ্বাস করি দৈবে, অদৃশ্টে—আমি ফেটালিস্ট, অনেকটা থৈয়ামের মত। তাঁর প্রত্যাদেশ, তারই ফাঁকে ফাঁকে সুযোগ পেলে পেয়াল্লা অধরে ধরো। অর্থাৎ আনন্দ করো। সেটা তো মোটামুটি মানিই, কিন্তু সবচেয়ে সেই ফরাসী বৃন্দ জেনরেল আমাকে যে ধর্মে দীক্ষা দেনঃ

লিবের্তে লিবের্তে, তুজুর লা লিবের্তে।”

দ্বাদশ অধ্যায়

খান সাহেবের সঙ্গে কীর্তির হঠাৎ মোলাকাৎ। খান সাহেব বলে, “হ্যাঁরে, কিতে, এদানির তুই শিপ্রা বেগমকে দেখেছিস? আরে, ভাই, বেয়েস যেন দশটা বছর কমে গেছে। মোটরে যাচ্ছিল। আমাকে দেখে হাত নেড়ে নেড়ে যা প্যারটা জানালে, মাইরি, যেন আমি বহু বছরের লঙ লস্ট ব্রাদার। মেয়েদের ব্যাপারটাই ভানুমতীর খেল। আমি তো জানতুম বিয়ের জল পড়লে তবে না মেয়েদের জেঞ্জাই বাড়ে। কালা পেঁচটা হয়ে যায় সোনালী ক্যানারি!”

কীর্তি ভদ্রতার মৃদু হাসি হেসে বললে, “শিপ্রা তো চিরকালের সুন্দরী।”

খানের মাথায় অন্য চিন্তা। ব্যবসার। সে-কথা কি শুকুনো মুখে পাড়া যায়! বললে, “হ্যাঁ, হ্যাঁ যা বলেছিস। তা চ, ঝপ করে একটা থেয়ে নিবি। ফাস্ট ক্লাস গর্ডনস্।”

“এই অবেলায়?”

“বলিস কি রে? বেলা তিনটে অবেলা। চ চ।”

গুণীরা বলেন, অশ্বকার গুহায় আলো জ্বালালে সে-অশ্বকার হাজার বছরের

পুরনো হোক, আর দশ মিনিট পূর্বে কারো মশাল নিভে গিয়ে থাকার অশ্চকার হোক, দেশলাই দুটোকেই দূর করবে এক সময়েই, এক মুহূর্তেই। কিন্তু খান প্রতিবেশী বাল্যবন্ধু কীর্তির। “না যাবো না” বলে এক লহমায় সে-বন্ধুতে আগুন ধরানো যায় না। আসলে কীর্তির ইচ্ছা ছিল পানের মাত্রাটা আশ্চে আশ্চে কমানো।

আরাম করে বসে খান ঢক করে পয়লা গেলাস বটম্ আপ করে কীর্তিকে বললে, “হ্যারে তুই তো কোথাও হাস নে। তবু একবার যাবি আমার সঙ্গে আগরতলায়? তুই থাকলে কুচক্রীরা সমঝে যাবে, তোর শেল্লারসুন্ধ, তুই আঁছিস আমার পিছনে। দুর্গদিন আগে এরই ধাক্কায় আমাকে যেতে হল করাচী লাহারে।”

কীর্তি হতভম্ব। তোৎলাতে তোৎলাতে বললে, “তোর কি মাথা খারাপ? সেই হাই-জ্যাকিঙের পর থেকে ওসব জার্নায় ইন্ডিয়ান্ হয়ে গেলি কোন সাহসে?”

কীর্তির পিঠ চাপড়ে দিয়ে খান বললে, “বেশ বাওয়া, বেশ। চতুর্দিকে নজর ফেলে ওকীবহাল হয়ে উঠিছিস। এবারে ব্যবসার দিকে একটু মন দে না।”

“তা সেখানে কি দেখালি, কি শুনলি?”

“আর বলিস নি। ওদের কাগজগুলোর ক্রুড ছুঁচোর মত ফিচেল মিথ্যে কথা বলার ধরন আর বহর দেখলে তোর মত অগাও তাজ্জব্ব মানবে। বলে কি না, আওয়ামী লীগ গুন্ডা ভাড়া করে ইলেকশন জিতেছে। বিদেশী রিপোর্টার-গুলো মিটমিট করে হাসে। আরে, বাট যদি বলাবই তবে বল হিটলারি স্টাইলে, গ্যোবেলসের সুপারফাইন সুতো দিয়ে বোন একটা মিহিন জাল। পূব বাঙলার পোনরো আনা লোক নার্কি ইয়েহিয়াকে ফাদার মাদার রুপে দেখে—মসজিদে মসজিদে তাঁর জিন্দগী আর ভালাই-এর জন্য দোয়া দরুদ পড়ে।

এর ফলে কি হবে জানিস? হিটলারী রাজ্জর আখেরী ওস্তে যা হয়েছিল, ঠিক তাই। এরা হয়ে যাবে আপন প্রপাগান্ডার ভিকটিম! একদম টপ-এ যারা আছে—ইয়েহিয়াকে ঘিরে—তারা জানে এসব মিথ্যে প্রপাগান্ডা। কিন্তু যদি আখেরে বাঙলাদেশ রুখে দাঁড়ায় তবে সেটাকে দমন করার প্রস্তুতির ভার যে শত শত অফিসারের কাঁধে পড়ছে, তারা তো জানে না এসব ডাহা মিথ্যে, তারা ভাববে এসব বাড়াবাড়ি, মশা মারার জন্য খামোখা সেই কোন সদুদর পূব পার্কিস্তানে পাঠাতে হবে কামান ট্যাঙ্ক। কাজে আসবে গ্যাফলী। পানি কাটা সাপ জৌকের দেশে এমনিতেই পশ্চিম পাকী সৈপাই যেতে চায় না, এখন সেখানে যেতে হবে বিদ্রোহ দমন করতে? কিসের বিদ্রোহ? এ্যান্দ্দিন খরে তোমরা গাইলে ভিন্ন গীত। সাধারণ সৈপাই যদি অফিসারকে অশ্চভাবে বিশ্বাস

না করে তবে আর্মির 'মরাল'টি হয়ে যান্ন বরঝরে।

আথেরে মামেলাটা এ-শেপু নেবে কি, না, সে জানেন আল্লা। কিন্তু লাহোর পিঁণ্ডর ক্লাবে ক্লাবে কী অন্ধ আত্মপ্রসাদ, কী কাণ্ডজ্ঞানহীন বড়-ফাট্রাই।

আর মদের কথা যদি তুলিস তো আমরা কলকত্তাইয়ারা ওদের তুলনায় শিশু, শিশু, শিশু। আমাদের সব চেয়ে বড় ক্লাবে সম্বৎসরে যে-পরিমাণ খাওয়া হয় তাই দিয়ে ওদের ছোটাসে ছোট ক্লাবের কপালে তিলকটি কাটা যাবে না। জালা জালা মদের সঙ্গে সঙ্গে সব্বাইকে শূনিয়ে শূনিয়ে গালি-গালাজে ভীর্ত অশ্লীলতম ভাষায় যে সব নোংরা নর্দ-মায় তারা গড়াগড়ি দেয়, গল্পের নামে মোস্ট পয়েণ্টলেস যে-সব মলকুণ্ডের বর্ণনা দেয় সে-সব না শূনলে কোনো দেশের গাটারনাইপও বিশ্বাস করবে না যে নগরের সব চেয়ে সম্মানিত ক্লাবে ভদ্রসন্তানরা এসব বলে, শোনে আর চতুর্দিকে কী অট্রহাস্যের গমগমান।

আমাকে এক্কেবারে চার্টান বানিয়ে ছিল সর্বশেষে এক জমিদার—ব্যারন বললেই ঠিক হয়—বাড়ির একটা বিরাট হলঘরে। রু ফিল্ম কখনো দেখেছিলস ? তার বাস্তব—থাক্। তুই যে আমার ছেলেবেলার বন্ধু যার সামনে আমি হয় হামেশা প্রাণ খুলে সব কথা বলোঁছি, তাকেও ভাই বলতে পারবো না।”

কীর্ত বললে, “বলারই বা কি দরকার ?”

খান বললে, “না ভাই, শূধু বলার জন্যই বলছি নে। আমি শূধু ভাবি এই সব আত্মপ্রসাদমত্ত দিবান্ধ, মিথ্যা ভাষণ যাদের হাড়ে হাড়ে এমনই ঢুকে গেছে যে পাব্র শপথগ্রহণের সময়ও কুণ্ঠা নেই, লজ্জা নেই, যোন ব্যাপায়ে যারা পশুর চেয়েও অধম—এরা ভাবে এরা সভ্য, এদের তুলনায় পূব বাঙলার লোক জংলী, বর্বর। এ সব ব্লুটগুলো শাসন করতে চায় সরল, বিশ্বাসী, ভদ্র পূব বাঙলার লোককে !”

খান ভালোভাবেই জানতো, কীর্তর মত মাত্রা রক্ষায় অভ্যস্ত বনেদি ঘরের ছেলের কাছে এ-সব আবিষ্কাস্য, এ-সব তার কল্পনার বাইরে, তার দৃষ্টিচক্রের বহু বহু দূরে। পাকেচক্রে যদি বা সে এ-জাতীয় পশ্বাচারের কাছে-পিঠে এসে পড়ে তবে সঙ্গে সঙ্গে তার ইনসটিনক্টই তার লাগাম ধরে উঠেটা পথে ডার্বি স্পীডে তাকে ছুটিয়ে দেবে। কিন্তু সে নিজে এ-যাত্রায়, বিশেষ করে ব্যারনের বাড়িতে যে পাইকিরি পাপাচার যে সামান্য অংশটুকু দেখেছিল, এবং পরে শূনেছে আর সব জমিদার বাড়িতেও এ-সব ডাল-ভাত, পূরুযানুক্ৰমে চলে আসছে তাই নিজে মনে মনে তোলাপাড় করছিল এক একটা জাত এ-রকম পথে চলে কি কারণে ? আর পাঁচটা জাতের সঙ্গে মেলামেশার পরও নিজেদের সভ্যতর মনে করে কোন যুক্তি দিয়ে ? দুজ্ঞানই চূপ।

খানই শেষটার বললে, “তুই তো জানিস আমাকে পুরো দুটি বৎসর লুডনে

কাটাতে হয়েছিল, বাবার হুকুমে। ইংরেজের সঙ্গে আমার যে খুব-একটা দহরম-মহরম হয়েছিল তা নয় তবু তাদের চরিত্র, সামাজিক আচরণ খানিকটে আমার নজরে আসে। অবশ্য যে-সব বিশেষ বিশেষ সীমাবদ্ধ সম্প্রদায় থেকে ইংরেজ ভাবভবর্ষে রাজত্ব করার জন্য লোক সংগ্রহ করতো তাদের সঙ্গে আমার পরিচয় হয় নি। কিন্তু সব চেয়ে বৃহৎ অভিজ্ঞতা আমি যেটা অনিচ্ছায় সপ্তয় করছি সেটা তাদের অজ্ঞতা, সর্বগ্রাসী অজ্ঞতা। শিক্ষিত অশিক্ষিত—তা তারা খবরের কাগজ পড়ুক আর নাই পড়ুক—শতকরা ৯৯ জন বাইরের দুনিয়ার কোনো খবর তারা রাখে না। ফ্রান্সে, শুনোঁছি, অজ্ঞতাটা তারো বাড়া।

পাজাবী সৈপাইয়ের জনপদবধু কি জানে, পূব বাঙলা কোথায়?—এবং সেখানকার বধুর বন্ধুকে তারই মত একটা সুখ দুঃখ, দুমুঠো অম্বের যেন অনটন না হয় তার তরে তারো জীবনভর একই দুশ্চিন্তা!

তুই শুনলে হাসাঁবি, আমি লাহোর ক্লাবের মেম্বার, ইংরেজ ও গাঁইয়া মেয়ের অজ্ঞতার ভিতর বিশেষ কোনো তফাত দেখি নে। লাহোরের মেম্বার ভ্যাট্‌ভুট করে ইংরিজ বলতে পারে বলে আমরা ভুল ধারণা করে বসি তারা বুঝি আপ টু ডেট।

এই সর্বব্যাপী অজ্ঞতার মাঝখানে ইংরেজ শাসকের অজ্ঞতা তাকে দির্দেখিল ভারতীয়ের প্রতি অবজ্ঞা আর পাজাবী করে ঘৃণা পূব বাঙলার লোককে। তুই তো ঘটি, তবু নিশ্চয় জানিস ওরা বড় 'টার্চি', বাঙলাকে অবহেলা করলে সে তার উত্তর দেয় তিন ডবল অবহেলা দিয়ে। ইংরেজের অবহেলার বিরুদ্ধে লড়াইয়ে নামতে তাই তার একটু সময় লেগেছিল। কিন্তু ব্যাটা যেদিন ঠিক ঠিক বন্ধে যাবে, পাজাবী শূয়ারটা তাকে ঘৃণা করে, তখন শূর হবে আতসর্বাঙ্গি।”

খান খানিকক্ষণ চিন্তা করে বললে, “সবই ঠিক, কিন্তু জানিস তো ‘জোর যার মুল্লুক তার’। ব্যাটাদের শূধু বন্দুক নয়, আছে ট্যাঙ্ক প্লেন।”

কীর্তি বললে, “ইংরেজের কি ট্যাঙ্ক প্লেন ছিল না? তত্ত্ব কথার মূলে তত্ত্ব কি জানিস? আজ যদি ক্রেসিয়াস ক্লে আলী তোকে রাস্তার পেয়ে এক ঘূর্ষিতেই লম্বা করে দেয় সেটাতে তো তোর লজ্জা পাবার কিছু নেই, কিন্তু তার পর যদি তুই তার দাসত্ব স্বীকার করে নিস, সেখানে লজ্জা। ট্যাঙ্ক প্লেনের শক্তি দিয়ে কাল যদি পাজাবী রুটের পাল পূব বাঙলাকে ছারখার করে দেয় তাতে বাঙাল লজ্জা পাবে কেন? শক্তিশালী হামেশাই দুর্বলকে পরাজিত করে।

কিন্তু তারপর যদি বাঙালরা পাজাবীর দাসত্ব স্বীকার করে নেয় তবু সেখানে বাঙালের লজ্জা। তুই আমি বাঙালী—আমাদেরও লজ্জা।”

ত্রয়োদশ অধ্যায়

শিপ্রা অভিমানের সুরে বললে, “এত দেরি করে এলে ? এরই মধ্যে আমাকে অবহেলা ?”

কীর্তি অবাক। সামলে নিজে দীর্ঘনিঃশ্বাস ফেলে বললে, “রাবি ঠাকুর ছাড়া দেখছি আমাদের গতি নেই :

‘তোমার ভাষা বোঝার আশা দিয়েছি জ্বলাজ্বলি !’

আমি এসেছি তোমার দেওয়া সময়ের দশ মিনিট আগে—এবং অতি ভয়ে ভয়ে। কারণ তোমাকে ঘরসংসার দেখতে হয়, তার উপর পুরো তদারকি করতে হয় ব্যবসা-সম্পত্তির। এবং সর্বোপরি কয়েকটা চ্যারিটির হিসাবপত্র দেখা। ইক্জ্যাক্ট টাইমের এক মিনিট পূর্বে এলে হয়তো বারান্দায় মোক্ষম এক ধাক্কা, কোন এক ঝনঝনিয়া বা ঠুনঠুননিয়ার সঙ্গে। আর তিনি হন যদি সিস্টার তেরেসা বা ক্লারা তা হলে তো কেলেঙ্কারি ব্যাপার। যাকে বলে, আমি মরমে মরে যাবো, তাঁর শরমে ‘শেম্ শেম্’।”

শিপ্রা বললে, “উপরে চল।”

সিঁড়ি দিয়ে উঠতে উঠতে বললে, “চ্যারিটির কাজ যৎসামান্য। আমি নিজে সে-সব স্থলে যাই। সিস্টারদের পক্ষে এখানে আসা সহজ নয়। এবং শুনছি ক্যাথলিক নান্দের অন্তত দুজন না হলে রাস্তায় বেরনো বারণ। সে-কথা থাক। আসল কথাটা শোনো। মনে কর কেউ যদি স্থির করে তার সাংসারিক সব অভাব দূর না হওয়া পর্যন্ত কোনো ভিত্তিরকে ভিক্ষে দেবে না, কেউ যদি ভাবে বৈষয়িক সর্ব ব্যাপার গোছগাছ না করে বৃন্দাবন যাবো না, তা হলে এঁরও আজীবন ভিক্ষে দেওয়া হবে না ওঁরও কস্মিনকালে তীর্থদর্শন হবে না। প্রত্যেক দানকর্মে থাকে আত্মবিসর্জন, ক্ষতিস্বীকার তা সে যত সামান্যই হোক। এই যে তুমি ক্ষুদ্রতম এটিকেট রক্ষার্থে বন্ধুর সিগারেট আগে ধরিয়ে দিয়ে নিজেরটা পরে ধরাছো তাতেও আছে পাঁচ সেকেন্ডের সেকারফাইস।”

কীর্তি সোৎসাহে বললে, “হ্যাঁ হ্যাঁ মনে পড়ছে, তুর্গেনিয়েফও বলেছেন, রকফেলারের লক্ষ লক্ষ ডলার দানের কথা যখন মনে আসে তখন আমার হৃদয়ে তার প্রতিদানে কৃতজ্ঞতা, কিন্তু যৌদিন দেখলুম, আমাদের গ্রামে আর্টটি কাচ্চা-বাচ্চার বাপ এক অতি গরীব চাষা একটি অনাথ বাচ্চাকে বাড়িতে এনে আশ্রয় দিল তখন তার স্মরণে আমার মাথা গভীর, গভীরতম শ্রম্ভায় নত হয়। চাষার ভয় ছিল তার বউ সংসার চালাবার জন্য প্রতিটি কোপেক গোনে, সে দারুণ চটে যাবে। সে শূদ্র রান্না করতে করতে শূদ্র আপন মনে মন্তব্য করেছিল, ‘এখন থেকে আমরা সপ্তাহে যে একটা দিন পরবের রোববারে চাঁজ খেতুম সেটা ছাড়তে হবে।’ আমার ঠিক ঠিক মনে নেই—”

“কিছু দরকার নেই এ ঘটনাটির বর্ণনা তুর্গেনিয়েফের ভাষায় দেবার। ছ'বছরের বাচ্চাও যদি এটি আধো আধো কথায় প্রকাশ করে তবে তার মূল্য এক কানাকড়ি কমবে না। লক্ষ টাকা দামের ফুলদানিতে একটি গোলাপ রাখা, আর চার আনার কাঁচের গেলাসে রাখা, গোলাপের সৌন্দর্য কি তখন আসমান জমীন ফারাক হয়ে যাবে ?

কিন্তু তোমার উদাহরণ সত্যি ক্লাসিক পষাণের। রকফেলার বিশ লক্ষ ডলার দান করে কি ক্ষতিটা স্বীকার করলেন ? ব্যাণ্কেয় খাতাতে কয়েকটা শূন্য কাটা পড়লো মাত্র। বস্তুত তুমুহুতেই তিনি পাইকির্কিতে আরো বিশখানা রোল্‌স্‌ কিনতে পারেন।”

তার নিভৃত বৃন্দগ্নারে কীর্তিকে নিয়ে গিয়ে শিপ্রা লম্বা হয়ে শূন্যে পড়ল তার ডিভানের উপর। কীর্তিকে বললে, “বসো আমার পায়ের কাছটা— আমি কেট্টাকুর না হলেও তুমি তো অজ্ঞান। তিনি বুদ্ধিমান ; ঠাকুরের পায়ের কাছে আসন নিয়েছিলেন। নিছক বিনয় বশত নয় ; তাঁর কুটিল স্বার্থ ছিল। আমারও তাই। তোমার মুখ দেখতে পাবো বলে।”

বলতে বলতে তার খোঁপা খুলে চুলে বিলি দিতে দিতে মাথার পাশের গোটা তিনেক কুশন ঢেকে দিল। কীর্তি লম্বায়, পরিমাণে এ-রকম রাশি রাশি চুলের স্তূপ আগে দেখে নি। বিস্ময়ে সেটার প্রশংসা করতে ভুলে গিয়ে বললে, “তোমার খোঁপা দেখে তো আমার কখনো মনে হয় নি, তোমার এত চুল।”

“কোঁকড়া চুলের ঐ একটিমাত্র সুবিধে। কিন্তু আমার বক্তব্য শেষ হয় নি।

“নির্দিষ্ট সময়ের আধ ঘণ্টা পূর্বে কিংবা হঠাৎ বিন্-নোটেশে এলে তুমি। তোমাকে তখন বসিয়ে রেখে টাকাকড়ির টানা-হ্যাঁচড়া করবো ঐ ঠুনঠুনিয়া না ঝুনঝুনিয়ার সঙ্গে—ঈভন ফাইভ মিনিটস্ ? নো, এ হানড্রেড টাইম নো। তাকে তদুৎই বিদায় দিলে কি হবে। একটা ডীল হয় তো হবে না। ঝুনঝুনিয়াও বিরক্ত হবেন।

ওরে হাবা, শোন, এইটুকু যদি আমি ত্যাগ স্বীকার না করতে পারি তোর সঙ্গ পাবার তরে তবে তোর মূল্যটা কত ? ডীলটাতে হয়তো আমার দশ হাজার টাকার মুনাকা হত। তা-হলে যে কোনো মুদি তোকে বলতে পারবে তোর দাম নিশ্চয়ই দশ হাজার টাকার চেয়ে কম—এ তো সোজা হিসেব। আর স্বয়ং য়ীশুখৃষ্টের মূল্য কত ? মাত্র ত্রিশটি মুদ্রা। অবশ্য তাঁর ষে-শিষ্য-তাকে বেচে দিয়েছিল দুশমনদের কাছে সে ছিল গ্যালিলির জেলে। আজকের দিনেও সেখানে ত্রিশ মুদ্রা পর্বতপ্রমাণ। আর আমার কাছে দশ হাজার কি ! ওদিকে দু'হাজার বছর ধরে দুনিয়ার ভদ্র ইতর সন্তানের কাছে থেকে জুডাস পাছে অভিসম্পাত। আমাকে দেবে ক'হাজার বছর ধরে ঝুনঝুনিয়ার কাছে তোমাকে বেচে দেওয়ার জন্য।”

তারপর আরামসে চোখ বন্ধ করে বললে, “ভাগ্যিস, মা কালীর আশীর্বাদে তুমি আমি কেউই যীশুখৃষ্ট নই।”

এমন সময় কোনো নোটিশ না দিয়ে কীর্ত হঠাৎ মাথা নীচু করে শিপ্রার একটা পায়ের চট করে চুমো খেয়ে অন্য পায়ের মুখ চেপে দিতে লাগলো দীর্ঘতর চুম্বন।

ধড়মাড়িয়ে শিপ্রা উঠে বসে কীর্তির মাথা চেপে ধরে বলল, “পিছ ছি! এ তুমি করছ কি?”

কীর্ত কোনো উত্তর দিল না। নিরাশ হয়ে শিপ্রা বসে রইল।

অনেকক্ষণ পরে কীর্তির চুল ধরে তার মাথা টেনে তুললো তখন বিশ্বদুমার অপ্রীতিভ ভাব না দেখিয়ে শান্ত কণ্ঠে বললো, “কেন? পদচুম্বন সমাসটা কি তোমার একেবারে অজানা। মানুষ গুরুর পদচুম্বন করে। কিন্তু আমি তো কখনো কোনো গুরুর কাছে দীক্ষা নেবার মত পাত্র নই। তুমিই তো আমার গুরু।”

বিস্মিত হয়ে শিপ্রা শূধলো, “সে কি?”

“শোনো নি, চন্দ্রীদাস তাঁর রজকিনীকে গুরু আখ্যা দিয়েছেন তাঁর গীতে?”

“সে তো তিনি তাঁর সাধনার ক্ষেত্রে রামীকে অনেক রূপেই দেখেছেন, অনেক নামেই ডেকেছেন। তুমি তো অপদার্থ—অবশ্য তোমার আত্মোপলব্ধির ভাষায়।”

“অবাক করলে, গুরু, অপদার্থের তো গুরুর প্রয়োজন সর্বাধিক। খাঁটি সোনাতে কেউ কখনো পরশ পাথর ছোঁয় না। আচ্ছা, তর্কস্থানে না হয় গুরুর প্রসঙ্গ বাদই দিলুম। কিন্তু শিপ্রার পদচুম্বন কি তার প্রসাদলব্ধ জন করে না। তুমি যাঁকে গুরুরূপে বলে প্রায়ই উল্লেখ করো তিনি গেরেছেন :

‘অমল কোমল চরণকমলে চুমিন্দ বেদনাভরে—’

শিপ্রা বাধা দিয়ে বললে, “সে তো তাঁর জীবনদেবতার পদচুম্বন করেছেন তিনি।”

রীতিমত উত্তেজিত হয়ে কীর্ত বললে, “বা রে। এর কয়েক লাইন আগেই তো ওর সঙ্গে তার মহা সাড়ম্বরে, আনুষ্ঠানিকভাবে অনেক চক্র ততোধিক রেখার জাল একে শূভলপন স্থির করে, শাস্ত্রীয় পদ্ধতিতে পরোহিত বৃন্দ বিপ্রেস হাতে ধান্য দুর্বা তীর্থবারি এবং মন্ত্রসহ বিয়ে হল এবং সখীদল ও শাস্ত্রীয় অনুষ্ঠানের পর সামাজিক অনুষ্ঠান সম্পন্ন করলো।

দৌহাকার সাথে ফুলদল-সাথে বরষি লাজাজলি।

এবং এই ষে একটা অভূতপূর্ব, ইতিহাসের সর্ব স্বয়ংবর বিবাহকে আপাদ-মস্তক লিঙ্গিত বিড়ম্বিত করি পাণিগ্রহণ—আমি এই পাণিগ্রহণ সমাসটির দিকে তোমার বিশেষ দৃষ্টি আকর্ষণ করছি, শিপি—এই পাণিগ্রহণ মহোৎসবটি সমাধান হল এটির নিষাস, এটির মধুরতম মধুমন্ত্র পাচ্ছ :

‘অজ্ঞানিত বন্ধু নীরবে সঁপিল শিহরিয়া কলেবর
হিমের মতন মোর করে তার তপ্ত কোমল কর।’

বন্ধু, বন্ধু, বন্ধু—আবার বলি বন্ধু নয়, বন্ধু।

সেই বন্ধুর পদচুম্বন করেছিলেন আমাদের সর্বশ্রেষ্ঠ যার ভিতর সকল রসের ধারা সর্বদেশ সর্বকাল থেকে বয়ে এসে সন্মিলিত হয়েছিল।” দম নিয়ে কীর্তি বললে,

“তোমরা যা বলে তাই বলে, আমার কাছে বন্ধু যা জীবনদেবতাও তা।

এর পর দেখ, কবিতাটি তোমার আমার অতি কাছে চলে এল। কবিতার সখী পথ দেখিয়ে বরবন্ধুকে বাসরঘরে নিয়ে গিয়েছিলেন। এখানে স্বয়ং তুমি। তারপর—

পাদপীঠ ‘পরে চরণ প্রসারি শয়নে বসিলা বন্ধু—

তুমি যদি সে-ভাবে চরণ প্রসারিত করতে তবে আমি ছুটে গিয়ে পাদপীঠ সংগ্রহ করে আনতুম না। তুমি যে শয়নে চরণ প্রসারিত করলে। তাই তো আমাকে ঐ অবস্থাতেই পদচুম্বন করতে হল।”

ইতিমধ্যে শিপ্রা তার দুই হাঁটুর মাঝখানে মাথা গুঁজে বসে কীর্তির কবিতা আবৃত্তি, তার আপন টিকা কিছুটা শুনছিল। কিছুটা আপন মনে ভাবছিল। তার রাশি রাশি চুল চতুর্দিকে ছাঁড়িয়ে পড়েছে। কীর্তি মাত্র দু’দিন ধরে দরদী হিয়ার আহান পেয়ে বক্, বক্ করতে শুরু করেছে। কিন্তু অর্তিদিনের নীরব স্বভাব চট করে যায় না বলে চুপ করে শিপ্রার চুলের ভিতর এদিক ওদিক আঙুল চালাচ্ছে।

হঠাৎ শিপ্রা মাথা তুলে কীর্তির দিকে স্থির দৃষ্টিতে তাকিয়ে ধীরে ধীরে স্পষ্ট স্বরে বললো, “এ-সব প্রাণের কথা কার না শুনতে ভালো লাগে? কিন্তু, কীতা, আমার মন বার বার ঘুরে ফিরে ঐ পাদপীঠ কথাটির দিকে যাচ্ছে। পাদপীঠ, সোজা বাঙলায় চৌকি, ইংরিজিতে পেডেস্টেল। তোমার হৃদয়ে দু’দিনেই আমার যা মূর্তি গড়ে তুলছো তার পাদপীঠটা উঁচু হতে হতে এখন সেটা ময়দানের বিরাট বিরাট মূর্তির দশহাত উঁচু পাদপীঠ, স্ট্যাণ্ড হয়ে দাঁড়িয়েছে।” একটু চিন্তা করে নিয়ে বললে, “না তুমি আরম্ভ করেছ পাদপীঠ দিয়ে। সেটাকে গড়েছো তোমার চেয়ে তিন মাথা উঁচু। তার উপর খাড়া করবে বা বসাবে নিশ্চয়ই কোনো দেবীপ্রতিমা—অন্য কিছু মানাবে কেন? এবং স্পষ্ট কল্পনা করতে পারছি সে দেবী আমি। নয় কি?”

কীর্তি মুগ্ধ হয়ে ভাবছিল, আহা, এই তো শিপ্রা। রবি-কাব্যের কত না অভলে ডুববেছে সে। অথচ প্রয়োজন মত আমার মত এমেচারের সঙ্গেও সে কদম কদম মিলিয়ে চলতে পারে। ঐ তো তার মহৎ গুণ। পাঁটিতে, ব্যবসাতে ঐবলেবাড়িতে সর্বত্রই সে ব্রাহ্মণ চণ্ডাল সঙ্কলের সঙ্গে খাপ খাইয়ে চলতে পারে।

শিপ্রার প্রশ্নের উত্তরে কীৰ্ত্তি, যেন সমের শেষে মাথা দোলাতে দোলাতে বললে, “অবান্তর, অবান্তর এ-প্রশ্নটা। প্রশ্নটাই স্বতঃসিদ্ধ, স্বয়ংসম্পূর্ণ!”

হায় রে কীৰ্ত্তিঠাকুর! তুমি এখনো তোমার শিপ্রা চতুরাকে চিনতে পারো নি। সে যেন সন্দেহের ধন্দে দোটানা হয়ে বললে, “তোমার ঐ কবিভাষাতেই আছে, “বিয়ে বাড়িতে” ছিল।

‘সিংহবাহিনী নারীর প্রতিমা দুই পাশে অপরূপ!’

বাঙ্গালোরী শাড়ি, বেনারসী ব্লাউজ আর ছেরামপুরী খোঁপা—ঐ তো আমার সাজ। এ কি মানাবে সিংগির ঘাড়ের উপর বসলে?

তার চেয়ে ওখানে বসে যদি আমি হীরা-পান্না বসানো সোনার চিরুনি দিয়ে কুর্হকিনী মায়াবিনীর মত চুল আঁচড়াই তবু না হয় ডে’পো ছোঁড়ারা ওঁদিকে তাকিয়ে দু’একটা রসাল টিপ্পনী কাটবে!”

কীৰ্ত্তির রোমান্সে এই পয়লা খোঁচা। এবারে আসছে কু দ্য গ্রাস, ক্লে’র মোক্ষম মুণ্ডট্যাঘাতে রোমান্স-বেলুনের শেষ সর্বনাশ।

অতি গুরুগম্ভীর হাস্যহীন আস্যে শিপ্রা বললে, “সবচেয়ে খাসা মানায়, যদি আমি সেখানে কোমরে আঁচল বেঁধে, টাটা স্টিলের কড়াইয়ের খাগড়াই কাঁচার খুন্সিত দিয়ে তোমার জন্য পুঁই শাকের চর্কাড়ি ঘুঁটাটাই।”

আহা, যেন একটি সাথ’ক গবিভা! এই একটি বাক্যকেই তিন অসমান হিস্যেয় ভাগ করে তিন লাইনে ছাপলেই কোথায় পাউন্ড, কোথায় বন্ধু সমর সেন?

ডাস্ট বিন্-এ পচা হুঁদুর

রিকশায় চীনা গণিকা

এগুলো মহাকাব্য রূপে স্বীকৃত হয়েছে। এবারে জুড়ে দিলে ময়দানের মিনারীশিখরে ইশ্টিলের কড়াই।

কীৰ্ত্তি যে ক্ষুব্ধ হয়েছে সেটা স্পষ্ট বোঝা গেল। হার মানতে মানতে তবু শেষ বাণ ছাড়লে—

দেবতারে প্রিয় কারি, প্রিয়েরে দেবতা।

অতি সোহাগভরে দ’হাত দিয়ে কীৰ্ত্তির মাথা বুকে গুঁজে নিয়ে তার মধুর-তম কণ্ঠে বললে,—সে কণ্ঠস্বর তার পিতা বড় ভালোবাসতেন—“ওরে ক্ষ্যাপা, প্রিয়াকে দেবতা করার জন্য প্রেমিক প্রেমিকা, উভয়েরই শাস্ত্রাধিকার অর্থাৎ প্রেমাধিকার চাই। তোমার কিছটা আছে—বিধিদত্ত—কিন্তু দিনে দিনে সেটা বাড়বে না কমবে সেটাও জানেন একমাত্র বিধিই।

তুমি বার বার বলেছো, তুমি অপদার্থ, তাই তোমার ভিতর আমি কি দেখলুম যে তোমাকে ভালোবাসলুম? উত্তর দি নি। আজ বলি, ঐ প্রেমাধিকার। যাকে আমি নাম দি ‘ধাতু’।”

কীর্তি শব্দে, “ধাতু ? বৃষ্টিয়ে বলা ।”

শিপ্রা বললে, “তোমাকে নির্মাণ করার সময় বিধাতা একটা বিশেষ ধাতুও মিশিয়ে ছিলেন। সেটা আমি চিনতে পেরেছি। এর বেশী বৃষ্টিয়ে বলা যায় না। ওটা বোঝার জিনিস নয়, উপলব্ধির ধাতু। হয়তো নিজেই একদিন উপলব্ধ করতে পারবে। ব্যান! এখন চুপ করো।”

চতুর্দশ অধ্যায়

কীর্তিদের ক্লাব-বারের উচ্চ উচ্চ দৃশ্যসনে বসে ডাইনে-বায়ে স্টিয়ার করাটা যারা সব সময় পছন্দ করতেন না, তারা আসন নিতেন ছোট ছোট টেবিলের চতুর্দিকে। আবদার ড্রিংক এনে দিত টেবিলে টেবিলে। আবদার কথাটা ফার্সি থেকে এসেছে প্রাচীনতর যুগে, জোব চালু হয় কোম্পানির আমলে এবং ইদানীং মনুষ্যব্দ। যদিও আব শব্দর অর্থ জল, পেলন ওয়াটার—যেমন আবহাওয়া—ও দার কথাটার অর্থ, যে ধরে, যেমন জিম্মদার তথাপি রুটার্থে সে মদ্যাদি তরল দ্রব্যের রক্ষক ও পরিবেশক। ইরান দেশে এই ব্যক্তিই যদি ভদ্রশ্রেণীর শিক্ষিত তরুণ বা তরুণী হয় এবং বন্ধু বা বাস্তবী রূপে কাব্যালোচনা, সঙ্গীতাদির দ্বারা বিশেষ একজনকে আপ্যায়িত করে বা আসর জমিয়ে তোলে তবে তার নাম সাকী।

দৃশ্যসনীদের ভিতর কথাবার্তা হয় ছেঁড়া-ছেঁড়া। টেবিলগুলোদের ভিতর মাঝে-মাঝেলে দু’একটি বিষয় নিয়ে অপেক্ষাকৃত দীর্ঘস্থায়ী আলোচনাও হয় কিন্তু আমাদের রক বা পাড়ার চায়ের দোকানে—সেখানে প্রাগুক্ত ক্লাবের মত একে অন্যকে চেনে এবং প্রায় সব খন্দেরই বেনামী একটা ক্লাবের অনারারি মেম্বার—যে রকম তর্কাতর্কির সাইক্লোন টর্ন্যাডো বয়ে যায়, এই খানদানী ক্লাবে সেরকম হয় না। কারণ কেউই কোনো বিষয়ে সিরিয়াসলি নেয় না, কারোরই বিশেষ কোনো মতবাদে দৃঢ়বিশ্বাস নেই। তাঁরা শুধু একটি বিষয়ে অচঞ্চল দৃঢ়মত পোষণ করেন—পানের দ্রব্যটি যেন যে লোক যা নিত্য নিত্য খায় আজও যেন নিভেঁজাল তাই হয়। এবং যেহেতু সাধারণ মানুষ যদি কোনো বিশেষ একটা জিনিসের প্রতি তার সর্ব চৈতন্য সর্ব ধ্যান পরিপূর্ণ নিয়োগ করে দেয় তবে সে অন্য সর্ববাবদে অলপাধিক উদাসীন হতে বাধ্য—অজ্ঞান যে-রকম পাথর চোখের দিকে তাগ করার সময় গুর, ভাতা এমন কি বৃক্ষটাকেও দেখতে পান নি। বাইবেলও বলেছেন, “দুই প্রভুর সেবা করা যায় না।”

আজ কিন্তু তর্কটা জমে উঠেছে। ইয়েহিয়া খান এসেছেন ঢাকায়। শেখ মুজিবের সঙ্গে একটা আপোস করতে। কীর্তি এসে দলে ভিড়লো আলোচনা যখন অনেকখানি এগিয়ে গিয়েছে—বসলো তার স্মৃতিদাঁড়া ও ইয়ার খানের

পাশ। যে সমস্যা নিয়ে বাণীবিতণ্ডা হচ্ছে সেটা : ইয়েহিয়া কি সত্যই আঞ্জামী লীগের হাতে পূবে বাংলার চোন্দ আনা কর্তৃত্ব ছেড়ে দিতে প্রস্তুত ?

মিস্তর যদিও প্রায় প্রতি রাতেই কিংবদন্তি বে-এজেন্ডার হয়ে বাড়ি ফেরে তবু সবাই জানে যে বন্ধু মাতাল অবস্থায়ও সে যদি কাউকে কোনো কথা দেয় তবে পরের দিন সে-কথা তুললে, যদিও সে সে-কড়ার বিলকুল স্মরণে না আনতে পারে তবু ক্ষয়ক্ষতির পরোয়া না করে সত্য রক্ষা করবে। অতএব তার দৃষ্টি-বিন্দু এক্ষেত্রে সেই ঐতিহ্যগত। বললে,

“তোমরা ভুলে যাচ্ছে। ইয়েহিয়া সেপাই, অফিসার। সে পলিটিশিয়ান নয় যে ঘাড় ঘাড়ি ভোল পালটাবে। ইংরেজ জাতটা পলিটিকস করে। আমাদের হোমরুল, অটনমি, হাফ-স্বরাজ, স্বরাজ দেবার হোলি প্রতিজ্ঞা করে সেটা ভঙ্গ করেছে। কতবার হিসেব নেই। প্রথম বিশ্বযুদ্ধের সময় ঠিক একই সময়ে গোপনে আরবদের কাছে কসম খেল যুদ্ধ শেষে প্যালেস্টাইন ওদের হাতে সঁপে দেবে এবং সঙ্গে সঙ্গে টাকার কুমীর মার্কিনদের হব্বহু ঐ একই প্রতিজ্ঞা করলে। যুদ্ধ শেষে চেষ্টা করলে, নিজেই সেটা হজম করার। শেষটার যখন নিতান্তই বদহজমে যায় যায়, তখন আরব আর ইহুদিদের লাড়িয়ে দিয়ে বাড়ি চলে গেল। এবং দুই পক্ষকেই আগুনের দরে আউট অব ডেট পূর্না পূর্না বন্দুক কামান বিক্রি করলে। গুদিকে দেখ দ্য গল। সেপাই। রাজ্য চালনার সময় আপন প্রতিজ্ঞা রক্ষার আত্মসম্মান বজায় রাখতে গিয়ে পদে পদে মার খেয়েছে। ইয়েহিয়াও সেপাই।”

সুদিন বললে, “ইয়েহিয়া যদি সত্যিকার সেপাই হয় তবে পাক্সা সাড়ে তিনটি মাস ধরে ন্যাজ খেলানো কেন, বাবা ? ইলেকশন হয়েছে সেই ডিসেম্বরের প্রথম হপ্পায় আর আজার্ মার্চের মাঝামাঝি। এখনো ডেট স্থির হয় নি, এসেমারি হবে বসবে?—বল না শঙ্কর, তোর মামা না এসেমারিতে কি যেন কোন ডাক্তার নোকরি করে—এসেমারি ডাকতে কত দিন সময় লাগে ? আসলে সুদিনের মতলব শঙ্করকে তাতানো। কারণ শঙ্করজীবনের একমাত্র উদ্দেশ্য তর্কে সুদিনের বিপক্ষ মত তারস্বরে প্রচার করা। অন্য সর্ব বাবদে হরিহরাত্মা। আজ সন্বাইকে অবাধ করে বললে, “মেরে-কেটে উইদ এ ভেরি লিবরেল মার্জিন—সাত দিন। কিন্তু সে প্রশ্নটা তোলার পূর্বে ভুলে যাচ্ছিস কেন ফের্নান্দারির মাঝামাঝি ইয়েহিয়া তো মার্চের প্রথম সপ্তাহে এসেমারি সেশন ডিক্লেয়ার করে ফের সেটা নাকচ করে দিলে। কি বলো, মিস্তর ? ইয়েহিয়া না সোলজার।”

ইউনস মির্জা মেদিনীপুর না কোথাকার খাঁটি পাতি। রংটিও বায়স প্রায়। দেমাক করেন তিনি মোগল না পাঠান কি যেন ? বলতে ভালোবাসেন উদু—যদিও সেটা তালতলার স্ল্যাং। বেহারের নোটভ আবদাররা পর্যন্ত সে বহিঃশ ভাজা শুনলে মুখ টিপে হাসে। উড়ে ঘেঁষা বাংলা শুনলে মারওলাড়ি তকু আপন

বাংলার পিঠে হাত চাপড়ায়। যেন মিস্ত্রিকে নিয়ে মিশ্রপক্ষ রচনা করার জন্য অর্থাৎ ইয়েহিয়ার পক্ষ নিয়ে বললে, “কিন্তু ইয়েহিয়া যথেষ্ট কারণও দেখিয়েছেন।”

কর্তীসখা খান ফ্যাকচুরিয়াস : “কারণ না কচু ! লেম একস্কিউজ এবং তার কারণ—ঘোড়াটার চারটে পা-ই আগা-পান্তলা লেম।”

মিস্ত্রি কি যেন বলতে যাচ্ছিল কিন্তু খান বাধা দিয়ে বললে, “লীগে ইয়েহিয়ার যদি একটা সমঝোতা হয়ে যায় তবে তো ল্যাঠা চুকে গেল। সে-নিয়ে তর্কাতর্কি হাওয়ার কোমরে রাশি বাঁধার মত বিলকুল বেকার। আর যদি না হয় এবং ফলে পূর্ব বাঙলা বিদ্রোহ করে—লীগ কুল্পে দেশের ভোট পেয়েছে তাই বিদ্রোহটা হবে তামাম দেশ জুড়ে—আর স্বভাবতই ইয়েহিয়া চালাবে খুন-খারাবীর দমননীতি। তখন পশ্চিমবঙ্গের সাধারণ জন আর ভারত সরকার রি-এক্সট্র করবে কি ভাবে?”

শংকর তার পূর্বমত কিঞ্চিৎ পরিবর্তন করে চিন্তিত চিন্তে বললে, “পাজাবী পাঠান সেপাইরা তাদের প্রতিবেশী, জাত-ভাই কাশ্মীরী মুসলমানদের সাহায্য দেবার নামে এসে তাদের ঘরবাড়ি কি রকম লুণ্ঠপাট করেছিল সেটা অন্তত আমার অজানা নয়। আর এই বহুদূরের বাঙালদেশে তারা নরম চামড়ার দস্তানা পরে পিউনিটিভ একশন নেবে, সেটা দুরাশা।”

মির্জা নিলিঙ্গ কণ্ঠে বললে, “যা-ই করুক না কেন, ওটা তো পাকিস্তানের ঘরোয়া ব্যাপার।”

খান তো রেগে টং। “ঘরোয়া ব্যাপার! খাসা ডিপ্লোমেটিক ভাষা। যেটা জহা সত্য বিকৃতির ভদ্র বা ভণ্ড নাম। পশ্চিমবঙ্গের মুসলমানদের মেলা নিকট আত্মীয় রয়েছে পূর্ব বাঙলায়, আর এখানে যে-সব হিন্দু রেফুজি পূর্ব বাঙলা থেকে এসেছে তাদের সে দেশে মা-ভাই রয়েছে ঢের ঢের বেশী। তাদের গায়ের বুনিক রক্ত নেই? তাদের বেলা এটা শব্দার্থে সত্যার্থে ঘরোয়া ব্যাপার। তোমার বেলা ওটা ডাহা নিজর্লা ফন্দী—মানুষ মারার অজুহাত।”

সুদীন বললে, “ফ্রান্স্ জার্মানির লড়াই ছিল ওদের দৃষ্ণনার “ঘরোয়া ব্যাপার”। তবে কেন শতাধিক বৎসরের নিরপেক্ষ সুইটজারল্যান্ড হিটলার-ল্যাক্ত কি ইহুদি, কি জার্মান পলাতক সবাইকে আশ্রয় দিল? এবং বেশীর ভাগ ক্ষেত্রেই বে-আইনীভাবে। এদের প্রায় কারোরই সরকারী পাসপোর্ট, সুইস ভিসা ছিল না।

আন্তর্জাতিক আইন অনুযায়ী উচিত যে সুইস ফ্রন্টয়ারে সে-দেশে ঢোকান সম্মত যে ধরা পড়েছে তাকে থাক্কা মেরে ষে-দেশ থেকে সে বোরিয়ে এসেছে সে-দেশের পুলিসের হাতে সমর্পণ করা। অর্থাৎ পলাতক পুরুকে ফের ডাইনীর

হাতে সমর্পণ করা গিয়া সবাই ছিল জর্মন সিটিজেন। হিটলার তাদের নিয়ে কি করবে, না করবে, সেটা তার নিত্যন্ত ঘরোয়া ব্যাপার। তবে সুইটজার ল্যান্ডের মত ভদ্র দেশ, ভদ্রতর সরকার দিনের পর দিন এরকম বে-আইনী কর্ম করে ওদের ঘরোয়া ব্যাপারে হস্তক্ষেপ করলো কেন? তদুপরি সুইস সরকার বেশ জানতো, হিটলার যখন হালাণ্ড, বেলজিয়ামের নিরপেক্ষতা চুক্তি উপেক্ষা করে দুটো দেশ দখল করে বসে আছে তখন প্রয়োজন বোধ হলে কিংবা নিত্যন্তই খামখেয়ালির ঝোঁকে সুইটজারল্যান্ডকেও আক্রমণ করতে পারে। বেআইনিভাবে পলাতক জর্মনদের আশ্রয় দেবার বিগলিতার্থঃ সুইটজারল্যান্ড আক্রমণ বাবদে অর্ধসুপ্ত মেন-স্টার হিটলার বাঘার ন্যাজ ধরে হ্যাঁচকা টান মারা।”

সোমেন চাটুয্যে বললে, “অত সাত সুমুন্দুর পাড়ি দিছো কেন বাওয়া? ঐ যে তোমার পূর্ব পার্শ্বস্থান থেকে তেইশটি বছর ধরে কখনো বানের জলের মত হুড়ুমুড়িয়ে, কখনো ঢেউয়ে ঢেউয়ে, আর ছিটেফোঁটায় তো অহরহ রেফুজি আসছে, তাদের ঢুকতে দিছো কোন আইনে। ওহে মির্জা সাহেব, ওদের ঠেলায় তোমার আমার প্রাণ যায়। তুমি, দাদা, যাও না বর্ডারে। তোমার গভীরতম পলিটিকাল ডক্ট্রিন ঘরোয়া ব্যাপারটা প্রীচ করো না ওদের সামনে—সবিস্তর সালঙ্কার। একটি কাজের মত কাজ হয়।”

শঙ্কর বললে, “ছিঃ চাটুয্যে! মির্জা সাহেব উচ্চাঙ্গের সমাজসেবক এবং ভারতপ্রেমী। তাঁর অকাল মৃত্যু কামনা করাটা কি ব্রাহ্মণ সন্তানের পক্ষে গোরবের বিষয়!”

এমন সময়ে বেয়ারা মিস্টার মির্জার হাতে একখানা ভিজিটিং কার্ড এনে দিল। সেটার উপর চোখ প্রায় না বুলিয়েই মির্জা সঙ্কলের দিকে চোখের দৃষ্টি ঘোরাতে ঘোরাতে বললে, “জেন্টলমেন, আমার এক বিশিষ্ট বন্ধু লক্ষ্যেই থেকে এসেছেন। আপনারা যদি সদয় অনুমতি দেন তবে তাঁকে এখানে নিয়ে আসি, নইলে অন্য টোঁবলে—”

তার সেই বিগলিত অনুরোধ শেষ হবার পূর্বেই সম্মুখে কোরাস গান উঠলো :

কোরাস	}	নিশ্চয়, নিশ্চয়
		সানন্দে, সানন্দে
		মেহেরবানী কীজীয়ে,
		সার্টে'নালি, সার্টে'নালি

ক্রাবটা ইন্টারনেশনাল, মেম্বাররা কসমপলিটান। এ-হেন অভাখানা সার্টিশন স্বাভাবিক। গ্রাম্য কবির আপ্তবাক্য এই ফ্যাশান-ক্রাবে বেশভূষণ ঠিক ফিট করবে না কিন্তু ভিতরের রস একই। শহুরে শেমপেন আর গাইয়া তাড়ির

ধর্ম এক, বর্ণ ভিন্ন :—

“যে রসে মগন

তাহাতে তখন

হোক না কুজন

হল মহাজন।”

শুধু খান আর কাঁতি উম্বাহু হয়ে পাণ্ডজন্য আমন্ত্রণে যোগ দিল না।

মিজা সেটা বোধহয় লক্ষ্য করেছিলেন। কিন্তু তাতেই বা কি? ওভার-হুয়েলিং মের্জারিটি তাঁর পক্ষে। যদিও জানা কথা, আজ স্পষ্টতর হল যে আওয়ামি লীগের থাণ্ডারিং মের্জারিটির চেয়ে ঢের ঢের বেশী কবুল করেন ভুটোর হুইসপারিং মাইনরিটিকে।

চাটুখ্য ফিসফিসিয়ে খানের কানে কানে বললে, “ব্যাটার হাড় কিপটেমি তার লোমে লোমে খাটাশের দুর্গন্ধ ছাড়ে। কখনো কোনো বন্ধুজনকে সঙ্গে আনতে দেখেছি? তার সামনে চিচিং ফাঁক হয়ে যাবে যে। আজ শালাকে দুর্গতন রৌদ খাওয়াতে হবে অন্তত। বেটা উড়ে স্নবসয় স্নব। ওঁদিকে দোস্তটি খানদানী লখনওয়ী মনিষ্য। জাতে গুঁঠবার তরে কোন না তিন পান্তর খাওয়াবে? তুই অত মুখ গুমডো করেছিল কেন রে, উল্লুক?”

“দ্যাখ, ও ব্যাটার দেওয়া শেমপেন আমার কাছে বিপ্লে। সত্যি বলতে কি, আল্লার কুদরতে ঐ মিজা সম্বন্ধী যদি কোনো দিন দরাজ দিল হয়ে যায়, তবে তার কাছ থেকে চেয়ে নিয়ে আসেনিক খেয়ে মরতে রাজী আছি আমি একশ বার।”

“তুই বস্ত সিরিয়াস হয়ে যাচ্ছিস। আর আজকের এই পূব বাঙলা নিয়ে ফ্যাশনেবল কথাবার্তার মাঝখানে হঠাৎ এ রকম সিরিয়াস হয়ে গেলিই বা কেন? এই দ্যাখ না তোমর এক লেঙোটোর ইয়ার শ্রীমান কাঁতিকে। চাঁদপারা মুখ করে কখনো কান দিলে, কখনো দিলে না।”

কাঁতি উঠে দাঁড়ালো। বললো, “আমি এক্সমুনি আসাছি।” বলে এমন এক বিশেষ স্থলের উদ্দেশ্যে রওয়ানা হল যেখানে রাজাও ঘোড়ায় চড়ে যেতে পারেন না, লক্ষ মোটরের মালিক ফোর্ডকেও পায়ে হেঁটে যেতে হয়।

টয়লেট থেকে ফেরার সময় বারের পাশে আসতেই বৈয়োগ্রিচের চোখে চোখ পড়ল। ইঞ্জিতটা অস্পষ্টতমের চেয়েও এক বাঁও নিচে। তবু কাঁতি বারের সর্বশেষ দন্ডাসনে বসতেই বৈয়োগ্রিচে কাছে এসে ফিসফিসিয়ে বললে, “তোমার সঙ্গে কথা আছে, মনামি।

“ডিউটির সময় খাওয়াটা আমার পছন্দ নয়। তবু তোমার সম্মানে—। কিন্তু দুটো ড্রিংকই অন মী।”

“আস্তে বলো। নইলে বার-এর বোতলগুলো হাসতে হাসতে ফেটে পড়বে।

একে তুমি লোভি, তদুপরি অবিবাহিতা লোভি। তোমার আপন কেতাদুরস্ত দেশে কখনো কোনো সিম্বরীনা নোংরা লীরা হাতে তুলে একটা হুনের জন্য পে করে ?”

“না, কিন্তু আমি তোমার বন্ধু, সেইটে আমার পরিচয় নম্বর এক। সিম্বরীনা না সিম্বরীনা—সেটাকে ঘোড়ার রেসে বলে ‘অলসো র্যান’—মানে ষাড’ গ্লেসও পায় নি। এবারে মন দিয়ে শোনো। এখন ঘাড় ফিরায়ে জান দিকে তাকিয়ে না। পরে এক ঝলকে দেখে নিয়ো, কিন্তু ভালো করে চিনে নিয়ো। তোমাদের সঙ্গে মাঝে মাঝে বসে ঐ যে রামছাগল মিজ্জাটা, তার পাশে বসেছে তার এক ইয়ার-জান্ দিলের ইহার—একটা শয়তান ছাগল।

কেন যে তোমাকে বলছি, জানি নে। না, জানি।

তোমরা পাঁচো ইয়ারে বার-এর, টেবিলের পাশে বসে কত না আজেবাজে কথা বলো—কে বা শোনে কে বা দ্যায় কান? কালেক্টিমানে অবশ্য দু’একটা সিরিয়াস আলোচনা করো বটে, কিন্তু কেউই সিরিয়াসলি ও-সব গায়ে মাঝো না। তোমাদের আলোচনা পিন টু এলিফেন্ট।

তিন দিন ধরে দেখছি, ঐ মিজ্জাটা রোজ রোজ আসছে, সাঁঝের পয়লা বোঁকেই। রোজই কানে আসছে পূব পাকিস্তান নিয়ে আলোচনা এবং রীতিমত সিরিয়াস। তিনদিন ধরে। কেমন যেন খটকা লাগলো। কাল সন্ধ্যায় লক্ষ্য করলুম, তোমাদের অভ্যাসমত এক ব্যাপার থেকে অন্য ঘটনায় তোমাদের কথাবার্তা চলে গেলে ঐ মিজ্জাটা আবার সন্তর্পণে আলোচনাটার মোড় ফেরায় পাকিস্তানের দিকে। আমি তো বার-এর একপ্রান্ত থেকে অন্যপ্রান্ত অবধি চৌকিদারি করি, সব কথা কানে যায় না, তবু আমার মনে হল মিজ্জা যত না নিজের কথা কয়, তার চেয়ে প্রশ্ন শুধিয়ে শুধিয়ে সব্বাইকে ওসকায়।”

কীর্তি অবিশ্বাসের সুরে কিন্তু দরদী গলায় বললে, “ও-সব তোমার কম্পনা, বেয়াগিচে ডালিং!”

বেয়াগিচে বললে, “কাল বেলা তিনটে অবধি তোমার মন্তব্যটা মেনে নিতে আমার বিশেষ আপত্তি হত না।

কাল বেলা তিনটের মিজ্জা বারে এলেন ঐ ইয়ারকে নিয়ে। বার তখন শূন্য। আমিও দুপরের মিনি নিদ্রায় এক কোণে ঢুলাছি। ঐ দুরের কোণটায় ব্যরের উঁচু টুলে বসে নিচু গলায় গুজুর গুজুর আরম্ভ করলেন, মিজ্জা কখনো ভাঙা ভাঙা উদর্ বলে—সে উদর্ আমাদের এলিয়েট রোডের যমজ—ওটা আমার সড়গড়। কখনো বলে ইংরেজি—সেটা বুদ্ধিতে আমাকে বেগ পেতে হয় অবশ্য। কিন্তু সেইটে আসল কথা নয়। আসল কথা ওরা ভেবেছে আমি অতদূর থেকে তাদের কথা শুনতে পাবো না, বুদ্ধিতে পারবো না। আর আমি তো সামান্য বার-মেড। ‘বুওনো দিও’—গুড লর্ড—তোমাদের চোখের একটি ফুলের কাঁপন

থেকে এক শ' গজ দূরে দাঁড়িয়ে বুকতে পারি, কেউ এখন কন্যাকের বদলে উইস্কি চায়, কে একটা নোভালজিনের বড়ি চায়। আর দশ হাত দূরের থেকে ওদের ঠোঁটের করতাল বাজানো থেকে বুকতে পারবো না, ওদের খুলির ভিতর কি সব বদামি আবজার করছে? জানো, শার্লক হোমস অন্ধকারে বেরালের চেয়ে দেখতো বেশী!

সর্বস্বণ তারা কথা কইছিলো পূর্ব আর পশ্চিম বাঙলার বাঙালীদের নিয়ে। দোস্তুকে বোঝাবার চেষ্টা করছিল মির্জা উভয় বাঙলার বাঙালীদের মধ্যে কোনো দোস্তু নেই। বললে, 'জানেন না, ১৯৬৫-র লড়াইয়ের সময় ষে-সব পাঞ্জাবী পাঠান সেপাই বর্ডারে পাহারা দিচ্ছিল তাদের দিন কেটেছে বাদশাহী খানা খেয়ে, নবাবের হালে। গাঁয়ের বাঙালী স্নেহের বিরহানী কোর্মা রেংখেছে আর পুরুষগুলো বাঁকে করে সেগুলো ডেগ-ডেগাচিততে নাকে নাকে ভরে নিয়ে গিয়েছে ওদের কাছে, আর—'

হঠাৎ থেমে গিয়ে বেয়ান্টিচে বললে, "বাকিটা এখন না। আমার মনে হল ঐ বিদেশী ঘুঘুটি আমার দিকে একবার আড়নয়নে তাকালে যেন। তুমি এখন একটা চোটা পেগ পরিমাণ হেসে আমার গালে একটি মিণ্টমধুর ঠোনা মারো। ভাবটা, যেন আমার সঙ্গে প্রেমমালাপ করছিলে।"

কীর্তি কিন্তু অকৃত্রিম হাসি হেসেই ঠোনা মেরে বললে, "দাস্ত তো তাঁর প্রিয়া বেয়ান্টিচের সঙ্গে কদাপি রসমালাপ করে নি।"

দশাবতরণ করে চলেছে মদুপদে কীর্তি পাণ্টির দিকে। বিদেশী ঘুঘুকে যেন শুনিয়ে দিয়ে একটুখানি উঁচু গলায় বললে, "টেক কেয়ার! খান চটবে।"

কীর্তি ঘাড়টা একটু পেহনবাগে বেকিয়ে আরেক গাল হেসে বললে, "ও আমার আন্ডার স্টাডি।"

"তোমার হাফ্ ড্রিংকটা পাঠিয়ে দিচ্ছি! বাব্বা! রসে টেটম্বুর। প্রেমের বন্যা যেন। পেটে আর এক ফোঁটাও ধরবে না।"

কীর্তি চেয়ারে বসতে না বসতে শুনতে পেল বিদেশী ইয়ার যেন যৎসামান্য ব্যঙ্গের সুরে টিপ্পনী কেটে বললেন, "কোনো কোনো বার-এর ভিতরে বাইরে দু'দিকেই স্বরাজ। বন্দোবস্ত আছা হ্যাঁ।"

সুদিন বেশ কঠিন গলায় বললে, "সিন্ধুরীনা বেয়ান্টিচের পরিবার বহু ক্লাবের বহু মেম্বারের চেয়ে প্রাচীনতর। আমাদের কলকাতাই কারদা—শিখতে অনেকেরই সময় লাগে, মিস্টার লারী।"

মির্জার মুখ একটু বেগনী হল। যদিও তার চামড়াটা গন্ডারের—বাটা কোম্পানী কিনতে চেয়েছিল দক্ষিণ মেরু অভিযানের বৃত্ত বানাবার তরে।

লারী কিন্তু সত্যিই বেয়ান্টিচের ঘুঘুবর। যেন বিরাট প্রশংসা শূনে আনন্দের হাসিতে খান খান।

হাঁতমধ্যে মিজাঁ দাঁড়িয়ে উঠে কীর্তীর সঙ্গে লারীর পরিচয় করিয়ে দিতে গিয়ে বললেন, ইনি আমাদের চৌধুরী কীর্তি সাহেব, আর ইনি মিঃ লারী।”

মিঃ লারী যে হ্যাণ্ডশেকের জন্য হাত বাড়িয়েছেন সেটা না-দেখার ভাব। ভান করে কীর্তি ওর দিকে ভালো করে না তাকিয়ে ছোটাসে ছোটো একটা “নমস্কার” বলে ঝপ করে বসে পড়লো।

চাটুয্যে গুনগুন করে খানকে শুনিয়ে বললে, “ব্যাটাচ্ছেলে মিজাঁটা এ্যান্ডিন ধরে আমাদের সঙ্গে ওঠবস করছে অথচ এটিকেটের ‘এ’ অক্ষরটিও তার রপ্ত হল না। পরিচয় করিয়ে দেবার সমস্ত কার নাম আগে আর কার নাম পরে বলতে হয় এ্যাটুকুন হুস্ব দীর্ঘ জ্ঞান হল না।

চাটুয্যের জ্যাঠামশাই তাঁর কচ্ছপের খোল ড্রেস শার্ট বিলেত থেকে স্টার্চ করিয়ে আনতেন, আর আইনের বই বাঁধিয়ে আনাতেন প্যারিস থেকে। চাটুয্যের মামা রসাল ঘোষালকুল যে পরিবারের গুরু, তাঁরই একজন হাঁড়য়ার প্রথম লর্ড। কায়দাকেতায় কেতাদুরস্ত।

কীর্তি দরদী কণ্ঠে বললে, “মিঃ মিজাঁ, আমার নাম কীর্তি চৌধুরী। পাজাবী মহাখানদানীদের মত চৌধুরী কীর্তি নই। আমি অতিশয় সাদামাটা বাঙালী—আল্লাকে অসংখ্য ধন্যবাদ।”

মিঃ লারী বড়ই অমার্নিক ব্যক্তি। মূদহাস্যে শুন্যোলেন, “পাজাবী হতে কি আপনার ঘোরতর আপত্তি?”

কীর্তি বড়বকের মত মাথা চুলকোতে চুলকোতে বললে, “পাজাবী—পাজাব—পাণ্ড + আব—পাঁচ রকমের জল। ওরে বাবা!”

লারী কীর্তির চেয়ে অধিক বড়বকের মত প্রশ্নভরা মুখে এর ওর দিকে তাকালেন।

“আমাদের ক্লাব-মেম্বার চাটুয্যেরই পূর্বপুরুষগণ অস্মন্দশীয় শাস্ত্ররাজির ভূরি ভূরি টীকাটিপ্পনী রচনা করে প্রাতঃস্মরণীয় হয়ে আছেন। বক্ষ্যমাণ চাটুয্যের কাছে সংস্কৃত গোমাংস বরাহমাংসবৎ বলা চলে না, কারণ উভয় মাংসেই তার ওদরিক নীতি উদার, তবে সেটাকে সে মহামাংস অর্থাৎ মানুষের মাংস হিসাবে গণ্য করে। তাই এস্থলে টীকাকারের রক্ত কার গায়ে তার চেয়ে বেশী।”

লারীর দিকে প্রসন্ন দৃষ্টিতে তাকিয়ে জ্ঞানদান করে বললে, “শব্দার্থে অর্থহীন, ভাবার্থে মহা মূল্যবান। ‘পাঁচ ঘাটের জল খাই নে’ এ-হাঁড়্যামের অর্থ আমি যতদূর সর্বত্র থেকে আমার পানীয় সপ্তয় করি নে। আমার রুচি আছে। অর্থাৎ কীর্তিবাবু, ফের্ণাটাজ্জাস, বাছেন চুসু করেন, অর্থাৎ ভেরি choosy।”

লারীকে ঘায়েল করা কঠিন কর্ম।

বললেন, “বাঙালী আর্ষের পূর্বপুরুষ তো পাজাব থেকে এসেছেন। তাঁরা

তো পাঞ্জাবী।”

অতিশয় মৃদুকণ্ঠে সুদিন বললে, “এবং তাদের পূর্বপুরুষ বাদর—
ডারউইন বলেছে।” বলেই একটা কৃত্রিম হাই চাপতে চাপতে বললে, “ভেরি
সারি, মিস্টার লারী। আমি অত্যন্ত ক্লান্ত, গুড নাইট।” সকলের দিকে
তাকিয়ে আরেকটা হাই চেপে, আরেকটা “গুড নাইট” হেঁকে বারের দিকে
চলল।

সঙ্গে সঙ্গে সবাই উঠে দাঁড়ালেন। লারী আর মিজর্না ছাড়া।

কীর্তি মনে মনে বললে, “বেয়ান্টিচের সন্দটা বোধ হয় ঠিক। বাবুদের
সব প্রশ্নের উত্তর এখনো পাওয়া যায় নি বলে সভা ভঙ্গে ক্ষুব্ধমনা।”

তার সঙ্গে চললো মাদ্রাজী রঙ্গনাথন। সমস্ত সম্বা মুখ খোলে নি।

কীর্তি তাকে শুধোলো, “তুমি আর লারী যখন একসঙ্গে টয়লেট যাচ্ছিলে
তখন আসতে যেতে কি গুজুর গুজুর করছিলে?”

“বলিছিল, ‘পূর্ব পশ্চিম উভয় পাকিস্তান অভিন্ন অচ্ছেদ্য রাষ্ট্র। এক রাষ্ট্রাংশ
যদি কেটে পড়ে তবে দ্রাবিড়রা যে উত্তর ভারত থেকে কেটে পড়তে চায় সে
আন্দোলন কি বলবান হবে না? ‘সেপারেটিস্ট্-মুভমেন্ট’ আরো আবোল-
তাবোল কী সব। সে মুভমেন্ট ভারতকে দুর্বল করে দেবে। পূর্ব বাংলার
আন্দোলন দৃষ্টান্ত হয়ে, অপরোক্ষে ভারতের পক্ষে ক্ষতিকর হবে।” সদানন্দ,
সদানীরব রঙ্গনাথন শেষটার বললে, “নোজি চ্যাপ, শূঁক শূঁক করছে সর্বক্ষণ!”
বেরুব্বার সময় বেরারা কীর্তির হাতে একখানা চিরকুট দিলে। তাতে লেখা :
“ডালিং কে,

কাল আমার অফ্ফ ডে। পাঁচটার খানের ওখানে যাবো। তুমি আসতে
পারবে? বাকি সব-কথা ওর সামনে হবে।

তোমার

বী।”

পঞ্চদশ অধ্যায়

শিপ্রা বেলকানির উপর অধঃশায়িত অবস্থায় তাকিয়ে আছে পাকের সবুজ ঘাসের
দিকে। এ-সময়টায় কলকাতার ঘাস তার সবুজিমা অনেকখানি হারিয়ে ফেলে।
কিন্তু যে-জন অল্পে সন্তুষ্ট হতে জানে, অল্পের ভিতর বৃহত্তর স্থান পায় সে
যৎসামান্য উপাদান থেকে তার রসের খাদ্য সংগ্ৰহ করে নিতে পারে। কলকাতায়
থাকার মধ্যে আছে কি? নিচে ঘাস, উপরে আকাশ। রসগ্রাহীর কাছে দুটোই
সঙ্গীব। ঘাস তার রঙ বদলায় ঋতুতে ঋতুতে। গ্রীষ্মের প্রতাপ বাড়ার
সঙ্গে সঙ্গে সবুজ পরী তার ডানা দুটির উপর যে ক্রীম আপন হাতে তৈরী

করে মাথেন তাতে নীলের পরিমাণ দিতে থাকেন কম—রং প্রতিদিন হলাদের দিকে ঢলতে থাকে ।

এমন সময় হঠাৎ হয়তো একদিন অকাল বৃষ্টি হল । সঙ্গে সঙ্গে পরের দিনের প্রসাধনকালে সবুজ পরী আবার তার নাম সার্থক করার কথা স্মরণে ক্রীমে নীলের মেকদার বাড়িয়ে দেন ।

কিন্তু যে-জন প্রতিদিন ঐ ঘাসের দিকে না তাকায়, সবুজের ধ্যানে অন্তত ক্ষণতরে নিমগন না হয় সে এই প্রাণবন্ত পরিবর্তনের রস থেকে হয় বিগ্ৰত । শিপ্রা যাব থেকে প্রকৃতি সম্বন্ধে সচেতন হয়েছে সেই থেকে সে এ-রস চেখে আসছে । বিলেতে দুটো শীতকালে যখন মাঠ-বাট বরফ ঢেকে শ্বেতে শ্বেতে শ্বেতময়, তখন সে সেটার সৌন্দর্য উপভোগ করার সময় কিন্তু কলকাতার সে-সময়কার হলদে-ঘেঁষা সবুজ ঘাসের বিরহ-বেদনা অনুভব করেছে ।

কলকাতার আকাশ অতিশয় সজীব । তার সৌন্দর্য উপভোগ করতে হয় কৈশারে—যখন জ্বর সর্দির ভয় কম—ছাতে শুষে । শহরের প্রদীপ যেমন যেমন নিভতে থাকে লাজুক আকাশবধু তারই সঙ্গে সঙ্গে তারার মালা, অলংকার একটির পর একটি পরতে থাকেন । হয়তো সে ঋতুতে প্রথমেই দেখতে পাবেন কোর্সিয়োপিয়া, কৃন্তকা—সাতভাই চম্পা—কিংবা হয়তো বধু প্রথমেই পরবেন কালপুরুষের উজ্জ্বলতম নক্ষত্রমণিট তারপরই সপ্তর্ষি । চম্পু যদি নিদ্রাহীন হয় তবে স্পষ্ট দেখতে পাবেন অরুণ্ডতী, তার স্বামী বশিষ্ঠের পাশে বসে ক্ষণতম মৃদুহাস্য করছেন মিটামিটিয়ে । হয়তো সে রাতে আকাশে তাঁর রঙ বদলাতে বদলাতে পরে নেবেন তাঁর মেখলা, নীবিবন্ধ আকাশ-গঙ্গা দিগ্বে, দিবলয়ের এক প্রান্ত থেকে আরেক প্রান্ত জুড়ে । সেই কটিবন্ধ থেকে বুলবে কত না অতুলজ্বল ক্ষীণ-জ্যোতি, মধ্যজ্যোতির মণিমাণিক্য । আর অভিসারিকার গতিবেগ এতই মৃদুমন্দ যে সেটা চোখেই পড়ে না । হঠাৎ দেখতে পাবেন পশ্চিমাকাশের একটি গগনা নেই—তার বদলে পূর্বাকাশে আর একটি উজ্জ্বলতর মণির স্তবক ।

মর্ত্যের কোন রাজ-রাজ্যেশ্বরী অভিসারে যেতে যেতে এই ইন্দ্রপুরীর মণির মত ক্ষণে ক্ষণে অলংকার পরিবর্তন করতে পেরেছেন ।

কিন্তু হায়, এ-বধু রাত্রি শেষে হয়ে যাবে বিধবা । উষস দেবীর আশীর্বাদ তার তরে নয় । তাঁর আগমনের আভাস পাওয়া মাত্রই বধু সর্ব অলংকার ধীরে ধীরে বর্জন করবেন । সর্বশেষে সর্বোজ্জ্বল শুকতার মণিটি ।

শিপ্রা এ-সৌন্দর্য উপভোগ করেছে বহুবার । আর সব বিষয়ে সে ইংরেজের মত কাঁটায় কাঁটায় চলে । নিত্যদিনের রুটিন কাজকর্মে কোনো কামাই দেয় না । শূধু ডাইরি লেখার বেলায় সে আর সর্ব বাঙালীর মত গাফিলীতে পরিপক্ব । সেই আঁনয়নের ডাইরিতে, যেখানে শূন্যতারই রাজত্ব বেশী—

লেখা-পাতার ওয়েসিস সামান্য। সে কটির অধিকাংশে আছে আকাশের অভিসার ঝাড়া।

হঠাৎ শিপ্রার মনে নতুন ভাবোদয় হল, হৃদয় মনের এই নবজাতক, এর কথা ডাইরিতে বলতে হবে।

ইতিমধ্যে অকালবৃষ্টি নেমে শিপ্রার পায়ের উপর সে-রাতের এবং প্রতি রাতের কীর্তির মত চুমো খেতে লাগলো। শিপ্রা চোখ দুটি বন্ধ করলো— “আহ!” পা সরাল না।

আর কীই বা দরকার! সে নেল-পালিশ ব্যবহার করে না। আলতা মাখে কালেভদ্রে—নিতান্ত বড়ী নাপতেনিটাকে নিরাশ না করার জন্য।

যেখানে মানুষ জানে, তার প্রিয়জন আসবেই আসবে, ঠিক সময়েই আসবে, এমন কি তার কিছুর পূর্বেও আসতে পারে, সেখানে প্রতীক্ষার প্রতিটি মুহূর্ত মধুময়। কিন্তু যে স্থলে স্থিরতা থাকে না, আসবে কি আসবে না, সেখানে সন্দেহের দোলা হৃদয় মন অশান্ত বিক্ষুব্ধ করে তোলে। তাই আরবী প্রবাদ বলে, “আল-ইন্তজার, আশান্দ, মিনা’ল মউৎ”—মৃত্যুর চেয়েও অধিক শক্তি ধারণ করে প্রতীক্ষা। কিন্তু মৃত্যু বা প্রতীক্ষা শিপ্রা-হৃদয়ের চেয়ে বলবান নয়।

দেয়াল ঘাড়তে ঢং ঢং করে সাতটা বাজলো। বুকটা ধক্ করে উঠলো শিপ্রার। এ তো অসম্ভব। কীর্তি এখনো এল না!

মিনিট পাঁচেক কেটে গেল। আশ্চর্য!

কিন্তু ঐ তো হেড-লাইটের জোর আলো গেটের উপরে পড়েছে। ছুটে গিয়ে গেট খুলে দেয় না কেন? দারওয়ানটা অতি নিষ্কর্মা। বৃথা পাঁচ মিনিটের উপর অমথা আরো আধ মিনিট। নাঃ! ঐস্তো!

শিপ্রা বেলকনি ছেড়ে সিঁড়ির মুখে গিয়ে দাঁড়ালো।

স্বভাবতই সিঁড়ি বেয়ে উঠতে গেলে যে-উপরে দাঁড়িয়েছে তার পায়ের দিকে চোখ পড়ে। কীর্তি চেঁচিয়ে বললে, “এ কি? তোমার পা-ভেজা, শাড়ির অনেকখানি ভেজা। যাও, যাও। এখুঁনি পা মুছে ফেলো—না আমি ভালো করে আচ্ছাসে রগড়ে রগড়ে বোনড্রাই করে দেব?”

শিপ্রা শান্ত কণ্ঠে বললে, “তুমি যখন রয়েছে—”

বৃন্দগুণারে ঢুকে শিপ্রা ডিভানে বসে পা-দুটি প্রসারিত করলো। বললে, “বাথরুমে বড় টাওয়াল আছে।”

সঙ্গে সঙ্গে দেখ তো না দেখ তো কীর্তি গেল আর এল।

পরিবর্তনের হাসি হেসে বললে, “যা ভেবেছিলুম ঠিক তাই। পেয়েছি একটি জলচৌকি—এই নাও। সেই মধুর চিন্ময় কবিতাটিকে এবারে সম্পূর্ণ মৃন্ময়

করা যাবে, এই সেই পাদপীঠ ।

‘পাদপীঠ’ পরে চরণ প্রসারি শয়নে বসিলা বধু ।’

কিন্তু কাপড় ছাড়ো, আগে কাপড় ছাড়ো । নইলে পা যে বার বার ভিজে যাবে ।”

“কাপড় ছাড়ি কখন ? তুমি যে রকম ক্ষিপ্ৰ বেগে ঢুকলে আর ক্ষিপ্ৰগতিতে বেরুলে তাতে করে দোরের গোড়ার সঙ্গে তোমার কালিশন লাগলো জোর । ফলে ছিটকে এসে পৌঁছলে আরো স্পিলটে সেকেন্ড পূর্বে । কাপড় ছাড়ি কখন ? নিয়ে আসছি শাড়ি—কোনটা আনবো ? এখানেই ছাড়ি ।” সঙ্গে সঙ্গে ঠোঁটের উপর দৃষ্টি হাঁসির আবেশ ।

কীর্তির মূখের রঙ একটু বদলালো বোধ হয় ।

শিপ্রা হাঁটু গেড়ে তার গলা জড়িয়ে ধরে বললে, “তুমি কি ভুলে গেলে, কীতা, মিতা আমি মমারূপের মত রিন্দ পাড়ার বন্ধ পাগল মূক্ত পাগল আর্টস্ট্রদের পাঁচতলা ছ’তলার উপরকার স্ট্রুঙতে আনাগোনা করছি পুরো একটি বছর । ঐ সব আকাশ-ছায়া চিলকুটুরির থেকে বাইরে তাকালেই চোখে পড়ে মূক্ত-প্রকৃতি, নন্দ আকাশ । কুটুরির ভিতরেও তাই । তারা “প্রকৃতাবস্থার” প্রকৃতিদস্ত রূপে কেউ প্ল্যাটফর্মে দাঁড়িয়ে পোজ দিচ্ছে, কেউ পাড়ি পাড়ি সোফাটার উপর অঘোরে ঘুমুচ্ছে, কেউ এক কোণে কফি বানাচ্ছে । আমি যে শেষ পর্যন্ত ‘অপ্রকৃতাবস্থারই’ রয়ে গেলুম তার একমাত্র কারণ, মডেল হয়ে পোজ দিতে গিয়ে ওরা সর্বপ্রথম নুড় হয় । দি রেস্ট ফলোজ । আমি কখনো পোজ দি নি ।...আচ্ছা কোন শাড়িটা পরে আসবো ।”

তম্বুহুতেই অচিন্ত্য উত্তর “সেই জরি পাড়ের নীলাম্বরী ।”

শিপ্রা চিন্তার ভান করে বললে, “সেটা তো ভেজা নয় ।”

? ? ?

শিপ্রা বললে, “ওহো, তুমি তো পদাবলী রসের সোয়াদ জানো না, তবু তোমার সহজিয়া রসানুসন্ধানবৃত্তি তোমাকে ঠিক পথেই নিয়ে গিয়েছে । বুঝিয়ে বলি ; আমি যদি নীলাম্বরীই পরি, তবে তার মূল রসটি অপূর্ণ থাকবে কেন । সে-শাড়ি ভেজা না হলে তুমি গাইতে শিখবে কি করে,

চলে নীল শাড়ি নিঙাড়ি নিঙাড়ি

পরান সহিত মোর

এই আর্টট মাত্র শব্দের মাধুর্যবৈভব প্রথম প্রবণে কে না বিচলিত হয়েছে !

শিপ্রা বৃথা বিনয়সস্ত নয় । নীলাম্বরী পরে নিয়ে তবু বললে, নীলাম্বরী পরতে হলে যতখানি শেবতাম্বরী হতে হয় আমি ততখানি ফর্সা নই ।

কীর্তি চোখ বন্ধ করে আর্টটি শব্দ মেশানো রসের ককটেল চুক চুক করে চাখছে ।

ওরে কীর্তিনাশ, বৃন্দনাশ, এ আর্টটি শব্দের রস গ্রহণ করার তরে একটা মানুষের একটা যৌবন যথেষ্ট নয়। ক'বার ক'টা যৌবন-জ্বালা সহিতে হয় কে জানে ?

শিপ্রা বললে, “মডেল হয়ে পোজ দি নি, ভেবো না তাই আমি গঙ্গোত্রীর জলে ধোয়া তুলসী পাতাটি। ...সেটা বোধ হয় তুমি ইতিমধ্যে খানিকটে হৃদয়ঙ্গম করে ফেলেছ। নইলে আজ তুমি পাকী পাঁচ মিনিট লেটে আসতে না। কিংবা আমি এঁর মধ্যে বাঁস ফুল।”

কীর্তি চুপ করে শুনলো। অভিযোগের জ্বাবে কোনো সাফাই গাইলে না। হয় তো ভেবেছে, খুদ কোতোয়ালই যখন জানে তার মগজ গড়া ফারিয়াদ বিলকুল ঝুটমুট ঝুটা তখন বেকার তাবৎ বাৎ বজ্রসেনের।

শিপ্রা বললে, “বেয়াগ্রিচে কি জানালো।”

“অনেক কথা। খান আর আমার মনে কোনো সন্দেহ নেই। এই ঘুঘু, লারীটা ইয়েহিয়ার গল্পগুচর। মোটামুটি যে কটা তথ্য জানতে এসেছে তার প্রথম, ইয়েহিয়া মজ্জীবে যদি সমঝোতা না হয়, এবং ইয়েহিয়া দমননীতি চালায় তবে পশ্চিম বাঙলার হিন্দু, মুসলমান পূর্ব বাঙলার বিদ্রোহীদের প্রতি সমর্থন জানাবে কি? জানালে কতখানি? নকশাল পন্থীদের বন্দুক বোমা আছে? তারা শেগুনলো পূর্ব বাঙলার পাঠাবে কি? আর কোন্ কোন্ রাজনৈতিক দলের অস্থশস্ত্র আছে? পশ্চিম বাঙলা জনগণ কিংবা/এবং সরকার ভারত সরকারের উপর চাপ দেবে কি—পূর্ব বাঙলাকে ‘অল্ আউট’ সাহায্য দেবার জন্য? দিল্লীতে কেন্দ্রীয় সরকারের বর্তমান মতিগতি কি সে সম্বন্ধে লারী অলরোড ওকীবহাল। লারী নাকি বিদ্রূপ করে মির্জাকে বলেছে, ‘বৃন্দুর পাল রাজত্ব করে দিল্লীতে। পূর্ব পাকে বিদ্রোহ দেখা দিলে ঐ তো তাদের আল্লার পাঠানো বেহেশ্তী মোকা—পূর্ব বাঙলাকে পুরো মদদ দিয়ে বিদ্রোহ সফল করা, সঙ্গে সঙ্গে পাকিস্তানকে স্বির্থীভূত করে পশ্চিম পাককে চিরতরে দুর্বলা কমজোর করে দেওয়া। এই সামান্য তত্ত্বটি তারা এখনো সমঝে উঠতে পারে নি। তবে একথাও সত্য, অবসরপ্রাপ্ত জেনরেল বল-এর মত কিছু জঙ্গী আদমী বলছেন, পূর্ব বাঙলার বিদ্রোহ একটুখানি ছাড়িয়ে পড়লেই সেখানে বিনা বাক্যব্যয়ে যুদ্ধ নেমে পড়ো। পূর্ব বাঙলাকে স্বাধীন করে দাও। পশ্চিম পাক প্রান্তে আক্রমণ করবে না। সেখানে ডিফেন্সিভ স্ট্রাটোজ।

স্বতীয় বৃহৎ প্রশ্ন, মির্জার মত যথেষ্ট বাঙালী মুসলমান পশ্চিম বাঙলার আছে কি, যারা দিল-জানু দিয়ে ‘অখণ্ড পাকিস্তান’কে স্বির্থীভূত হওয়ার বিরুদ্ধে জোর প্রপাগান্ডা চালাবে? তারা সন্তর্পণে অর্ধ-প্রকাশ্যে হুইসপারিং প্রপাগান্ডা চালাবে তো, যে ভারতের স্বার্থ পূর্ব বাঙলাকে সাহায্য না করা। পূর্ব বাঙলা পাকিস্তান থেকে কেটে পড়লে দক্ষিণ ভারত ঠিক ঐ নজীর দোখিয়েই উত্তর

ভারতের কেন্দ্রীয় সরকার থেকে কেটে পড়বে।”

শিপ্রা চুপ করে গভীর মনোযোগের সঙ্গে সব-কথা শুনলে যাচ্ছিল। তার মনে পড়ল ফ্রান্সের সেই বৃড়ো জেনারেল তার পিতাকে বলেছিলেন, “রাজনীতি যখন দেউলে হয়ে যায় তখন সে-রাজনীতির উদ্দেশ্য সফল করতে হয় অন্য মাধ্যমে, অস্ত্রশস্ত্রের মাধ্যমে, অর্থাৎ পুরোপুরি সংগ্রাম চালিয়ে।” তার মনে চিন্তা এল, ইয়েহিয়া ঢাকায় যে রাজনীতির চাল চালছে তাতে লীগ কিস্তিমাতে হবে না। অতএব দমননীতি অনিবার্য। কীর্তিকে শূন্যে, “তোমাদের পকেট-ক্লাবে তোমাদের সঙ্গে বসে তো মায় একটি মাদ্রাজী—রঙ্গনাথন। সে কি বললে?”

কীর্তি উৎসাহিত হয়ে বললে, “তুমি সত্যি সত্যি অদ্ভুত একটা সিক্‌স্‌থ সেন্সের মালিক। নানা প্রকারের ইঙ্গিত সত্ত্বেও যখন সদানীরব তামিল সন্তান রাম-গঙ্গা কিছুই বললে না, তখন সে যখন টয়লেট যাচ্ছে তখন লারী তার দৃষ্টি নিয়ে তাকে করলে ফ্রণ্টেল্ এটাক্ কিন্তু ওর জিভের আর্ট-রাইটিংস সারাবে, লারী! আমাকে অবশ্য লারী সম্বন্ধে তার মন্তব্য প্রকাশ করলো দুটি শব্দ ‘নোজী পাকার’।”

শিপ্রা বললে, “তার মানে টিকিটিকি বিভীষণ, রঙ্গনাথন সেভেনথ্ সেন্স ধরে। তোমার সম্বন্ধে তার কি ধারণা জানো? মাস তিনেক পূর্বে আমারই এক পার্টিতে ওর পাশে গিয়ে বসেছি এমন সময় তুমি লন ক্রস করছিলে তখন, অব্ অল থিংস, বলে কি না, ‘আমি যদি মেয়েয়েছিলে হতুম তবে ঐ চ্যাপিটাকে নিশ্চয়ই বিয়ে করতুম’।”

কীর্তি বললে, “শূর্ণখার দেশে মেয়েরাই পুরুষকে তাড়া লাগায়। আর্ষ রামচন্দ্র, আদি কার্ব বাস্মীক এ তত্ত্বটা জানতেন না বলে মেয়েটাকে নিলম্বা, বেহায়া ঠাউরে তাকে নিয়ে মস্করা করেছেন। দাঁড়াও, আমি বেয়ারিংটেকে একবার ফোন করি। আজ তার অফ্ ডে বটে, বাড়ি ফেরার পথে তবু একবার ঢুঁ মেরে যাবে বলেছিল। আমাদের দুই ইয়েহিয়া-দাসের হালটা কি।”

ফরাসী কেতার বেডরুমে রোমানসের মৃদু সুবাস। সেখানে ফোন।

শিপ্রা তাড়াতাড়ি জলচৌকিটা সরালে এ ঘর থেকে। পাতল একখানা ডবল সাইজের শেতল-পার্টি, করডুরের ওড়ুলা কুশন—ওগুলা অতটা পিছলোয় না—এক প্রান্তে ছোট্ট শ্বেত পাথরের রেকার্বিতে দুটি চাঁপা ফুল, অন্য প্রান্তে মুরাদাবাদী পানদান। নিজে শূন্যে পড়ল ঠিক মাঝখানে। বাঁ হাতে লম্বা হার্ণ্ডলুগা আন্ডাশেপের মসৃণতম রূপোর হাত-আলনা—ফরাসী স্টাইলের, অন্য হাতে বাজু সোনার পাতে মোড়া হাতের দাঁতের সিলেটী চিরুনি।

কীর্তি ফিরে এক নজরে সব দেখে বললে, “আহ্! এই তো দিল-আরাম গুলিস্তান, আর তুমি পরী—”

“নীলবসনা সুন্দরী—”

“বলো কি ? ও-বই তো ছেলে-ছোকরারা পড়ে। মেয়েরাও ?”

“অন্তত আমি। আর মনে হচ্ছে, তোমার ঐ ভিন্দু-দেশী টিকটিকিটি পাঁচকাঁড়র অরিফদম—না কি যেন নাম—তার শাকরৌদি করতে পারেন পাকা চূলে পৌঁছনো অর্থাৎ।”

“ক্লাবে আমাদের পকেট-ক্লাব কেটে পড়েছে। ওদের সজ্জ দিচ্ছে একমাত্র খান।”

“খান ! বলো কি ?”

“সে আজই স্থির করেছে, সুপার টিকটিকির পাট’ নিয়ে দুই ঘনঘনকে পাম্প করবে। মন্থে ‘জানি নে জানি নে’ বললেও সে ইসলাম ও তার ইতিহাসের অনেক গভীরে ডুব মেরেছে। সেইটে ভাগিয়ে বলবে কনিফডেন্‌স্ ট্রিকস্টার !” তারপর অতিশয় গম্ভীর মন্থে ধীরে ধীরে বললে, “আজ সন্ধ্যায় কিছু বেয়্যাগিচে একটা মারাত্মক খবর দিয়েছে। সে নিজেই নাকি প্রথমটায় বিশ্বাস করতে পারে নি—ঘনঘন যখন মিজাকে তার ‘মরাল’ চড়াবার জন্য তাকে বললে, ইয়েহিয়া এসেছে লীগকে স্ত্রেক ধাম্পা মারতে। সমঝোতার কথাবার্তার বাহানায় ইয়েহিয়া শুধু সমস্ত নিচ্ছে, পাজাব-পাঠান সৈন্য আনতে। এবং শুধু তাই নয়, লীগ যদিবা স্ট্রাটোজি হিসেবে কিংবা মঙ্গলের জন্য ইয়েহিয়ার সর্ব শর্ত মেনে নেয়, তবুও ইয়েহিয়ার জুটা স্থির সমস্ত পূর্বে বাংলার উপর দিয়ে মিলিটারি স্টীম রোলার চালাবে।”

“তার অর্থ ?”

“সরল। যৈ-পরিমাণে ট্যাঙ্ক, আর্মড কার আনা হচ্ছে তার থেকে বোকা যাচ্ছে তামাম দেশটাকে খাকছার করে দেবে। অবশ্য অতখানি সর্বিস্তার লারী বলে নি। তাই বেয়্যাগিচের মনে ধোঁকা, সে ঠিক ঠিক শুনতে পোয়েছে কি না, বদ্বতে পেরেছে কি না।”

শিপ্রা বহুক্ৰণ হল আরশি চিরুনি এক পাশে রেখে দিয়ে পুরো মন দিয়ে প্রত্যেকটি শব্দ গ্রহণ করছিল।

উভয়ই অনেকক্ষণ ধরে আপন আপন মনে চিন্তা করছিল।

শেষটায় শিপ্রা বললে, ‘ওখানে আন্দোলন হলে পশ্চিম বাঙলা নির্লিপ্ত থাকতে পারবে না।’ তারপর শূন্যে, “আচ্ছা, বেয়্যাগিচে এ-ব্যাপারে অত উৎসাহী আর কোতূহলী কেন ?”

“ঠিক ঐ প্রশ্নটাই আমি ওকে শূন্যেই জিজ্ঞাসা করলাম। বললে, সে তার মার কাছের ক্লাস টেন্ অবধি পড়েছিল। তখন তাদের ইতালিয়ান রচনা সঙ্কলনে ছিল মাদসার্নির বক্তৃতা—স্বাধীনতা সংগ্রামের যুদ্ধের উদ্দেশ্যে। সেগুলো তার মনে এমনই গভীর দাগ কেটেছে যে সেই সমস্ত থেকে পৃথিবীর যেখানেই যে

জাতই স্বাধীনতার জন্য প্রাণ দেয় তখনই তার প্রতিটি খবর খুঁটিয়ে খুঁটিয়ে পড়ে। রাগে নাকি আবার মাদসীনের ভাষণ পড়ে তাঁর প্রতি তার প্রশ্ন আরো বেড়ে যায়।”

“খানদানী রক্ত আছে তার শরীরে। ও ক্লাব-বার-এর রানী, কিন্তু তোমাদের বার-এট-ল’র বারের চেয়ে আভিজাত্যে কোনো অংশে কম নয়।... কিন্তু আজ এ-আলোচনা এখানেই থাক। আমাকে চিন্তিত তো করেছে, পীড়াও দেয়।”

কীর্তি সঙ্গে সঙ্গে সায় দিল। হঠাৎ পানদানটার দিকে আঙুল তুলে শূধলো, “ঐ মুরাদাবাদী-তাজমহলটি পেলে কোথায়?”

“উনি ছিলেন বাবার ঠাকুমার নিত্যসহচরী। তুমি মাঝে মাঝে পান চিবোও বলে তোমার অনারে ওঁকে আলমারির উচ্চাসন থেকে নামিয়ে আমাদের সমাসনে বসিয়েছি।”

“তুমিও তো—”

“সে অতি কালে কস্মিনে। নেমস্তম্বের ভোজে বস্তু বেশী ঘি চর্বি থাকলে মুখটাকে পরিষ্কার করার জন্য? বাড়িতে একা একজননের জন্য পান রে, সুপারি রে অত বায়নাক্সা সয় কে? হ্যাঁ, আগরতলা যাচ্ছে কবে?”

“বাইশ কিংবা তেইশে।”

“আমাকে ঠিক ঠিক জানিয়ে অস্তত একদিন আগে। তুমি আমাকে পিক আপ করবে, না আমি নিজে সোজা দমদমা যাবো। উয়েদার খারাপ হলে কিন্তু আমার গা গুলোয়।”

কীর্তি নির্বাক, স্তম্ভিত। সে তার প্রেমনিবেদন ভিন্ন অল্প সব অনুভূতি— ভয়, বিস্ময় ঘৃণা কোনো অনুভূতিই তার চোখে মুখে প্রকাশ করে না। কিন্তু আজ এখন তার বিস্ময় তাকে এনি অভিভূত করলো যে সে-বিস্ময় যেন তার সর্বাঙ্গে ছাড়িয়ে পড়লো।

শিপ্রা তো লক্ষ্য করবেই। তবু সহজ সুরে বললে, “কেন, কি হল?”

কীর্তি সহজ সুরের অন্য দিক-প্রান্তের শেষ সীমানায়। জাত ইন্ডিয়টের মত চি চি শব্দ করলে, “তুমি, তুমি যাবে?”

শিপ্রা যথেষ্ট সচেতন—কীর্তির মগজে তখন কোন ভূতের নৃত্য আরম্ভ হয়েছে। তবু সুন্দরমাত্র বিস্ময় প্রকাশ করে বললো, “বা, রে! তুমি ওটা ধরে নাও নি? অবশ্য তোমার সব টিপে তোমার সঙ্গে সর্বত্র যাব তার কোনো বাধ্যবাধকতা নেই। এবারের যাত্রার রয়েছে খান। এ রকম হোস্ট কোথায় পাবো আমরা? একবার একটা ছোট স্টেশন থেকে গাড়ি বোরিয়ে পড়েছে এমন সময় ধরা পড়লো হুইস্কর ন্যাজ সোডা ফুরিয়ে গিয়েছে। অর্মান হোস্ট খান লক্ষ্য দিলে এলার্ম চেনের দিকে। সবাই চেঁচালো ‘করো কি করো কি?’

সামনেই সিলেটের সব চেয়ে বড় জংশন কুলাউড়া। ততক্ষণ জল দিয়েই হবে।' খান গাড়ি থামালো, চাকরকে ছোটালো স্টেশনে সোডার জন্য। গার্ডের হাতে ক'শ টাকা জমা দিয়েছিল সে নিয়ে মতভেদ আছে। বলোছিল, 'এই নাও, জরিমানার পঞ্চাশ টাকা, বাকিটা রইলো আরো জরিমানার জন্য। যতক্ষণ না বেয়ারা সোডা নিয়ে ফেরে ততক্ষণের ভিতর তুমি গাড়ি চালালেই ফের চেন টানবো।' গেস্টদের মধ্যে ছিলেন, আসামের আই. জি একজন ডাঙর সেক্রেটারি. ল' এ্যাণ্ড অর্ডারের হর্তাকর্তা। এরা গার্ডকে মূখ দেখান কি করে? সবাই নাকি উল্টো দিকের জানলার সামনে দাঁড়িয়ে বাইরের অন্ধকারে মূখ ঢেকে ছিলেন।"

হঠাৎ শিপ্রা টানটান সোজা হয়ে বসে স্থির দৃষ্টিতে কীর্তির দিকে তাকিয়ে এবারে যেন—ইংরিজিতে যাকে বলে 'থিক্ অব্ দি ব্যাট্‌ল্', বিরাট রণক্ষেত্রের যে-অংশে লড়াই চলছে প্রচণ্ডতম প্রতিযোগিতায় এবং ঐখানেই খুব সম্ভব জয়-পরাজয়ের মীমাংসা হবে—সে-জয়গায় পেঁছে বললে, "শোনো শ্রীযুত কীর্তমান রায়চৌধুরী, তুমি ভাবছো এ-মেয়েটা এঁগিয়ে গিয়ে শ্বেচ্ছায় লোক-নিন্দা গায়ে মাখতে যাচ্ছে কেন? তবে শোনো। এক নম্বর—" বলে ফরাসী কায়দার জন হাতের তর্জনী বাঁ হাতের কড়ে আঙুলের উপর রেখে বললে, "আমি প্রথম দিনই তোমাকে স্পষ্ট বলছি, সমাজের কুৎসা—আই কেয়ার এ ফিগ্ এ পিন, এ জট্, এ টিটল—"

বলে মারলে তুড়ি। ফের তর্জনীটি অনামিকার উপর রেখে বললে, "দুই নম্বরঃ আমরা যেমন যেমন ঘনিষ্ঠতর হব, কুৎসার নানা রকম বেরকমের ধর্নি জেগে উঠবে চতুর্দিক থেকে যে-রকম ফিলারামিনক অর্কেস্ট্রায় হয়। বেজে উঠবে আরো যন্ত্র, আরো ধর্নি, বাড়তে থাকবে ধর্নির বৈচিত্র্য, ভলুম, উচ্চতা এবং শেষটায় পেঁছবে ক্রেসেণ্ডা-তে—সর্বোচ্চসুরে—যখন একসঙ্গে সব-কটা যন্ত্র তীব্রতম তুমুল নাদে হল্ ভরে দেবে।

আমি আগরতলা গেলে ফিরে এসেই শুনবো কনসার্ট ক্রেসেণ্ডাতে।" ফের মারলে তাচ্ছিল্যের তুড়ি।

এবারে মধ্যমা। "তোমার কি লোকনিন্দা হবে—"

এতক্ষণে কীর্তির কিঞ্চৎ চৈতন্যোদয় হয়েছে। বাধা দিয়ে বললে, "সেটা আমাকে বলতে দাও, তোমার যদি আপত্তি না থাকে।"

বিনীত কণ্ঠে আবার যেন শিপ্রা নিবেদন করলো, "তাহলে তোমার কোনো ইচ্ছা, কোনো নির্দেশ আমার কোনো আপত্তি থাকতে পারে না-না-না। আমি চলবো তোমার আদেশে। আমার অভ্যাস—সেটা বিধিদত্ত—আমার বক্তব্য আমি স্পষ্ট ভাষায় জোরদার গলায় প্রকাশ করি। আসলে তুমি জোরদার, ঢের ঢের বেশী জোরদার।

এখন যদি বলো, 'না তুমি আগরতলা যাবে না' আমি নত মস্তকে সে-আদেশ মেনে নেব—এবং আমার অনর্ভূতির কোনো পরিবর্তন হবে না। তার পর বসে বসে প্রহর গুনব। কবে তুমি ফিরবে। তখন সেটা ধুমধামে করবো সেলিব্রেট। তুমি নিজেই স্বীকার করবে, তোমার আদেশ আমার হৃদয় মনে কোনো জায়গায় আঁচড়াটি পর্যন্ত লাগে নি।”

এবারে কীর্তি বললে, “আমার সামাজিক নিন্দার কথা তুলেছিলে? তুমি বহুদর্শী—তোমার মুখে এটা আদৌ মানায়। পুরুষের কুৎসা রটনা—তার আয়ুর্ ক’দিন? জলের তিলক কপালে কাটলে শুকোতে যতক্ষণ লাগে—বরুণ বলি জিন্-এর। ওটা স্পিরিট, উপে যায় তড়িৎঘড়ি। দেখতে পাও না, এ-দেশের নিত্য দিনের ষ্টার্জেন্ট—এমন সব পাষণ্ড যাদের কোনো কুর্কীর্তি কারো অজানা নয় তাদের হাতে আমরা নিত্যনিয়ত সঁপে দিই না সদ্য ফোটা শিউলি ফুলের মত সরল নিষ্পাপ বধুদের?”

আমার বদনাম! খতিয়ে দেখলে শুনবে, অনেকেই আমাকে হিংসে করছে, কেউ কেউ আভাসে ইঙ্গিতে তোমার কাছে আমার এমন সব বদ-অভ্যাস কুকর্ম কেছা—যে-গুলোর সঙ্গে জীবনে আমার কখনো পরিচয়ই হয় নি—দূর থেকে সন্তর্পণে এগিয়ে দেবে; সেখানে আমার চিন্তা করার কিছুই নেই। তুমি আমাকে ভালো করেই চেনো—আমার কোনো দুর্বলতা তোমার অজানা নয়। ফাসীতে বলে, ‘দুশমন কি করতে পারে, দোস্ত যদি মেহেরবান হয়?’—দু’চার জন বন্ধু আমার এমন আছে যাদের শরীরে মনে যথেষ্ট বল আছে এবং দরকার হলে যারা সঙ্কলের সামনে দু’পাঁচ জনকে ঠ্যাঙাতে হামেহাল তৈরী—তা তারা তাদের সামনেই হোক আর আড়ালেই হোক তোমার আমার সম্বন্ধে অপছন্দসই কোনো মন্তব্য করলে। কিন্তু এ কথাটার উল্লেখ করলাম, নিতান্ত কথায় কথায়, এটা অবাস্তব।

আর অগুনতি লোক তোমার রুঁচির খুব একটা প্রশংসা করবে না, তুমি আমার মত অপদার্থকে বেছে নিয়েছো বলে।”

শিপ্রা কোনো মন্তব্য করলো না। সর্বশেষ কীর্তি বললে, “কুকুর ঘেউ ঘেউ করে; কাফেলা এগিয়ে যায়। দি ডগ বার্কস, দি ক্যারাভান পাসেস।”

ষোড়শ অধ্যায়

বাগডোণারা এয়ারপোর্ট পৌঁছবার পাঁচ মিনিট আগে হঠাৎ শিপ্রা দেখে, পালে পালে সাদা ছোট ছোট মেঘের টুকরো যেন তেড়ে আসছে তাদের প্লেনের দিকে। প্লেন ঢুকে গেল মেঘের রাজ্যে। আবার তের্মিন হঠাৎ প্লেনটা ফাঁকিতে বেরুতেই শিপ্রা দেখে পূর্ব দিগন্ত থেকে পশ্চিম দিগন্ত জুড়ে শ্বেত-শব্দ

হিমালয়। কী বিরাট, কী মহান, কী গম্ভীর সে গিরিরাজ। অথচ আঁত দূর থেকে দেখেছে বলে মনে হল যেন মাত্র গজ তিনেক খাড়াইয়ের এবড়ো খেবড়ো একটা দেয়াল, পৃথিবী ইসপার উসপার হয়েছে। পাঁচিলের উপরের প্রান্ত যেন অসমান বালর-কাটা—উচ্চতায় শৃঙ্গে শৃঙ্গে বিশেষ তারতম্য চোখে পড়ছে না বলে পর্বত প্রাচীরের উপরের রেখা কাটা কাটা—নীল আকাশের পটভূমিতে পূর্ব থেকে পশ্চিম প্রান্ত নিরবচ্ছিন্ন প্রসারিত হয়ে।

কিন্তু হায়, ভালো করে দেখতে না দেখতেই গেলন রানওয়ারের দিকে নামতে লাগল। দূরের এবং কাছের গাছপালার পিছনে বিরাট হিমালয় পর্বত ঢাকা পড়ে অদৃশ্য হল।

শিপ্রার শরীর রোমাঞ্চিত। এ-রকম দৃশ্য সে জীবনে কখনো দেখে নি। তার দু'চোখ হরিষে বিষাদে ভরে গিয়েছে। তখন হঠাৎ মনে এলো কীঁতির কথা—বিস্ময়ে উত্তেজনার তার কথা মোটেই মনে পড়ে নি, তার দৃষ্টি সেইদিকে আকর্ষণ করে নি। গোটা দুই খোঁচা দিয়ে বার বার শূধলো, “দেখলে, দেখলে?”

“তোমার মাথাটা যে-ভাবে জানলার উপর চেপে ধরে শাঁসটা চিবোচ্ছিল সেটার মার্জন ধরে আমি মাত্র একটা কোণ দেখেছি। কিন্তু এর আগে আরো কয়েক বার দেখেছি।”

শিপ্রার উত্তেজনা তখনো পুরো মাত্রায়; “আমি গেলন থেকে আল্পস্ দেখেছি অনেকবার। উপর দিয়ে ফ্লাই করার সময় জিনীভার বিরাট লেক থেকে ছোট ছোট ডোবাগুলোর নাম পর্যন্ত পিন্ ডাউন করতে পেরেছি। কিন্তু এ-রকম ওভারহুয়েলিং দৃশ্য কখনো দেখি নি—যেটা মানুষের সর্বচেতন্য আচ্ছন্ন করে তার সত্তা সম্পূর্ণ বিলুপ্ত করে দেয়। কিন্তু কী ষ্টার্জেড। দুর্নিমিটে দেখতে না দেখতে সব কিছু ঢাকা পড়ে গেল।”

খান সান্ধনা জানিয়ে বললে, “কিছু ভয় নেই, শোক করার নেই। বাগ-ডোগরা থেকে আমরা যাবো গৌহাটি—অনেকখানি পথ—হিমালয়ের সমান্তরাল রেখা ধরে। পুরো পথ ধরে বাঁ দিকে গিরিরাজকে যত প্রাণ চায় দেখবে আর পেন্সাম করবে। কিন্তু কালো চশমাটা পরে নিও। নইলে চোখ ডেমেজড হতে পারে।”

শিপ্রা বিপুল বিক্রমে মাথা বাঁকানি দিয়ে বললে, “কেন? পার্বতী কি তার পিতা হিমালয়ের মূখের দিকে তাকাতে না—না তিনি গগল্স্ পরতেন। আর হিমালয়ের শূভ্রতা যার তুলনায় মসীতুল্য, তাঁর প্রাতঃসূর্যরূচি শ্বেতাস্বর বর শঙ্কর? শূভদৃষ্টির লেনেও কি তিনি গান্ধারীর মত চোখে ফেটা বেঁধেছিলেন?”

কীঁতি বললে, “ওরকম অলৌকিক কর্ম শূধু মেরেরাই পারে। আমরা ভে

নহি বধু, নহি কন্যা।”

শিপ্রা ব্যঙ্গ করে টিপনি কাটলো, “অ। বধুর জন্য পাদপীঠ সংগ্রহ করতেই সর্ব সাধনা সর্ব কামনা শেষ? বলে দেব খানকে সব? কেন? চন্দ্রবংশের সংবরণ না কে যেন সূর্যের মেয়ে তপতীকে রানী করতে চেয়েছিলেন বলে শ্বশুরমশাই সূর্যের দিকে অপলক চক্ষে তাকাতে তাকাতে উপাসনা করে প্রার্থনা জানান নি?”

শিপ্রা কান্নায় কান্নায় ভেঙে পড়ে আর কি! পলন ফের আকাশে ওঠামাত্রই ধরা পড়লো মেঘ আর কুয়াশা এ-প্রান্ত থেকে অপর প্রান্ত পর্যন্ত হিমালয়ের রূপরেখা ঢেকে ফেলেছে। দেবতারা কী অকরণ, কী নিষ্ঠুর।

খান পুনরায় সান্ত্বনা দিয়ে বললে, “ও সব মেঘ কুয়াশার নুইসেন্স যে কোনো সময় কেটে যেতে পারে। ততক্ষণ নিচের দিকে তাকাও না—ব্রহ্মপুত্র নদ। ইনিও তো হিমালয়ের জন্ম নিয়ে, বাপের মত ঠাণ্ড দাঁড়িয়ে না থেকে দেশের পর দেশ অতিক্রম করে যাচ্ছেন, পৃথিবীর তৃষ্ণা নিবারণ করে, তাঁর অংশাবতার জনপদবধুর কলসীতে ঢুকে তাদের কাঁখে আরামসে বসে আনন্দধ্বনি ছাড়া ছাড়া করছেন। তার পর তিনি আদর করে কোলে তুলে নেবেন গঙ্গাকে—দু’পথ ধরে দুজনাই বেরিয়েছিলেন হিমগিরি থেকে।... শূধোইগে পাইলটকে ঐ মেঘ বাবুদের গ্যারোপাটন করার আশু সম্ভাবনা আছে কি না।”

কামাখ্যার উপর দিয়ে যাবার সময় কীর্তি বললে, “এ জায়গার মেয়েরা বিদেশী পুরুষদের মেড়া বানিয়ে রাখে।”

শিপ্রা বললে, “আমাকে এখানে নামিয়ে দাও। ভালো করে দেখে নিক সন্বাই, সত্য সত্য তিন সত্যের মেড়ী কাকে বলে।”

কীর্তি বললে, “আমি শুধু এইটুকু বলতে পারি, জোর গলায়, তোমার যা ইচ্ছা জোর, উইল-পাওয়ার আছে তার বিরুদ্ধে দাঁড়িয়ে স্বয়ং ব্রহ্মা বিষ্ণু তোমার অনিচ্ছায় তোমাকে স্বর্গ ইন্দ্রাণী উর্বাশীর আসনে বসাতে পারবেন না, মর্ত্য চার্মিং মালেনে ডীটার্শ, স্টিট, লিলিয়ান হার্ভের মাধুর্ষ্য দিতে পারবেন না। নরকে যমরাজার পাটরানী যমীর কথা দূরে থাক। আর তোমার ইচ্ছা থাকলে তুমি মেড়ী, নেড়ী, ভেড়ী যা খুশী তাই হবার শক্তি ধরো—অর্থাৎ কারো তোয়াক্কা না করে। তুমি তো কলকাতাতে এখনো এক পাল মেড়া পোষো—”

শিপ্রা বাধা দিয়ে বললে, “থ্যাংক ইয়ু। কিন্তু বলো তো, আমি কি হতে চাই?”

কীর্তি চিন্তিত মনে আসমান-জমীন অনুসন্ধান করতে লাগলো।

শিপ্রা ডান দিকে একটু সরে বসে কীর্তির উরুতে হাত রেখে বললে, “কীর্তিপ্রিয়া।”

পেটুক গাণ্ডেপাণ্ডে খেতে খেতে মারা গিয়েছে তবু ভোজন কর্মে বিরতি দিতে পারে নি, এ-দৃশ্যটি প্রাচীন দিনের বহনভোজনের একাধিক পরিবেশক চোখের সামনে দেখেছেন বলে দাবি করেন। কিন্তু স্পর্শকাতর রূপের পূজারী, সুন্দরের পিয়াসীদের সামনে প্রকৃতি অকুপন হস্তে ছবির পর ছবি, দৃশ্যের পর দৃশ্য, রূপের পর রূপ টেলে দেন তবে সে বেষীক্ষণ সে-দিকে তাকাতে পারে না। তার হৃদয় তখন আকুলিবিকুল করে প্রত্যেকটি দৃশ্যের রস দিয়ে সে-যেন তার হিয়া রাঙিয়ে নিতে পারে—শ্রীকৃষ্ণ যে-রকম সুন্দরী রাধাকে অনুরোধ জানিয়েছিলেন, ‘রাধে, তোমার চোলির রঙ দিয়ে আমার মস্তকাভরণ রাঙিয়ে দাও, (রাধা কি তবে ভ্রমবশত, না স্বেচ্ছায়, বুক চিরে তারই রক্ত দিয়ে কানুর মস্তকের চূড়া লালে লাল রাঙিয়ে “কৃষ্ণচূড়া”র জন্ম দিলেন?)—যাতে করে দুর্দানে প্রাণের রসধারা যখন শুনিয়ে যায় সেই দারুণ দহন বেলায় এ-সব দৃশ্যের একটি একটি স্মরণে এনে নিজের ভাগ্যকে ক্ষমা করতে পারবে।

নিশচল হিমালয়, সচল ব্রহ্মপুত্র, বৃক্কের উপর কত শত ম্বীপ শিশুর মতো প্রতিদিন বেড়ে বেড়ে বড় হয়ে উঠছে, জলের উপর ফোলা পালের স্ফীতবক্ষ বিশাল নিতম্বা মহাজনী নৌকার সারি যেন ডিমের খোসার সাইজ আর ওদেরই মত হলে দূলে নির্ভয়ে এগিয়ে যাচ্ছে, চরের পরিবর্তে হঠাৎ জেগে উঠছে, মাথা উঁচু করে ক্ষুদ্রায়তন উমানন্দ পাহাড় কিন্তু তার আকস্মিক অপ্রত্যাশিত আবির্ভাব বৃক্ক লাগায় চমক, গোয়াল পাড়ার ঘন সবুজ বাঁশ বেত আমকাঠালের মাঝখান থেকে দাঁড়িয়ে উঠেছে হাজার হাজার অব্যক্তম স্বল্প গুবাক বৃক্কের শূভ্রতা। কত দেখবে পিয়াসী শিপ্ৰা।

সে ঘুমিয়ে পড়েছে।

গোহাটি, শিলচর শেষটায় আগরতলা। টসটসে ভেজা রুটিঙের মত তার সৌন্দর্য গ্রহণশালার ভাণ্ডারী আর কোনো নবীন রস নিতে সম্মত হয় নি। শুধু শিলচর থেকে ত্রিপুরা পাহাড়ের উপর দিয়ে প্লেন যাচ্ছে তখন কীর্তি জন দিকে হাত বাড়িয়ে বললে, “এই তোমার বাল্য সখী বিল্কিস্-এর দেশ, সিলেট!”

ধড়মাড়িয়ে উঠে দেখে, বিল্কিস্ সত্যি বলেছিল, ঝাট পূব বাঙলার মত সবুজে সবুজ তো বটেই, মাঝে মাঝে উঁচু নিচুর টিলাটালি, ক্ষুদে ক্ষুদে পাহাড়, আর সমস্ত দেশটা আঁকা-বাঁকা নদী-নালায় ভর্তি—সবুজ জেরার উপর ফালি ফালি ঘোলাজল স্বচ্ছ জলের ডোরা। মাঝে মাঝে আবার দিঘিও তো। না, স্মরণে এল বিল্কিস্ বলেছিল ওগুলো হাওর, লম্বা চওড়ায় অনায়াসে পাঁচ-সাত মাইল জুড়ে জল—মোস্ট ডেঞ্জারাস। শুধু দেখতে পেল না বিল্কিসের বর্ণনার ময়ূরের মত পেখম-মেলা বিরাট বিরাট কৃষ্ণচূড়ার নিচে, টিলার উপরে চা-বাগানের কলঘর, সানুদেশে চা গাছের ঝোপ, পাশের টিলার উপর ম্যানেজারের

নির্জন নিঃসঙ্গ ছিমছাম বাঙালো—প্লেন যাচ্ছিল খুবই উঁচু লেভেলে।

আগরতলার যে বাঙালোতে তারা উঠলে সেটা ওঠবার সিঁড়ি থেকে বাথরুমে জমাদার ঢোকবার দরজা পর্যন্ত সব-কিছু মেগনাম সাইজের। বাড়িটা বানিয়েছিল এক ইংরেজ—গ্রিপূরা থেকে বিশ্বের জুগুলোতে একদা সে হাতী সাপ্লাই করতে পাইকির হিসেবে, অন্য লোক যে-রকম ভেড়া-ছাগল বিক্রি করে। নীলকরদের কুঠীর মত এক একটা কামরা আস্ত এক একটা জলসা ঘর—ছাত যে কোন উঁচুতে দেখতে হলে দূরবীনের প্রয়োজন। তাবৎ বাড়িটা জুড়ে যেন হাঁ করে সব-কিছু গিলে ফেলে বিশাল বিস্তীর্ণ হল ঘর। প্রটেস্টান্ট ইংরেজ যেন ক্যাথলিক পোপের ভাটিকানকে পরাস্ত করতে চেয়েছিল। দেশে ফেরার সময় বাড়িটা বিক্রি করতে গিয়ে দেখে, গ্রিপূরার লোকের কাছে হাতী ঘরকী মুরগী বরাবর বলে তারা বর্মার রাজদত্ত “উপহার” শ্বেতহস্তী পোষার খরচটা সম্বন্ধে আগাপাঙ্গলা ওকীবহাল। অতএব শেষটায় এই শ্বেতহস্তী হস্তী ক্রয় করলেন আমাদের কলকাতাই খানের আশ্বা সাহেব, বড়া খান।

শিপ্রা প্রথম পদার্পণের সময় এ-সব কিছুই লক্ষ্য করে নি। স্বপনচারিণীর মত বাথরুমে ঢুকল। বেরিয়ে সোজা ডাইনিং টেবিলে। সেখানে হীতমধ্যে এসে গেছেন দুই ইয়ারের স্থানীয় ইয়ারের দু'পাচজন। সামনে গেলাস। শিপ্রা দেবীকে পরম ভক্তিভাবে নমস্কার জানিয়ে, দাঁড়িয়ে দাঁড়িয়েই আপন আপন গেলাস একটানে শেষ করে ফের নমস্কার জানিয়ে প্রেসেশন-পর্ষতিতে ইয়াররা বেরিয়ে গেলেন।

ক্লান্ত কণ্ঠে শিপ্রা শূধলো, “এরা পালালো কেন? আমি কি বাঘ?”

খান তাড়াতাড়ি বললে, “তুমি বাঘ না, তুমি ক্লান্ত। আর এরা যাবে কোথায়? বললেই আসবে, না বললেও আসবে। ওরা মফস্বলের লোক। তাদের দৃশ্চলতা, বেগানা লোগর সান্ধাতে বেগম সাবের সেবার (আহারাদির) তুরুট্ (চুটি) হইতে পারে। বাদে তেনার লগে লগে আরাম করন লাগবো (শুতে যেতে হবে)।”

সীমান্তপারের পার্কিস্তান থেকে এসেছে একাধিক বর্ণগোত্রের মাছ। কে বলে ভারত-পাকের সাধারণ জন জন্তু-জানোয়ারের প্রতি নির্দয়? ও-পার যাত্রী মা চিরতরে বিদায় নিচ্ছেন—পূর যেতে পারলো না তাঁর কাছে পাসপোর্ট ভিসার অভাবে। এ-পারের চাষা গিয়েছিল বর্ডরি ক্রস করে ওপারে তার গুটি-কবলেজের কাছে দাদীজানের জন্য “কফ্ নিবারণের” গুটি চারেক বাড়ি আনতে। গুজে রেখেছিল পরনের দু'হাতী লুঙ্গির ট্যাঁকে। পড়লো ধরা। কস্টমসের ছোটবানু তাঁর বিলিতি ফার্মাকিপয়ার ফিরিস্তিতে এই ‘অসভ্য’ ওষাধর নাম—হল ডবল ফাইন। কিন্তু মাছের বেলা সদরতর ব্যবস্থা—তার পাসপোর্ট লাগে না, তার ট্যাঁক কেউ খোলে না। ‘কালো’তে এলেও

ইলিশের রং কালো হয় না, কই ধরা পড়ার ভয়ে, 'পাঙাশ' হয় না। দুটো বর্ডার ক্রস করে এসেছে খাসি পাহাড়ের কমলা নেবু।

শিপ্রা বললে, “মফস্বলের লোকের আহারাদি হয় মৌসুমি যা পাওয়া যায় তাই দিয়ে। এখানে দেখা নেবুর দোসর আনারস।”

“তাই তো লোকে বলে ‘বাঘের দুধও মেলে’। বাঘিনীও দুধ দেয় বিশেষ অবস্থায়। এখানে সর্বাধিক—বাঘ তো পেটেবাচ্চা ধরে না—বাঘ ভী দুধ দেয়। কিন্তু ঠিক এই মুহূর্তে অবস্থা বড়ই সঙ্গীন। বর্ডারে এখন আর রাইফেল-ধারী পূর্ব বাঙলার পুলিশ নেই—তাদের স্থলে এসেছে মেশিনগান, নানাবিধ অটোমোটিক হাতে পাঞ্জাবী পাঠান আর্মি—পশ্চাতে আর্মি গাড়ি। কাছেই কুমিল্লা কেনটনমেন্ট, ময়নামতীর ঘাঁটি। হাজার হাজার সেপাই অফিসার আবজাব করছে। পূর্বাঞ্চলে কুমিল্লাতেই পশ্চিমাদের সবচেয়ে ডাঙর কেনটনমেন্ট।”

শিপ্রার আবছা আবছা মনে পড়ল, বাগডোঙ্গরা, এই আগরতলা এমন কি শিলচর কিছুটা দূরে হলেও সব কটাই ইন্ডো-পাক বর্ডারের কাছাকাছ বলে সর্বত্রই এমন কি প্লেনের ভিতরও তার কানে এসেছে মাত্র একটি টপক। সেটা রহস্যময় ও প্রশ্ন প্রশ্ন কর্তীকত। সুন্দ মাত্র লীগকেই যদি শায়স্তা করতে হয় তবে কামান কেন, ট্যাঙ্ক কেন, সাজোয়া গাড়ি কেন? তবে কি ইন্ডিয়া এ টাক করার জন্য। তাই হবে। কারণ শেষ গুজোব, লীগ ইয়োঁহিয়াতে সমঝোতা হয়ে গিয়েছে। ভারত যদি আক্রান্ত হয়, চীন কী তবে ফের দুশ্মনী করবে? আরো কত শত প্রশ্ন।

খেয়েই শিপ্রা মারলো ছুট—অনন্তকাল ধরে সে ঘুমাবে।

নিদ্রা-রেকর্ডে কুমিল্লা-গজর্ন নাসিকা-গজর্ন গোল্ড মেডেল পেয়েছে কিন্তু রেকর্ড কুমিল্লা স্বীকার করতে বাধ্য হয়েছেন, ক্ষুদ্র নিদ্রাকর্মীট কিন্তু ছেঁদো। রইলেন শ্রীবিষ্ণু। অনন্তশয্যা। কিন্তু অবতার এবং/কিংবা অংশাবতার হয়ে যখন অবতীর্ণ হতেন। তন্দ্রাবস্থায়? হা, ঠিক! শাস্ত্রাদির সম্যক অধ্যয়ন অসম্পূর্ণ রাখার কুফল বক্ষ্যমাণ পুস্তক।

তবু, অন্তত এটুকু বলা যেতে পারে সেই দিন-যামিনীর শিপ্রা নিদ্রা তার পূর্বতর রেকর্ড। তর্কাতীত ছ'লেংথে উর্ধ্বমুখী হয়েছিল।

ঘুম একটুখানি কেটেছে মাত্র। সঙ্গে সঙ্গে শিপ্রা অনুভব করলো, দুটি ছোট কোমল হাত—মেয়েছেলেরই নিশ্চয়—তার পা টিপে দিচ্ছে, কিন্তু চাপেতে যে-জোর, সেটা যেন পূর্ববের। একটুখানি চোখ মেলে ক্ষীণালোকে দেখল, পাহাড়ী মেয়ে। এখানকার পাহাড়ীদের নাম কু কী—কিন্তু শিপ্রার মনে হচ্ছে, আর পাঁচজন বাঙালীদের মত গারো, লুসাই, কুকী সবই বরাবর।

কণ্ঠে অত্যন্ত বিরক্তি মিশিয়ে শুন্যে, “তোমাকে পা টিপতে বলেছে কে?”

কৃষ্ণত কৃষ্ণ; “কেউ না। আমার মিসি বাবা হায়রান হয়ে ফিরে এসে ঘুমিয়ে পড়লে আমি তখন পা টিপে দিতুম। সে আরামসে বেশী ওকৎ ঘুমতো। আমি আরো দু’মিনিট পরে চলে যেতুম—আপনার মালুম ভী হত না।”

বাঁচালে, বাবা। পা টেপো আর ষাই টেপো, চুলটা তো আঁচড়ে দেবে। নইলে হাতের নড়া খসে যেত,—খুশী হল শিপ্রা।

“কটা বেজেছে?”

“গ্যারহ্ সে জ্যাদা।”

সর্বনাশ! ওঁদকে কানে আসছে মফস্বলের বারান্দায় শ্যামবাজারী রকের তুফান।

হলতদন্ত হয়ে উঠে বললে, “আম্মা, তুমি ওদের গিয়ে বলো, আমি এখুঁখুনি আসছি, ওদের কেউ যেন না পালায়” মফস্বলী এটিকেটের বাড়াবাড়ি অশ্লান বদনে মেনে নেওয়াটাও এটিকেট নয়। “আর ফিরে এসে এখুঁখুনি চুলটা আঁচড়ে দাও। আলোটা জ্বালো।”

সঙ্গে সঙ্গে অকস্মাৎ মাথার কোন্ অজানা কোণ থেকে একটা সূনিশ্চিত সিদ্ধান্ত তার মনে ভেসে উঠলো, “লারী যে মিজ্বাকে বলেছিল, তামাম পূবে বাঙলার উপর স্টীম রোলার চালানো হবে সেইটেই ঠিক।” সে যখন গভীর নিদ্রায় অচেতন তখন তার অবচেতন মনে নানা গুজোব নানা তথ্যের কাটাকুটি করে সিম্পলিফিকেশন অঙ্কের মত এই সরল রিজালটে পৌঁছেছে। কিন্তু আশ্চর্য! এই নিয়ে এত যে বচসা, ভবিষ্যৎবাণী ঘাঁটিতে ঘাঁটিতে সে শুনলো, কেউ তো একবারের তরেও বললে না, ট্যাঙ্ক সার্জোয়্যা গাড়ির ছয়লাপ, হয় ভারতকে ভয় দেখাবার জন্য কোনো গভীর কূটনৈতিক চাল, নয় সরাসরি ভারতকে আক্রমণ। সবাই বিনা চিন্তায় ধরে নিয়েছে, নিছক সৌন্দরী কাঠের লাঠি নিয়ে লক্ষ্যবস্তু করছে লীগ, যদি তাদের অন্য কোনো প্রকারের অস্ত্রের ব্যবস্থা থাকতো, তবে সেটা কস্মিনকালেও গোপন থাকতো না। অতএব ট্যাঙ্ক কামান ভারতের তরে—কিউ, ইউ, ডী। শিপ্রার মনে হল, তারা ওজনের আঁকে ধরুধর পোশাকের মত অতখানি ঘুরিয়ে ফিরিয়ে যুক্তিতর্কের সিটিটাকে যাচাই করে দেখে নি। এরিথমটিটকের অঙ্ক কষেছে তার অবচেতন মন; এদের সচেতন মন যেন জিওমিট্রির স্বতঃসিদ্ধ সিদ্ধান্ত মেনে নিয়ে চলে গেছে জিওমিট্রিক টেনজেন্টে সরাসরি বিপরীত মুখে।

সপ্তদশ অধ্যায়

আম্মা খোঁপাটা বাঁধলো কোন দূর বা নিকট পাহাড়িনী স্টাইলে সে-সমস্যার সমাধান না করেই ছুটলো বারান্দার হাইড পার্কী মিনি-মিটিঙের দিকে। দূর থেকেই লৌড-সুলভ মাঝারি গলায় বললে, “আপনারা কোনো তকলীফ করবেন না, প্লীজ। আমি এক পাশে বসে শুধু শুনবো।”

প্রথমটায় গুল্লাদী গানের অবতরণিকা আলাপের মত বাক্যালাপ কিঞ্চিৎ মন্দ মধুর ক্লিচিং কাকলীর সুর ধরেছিল বটে কিন্তু পেটের ভিতরকার তরল দ্রব্যগুণ যাবে কোথা? দ্রুত তেতালে স্থগিত দারণ সংগ্রামে তাঁরা ফিরে এলেন, দ্যাখ্ তো না দ্যাখ্, ডার্বি ঘোড়া ধূলির বড় উড়িয়ে।

সুস্পষ্ট দুটি দল। মধ্যপন্থা জনশূন্য। স্বয়ং চেয়ারমেন খান খনে ফ্রন্ট বেঞ্চার খনে চেয়ার আসীন।

প্রথম পক্ষের বক্তব্য : ঢাকাতে সমঝোতা হয়ে গিয়েছে। মারপিট হবে না।

দ্বিতীয় পক্ষের বক্তব্য : আদৌ হয় নি; হবেও না। ইয়োহিয়া জাত ঘৃণ্য। টালবাহানা দিয়ে সময় নিচ্ছে, শুধু আরো সৈন্যঅস্ত্রশস্ত্র জমায়েৎ করার জন্য।

শিপ্রা এ-সবের অধিকাংশই শুনছে। বেয়ামিচে যা বলেছিল সেগুলোর সংগ্রহ মিলিয়ে নিচ্ছিল মাত্র।

তুমুল তর্কযুদ্ধের সময় হঠাৎ এক এক সময় সবাই একসঙ্গে চুপ মেরে যায়।

সে-স্ববধতা ভাঙলেন একটি বয়স্ক মুসলমান। তিনি হৃৎসমধ্যে বক। অবশ্য বকের মত জল খাচ্ছিলেন না, চুষাচ্ছিলেন একটা নিম্বু পানি। বললেন, “একটা ঘটনা আমার কাছে বড় রহস্যময় ঠেকেছে। দিন কয়েক আগে দুটো পাজাবী সেপাই গিয়েছিল বাজারে। কী একটা সামান্য অজুহাত পেয়ে রাস্তার ছোঁড়ারা—হয়তো বা লীগের দু একজন ছিল—করেছে ওদের ডাहा বেইজ্ঞৎ। শেষটায় দু’জন্যারই পাতলুন—” মিন্না সাহেব যেন বিষম খেয়ে আচমকা থেমে গেলেন।

শিপ্রাই বুঝেছে সঙ্কলের পয়লা। অভয় বাণী শুনিয়ে বললে, “মৌলভী সায়েব, আপনার যা বলার অসম্বোধে বলে যান। আমি নাজুক, লজ্জাবতী লৌডিদের একজন নই, যদিও কারো মুখে ‘বাচ্ছা বিইয়েছি’ শুনলে ভিরমি যান, তাঁরা “জন্ম দেন” ইত্যাদি ইত্যাদি। আমার কাছে :ব’দাই প্রথমটাই প্রকৃতি-সম্মত এবং ভিরাইল ঠেকেছে।”

‘মৌলভী সায়েব’ কিন্তু সৌদিক দিয়ে পাক্কা মডান। ভদ্র রমণীর আদেশ অলঙ্ঘ্য। বললেন,—“পাতলুন কেড়ে নেন। ভাগিৎস অন্য হৃৎসবতর অঙ্গবস্ত্র পরনে ছিল, তাই মানে মানে ছাউনিতে ফিরতে পারলো।”

কেউ মূদু হাস্য কেউবা অটুহাস্য করলেন। শিপ্রা প্রথম শ্রেণীতে।

সায়েব বললেন, “কিন্তু আসল কথা, তারা ছাউনিতে ফিরে গিয়ে বন্দুক এবং ইয়ার-দোস্ত নিয়ে এসে বেধড়ক মার লাগালো না কেন, গুলি চালালো না

কেন, দোষী নির্দোষীকে অবিচারে—বে-খড়ক? যা আকছারই হয়ে থাকে পাকিস্তানে। সেইখানেই তো রহস্য। তার কিছ, করলো না, সেইটাই তো রহস্য।

এবারে শিপ্রা যেন আলোচনায় যোগ দিল। বললে, “শার্ক হোমসের অন্যতম রহস্য গল্পে আছে তিনি পলিস ইনসপেকটরকে বললেন, ‘রাতে কুকুরটার রহস্যময় আচরণের দিকে তোমার দৃষ্টি আকর্ষণ করছি।’ ইনসপেকটর আশ্চর্য হয়ে বললে, ‘সে তো কিছ, করে নি।’ হোমস হেসে বললেন, ‘সেইখানেই তো রহস্য।’” শিপ্রা থেমে গেল।

খান আর কীর্তি ছাড়া আর সবাই কৌতূহলী নয়নে শিপ্রার দিকে সপ্রশ্ন দৃষ্টিতে তাকালো। এ-সম্প্রদায়ের মাঝখানে মাত্র ওরা দু'জনাই জানে, শিপ্রা পয়েন্টলেস, উদ্দেশ্যহীন গল্প বা উদ্ভৃতি ককখনো ছাড়ে না।

মিঞা সাহেব কিন্তু ধরে ফেলেছে। সে হোমস পড়ে নি, তবু। কারণ তার বক্তব্যের সঙ্গে এটা মিলে যাচ্ছে। হয়তো বা তার এবং অন্য কিছ,জনের গল্পটি স্মরণে এসেছে।

অন্য-সবাই স্কুল বয়ের মত পূর্বাপর সংযোগসহ সবিস্তার পূর্ণ বিবরণীর জন্য “গুরু” শিপ্রার দিকে তাকিয়ে আছে বলে সে বললে, “আস্তাবল থেকে দামী ঘোড়া গিয়েছিল চুরি, গভীর রাতে, অথচ সেটাকে পাহারা দেবার জন্য যে-কুকুরটা ছিল সেখানে, সে ঘেউ ঘেউ করে স্টেবল বয়গুলোকে জাগিয়ে তোলে নি। ডিটেকটিভ হোমস্ তার থেকে অনুমান করলেন, চুরি করেছে কুকুরের কোনো ঘনিষ্ঠজন। পরে ধরা পড়লো, চুরি করেছিল জমিদারের আস্তাবল রক্ষক স্বয়ং—অসদুদ্দেশ্যে।”

মিঞা সাহেব সোৎসাহে বলল, “বিলকুল সহী বাৎ! সেপাই দুটো তার ভাই-বেরাদর, ইয়ার-দোস্তকে আঁত অবশ্যই তাদের বে-ইজ্জতীর কাহিনী বলেছিল। তারা কিছ, করলে না, কমান্ডান্ট্ও কিছ, করলে না, এমন কি যেটা কম-সে-কম মিনিমামেস্-ট্-সিভিল, পলিসকে তদন্ত করার জন্য আদেশ করলে না। অর্থাৎ কুকুরটা ঘেউ ঘেউ করলে না। বিগলিতার্থ যা স্বাভাবিক যা প্রত্যাশিত সেটা ঘটলো না। কেন?

অন্য গুরু খবর আমার না থাকলেও আমি এর থেকে এই অর্থই বের করতুম, কনর্নল কর্তা ওদের বন্ধিয়ে বলেছেন,

এখনো তোদের সময় হয় নি।

যেথায় চল্লি হাস নি কো ধনি।

অর্থাৎ এ-ভাবে প্রাণপণ চেষ্টা সত্ত্বেও যে পরিমাণ সৈন্য পশ্চিম পাক থেকে যোগাড় করা হয়েছে সে-সংখ্যা দিয়ে লীগ এবং তাদের ‘অন্ধ’ সমর্থক পাগলা পাবলিককে শাস্তি করা যাবে না। তোদেরও সময় আসবে, মোকা পারি

তোটা দিলসে জান্সে দাদ নেবার ।”

ফিনফিনে ধূতি পাঞ্জাবি পরা ১৯২০/৩০-এর স্টাইলে চুলকাটা, ঘাড় কানের কাছে প্রায় কামানো এক ফুল-বাবু বললে, “অর্থাৎ, স্যাকরার টুং টুং, কামারের এক ঘা ।”

মিঞাজী ভুরু কুঁচকে বললেন, “এক ঘা নয়, চক্কোস্তি । একশ ঘা ।”

এক সিলেটী কারবারি ফ্রান্স্ দেশে চালান দেয় কোলা ব্যাঙ । কুমিল্লার আশেপাশে খুদ শহরের সর্বাঙ্গে এন্ডের বিজ্ঞাপন সের্টেছে, এখানে কোলা ব্যাঙ ক্রয় করা হয়”; “কোলা ব্যাঙের” স্থলে কোনো কোনো বিজ্ঞাপনে আছে “ঘাড়ু ব্যাঙ” । এক খাস আগরতলী তাকে শোধলো, “কি ও হাজী, তুমি মুরগীর চালান বন্ধ করে দিয়েছ ?” মিঞা হজ্ব করার জন্য সন্দূর মক্কা যাওয়া দূরে থাক, ঢাকা চার্টার্ড অর্বাধি তার দৌড় । পরে এসেছে শার্ক স্কিনের পাতলুন, সিন্কেকর প্রিন্স্ কোট । এর অন্ভূত “হাজী” ডাকনাম হল কি করে সে এক রহস্য এবং খাটো কান । শোধলে, “কিতা ?”

শিপ্রা কারো কথা কেটে আপন কথা কয় না । এস্থলে তার উত্তেজিত কৌতূহল ব্যত্যয় বাধালে । সঙ্গে সঙ্গে শোধলো, “হাজী সায়েব, কিতা মানে কি ?”

এ-তাবৎ ভদ্রা শিপ্রা কাউকে উপেক্ষা করে নি, আবার কারো প্রতি বিশেষ দৃষ্টিনিষ্ক্ষেপও করে নি ।

হাজী তাই শিপ্রাবানুর নেক-নজর পেয়ে বিগলিত । কোমরে দু'ভাঁজ হয়ে, বাও করে, ঘন ঘন কুনি'শ ছেড়ে বললে, “জনাব বেগম-সাহেবা খানম-বানু, যে কোনো অর্বাচীন সিলেটী আপনাকে বলবে, ‘কিতা’ মানে ‘কি’ । আলবৎ । কিন্তু সেখানেই শব্দটার শেষ অর্থ খতম হয়ে দাঁড়ি কাটে নি । ওটা অনেক রহস্য ধরে । ‘তুমি কিতা ?’ তার কতই না উত্তর হতে পারে—”

আর এক সিলেটী সেখানকার মদনমোহন কলেজের লেকচারার বললে, “গুরুর গানে যদি সামান্য পাঠান্তর করি”—বলেই দু'হাত দিয়ে দু'কান ছুঁলেন, অপরাধী যে-রকম মাফ চায়—“এবং বলি

‘ওগো মিতা সন্দূরের মিতা
আমার কী বেদনা জানো কি তা ?’

তাহলে ঐ শেষ ‘কি তা’ সিলেটী ‘কিতা’র রহস্য ধরে ।”

শিপ্রা খুশী হয়ে দুই সিলেটীকে ধন্যবাদ জানিয়ে তার কীর্তি যাকে সে আদর করে ‘কিতা’ ডাকে তার দিকে তাকিয়ে একটু মূর্চক হাসলো ।

হাজী পূর্বতর প্রশ্নের খেই ধরে বললে, “মুরগীর ব্যবসার ঠালাতেই তো-

দাদা এখানে পালিয়ে এলুম। আমি লীগের রীতিমত সম্মানিত সদস্য। ওদিকে খুদে লীগ হাইকমান্ডের হুকুম কি না জানি নে, পাজাবী-পাঠানদের খানদানা সাপ্লাই বন্ধ করো। কিন্তু কার্যত গায়ের লোকসমূহ এয়াম ক্ষেপে গেছে, আমিও তাদের দলে, তাই হচ্ছে থাকলেও মুরগী যোগাড় করতে পারি ক'শ' ?—ঐ কেনটনমেন্টের তরে ? ওটা তো অজানা থাকবে না। তার পর শা—সরি সরি—বড় কতী কর্নেল আমায় এস্তেলা পাঠালে—

কোরাস { বাপ্‌স্‌ !
সবেবানাশা !
কিতা কিতা !
ইয়াল্লা !

ধুকুপুকু মুরগীবাচ্চার জানটা নিয়ে গেলুম কর্নেল সমীপে—‘সুপুতুরের’ বাপ নিব্বংশ হোক ! আমাকে এই মারে কি তেই মারে। আবেদনা করাছি, হিন্দুদের মত ধর্মপত্রীর সোনার কাঁকন-জোড়া খুলে আনলেই হত। বিক্রি করলে, এই মাগুগির বাজারেও এক কেস স্কচ কেনা যায়। তারই নাকি এক বোতল পেটে ঢেলে ‘ডাচ্ কারেজ’ সগুয় করে এলে হত। ব্যাটা—” শিপ্রার দিকে ক্ষণতরে তাকিয়ে সেলাম ঠুকে বললে, “ম্যাডাম ! আপনি আমার এই ‘অভদ্রস্থ’ কথাগুলো এ্যাট্টাকুন মারফ করে দেবেন প্লীজ। ‘য’ ফলা শিখতে গিয়ে পাঠশালে পড়েছি,

‘অশ্লীল কুবাক্য সদা মুখে ফোটে যার।

লোক সনে ঐক্য সখ্য রহে না তাহার’।”

শিপ্রা : “সাহেব, আপনি কি ভুলে গেলেন, আমি গোড়াতেই আপনাদের হুঁশিয়ার করে দিয়েছি, আমি লেডি নই। আপনি দিল্ জাম্ ভরপুর করে গালাগাল দেন, আপনার ঐ কাঁবতার ‘অশ্লীল কুবাক্য’ এস্তেমাল করুন। আমার কলিজাটা নেচে উঠবে। ঐ হারামজাদারা আমার দু’ চোখের দু’শমন।”

হাজীকে তখন আর পায় কে ? চেয়ার ছেড়ে উঠে অর্ধনৃত্য করে বললে, “শাবাশ, শাবাশ, ম্যাডাম। এবার আমার সত্য জ্ঞানোদয় হল আপনি নিকায়ি কুলিন লেডি। আপনি পরমহংসী। পাতিহাঁস, পাতি নেড়ের মত পাতি লেডি এ-সব উত্তোমোস্তম ভাবব্যঞ্জক কটুবাক্য শুনেন কানে আঙুল—অবশ্য ফুটো দুটো পুরোপুরি বন্ধ করেন না, কারণ তাঁদের জ্ঞানতৃষা প্রবলা—আর চোখে মুখে “ছ্যা ছ্যা” করেন। আমার মনে কোনো সন্দ নেই আপনি রিয়েল স্টাফ, খাঁটি স্কচ, ও সরি সরি, আই মীন আপনি পুরো পাক্কা লেডি। বিশেষ করে ‘হারামী’র পরিবর্তে রুচতর কিন্তু হাইলি কালচারড—‘জাদা’টা যোগ করে।

কী বলবো, ব্যাটা দর্খে আমার হাঁড়ির খবরতক রাখে। বললে, তার পাঁচশ’র বদলে এখন থেকে হাজারটা মুরগীর দরকার। আমি পাক্কা ইংরেজিতে

বললুম, বাই দি লর্ড হ্যারি, পাবো কোথায়? সম্বন্ধী ব্যাটা বললে, 'আমি জানি, তুমি রোজ ঢাকার হোটেলগুলোকে মুরগীর চালান পাঠাও।' আমিও কম যাই নে। রাফ-মাস্টারের বেলুন। বললুম, 'তা হলে আপনি সেপাই মারফত সেগুলো স্টেশন থেকে পকড়ুকে আনিয়ে নিন।' আমি জানতুম এখনও কামারের ঘা'য়ের লগন আসে নি।

তারপর কর্নেল হঠাৎ একদম খাদে নেমে বললে, 'মিস্টার মজুমদার, আমরা একটা পোলার্ট্রি ফার্ম খুলতে চাই ময়নামতীতে। আপনি তো স্পেশালিস্ট। মেনু পয়েন্টগুলো বাৎসর দিন। আপনার ব্যবসাতে চোট লাগবে না। আমার চাহিদা প্রতিদিন বেড়েই যাবে, কমবে না। তোমার থেকে আরো বেশী নেব।' আমি অবশ্য হরবকৎ জেণ্টেলম্যান—আনার্ডিকে নাড়-জ্ঞান শিখিয়ে বেহেস্তে যাবো না কেন? সেই সব টিপসই দিলুম যে সব ঢাকা কলকাতা দেয় তাদের 'রুরাল ব্রডকাস্ট' পশুপক্ষী পালন বাবদে চাষাদের। শুনোছি, ওগুলো পালন করলে প্রতি তিন মাস অন্তর মুরগীর মড়ক অনিবার্য। অবশ্য আল্লা যদি আমাদের প্রতি সদয় হন। কিন্তু এহ বাহ্য। দাদারা, বলুন ইয়েহিয়া মুজীব সন্ধ্যাতার সম্ভাবনা কতখানি? তাহলে আর্মির সংখ্যা কমতো, না?"

শিপ্রা বললে, "আমাকে এক বিদেশী জেনারেল বলিছিলেন, দেশের রাজধানী, বড় বড় শহরের পাকা পলিটিশিয়ান এমন কি আর্মির মধ্যস্তরের অফিসাররা বহুক্ষেত্রে যে সব উপ সিক্রেট জানতে পায় না, যেমন ট্রুপ মূভমেন্ট, গ্রামের সাধারণ লোকের কাছ থেকে তা লুকিয়ে রাখা যায় না। হাজী সাহেব অবশ্য জবরদস্ত সাপ্লায়ার। কিন্তু তিনিও তো মুরগী, আন্ডা কিনবেন গাঁয়ের চাষা-ভূষার কাছ থেকে। শাক-সবজী, এক কথায় যাবতীয় তাজা মাল ওরাই বেচে! জেনারেল বলিছিলেন ইয়োরোপের যে-কোন কন্ট্রিনেন্ট থেকে মাত্র এক হাজার সৈন্য সরালে, সেও অতিশয় গোপনে, তবু আশপাশের গাঁয়ের লোক সেই সন্ধ্যায় 'পাব'-এ বসে সঠিক নম্বরটি বলে দিত—একে অন্যের বিক্রির পরিমাণে খবর বদলাবদলি করে। এবং করেও!"

হাজী তো তার মতের সমর্থন পেয়ে খুশী। বাকী পাঁচজনও তাজ্জব মানলো। আর যে-সব কলকাতার সোসাইটি লোডজু দেখেছে তারা, খানের নিমন্ত্রণেই তাঁরা এসেছেন আকছারই স্বামী বা ফিয়াসে সহ, তাঁরা তাদের সঙ্গে পান্না দিয়েছেন গেলাস-ফীল্ডে। ইনি তো এক ঘণ্টা হয়ে গেল ছোট্ট একটা ব্রান্ডির আধখানাও শেষ করতে পারেন নি, ওঁদিকে ইয়েহিয়া রাজার গল্প, যে সব গল্পের রাজা—সেটাতে দস্তুরমত তাদের অজানা সব তত্ত্বও যোগ দিতে পারেন।

আর কীত তবে গর্বভরে আসমানী ঘোড়ায় চেপে তামাম শহরটার উপর হাওয়াই চক্র মারছে।

খান মির্টামিটিয়ে হাসছে। একবার হাত কচলাতে কচলাতে বললেও, “আমার বৃথা প্রশংসা করবেন না। এঁকে আমি গাড়ি নি। ইনি আমার ইন্সকুলে পড়েন নি। হেঁ হেঁ!” ফের সবিনয় ভাব, কেন মিছে লজ্জা দিচ্ছেন!

খানের প্যারা দোস্ত গোস্বামী সান্ত্বনা দিয়ে বললেন, “তোমার প্রতি কোনো অবিচার হবে না; তোমার যা মগজের পরিমাণ সে-টুকুন দিয়ে ঐ সেই চাবার কবরেজী বাড়ীও হয় না। কিন্তু মোন্দাটা হচ্ছে এই; আমরাও বই পাড়ি, মাঝে মাঝে গুরুগম্ভীর হৈমাসিক, বিলিতি লিটারারি স্যাম্পলমেণ্ট—অবরে সবরে। তার কিছুটা মনেও গাঁথা হয়ে যায়। কিন্তু কই, সঠিক মোকায় তো সেগুলো কাজে লাগাতে পারি নে। ওঁদিকে দেখ, বেগম সাহেবা যে দু’চারটি কথা কইলেন তাতে তাঁর গভীর তত্ত্বজ্ঞান, গভীরতর স্বাধ্যায় তো ধরা পড়লই, কিন্তু কি অলৌকিক মোকা মাফিক সেগুলোর প্রয়োগ! দেশ—অর্থাৎ পার্টিতে গল্পগুজোব হচ্ছে এটা রয়েল সোসাইটির মীটিং নয়। পাঠ—আমরা অধর্শিক্ষিত, ফুর্তির চিড়িয়া, তদুপরি ভিন্ন ভিন্ন ধান্দায় চড়ে বেড়াই, আমরা রিসার্চ করি নে। এবং সর্বশেষে সব চেয়ে ইম্পটেণ্ট—কাল, অর্থাৎ টাইমিং। মিঞা সাহেব বা হাজীর বক্তব্য শেষ হওয়ার বহু পূর্বেই তিনি ঠাহর করে নিয়োঁছিলেন, নলটা চলেছে কোন্ দিকে। যে-কোনো মুহূর্তে ইন্টারাপ্ট করে—দেখেছো কোনো মেয়েছেলে কবে যার এ-অভ্যাসটি নেই এবং সেটাতে তাদের হক্ক আছে—তাঁর বক্তব্য তিনি বলতে পারতেন। না, তিনি অপেক্ষা করে রইলেন! যতক্ষণ না আমাদের মন তৈরী হয়, তাঁর প্রত্যেক শব্দ যেন আমাদের প্রত্যেকটি ব্রেন-সেলএ পুরো মাত্রায় আঘাত দেয়। এই অসাধারণ গুণটি বড়ই দুর্লভ, হে খান, বড়ই দুর্লভ।”

শিপ্রা চলে গেছে খাবার তদারকীতে—আজ এদের সকলের দাওয়াৎ, তাদের ফ্রেন্ডস এ্যান্ড এনিমিজ সহ।

আপন আপন গেলাস নিয়ে সবাই ডাইনিং রুমে এলেন।

শিপ্রা লক্ষ্য করলে, হাজীকে সে তার পাশে বসালে এবং আর পাঁচজনের গালগল্পে কান না দিয়ে ডিনারের প্রায় অধিকাংশ সময়টা গম্ভীর মুখে গুজুর গুজুর করলে। অবশ্য টেবিলের কায়দা মেনে মেনে। শিপ্রা তো প্রায় সেই বোল বছর থেকে হোস্টেস। ওঁদিকে গল্প করছে, শুনছে মনপ্রাণ দিয়ে যে অন্য দিকে কোনো খেয়ালই নেই, ওঁদিকে তার চোখ তো চোখ নয়, বন্দুক। প্রত্যেকটি গেস্টের প্রতি বন্দুকের অব্যর্থ নিশান। প্রত্যেকের মনে ধারণা হল শিপ্রা যেন একমাত্র তাকেই খেতে ডেকেছে আর সামনে বসে বাড়ছে। শ্রীহরি ও সখীগণ সহ শ্রীরাধা যখন চক্কাকারে নৃত্য করতেন, তখন শ্রীরাধা তো কথাই নেই, প্রত্যেকটি সখী দেখতেন তাঁরই পাশে পাশে কেস্ট-ঠাকুর নেচে চলেছেন।

ডিনারের পর সবাই বিদায় নিলেন। রাতি তৃতীয় যামে পৌঁচেছে। কুক্ষ-

পক্ষের চাঁদ উঠি উঠি করছে।

বিদায় নেবার সময় মিঞা সাহেব শিপ্রাকে বললেন, “এটা মহরমের মাস। ইয়েহিয়া কটর শীয়া। সুন্নীরা মহরম মাস পবিত্র বলে শ্বীকার করে বটে কিন্তু শীয়াদের কাছে মহরমের মাহাত্ম্য সর্বাধিক—এমন কি দুই ঈদের মাস বা রোজার মাসের সঙ্গেও তার তুলনা হয় না। এই পবিত্র মাসে ইয়েহিয়া খুনখারাবী আরম্ভ করবে কি? কি জানি!”

শিপ্রা শূরে পড়েছে। ঘরে আলো জ্বলছে দেখে দরজার সামনে একটুখানি সামান্য নড়াচড়া করতেই শিপ্রা ডাকলো, “এসো।”

একটা চেয়ার টেনে পাশে বসতেই শিপ্রা বললে, “আঃ! এই তোমাকে পেলুম এখানে আসার পর থেকে একলা। ভিড়ে তোমাকে আমি হারিয়ে ফেলেছি। কীই বা ভিড় ছিল আজ! কিন্তু আমার মনে হচ্ছিল যেন হাজার হাজার লোকের মেলা—আর তোমাকে হারিয়ে ফেলেছি, খুঁজছি—বার বার।”

শিপ্রার প্রসন্নতা দেখে কীর্তি সাহস সশুণ্ন করে বললে, “হাজীকে শুধো-ছিলাম তিনি কুমিল্লা আগরতলা এত ঘন ঘন মাকু মারেন কি করে। হাজী, তুড়ি মেরে বললেন, ‘ও তো ডালভাত। আমার তিনটে ভিন্ন ভিন্ন নেশনালিটির তিনখানা পাসপোর্ট আছে। যখন ষেটার দরকার হয় তাই দিয়ে চালাই। যদি স্যাং নিতান্তই আর্জেন্ট কাজ থাকে তবে বর্ডার চেক পোস্ট-এর লোকগুলোকে একটুখানি ইশারা দি। ব্যাস্। বাতলটা বাতলটা, বউয়ের জন্য জ্বাকুসুমটা ছেলের জন্য ইনস্ট্রুমেন্ট বকুসটা এ-সব তো আমি প্রায়ই সওগাত দি, পাসপোর্ট থাকলেও। আর তার চেয়েও জলদির মামেলা হলে কালোয়। যে-সব পথ-বিপথ দিয়ে কেণ্ডুপাতা যায়, সুপূরি আসে, তার সব-কটা আমার নখাগ্র দর্পণে।’ আমি শুধালুম, ‘আমাকে বর্ডার অবধি দেখিয়ে নিয়ে আসতে পারবেন?’ হেসে বললে, ‘আমি রাতারাতি আপনার কাগজপত্র তৈরী করিয়ে কালই খাস কুমিল্লায় আপনাকে নিয়ে যেতে পারি। কিন্তু এখন পাকিস্তানে যাওয়াটা নিরাপদ নয়। তবে বর্ডার অবধি—সে তো হেসে খেলে। কালো পথগুলোও দেখাতে পারি। তবে মোটর ছেড়ে এদিক ওদিক খানিকটে হাঁটতে হবে।’

“তুমি যদি অনুমতি দাও, তবে একবার বর্ডার পর্যন্ত হয়ে আসি। প্লীজ।”

“খানকে বলেছ?”

“হ্যাঁ, সে সঙ্গে সঙ্গে বললে, তোমার অনুমতি নিতে।”

শিপ্রা চিন্তা না করেই বললে, “তবে যাও। তোমার কোনো ইচ্ছার বিরুদ্ধে আমি প্রতিবন্ধক হবো এ-পারিস্থিতিটা আমি কল্পনাই করতে পারি নে। এবং আমি জানি, তুমি গোঁয়ার নও—থামাথা বিপদ ডেকে আনবে না। আমার মনে

হল হাজী পাকা লোক। তুমি গাইড পেয়েছ সর্বোত্তম।”

কীর্তি বললে, “আর ঘণ্টা দুর্নিস্তন পরেই হাজী গাড়ি নিয়ে আসবে। তুমি কিন্তু তোমার কাঁচা ঘুমটি নষ্ট করো না। আমরা দুপুরের আগেই ফিরব।”

“আমাকে একটা চুমো দাও।”

চিরকালই শিপ্রার ঘুম ভাঙে পাশের মসজিদের ভোরের আজানের সঙ্গে সঙ্গে—সারা রাতের পার্টি থেকে ফিরে যত ভোরের মুখেই শূতে যাক না কেন? আজও দেখতে পেল হাজীর মোটরের হেডলাইট, শূনেতে পেল বারান্দা দিয়ে কীর্তির এগিয়ে যাওয়া, কিন্তু বেরুল না।

সকালে খানের সঙ্গে রেকফাস্ট খেতে খেতে শুধুলো, “আজ তোমার পার্টি কখন শুরুর হবে—মোটামুটি।”

খান ইতস্তত করে বললে, “তুমি যদি অনুমতি দাও তবে আমি একটা কাজ সেসে আসি। মাত্র ঘণ্টা দুয়েকের কাজ। এই ডামাডোলের বাজারে কিছুটা ব্যবসা গুলটেতে হবে কিছুটা গুলছেতে। নইলে যেতুম না।”

“বা রে, যাবে না কেন?”

আরাম পেল খান। বললে, “আর শোনো, যে ইংরেজ বাড়িটা বিক্রি করে সে তার বেশীর ভাগ বই ম্যাগাজিন রেখে গিয়েছে। বিলইয়ার্ড রুমের পাশের কামরায়। ইন্ট্রের্টিং কিছু পেয়েও যেতে পারো।”

কামরায় ফিরে দেখে, আয়া জরাজীর্ণ এক প্যাকেট তাসের প্রায় সব ক’খানা কার্পেটের উপর পেতে গভীর মনোযোগ দিয়ে দেখছে, কি যেন হিসেব করছে আর বিড়বিড় করছে আপন মনে।

হঠাৎ শিপ্রাকে দেখে চরম লজ্জা পেয়ে হস্তদন্ত হয়ে তাসগুলো এক ঝটকায় তুলে নিল। মাথা নিচু করে বার বার মাফ চাইলে।

শিপ্রা সৈদিকে যেন কানই দিল না। বরং বললে, “তা থামলে কেন? কি খেলছিলে, পেশেন্স?”

একটু হিম্মৎ পেয়ে তার খিচুড়ি ভাষায় বললে, “না, মিস বাবা। আমি তার থেকে দেখাছিলুম, কি কি হবে, মানে কি সব ঘটবে—”

“ফিউচার?”

“রাইট, মিস বাবা। আর ভাগ্য গণনা। দুটো প্রায় একই। আমি যে মেমসায়েরের কাছে বাচ্চা বয়েস থেকে জোয়ানী তক্ নোকরি করেছি, তিনি আমায় তাসের বহুত কুছ খেল শেখান। আমার সঙ্গে রোজ দুপুরে খেলতেন। আমি ভেবেছিলুম, আপনার পায়ের শব্দ শূনেতে পেলেই তাস ঝটপট তুলে নেব। বেয়াদবী মাফ করুন। আমি একদম মশগুল হয়ে গিয়েছিলুম।”

“কাট্ দ্যাট আউট। কোনো বেয়াদবী হয় নি। তা মশগুল হবার মত

কি পেয়েছিলে ?”

গম্ভীর স্বরে ব্যাপারটার গুরুত্ব বোঝাতে চেষ্টা করলো। বললো, “এই যে সবাই ভাবছে ফিনসে লড়াই শুরু হবে কি না, এক দফা জেসা হুয়া, সেইটে হবে কি না? মেমসাহেব বলতো, আমি পাহাড়ী—সাদা-দিল-গুরং। আমরা নাকি ওদের চেয়ে ঢের ভালো ফিউচার দেখতে পারি।”

শিপ্রা একটা বইয়ের পাতা গুলটাতে গুলটাতে অলস কৌতূহলে শূধলো, “কি দেখলে?”

পাহাড়ীনি শ্রুত করে বললো, “সব আশ্চর্য, আশ্চর্য। এসা বড় একটা হয় না। ফিনসে দেখি।” তাস শাফলু করে শিপ্রার কাছে নিয়ে এসে বলল, “টোকা দীজীয়ে। তা হলে উয়োটো হোগা আপকা গিন্‌না।” শিপ্রা লক্ষ্মী মেয়ে। তুরন্ত টোকা দিলে।

ইংরেজের ছেড়ে যাওয়া বইয়ের ভিতর সে পেয়েছে ইংরেজ লেখক উইলিয়ম মেকপীস থ্যাকারে ও সিলেট নিয়ে একখানা মোটা বই। তার জ্ঞানা ছিল থ্যাকারের জন্ম হরোছিল কলকাতায়। এই বইয়ের যে ক’খানা পাতা উল্টিয়েছে তাতে মনে হল লেখকের অন্য কোনো একটা নতুন গবেষণাপ্রসূত মতবাদ আছে। অবশ্য এটা ধ্রুব সত্য, থ্যাকারের পিতা সিলেটের সর্বময় কর্তা ছিলেন কিছুকাল। শিপ্রার চিন্তাধারা চললো অন্য দিকে। থ্যাকারে কি এ-সব মাম্বাজাম্বাতে বিশ্বাস করতেন? কিপলিং। আজকাল তো বিস্তর হিপি করে।

আগ্না গভীরতম মনোযোগ সহকারে এক একখানা করে তাস ফেলে, আর আপন মনে বিড়বিড় করে। এমনই বাহ্যজ্ঞানশূন্য যে শিপ্রার প্রশ্ন প্রথমটার তার কানেই ঢোকে নি। সংবিতে ফিরে বললে, “ঘোটোলা, ফিনসে ঘোটোলা! এই তো দেখুন, বার বার পর পর তিনবার পাঞ্জা এসেছে। তো নিকলা, এক তরফমে পাঁচঠো আদমী। তার বাদে দেখিয়ে, দুটো দস্‌সা এসেছে। লাখ লাখ আদমী লোকিন মূর্শকিল আছে ইনকা। বোহং মূর্শকিল—দোঠাই কাল দস্‌সা। লোকিন উয়ো পাঁচঠো কিয়া? তিন বার আগ্না। পেহলাই।”

শিপ্রা অনুমান করলো, দেশের তাসগুলোকে আগ্না জনতা হিসেবে নিয়েছে। কথায় বলে ‘দেশের মুখ খোদার তবল’, এরই হুবহু লাতিন ‘ভক্‌স পপুলি, ভক্‌স্‌ দেই’ দশজনের গলা ঈশ্বরের গলা অতএব ‘দেশের তাস’ পপুলি, পার্বলিক, জনারণ্য অর্থাৎ আওয়ামী লীগ। কিন্তু তাদের বিপক্ষে আগ্না প্রত্যাশা করেছে টেক্সা, কিংবা বাদশা অর্থাৎ ইয়েইয়া। এসেছে পাঞ্জা। পণ্ড আব্‌? পাঞ্জাব? হঠাৎ তার মনে পড়লো, লারী বলেছিল মির্জাকে, অনেকেরই বিশ্বাস, ইয়েইয়ার তথাকথিত সমর্থক যে মিলিটারি জুঁটা আছে তারা সংখ্যায় পাঁচ এবং আসলে ওদের আদেশে ইয়েইয়া গুঁ বস করে। শিপ্রা আপন মনে হেসে

উঠলো। ‘ধর্মরাজের’ পশ্চাতে ‘পঞ্চপাণ্ডব’। না তাহলে ইয়েহিয়াটা সাইফার। আয়াকে এই পাণ্ডজন্য’ তাসের মহাশয় বোঝাতেই সে আনন্দে ফেটে পড়ে আর কি! বার বার বললে, পুরানা মেম সান্নেবের চেয়ে মিস বাবার নজর বহুৎ দূর দূর যায়, কাঁহা কাঁহা মুল্লুককে। বেরুল পর পর রুইতন আর ইস্কাপনের টেক্রা।

শিপ্রা, আয়া দুজনাতেই একই ওয়াটারলুতে। পরাজয়। কোনো অর্থ বেরয় না।

ভারত, পূর্ব বাঙলার কটা লোক তখন জানতো, ইয়েহিয়া হারেমের পার্টরানী হবার জন্য চলেছে তখন জোর লড়াই। একজন ফর্সা পশ্চিম পাকী—লোকে তাঁর নাম দিয়েছে “জেনারেল রানী”; অন্য জন পূর্ব বাঙলার শ্যামা, ডাকনাম ব্ল্যাক বিউটি।

এ-সব হোকাস পোকাসে শিপ্রার মত মেয়ের কৌতূহল দুরন্ত বাচ্চার হাতে বেলুনের মত “দীর্ঘজীবী”। শিপ্রা পুস্তকের সুগন্ধী বাগিচায় ডুব মারলো। আরব কবি বলেছেন, “পুস্তক সে যেন একটি বাগান, যেটাকে পকেটে পোরা যায়।” তারপর আয়ার ‘ভবিষ্যৎ দৃষ্টির’ ফলাফল শিপ্রার কানে আর যায় নি।

শুধু একবার শুনলো, “মুজীব। সঙ্গে সঙ্গে এলেন হরতনের বিবি—মুজীবের বীবি। তার বাদেই পর পর দুটো কালো গোলাম। ভেরি ব্যাড্, ভেরি ব্যাড্। উনি বন্দী অবস্থায় গোলামদের পাহারায় থাকবেন কয়েক মাস।”

আয়া যখন শেষটায় সব তাস গুটিয়ে নিল তখন হাই তোলায় আভাসটা হাত দিয়ে চেপে শিপ্রা শুধলো, “হরেদরে কি দাঁড়ালো?”

আয়া ভদ্রতা জানে। বললে, “বড় খারাব তাস—এক্কে বাদ দুসরা। লৌকিন এদের নসীব ঔরভী খারাব হত যদি না মিস বাবা টোক দিতেন। সব্ কে সব্ বদ কিম্মৎ। সঙ্কলের কপালে দুঃখ। তসল্লী (সান্ত্বনা) বস ইয়েহ—দুঃখের শেষে সুখ বেশী আথেরে।”

“তাহলেই হল”, আনমনে বললে সে।

আয়া শুধোলো, “আপনার নসীব দেখবো?”

“প্লীজ ইয়োরসেল্ফ্।”

এবারে পুরো তাসে টোকা মারলে আয়া নিজেই। শিপ্রা আবার তার “বই-বাগানে” হেথা হোথা ঘুরতে লাগলো। বাগানটা কিন্তু তেমন আ মরি আ মরি করার মত নয়। যদি সিলেটী বান্ধবী বিলুকিসের সঙ্গে দেখা হয় তবে বইটার কথা তাকে বলবে? কিন্তু কোথায় কোন গ্রামাণ্ডলের জমিদার বাড়িতে হল তার বিয়ে। আবার দেখা হবার সম্ভাবনা কতখানি? হায়, শিপ্রা জানতো না, ত্রিপুত্রা পাহাড়ের উপর দিয়ে আসবার সময় সে যে-সব হাওর

দেখোঁছিল তারই একটার পারে বিল্কিসুদের বাড়ি, টিলার উপর, স্লেটন থেকে দ্রিশ চাঞ্জিশ মাইল মাত্র। পুনরায় ডবল হয়, হয়। জানা থাকলেই বা কি হত ?

না, সে খুঁজতো এলোপাতাড়ি এবং ডাউন করতে পারতো না। কিন্তু তাতেও তো আছে সখেদখে মেশানো ছোট্ট একটি অনুভূতির আবেশ।

আম্মা যেন বসে বসে উল্লাসে নৃত্য করছে। এ-রকম একটার পর একটা নিরবচ্ছিন্ন খুশ-কিস্মতের তাস সে কভীভী দেখে নি। “আচ্ছী শাদী, আছে বাল-বাচ্চে—” ভুরু কুঁচকে বললে, “লেকিন্ কম।” মাত্র কটি এই কথাই তার কানে এসেছিল। বিলকুল বোগাসু! মূচকি হেসে ভাবলে, পাহাড়ীদের ভিতরও তাহলে আর্ষা গান্ধারী মাতৃকুল শ্রেষ্ঠা!”

অকস্মাৎ শিপ্রার খেয়াল গেল অকস্মাত্তর বেগে আম্মা উপদু হয়ে দুহাত দুবাহু দিয়ে সব তাস গুটিয়ে নিচ্ছে। শূধলো, কি হল ?

নিশ্চুপ।

শিপ্রা একটুখানি কাত হয়ে আম্মার মুখের দিকে তাকালে। সে ইতিপূর্বে বিস্তর মঙ্গোলিয়ান টাইপের পাহাড়ী মেয়ে দেখেছে, এবং লক্ষ্য করেছিল, এদের ভাব-পরিবর্তন মুখের উপর অতি সামান্য রেখা আঁকে, রং পালটায়। এখন দেখে, আম্মার মুখ যেন কালো হয়ে গিয়েছে—ছোট্ট বাচ্চা কাঁদবার আগে যেরকম মুখ বিকৃত করে অনেকটা সেই রকম।

অবাক হয়ে শূধলো, “কি হল তোমার ? খারাপ কিছু একটা দেখেছো ? তুমি বস্ত্ৰ সিমপল। এ-সব কখনো কি সত্যি সত্যি ফলে ? না হয় আমাকে বলেই দেখো, আমি কি ভাবে নিই।”

“না পুঁছয়ে মিস বাবা।” বলা শেষ হওয়ার পূর্বেই, সেই কবেকার বাচ্চা বয়েস থেকে তার হাড়ে হাড়ে লোমে লোমে যে-সব ভদ্রতম দেশী-বিলাতি এটিকেট ঢুকে গিয়েছে, সেগুলো এক লহমায় ভুলে গিয়ে খাস পাহাড়ী মেয়ের মত দুই হাঁটুর উপর শাড়ি টেনে তুলে ছুট দিল বাবুচুঁখানার দিকে।

শিপ্রা একটু মুচকি হাসলো। সামান্য তাসের হেরফের ভুলিয়ে দিলে সরলা পাহাড়িনীর পূর্ণজীবনের অভ্যাস, শালীনতা বোধ—অবশ্য আম্মারই মতে—সেটা অলঙ্ঘনীয় শালীনতা—সামান্য দুখানা তাস এক টানে তাকে নিয়ে গেল সেই দুর্গন্ধ অন্ধকার গিরিগুহায়, তার ভিতরটা এক লহমায় ভরে দিল যুগ যুগ সঞ্চিত তার পিতৃপিতামহ পূর্ব-পুরুষদের ভীতি দিয়ে—হিংস্র জন্তুর ভয়, বঙ্গা-বিদ্যাতের ভয়, ‘সভ্য’ বিদেশীর বন্দুকের ভয় এবং সব চেয়ে বড় ভয়—ঐশাচিক প্রেত-দৈত্যের দানবিক অট্রহাস্যের বিভীষিকা।

সব জানে, সব বোঝে শিপ্রা কিন্তু তবু তার মনটা খচ্খচ করতে লাগলো।

দ্বিতীয় খণ্ড

প্রথম অধ্যায়

কীর্তি' কাঁপছে। অন্য কারো চোখে পড়তো না, কিন্তু শিপ্রায় চোখ ভালো-
বাসার চোখ, সে তো সব দেখতে পারে।

“কাঁপছো কেন?”

“কই আমি তো টের পাচ্ছি নে।”

“যাও, চান করে এসো, মাথার প্রত্যেকটি চুল পর্যন্ত ধুলোয় ধুলোয় সাদা,
গেরুয়া।”

কীর্তি'র যে যাবার ইচ্ছে নেই, শিপ্রা খুবই টের পেয়েছে। কিন্তু সে চুপ
করে রইল বলে কীর্তি' বাধ্য হয়ে উঠলো।

শিপ্রা হলধরে এল। বাইরে রোদ তেতে উঠেছে বলে হাজী বসেছে
খানের মুখোমুখি হয়ে। দুপুরের পূর্বেই কীর্তি'র ফিরে এসেছে। নিখারিত
সময়ের অল্প পূর্বে অপ্রত্যাশিত এই আগমন মনে যে কি আনন্দ দিয়েছিল সেটা
সকলের কাছে এতই অর্কিণ্ড যে সে সেটা কাউকে খুলে বলতে পারবে না—
হয়তো একমাত্র কীর্তি'ই তার সামান্য কিছুটা অংশের মূল্য হৃদয় দিয়ে নিতে
পারবে, কারণ যতই অর্কিণ্ড হোক না কেন সে কারণ। হলবাইনের
ছবিতে উল্লসিত ব্যক্তির মুক্ত অট্রহাস্যের চেয়ে মোনালিসার মূর্দু হাসি টের
বেশী অর্থ'ধারী, রহস্যময়। মোটরের শব্দ শুনাই সে তাই দ্রুতপদে গিয়েছিল
বারান্দায়, যদিও প্রাণ চেয়েছিল ছুটে যেতে। কীর্তি'র ধূলিধূসারিত অঙ্গ
বস্ত্র দেখে সে যত না বিস্মিত হয়েছিল তার চেয়ে টের বেশী হল তার চেহারার
আকস্মিক এক অজানা পরিবর্তন দেখে। ইতিমধ্যে আয়ার 'পহলেখা'র
ভাগ্যগণনার্জনিত খচখচানিটা এক মূহূর্তেই পেয়েছে লোপ—তার অজানাতে,
এবং আবার ফিরে এসে পূর্বাসনে বসবার জন্য সেটাতে রুমাল বেঁধে “রিজভ'ড”
হকের 'ইস্টাম্বে' মেরে যায় নি।

“কি কি দেখলেন বলুন।”

হাজী বললে, “দেখার মত খুব বেশী একটা কখনো ছিল না, এখনো নেই।
কিন্তু এখন, আজ কদিন যা দেখেছি সেটাই ইঙ্গিত দিচ্ছে ভবিষ্যতের অদেখা
অনেক কিছু'র দিকে।”

খান বিল্লারে চুমুক দিয়ে সিগারেট ধরিয়ে বিজ্ঞের মত বললে, “এ তো সব
সময়ই হয়! অদেখা জিনিস তো কোনো ইঙ্গিত দিতে পারে না—দেখা জিনিসই
অদেখার ইঙ্গিত দেয়।”

শিপ্রা বললে, “যেমন সাহারার মাঝখানে দৃশ্যমান অস্তহীন বালুকা অদৃশ্য-
মৃত্যুর ইঙ্গিত দেয়, আষাঢ়ের ঘন বরিষণ অদেখা পাকা ধানের ইঙ্গিত দেয়।”

হাজী বললে, “একশ” বার মানি। তুলনাইনীর অতুলনাইনী তুলনা দুটি শব্দে আরো বেশী মানি। কিন্তু ব্যত্যয় এইখানে যে দেখার জিনিসগুলো পরস্পর-বিরোধী অদেখার প্রতি ইঙ্গিত দিচ্ছে প্রতিপদে। একাদিকে দেখুন ইমিগ্রেশন আইন মোটেই ঢিলে হয় নি; অন্যদিকে লক্ষ্য করবেন যে সব ফালতো লোক ইন্ডিয়ান দিকে আসছে—সবই হিন্দু—তাদের কোনো চেক করা হচ্ছে না। এরা ঠিক রেফুজী নয়। এমনিতে হয়তো এ-সময়টার আগরতলায় মামাবাড়িতে আসতো না, এখন জাস্ট টু, বী অন্ দি সেফার সাইড্। আমার মনে কণা মাত্র সন্দেহ নেই ইয়েহিস্সার বিস্তার গুপ্তচর কালো পথে এদিকে আসছে। এদিকে দেখুন, গ্রিপূরা রক্ষা করার জন্য কি কি গোপন মিলিটারি ব্যবস্থা করা হয়েছে জানি নে, কিন্তু পাবলিককে কি যথেষ্ট তৈরী করা হচ্ছে?”

খান হেসে বললে, “কিছ্ ভয় নেই, হাজী। অতত স্পাইদের নিয়ে চিন্তা নেই। পিগ্জিতে আজ যা ঘটে দিল্লী কাল তা জেনে যায়। আমাদের খবর তারা জানতে পায় পরশ্। স্টাইলটা একটু নবাবী কি না।”

হাজী বললে, “কিন্তু সব মিলিয়ে, ওভার অল্ পিকচার কারো আছে কি? এই যে আজ কীর্তিবাবু আমার সঙ্গে মোটরে গেলেন, এন্ডের ক্ষেত চষলেন, দেখলেন কট্ কুন? গ্রিপূরার তিন দিকে পাক্ বর্ডার। বলতে গেলে পাক-সমুদ্রের মাঝখানে যেন ইন্ডিয়া-স্বীপাংশ। এর কতটুকু দেখেছি আমিই বা, আর কীর্তিবাবুই এক সকালে দেখবেন কতটুকু?”

শিপ্রার কান পড়ে আছে কীর্তির পদধরনের তরে। “এত দৌর কেন? ফ্যাশনেবল মেয়ের মত তার কাজে বাথরুম ঠাকুরঘর, আর ঠাকুরঘর বাথরুম নয় তো।”

হাজীকে সরাসরি শুধলো, “কীর্তি এত উত্তেজিত—না, এত বিচলিত, জাস্ট্ নট হিজ্ ওন সেল্ফ্ হল কেন?”

আসমানের দিকে তাকিয়ে হাজী বললে, “জানেন আল্লা পাক। আমাকে খাদ কতবার বলেছে, কীর্তির মত ‘হ্যাপি-গো-লাকি-ফেলো’, হেল্-ফেলা-উয়েল-মেট হয় না। দুনিয়ার হাল-হালৎ সম্বন্ধে আস্ত একটা পরমহংস। প্যাখনার উপর দুশ্চিন্তার ফোঁটাটি পর্যন্ত জিরিয়ে নেবার ফুরসৎ পায় না। আর আজ? বর্ডারে পৌঁছে কি হল, বুঝতে পারলুম না। আমি যা যা দেখেছি তিনিও ঐ সব দেখেছেন, তবে হ্যাঁ, আমি যে অদৃশ্যের প্রতি অলক্ষ্য ইঙ্গিতের কথা বলছিলাম সেগুলোতে আমি, ওয়াটসন, দেখেছি চায়ের পিরাচ, উনি, হোম্-স্ দেখেছেন ফ্লাইং সসার্। তবে হ্যাঁ, মোটর মেরামতিতে আমি যখন ব্যস্ত তখন তিনি গামছা-পরা গামছা-কাঁধে কল্লেকটা নিতান্ত দীনদুঃখীর সঙ্গে মিনিট কল্লেক কথা কইলেন। কিন্তু কখন যে তাঁর গায়ে অল্প অল্প কাঁপন লেগেছে সেও আমি বুঝতে পারি নি—মোটরের কাঁকুনিতে। কথা এমনিতেই তিনি

বলেন কম, আর আমার নিজের বকর বকরের ঠেলায় নিজে আমি নিষ্পৃহি রাতে অন্য ঘরে গিয়েই শুনই। কিন্তু এতে চিন্তিত হবার মত কিছু নেই আগ্রহ শ্যোর। আর আপনাদের তো সব কিছু বলবেনই—একটু ঠাণ্ডা হলে পর। আমাকেও উনি কিছু পর ভাবেন না। আমাকেও বলবেন। নইলে আমাকেই বা বেছে নিলেন কেন গাইড হিসেবে—কোনো প্রকারের লৌকিকতা না করে?”

শিপ্রা বললে, “এ কথাটা ঠিক। আপনাকে সে একটা অতি তালেবর খলিফে লোক ঠাউরেছে। আচ্ছা, আমি এখন উঠি। জয়েন ইউ লেটার—টা টা।”

ঘরে গিয়ে খাটে শূতে না শূতেই চিরুনি নিয়ে আলা হাজির। খানিকটে আঁচড়াবার পরই কীর্তি দরজার কাছে এসে দাঁড়ালো। আলা বললে, “একটু পরে আসিছ মিস বাবা।”

কীর্তি সোজা ড্রেসিং টেবিলের টুলটা টেনে এনে বসল। শিপ্রার হাত-দুটি আপন দু'হাতে তুলে নিয়ে বললে, “তুমি আমার একটা অনুরোধ রাখবে?”

শিপ্রা তার হাত ছাড়িয়ে তুলে নিল কীর্তির হাত। তার উপর ভেজা চুমো খেয়ে বললে, “আমার তিন তিন বারের সত্য তুমি ভুলে যাও নি, আমি জানি। বলো।”

“তুমি কালই শিলঙ চলে যাও। সেখানে আমি আসিছ সপ্তাহ খানেকের ভিতর। শিলচরে একদিনের জন্য নেমে কারমগঞ্জ বর্ডারটা দেখে নেব। তারপর শিলঙ এসে তোমাকে নিয়ে ডাউকি বর্ডার দেখতে যাবো। কাল যাবে শিলঙ? এখন ঐ জায়গাটাই সবচেয়ে নিরাপদ।”

“নিশ্চয়ই। কিন্তু নিরাপদ বলে নয়। তোমার ইচ্ছে, তাই।”

শিপ্রা লক্ষ্য করলো, এখন কীর্তি আগের মত একটানা কাঁপছে না। মাঝে মাঝে, যেন অল্প নড়ে উঠে। শিপ্রা স্থির করেছে কীর্তিকে এখন কোনো প্রশ্ন জিজ্ঞাসা করবে না। সে নিজের থেকেই বলবে, একটু পরে।

“আমি পেলনের টিকিটের কথা হাজীকে বলে এখনুনি আসিছ।”

ফিরে এসে বললে, “যাক। বাঁচালে। ওরা অন্তত এটুকুন বুকোছে, তোমার চলে যাওয়াই ভালো।”

যেই না ঐ কথাটি বলেছে অমনি তার মনের দরজা কে যেন হঠাৎ লাথি মেরে খুলে দিল।

প্রথমটায়ে দ্রুতগতিতে, যেন পাঠশালে ছেলে “পাখী সব” আবৃত্তি করছে, কারণ কি ভাবে তার সমস্ত বক্তব্যটা শিপ্রাকে গুঁছিয়ে বলবে সেটা সে ঘণ্টা তিনেক ধরে মূর্শাবিদা করেছে ঘুরিয়ে ফিরিয়ে বার বার—বাথরুমেও খসড়াটা আদালতী “ইন্ট্রো”র কাঠামোতে ঢোকাতে গিয়ে বিস্তর ধস্তাধস্তি করতে হয়েছে। সেটারও প্রথম ইমপটেন্ট হাফ হয়ে গেল আদালতের প্রিমা ফাশিতে

উলট্টা ভিরেস্ । ব্রিজ খেলায় যাকে বলে ভিয়েনা গ্যামবিট্ । কীর্তি ধরে নিয়োছিল, শিপ্রা তাকে ফেলে শিলঙ যেতে রাজী হবে না এবং সেটাকে নাকচ করার জন্য তাকে সত্য এবং অর্ধসত্য যুক্তিকর্ক পেশ করতে হবে । পয়লা হাফ্ বিলকুল বরবাদ হয়ে গেল—কারণ শিপ্রা প্রস্তাবনার সঙ্গে সঙ্গেই কেতাবের ইনডেক্‌স্ পর্যন্ত মেনে নিল । এতে করে হয়ে গেল তার কুল্লে মশাবিদা টালমাটাল । কিন্তু ধুল্লোটা রইল ঠিক । সেটা পাঠক চেনেন । কীর্তিনাশ এস্থলে কীর্তিমান । শব্দটি “অপদার্থ” ।

গড় গড় করে বলে যেতে লাগলো, “সব চেয়ে ভালো করে তুমি জানো, আমি অপদার্থ । আমি নিজে জানি সেটা তোমার চেয়েও বেশী । আজ হঠাৎ, দয়াময়ের অসীম করুণায়—দাঁড়াও ঠিক হল না, নিষ্ঠুর সম্মানসহ, এই অপদার্থের সামনে বিদ্যুৎপ্রখার সর্বোজ্জ্বল, আলোক উদ্ভাসিত করে দিলেন, এবং শিশু যেরকম মাকে খুঁজে পায়—এ তুলনাটা তোমার কাছ থেকে শিখেছি, গুরু—অধিকারের শিশুর নৈসর্গিক জ্ঞান পন্থা সহ আমি সব-কিছু, স্বচক্ষে আলোকিত প্রকৃতির সামনে মুখোমুখি দাঁড়িয়ে আমার মাকে খুঁজে পেলুম এবং দেখে নিলুম ।

কাল রাতে যে-সব আলোচনা হিচ্ছিল সেটা সম্পূর্ণ ভুল আশঙ্কা নিয়ে নয় । সেটার প্রধান,—এবং যার চেয়ে অধিক গুরুত্ব ধরে তার অসম্পূর্ণতা—সর্পকে তারা মানবিক বৃন্দ্রিধর অক্ষম চন্দ্রালোকে রঞ্জক বলে ভ্রম করেছে, স্বয়ং যমকে যমদূত বলে ধরে নিয়েছে এবং সেই সম্পূর্ণ দ্রান্তিমূলক স্বতঃসিদ্ধ থেকে যাত্রারম্ভ হয়েছে বলে তাদের আলোচনার দিক নির্ণয় করা হল যে-সত্য স্বয়ং প্রত্যক্ষ তার সঙ্গে সমান্তরাল রেখা ধরে নয়, আলোচনার পথে চলে গেল টেন্‌জেন্ট-এ, কোণা কেটে এবং আলোচনা যতই অগ্রসর হতে লাগলো তার দূরত্ব প্রত্যক্ষ সত্যের দৃঢ়ভূমি থেকে বাড়তে বাড়তে বাস্তবতাহীন অন্তরীক্ষে অদৃশ্য হল ।

কারণ এরা যমকে যমদূত, মহামারীকে ছিটেফোঁটা পেটের ব্যামো, ইয়ো রোপীর ব্ল্যাক ডেথুকে সাময়িক মূর্ছা বলে ধরে নিয়েছে ।

শিপ্রা বললে, “তোমার কাছে যেটা সত্যরূপে আবির্ভূত হয়েছে, তুমি সেটাকে স্বয়ং প্রত্যক্ষ উপলব্ধি করেছ, সেটা আমি উপলব্ধি না করেও সর্বান্তঃকরণে স্বীকার করে নিচ্ছি—যে কর্ম ইতিপূর্বে আমি কখনো করি নি—কারণ এখন তোমার ধর্ম আমার ধর্ম । তোমার এ উপলব্ধি ধর্মজাত ।” সত্যকার কৌতূহল সহ উঠে বসে শূধলো, “তোমার কথা থেকে মনে হল শূধু ইনসার্টিনক্‌ট্ বা ইনটুইশন দিয়ে তুমি তোমার সত্য উপলব্ধিতে পৌঁছও নি । খুলে বলো অন্য কিছুর আছে কি ?”

“আছে । কিন্তু সেটা খুদ প্রত্যক্ষ উপলব্ধি নয়, কি যেন, কে যে আমাকে

থাকার মেরে সেই দিকে এগিয়ে দিলে ।

গামছা-পর্যায় গামছা-কাঁধে আপাতদৃষ্টিতে গরীব দুটি চাষার সঙ্গে আজ আমার আলাপ হল ।”

শিপ্রা বললে, “হাজী বলিছিল বটে ।”

হাজী সত্যই সব কাজের, সিম্বলস্‌ডুক্কের কাজী । কিন্তু আজ সেও ভুল করেছে—অবশ্য সেটা যমদেতে যমে ঘুলিয়ে ফেলার মত অতর্কিত দূর পার্থক্য ধরে না । ওরা দু’জনই উচ্চ মধ্যবিত্ত শ্রেণীর উপার্জনক্ষম শিক্ষিত যথেষ্ট সচ্ছল, শিক্ষিত ভদ্রসন্তান । একজন হিন্দু, অন্যজন তার প্রতিবেশী মুসলমান । রাজশাহী থেকে ওদের নামধাম বর্ণনাসহ মিলিটারি হুলিয়া বোরিয়েছে মোটা পুরুস্কারের প্রলোভনসহ । যদিও মিলিটারি পূর্ব বাঙলার পলিশকে আর বিশ্বাস করে না—এ তত্ত্বটা এই আর্মি প্রথম শুনলুম—তাদের ঘাঁটিতে ঘাঁটিতে ও ব্যত্যয় হিসেবে ওদের নামের হুলিয়া পাঠাচ্ছে । আর খুদ মিলিটারি তো জীপে করে ওদের সম্বন্ধে উত্তর বাঙলাটা চষে বেড়াচ্ছেই ।

অপরাধ ? কাল রাত্রে আমাদের পার্টিতে যে সিদ্ধান্ত স্বীকৃত হয়েছিল সেটা ঠিক । ছোট বড় সব মিলিটারি ঘাঁটিতেই কমান্ডান্টেরা সেপাইদের ঠেকিয়ে রেখেছে লুটপাট, অবিচারে যাকে তাকে গুলি করে মেরে বাদবাকি-জনদের হৃদয় মনে আতঙ্কের বিভীষিকা সৃষ্টি করে তাদের ক্রীক করে দেওয়া, এবং নারী হরণ করে ঘাঁটির ভিতর এনে রথেল নির্মাণ করা ।

রাজশাহী একমাত্র ব্যত্যয় । কেন, সে-কথা শুনোবার কথা মনে ছিল না ।

এই মার্চের প্রথম সপ্তাহে সেখানে দিবাসিঁবহরে পাজাবী সেপাই তাদের ভদ্রলোক প্রতিবেশীর দুটি মেয়েকে ধরে নিয়ে যায় ছাউনিতে, বাড়িতে ফেরত দেয় অন্যান্য অত্যাচার করার পর । এই দুই পলাতকের একজন তখন অন্যজনকে ডাক দেয় । একজন বাইসিক্ল চালাল, অন্যজনের হাতে মার্কিন ডিজপোজেলের ক্যাম্পকটের খোল—মোস্ট হার্মলেস লুকিং ।

ভাবতে গিয়ে কাঁটা দেয়, কী দুঃসাহস ! এ তো সম্ভানে অবশ্যম্ভাব্য মূর্ত্যুর মুখের দিকে ধাবমান হওয়া । এগোলো ছাউনির দিকে, পুরো স্পীডে—সেপাইগুলো যাচ্ছিল পয়দল । শিগগীর দূর থেকে ওদের দেখতে পেল—সবসম্মুখ ছ’জন । যতখানি অনুমান হল, সংজ্ঞাহীন মেয়ে দুটিকে রিকশায় বসে ধরে রেখেছে দুজন সেপাই । রাজশাহীর প্রত্যেকটি গলি, প্রত্যেকটি কুঁড়েঘরও তারা চেনে আপন বসত বাড়ির গলির মত । একটুখানি ঘুরাতি পথে জোরসে সাইক্ল চালিয়ে তারা একটা অতি সরু আঁকাবাঁকা গলির মুখে পজিশন* নিয়ে

* ফৌজের কল্যাণে এখন বাংলাদেশের ক্ষুদ্রতম গ্রামের নিরক্ষরতমা চাষী মেয়েও ‘পজিশন নেওয়া’ কথাটার অর্থ ভালোভাবেই শিখেছে—হাতে কলমে । এরাই বাংলাে দিত ‘পজিশন নেওয়ার’ সর্বোত্তম স্থানটি কোথায়—গাঁয়ের ভিতরে বাইরে, হাওরের ভাসমান ‘দাম’ সামনে রেখে

অপেক্ষা করল। শয়তানগুলোর জন্য। কী আশ্চর্য! অবস্থার ফেরে দুই শতাধিক বৎসর ধরে সংগ্রামে সম্পূর্ণ অনাভিজ্ঞ শ্রেণীও কি রকম হঠাৎ ইনস্টিটু-কর্টিভাল সর্বোত্তম মিলিটারি টেকটিক এম্বলে কি হবে সেটা সরাসরি উপলব্ধ করে ফেলেছে।

রিকশা দুটোকে তো এঁগিয়ে যেতে দেবেই। তারপর গেল আরো কয়েকজন। সঙ্কলের পিছনের দুই না-পাকীকে এদের একজন দুটো কাতুঁজ দিয়ে ঘায়েল করলো। প্রথম দুজনকে গুলি করলে পিছনের সবাই গুলিটার মুখের দিকে এঁগিয়ে আসছে বলে সঙ্গে সঙ্গে বুঝে যেত ফায়ারিং হয়েছে কোন্ জায়গা থেকে। কিন্তু এই কুট পদ্ধতির ফলে সামনের সব কটা সেপাইকে ঘাড় ফিরিয়ে, সম্মান করতে হল, ফায়ারিং কোনো বাড়ি থেকে, পাঁচিলের আড়াল থেকে গুলিটার এ-মুখ থেকে, না রাস্তা ক্রস করার পর গুলির ও-মুখ থেকে। ওরা সঙ্গে সঙ্গেই ঢুকে গিয়েছে দুটো বাসা-বাড়ির টাট্টির মাঝখানের মেথরের পথ দিয়ে, খাটা পাইখানা চড়ে উসপার হয়ে, আরেক আঁকাবাঁকা গুলি দিয়ে ঢুকলো একটা জীর্ণ বাসাবাড়ির খিড়কির দরজা দিয়ে।

গৃহস্বামী অর্ধ-পরিচিত। বুকিয়ে বললে, 'আপনি যদি ঘৃণাকরেও স্বীকার করেন আপনি আমাদের দেখেছেন—কথা কয়েছেন বললে তো কথাই নেই—তবে আপনিও নিস্তার পাবেন না।' তার পর তাদের দামী পাতলুন বৃশসার্ট বাটার করে পেল তিনখানা গামছা—চারখানা ছিল না। উপদেশ দিলে 'জামা পাতলুন উপস্থিত বাসন মাজার ডোবাতে ডুবিয়ে রাখুন—যদিও তার খুব একটা দরকার নেই, কারণ আমরা যখন মেথরের পথে ঢুকি, তখনো বাকী খানগুলো পিছন ফিরে গুলির মুখ অর্বাধ পেঁছন্ন নি।'

বন্দুক তারা গোটাপাঁচেক খাটা পাইখানা পেরুবোর সমস্ত যেটা সবচেয়ে জঙ্গলে ভাঁত, নোংরা সেটাতে পুঁতে দিয়ে শ্বিতীয় গুলিতে ঢোকে নিরস্ত নিরীহ নাগরিকের মত।

তখন তাদের সামনে একমাত্র সমস্যা, রাত্রের মত বা দুদিনের মত আশ্রয় নেত্র কোথায়? গামছা-পরা অবস্থায় সঙ্গে দশটাকার একগুচ্ছো নোট রাখে কোথায়? ওদের কপাল ভালো, একটা বাড়ির সামনে দেখতে পেল কাটা মুরগীর রক্ত। খোঁড়াতে খোঁড়াতে গিন্নীমার কাছ থেকে ভিক্ষে চেয়ে নিলে খানিকটে হলুদ চুন আর ন্যাকড়া। নোট কথানা পায়ে সাজিয়ে তার উপর বাঁধলো নোংরা ন্যাকড়ার বাশেডজ। তার উপর মাখালো মুরগীর রক্ত, কোনো জালগায় বা কিণ্ডং হলুদ রক্তের সঙ্গে মিশিয়ে করা হল পুঁজের সাবস্টিটুট্। এমার্-

তার পিছনে জলে কাঁধ অর্বাধ ডুবিয়ে, চা-বাগানের টিলার সান্দ্রেশে, চা-গাছের ঝোপের আড়ালে ইত্যাদি ইত্যাদি।

জেনারিসর জন্য দু'দু'খানা দশটাকার নোট ভাঁজ করে পিটে পিটে প্রায় কবচের সাইজে এনে, কলাপাতা দিয়ে মূড়ে, বেঁধে মাড়ি আর গালের মাঝখানে দু'জন্য দু'টো গুঁজলে।

রাহিটা কোথায় কাটানো যায়, এই তখন সমস্যা। এদের একজন উকিল। তিনি সঙ্গীকে বললেন, আদালতে সঞ্চিত তাঁর অভিজ্ঞতা মতে ক্রিমিনাল মাত্রেরই একমাত্র ভরসা বেশ্যাবাড়ি। সেখানে যে-কোনো লোক 'বনা ফাইডি' ক্লায়েন্টরূপে যেতে পারে। কোনো পুলিশ, সেপাই আর যা শূখোর শূখুক, এ-প্রশ্নটা "তুমি এখানে কেন?"—সম্পূর্ণ অবান্তর। ক্রিমিনালকে লুকিয়ে রাখা, আশ্রয় দেওয়া ওদের একটা সাইড প্রফেশন। কিন্তু এই গামছা-পরা লোক দু'টোকে আশ্রয় দেবে কি? দেবে। যদি আগাম টাকা ফেলা যায়। উকিল তাই বৃন্দ্ব করে কিছটা গালে পুরে রাখার ব্যবস্থা করেছিল। মেয়েদের পাড়ার বরাতজোরে তারা আশ্রয় পেয়ে গেল। খেয়া পেরুবার সময় নৌকাডুবিতে ওদের জামাকাপড় ভেসে গেছে এ অজুহাত মেয়ে দু'টো কতখানি বিশ্বাস করেছিল সেটা অবান্তর। রোজা দশটি টাকা সর্ব অজুহাতের চেয়ে বড় ষড়্ধ।

রাতে মেয়েগুলো আমাদের মিলিটারি সম্বন্ধ তাদের অভিজ্ঞতা শোনালে। প্রথমেই আরম্ভ করলো, 'বলে ওরা নাকি মুসলমান। ডোম চাঁড়ালকেও ওরকম মেয়েমানুষ গিলতে আমরা কক্খনো শুনিনি। কোনো দিন আমাদের নিয়ে যেত ছাউনিতে,—সেখানে যা হত বলে কাজ নেই—নীলাটা তো মারাই গেল। পালাতে পারলে তো বাঁচি। আশ্রয় দেবে কে? আর রোজ ঐ এক জিগির, ওদের সদাঁর ভদ্রঘরের মেয়ে চান, আমরা যোগাড় করে দিলে মেলাই টাকা পাবো।' তারপর তারা প্রায়ই ঠা ঠা করে হেসে বলতো, 'মাস-থানেক পরে মুফতেই পাওয়া যাবে। ঢাকা থেকে খবর এলেই আমরা শুরু করবো সব-কুছ। একদিনেই ইন্সকুল কলেজ থেকে এক ঝাপটায় নিয়ে যাবো সব কটা মেয়ে আর পাড়ায় পাড়ায় বাড়িতে বাড়িতে চুক'।"

কীর্তি দম নিয়ে বললে, "দুই বন্ধু এ-কথাগুলো পুরোপুরি বিশ্বাস করে নি, কিন্তু আমি করি।

সপ্তাহখানেক ওদের লেগেছিল পাবনা পেঁছতে।"

শিপ্রা শূখলো, "ওরা অত দূরের পথ না নিয়ে পশ্চিম পেরিয়ে ইন্ডিয়া চলে গেল না কেন?"

"ওদের কপাল। ওরা ভুল খবর পেয়েছিল, চাঁপাই-নবাবগঞ্জ থেকে যশোর অবধি মিলিটারির কড়া পাহারা—অবশ্য সে-পাহারা মোতামেন হয়েছে, সব, সৈদিন।

পাবনার পাশ দিয়ে যাবার সময় এক কনস্টেবল উকিলকে চিনে ফেলল। কিন্তু সে করলে সম্পূর্ণ অপত্যাশিত আচরণ। ছুটে এসে তাকে কানে কানে

বললে, উকিলের নামে হুঁলিয়া বেরিয়েছে।...তখন জানতে পারলেন, পল্লিশ আর ফোঁজে তখন রীতিমত নিরস্ত্র লড়াই, পারলে ওদের আশ্রয় দেয়। পল্লিশটাই দৃ'জনাকে জেলেরিডিঙিতে তুলে দেবার সময় বললে, “ঐ একটা মাত্র বাঁচাওতা রয়েছে এখনো। খানরা পানি বস্তু ডরায়। নৌকো দূরে থাক্, লগ্নে পর্যন্ত উঠতে চায় না।”

কীর্তি কথার মোড় ফিরিয়ে বললে, “ওদের হাতে এখন মাত্র দু'মাস সময়। পূর্ব বাঙলার এদিকটায় বিশেষ করে চেরাপঞ্জির তলাকার সিলেটে বর্ষণ নামে কলকাতার অনেক আগে। দু'মাসেই কাজ গুণটিয়ে নিতে হবে ওদের। তাই ওদের দণ্ড নেমে আসবে খুব শিগগিরই এ ধারণাটা কাল রাতেই আমার হয়েছিল; আজ এরা আপন অজানতে কনফার্ম করলে।

আরেকটা কথা; এরা বললে, সেই দূর রাজশাহী অঞ্চল থেকে এই আগর-তলা অবধি বহুলোকের সঙ্গে তাদের আলাপচারী হয়েছে। একজন লোকও পায়নি যার ধারণা আছে, এবারে যে মিলিটারি জুলুম আসছে সেটা সম্পূর্ণ ভিন্ন প্রকারের। ওরা ধরে নিয়েছে, পঁচিশ বছর ধরে নানা রাজা, নানা প্রকারের খেল দেখিয়েছেন, এবারও সেটা হবে—বেশীর ভাগেরই অবশ্য উইশফুল থিওকং সমঝোতা হয়ে যাবে—সেটারও প্রকৃতি হবে একই রকমের। উনিশ-বিশ হবে শুধু পরিমাণে।”

কীর্তি বললে, “ওদের দৃ'জনাকে আমি তোমার কলকাতার ঠিকানা দিয়েছি।”

শিপ্রা একটু চমকে বললে, “তোমার প্রোগ্রাম কি?”

“যতটা বলছি, ততখানি ঠিক আছে। আমি তোমাকে শিলঙে মীট করবো। তারপর কলকাতা যাবো। সেটার দিন স্থির করা তোমার হাতে। কলকাতায় ফিরে গিয়ে আমার কি হবে, আমি কি করবো সেটা আমার হাতে তো নয়ই, তোমার হাতেও নয়, খুব সম্ভব।”

শিপ্রা বললে, “ওদের দৃ'জনার নাম দাও তো। আমি শিলঙ থেকে রামাকে জানাবো, এঁরা যদি আমার কলকাতা ফেরার আগে আমার সঙ্গে দেখা করতে আসেন তবে যেন ওদের কলকাতার ঠিকানা ঠিক ঠিক লিখে রাখে এবং বলে আমি ফিরে আসা মাত্রই ওদের সঙ্গে দেখা করবো। ঠিক তো?”

“তোমাকে তো কক্খনো অধিক কাজ করতে দেখি নি। আরাকে ডাকবো? তোমার খোঁপাটা বেধে দিক। আমাদের একবার হলে যাওয়া দরকার।”

তারপর হঠাৎ চেয়ার ছেড়ে, দাঁড়িয়ে উঠে, মাথা নিচু করে শিপ্রার তরঙ্গে তরঙ্গে নেমে-আসা কুণ্ডিত কেশদামে মাথা গুঁজে দিয়ে পরিভূক্ত নিঃশ্বাসে বুক ভরে নিল।

শিপ্রা এলোখোঁপায় পাক লাগাতে লাগাতে বললে, “চলো, ডার্লিং। হ্যাঁ, স্মৃষ্টিকর্তা এতকাল ধরে তোমাকে অপদার্থ, অকর্মণ্য করে রাখেন নি, তিনি

তোমার ব্যাটারি চার্জ করোছিলেন। এইবারে খেলো, খেলো, তব ঊঁড়বখেলা।”

শিপ্রা লক্ষ্য করেছে, কীর্তির কম্পন সম্পূর্ণ থামে নি বটে, তব যেটুকু আছে বাইরের লোকের চোখে পড়ার মত নয়।

শ্বিতীয় অধ্যায়

লাফ দিয়ে উঠলো হাজী। খনে দু’হাত দিনে কপালের রং চেপে ধরে করুণ কণ্ঠে গোঙারান, “গেলুম, গেলুম, আমার ধরে তোলা” পরমুহুর্তে দু’হাতে বুক চেপে ধরে গভীর পরিতৃপ্তর শ্বাস ছেড়ে বলে, “আঃ কী আরাম, এসো ক্ষুদিরাম।”

শিপ্রা সোফাতে হাজীর পাশের জায়গায় বসে মূর্চকি হেসে বললে, “আমি একদম সোজা ঘোড়ার মুখ থেকে পাক্সয়েস্ট্ খবর পেয়েছি—তাও যে-সে ঘোড়া নয়, উত্তম স্কচ জাতীয় ‘হোয়াইট হর্স’-এর মুখ থেকে, যে আপনি তিন বোতল ‘হোয়াইট হর্স’ গেলার পরও ঘোরঘটি অন্ধকারে পথ-বিপথ ঠাহর করে করে, কালোয় কালোয় বর্ডার ক্রস করতে পারেন। অতএব আপনি যে এই অতি অল্প সময়ের মধ্যেই দ্রব্যগুণের প্রভাবে—”

“বিষাদে হরিষ, ম্যাডাম হরিষে বিষাদ। এইমাত্র সেদিন আপনার আসার সঙ্গে সঙ্গে গোটা আগরতলাটা আলোয় আলোয় ঝলমল করে উঠলো। চোখ কচলালুম, দু’চোখ ভরে আরো দেখব বলে, চোখ খুলতেই দর্শি, গোখলির স্কান আলো। আপনি গোখলির ধূলি না ছুঁয়ে আপন ধুলো-পায়েই ফিরিত পথ ধরেছেন। হবে না বিষাদ? আর আপনার সঙ্গসুখের আনন্দটাও কী বেআইনী দ্বন্দ্বস্বামী।

কিন্তু এ বিষাদেও, হর্স না হোক, আমি একটু স্বস্তির নিশ্বাস ফেলতে পারছি। উপস্থিত যা হাল তাতে গোটা পূর্ব-পাকিস্তান এবং লাগোয়া আগরতলা কোনো প্রাণীর পক্ষে স্বাস্থ্যকর তো নয়ই বরং আয়ুষ্কল্প, এমন কি বায়ু নিৰ্বাপণেরও যথেষ্ট যুক্তিযুক্ত সম্ভাবনা আছে।”

শিপ্রা গম্ভীর কণ্ঠে বললো, “পূর্ব পাকের আগুন আগরতলাতেও ছাঁড়িয়ে পড়তে পারে, এই তো আপনার আশংকা? তবে বউ বাচ্চাদের কথা ভাবছেন না কেন? দিন না পাঠিয়ে আমার সঙ্গে। ভাই খান, তুমি একটা কসম থেকো তাঁকে ভরসা দাও, প্লাজ, যে আমার বাড়ীতে ওদের স্থানাভাব হবে না, আদর-বন্ধের গ্রুটি হবে না। আমার মনে হয় আপনি এবং বাদবাকী বিবাহিত পুরুষের ৯৯% বন্ড ইরেসপনসিব্—এ বিষয়টার অন্তত।”

হাতজোড় করে হাজী বিনীত কণ্ঠে বললে, আমি করজোড়ে স্বীকার করছি দাদা পুত্র সম্বন্ধে কোনো প্রকারের দুর্ভাবনা আমার সুখনিদ্রাটিকে কোনো

কালেই রাস্তাভর জখম করতে পারে নি, কিন্তু ওদের নিরাপত্তা সম্বন্ধে আমি দশ বছর পূর্বেই একটা ফৈসালা করে রেখেছি। অবশ্য সবই ভগবানের হাতে। কিন্তু ইতিমধ্যে অর্থাৎ আজ ভোরে আমি অতি বিশ্বস্ত সূত্রে একটা ভয়াবহ সংবাদ পেয়েছি। কাহিনীটি প্রাচীন ও দীর্ঘ; আমি অতি, অতি সংক্ষেপে সারাছি।

ইয়েহিয়া চায়, ভারতে একটা কমুনাল রায়েট লাগুক।

কমুনাল রায়েটের জন্য উত্তর ভারত ও পূর্ব-পাকিস্তানের জমীন সব সময়েই তৈরী। উত্তর ভারতের উগ্রতম পন্থী কিছ, হিন্দু, আছেন, যারা পাকিস্তানের বিনাশ চান, এবং ভারতের মুসলমানদের নিতান্ত দায় পড়ে সহ্য করেন। এঁরা এই ইচ্ছেটা প্রকাশ করেন পলিটিকসের মুখোস পরিষে (‘পাকিস্তান তৈরী হয়ে যাওয়া মাত্রই ভারত আক্রমণ করবে; তার পূর্বেই আমাদের আক্রমণ করা উচিত’) এবং নিজেদের মনগড়া এক আজব হিন্দুধর্মের বাণ্ডা তুলে। আমি পরিপূর্ণ ধর্মনিরপেক্ষ মানুষ হিসেবে বলছি, তাঁরা যা প্রাণ চায় সে-পলিটিকস্ করুন, কিন্তু সনাতন ধর্মের এ-রকম নীচ অবমাননা যেন না করেন—ধর্মে সহ্যে না।

আর ভারতের প্রতি বিশেষ করে বহু বহু পাজাবীদের ঘৃণা, বিদ্বেষ, নফরৎ, শত্রুতা এমনই প্রচণ্ড যে তার কোনো তুলনা নেই। এদেরও একটা আজব মনগড়া ইসলাম আছে যে-ইসলাম বলে, অমুসলমান মাত্রই কাফির এবং ভারতের কাফিরকুল তন্মধ্যে সর্বনিকৃষ্ট অমানুষ। এদের কতল করা ইসলামের (তাদের মনগড়া ইসলামের) আদেশ—দোষী-নিদোষী উভয়কে সমভাবে। এবং এদের স্বীজাতিকে লুণ্ঠন করা সম্পূর্ণ শাস্ত্রসম্মত। পাঠানদের রক্তে মজ্জায় থাকে সবচেয়ে বড় যে রিপু সেটা—লোভ, গৃহ্য তা ও তর্জানিত তপ্কর বৃষ্টি। কাফিরদের প্রতি তাদের ঘৃণা পাজাবীদের মত রিফাইনড মীন নয়। ফলে পিণ্ডিতে যে কোনো সরকারই রাজত্ব করুন না কেন, ভারত-বিদ্বেষ-নীতি তারা অবলম্বন করতে বাধ্য, এবং গোপনে সোৎসাহে বিশেষ করে পাঠানদের আপ্যায়িত করেন এই বলে, “দাঁড়াও না, দিল্লী লুণ্ঠন করার ব্যবস্থা শিগগীরই হচ্ছে।

উত্তর ভারতে কটর অশ্রু পাকিস্তানপন্থী, যাদের সঙ্গে অন্য কারুরই তুলনা হয় না—বেহারী মুসলমান। এদের এক প্রভাবশালী অংশ কলকাতায় বাস করেন। তাঁদের পাকিস্তান-প্রীতি চৌন্দ আনা পরিমাণ নিতান্ত হীন স্বার্থবশত। তাদের ভাই-বেরাদর, একদা যারা, কবিদের মত ঈশৎ অতিশয়োক্তি করে বলছি, পাটনা স্টেশনে কুলির কাজ করতো আজ তারা পূর্ব বাঙলায় ট্রাফিক ম্যানেজার, রেলওয়ে সেক্রেটারি। বাইতে তাঁরা উদ্ কথাবাতী বলে খানদানী মনিষ্য রূপে পরিচিত, ভিতরে বলেন, ভোজপুরী মধী বা মৈথিলী। বিদ্যাপতি নিশ্চয়ই আপনার প্রিয় কবি; সে ভাষা যদি উদ্ হয় বন্ধমানের পদী পিসীর কৌদলের

ভাষাও তাহলে উদূর। এই বেহারীদের অর্ধশিক্ষিত সম্প্রদায় উদূর কল্যাণে পাজাবীদের সঙ্গে একজোট হয়ে পূর্ব বাঙলাকে শুষছেন, হীনতম কলনীর মত। এরা এবং বেহার ও কলকাতার বেহারীগণ সূচ্যগ্র পরিমাণ স্বায়ত্তশাসন পূর্ব বাঙলাকে দিতে রাজী নয়। এরই উপর নির্ভর করছে তাদের পাকিস্তানে প্রীতি।”

শিপ্রা জিজ্ঞেস করলে, “এরা পার্টিশনের সময় পশ্চিম পাকিস্তান গেল না কেন? সেখানে তো অত্যন্ত শিক্ষিত পাজাবীরা উদূর বলে, অশিক্ষিতেরাও অনেকখানি বোঝে। বাঙলায় এল কেন?”

হাজী বললে, “ঐ তো সরল রহস্য, ভদ্রে। পশ্চিম পাকিস্তানে ঐ সময়ে গেল উত্তর প্রদেশ ও দিল্লী অঞ্চলের অনবদ্য উদূরভাবী বিস্তর লোক। ওদের সামনে বেহারীর উদূর যেন রবীন্দ্রনাথের সামনে আমার কুমিল্যার খাজা বাঙলা! তদুপরি পাজাবীরাও রাইটাল অর রংলি দাবি করে তাদের উদূর বেহারীদের উদূর চেয়ে বেহুতর—যদিও লক্ষ্মী দিল্লীবাসীদের মতে দুটোই একটা গাধার দুটো কান।

পূর্ব বাঙলায় যে-সব বেহারী আছে তারা পাজাবীদের চেয়ে নৃশংস পশ্চিমতে লড়বে লীগের বিরুদ্ধে। পাজাবীরা অবস্থা মারাত্মক জানা মাত্রই ফিরে যাবে আপন দেশে, এরা যাবে কোথায়? দে হ্যাভ্ বান্ট দ্যার বুলক কার্টস।

এবং আছে আর একটা দল তামাম উত্তর ভারত জুড়ে। এবং পশ্চিম বাংলার মুসলমান বাঙালীও কিছু সংখ্যায় আছেন।”

তিন কলকাতাগত জনের চোখের সামনে ভেসে উঠলো মির্জার কুটিল মুখচ্ছবি।

“তবে এদের অধিকাংশ মস্তব-মাদ্রাসার লোক।”

ভারতের পূর্বাঞ্চলের এই ধরনের মুসলমানদের পাকপ্রীতিও স্বার্থজাত। এরা ভাবে, কাল যদি ভারতে কমুনাল রায়ট বাঁধে তবে আমরা যাবো কোথায়? পূর্ব বাঙলাই তো হাতের কাছে। সে-দেশটা যদি লীগের পন্থা অবলম্বন করে স্বাধীন হয়ে যায়, তবে তারা ধর্মনিরপেক্ষ বা সেকুলার হয়ে যাবে সঙ্গে সঙ্গে। তখন আমরা মুসলমান বলে তো কোনো আদর, প্রেফারেন্স্ পাবো না। বেহারী মুসলমানরা আরো জানে, বাঙালী মুসলমান ভিতরের বাইরের দু’দল বেহারীকেই ধীরে ধীরে প্যাঁদাবে।

ইয়োহিয়া এজেন্ট যোগাড় করতে চায় এই পূর্ববঙ্গের স্বাধীনতা বিরোধী, অতএব পশ্চিম পাকপ্রেমী দল থেকে। এবং সব চেয়ে বেশী চায় কলকাতায়। কলকাতাবাসীর পরস্য আছে, তাদের পক্ষে পূর্ব বাংলার স্বাধীনতা সংগ্রামকে সাহায্য করা খুবই স্বাভাবিক। তাদের বিস্তর হিন্দু ইনটেলেকচুয়েল

সর্বদেশের স্বাধীনতা সংগ্রাম মনেপ্রাণে সমর্থন করে। এই পশ্চিম বাঙালী সাহায্য করবেই করবে অন্তত ভাষা বাবদে তার বেরাদর পূর্ব বাঙালীকে। বেতার যন্ত্রটা তার প্রধান অস্ত্র।

অতএব কলকাতায় একটা গাংগোলের সৃষ্টি করতেই হবে। এবং সেটা আখেরে সাম্প্রদায়িক রূপ নেবেই নেবে। অবশ্য চেষ্টাটা দিতে হবে তাৎসং ভারতে আগুন জ্বালাতে।”

খান বললে, “কলকাতায় এসেছেন ঐ মন্ত্রধারী একটা আন্ত্র ঘুমু। তার কথা তোমাকে বলি নি। নাম লারী—”

কথা শেষ হওয়ার পূর্বেই হাজী “হার হার” করছে আর মাথা খাবড়াচ্ছে। শেষটায় বললে, “ওকে আমি চিনি নে? ব্যাটা কুমিল্লাতে এলে সুধা পান করে কেশটনমেন্ট। আর আমার বাড়িতে। কিন্তু বেরাদর, ওকে আমি হাড়ে হৃদে চিনি। ব্যাটার কাছে পাকিস্তান হিন্দুস্তান মুসলমান কেয়েছান সব বরাবর। মাত্র দুটি জিনিসের তরে সে স—ব করতে পারে। তার আপন স্বাখের তরে। তার খাই প্রচণ্ড। মাতৃগর্ভে তার দাঁত ছিল না কেন, জানেন কীর্তিবাবু? মায়ের নাড়িভূঁড়ি খেয়ে ফেলত যে! সে চেনে দুটো জিনিস— একটাও বলা যেতে পারে—রুপচাঁদ ঠাকুর—টাকা, টাকা; ঐ দিয়ে মদ আর —খাক্গে। আপনি তো, কীর্তিবাবু, গোঁড়া হিন্দু নন। ওকে ছুঁয়ে দিন কীর্তিগুণ। টিকে গর্জিয়ে নামাবলী পরে—না, বরগু তান্ত্রিক পন্থাই বেটা বেছে নেবে। ওর কথা অন্য মোকায় সবিস্তর বলবে।”

শিপ্রার দিকে তাকিয়ে বললে, “আমি জানি, ম্যাডাম, আমি জানি আপনার ডানার নিচে আমার বউ বাচ্চা পাবে সর্বোত্তম প্রটেকশন। কিন্তু অপরাধ নেবেন না, দেবী, রায়টের সময় খুনখারাবী করে এ-পাড়ার গুণ্ডা ও-পাড়ায় গিয়ে এবং ভাইস ভার্সা। এক দল অন্য দলকে লেটেস্ট খবর দেয়, কার বাড়িতে সোনা দানা রুকা টাকা পাওয়া যাবে, কোন ব্যাচেলরের বাড়িতে পাওয়া যাবে না কিছই। আমি রায়ট দেখেছি, ঢাকা কলকাতা দুই শহরেই।

কিন্তু মুসলমান পূর্বেছেন এ কথাটা প্রকাশ পাবেই পাবে, এবং তখন হামলা হবেই হবে।

আপনার বাড়ি এমনিতে লুঠ হবে না। দারওয়ানের বন্দুক আছে, বরগু তার চেয়ে বেশী বন্দুক চালাবেন আপনি, জানি, বিলক্ষণ জানি। ফরাসীদের কাছ থেকে শূন্য একাডেমিক মিলিটারি স্ট্রাটোজি শিখেছেন আর ওরা আপনাকে আত্মরক্ষার্থে যেটুকু প্রয়োজন—বলতে কি তার চেয়ে ঢের ঢের বেশী—বন্দুক পিস্তল চালাতে শেখায় নি সেটা সম্পূর্ণ অবিশ্বাস্য। আপনার ভিতর দক্ষতা আছে, নৈপুণ্য আছে। সেটা লক্ষ্য করার পরও? প্রকৃত হুঁকার, সত্যকার আর্টিস্ট—তা তার আর্ট বন্দুক চালানোই হোক, আর হাঁবি আঁকাই

হোক—সে উপযুক্ত পাত্র পেলে তার ভিতর আপন হুনুর, সাধনালব্ধ সম্পদ রাখবেই রাখবে। ম্যাডাম যদি বলতেন যে ফরাসী ‘আপাশ’ সম্প্রদায়ের গুণগীন পকেটমারদের সঙ্গে কাটিয়েছেন তা হলে—কার নামে কিরে কাটবো ? —আপনারই সুন্দর নামে কাটি—বিচক্ষণ ব্যক্তির যা সর্বথা করা উচিত, আমি তাই করলুম—গলা কাট্যা ফেলাইলেও মনিব্যাগটা এখানে আনতুম না।

সিরিয়াসালি বলছি, কলকাতাতে দাঙ্গা লাগার যথেষ্ট সম্ভাবনা আছে।

সে অবস্থায় গোটাকয়েক মুসলমানের জিম্মদারী আপনার ক্ষেত্র চাপাই কোন বিবেকহীন বৃষ্টিতে ?”

শিপ্রা বললে, “এ আপনার আদিখ্যাতা। প্রত্যেক দাঙ্গার কত মুসলমান কত হিন্দুকে বাঁচিয়েছে, কত হিন্দু কত মুসলমানের প্রাণ রক্ষা করেছে, হাজী সাহেব।”

খান বললে, “শিপ্রাদি, প্রথমেই আমার একটা নিবেদন আছে। সবাই আমাকে হাজী বলে ডাকে, ব্যঙ্গ করে। একে তো হজ্ব করি নি, অন্যান্য আচার-অনুষ্ঠান বাবদেও আমি গাফিল। প্রতিবারে আমাকে হাজী নামে ডেকে হয়তো ওঁদের ঐ ব্যঙ্গ করার পিছনে আছে তাঁদের সদিচ্ছা, আমি যেন ধর্মপথে চলি। অবশ্য, আল্লার ডাক শুনতে পেলে আমি কে, আমার ঘাড় তখন যাবে মক্কায়। কিন্তু আপনি আমাকে এ ‘নামে’ ডাকবেন না।”

শিপ্রা বললে, “আচ্ছা ডাকবো না। কিন্তু আমারও সদিচ্ছা হয় না, আপনি ধর্মপথে চলুন। আমার বিশ্বাস আপনার পথ ধর্মপথে গিয়ে মিশবে।”

হাজী আবেগভরে বললে, “আমেন, আমেন। তাই হোক তাই হোক।” মূল কথায় ফিরে গিয়ে হাজী বললে, “দাঙ্গার ভিতরও আল্লা তাঁর করুণা প্রকাশ করেছেন, যেমন আমার মত ‘অপদার্থ’ ও তাঁর দয়া পেয়েছে।”

কীর্তি : “দখুন হাজী, আমার সঙ্গে কম্পীট করতে যাবেন না। ‘অপদার্থ’ বলতে বোঝায় কীর্তি রায়।”

হাজী সর্বিনয়, “দাদা বয়েসে অজস্র হলেও এ ব্যাপারে আমি আপনার অনুজ্ঞ, বিশ্বস্ত অনুগামী।……

প্রতি দাঙ্গায় হিন্দু-মুসলমান যখন একে অন্যকে বাঁচায়—তখনই দেখি, প্রতিবার, মানুষের মনুষ্যত্ব। স্বার্থপর পলিটিসিয়ানের প্রপাণাণ্ডা উপেক্ষা করে, পথদ্রষ্ট ধর্মযাজকদের অনুশাসনে কান না দিয়ে, সশস্ত্র গুণ্ডাদের ভীতি প্রদর্শনকে তুড়ি মেরে মানুষকে তখন সত্যের পথে, আত্মজনকে রক্ষার পথে চালান কে ?—সে তার মনুষ্যত্ব। বললে পেত্যয় যাবে না কেউ, আমার মত অপদার্থ—সন্ন—পাষণ্ডের ভিতরও খুব সম্ভব ঐ ধাতুটির একটি ক্ষুদ্রতম কণার ক্ষীণতম ছায়া অতি কালে-কস্মিনে চিহ্নিক মেরে যায়—নইলে বৃকে হাত দিয়ে বলুন তো আপনারা—দোহাই মনুষ্যত্বের—এতকাল ধরে বউ আমাকে বরদাস্ত করছে কি

করে? হুংঃ। কিন্তু ঐ লারী সম্প্রদায়ের ভিতর মনুষ্যত্বের অনুসন্ধান করতে গিয়ে আমাকে বিস্তর পরিশ্রম করতে হয়েছে—মেহনৎ আমার সঙ্গ না।

কিন্তু, ম্যাডাম, আমার প্ল্যানটা আপনার সামনে পেশ করি।

আগরতলা বিপন্ন হলেই আমি বড় বাচ্চা নিয়ে চলে যাবো, কিছুটা মোটরে বা পুরোটাই হেঁটে চলে যাবো পার্বত্য ত্রিপুরা অঞ্চলে, যার উপর দিয়ে আপনি প্লেনে উড়ে এলেন—সেখানকার পাহাড়ীদের সঙ্গে আমার বিস্তর ভাবসাব আছে। সেখানে এখনও প্রায় ফি বছর যাই শিকারে। প্রথম যৌবনে মেয়ে-গুলোর সঙ্গে নেচোঁছি, এদের তৈরী নোটভ বিয়ার বিস্তর খেয়েছি। ইয়েইয়ার বাপের সাধ্য নেই সেখানে নাক গলায়। আর ওরাও কারো সাতপাঁচে নেই। এর চেয়ে উত্তম ব্যবস্থা আমার কল্পনার বাইরে।

আর আপনার নিজস্ব, আপন কলকাতা তো আমার হাতের পাঁচ—নো—পাঁচ কোটি রইলই।”

কীর্তির দিকে তাকিয়ে বললে, “কই কীর্তিবাবু এ-অধম গাইড যে-টুকু পারে সে তো দেখালো। এবারে পাকেচক্রে কলকাতায় এলে বাঙালিকে হাইকোর্ট দেখাবেন তো?”

কীর্তি কিছুমাত্র চিন্তা না করেই বললে, “আজ্ঞা করুন এবার যেন বাঙালরা পাজাবীদের হাইকোর্ট দেখিয়ে দেয়।”

হাজী কাপের্টের উপর বসে পড়ে হাত দুটি উঁচু করে তুলে ধরলো। আবেগভরা উচ্ছ্বাসিত কণ্ঠে বললে, “আমেন, আমেন।”

তৃতীয় অধ্যায়

স্পষ্ট মনে আছে শিপ্রার, বারটা ছিল বৃহস্পতি।

যে-বেয়ারা বিকেলের চা নিয়ে এল তার চেহারা-ছবি ধরনধারণ দেখে শিপ্রার ধারণা হল লোকটা বোধহয় সিলেটি। শুধলো, “তোমার দেশ কোথায়?”

বেয়ারা বোকার মত ফ্যালফ্যাল করে চেয়ে রইল। শিপ্রার চেহারা, চাল-চলন, তার প্রসাধনের যে কটি কৌটো শিশি ব্রেসিং টোবিলে সাজানো ছিল সেগুলোর খাস বিলাতি ঢপ ঢপ দেখে তার প্রত্যয় হয়েছিল, ইনি অতি খাঁটি মিস বাবা, অর্থাৎ ইনি জানেন শূধু ইংরেজি, আর সে যে উর্দু-অহমিয়া-খাসিয়া-সিলেটী ভাষার লাবড়াকে হিন্দুস্তানী নামে চেনে, সেইটে বলতে পারেন চালে কাকরে মিলিলে। তাঁর মুখে আচার্ণবতে “বিসর্দুন্দ” বাঙলা ভাষা বোরিয়ে আসায় সে এমনি হতবুদ্ধি হয়ে গিয়েছে যে তার মুখ থেকে, যেন রিফ্লেক্‌স্

এ্যাকশনের মত, বেরিয়ে গেল খাস সিলেটী, “কিতা কইলা ?”

আদর করে শিপ্রা যে নামে ডাকে “কীতা” কখনো সে জুড়ে দেয় “মিতা,” একদিন দুশ্চিন্তার ভিতরে কবি এ-শব্দের সঙ্গে যে মিল দিয়েছেন তারই স্মরণে মনে মনে বলেছে, আমি কি “বিশ্মৃত” ?

সিলেটী রহস্যময় “কিতা” শব্দে তার বুক ছ্যাঁৎ করে উঠলো ।

ইতিমধ্যে বেয়ারা নিজেকে সামলে নিলে হোটেলের “ভদ্রু” হিন্দুস্তানীতে একাধিকবার বলেছে, “সিলেটী, মেমসাহেব,” ‘সিল্‌ট’ মুল্লুক, মেম সাব্ ।”

“তুমি মুসলমান ? না ?”

“জরুর, জরুর । হান্না নাম শেখ গারু, মেমসাহেব ।” মনে মনে দৃঢ় প্রত্যয় হয়েছে, এই মিস বাবাটি নিশ্চয়ই ‘কেরামতী’ জানেন—নইলে কোন দূরের মুল্লুক থেকে এসেই তাকে দেখে ধরে ফেলেছেন, সে এদেশেরই লোক নয় এবং সে মুসলমান । এবারে শিপ্রা যে প্রশ্ন শ্রুধলো তাতে তার বিশ্ময় পৌঁছিল চরমে । একমাত্র তার সহকর্মী দেশ-ভাইদের দ্ব’একজন তাকে তার জিন্দাগীতে মাত্র দ্ব’ একবার শ্রুধিয়েছে ।

“এখনো কি মহরম মাস চলছে ?”

এর সঠিক নিভুল উত্তর শ্রৈহট অর্থাৎ শ্রীহট, সিলেট-সুলতান গারু মিঞার দেওয়া সম্ভবপর নয় । অবশ্য মহরমের শুরুর দশমীতে (হিন্দু গণনায় একাদশী বা দ্বাদশী) হয়ে গেল মহরমের পরব—তাজিনা তাবুদের প্রসেশনসহ । তার পর যে কটা দিন গেছে সেটা গুনে যোগ করলেই মহরমের ক’ তারিখ, না পরের মাস সফর শুরুর হয়ে গেছে ধরা পড়ে যায় । অবশ্য মিনা গারু কটা দিন গেছে আঙুল গুনে মোটামুটি খবরটা দিতে পারতো কিন্তু এহেন বিদ্যাধরী মিসিবাবা যিনি কিনা মহরম যে সন্দেহ একটা পরব নয়, মাসও বটে, সে-হেন খাস ইসলামী খবর রাখেন তাঁকে তো উল্টো পাগেটা মাস তারিখ দেওয়া সম্ভব গুণাহ হবে ।

হস্তদস্ত হলে বললে, “আমাদের মোল্লাজী বেয়ারাদের ঘরে থাকেন । তাঁর কাছ থেকে ‘ইসলামী পঞ্জিকা’ এখুখনি নিলে আসিছি । সব খবর পাবেন ।” হঠাৎ তার মনে ধোকা লাগলো : এনা খানদানী মিস বাবা, ইনি বাঙলা, না হয় বাঙলা বলতে পারেন, কিন্তু পড়তে পারেন কি ? সভয়ে প্রশ্নটা শ্রুধলো । শিপ্রা ঘাড়টি সামান্য বেঁকিলে মূর্চক হাসলো । গোল্ডকীর বিস্তর মাফ চেয়ে উর্ধ্ববাসে ছুটলো পাঁজি আনতে ।

যবে থেকে শিপ্রা শিলঙ পৌঁচেছে সেই থেকে কীর্ত বা খানের কোনো খবর না পেয়ে আস্তে আস্তে সে অধীর হয়ে উঠেছে । এখন শকার চৌকাঠে প্যা দিয়েছে । ঘরের ভিতর ভীতি, বিভীষিকা ।

সব কটা খবরের কাগজ লাইন-বাই-লাইন পড়েছে । সেগুলো এমনি

বিশ্বেশ্বরক উত্তেজনার ভরা যে সাবধানে নাড়াচাড়া করতে হয়—পাছে না একটু-খানি খোঁচা খেলেই বোমার মত ফেটে ওঠে। ওঁদিকে বিটউইন দি লাইনস্ পড়ে শিপ্রা ঠিক বুঝে ফেলে, অস্তত আগরতলা থেকে পাঠানো সংবাদ হয় আ্তিরঞ্জিত, নয় মৌনগুঞ্জিত। হাজী, মিঞা সাহেব—

মিঞা সাহেবের নাম মনে আসতেই সে যেন তাঁর শেষ কথা কটি আবার শুনতে পেল। ডিনার শেষে, গভীর রাতে, খাস করে তার কাছ থেকে বিদায় নেবার সময় একমাত্র তাকেই বলেছিলেন, যেন তাকে খানিকটে আশ্বস্ত করার জন্য, কিংবা পরিষ্কৃতির যে ছবিটা তর্কাতর্কি, লেটেস্ট সংবাদের অদলবদলের রং দিয়ে নির্মাশ্রিতেরা এঁকেছিলেন সেটাতে একটা অংশ ফাঁকা রয়ে গিয়েছে— সেই ব্যক্তিগিরপেক্ষ তত্ত্বটির দিকে শিপ্রার নিছক দৃষ্টি আকর্ষণ করার জন্যঃ পবিত্র মহরম মাসে কি কটুর শীয়া ইরোঁহিয়া খুন-খারাবী আরম্ভ করবে ?

সেই গম্ভীর ইঙ্গিত ভরা প্রশ্নরূপে প্রকাশিত তত্ত্ব কথাটি শিপ্রার মনে আসতেই শিপ্রা কেমন যেন এক রকমের অকারণ অস্বস্তি অনুভব করেছিল। কিন্তু সেটা নির্ভর করছে, এখনো মহরমের মাস চলছে কি? তাই চোখের সামনে যে পড়েছে তাকেই প্রশ্নটা জিজ্ঞেস করেছে।

হায় রে প্রথরা বুদ্ধিমতী রমণী শিপ্রা? তুমি সমস্ত প্রাণমন দিয়ে কামনা করছো, যে গ্রহনক্ষত্র বিশেষ করে শশীকলা লক্ষ লক্ষ বৎসর ধরে অলঙ্ঘ্য নিয়মে যে বেগে চলেছে, পূর্ণিমা অমাবস্যা এসেছে গিয়েছে, এদের গতিবেগ যেন অকস্মাৎ মন্ধর হয়ে যায়, এই মহরম মাসটা যেন বিলম্বিত হতে বিলম্বিততর হয়ে, ২৯।৩০ দিনের পরিবর্তে ২৯।৩০ মাস ধরে চলে। শব্দু তার পিয়, তার বল্লভ কীর্তির চতুর্দিকে দাবানলের প্রজ্বলন নিরুদ্ধ করার জন্য। তার ফলে কার কীই বা ক্ষতি হত? স্বয়ং যে রাজার রাজা মহারাজার কনিষ্ঠা-ইঙ্গিতে বিশ্বব্রহ্মাণ্ড প্রচণ্ড বেগে ধেয়ে চলেছে তাঁরই বা কী ক্ষতি হত? তাই তো। হঠাৎ তার মনে এলো একটি গীত। তারই এক বাল্যসখা উভয়ের কৈশোরে এ-গীতটি তাকে উপহার দিয়েছিল। কবিতাটি শিপ্রা ছাপাতে কখনো দেখে নিন, কারণ 'কবি' ও বাংলা সাহিত্যে কণা মাত্র প্রতিষ্ঠা লাভ করতে পারেন নিন। বাইবেলে বর্ণিত কিশোরী তার বল্লভের সন্ধানে যে-রকম দোরে দোরে ঘা দিয়ে নিরাশ হয়েছিল, এ গীত যে-কাগজে লেখা সেও বহু সম্পাদকের টেবিলের উপর ফ্যানের হাওয়াতে কাঁপতে কাঁপতে তাদের দৃষ্টি আকর্ষণ করতে সমর্থ হন নিন। এমন কি তার পিয়রা কালী পৌঁচির দৃষ্টিও না।

মহরম দীর্ঘতর হলে সৃষ্টিকর্তার কীই বা হত ক্ষতি। গানটার মোতিফ গীত একই :

কী বা হ'ত তোমার, রাজা,

একটু মোরে দিলে ?

কীই বা ক্ষতি হ'ত কাহার
 বিরাট এ নিখিলে ?
 তোমার বিশ্ব বসুন্ধরা
 অনন্ত বৈভবে ভরা ;
 কণাটুকু যেত না তো
 করুণা বর্ষিলে !

চন্দ্র সূর্য গ্রহে গ্রহে
 সাজাও আলিঙ্গন
 তারায় তারায় বাঁধো, তুমি
 অলখ আলিঙ্গন ।
 তোমার এ যে পূর্ণ ছবি
 মিথ্যা হ'ত এর কি সব-ই
 প্রিয়র চোখে আমার চোখে
 যদি যেত নিলে ।

শিপ্রার মনে আছে, কবিতা বা কবি কারোরই চোখের সামনে সেই ধুমসীর চোখ মেলে নি। অথচ আখেরে এ লক্ষ্মীছাড়িটা বিধির বিধানে পেয়েছিল কলাগাছ যে-রকম কার্তিককে পায়। এবং সে ছোঁড়া ছিল কুবের কুলের পিঙ্গিদম! বিধির অধর্ম কি কোনোদিন বিধির বিধি কোনো সর্বেশ্বর বিচার করবেন না? প্রলয় শেষে কিয়ামতের দিনে?

যখন কবিতাটি শিপ্রা প্রথমে পড়ে তখন মনে হয়েছিল এটা ইন্টার ক্লাস। তবু এক একটা নিতান্ত বাজে সুর যে রকম মানুষের পিছনে অষ্টপ্রহর লেগে থাকে, তাকে 'হন্ট' করে এটাও করেছিল তাই। সেই মেয়েটা এবং এক ঝাঁক সম্পাদকের এই 'কাব্যের উপেক্ষিতাকে' আজ শিপ্রা—কবিগুরু, যে-রকম উঁমলাকে তাঁর করুণাধারা দিয়ে আর্ভিষক্ত করেছিলেন—সেই রকমই কবিতাটিকে তার হৃদয়-আসনে বসালো।

হঠাৎ ঐ অনবদ্য প্রবন্ধটির আরেকটি অংশ স্মরণে আসতে তার সর্বচেতন্য বিকল হয়ে গেল। অবশ্য শুধু ভাবার্থটুকু। শব্দে শব্দে আছে :

“সলজ্জ নবপ্রমে আমোদিত বিকচোন্মুখ হৃদয়-মুকুলটি লইয়া স্বামী সর্হিত যখন প্রথমতম মধুরতম পরিচয়ের আরম্ভ সময় সেই মহূর্তে লক্ষ্মণ...বনে গমন করিলেন !”

কিছুতেই মনে আনতে পারলো না শিপ্রা, “আর্ষপুত্র” উঁমলাবিলাসী বনগমনের পূর্বে কর্তৃদিন নববধু নিজনে সঙ্গোপনে একান্ত আপন ভাবে আর্ষপুত্রকে কণ্ঠাশ্লেষে আবদ্ধ রাখার অবসর পেয়েছিল? সে তুলনায় শিপ্রা:

কর্দানের তরে কীর্তিকে? আর এখন সে কোথায়, কোন্ অন্ধকার।

চিন্তাধারা শিলাখণ্ডে বাধা পেল। ভালোই হল। জানলা দিয়ে দেখতে পেল, ঝঞ্জা-তাড়িত মেঘদূতের ন্যায় পবনবেগে আসছে গারু শেখ। হাতে চাউস একখানা কেতাব, মুখে বিস্তৃত হাসি।

সাইজে একেবারে যেন গুপ্তপ্রেস পঞ্জিকা। ভিতরে ওরই মত ফুলকপি মূলোর বিজ্ঞাপন, এবং মুসলমান ধর্মের আচার অনুষ্ঠান, পালপরের সাক্ষর বর্ণন। তার বিস্তর শব্দ তার কাছে সম্পূর্ণ অপরিচিত এবং কুটেশনগুলো যে কোন ভাষা থেকে নেওয়া সে সম্বন্ধে তার সামান্যতম ধারণা নেই। এই বিরাট দণ্ডকারণ্যে কোথায় মহরমের সন্ধান? হঠাৎ লক্ষ্য করলো পঞ্জিকার একেবারে শেষপ্রান্তে ময়ূর পালকের বুক মার্ক সামান্য একটুখানি বেরিয়ে আছে। সেখানে কেতাব খুলতেই চোখে পড়ল আধপাতা জুড়ে বাংলা, মুসলমানি, শক, ইংরিজি, বিক্রম বহু অশ্বেদর তারিখ গয়রহ দেওয়া আছে। হ্যাঁ, ২৫শে মার্চ, এখনো মহরম, খ্যাৎক গড়।

মহরম মাসে শীয়া ইরোহিয়া খুন-খারাবী করতে ইতস্তত করতে পারে। সেই নিছক চোরাবালির অনুমানের উপর, দ্যাখ তো না দ্যাখ, শিপ্রা গড়ে তুললো, ইয়াব্বড়া পর্বতপ্রমাণ দেউল—কোণারকের মন্দির। যে খায় চিনি তারে যোগায় চিন্তামণি। সে চিনির তলায় ফাটা সানুকি আছে, না মিৎ বংশীয় সর্বোৎকৃষ্ট পসেলিন—কোন মুখ করে তার বিচার?

বেয়ারা এতক্ষণে কিছটা সাহস সপ্তয় করতে পেরেছে। শিলঙ শহরে বারো আনা লোকের মুখ চিন্তাকুল। এদের সকলেরই কেউ-না কেউ আছে—সিলেট, কুমিল্লাদিতে। এই সর্বব্যাপী দূর্শিচলতা উপস্থিত অন্য কোন দুর্ভাবনাকে আমল দিচ্ছে না। মেমসায়েরের মুখে দূর্শিচলতার আভাস সস্পষ্ট। রেসেপশনিস্টের কাছে শুনছে তিনি ডাক, তারের জন্য ব্যাকুল। অতএব তারই মত অবশ্যই মেমসায়েরের কেউ না কেউ পূর্ব পাকে আছে। আপন অজ্ঞানতেই যেন মুখ থেকে প্রশ্ন বেরিয়ে গেল, “মেমসায়ের, আপনার খোশ-কুটুম কি কেউ পার্কিস্তানে আছে।” সঙ্গে সঙ্গে তর্ডির্ডি বার বার আপন বে-আদবীর জন্য মাফ চাইলে। শিপ্রা তার দিকে সোজা তাকিয়ে বললে, “এতে মাফ চাইবার কি আছে! তোমার দিলে দরদ আছে। তাই শূধিয়েছ।”

গারু মিঞা কি করে শিপ্রাকে চিনবে? সে বেচারী চেনে দুই জাতের মেমসায়ের। চা-বাগানের ইংরেজের স্ত্রী মেমসায়ের এবং তাঁদের অনুকরণে গড়া দিশী মেমসায়ের। এ-দুজাত দূরে থাক সে কোনো জাতেরই মেমসায়ের, গিল্লীমা, বেগম সায়ের কিছই নয়। বিধাতা তাকে কোন কোন ধাতু দিয়ে নির্মাণ করেছেন, পণ্ডভূতের মশলা মেশাবার সময় যে-ভূতীয়টি—তেজ—প্রচুর পরিমাণে ঢেলেছেন—সে বিষয়ে অবশ্য কারো মনে কোনো সন্দেহ নেই,

সর্বোপরি তার স্বাধায়ায়, একাধিক। সমাজ দেশের সঙ্গে তার কুণ্ঠাহীন হৃদয়তা, তার বিচিত্র বর্ণাঢ্য অভিজ্ঞতা তার জীবনদর্শন—এসব মিলিয়ে যে শিপ্রা, তাকে বিশ্লেষণ করবে কে? যার নিমাণ, যার জীবন শিপ্রার চেয়েও বিচিত্র বৈভবে; ভরা সে-ই তো? সে কোথায়? তবে কি না, ভালোবাসার সোনার কাঠির পরশ যার প্রাণে লেগেছে সে হয়তো পারে। কীর্তি হয়তো একদিন পারবে।

শিপ্রা বললে, “আমার দৃষ্টি আপনজন আগরতলায়।”

এর উত্তরে গারু যে মন্তব্য করেছিল তার জন্য সে মনে মনে নিজের গাল দুটোকে অকাতরে চড় মেরেছে। মোল্লাজীর কাছে কাঁদো কাঁদো হয়ে সে-কাঁহিনী যখন শোনালো তখন তিনি মনে মনে না—সশব্দে তার দৃষ্টিগালে দুটো চড় কষিয়েছিলেন। এক সারি কটু শব্দ বলে গিয়েছিলেন অল্পশিক্ষিত মোল্লাজী, তাঁর গুরুর কাছে যোগলো শুনিয়েছিলেন—আরবী ফারসী উর্দু, সিলেটী ভাষা উপভাষায়, “আহম্মক, নাদান, উল্লুকে পাট্টা” থেকে সিলেটী “আচাভুয়া হুমাভুতা” পর্যন্ত।

গারু সরাসরি অজ্ঞানতে বলে ফেলেছিল, “আখাউড়া আগরতলা তো বরাবর।”

বলতে না বলতেই সে বদ্বতে পেরেছিল, কী সর্বশেষে কথা কাঁট তার মুখে দিয়ে বোরিয়ে গেছে। রাখালের মাসী যে-রকম বুকোঁছিল।

সঙ্গে সঙ্গে লক্ষ্য করেছে, মিস বাবার মুখ যেন মলিন হয়ে গেল।

গারু প্রথমটায় ছুট লাগাতে চেয়েছিল, কিন্তু থেমে গেল। একখানা আধা সেলাম অসমাপ্ত রেখে ধীরে ধীরে কোয়ার্টারে গিয়ে শূন্যে পড়ল।

রাতে খাবার নিলে এলো অন্য বেয়ারা। শিপ্রা শুনলো, “সে-বেয়ারার কি হল? আমি জানতে চেয়েছিলুম, সিলেটের খবর ঠিকমত পান কি না, তার পরিবার—”

এ-বেয়ারা বৃদ্ধ, বহুদর্শী, নানান গেস্টের বহু উনুনে পোড় খেয়ে খেয়ে সে বামা হয়ে গিয়েছে। সে পর্যন্ত কুল্লের কায়দাকানুন ভুলে গিয়ে দু’হাত দিয়ে হঠাৎ চোখ মুখ ঢেকে ফেলল।

শিপ্রার প্রশ্নটা অসমাপ্তই রয়ে গেল। “কি হল—” বলতে গিয়ে থেমে গেল। বড়ো নিঃশব্দে কাঁদছে—তার দু’হাতের কাঁপন থেকে বোঝা যাচ্ছে।

বড়োকে কিছলক্ষণ কাঁদতে দিয়ে শিপ্রা বলল, “যাও তো মিঞা, মুখ ধুয়ে আসবার সময় মাস্টার্ড নিলে এসো।”

মাস্টার্ডের কোনো প্রয়োজন ছিল না শিপ্রার। তার মাথার ভিতর এক সঙ্গে বহু চিন্তা লাড়ালড়ি করেছে। কিন্তু অল্পক্ষণের ভিতরই সে কিছুটা শান্ত হয়ে কিছুটা মনোস্থির করে ফেলেছে।

বড়ো ফিরে এল।

শিপ্রা শূন্যলো, “মিঞা তুমি নামাজ পড়ো ?”

“জী মেমসালেব ।”

“রোজা রাখো ।”

“জী, হাঁ ।”

“আচ্ছা তবে শোনো । এ-সব তো করো আল্লার হুকুমে ? না ? আমি বুঝতে পেরেছি তুমিও সিলেটী,—তোমার বালু-বাচ্চাও সেখানে ? না ?”

বুড়ো ঘাড় নাড়লো ।

“তাহলে এবারে ভালো করে শোনো । সমস্ত জীবন ধরে নামাজ রোজা সব করলে আল্লার হুকুমে । তাঁর উপর নিশ্চয়ই তোমার ভরসা ছিল, নইলে হুকুম মানলে কেন ? তুমি আমার বাপের বয়েসী । অবশ্যই তোমার মাথার উপর দিলে বহুৎ ঝড় তুফান গিয়েছে । তাঁরই উপর ভরসা রেখে এ-সব বিপদ-আপদ কাটিয়েছ । এখন এই শেষ বয়সে সে ভরসা কম-জোর হলে গেল ? তুমি ভেঙে পড়লে ঐ অল্প-বয়সী বেয়ারাটাকে হিম্মৎ যোগাবে কে ? উপরে মালিক সব দেখছেন ।

“আমার হাল তবে এবারে শোনো । আমি এখানে একা । তোমাদের তিনজন, ম্যানেজার-টয়ানেজার—ওরা কাজের লোক, আপন কাজ নিয়ে থাকেন । ব্যস্ । আমি মেয়েছেলে । আমার এক দোস্ত, আরেকজন—তাকে আমি মহশ্বত করি—দুজনা আটকা পড়েছে আগরতলায় ! হয়তো বা বেরিয়ে আসতে পারবে, হয়তো বা পারবে না । আমার বাপ নেই, ভাই নেই । এবারে যাও, মিস্সা, ঘরে গিয়ে শূন্য পড়ো । আর ঐ আহাম্মুখ ছোকরাটাকে বলো, সঙ্কলেরই দিল এখন কাতর । সে কি বলেছে, না বলেছে তাতে কি যায় আসে ? ভাবনা বাড়বে ? কমবে ? তার কথায় ? এখন যাও ।”

এই যে আল্লার নাম নিয়ে শিপ্রা বুড়োকে শান্ত করলো, সে নিজে কি ঈশ্বর মানে ?

আর বহু লোকের মত শিপ্রা ছিল ধর্ম বাবদে মোটামুটি উদাসীন । প্যারিসে টুরিসট্ গাইড তাকে সুন্দর একপাল মার্কিনকে নিয়ে গিয়েছিল বিরাট এক গির্জা দেখাতে । গির্জা তখন ফাঁকা । শিপ্রা বেরুব্বার সময় গাইডকে বললে, “চমৎকার ! ফুলদানীটা অতি সুন্দর । কিন্তু ফুল কোথায় ? মানুষ উপাসনা করছে—সেই তো গির্জার ফুল ।” তারপর সে মাঝে মাঝে গির্জায় যেত উপাসনার সময় । বিশেষ করে মমারুৎ-এ পুরো শনির রাত হৈ-হুজুড় করে রবিবর ভোরে বাড়ি ফেরার মুখে । ক্যাথলিক গির্জার অর্গেন সঙ্গীত ধর্মান-লোকের অপূর্ব গম্ভীর যেন বিরাট সিন্ধু । হাড়-পাকা নাস্তিকও সে সঙ্গীতে অবগাহন করে । পোর্চ নাস্তিক ঐ সঙ্গীতে ডুবে যাওয়ার ভয়ে গির্জার এঁড়িয়ে চলে । শিপ্রার ভয় নেই, ভরসাও নেই ।

একদা এক প্যারিসীনি তাকে শূধিয়েছিল, সে ঈশ্বর-বিশ্বাসী কি না ?

যেন শব্দগুলো বাছাই করে করে শিপ্রা বলেছিল, “ভগবান বাজারে বিক্রির রেজিমেড টমাটো কেচাপ্ নন—কিনে নিলে ব্যাগে পুরলেই হল। সমস্ত জীবন ধরে তাঁকে উপলব্ধি করতে হয়। অভিজ্ঞতার পর অভিজ্ঞতার ভিতর দিয়ে।”

রোদন-ক্লদনের বিকৃত মুখ, দৃশ্চলতার শোকে ভেঙে পড়ার বিকট ভঙ্গী শিপ্রা আগেও দেখেছে। কিন্তু আজকের মত নয়।

কীর্তীর সর্বাঙ্গ কম্পনের সঙ্গে সঙ্গে তার অন্তর্লোকের আকস্মিক পরিবর্তন শিপ্রার কাছে এক মুহূর্তে সরল স্বচ্ছ হয়ে গেল—নিদ্রাভঙ্গের সঙ্গে সঙ্গে মানুষ যে-রকম আগের দিনের কঠিন সমস্যার সহজ সমাধান পেয়ে যায়।

শিপ্রা কোচ ছেড়ে উঠে দাঁড়াল। কটেজ ছেড়ে সুস্থ গাঁততে হোটেলের মেনে বিল্ডিং গিয়ে দাঁড়ালো রেসেপশনিস্টের মুখোমুখি হয়ে। স্মিত হাস্য দিয়ে আপ্যায়িত করলে “গুড্ ঈভনিং” হ। পুনরায় “গুড্ ঈভনিং—এয়া-এর—”

হস্তদস্ত হয়ে ছোকরা বললে, “সার, মিস রে—আমাকে উইল্‌স্‌ন বলে ডাকে সবাই—জিমে উইল্‌স্‌ন।”

ছোকরা হক্‌চিকিয়ে গিয়েছে। এতদিন দু-চারবার শিপ্রাকে যখনই দেখেছে, তখনই তার মনে হয়েছে, ইনি অন্যলোকের প্রাণী। আজ রাত এগারোটায় সেই নিরাসক্তা, গম্ভীরা এ কী রূপে দিল দরশন! তার মন বলেছে, “হাও লাভালি! হাও সুস্টেট!”

শিপ্রা সহজ সুরে শূধিলো, “এনি নিউজ্ ?”

আসলে এতদিন সে কোনো রেসেপশনিস্টের সঙ্গে কথা বলে নি—পাছে কোনো অপ্রিয় গুজোব, সংবাদ, ওয়ানিং ওরা দিয়ে ফেলে। বিশ্বময় ঐ গোত্রের কর্মচারী অর্থাৎ রেসেপশনিস্টদের চোন্দ আনা চ্যাটারবক্‌স্‌।

ছোকরা কাউন্টারের উপর একটু বুকু ফিস্‌ফিস্‌য়ে বললে—যদিও স্থানটা জনশূন্য—“উয়েল মিস রে, বলবো কি বলবো না, বুকুতে পারছি নে। আমার এক বন্ধু আছে এখানকার ট্রাঙ্ক-কল দফতরে। ওরা অনেক কিছু শুনতে পায়। এখুঁনি সে আমায় ফোন করেছিল। তারই মত আরেক ট্রাঙ্ককর্মী শুনতে পেয়েছে ইংডা-পাক বর্ডারের গারো না ডার্কি না যেশোর কোথা থেকে কে যেন কাকে ট্রাঙ্ক-কল-এ বলেছে, আজ রাতেই নাকি ঢাকাতে ট্রাব্‌ল আরম্ভ হয়ে যেতে পারে। তা, তা, মিস রে, সেও যে খুব শ্যার শূনেছে তা নয়।”

গুজোব হোক, খবর হোক এইটেই যদি সে ঘণ্টাটুক পূর্বে শুনতে পেত তবে আপাদমস্তক মূষড়ে পড়তো। কিন্তু এখন তার বুকুর ভিতর কে যেন একখানা টিন প্লেট বসিয়ে দিয়েছে।

স্বাভাবিক কণ্ঠে শূধিলো, “আর যেশোর, কুমিল্লা, বাদবাকী বর্ডার ?”

ছোকরা উত্তর দিলে, “আজ, এখুঁনি, তো আর কিছু বলে নি।” তারপর

খানিকক্ষণ ঘাড় চুলকে বললে, “কিন্তু দিন পাঁচেক আগে বলেছিল, গোলমাল লাগলে সব জায়গায় এক সঙ্গেই লাগবে। তবে সে শ্যোর ছিল না এটোল্। এখন কে শ্যোর হয়ে কি বলতে পারে?”

শিপ্রা হাঁটুর কাছে কেমন যেন একটা দুর্বলতা অনুভব করলো।

খানিকক্ষণ না জানি কোন দেবতার কৃপায় তার দুশ্চিন্তা-বর্ষার অবিরল বারিধারা সম্পূর্ণ থেমে গিয়েছিল, কিন্তু তার পরের ইলশে গন্ডি ক্ষণে আসে ক্ষণে যায়। তারই স্বচ্ছ ষবনিকা যেন নেমে এল তার বুকের ভিতর।

তবু মুখে হাসির ক্ষীণ পরশ লাগিয়ে বললে, “তোমার কথা খাঁটি, উইল্‌সন্। সবকথা বিশ্বাস করলে কি আর মানুষ বাঁচতে পারে? থ্যাঙ্ক য়্, অল্‌ দি সেম। গন্ড্‌ নাইট্—” শিপ্রা মনে মনে বললে, “ছেলোটি দরদী”, লক্ষ্য করলো তার বৃশ শার্টের বুকের কাটে দেখা যাচ্ছে ছোট্ট একটা ক্রস্। বললে, “মাদার মেরি, তোমার মঙ্গল করুন। গন্ড্‌ নাইট্ ওল্ড্‌ ম্যান্।”

জিমি যদিও ছোকরা বেয়ারের মত ও-রকম খনিয়া “ফো পা” অর্থাৎ “সাপের ন্যাজ মাড়ায়” নি তবু শিপ্রার ভাব পরিবর্তন থেকে আহেজ করতে পেরেছিল সে বেসুরো ককশধ্বনি ছেড়ে বসেছে। এক ফো পা মেরামৎ করতে গিয়ে দূসরা কদম খাদে ফেলল না। কাউন্টার ঘুরে শিপ্রার পাশে পাশে, কিন্তু সম্মানার্থে আধ কদম পিছনে পা ফেলে তাঁকে কটেজে পৌঁছিয়ে দিতে সঙ্গে চললো। যেতে যেতে বললো, “মাদার মেরি হেভেন্‌ আর্থের কুইন মেরি! তাঁকে আমার স্মরণে আনি আর নাই আনি, তাঁর করুণাধারা কখনো ক্ষান্ত হবে না।”

শিপ্রা মৃদু কণ্ঠে দরদভরে বললে, “আমেন।”

সঙ্গে সঙ্গে বহুদিনের অনভ্যাস সত্ত্বেও, ফরাসীদেশের আর পাঁচজনের মত অজানতেই ডান হাত দিয়ে বুকের উপর ক্রস চিহ্নের প্রতীক দেখালো।

উইল্‌সন্ একটু লজ্জা পেল। বিধমী পালন করলো সেই আচার—সে যেটা সমাজে পাঁচজনের অথবা দৃষ্টি আকর্ষণ না করার জন্য আপন সমাজের বাইরে এঁড়িয়ে যেত। কটেজের সামনে পৌঁছে বললো, “গন্ড্‌ নাইট্, ম্যাডাম। এনি থিং এল্‌স্—আর কিছ্?”

এই অস্বাভাবিক পরিস্থিতিতেও তার মনে পড়ল—প্রাচীন স্মৃতি নবীন পরিস্থিতির বিনা অনুমতিতেই উদয় হয়—প্যারিসের রেস্টোরাঁতে ওয়েটার খানা অর্ডার দফে দফে শেষ হওয়ার পর যখন জিজ্ঞেস করতো, “এনি থিং এল্‌স্ মাদাম” তখন তাদের মধ্যে বৈপর্যায় মেলে বলে উঠতো, “হ্যাঁ, তোমার প্রেম!”

শিপ্রা বললে, “থ্যাঙ্ক ইউ, গন্ড্‌ নাইট্, ইয়াং ম্যান্। মা মেরি তোমার মঙ্গল করুন।”

কুটিরে ঢুকে শিপ্রা অনেকক্ষণ দাঁড়িয়ে রইল। ভুলে গিয়েছে এর পর কি করতে হবে, তার পর কি, শুল্লো পড়বার আগে। মাথাটা যেন ভেকুরাম। এবং সে বোধশক্তিও নেই। হাত মুখ ধোয়া, কাপড় ছাড়া, এসব নিত্য রাতের যান্ত্রিক রীতি—তবু—

এমন সময় কাঠের বারান্দায় দুমদাম করে পায়ের শব্দ হল। ছুটে আসছে কেউ। হঠাৎ একেবারে চূপ। আশ্বে আশ্বে দোরে টোকা। মৃদু কণ্ঠে “মাদাম, টেলিগ্রাম।”

তার হাত কেঁপেছিল কি না, পরে স্মরণ করতে পারে নি। শুল্লু একসপেরিমেন্ট করে দেখেছিল বারান্দার স্কীণালোক টেলিগ্রামটা পড়া যায় কিনা। তখন কিন্তু পেরেছিল।

বেচারি জিমি ঠায় দাঁড়িয়ে।

যেই দেখল, শিপ্রার মুখে হাসি ফুটেছে, ভদ্র হোটেলের বেবাক এটিকেট ভুলে গিয়ে চেঁচিয়ে উঠলো, “গুড্‌ নিউজ্‌, ম্যাডাম?”

“থ্যাঙ্কু। হ্যাঁ।” জিমির তিন লম্ফে পলায়ন।

শিলচর থেকে তার। “সাতাশ তারিখে পৌঁচাচ্ছি। কীতা খান।”

চতুর্থ অধ্যায়

শিলঙকে বলা হয়, “হিল স্টেশনের রানী” রাজা কে? দার্জিলিং?

রবীন্দ্রনাথ দুটোর তুলনা করেছেন অতিশয় সঙ্কীর্ণ পরিসরে:

“দার্জিলিঙের তুলনাতে ঠাণ্ডা হেথায় কম হবে,
একটা খদর চাদর হলেই শীত-ভাঙানো সম্ভবে।”

কিন্তু দার্জিলিঙের সঙ্গে তুলনা না করে তারপর শিলঙের যে-বর্ণনা দিয়েছেন তাতে শিলঙের প্রায় কোনো মাদুরিমাই বাদ পড়ে নি। যে পাইন বন শহরে পৌঁছবার বহু আগে থেকেই শুরুর হয়ে যায় সেটাই শিলঙের সব চেয়ে বড় আকর্ষণ। রবীন্দ্র কবিতাতে দু'দুবার তার উল্লেখ করেছেন।

খুব ভোরেই শিপ্রার ঘুম ভেঙেছে। কিন্তু এই পাইন বনের অকল্যাণে—বিশেষ করে যেখানে বনটা নিবিড় ঘন—কবি বর্ণিত:

“এখানে খুব লাগল ভালো গাছের ফাঁকে চন্দ্রোদয়” সেই চন্দ্রোদয়, সুখোদয় শিলঙের বহু জায়গা থেকেই দেখা যায় না। তাই শিপ্রার চোখে পড়েছে, অনেকক্ষণ ধরে ঘন পাইন বনের ছাঁকনির ভিতর দিয়ে গলে আসা প্রদোষের আধা আলোর কেমন যেন সবুজ সবুজ ভেজা ভেজা রেশের পরশ। কিন্তু কানে আসছিল যে—

বাতাস কেবল ঘুরে বেড়ায় পাইন বনের পল্লবে ।

তারই ক্ষীণ ঝির ঝির মধুর, যেন কচিৎ জাগরিত বিহঙ্গ-কাকলী । শিপ্রা কিন্তু পূর্ণ জাগরিত । নিত্য উষার তার সদভ্যাস—প্রথম আলোর চরণধারীর সঙ্গে সঙ্গে সে প্রথম পদক্ষেপ করে শয্যা থেকে ভূমিতে—কলকাতায় শেষের দূর ভোরে করেছে পাদপীঠ পরে । কীর্তি সোনালী নীলের গালায় আঁকা, ঢেউ খেলানো পা-ওলা বর্মা দেশের একটি পাদপীঠ তার অজ্ঞানতে একদিন চূপিসাড়ে রেখে গেছে ।

বেদনার উত্তেজনাতে মানুষ ভব, কিছুটা কাজকর্ম করতে পারে, কিন্তু নির্ভাবনার প্রশান্তি আনে অবসাদ ।

ছোট্ট জানলাটির শাঁসির ভিতর দিয়ে সে তাকিয়ে আছে মাঝারি পাইনের শীর্ষ পল্লবের মূদু আন্দোলনের দিকে, আর হেথা হোথা টুকরো টুকরো নীলাকাশের পানে । ততখানি উপরে উঠতে দেবতার ঢের সময় লাগে । টিলার সানুদেশ পাইন পাতার ছুঁচে আবারিত । এখানে ওখানে সূর্যরশ্মির গোপ্পদ । চিকচিক করে তার পিচ্ছিলতা । কিন্তু সব কিছু মিলিয়ে কেমন যেন একটু সংযমসেঁতে ভাব—মনটাকে প্রফুল্ল করে তোলে না ।...একটি খাসিয়া মেয়ে পিছলে পাইন পাতার উপর পা টিপে টিপে সন্তপণে পাহাড় চড়েছে । মাঝে মাঝে পিছন পানে তাকাচ্ছে । কোথায় যাচ্ছে ওদিকে ? ওখানে কাঠ কাটতে দেয় না । একটা ছোকরা এসে নিচের রাস্তা থেকে ডাকলে ওকে । মেয়েটা কিছু উত্তর না দিয়ে সন্তপণতা বর্জন করে লাফিয়ে লাফিয়ে চললো উপরের দিকে । কীই বা করে ছোঁড়াটা । সেও ছুটলো পিছনে । দু'জনাই অদৃশ্য । অনেকক্ষণ পর নেমে এল দু'জনা, হাত ধরাধারি করে, কিন্তু রাস্তায় নেমে একে অন্যের হাত ছেড়ে দিল । শিপ্রার মনে হল এদের রস আছে—নইলে এত সকালে লুকোচুরি খেলা !

বেয়ারা ভোরের চা নিজে এল । শিপ্রা বিছানা থেকেই বললে, বাইরের ঘরে রেখে যাও । সে সুসংবাদ পেয়েছে, ওকে মুখ দেখায় কি করে । কবির “বিনু” ছিল কমনবসী—তার চিন্তে উদয় হয়েছিল ভাব, বিশ্বসংসারের দুঃখ না ঘোচাতে পারলে তার সেই হঠাৎ-পাওয়া আপন আনন্দ সম্পূর্ণ হবে না । শিপ্রার সে-সাধ হওয়ার কথা নয়, তবু চেনা জনের দৃশিচলতা, তার সামনে বেরোয় কোন মুখে ।

আবার দুমুদাম শব্দের সঙ্গে নিস্তব্ধতা, টোকা, “কাম্ ইন্ ।”

তিনবার “গুড্ মর্নিং” বলার পর উত্তেজনায় ফেটে চৌচির জিঁমি একরাশ খবর দিলে । সেগুলো সংগ্রহ করেছে, কিছুটা বেতার থেকে, কিছু ট্রান্স-তারের কথুর কাছ থেকে, কিছুটা ভিন্ন ভিন্ন জায়গায় সবজালতাদের ফোন করে, ফোন পেয়ে ।

সর্বপ্রথম এবং সর্বপ্রধান সংবাদ। ঢাকার কাল রাত থেকে লেগে গেছে খুন্দুদুয়ার। অন্য কোন্ কোন্ জায়গায় সে-খবর সঠিক কেউ বলতে পারে নি, তবে খুব সম্ভব সব ক্যানটনমেন্ট টাউনে। জোর দিয়ে বার বার বললে, “শিলচর ইজ সেফ—পাকা খবর।”

“কি করে শ্যোর হলে জিঁমি ?”

“গুড লর্ড! আমি আমার ট্রাঙ্ক-বন্ধুদের অতিষ্ঠ করে তুলি নি, সেই ভোরবেলা থেকে, শিলচরের খবর জানাতে?” মুচকী হেসে বললে, “ওরা হয়তো ভেবেছে আমার ফিয়োসে বন্ধি শিলচরে।”

“আরেকটা ইমপোর্টেন্ট খবর, মাই লর্ড, পাক্ আর্মি ইন্ডিয়ান এলাকায় ঢুকবে না—এইটেই ৯৯% রিপোর্টার স্বামীনাথন তো বললে, সে তার লাস্ট শার্ট বেট্ করতে রাজী আছে? অতএব শিলচর ভেরী সেফ।”

“সিলেটের খবর?”

গলা নামিয়ে বললে, “ভালো নয়, মন্দও নয়। তবে স্বামীনাথন জোর গলায় বললে, সে নিজে জানে সিলেটে পাজাবী পাঠান সেপাই অতি অল্প—নেগলিজ্বেল।”

শিপ্রা একটু চিন্তা করে বললে, “দ্যাট্‌স্ ইট। বলা তো, জিঁমি, এখানকার সব চেয়ে সরেস রেডিয়ো-ডিলার কে?”

“গুডেনেস মী! সে তো আমার ইয়ার বরুয়া। নাইস চ্যাপ। কিন্তু ম্যাডাম আপনি টাকা দেবেন না। শুধু দামটা জিজ্ঞেস করবেন। তারপর দেখি তার দৌড় কন্দুর।”

“টাকা না দিলে—”

“দেবে না? মানে? হেভেনস্। ন’টার সময় দোকান খোলে যাকে বলে কারেক্ট টু দি গান।”

“কি দরকার দর-কমার্কাযি করে?”

“প্লীজ, ম্যাডাম। আমাকে অন্তত একটা চান্স্ দিন। আপনি এখন খুশী। লেট মী বী হ্যাপি ওলসো।”

শিপ্রা এখন গুজোব, খবর, ব্রাফ্, প্রপাগান্ডা, সব শুনতেই রাজী।

কাঁটায় কাঁটায় ন’টায় বরুয়ার দোকানে গেল ট্যান্ড্রি করে। সদাঁরজী টাকা, কুমিল্লার যে-সব রোমাঞ্চকর গুল্-ই-বাকগুলির কেছা শোনালে তার কাছে জিঁমির রিপোর্ট সরকারী এশতেহারের মত পানসে, বলে অনেক মীন করে নাথিং, যেন হাওয়ার কোমরে রশি বাঁধা। কোনো প্রকারের ওঙ্কানি শিপ্রাকে দিতে হয় নি। সেদিন ডিকটেটর ইয়েইয়ার কাহিনীই সকল কাহিনীর ডিকটেটর। এমন কি পুচকে ডিকটেটর ইয়েইয়ার তুলনায় দানবকার বড়া ডিকটেটর হিটলারের অতিক্রম রুশ আক্রমণের খবর তাঁর দৃশমন চার্চিল

রুজভেল্ট দুজনাই জানতেন ও স্ত্রালিনকে মুসখানেক পূর্বে সতর্ক করে দিয়েছিলেন। মুসসোলীনির অত্যন্ততর গ্রীস আক্রমণের পূর্বাভাস হিটলার পান নি। আমাদের পুচকে ডিকটের “হেইয়া সাব” কিন্তু কুলে ডিকটেরকে এ-সাবেদে ঘোল খাওয়ালেন। শেখের সঙ্গে সন্ধির কথাবার্তা দিনের পর দিন তিনি যখন চালিয়ে যাচ্ছেন, তখন পশ্চিম পাক থেকে তিনি আনাচ্ছেন টর্নাডো বেগে হাজার হাজার পাঠান-পাজাবী সঙ্গে সঙ্গে দিনের পর দিন। ২৫শে মার্চের দুপুর রাত পর্যন্ত ঢাকার অধিকাংশ লোকই বিশ্বাস করতো, ইয়েইয়া মুজীবের মধ্যে একটা ফয়সালা হয়ে গিয়েছে। সদর (শব্দার্থে “চক্রবর্তী”) ইয়েইয়া দু’একদিনের মধ্যেই ফৈসালার বিবরণ প্রকাশ করবেন। ২৬ মার্চ সকালে ইয়েইয়া ডুট্টো মুজীবের সম্মিলিত হওয়ার পাক্সা এপয়েন্টমেন্ট। ২৫ মার্চ বিকেল পাঁচটায় ইয়েইয়া ঢাকা ত্যাগ করলেন মুজীব এমন কি তাঁর বামহস্ত ডুট্টোকে পর্যন্ত কোনো খবর না দিয়ে। সোদিন সে-খবর জানতে পারলো আঁত অল্প লোকই। খুদ ঢাকা শহরেও। আঁমি অফিসার ইয়েইয়া তাবৎ সিভিলিয়ান ডিকটেরদের শিখিয়ে দিলে একটা নবীন তত্ত্ব। আঁমি ডিসিপ্লিনে যে-কোনো প্ল্যান গোপন রাখা অফিসারদের “ধম”—সিভিলিয়ানের পক্ষে সেটা অপ্রমাণ।

শিলঙ জানতে পেরেছে ২৬ সকালে ধুমধুমারের খবর। যুম্মধারম্ভের পূর্বেই ঢাকার রণাঙ্গন থেকে জঙ্গী লাটের পলায়ন—যথা, দুর্ঘোষনের হৃদয়ে সাহস দেবার জন্য না বাজিয়ে পিতামহ ভীষ্ম যদি চুপিসাড়ে পুপ্পক পেলেনে পলায়ন করতেন, তোবা! তোবা! শুনলেও পাপ হয়—এ-খবর হয় তো লাগে তাক না হয় তুল্লা রূপে কোনো কোনো ফলিত জ্যোতিষী অননুমান করোঁছিলেন। মায়। ড্রাইভার সদরজী হয়তো পূর্বেজন্মে জ্যোতিষী ছিল।

শিপ্রার স্মরণে এসেছে, আগরতলায় মিঞা সাহেবের কথা।

তাহলে শীয়া ইয়েইয়া শেষ পর্যন্ত মহররমের পবিত্রতা বিনষ্ট করে ঐ মাসেই নরহত্যায় লিপ্ত হল।

“ইসলামী পঞ্জিকা”—খানাতে শিপ্রা শনৈঃ শনৈঃ অগ্রসর হচ্ছিল বটে, কিন্তু ঠিক যে স্থলে সংক্ষেপে বলা হয়েছে, মুসলমানী হিসেবে দিবস আরম্ভ হয় সন্ধ্যা থেকে, সূর্যাস্তের সঙ্গে সঙ্গে, সে অবধি পৌঁছয় নি। ২৫ মার্চ দিনটা ছিল বৃহস্পতিবার। কিন্তু সূর্যাস্তের সঙ্গে সঙ্গে আরম্ভ হয়ে গিয়েছে বিশ্ব মুসলিমের “স্যাবাৎ” পবিত্র জুম্মাবার, শুক্ৰবার। কর্তুর শীয়া আরম্ভ করলেন তাঁর নরহত্যা শীয়া সন্নী উভয় সম্প্রদায়ের পবিত্র জুম্মাবার রাত এগারোটায়, সন্নীর কাছে পবিত্র, শীয়ার কাছে পবিত্রতম মহররম মাসে!

শিপ্রা দোকানে ঢুকে বেছে নিল সবচেয়ে ভালো বেতারবন্দ—পরের মুখে ঝাল না খেয়ে সে স্বকর্ণে শুনতে চাইল ঢাকা, কলকাতা, পিণ্ড, বিবিসি এবং জোরদার বিদেশী স্টেশনগুলো। দাম শূনে শূধলো সর্বোত্তম এরিয়ালের

সরঞ্জাম বরুয়ার লোক হোটেলের ফিট করে দিয়ে আসতে পারবে কি না, তার চাই আজই, এখনই। বলতে না বলতে জিমি এসে উপস্থিত। মাদামকে আরেক দফা সুপ্রভাত জানিয়ে তাঁকে বললে, “আপনার সেট পছন্দ হয়েছে? গুড! এবারে আপনি সেটটি সঙ্গে নিয়ে যান, আর এই লাগিয়ে দিচ্ছি ষাটা দুয়েকের জের মোস্ট টেম্পরারি একটা এঁরিয়েলের তার। তারের অন্য প্রান্তটা কোনো একটা জানলা দিয়ে বাইরে ঝুলিয়ে দেবেন। দাঁড়ান, এই আমি ১০ মিটারে লাগিয়ে দিচ্ছি নীডলটা। ডাইনে বাঁয়ে ওটাকে সামান্য নাড়লেই পেয়ে যাবেন এঁবিস, আই মীন অস্ট্রেলিয়ান রডকাপিং কোম্পানি না করপোরেশন কি যেন? মিনিট পনেরো পরেই পেয়ে যাবেন নিউজ বুলেটিন। ইন্ডো-পাক খবর বিতরণে এরা প্রায়ই বিবিসিকে কানা করে দেয়। টাকা? সে আপনি আমাকে বরুয়ার নামে চেক দিয়ে দেবেন একাউন্ট পেট্রি। অবশ্য সেটা পছন্দ হলে। নইলে আজ বিকালে আমি বরুয়ার সেটটা—বেসট্ ইন্ দি ট্রিস্টো অব সুয়েজ, মাদাম।” বলে সেট তুলে নিয়ে চলল মাদামকে আধা বোটের মত পিছনে পিছনে টেনে।

প্যারিসেট অব্ দি প্যোর অহম সন্তান বড়ুয়া সমস্তকণ দূকান-ছোঁয়া মূদু হাস্য, তৎসহযোগে ঘাড় নেড়ে নেড়ে, “অফ কোস্”, “সার্টে’নলি”, “টাকার কথা কে তুলেছে?—নট মী,—বহক্, ম্যাডাম, বহক্, চেয়ারতায় বস্টে আজ্ঞা হোক” মূদু কণ্ঠ বলে যাচ্ছে তো বলেই যাচ্ছে। শিপ্রা দূ’একবার আপাতি তোলবার চেষ্টা করে হাল ছেড়ে দিল।

প্লাগে কনেকট করতে আর তার লটকাতে ক’ মিনিট লাগে। নীডল একটু ছুঁতে না ছুঁতেই মেলবার্ন গাঁক্ গাঁক্ করে উঠলো, এঁরিয়েলের উম্বাহু বামন বেতারের কল্যাণেই। হাঁতমধ্যে দেখতে পেল এসে গেছে অহম দেশের গভীরতম অরণ্যের গগনচুম্বী বংশাবতংশম্বর। এ-হেন এঁরিয়েল দিয়ে কটকের চিঁউ চিঁউ মিঁউ মিঁউ থেকে টোকিয়োর গাঁক্ গাঁক্ শোনা যাবে পরিষ্কার—দাঁত মুখ খিঁচিয়ে স্পীকারে কান না সেঁটেও!

সমস্ত দিন কাটলো শিপ্রার এ স্টেশন ও স্টেশন শূনে শূনে।

বিশেষ করে কলকাতার ডি সি বেতার রিসেপশন এতই পীড়াদায়ক যে, সে সেখানে তাদের যন্ত্রটাকে কয়েক মাস নাড়াচাড়া করে একদম তাল্যাক দিয়েছিল।

এখানে কী লাক্!

প্রথম সম্মুখোতেই, পিঁণ্ডি থেকে নীডল একটু সরে যেতেই শিপ্রা শূনতে পেল পরিষ্কার যদিও ষ্বেং মূদু কণ্ঠ, “ইসি পারি, ইসি পারি।” “এখানে প্যারিস এখানে প্যারিস, মেদ্-মোয়েজেল, মেদাম—”

শিপ্রা মহ্যমান! কত বর্ষ, কতকাল পরে সে শূনতে পেল সেই প্রাচীন! শূনের নিত্যদিনের সঙ্গী “ইসি পারি, ইসি পারি।” সংবিৎ হারিয়ে—প্যারিস

দিচ্ছিল খবর—সে-কথা কইতে লাগলো প্যারিসের সঙ্গে—“উই উই—হ্যা হ্যা, মে সার্ভেঁনমা—নিশ্চয় নিশ্চয়—” তারপর কি একটা অনিবার্ণ দুর্ঘটনার সংবাদে “মে ক্য ভুলে ভূ—আহা, তার আর কি করা যায়—” ফ্রান্সবাসী যে কোথাকার কোন এক কনফারেন্সে তাদের ফরেন মিনিষ্টার যাচ্ছেন না শুনেন মোটেই বিচলিত হয় নি—শুনে শিপ্রা ঘাড় গর্দান প্রাণ করে মুখ বেঁকিয়ে বললে, “জ্য মা’ ফু আসি—আম্মো খোড়াই কেয়ার করি।”

কে যেন দরজার নক্ করলো। শিপ্রা তখন প্যারিসে।

“আঁয়ে, সিল্ ভু প্লে—ভিতরে আসুন প্লীজ। যেই দেখলো ঢুকেছে সেই জ্বোয়ান সিলেটী বেল্লারা, অর্মান কোথায় মিলিয়ে গেল প্যারিস! একটা ফুঁতে নিভে গেল পিদিমটি। অন্ধকার ॥

পঞ্চম অধ্যায়

শিপ্রা ইংরিজ, ফরাসিস, বাঙলা বন্ধুতে পারে ভালো, কিছটা হিন্দী।

সকালে মেলবান্ হতে যাত্রা আরম্ভ করে পিঁণ্ড, দিল্লী হয়ে বির্ভিস, দুপপুরে জর্মানির কলোন, সন্ধ্যায় প্যারিস। সর্বশেষে চীন আর রাশা। ইতিমধ্যে হয়তো উটকো আজরবাইজান থেকে শুনলো ফরাসিতে কিংবা ভয়েস অব্ আমেরিকা থেকে বাংলাতে।

ফলে সব কিছ্ গেল ঘুলিয়ে। পরে কিছ্তেই মনে পড়লো না স্বাধীন বাংলা বেতারের বাক্যস্ফূর্ত হইছিল কোন দিন, আর, ঢাকা বেতার লীগ-প্রেমীদের হাত থেকে খানরা ছিনিয়ে নিল কোন সময়ে—ছাঁশ্বশের সকালে। বস্তৃত ঠিক সে-সময় শিপ্রা বেতার কিনতে বাজার গিয়েছে। তবে তার ভাসা-ভাসা একটা ধারণা হইছিল, খানদের অমানুষিক অত্যাচার এবং পার্শ্বিক বর্বরতার সর্বপ্রথম সংবাদ দেয় এঁবিস।

শেষ পর্যন্ত শিপ্রার হৃদয়ঙ্গম হল, বিস্তর স্টেশন শুনেন বিশেষ কোনো লাভ হয় না। পণ্ড পাণ্ডবের চেহারা হুবহু এক রকমের হলে দ্রৌপদী নিশ্চয়ই আপত্তি জানাতেন। এম্বলে গোটা পাঁচ—বির্ভিস, মার্কনী এবং গোটা দুস্তিন, একুনে ওকীবহাল পণ্ড স্টেশন বিস্তর মেহমৎ ও দেদার পয়সা ঢেলে খবর সংগ্রহ করে; বাদবাকি কুলে দুনিয়ার বৃড়ি বৃড়ি স্টেশন এদের সঠিক সার্টিফিকেট প্রাপ্ত কার্বন নন বটে কিন্তু ঐ পণ্ড পাণ্ডব প্রদত্ত সংবাদের বিভিন্ন রকমের ঘ্যাঁট বানিয়ে বিতরণ করে। শিপ্রার এত প্যারা যে “ইসি পারি” তিনি পূব বাঙলা বাবদে প্রায়শ উদাসীন কিন্তু যখন নিশ্চয় করতে চায় তখন বির্ভিসের মত পিন-পিনিয়ে শ্যাম-কুল রক্ষা না করে, দ্যায় চুটিয়ে গালাগাল এবং মাঝে মাঝে একটা

হুলো আর মেনী বেড়াল গালগল্পের মাঝখানে এমন সব বর্ডার-ছোঁয়া আদি-রসাত্মক মাল ছাড়ে যে আমাদের এক্স-প্যারিসিনী শিপ্রা ভিন্ন—মেয়ে নয়—যে। কোনো পুরুষেরই পিলে চমকে উঠতো।

“লিবের্তে, লিবের্তে তুজুর লা লিবের্তে।”

কোন বেতার কতখানি “লিবের্তে” উপভোগ করে সে প্রশ্নটা শিপ্রার মনে আবার উদয় হল। বছর কয়েক আগে সে পাক-ভারত লড়াইয়ের সময় বন্ধু-বান্ধবের বাড়িতে আর-সবাই শুনতে চায় বলে সেও সজ্জ দিয়ে কয়েকবার বিবিসি শুনোঁছিল। এখন মাত্র দুর্দিন—অবশ্য বেশ বার কয়েক—বিবিসি শুনে তার মনে হল দারিহিবোধ মাত্রাধিক বেড়ে যাওয়ার ফলে সে ক্রুবী হয়ে যাচ্ছে। আধা-ফর্সা সুন্দরীর আপন ফর্সাত্ব বাঁচানো সম্বন্ধে দারিহিবোধ যখন বহু বেশী বেড়ে যায় তখন সে যেমন রোদ্দুরে বেরতে চায় না। চিন্তা করে শিপ্রা সিঁধ্যান্ত করলো, এখন বিবিসির মূল্য নোঁতিবাচক। অমুক গুরুত্বপূর্ণ নিউজ-আইটেমটা পূর্ব পাকের প্রতাবেশী বর্মা বেতার দিয়েছিল সকালবেলা, সৌদিন তো নয়ই, পরের দিনও বিবিসি সেটা উল্লেখ করলো না, এমন কি বর্মার বরাত দিয়েও না। অতএব খবরটার সত্যতা সম্বন্ধে সন্দেহ করার যথেষ্ট অবকাশ আছে।

ইতিমধ্যে পশ্চিম পাক বেতার যে একটাই রেকর্ড অনবরত, কিবা দিন কিবা রাতি, বাজিয়ে চলেছে—তার ধূলা “তামাম পূর্ব বাঙালময় অখণ্ড শান্তি, অপার নিরাপত্তা।” ঐটা যে হবে সে তো নিতান্ত স্বাভাবিক। পৃথিবীর সর্বশ্রেষ্ঠ প্রপাগান্ডা বিশারদ হের ডক্টর গ্যোবেল্‌স্‌ও শেষ পর্যন্ত আপন প্রপাগান্ডার হাড়কাঠে মূণ্ডুটি হারালেন। “বালিনের পতন কখনো হবে না,” “বালিন কম্বিনকালেও পরাজিত হতে পারে না” এ জিগির তিনি শত শত বার শুনিয়েছেন বেতারে, বিশেষ বিশেষ বুলেটিনে, মার্চ ম্যাজিকের তেজিয়ান তাল-লয় সহ, বলীয়ান রণদামাদা সহযোগে বিশ্বাসী অবিশ্বাসী বালিন নাগরিকদের—আজ যে-রকম হুবহু “পৃথিবীতে শান্তি অন্তরীক্ষে শান্তি” জিগির গাইছেন ‘চোটা’ ডিক্টেটর ইয়েইয়া—বালিন পতনের পূর্ব মূহুর্তে সেই কাপ্তান গ্যোবেল্‌স্‌ নিমঞ্জমান বালিন-মান ওয়ারী জাহাজ থেকে খালাসী লক্ষরকে আপন আপন নদীবের হাতে সমর্পণ করে এক লাফে লাইফ-বোটে আশ্রয় নেন কি করে? সে তো অনেক দূরের কথা—ইয়েইয়ার তরে, এখন। এখন তার জীবনপৃথিবী নয়া পাতা সে উল্টিয়েছে মাত্র। কিংবা সে নব-বর। আতশ বাজীর ফাঁকা আতশ—আগুন নয়, উৎসব-বাহি দাউদাউ করে জ্বলছে, জ্বালাচ্ছে হাট-বাড়ি, মন্দির-মসজিদ। কাঁচা বাঁশের খুঁটি আগুনে ভেতে উঠে যে বিকট শব্দ ফেটে উঠছে তার কাছে কোথায় লাগে পাঠানের বিয়েতে রাইফেলের ফাঁকা আগওয়াজ?—লোকে বলে ইয়েইয়া পাঠান, আসলে সে শীয়া দারওয়ান গুলির ছেলে, জাতে কিঞ্জলবাশ, পাঠান কুত্রাচ শীয়া হয় না। বিয়ের বর্ণ লাল, লালে

লাল, রক্ত লাল। আবিবর আর পিচকারী মারার তরে লাল রঙের কী প্রয়োজন? —মোগল ছবিতে হোলির দিনে, বিয়ের সাঁঝে পাঠান মোগল হারেম-মহিলারা পিচকারি দিয়ে টকটকে সুগন্ধি লাল জল—সুখ্-আবু মারতেন একে অন্যের তনুদেহে—এন্তের মোগল তসবীয়ে আছে, মুসলিনের দুপাট্টা, সোনার চূর্মাকিদার উঁড়িঘ্যার ফিলিগিরি রূপোর তার আর রেশমী সুতোয় বোনা সর্দারিয়া ভেদ করে সিস্ত করে দিয়েছে শূভ্র ফেননিভ সিত কুণ্ডলিকা। নৃত্যের তালে নীবিবন্ধ শিথিল হতে শিথিলতর হয়ে উন্মোচিত করে দিয়েছে নাভিপদ্ম। লক্ষ্য ভেদ করো, মারো পিচকারি, হে হারেমরাজ নটবর ইয়েহিয়া মরমের শূক্কে রাত। কি রক্তরাগরঞ্জিত বারি আর নেই!

কি ভাবনা তব ওহে সৈনিক,

হোয়ো নাকো মিয়মাণ!

না, না, না—স্ফটিকাধার থেকে শিরাজের লাল পানি নিছো কেন, রসরাজ। যদি তুমি এখন ঢাকেশ্বরীর প্রসাদাৎ প্রাসাদে দুর্বার স্ফুধাবার নির্মাণ করে থাকো তবে আনাও না রক্ত, জোয়ানদের তাজা খুন, রমণীদের অঙ্গরক্ত। বুদ্ধীগঙ্গার পানি তো ডুবে মরেছে উপরের রক্তস্রোতের চাপে। কোনো লাস্যবতী ন্যাকরা করে বলতে পারবে না, বঁধু রং দিয়ে না গায়।

তুমি তো দিচ্ছ রক্ত। ড্যাম ইয়োর রং!...

সাতাশে মার্চ শিপ্রা ধীরপদে গেল রাত এগারটার হলঘরে। উইলসন মাস্টার ছোট্ট একটা কমজোর বাল্ব ছাড়া, সবকটা আলো নিভিয়ে বিমুছে। যেন ঘিয়ের পিদিমের আলোতে একটা বাচ্চা ছেলে ঘুমুছে। কোনো প্রকারের শব্দ হলেই সে তড়াক করে লাফিয়ে উঠে নিদ্রালু ভাব কাটবার আগে থেকেই জপ করতে আরম্ভ করে, “ইয়েস্ প্লাজ! হোয়াট ক্যান আই ডু ফর ইউ!” কিন্তু শিপ্রা এসেছে অতিশয় নিঃশব্দে। এবং তার পায়ে দিল্লীর বিদ্রী মোরান মহজার সেলিম-শাহী—এর সোল নাকি তৈরী হয় চামচকের ডানা পিটে পিটে; সত্য নির্ণয় কঠিন। শিপ্রা দুই হাত আড়াআড়ি বিছিয়ে তার উপর বৃকের ডর দিয়ে চুপসে দাঁড়িয়ে রইল। দেখাছিল, সরল কিশোরের তন্দ্রা তার মূখচ্ছবি কী মধুর আর সরলতর করে দিয়েছে। এ-রকম আদুরে আদুরে মূখ থাকলে কী কিশোর, কী যুব্বা, কী শিশু সবাইকে কণ্টনেণ্ট বলে “মাদারজ্ ডালিং” “মায়ের দুলাল”।

এক সময় জেগে উঠবেই। খড়মড়িয়ে দাঁড়িয়ে “গুড্—” সম্পূর্ণ করার পূর্বেই শিপ্রা শূন্যধোলে, “জিঁমি, সে, ইউ গট ব্য্যান্ড, কন্যাক্—ফ্রেশ্?”

জিঁমি থ। ইনি অবশ্যই সোসাইটি লোড। এ'র চতুর্দিকে যে আবহাওয়া সে তো সোসাইটি লোডিরই উপযুক্ত, এবং সেও ইলিয়ট রোডের প্রাচীন দিনের এ্যাংলো—মদ্যের সঙ্গে শিশু বয়স থেকে তার পরিচয়—তবু এ লোডির সঙ্গে

কন্যাক্ কেন, ব্যাণ্ডের ফৌটা পর্যন্ত খাপ খাওয়াতে পারলো না। যে রকম তার ড্যাড। পাল-পরব ভিন্ন তাকে সে কখনো সে-পাশ মাড়াতে দেখে নি।

জিমি : “সার্টেনলি, সঙ্গে সোডা না প্লেন্ জল ?”

“সোডা আর জল দুইই। আর দুটো ওয়ান প্লাস নিয়ে আসবে, সঙ্গে করে ? কিন্তু ব’ দিয়ো—ইয়াল্লা—কাউণ্টার সামলাবে কে ?”

“কী যে বলেন, মাদাম ! বেয়ারা রেখে যাবো। সে ডেকে দেবে। কিন্তু এখন তো বড় কিছ্ একটা কাজ থাকে না।”

শিপ্রা কটেজের ড্রইংরুমে জিমিকে মুখোমুখি বসিয়ে “হিয়ার ইজ লাক !” বলে জিমির গেলাসে আপন গেলাসের সঙ্গে টক্কর লাগিয়ে টুং করে ধ্বনিতরঙ্গ জাগালে।

জিমির বয়স কম হলেও বড় হোটেলের রেসেপশনিস্ট্ রূপে তার অভিজ্ঞতা হয়েছে বহু বিচিত্র এবং প্রচুর। সে তাগড়া জোয়ান, চেহারা মিষ্টি মিষ্টি, সববাইকে আপ্যায়িত করতে হামেহাল তৈরী। বিশ্বর চা-বাগানের মেমসায়েব, নেটিভ মেমসায়েব, সোসাইটি লেডি, মার্কিন টুরিস্টিনী হিল স্টেশনে আসে নিছক যৌনক্ষুধা পরিতৃপ্ত করতে। তাদের ভিতর আবার গড্ ডাম্ পাভার্ট্। কলকাতায় পুরুষরা বড় বড় হোটেলে ঢলাঢাল করেন। শঙ্কর তাঁর ব্যাঙগত অভিজ্ঞতা থেকে সে-নাটকের অত্যন্তম বর্ণনা এবং নিতান্ত নৈর্ব্যক্তিক পঙ্খিততে যে রস সৃষ্টি করেছেন, সেটি গোড়জন আনন্দে করিছে পান সধুধা নিরবধি। অবশ্য ঢলাঢালির জন্য রমণী দরকার। অভএব তেনারাও আছেন, কিন্তু সেখানে তারা প্যাসিভ উপাদান মাত্র, যেমন হুইস্কি। কিন্তু বোম্বাই কলকাতাতে যৌন-ক্ষুধাতুরা রমণীরা সক্রিয় স্বাধীন পঙ্খিততে রতি-সখার সঙ্গসুখ উপভোগ করার জন্য বড় বড় হোটেলের “সন্ধ্যাবহার” করতে ঈষৎ কুণ্ঠিত হন। ফলে বংশানুক্ৰমে এঁরা যে অভিজ্ঞতা সঞ্চয় করেছেন সেটা বহুবধ পথ আবিষ্কার করেছে। তার মধ্যে দুটি পন্থা উৎকৃষ্ট। জাহাজে করে দরিয়ায় দরিয়ায় ভাসতে ভাসতে নব নব যৌনাভিজ্ঞতানন্দ সঞ্চয় অত্যন্তম বটেক্, কিন্তু যদি অত্যধিক, সহ্যাতীত উৎকট উচ্ছ্বেলতার দরুন সৎকট দেখা দেয়—যদিও এশ্লে পরিষ্কার বলে রাখা ভালো, এ-সব টুরিস্ট জাহাজের অধিকাংশই ইহভুবনে সর্বজনবিদিত, সমর্থিত “জলচর সোনাগাছি”—সোনাগাছিকে অপমান করা এ-পুস্তকের উদ্দেশ্য নয়—তখন কাপ্তেনের আদেশে কাট্, আউট্, কেবিনে রুখাবস্থা থেকে সে রমণী মূক্তি পায় কি প্রকারে ? অথচ প্রতি রাতে কোটিপতিনীর অসহ্য প্রয়োজন একটা তাগড়া জোয়ানের, কোনো কোনো স্থলে একাধিক। কথিত আছে, রাশার জারীনা কাতেরীনার জন্য প্রতিদিন নিত্যনূতন গার্ড্ অব অনার উপস্থিত রাখা হত, নিত্য নবীন বলিষ্ঠ প্রিয়দর্শন আর্মি-অফিসার দ্বারা নির্মিত। মহারানী ফাইলের সম্মুখ দিয়ে ধীরপদে যেতে যেতে থাকে সে-সম্ম্যার নর্মসথা রূপে

উৎকৃষ্ট মনে হত তার দিকে এক মুহূর্তের শতাংশেক মাত্র চোখের একটি ঝলক বুলিয়ে দিতেন। মহারানীর সহচর বয়স্যের তীক্ষ্ণ দৃষ্টি ক্ষুরধার আসিকে এক কটাক্ষে স্মিত করত পারতো। মানুষ মাগেরই দ্রাবিড় হয় এ-প্রবাদটি বক্ষ্যমাণ বয়স্যের ক্ষেত্রে নিতান্ত অপ্রযোজ্য। যমরাজ সম্বন্ধে সুপ্রচলিত গল্পটির “ট্রাজেডি অব্ এরর” তিনি কুত্রাপি কদাচ ঘটতে দেন নি—কিংবদন্তী সেই-বিষয়ে সর্বশেষ সোচ্চার।

কিন্তু মার্কিন কোটিধারিণীরা যা-ই করুন না কেন, জারের আর্মি অফিসারদের মত বিশ্ববাহাই সুদর্শন যুবক সংগ্রহ করা তাঁদের পক্ষে অসম্ভব। কারণ জারের আর্মিতে বা রাজদরবারে প্রবেশ করার গৌরব তথা অর্থলাভার্থে পৃথিবীর প্রায় সব দেশ থেকে বাছাই বাছাই সুদর্শন, দুঃসাহসী, ভদ্রাচার-সম্পন্ন যুবক আসতো সেন্ট পীটারসবার্গে, মস্কোতে। রুশের কালিদাস কবি-সম্রাট পুশকিন-এর মাতামহ মূলত ছিলেন আর্মিসীনিয়ার হাবশী—পীটার দি গ্রেটের ফোজে তিনি জেনারেল পদে উন্নীত হয়েছিলেন। আজ কী নিকসন, কী মাও সে তুং এ-সম্মেলন করতে অক্ষম। ন্যাশনালিটি তার বিষফল পাসপোর্ট—স্বদেশে আপন নাগরিকতা না হারিয়ে ভিন্ন দেশের ফোজে ঢোকা আজকাল প্রায় অসম্ভব। শ্রীসুভাষের ফোজ হিটলার বা মিকাদো-ফোজের অঙ্গরূপে শপথ নেন নি। এ-তত্ত্বটির প্রতি পাঠকের দৃষ্টি আকর্ষণ করি, কারণ বাঙলাদেশের মুক্তি সংগ্রামের পূর্বে ও পরে এ-সমস্যা দেখা দিয়েছিল।

অতএব মার্কিন কোটিধারিণীরা বিশ্বপরিভ্রমণে বেরোন প্রাকৃতিক সৌন্দর্য, সভ্য অসভ্য নানা সৌন্দর্য উপভোগ করতে। হিল স্টেশনে অর্ধসভ্য, পূর্ণ অসভ্য সর্বশ্রেণীর মানুষ সুলভ। এঁদের অনেকেই অতিসভ্য ককটেল, মাদ্যাদিক মার্জিত পুরুষসঙ্গ সর্বাধুনিক নৃত্য অত্যধিক উপভোগ করার ফলে এ-সবের তরে সোমাদ রুচি হারিয়ে ফেলেন। তাঁরা তখন বোরোন প্রকৃতির স্থানে। সভ্যতা স্বারা অকুলমুগ্ধিত তরুণ-তরুণীর স্থানে—যারা পূর্ণিমা রাতে গাঁয়ের ওছাট্ট নদীটির পারে পারে বাঁশী বাজিয়ে প্রিয়াকে জানায় আহ্বান, প্রকৃতিদত্ত তার দেহটি মনুষ্যানিমিত্ত কোনো উপাদান স্বারা কলংকিত না করে তরুণী নিমঞ্জিত করে আছে তার দেহবস্তুরীতি বরণাধারার স্বপ্নমণ্ডল বালুচরের উপর। পূর্ণচন্দ্রের উজ্জ্বল রৌপ্যালোক তার ঘনকৃষ্ণ চিক্কণ মসৃণ চর্মে বার বার আঘাত হেনে চতুর্দিকে বিচ্ছুরিত হচ্ছে।

হিল স্টেশনের সবচেয়ে বড় আকর্ষণঃ সমস্ত রাত ধরে পাহাড়ীদের সঙ্গে নৃত্যগীতে টুরিস্ট মগ্ন হলেন, লুকোচুরি খেললেন, সমতলভূমি হলে ছোট্ট নদীটিতে জলকোলি করলেন, ওদের হোম মেড্ বিয়ারে ধক্ অত্যল্প বলে বে-এক্সেলার হলেন না, ওদের আচার-ব্যবহার কান্দা-কেতায় খাপ খাইয়ে নিশিচছ হয়ে যেতে পারলে ওরাই অর্থাধর (ঠিক শব্দ নয়, যেন ভিন্ গাঁয়ের জাতভাই)

নিঃসঙ্গতা সহিবে না, গা ঘেঁষে বসে এমন এক বলা-না-বলার ভাষায় ভাবে: আদান প্রদান করবে, আভাসে ইঙ্গিতে মৃদুহাস্যে লজ্জাবনত নয়নে কত না না-বলা-বাণী দিলে ভিনদেশীকে সম্পূর্ণ আপন করে নেবে। সখীরা কখনো কাছে এসে, কখনো দূরের থেকে সাহাসিকাকে গানে-গীতে সঙ্গ দেবে, আর কখনো বা অশরীরীগীর মত নিশ্চিন্ত হয়ে যাবে।...পক্ষান্তরে তাঁতের ঘরে বলদ টোকায় মত রামপেঁচা গাড়লস্য গাড়ল কোনো কোনো টুরিস্ট ইন্ডাস্ট্রির মতো বেমজ্জা জেব থেকে নোন্টের তাড়া বের করে সঙ্গিনীর হাতে ঠাস করে চড় খেয়েছে এ হেন বিপর্ষয়ও অবিদিত নয়। এবং মাঝে-মাঝে শ্রাম্ধারম্ভ হয় সেখানেই। পরের দিন পাহাড়ী বেয়ারাদের ঠোঁট-কাটা-কোনো-একজন কাহিনীটি কীর্তন করে অন্য বেয়ারাদের কাছে এবং ক্রমে ক্রমে সেটা লেফাফা-দুরন্ত ক্রাবেও পৌঁছে যায়। এ-পারিস্থিতিতে মাঝদারিয়ার জাহাজ থেকে নিষ্কৃতি কোথায়? হিল স্টেশনের সেই তো সুবিধে। চলে যাও অন্য কোনো স্টেশনে। “বেটার লাক্ নেক্‌স্‌ট্ টাইম এট্ নেক্‌স্‌ট্ প্লেস, ওল্ড বয়, ও রডোয়া।”

রাত তো কাটলো প্রকৃতির অক্লুষ বাতাবরণে আনন্দঘন চৈতন্য থেকে চৈতন্যান্তরে।

দুপুরে টুরিস্ট ফের সভ্যতার উচ্চতম শিখর আরোহণ করবে, অর্থাৎ ঝকঝকে চকচকে উচ্চ দণ্ডাসনে বসবে পেতল, স্টেনলেসের বার-এর সম্মুখে। বার-এর থাকে থাকে স্ফটিক পাত্রে বিচ্ছুরিত হচ্ছে নানা বর্ণের রশ্মিছটা। বার-মেড্ হেথায় মেড্ অব্ লিপস্টিক, রুজ্, ম্যাসকারা মাথানো আঁখিপঞ্জব; ভুরুর স্থলে দুটি বস্কম রেখা যেন অনঙ্গ বিহঙ্গ এই একদুই দুটি বিস্তৃত পক্ষ সামান্যতম কম্পন লাগাতে না লাগাতেই বিলীন হয়ে যাবে দিকচক্রবালে। মাথায় প্রতিদিন নিত্য নবীন কবরী। কভু বা বাবুই পাঁথর বাসা, কভু বা রেমস্ট্রাণ্টের আঁকা বিদেশী সদাগরের পাগাড়-পারা, কভু বা মুন্ডুটা যেন আস্ত একটা টী পট—তার উপরে বাসিয়ে দিয়েছে ভুটানী টী-কোজি।

উত্তম উত্তম পানীয়। দূর থেকে ভেসে আসছে, বিলিতি বাদ্যের বাজনা। দু' চক্র শাটশে বা পেনশনারদের মত মন্হরগতিতে সম্মুখপানে মার্নিং ওয়াক, মন্হরতর গতিতে প্রত্যাবর্তন—ল্যামবেৎ ওয়াক।

কিন্তু বেচারী জিঁমি সভ্যতার এ-প্যাটার্নের সঙ্গে নিজেকে কখনো খাপ খাওয়াতে পারে নি। চা বাগিচার রম্ভী থার্ড ক্লাস ইংরেজও যে ভিতরে ভিতরে তাকে “এ্যাংলো” বলে তাচ্ছিল্য করে সে সেটা আট বছর বয়সে প্রথম স্কুলে গিয়েই টের পেয়েছে, পরে অপমানিত বোধ করেছে, এখন অনেকটা সয়ে গিয়েছে। কারণ “বিজনেস ইজ বিজনেস,” খন্দেরকে সন্তুষ্ট করতেই হবে, হোক সে পাঁড় মাতাল, লম্পট ইংরেজ, হন তিনি মার্কিন লক্ষ ডলারের মালিক—

সেইখানেই তো সংকট। সে বড় হয়েছে তার কটুর প্যারিটান পিতার হাতে। তার মনে কোনো শি্ষা ছিল না যে হোটেল বার-এ যে সভ্যতার প্যাটার্ন বিরাজ করে সেটা খৃষ্টানদের কলঙ্ক। কারণ এ-সব নারকীয় উচ্ছৃঙ্খলতা এদেশে প্রবর্তন করে ইংরেজ এবং তারা খৃষ্টান।

তদুপরি জিমির চেহারাটি যেমন মধুর—হাসলে দু'পাটি দাঁত বলমালিয়ে ওঠে—শরীরটাও তেমনি দড় মজবুৎ। সন্দুমাগ তার কাঁজ কতটা চওড়া একবার তাকিয়ে দেখলেই হয়, বুকের পাটা থাক্। মার্কিন টারিস্টিনীদের কেউ কেউ সর্বভূক, দূরের অনেককে নিকটতম বন্ধুরূপে পেতে চান। ঠেকাবে কি, কে? ডলার নেই?

একথা সত্য যে ম্যানেজার, প্রোপাইটারের ইচ্ছা এটা নয় যে জিমি অনিচ্ছায় হোটেলের বেসরকারী 'জিগোলো'—পুং বেশ্যা—রূপে মার্কিন মহিলাদের সঙ্গ দিক। অবশ্য এটাও সত্য, ব্যাপারটি জ্ঞানাজানি হয়ে গেলে হোটেলের কিছুটা বদনাম হবে। সেটা তাদের স্বার্থবিরুদ্ধ। পক্ষান্তরে জিমির অনমনীয়তায় ক্রুদ্ধ হয়ে কোন মার্কিন যদি পরদিন জিমির বিরুদ্ধে উল্টো-পাশটা অভিযোগ আনেন সেটাও হোটেলের সূখ্যাতিকে ক্রান্ত করে—আর জিমির পক্ষে ভয়াবহ সংকট।

হোটেল-ম্যানেজারকুল উকীল ডাক্তারের চেয়েও বহুদর্শী। ম্যানেজার জানে অভিযোগ মিথ্যা।

তাই এহেন উভয় সংকটে ম্যানেজার মাত্রেরই মুখে মাত্র একটি বুলি, "ট্যাক্ট, জিমি, ট্যাক্ট। একটুখানি ট্যাক্ট দিয়ে ম্যানেজ করো না কেন? তোমার কি দরকার, জানো, জিমি? আরেক আউন্স ট্যাক্ট!"

ব্যাপারটা ট্যাক্টের সীমা প্রিসীমানার ওপারে সেটা জিমি সর্বস্তর বুলিয়ে বলেনি—কক্খনো। তার যথেষ্ট ট্যাক্ট আছে বলেই সে জানে, বলাটা হবে ট্যাক্টলেস। ম্যানেজারকে আহম্মুক বানিয়ে তার লাভ? সব জেনে বুকেও তাঁর আত্মসম্মানে লাগবে চোট। তাই সেটা হবে মোক্ষম ট্যাক্টলেস। হুঃ ট্যাক্ট? হিটলারকে বললেই হত, "একটুখানি ট্যাক্ট খর্চা করলেই তো স্থালিনগ্রাদের লড়াইটা জিততে পারতে!"

এবং ম্যানেজার সেটাও বুঝতে পারতো, দু'তিন দিন পরে অকারণে তার পিঠ চাপড়ে বলতো, "উয়েল, জিমি, জীবনটা কি রকম? হাও ইজ লাইফ?"

এই হোটেলের চাকরিতে জিমির এ-রকম অভিজ্ঞতা পূর্বে কখনো হয় নি।

চাকরির দৈনন্দিন জীবনে আপিসে হোটেলের দোকানে চাকুরের ক্ষুদ্র সূখ-দুঃখ আছেই। এই যে ম্যানেজার এ্যাম্বড়া তনখা পায় তাকেও তো জীবিতাকলের ভিতর দিয়ে যেতে হয় প্রতিদিন। তবে হ্যাঁ, কারো কলটা বস

ভারি, কারোটা অপেক্ষাকৃত হালকা।

এ-রকম ধারা রাত এগারোটায় তাকে এতদিন কোনো টুরিস্ট দূটো-গেলাসসহ আহ্বান জানানো মাত্রই—বস্তৃত জানানোর পূর্বেই সে গোর্ফ দেখতে পেতে—জানানোর পর শিকারি-বিড়ালসমূহ। “ডিউটির সময় আমাদের ড্রেক-বারণ” “৩২ নম্বর অপেক্ষা করছেন টোকিও থেকে একটা ট্রাঙ্ক-কল ; আমাকেই কানেক্ট করতে হবে” দুনিয়ার কুলে সত্য কারণ, মিথ্যে অজুহাত, দুটোর ককটেল আঁছলা—এটা অবশ্য এখনো পরখ করে নেয় নি—“আবহাওয়া দপ্তর এখন দুনিয়া খবর দিয়েছে, কাঁটার কাঁটার এগারোটা দশে আমাদের হোটেলের দারুণ ভূমিকম্প হবে। সেটা সামলে নিয়ে, এই এলুম বলে, ম্যাডাম।” প্রায় সব-কটাই এস্তেমাল করেছে জিমি,—এখন তার রেস্তো তলানিতে খতম খতম করেছে—এক কড়ির ফায়দা ওঠাতে পারে নি।

আজ এই তার জীবনে সব-প্রথম দুটো গেলাস সে নিভিয়ে—না, নিভিয়ে নয়—বড় তৃপ্তি আর আশা পূরণের দৃঢ় আশ্বাস নিয়ে এসেছে। ডিউটিতে, বাইরে, বাড়িতে—না, বাড়ি বলতে হতভাগার প্রায় কিছুই নেই, “গৃহে মাতা-নাস্তি” এমন কি “অপ্রিয়বাদিনী ভার্যা চ” নেই—তার জীবন বৈচিত্র্যহীন। প্রত্যেকটি দিন যেন অন্তহীন একটা মালগাড়ির ওয়াগন—সব কটা হুবহু একই চঙ একই বহরের। জন্মমহূর্তে এঁজনটা চলে গেছে পশ্চিম দিকে অস্ত্রচলের দেশে, এখন সে দেখছে, রেল লাইনের পাশে দাঁড়িয়ে দাঁড়িয়ে একটার পর একটা ওয়াগনের পর ওয়াগন চলেছেতো চলেছেই। অবশ্য কোনোটার রং চটা, কোনোটা ডাইনে বাঁয়ে দু'লছে, কোনোটা বা ঝাঁ চককে সদ্য বানিশ পালিশ করা। কিন্তু এ-মালগাড়ির শেষ কোথায়? পূর্বাচলের দিকে তাকিয়ে দেখে গাড়ির শেষালত সেখানে বিলীন, ফের অস্ত্রচলের দিকে তাকিয়ে দেখে প্রারম্ভাংশও সেখানে অদৃশ্য।

কী মহিমাবৃত, কী ডিগনিফাইড এই সুন্দরী। সামান্যতম অস্বস্তির চিহ্নমাত্র নেই তাঁর প্রশান্ত মুখছবিতে। আর কি সহজ সুরে বললেন, “তোমাকে আমার বন্ধ ভালো লেগেছে, জিমি। তোমার মুখটা খাঁটি ‘মাদারস-ডার্লিং’র মত, কিন্তু দেহটা—বাই অল দ্যাট্-ইজ হোলি—কী মজবুত, ম্যাগনাম-সাইজের হাড় দিয়ে তৈরি।...শোনো, তোমাকে ডেকে আনলুম, সেরিলয়েট করতে। স্টেশনটার কি নাম ধরতে পারি নি। বললে, রাশা নাকি অতি দৃঢ়-ভাবায় ইয়েহিয়াকে বলেছে, রক্তারক্তি বন্ধ করতে। আমার মনটা যেন নাচছে। ...কই তুমি থাকো না কেন? আমি কিন্তু, ভাই, কিছু মনে করো না, এক গেলাসের বেশী খাই নে। তুমি নিভিয়ে থেয়ে যাও। বানচাল হবার বহু আগেই তোমার একটা চুলের এ্যাট্রন কাঁপন দেখেই তোমাকে খামিয়ে দেব।”

জিমি মনে মনে বললে, “সে আবার বলতে! আস্ত বোতল গেলার মত-

চীজ ইন নন।” গেলাসটা নাক অবধি তুলে ধরে একটু বাও করে বললে, “আমাদের ভিতর সকলেই কোনো না কোনো দিক দিয়ে পূর্ব বাঙলার সঙ্গে বিজড়িত। আমার মুরুব্বী মিস্টার সেন—হেম সেন—সিলেটে তাঁর বেশ কিছু টাকা পড়ে আছে। ভিজ্জা পান নি সেখানে গিয়ে তাম্বির করার জন্য। শেষটায় আমি যাই, সিলেটের চা-বাগান ম্যানেজার এক ইংরেজকে পটিয়ে। বাগাতে পারলুম সামান্যই—এক বেহারীর বাচ্চা খামোখা দিলে বাগড়া পদে পদে। ঐ বিচ্ছন্ন গুলোই বী ইন দি অয়েন্টমেন্ট। আর এটা তো নিশ্চয়ই শুনছেন, আজ কোন এক মেজর জিমা আজ সকালে চাটুর্গা বেতারে পূর্ব বাঙলার স্বাধীনতা ঘোষণা করেছেন? কিন্তু ম্যাডাম, আপনার আনন্দে আমি পুরোপুরি যোগ দিতে পারছি নে। আমার ট্রাঙ্ককলের বন্ধু ষ্টাটোক আগে আমাকে জানালে সেই সুন্দরবন অঞ্চলের হাসনাবাদে, পশ্চিমে পম্মা পেরিয়ে উত্তর বাগডোগরা অঞ্চলে আর এই আমাদের দক্ষিণের সিলেট বর্ডার পেরিয়ে দুটি পাঁচটি রেফুজি আসতে আরম্ভ করেছে, অলরেডি—”

“আর শিলচর?”

“যে দু’পাঁচটি ঐ পূর্ব বর্ডারে ক্রস করেছ, তারা নিশ্চয়ই করিমগঞ্জই আশ্রয় নেবে। আমি রেফুজি দেখেছি অনেক। ওদের শরীরে কি কিছু আছে যে ঠেঙিয়ে ঠেঙিয়ে দু’র শিলচরে যাবে!”

“আমার বন্ধুরা তাহলে কাল নাও আসতে পারে?”

“আপনার অনুমতি নিয়ে, কেন?”

“ওরা বোধহয় রেফুজিদের সাহায্য করতে চাইবে।”

জিমা খানিকক্ষণ চিন্তা করে বললে, “আপনারা তো কলকাতার লোক। অপরাধ নেবেন না, আমি কিই বা জানি। তবু বলি, সাহায্য করতে পারে কলকাতা আর দিল্লী। ড্যাড আমাকে বলেছিল, চঞ্জিশের দশকে যে দু’ভিক্ষু হয়োছিল তখন সব চেয়ে বেশী সাহায্য আসে কলকাতা থেকে। কিন্তু কলকাতার খাস বাসিন্দারা তো অনেক পরে জানতে পারবে, তাও আপন চোখে দেখে নয়, ওদের কী মরণ বাঁচন হাল। করিমগঞ্জ, শিলচরে ভলান্টিয়ারের অভাব হবে না, আমি শ্যার। আপনার বন্ধুরা ইন্ফান্টারি বেশী সাহায্য করতে পারবেন, কলকাতাতে চাল ডাল, ওষুধপত্র এবং টাকা—ইয়েসু টাকা—যোগাড় করে। ওঁরা তো আগরতলা, করিমগঞ্জ, শিলচরে যথেষ্ট দেখে শুনেন ওয়াকিফ হয়ে গিয়েছেন। ওঁরাই পারবেন কলকাতায় পাবলিক ওর্গানাইজেশন ফর্ম করতে। ‘সারি’, ম্যাডাম।

ষষ্ঠ অধ্যায়

এবারে আর কম্পন শিহরণ নল্ল। এবারে কেমন খেন আড়ল্ট আড়ল্ট ভাব। খান তাকে সোজা নিলে গিয়েছে পাশের কটেজে। খাটে শূইয়ে বললো, “তুমি শিপ্রার সঙ্গে কথা কও তো, ভায়া। কিন্তু দোহাই আল্লার, সবটা বোলো না—কেটে ছেঁটে। আমার এখনো পিলে চমকাছে। আমি চললুম জিমিকে শূধোতে লেটেস্টটা কি? ওর গায়ের প্রত্যেকটা লোম বেতার এনটেনা।”

শিপ্রা বললে, “জিমি এখন অফ্‌ফ্‌ ডিউটি।”

“ঐ আনন্দেরই থাকো। আমি আসছি জেনেও সে অফ্‌ফ্‌ হবে! পীপিং পীটারকে স্পষ্ট দেখতে পেলুম আড়াল থেকে উঁকিবুঁকি মারছে। শেয়ানা ছোকরা, আমাদের ত্রিমূর্তি-মিলনে চতুর বলেই চতুরানন হতে চায় নি, ওয়ান—নো,—টু, টু-মোর্নি হতে যাবে কেন?”

শিপ্রা খুশী মনে খানের বকর বকর শুনছে; ততক্ষণে কীর্তি জিরিয়ে নিক, মনের জট ছাড়াক। বললে, “আমার ঘরে একটা বেতার আছে। মিনিট দশেক পরেই বিবিসি খবর।”

“আমাদের ত্রি-মূর্তি’র ঐ একটা মাত্র কমন পয়েন্ট। বেতারাসক্ত কারোরই নেই। শূর্নোছি, লেবাননের আরব চাষা হাল চালাবার সময় বলদের শিঙে ট্রানজিস্টার বুলিয়ে বেলি ডান্‌সের তালে তালে হেলে দুলে এগুতে থাকে। বেতার বটতলার মাল। এখন অগত্যা শূর্নি। কপাল!”

“বলদটাও তালে তালে পা ফেলে তো? তাহলে নিশ্চিন্ত মনে নটের গুরুর কাছে দীক্ষা নাও। তোমার তো, জানি, দুটোই বাঁ পা।”

“নো, মাদাম, ভূতের হয়। আমার চারটে।...তা কি হবে, কও (বার-এর ‘কোন মদ্য খাবে’র পরিভাষা)? কীর্তি হোয়াট্‌ ইজ ইওর পল্লজন? তোমার সর্বাঙ্গে বিষ ছাড়িয়ে পড়েছে। কড়া বিষ খাও। চাঙা হয়ে উঠবে।”

শিপ্রা বললে, “র্যান্ড এ্যান্ড চেসার-ই ভালো। আর আমার জন্য আলাদা করে পাঠিয়ে না। আমি ওরই থেকে এক-আধ চুমুক নেবো’খন।” খান অন্তর্ধান।

শিপ্রা বুকুে নিচু হয়ে কীর্তি’র কানের লতি-তে চুমো খেয়ে কানে কানে বললো, “কাপড় ছাড়বে না, কীতা?”

“মিতা, এখন তুমিই আমার সব। আমি সব সঙ্গে নিয়ে সব করতে পারবো। আমি হৃদয় দিয়ে বলছি, শিপি, আমার সব অবশ্যতা কেটে গিয়েছে। আগরতলাতে আমি সত্যি বিভ্রান্ত হয়ে গিয়েছিলুম, কিন্তু করিমগঞ্জে আমার বিভ্রান্তি অন্তর্ধান করলো। দাঁড়াও বুঝিয়ে বলি; আগরতলাতে যেন শীতের ছায়া-চাক্ষা দুপূরে হঠাৎ কে আমার পিছন থেকে ধাক্কা মেরে হিম-শীতল জলে ফেলে দিলে আর আমি সঙ্গে সঙ্গেই প্রায় অবশ। এমন সময় দেখি, ওপারে

বুড়ো গোছের লোক দিব্য সাঁতার কেটে কেটে এদিক ওদিক ঘোরাঘুরি করছে। ইতিমধ্যে আমার হাত-পা নিজেই থেকেই একটু আধটু নড়াচড়া আরম্ভ করে দিয়েছে—রক্ত সঞ্চারের প্রয়োজনবশত। আমি ভালো সাঁতার জানি, ডুব মরতুম না নিশ্চয়ই। এবং অবশ্যই পত্র-পাঠ ফের ডাঙায় ফিরে আসতুম, কিন্তু ঠাণ্ডা জলের প্রতি বুড়োটার ঐ ন্যাক্সার-ভরা তাক্কিল্যে যেন আমার অজানতেই সর্বাঙ্গের জড়ত্ব ডাঙাশ মেরে তল্লাট-ছাড়া করে দিয়েছে। আশ্মা ততক্ষণে পাই পাই করে মাঝ পুকুরে চক্রর মারিছ আর ডুব সাঁতারে পুকুরের এপার ওপারে মাকু চালাচ্ছি। কীরমগঞ্জে গিয়ে সে-বুড়োটার কাহিনী শুনলুম। কিন্তু তুমি কি খুব নাভীস হয়ে পড়োছিলে? খবর গুজোব যতই ছড়াছিল ততই তোমার কথা ভাবিছিলুম।”

শিপ্রা সদয় মূর্চকি হেসে বললে, “প্রথম দিনটা বস্ত খারাপ গেল। দু’ কান বন্ধ করে রইলুম পাছে খবর গুজোব শুনেন ফেলি। তারপর কি যে হল জানি নে। নিজে যেচে খান যে-জিমির কথা বলাছিল তার কাছে গেলুম। ও-রকম ছেলে হয় না। সে-ই আমার রয়টার, টাস্ এবং মাতাহারি।”

“মাতাহারি? স্পাই?”

“ইনটেলিজেন্স্ ম্যান।” আমি জানতুম না ট্রাঙ্ককল কর্মীদের ভিতর এত দোস্তী সমবোতা থাকে। কোথায় জলপাইগুড়ি, কোথায় বনগাঁ শিলচর শিলঙ? একে অন্যকে কখনো দেখে নি কিন্তু গলা চেনে নাম জানে। ওরা যে অনেক কথাবার্তা শুনতে পায় সে তো জানা কথা। জিমির এক বন্ধু ট্রাঙ্ক কাজ করে। সে ইন্ডো-পাক বর্ডারের যত সব তাজা খবর জিমিকে জানাতো। তাই জিমি আমার মাতাহারি $\times ১০০ = ০০$

শেষটায় যখন শুনলুম ঢাকায় আরম্ভ হয়ে গিয়েছে শয়তানের কারবার—হেল্ লেট্ লুস্—তখন সব ভয় কেটে গেল।

পড়লো পড়লো ঐ তো ভয়

পড়ে গেলে সব-ই সয় ॥”

কীর্তি বললে, “কী আশ্চর্য! আমার বুড়োর কাহিনী ঐ ট্রাঙ্ককল অপারেটার দোস্তী নিয়েই শুরূ। ২৫ মার্চ বিকেলের দিকেই ঢাকার ট্রাঙ্ক কর্মীরা জেনে যায়, রাতেই আমি ক্র্যাঙ্ক ডাউন ঢাকা, চাটগাঁ, আরো অনেক টাউনে একই সঙ্গে আরম্ভ হবে। আর্মির আপন বেতার, জেরালোপ্তানস্ মিটার আছে, কিন্তু কাজের চাপ সামলে উঠতে না পারলে ওরা সাধারণ ট্রাঙ্করই শরণ নেয়। নিশ্চয়ই টাপেটোপে এবং পাজাবী ডায়ালক্টে—ঢাকা থেকে অফিসাররা অন্যান্য শহরের অফিসারদের ইন্স-ট্রাঙ্কশনস্ দিচ্ছিল ক্র্যাঙ্ক ডাউন সম্বন্ধে। কিন্তু ট্রাঙ্ককল লোক আড়ি না পেতেও আপন কাজের খাতিরেই কয়েকটা চালু ভাষা বেশ শিখে ফেলে—আর পাজাবী তো তারা শোনে নিতিয়

নিত্য, সিভিল মিলিটারি দুইই।

আমি ষে-বুড়োর বাহাদুরীর কথা বলছিলাম, তিনি আদৌ বুড়ো নন। এমন কি প্রৌঢ়ও বলা চলে না। বেঙ্গল রেজিমেন্টের বাঙালী অফিসারদের একজন—মেজর। তিনি কি করে খবর পেলে সিলেটের হবিগঞ্জ টাউনে বসে, ২৫-এর সন্ধ্যায় যে, আজ রাতেই শূর হবে বোকাপড়া? ট্রাঙ্ক কর্মীর কল্যাণে। অবশ্য অন্য মাধ্যমও হয়তো ছিল।

বেঙ্গল রেজিমেন্টের একমাত্র বাঙালী হিন্দু অফিসার মেজর দত্ত তখন ছুটিতে, হবিগঞ্জ থেকে বেশ করেক মাইল দূরে। সঙ্গে সঙ্গে তাঁকে চিঠি পাঠালেন, সেই রাতেই, লোক মারফৎ, খবর জানিয়ে; তিনি পরদিনই না-পাক্ খানদের খতম করার জন্য সিলেটের দিকে রওয়ানা হবেন। দত্ত যোগ দেবেন কি?

দত্ত উত্তরে জানালেন, কাল ভোরেই তাঁর কাছে পৌঁছবেন।

কীর্তি অনেকক্ষণ নিশ্চুপ বসে রইল। চোখ মেলে তাকিয়ে আছে শূন্য দৃষ্টিতে, যেন স্মরণে আনতে পারছে না, ভুলে-যাওয়া কোনো-কিছু। মাঝে মাঝে তাকায় শিপ্রার চোখের গভীরে—যেন সেখানেই পাবে রহস্যের স্থান। শেষটায় প্রত্যেকটি শব্দ, মনে হল যেন বাছাই করে করে ধীরে ধীরে বললো, “শিপ্রা, আমার বিস্ময়ের অবধি নেই, অত্যাশ্চর্য অলৌকিক এ-রকম একটা ব্যাপার যে আদৌ সম্ভবে তারই সামনে আমি দিশেহারা, সৃষ্টি রহস্যের চেয়েও ঘনতর রহস্য যেন সৃষ্টির এক নগণ্য অংশ, ঐ ক্ষুদ্রাদর্শি ক্ষুদ্র হবিগঞ্জে—যার নাম তুমি আমি কেউই কখনো শুনিনি, শুনতুমও না—অকস্মাৎ কুয়াশার ষবানিকায় বৃহত্তম, খুদ সৃষ্টি রহস্যকে ঢেকে ফেলতে পারে, এ যে সর্ব তর্ক-শাস্ত্র, ন্যায় মীমাংসাকে অর্থহীন করে দেয়; অংশ কি কখনো পূর্ণের চেয়ে বৃহত্তর হতে পারে! সিদ্ধ-বিদ্-কি কখনো সিদ্ধুর চেয়ে বিরাটতর কায়া ধারণ করতে পারে? ২৫ মার্চের সন্ধ্যায় এই হবিগঞ্জের লোকটি কোন দুঃসাহসে একাই যুদ্ধঘোষণা করে দিল ইয়েহিয়া, তার ফৌজ এবং সবচেয়ে বাস্তব কঠিনতম শত্রু ওদের ট্যাঙ্ক, বমার প্লেন, সাঁজোয়া গাড়ি, বিরাট বিরাট কামানের বিরুদ্ধে? লোকটা তো গাঁলের আধ-পাগলা পুচকে ছোঁড়াটার মত নয়, যে নিত্য নিত্য রাস্তায় রাস্তায় চেঁচিয়ে চেঁচিয়ে স্তালিন হিটলার মা কালী মৌলা আলীর বিরুদ্ধে ‘সশস্ত্র সংগ্রাম ঘোষণা’ করে। দুঃজন্যর কাছ থেকে আমি ওর কথা শুনলাম। দুঃজন্যই একমত : লোকটা আতিশয় শান্ত প্রকৃতির, স্থির ধীর। তার দুঃমনীয় চপ্পলতা প্রকাশ পায় সুন্দুমাত্র তার ঘন ঘন ঠা ঠা উচ্চহাস্যে—যেন সে সর্বক্ষণ তাকে তাকে আছে ঠা ঠা করার সুযোগের তরে!...মেজর সে। সে কি জানে না, ইয়েহিয়ার শক্তি কতখানি? পূর্ব পশ্চিম উভয় পাকিস্তানে সৈন্য সংখ্যা কত,

কোন্ কোন্ শহরে আছে ক্যান্টনমেন্ট, ট্যাঙ্ক বোমার, জঙ্গী-বিমান সংখ্যা-সব—সব তার নখদর্পণে, সে যে তাদেরই একজন ; সে জানবে না ? সব জ্বলে শূনে সে হয়ে পড়লো একা, একান্ত একা ছিটকে পড়লো সেই সর্বগ্রাসী অসংখ্যের মাঝ থেকে ? যেন গ্রহচ্যুত নক্ষত্রের মত ক্ষিপ্ত বেগে অদৃশ্য অজানার পানে ধেয়ে ধেয়ে জ্বলে পুড়ে ছাই-ভস্ম থাকধুলোতে—না,—নিঃশেষ নাস্তিতে পরিণত হতে ?

কোর্ মামদো-পশাচ চাপলো তার স্কন্ধে যে হঠাৎ উদ্যম ভূতের নৃত্য আরম্ভ করে দিল সে !

জানো শিপ্রা বরিশালের খাজা বাঙাল আমার এক ক্লাস ফ্রেন্ড বিপদে পড়লেই, মাথা তুলে আকাশের দিকে তাকিয়ে বিড়বিড় করতো,

‘কী কল পাতাইছ তুমি ?

বিনা বাইন্ডে নাচি আমি !’

হ্যাঁ এ-ভূতের বাদ্যের সঙ্গতও নেই। কোথায় মৃদঙ্গ, জগবম্প, ঢক্কা-ডিঙম ? এমন কি একটা বাঁশের বাঁশ—অর্থাৎ একটা রাইফেলও নেই কারো কাছে ।

বললুম না, অজানা অদৃশ্যের উদ্দেশে ?

শেখ সায়েব, আওয়ামী লীগের নেতারা সব কোথায় কে জানে ?

কোনো প্রকারের নির্দেশ মেজর পান নি । ইনি যে পদক্ষেপ করলেন সেটা পরে ওঁদের সম্মতি পাবে কি—যদি, অবশ্য, তাঁরা স্বয়ং কোনো নিরাপদ আশ্রয় পান ।

বরিশাল-খুলনা থেকে সিলেট, কক্সবাজার থেকে দিনাজপুর এই বিস্তীর্ণ এলাকার মধ্যে এমন কোনো সংযোগ ব্যবস্থা নেই যে সংবাদ আদান-প্রদান মারফৎ ইয়েইয়ার বর্ষরতার ফলে কোন্ জায়গায় কি প্রকারের প্রতিক্রিয়া দেখা দিল সে-সম্বন্ধে ওয়াকিফহাল হওয়া যায় ।

তিন শ্রেণীর বাঙালী রাইফেলটা অস্তত চালাতে পারে

(ক) বেঙ্গল রেজিমেন্টের যে-সব অফিসার সেপাই বাঙালী

(খ) আধা-মিলিটারি বেঙ্গল রাইফল্‌স্

(গ) পুলিশের বেশ-কিছু সংখ্যা

এরা কি মেজরের পন্থা অবলম্বন করবে ? যদি না করে তবে যে-সব কিশোরবৎক তাঁর চতুর্দিকে জড়ো হবে, রাইফেল চালানোর ঐ যৎসামান্য ট্রেনিংটুকুই বা ওঁদের দেবে কে ?

এবং সব চেয়ে বড় প্রশ্ন, উপর থেকে নির্দেশ না-পাওয়া সত্ত্বেও গ্রামের লোক সাড়া দেবে কি ?”

কীতঁ দম নিয়ে বললে, “এ রকম দফে দফে প্রশ্নের সংখ্যা অগুনতি ।

মোন্দা কথা : অর্গেনাইজেশন নেই, নির্দেশ নেই, অস্ত্রশস্ত্র নেই।”

আমার লেটেস্ট খবর দুই মেজর কলেকশ’ রাইফেল নিয়ে এগুচ্ছেন শ্রীমঙ্গলের দিকে। সেখানে নাকি এক ঝাঁক খান রয়েছে।

তারপর কাল ২৭ মার্চ চাটগাঁ থেকে আমাদের এই মেজরেরই মত সমস্ত দায়িত্ব আপন শ্বক্বেশ নিয়ে মেজর জিন্না স্বতঃপ্রবৃত্ত হয়ে স্বাধীনতার সংগ্রাম ঘোষণা করেছেন, চাটগাঁ বেতার মারফৎ। এখন দেখা যাক্ বাদবাকি দেশটা কি ভাবে সাড়া দেয়।”

শিপ্রা বললে, “তুমি যে সব সমস্যার অসম্পূর্ণ ফিরিস্তি দিলে ঠিক এগুলোই নিয়ে মেজর বিব্রত হয়েছেন, এমনতরো নাও হতে পারে। যারা তোমাকে বিবরণ দিয়েছে তারা পরিস্থিতিটা বিবেচনা করে তাদের যুক্তি বৃদ্ধি অনুযায়ী এ সব প্রশ্ন তুলেছে। এই সমস্যাগুলো মেজরকে বিব্রত করুক আর নাই করুক, তাঁর অন্য সমস্যা থাক আর নাই থাক, প্রশ্নগুলোর কিন্তু একটা বাস্তব মূল্য আছে। এগুলোতে প্রতিবিশ্বিত হয়েছ, অস্তত হবিগঞ্জ অঞ্চলের সাধারণ জনের চিন্তাধারা, মনের অবস্থা। আমাদের কাছে তার মূল্য প্রচুর।”

কীর্তি মৃগ্ধ হয়ে বললো, “মিতা, আমি কি বুধাই বলি তুমি তুলনাহীনা। আমি শূন্য সমস্যা আর প্রশ্নগুলোকে নিয়ে মাথা ঘামাচ্ছিলুম, তোমার অস্তদৃষ্টি গিয়েছে সেগুলোর পটভূমির দিকে তীক্ষ্ণতম স্কুরধার নিয়ে।...বেচারী রবি করি! তাকে যেতে হলেছিল তুলনাহীনার সন্ধানে সাতসমুদ্র পেরিয়ে আর্জেন্টীনা না কোথায় যেন।

‘সুনীল সাগরের শ্যামল কিনারে

দেখোঁছ পথে যেতে তুলনাহীনারে।’

আর আমি কী অবিশ্বাস্য ভাগ্যবান।”

শিপ্রা হেসে বললে, “আর আমি যদি বলি, আমি ভাগ্যবান, আমিও দেখোঁছ সমুদ্র না পেরিয়ে—

‘অদ্যাপিও সেই খেলা খেলে গোরা রায়।

মধ্যে মধ্যে ভাগ্যবানে দোঁখবারে পায়।’

এমন সময় ঘরটাকে দাপটে খান খান করে খান সাহেবের প্রবেশ।

গুরুগম্ভীর কণ্ঠে বললে, “মদ্যাদি যখন আরেক কদম এগুলেই সম্পূর্ণ বর্জন করে ফেলবে তখন মুসলমান ধর্মে দীক্ষা নিয়ে নাও না, এই বেলাই? আমার মত সদগুরু পাবে না। খুদ আরব মুল্লুকও না। পাকী একটা ঘণ্টা আমি বেতার যন্ত্রটার কান মলে মলে, বিবিসি কলোন ভিয়েনা চুঁ মারার সঙ্গে সঙ্গে সাপটে দিলুম আধা বোতল গর্ডন। আর হেখায় হেরি, ফুলবাবু, মশাই আর পটের বিবিটি কড়ে আঙ্গুল পরিমাণ গেলোসটি শেষ করতে পারেন নি। একেই কি বলে সভ্যতা? হার শ্রীমধু!...শোনো আমি এঁসোঁছ তোমাদের

বাইরে নিজে যেতে। সত্যি বলছি এ-রকম বন্ধ ঘরের অবশ্য বাতাসে গুল্মরূপ গুল্মর করতে তোমাদের গুল্মর গুল্মরের উদ্দেশ্যই সফল হবে না। মুক্তি সংগ্রামের জন্য তৈরী হতে হলে চাই মস্ত আকাশ, মস্ত বাতাস। আরেকটা তত্ত্ব কথা বলি, তোমরা মদ ছেড়ে দিলেই বাঙালীরা রাতারাতি পাজ্জাবীদের হাইকোর্ট দেখাতে পারবে না, আর মাটা বাড়ালেও লীগ তাদের আশা ভরসা বড়ীগঙ্গায় ভাসিয়ে দেবে না। এ্যাংবড়া যুদ্ধটা যখন চ্যাঁচল চালালো সে কি তখন নিজেরা উপবাস করেছিল। হ্যাঁ নিজেরা অতি অবশ্য বটেক; নিজেরা হুইস্টিক ঐ সময়েই মাঝে মাঝে সে টেনেছিল। রাঁধে মেয়ে কি চুল বাঁধে না? তৈরী হও এখুনি।”

ঘর থেকে বেরুতেই দেখে জিমি দাঁড়িয়ে আছে।

খান তার গতানুগতিক সম্ভাষণ করার পূর্বেই জিমি নিচু গলায় বললে, “সব কথা বলতে গেলে এখানে দাঁড়িয়ে হয় না। কাল একজন নতুন গেস্ট এসেছে হোটলে। আমাকে অ্যাংলো জেনে ড্রিংক অফার করলে, দোস্ট্রী জমাবার তরে। তার ইংরেজি উচ্চারণ থেকে হানড্রেট প্লসেণ্ট শ্যোর লোকটা পাজ্জাবী। কিন্তু কোন পাজ্জাবের? অথচ হোটেলের খাতাতে লিখেছে, মিরাত। আমার কি রকম যেন ধোঁকা লাগছে। কারণটা হয়তো আপনার কাছে এপীল করবে না, তবু বলি। লোকটা যদি আর পাঁচটা টুরিস্টের মত আমাকে সোজাসুজি শোধতো, ইণ্ডো-পাক বর্ডার কত দূরে, কম্বুদের অবাধি যাওয়া যায়, রেফুজিরা ভিড় লাগায় নি তো রাস্তায় তা হলে আমার মনে ধোঁকা লাগতো না। দিস্ জনি সোজা পথ না ধরে বিস্তর বাঁটং এবাউট দি ব্লেস করে করে পৌঁছল চেরাপাঞ্জিতে—কী তার আগ্রহ, কত বৃষ্টিপাত, বছরে কদিন বৃষ্টি হয়, আর যত সব রাঁবিশ প্রশ্ন। তার পরও বর্ডারের পথ ধরলো না। ফের আশ কথা পাশ কথা। তারপর এল বর্ডারের টপিক্। আমি ইচ্ছা করেই ভাসা ভাসা উত্তর দিতে লাগলুম। কখনো বা রহস্যময় উত্তর ফিসফিস করে। স্পন্ট দেখলুম তার কোয়ারিসিটি দারুণ উত্তেজিত হয়েছে। মুখোশ খসে গেছে। হুস হুস করে একটার পর একটা প্রশ্ন শোধোতে লাগলো—মাবেসাবে বাজে প্রশ্নের ভেজাল দিয়ে আসল উদ্দেশ্য কামুফ্লাজ করতে ভুলে গিয়েছে। তার প্রশ্নের রকমারি থেকে আমি স্পন্ট বুঝতে পারলুম ব্যাটা এখানে আসার আগেই সব কিছুই সন্ধান নিয়ে এসেছে। এখন শোধু লেটেষ্ট অবস্থাটা জানতে চায়।

আরেকটা কথা : এখানে নেবেই চেল্লাচেল্লি, পথে তার ট্রানজিসটার খেয়া গিয়েছে। ম্যাজিক ভিন্ন সে দৃশ্য বাঁচতে পারে না। আমাকে সঙ্কলের পরলাই শোধলো, এখানে ট্রানজিসটার পাওয়া যাবে তো, দোকান কোথায়? ছুটলো টী না খেয়েই। সঙ্গে সঙ্গে আমি বড়ুয়াকে ফোনে আমার সন্দেহের কথা জানালুম। বড়ুয়া তো একদম শ্যোর লোকটা ওয়েস্ট্ পাজ্জাবের। এবারে শুনুন মজাটা।

যতবার আমি তার কামরার বারান্দা দিয়ে গিয়েছি কান পেতে শুনোছি, নো, নো, নো মর্সজিক এটোল। লো ডলমে শুনছে ন্যাজ। এনি উলে, টক্। মর্সজিক ককখনো না।

আজ আমাকে শুনোচ্ছিল, অত উঁচু এয়ারিয়েল কার? তবে কি বেতার কর্মী? তবে—”

হঠাৎ জিঁমি থেমে গেল। বললে, “ঐ আসছে চিড়িয়াটি। আপনি পরিচয় না করতে চাইলে, স্যর কেটে পড়ুন। ও সঙ্কলের সঙ্গে গায়ে পড়ে আলাপ জমাতে চায়। দু’একবার স্নাবড’ও হয়েছে। অভ্যাস বদলায় নি।”

চিড়িয়া এসেই অতিশয় যৎকিণ্ডং বিরক্তির সুরে বললেন, “বাজে ট্রান-জিসটার। আচ্ছা, ঐ মিঃ বড়ুয়া, সে এটার দাম কেটে একটা পুরো পাক্সা রেডিওয়ে সেট দেবে না, ঐরকম স্কাই হাই এরিয়েল সহ?”

“আমার তো মনে হয় না, মিঃ কুরেশী।” (বাজে কথা। কিন্তু জিঁমি বড়ুয়ার স্বার্থ দেখছে)

“কেন? হোটেল বলতে পারে না, আমি রেসপেকটেবল গেস্ট? ওর মেশিন বিগড়েই নি।”

“আমি পাত রেসপেশারিনস্ট্। বরগু ম্যানেজার পারেন।” (জিঁমি জানে, বেটা আথেরে বড় রেডিওয়ে কিনবেই।)

খান মাঝখানে নাক গলিয়ে বললে, “আপনাদের কথার মাঝখানে বাট্ ইন করছি বলে অপরাধ নেবেন না। আপনাকে দেখে মনে হচ্ছে, আপনি ট্যুরিস্ট্। হেথা হোতা ঘুরে বেড়াবেন। ট্রানজিসটারটা কাজে লাগবে—আজকাল প্রাতি বুলেটিনে গরম গরম খবর দিচ্ছে। আর বাড়ির বড় সেটটা দিয়ে শুনবেন রায়ে ফরেন, দুবলা স্টেশন।”

চিড়িয়া সোৎসাহে খানের সঙ্গে জোর কাঁকুনি দিয়ে হ্যাণ্ড শেক করে “আপনার সঙ্গে পরিচিত হয়ে খুশী হলুম। আমার নাম রহমান কুরেশী—”

জিঁমি বিস্মিত হল, খান তথখুনি নিজের পরিচয় দিলে না কেন—যেটা স্বাভাবিক এটিকেট।

খান তখন কুরেশীকে বলছে, “বাট্ শ্যোরাল আই মেট্, ইউ এট্ লাহোর, প্রেসক্রাবে,—এই ফেরুয়ারী, না জানুয়ারিতে অর্থাৎ হাই জ্যাকিঙের আগে। আপনার গলায় ছিল ভারী মজার একটা টাই।”

এক মিলিমিটারের শতাংশের এক অংশ টাক লোকটা যেন বেসামাল হলো। একটু জোর গলায় বললে, “অসম্ভব। আমি কখনো পাকিস্তান যাই নি।” আরো সামান্য গলা চড়িয়ে “আমি ইন্ডিয়ান সিট্জেন বাই বার্থ। উত্তরপ্রদেশ।”

খান প্রায় কাঁদো কাঁদো হয়ে বললে, “আই এম সার, অত্যন্ত দুর্গাঁথত”..., অতঃপর তার একেবারে নিজস্ব “উদ্বৃত্তে”—“বেয়াদবী মাফ করেংগাহে।”

কুরেশী উদূর্তে তুফান তুলে টর্নাডোতে পেঁছবার পূর্বেই খান ইংরিজিতে ফিরে গিয়ে বলল, “আমি উদূর্ জানি না তাই বলে কি কোন্টা লেক্সিকায়ের উদূর্ আর কোন্টা লাহোরের উদূর্ তার তফাৎ জানি নে! আমি মূর্গা মুসল্লম বানাতে জানি নে, তাই বলে কোন্টা সুখাদ্য হয়েছে আর কোন্টা রম্বিদ তাও জানি নে! লাহোরের কারো মুখে এমন কি স্যর ইকবালের ভাতিজার মুখেও এমন চোস্ত উদূর্ শূনি নি।”

“থ্যাংকু, খূদা হাফিজ” বলে কুরেশী ঈযৎ দ্রুতপদেই স্থান ত্যাগ করলেন। জিঁমি একটু থলা চাড়িয়ে বললে, “আমি কি বড়ুয়াকে ফোন করবো আপনার ট্রানজিসটার বিষয়ে?”

কুরেশী শূনেও শূনলো না।

খান এক রকম জোর করে দুই ইয়ারকে নিয়ে গেল মরেন্সোতে। বললে, “এ দোকানের প্রতিষ্ঠাতা আমাদের বেরাঘিচের দেশ-ভাই, কিন্তু আভিজাত্যে বেরাঘিচের হেঁটোর বয়সী!” মানুুষের হাতে তৈরী অপ্রাকৃতিক লোকটির প্রাকৃতিক সৌন্দর্য শিপ্রার খূবই পছন্দ হল। এমপারিয়ামে যদিও শিপ্রা গেল অর্নিচ্ছন্ন তবু আসামের “পাত” সিন্ধু জীবনে সে এই দেখল প্রথম। খান শব্দতত্ত্ব ঝেড়ে বললে, “আমার চেয়েও যারা অগা তারা বলে পট্রুবন্দ - সিন্ধু—পাট থেকে তৈরী হয়। আমার মনে হয় এই “পাত” শব্দটা অনেক অহমিয়া “পাট” উচ্চারণ করে বলে ওটার “শূন্দি” করে পণ্ডিতেরা ওর নাম পট্রুবন্দ দিয়েছেন।

বড়বাজারও দেখালে খান, বললে, “এই দেখ, মাতৃক সভ্যতার পূর্ণ বিকাশ! তাবৎ দোকানীই খাসিয়া মেয়েছেলে। ব্যাটাছেলেগুলো বিড়ি ফোঁকে, জুরো খেলে আর প্রতি সন্ধ্যায় মদ খেয়ে মাতলামো করে, বউয়ের পয়সায়। তবে হ্যাঁ বউ যদি কোনো ইয়ারের সঙ্গে রাতিবাস করে আসে—কত পার্সেন্ট করে জানি নে, আমার অতি সোহাগের খাসিয়া মেয়েদের সম্বন্ধে আমি অর্পন্ন কোনো কথা বলতে চাই নে—তবে স্বামীটির টু ফ্যাঁ করার সামাজিক হস্ত নেই। অত্যন্তম ব্যবস্থা।”

শিপ্রা বললে, “স্ত্রী পূর্নুষের সম্পর্ক বাবদে আজ পর্যন্ত কোনো সামাজিক ব্যবস্থারই প্রশংসা তো করা যায়ই না, গুণী জ্ঞানীরা স্বীকৃতি পর্যন্ত দেন নি। তাই বিশ্বজননের মতে পৃথিবীতে মাত্র যে একটি সর্বজনগ্রাহ্য প্রবাদ আছে সেটি “বিবাহ এক মাত্র জুরোর বাজি খেলা (গ্যামলিং) যাতে দু’পক্ষই হেরে ক্ষতি-গ্ৰস্ত হতে পারে। যুর্ধিষ্ঠির তো জুরো খেলায় সর্বস্ব হারালেন। এর পর তার জুরো খেলা বন্ধ—বাজি ধরার স্টেক্ একটা কানাকাড়িও নেই। দুর্খোষন ছোকরা চালাক। সে দিয়ে দিলে দ্রোপদীকে ফেরত—সব জুরো যখন বন্ধ

তখন চলুক ঐ মোক্ষম জুরোটি, যেখানে দুই পক্ষই হারে। এখানে এক দিকে একজন—দ্রোপদী, অন্য দিকে পাঁচজন।”

খান শুন্থোলো, “পাঁচজন কেন? আমি তো শুন্থিছি, তিনি অজ্ঞানকে সব চেয়ে বেশি ভালোবাসতেন, যে কারণে তাঁর পতন হল। অজ্ঞান অস্তত লুজার নন।”

শিপ্রা বললে, “আর অন্য মতে তিনি যে গোপনে কর্ণকে ভালবাসতেন সেটা জানো না? যে মোটর ড্রাইভারের ছেলে কর্ণ (তখনো কুস্তী ছাড়া কেউই জানে না, কর্ণ আসলে যুধিষ্ঠিরেরও অগ্রজ) প্রকাশ্য রাজসভার ডাচেস্ বলো, এমপ্রেস, বলো, দ্রোপদীকে সঙ্কলের চেয়ে এমন কি দংশাসনের চেয়েও বেশী অপমান করেছিল রুঢ় চাডালের ভাষায়। বস্তাকর্ষণ করাতে দংশাসনকে বলা যেতে পারে বর্বর, কিন্তু ভাষা দিয়ে অপমান করাতে কর্ণ ইতর, মীন। ভাষার মার মোক্ষমতম মার। অতএব দ্রোপদীও লুজার। এবং সবচেয়ে বেশী লুজার। কারণ দ্রোপদী পণ্ডপাণ্ডবকে কস্মিনকালেও অপমান করেন নি।”

এবারে কীর্তি মূখ খুললো, বিস্ময়ের ভান করে বললো, “অ। তাই বৃষ্টি কেউ কেউ বিয়ে গ্যাম্বলটাকে ডরায়!”

সপ্তম অধ্যায়

টোকা দিয়েই কটেজে ঢুকে ছিল। কিন্তু হাবভাব দেখেই বোঝা গেল বিলক্ষণ উত্তেজিত।

শিপ্রা বললে, “এক কাপ চা?”

“থ্যাংকু মাদাম।” খানের দিকে তাকিয়ে বললে, “মিঃ কুরেশী মিসিং—”

খান ইচ্ছা করেই শিপ্রাদের কিছূ বলে নি—কুরেশীর সঙ্গে তার প্রেমালাপ সম্বন্ধে। জিমি কি বললে, “দাঁড়াও, এঁরা ব্যাকগ্রাউন্ডটা জানেন না। বলে নিই।” বলা শেষ হলে কীর্তি মন্তব্য করলো, “মিসিং নয় এন্স্‌কিউই—পালিয়েছে।”

জিমি বললে, “সেই যে আপনার সঙ্গে কথা প্রায় শেষ না করে কুরেশী ঘরে চলে গেলেন তারপর লাগু, টীতেও এলেন না। তা সে মেলাই টারিস্ট আকছারই দুর্ভাগিনটে খাবার পর পর মিস্ করে যান। টীর সমস্ত বেয়ারা অনেকক্ষণ ধরে টোকা দিল—সাড়া দিলে না। ডিনারে এল না। সন্ধ্যা থেকে দুটো কামরায় অন্ধকার। রাত এগারোটায় কিন্তু একটা বেয়ারা দেখতে পেল ঘরে আলো জ্বলছে। টোকা দিয়ে সাড়া পেল না। সমস্ত রাত কিন্তু আলো জ্বললো। সংক্ষেপে বলাই, আজ সকাল দশটার বেয়ারাদের সন্দেহে ম্যানেজার

পুলিশ ডেকেছেন। দরজা ভেঙে ভিতরে ঢুকে দেখা গেল স্মুট মূট শার্ট টাই সোভিগের জিনিস সব বিছানার উপর ছড়ানো, ট্রানজিসটরও রয়েছে। তখন কে যেন লক্ষ্য করলো, নেই মাত্র একটি জিনিস—স্মুটকেসটা, অর্থাৎ শূন্য স্মুটকেসটা মাত্র নিয়ে লোকটা দূপুর রাতে উধাও হয়েছে। কাল রাতে আমার ডিউটি ছিল না। তাই পুলিশ আমাকে কিছুর শূন্যের নি। শূন্যে কি বলবো, মিঃ খান ?”

“সত্যি কথা বলবে। সে যে-সব প্রশ্ন করেছিল আর তোমার উত্তর যতখানি স্মরণে আনতে পারো বলবে। তোমার মনে কি সন্দেহ হয়েছিল অথবা নিজের কোনো মন্তব্য প্রকাশ করবে না, পুলিশ সরাসরি জিজ্ঞেস না করলে। সর্বশেষে বলবে, তোমার যতদূর জানা মিঃ খানের সঙ্গে আলাপ হওয়ার পর আর কেউ তাকে দেখে নি। পুলিশ আমার কাছে আসবে। আমিও সরাসরি যে কণ্ঠ কথ্য হয়েছিল বলবো। আমাকে জিজ্ঞেস না করলেও আমি আ-মা-র সন্দেহের কথা বললে বলতেও পারি। তুমি কোনো চিন্তা করো না, জিমি। আমি আমার ওয়ার্ড অব অনার দাঁড়ি তোমাকে, তোমার কেশাগ্রটুকুও কেউ স্পর্শ করতে পারবে না। এখন তুমি নিশ্চিন্ত মনে ডিউটিতে ফিরে যাও।”

জিমি চলে যেতেই খান বললে, “জিমিকে বালি নি, এখন বালি, আমি লাহোরের প্রেস ক্লাবে কক্‌খনো যাই নি। ওটা প্যোর ব্রাফ।

শিপ্রা : “তাহলে ঠিক ঐটেই বললে কেন ?”

কীর্তি : “সোজা উত্তর : প্রেস ক্লাবে যায় ন্যাজ-মেন এবং খবরের সম্মানে বিস্তর স্পাই। নেটিভ লাহোরের পাজাবী স্পাই যায় বিদেশী সংবাদ-দাতাদের পাম্প করতে। লোকটা যদি সত্যি স্পাই হয় তাহলে, তাহলে হস্ততো সামান্য একটু বেসামাল হবে।”

শিপ্রা : “কিন্তু মজাদার টাই ?”

খান : “ওর গলায় ছিল যে টাইটা সেটার মত বিকট টাই আমি কখনো বাস্তবে বা ফিক্‌শনেও দেখি নি। শিলঙের মত আন্ডার ডেভালপট শহরের হোটেল-ক্লাবে অধঃসভ্য ইংরেজ এখনো পরে ‘এডওয়ার্ডিয়ান সোল্‌লেস্’ টাই। সেটা দেখার পরও যে খালিফে ওরকমের আচাভূয়া টাই পরে, তার স্টকে পান্ট্রী সায়েবদের পানসে টাই থাকার কথা নয়। এটাও ব্রাফ, আগের ব্রাফটা জোরদার করার জন্য।”

কীর্তি : “তার প্রতিভাঙ্কায় সে তার ন্যাশনালিটি নিয়ে চেঞ্জার্টোঙ্কি করতে লাগলো। আর তুই তখন নিশ্চয়ই খুব বেকুব বনে গেলি ? না ?”

শিপ্রা : “এ কি কথা। সে তো তখন খুশী যে তার টেস্ট সফল হয়েছে।”

খান : “না কীর্তি’র অনুমানটাই ঠিক। এ রকম একটা থাড’ ক্লাস সৈয়দ মজ্জব্বা আলী রচনাবলী (বর্ড)—৯

টেস্টের মধ্যে নেহাত কাঁচা স্পাইও বিচলিত হয় না। সে যে স্পাই এটা আমি তখন আদৌ ধরে নিই নি। রোমান্টিক জিঁমি হয়তো ঘামের ফোঁটার কুমীর দেখে ধরে নিয়েছে লোকটা স্পাই—আর যখন সর্বত্র পাক্ স্পাই মম করছে। তাই ব্যাটার চেল্লাচেল্লি শূনে আমি প্রথমটায় বেকুব বনে গিয়োঁছলুম। তখন বুঝলুম, একমাত্র গাড়ল পাঞ্জাবীদের মধ্যে গাড়লস্য গাড়লই কল্পনা করতে পারে, সে পারফেক্ট স্পাই এবং শূধু তাই নয়, আর পাঁচটা, জাতভাই গাড়লের মনে বিশ্বাস জন্মাতে সমর্থ হয় যে সে স্পাই রানী মাতাহারির জারজ সন্তান কারণ তার উদর্ এ্যাসন চোস্ত লখনওয়ী যে এখনো বাপের সে-সুপুস্তুর পয়দা হয় নি যে ঠাহর করতে পারবে, সে আম্মাজানের গম্ব থেকে তেড়ে পাঞ্জাবী বুলির ফোয়ারা ছুটিয়েছে শালিমার বাগ-এর বেবাক ফোয়ারা এক জেট করে।”... খান নিজের রসিকতায় নিজেই খিলাখিল করে হাসতে আরম্ভ করেছে। শেষটার সামলে নিজে বললে, “লোকটা যেই না আমার ইচ্ছাকৃত বিকৃততর খাসে কলকাতাই উদর্ দাঁটি মাত্র লব্জো শূনেছে অর্মান ছোটাঁলে তার “উদর্”—সে যে উত্তর প্রদেশের প্রকৃত সন্তান সেইটে সপ্রমাণ করার জন্য। আর বলবো কি, দাঁদ, সেটা শূনেলে আমাদের পাড়ার পদনশীল কুলীন ঠাকরুন পাদিপিসি পর্যন্ত বলে উঠতো, ‘এ ম্যা—ভদ্রলোকের ছেলে, মাহীর, কতা কইচে ডাইভার সন্দার-জীর মতো—নোকের সামনে নজ্জা করে না!’ অতিশয় নিভেঁজাল অমৃতসর-লাহোর-মার্কা পাঞ্জাবী উদর্-প্লাস্টিকের পাতর-বাটি! সূনীতি চট্টো রেকর্ডে তুলে রাখতেন। আমাদের পাড়াতে এক বাঙাল ভদ্রলোক আছেন—তুই তো চিনিস রসরাজ ভাশচাষ—ত্রিশ বছর ধরে। প্রায়ই বলতে শোনা যায় ‘রারী (রাঢ়ী) দ্যাশে মাক্যা থাক্যা দ্যাশের আপন ব্বাসাটা (ভাষাটা) এক্বেবারে পাউরি গেছি, (ভূলে গিয়েছি, পাসরি গেছি)। এমনই আবস্থা (অবস্থা) ওংকা (এখন) গিরিনি (গৃহিণী) পইরজন্ত (পর্যন্ত) আমার বিসুর্দ রারী ব্বাসা (বিশুদ্ধ রাঢ়ী ভাষা) বৃস্তা পারইন না (বুঝতে পারেন না)।’ মিঃ কুরেশী ‘উদর্’ বলার সময় হুবহু ভাশচাষের আত্মপ্রত্যয় নিজে আপন উত্তর প্রদেশীয় সপ্রমাণ করার জন্য লেগেছিলেন ব্যাঘ্রাচার্য বৃহল্লাঙ্গুলের চাঁব খেলে।”

এমন সময় জিঁমি এসে বললো, “পুলিস আপনার কাছে আসতে চায়, না আপনি যাবেন।”

খান বললে, “আমিই যাচ্ছি। থাকতো আজ আই জি তালেবর দস্ত, হুঁঃ, আমাকে কেন, কাউকে কোন প্রশ্ন না শূধিয়ে, দ্যাখ তো না দ্যাখ, ক্যাকু করে আপন হাতে পাকড়াতে হারামীকে।”

খান চলে গেলে শিপ্রা শূধলো, “খান লাহোরীটাকে টেস্টে না করে অগাটার চেয়ে অগা সেজে, ধীরে ধীরে খাঁটি মুসলমান জাহির করে—সেটা

করতে পারতো সে কোনো ভান না করে, এবং অতি অনায়াসে, কারণ তুমিই বলেছো, সে ইসলামের ইতিহাস বহু বৎসর ধরে পড়েছে—এবং মুসলমান মুসলমান ভাই ভাই, ভাই ইয়েহিয়া তার বড় ভাই সাহেব—মিঞা সেটা সত্য সত্য বিশ্বাস করে। তারপর লাহোরের মিঞাজীকে সাংলাই করতে ইন্ডিয়া সম্বন্ধে রুগ্নরূপে বোগাস্ ইন্সাইড্ 'ইন্ফরমেশন', এবং পাম্প করতে তার পেট থেকে পশ্চিম পাক্ সম্বন্ধে যতখানি মাল বের করতে পারে, এবং সবচেয়ে ইমপোর্টেন্ট কনটাক্ট্ রাখার নাম করে ভারতে পাকিস্তানী ও হিন্দুস্তানী স্পাইদের ষে-কটা নাম সংগ্রহ করতে পারে। দুচ্ছাই, ওসব আবার বলি কেন?—জারী কোম্পানীকে সে যে-উদ্দেশ্য নিয়ে তেলিয়েছিল।”

কীর্তি বললে, “ও রকম একটা গণ্ডমূর্খকে কোনো দেশে স্পাই করে পাঠাতে পারে, সেটা বেচারী অনুমান করবে কি করে? সে ভেবেছিল, একটু-খানি ন্যাজ্ খেলানোর পর, ধরবে সাপের ন্যাজ্জটা। কিন্তু পয়লা কোপেই বেরিয়ে এল সাপের বদলে কেঁচো। তবে মিঞা খুব একটা কাজে লাগতেন বলে মনে হয় না। ওকে হয়তো পাঠিয়েছিল, জেনে শুনবে যে সে ধরা পড়বেই। ভারতের কর্দান লাগে ওকে পাকড়াতে, পাকড়ে ওকে নিয়ে কি করে—অর্থাৎ ওর নাম করে, কিংবা ওকে বাধ্য করে বোগাস্ খবর পাঠায় কি, না, ওকে কিনে ফেলে নিজেদের স্পাই করে পশ্চিম পাকের এমন জায়গায় পাঠায় কি, না যেখানে সে পরিচিত নয়, এবং আরো অনেক কিছু—এবং তার থেকে বিচার করবে ইন্ডিয়ান এ্যান্টি-স্পাই বিভাগ কতখানি চালাক, কতখানি আপ্-টু-ডেট্।”

শিপ্রা : “ঢাকা বেতার এখন খবর দেবে। কি বলে শুন।”

প্রধান খবর ছিল, হামিদুল হক বিবৃতি দিয়েছেন, “এটা যুদ্ধ নয়, হত্যা নয়, বর্বরতাও নয়। সামান্য অপারেশন। তাতে দু'চারজন লোক মরবেই—”

কীর্তি : “মাই গড্ !”

—“যারা আইন মেনে চলছে আর্ম তাদের কোনো ক্ষতি তো করছেই না, বরঞ্চ তাদের নিরাপত্তার জন্য সব ব্যবস্থা নিলেছে। দেশ লীগ শয়তানদের গুন্ডামী থেকে রক্ষা পেয়েছে। এখন যা লুট রাহাজানি খুন হচ্ছে সে সব করছে লীগের লোক। গ্রামের লোক ভারী খুশী, আর্ম অপারেশনের খবর শুনলে, আমার কাছে গায়ের সব খবর আসে” এবং সর্ব প্রকারের কটাকাটব্য, জলজ্যান্ত মিথ্যা ভাষণ। সংক্ষেপে বলতে গেলে আয়নার উগেটা ছবি মত ইয়েহিয়া টিক্কার সপক্ষে অনবদ্য একখানা মাস্টার পীস।

শিপ্রা স্তম্ভিত হয়ে শুনলো। সে এমনি হতবুদ্ধি হয়ে গিয়েছে যে গ্যোবেল্‌স্-এর তুলনা পর্যন্ত তার অবশ মনে সঞ্চারিত হল না।

কীর্তি অতখানি না। শূধোলে, “এই হক্টি কে চেন? ইনি বাঙালী মুসলমান। ইনি এবং একজন বাঙালী হিন্দু দু'জনাতে পার্টিশনের পূর্বে

বর্মী থেকে আগত শরণার্থীদের জন্য ফান্ড থেকে অন্তত লাখ তিরিশেক টাকা তজরুপ, চুরি, যা ইচ্ছে, বলো করতে—ওদের নামে গ্রেফতারীর হুকুম বেরয়। ঠিক ঐ সময় পার্টিশন হল; হুকু ঢাকা অর্থাৎ পূর্ব পাকিস্তানে পালিয়ে গিয়ে প্রাণ বাঁচালেন। খুব সম্ভব এখনো তার নামে কলকাতায় এন্ডেস্ট ওয়ারেণ্ট জারী আছে; এই চব্বিশ বছরে তিনি ভারতে পদার্পণ করেন নি। সেখানে রাজনীতির খেলাধুলোতে সর্বাধিক না করতে পেরে রাজনৈতিক বনবাসে চলে গেলেন—তখনকার মত। বর্মার কাড় দিয়ে একটা দৈনিক খবরের কাগজ কিনে রেখেছিলেন; সেইটে দিয়ে আড়াল থেকে কল-কাঠি নাড়াতে লাগলেন। অনেকটা—”

“থামলে কেন?”

“অল্ রাইট—অনেকটা গোর্য়িং ইনটু টেম্পোরারি রিটার্নমেন্ট লাইক এন ওল্ড্ প্রসটিটুট, বিকাম এ হোল-টাইম, প্রফেশনাল পিম্প্ এ্যান্ড্ এওয়েট এ স্টেজ-ব্যাক এ্যাজ্ দি সোল্ ওনার অব্ ফুল-ফ্লেজেড্ ব্বেথেল্‌স্।”

খানের প্রবেশ।

খান : চতুর্দিকে পূর্নাঙ্গ ছাড়িয়ে পড়েছে; হুলিয়া বেরিয়েছে মিঞাকে পাকড়াবার জন্য।”

কীর্ত : চতুর্দিকে কেন? ও তো এখন সিধে ধাওয়া করবে সব চেয়ে নিকটের পাক্ বর্ডারের দিকে। এবং যাবে চেরাপুঞ্জির ঘুরতি পথে। জিমিকে যে পই পই করে চেরাপুঞ্জির খবর জিজ্ঞেস করেছিল সেটা শুনু কামফ্লাজ নয়। পশ্চাদপসরণ—লাইন অব্ রিট্রীট—সম্বন্ধেও ওকীবহাল হওয়ার প্রচেষ্টা তাতে ছিল। এবং সে সোজা সরকারি সড়কও ধরবে না। খাসিয়ারা আর্তিথ-বৎসল। গ্রাম থেকে গ্রামান্তর হয়ে চেরাপুঞ্জি একপাশে রেখে—কি একটা জায়গার নাম, কি যেন, “উঠানি”—‘মহাদেরে উঠানি’ না কি যেন—সেটা অপরিহার্য—কল্লেক শ’ ধাপ সান-বাঁধানো সিঁড়ি দিয়ে চেরাপুঞ্জি অঞ্চলের উচ্চতা থেকে নামবে কি যেন একটা ছোট্ট খাসিয়া গ্রামে—কি এক ‘পুঞ্জি’—সেখান থেকে কোম্পানিগঞ্জ, ভুলাগঞ্জ, জাশিয়ার ওংরাইটার পথ খুবই সহজ। চেক্ পোস্টটার নাম বোধহয় ডার্টিক। সে নিশ্চয়ই সেখানে যাবে না। ওখানেও পাক্-সিলেটে ঢোকান তরে বিস্তর চোরাবাজারের গুপ্তপথ রয়েছে।...‘স্পাই মাস্টার’ যেরকম ভয় পেয়েছে আর অ্যাক্লেটিও গুড়ুম, সে তার বর্তমান মুক্ত-কচ্ছাবস্থার দু’কান-কাটার মত সদশেদ গোহাটির অষ্টপ্রহর গম্‌গম্ করা সরকারি বে-সরকারি কোনো পথই ধরতে পারে না।”

খান শূন্যে, “ম্যাপটি যোগাড় করলে কোথেকে?”

কীর্ত, তুপ্ত বদনে : “হাজী সকল কাজের কাজী; নিজের থেকেই দিল্লোছিল, টু মাইল টু এন ইণ্ড ম্যাপগুলো।”

খান : “তার পর প্রশ্ন উঠলো, লোকটা সব-কিছু ফেলে রেখে সুন্দরুমাঠ খালি সুটকেসটা নিয়ে গেল কেন ? এমন কি ট্রানজিসটারও ফেলে গেল কেন ? অশুভ ডাউকি বর্ডারের অবস্থাটা তো গৌহাটি স্টেশন থেকে শুনতে পেত ।”

কীর্তি : “উত্তর অতি সরল । সুটকেসটাতে ছিল ফল্‌স্‌ বটম—গর্দাপ্ত-তলা । সেখানে আর কিছু না থাক, ম্যাপ-ট্যাপ কম্পাস এমন কি ছোট ট্রান্স্‌মিটার থাকও অসম্ভব নয় । কামরার ভিতর সেগুলো নিশ্চিহ্ন করা অসম্ভব । অতএব পরলা মোকাবেলাই ওটা সে ফেলে দেবে যে-কোনো জঙ্গলা একটা খাদে—তার অভাব কি এখানে । তোকে যদি কখনো মার্ভার করি তবে শিলঙে ডেকন্‌ করে এনে । লাশ গায়েব করার তরে আইডিয়াল প্রলোভনী এখানকার খাদগুলো । লেকের পাশ দিয়ে যদি যায় তবে সেটা ব্যাড সেকেন্ড । কী মুখ লোকটা সেটা আরো বোঝা গেল ট্রানজিসটার সঙ্গে নয় নি বলে ।”

শিপ্রা বললে, “অনুমান করতে পারছি ।”

খান বললে, “আমি সদাই ওয়াটসন । রহস্য সমাধান হয়ে যাওয়ার পরও সে-সমাধানের ‘কৈশল’ও তার কাছে রহস্যময় থেকে যায় ।”

কীর্তি বললে, “নিয়ে গেলে পলিশের হুলিয়াতে অন্তত থাকতো ‘সম্ভবত পলাতকের হাতে ট্রানজিসটার আছে’ । তোরই মত পলিশ ভাবে, ঐ যন্ত্রটি ছাড়া ওর চলবে কি করে ? ওদিকে সে সেটা সুটকেসে পুরলে সেটার ওজন বাড়বে । খাদের ঝোপঝাড়ে আটকা পড়বে না—তদুপরি পলিশের অন্যতম সনাক্তকরণ চিহ্নও তার হাতে নেই । পলিশ কিছু বৃদ্ধি খাটালে ও সামান্য তৎপর হলেই ওকে ধরতে পারবে সেই ‘উঠান’র নিচে । পকেটে যদি কিছু পায় তবে, কম্পাস আর ম্যাপ ।”

খান বললে, “মিঞাকে নিয়ে দুর্ভাবনা করার কিছু নেই । তোকে ফার্সি প্রবাদটি তো একাধিকবার বলেছি, ‘আহাম্মুখ দোস্তের চেয়ে আক্কেলওলা দুশ্‌মন্‌ ভালো ।’ কিন্তু ঐ মিঞাটার মত দুশ্‌মন্‌ যদি রাঁচির সার্টিফিকেট প্রাপ্ত ইম্বেসাইল হয়, সে সম্বন্ধে প্রবাদ নীরব ।”

শিপ্রা তাচ্ছিল্যের সঙ্গে বলে, “এ রকম, একটু ভালো, আরো বোকা কত আসবে যাবে, সে নিয়ে মাথা ঘামালে হবে বর্বরস্য বলক্ষয়—আর তুমি, খান, মাত্র অর্ধ বর্বর । চলো না কলকাতায়, তোমার মত ধুরন্ধর চোখ না মেলেও দেখতে পাবে মার্কিন, রুশ, চীনা, বিশেষ করে উভয় পাকের চর কভু স্ববেশে কভু বা ছদ্মবেশে আবজাব করছে ।”

কীর্তি বললে, “তোমাদের সম্মতি থাকলে কালই কলকাতা রওয়ানা হওয়া—”

খান আশ্চর্য হয়ে শূন্যে, “এত ম্যাপ ঘাঁটাঘাঁটির পর ডাউকি যাবে না ?”

কীর্তি শান্ত কণ্ঠে বললে, “করিমগঞ্জে যে দু’একটি শরণার্থী দেখেছি, সেই

প্যাটানই তো ইছামতী থেকে পদ্মা বন্থপন্থ ডাউকি, সর্ব্বই একই রূপে দেখা দেবে।”

খান বললে, “অ-অ-অ! হাতে হাঁড়ির একটা ভাত টেপা ঝোপের দশটা পাখির সমান।”

অষ্টম অধ্যায়

“জিমি!”

“ইয়েস, ম্যাডাম!”

“তুমি সত্যি ভেরি ভেরি ব্যাড্ বয়।”

“আমার ড্যাড, অনুমতি করুন ম্যাডাম, আমাকে এইটুকু হাইট থেকে (হাত দিয়ে দেখিয়ে) এই সত্যি বাক্যটি বলেছেন। আমার মনে যেটুকু সন্দেহ ছিল, আজ থেকে সেটা একদম লোপ পেলে—”

“ফাজলামো করো না। সেই ভোর চারটে থেকে তোমাকে আমি খুঁজছি। সবাই বলে, তুমি অফ্ ডিউটি। সো হোয়াট্? শেষটার গোহাটির পথে তোমার বাড়ি গেলুম। পথে দেখি, সেই জোয়ান বেয়ারাটা, ড্যাক করে যে কেঁদে ফেলেছিল আমার সামনে, সে ছুটেছে টাট্টু ঘোড়ার মত। জিজ্ঞেস করলুম, লিফ্ টু চাই। বললে, তোমার বাড়ী যাচ্ছে, তোমাকে খবর দিতে। সেখানে শুনলুম, ইয়ের বেভ হ্যাজ্ নট বিন্ স্লেপট ইন এটোল। আই লাইক দ্যাট্! কোথায় ছিলে সমস্ত রাত? আমি তোমার বাপ হলে এতক্ষণে আমার দুই উরুর উপর উপু করে ফেলে, উইদ দি রং সাইড অফ্ মাই ব্রাশ এমন প্যাঁদানি দিতুম—

হঠাৎ জিমিকে গোহাটিতে পেয়ে এমন খুশী যে বহুদিন পরে অনর্গল বকর বকর করে যেতে লাগলো।

জিমি সর্বিনয় বললে—ছোকরাকে এরকম “বকাবকার” লাই ইতিপূর্বে কেউ কখনো দেয় নি, এন্ড বাই হোয়াট এ ড্রীমল্যান্ড ফেরারি! মাদার মেরি তুমি একে সর্ব্ব অমঙ্গল থেকে রক্ষা করো, মা!—“ম্যাডাম, আমার ওজন ১৭০ পাউন্ড, তাই এই মাটিতে লম্বা হচ্ছি! আপনি—” ছোকরা জীবনে এতখানি স্নেহ ইহজন্মে পায় নি। নইলে এ-রকম বাচালতা তার নিজের কাছেই অবিশ্বাস্য ঠেকত। বাপের স্নেহ ছিল পুরুষের, পিতার স্নেহ।

“চূপ করো। এই চেয়ারটার বসো তো।” তারপর হ্যান্ড-ব্যাগ খুলে সিন্কে মোড়া একটা কেস বের করলো। বললো, “খুলে দেখো। তুমি প’রো। আর বিয়ের বউয়ের আঙুলে আংটি পরাবে তো, চার্চের ভিতর? বোরিন্কে এসেই এটি তাকে পরিয়ে দেবে—ইফ্ আই বি অন দি আদার সাইড—”

“ম্যাডাম, প্লীজ !”

“শোনো ! আমি বেঁচে থাকলে অন্য কথা । এখন সিরিয়াস হয়ে শোনো । এটা তোমাকে আমি ফ্রী দিচ্ছি না । আমি প্রতিদান চাই !”

জিমি হাত তুলেছে শপথ করতে ।

“শুনে যাও, প্লীজ । তোমার হেল্প্ আমার দরকার হতে পারে, না, হবেই । হয়তো উইদাউট এনি নোটিস । হয়তো বা দিতে পারবো । তুমি ‘না’ বললে আই শান্ট্ টেক ইট্ এমিস্ এটোল । সী হোয়াট্ আই মীন ?”

“প্লীজ, ম্যাডাম । আমাকে মাত্র একটি কথা বলতে দিন । আমার ড্যাডির জীবনের আদর্শ তিন নিরোঁছিলেন কার কাছ থেকে আমি ঠিক জানি নে । বোধ হয় প্রিন্স্ কনসর্ট্ এলবার্ট্-এর এই ‘মটো’ ছিল । জর্মনে দুটি শব্দ, ‘ইষ ডীনে’ (Ich diene) ‘আমি সেবা করি,’ ‘আমি সেবার জন্য,’ ‘আই এম হিয়ার টু বি স্লজ্জড্ ।’ আমিও সেই আদর্শে বিশ্বাস করি ।”

“গুড্ । আমি তোমাকে এমন কোনো সেবা করতে বলবো না, যেটা হীন কিংবা তোমাকে কোনো বিপদে পড়তে হবে । প্রথম সম্মুখ্যেই আমি বুদ্ধিমান, পরের হিত করে তুমি আনন্দ পাও । তারপর যখন মিঃ খানের কাছ থেকে শুনলুম, পাঞ্জাবী গুপ্তচরের প্রতি তোমার ঘৃণা, এবং খানকে সব-কিছু তুমি বলেছো যাতে করে সে খানের বা অন্য কারোর অনিষ্ট না করতে পারে তখনই—ওয়েল নেভার মাইন্ড—তুমি কবে কলকাতায় আসছো ?”

“আপনি যখনই আদেশ করবেন ।”

“আচ্ছা, তোমাকে শেষ প্রশ্নটা জিজ্ঞেস করি : তোমার পিতা এবং তুমি বড় হওয়ার পর, তোমার সম্প্রদায়ের আর পাঁচজনের মত তোমরা ক্যানাডা বা অস্ট্রেলিয়ায় চলে গেলে না কেন ?”

“ড্যাড ছিলেন অতি এক্সপোর্ট বয়লার ইন্সপেক্টর । কাজেই তিনি আর পাঁচজনের তুলনায় ঢের ঢের ভালো অফার পেয়েছিলেন । এবং তিনি এটাও জানতেন, তাঁর নিকট আত্মীয়স্বজন প্রায় সবাই মাইগ্রেট করার ফলে তাঁকে বৃন্দ বয়সে নিতান্তই নিঃসঙ্গ জীবন কাটাতে হবে । তবু তিনি যান নি । কেউ জিজ্ঞেস করলে উত্তরটা এঁড়িয়ে যেতেন । মাত্র একদিন একবার আমাকে, একান্ত আমাকেই বলেছিলেন, ‘যারা যাচ্ছে, যাক্ । আমি কক্খনো বলবো না, তারা অন্যান্য করছে । কিন্তু, মাই জিমি, আমি যে-দেশে জন্মেছি, যে-দেশকে আমি ছেলেবেলা থেকে ভালোবাসতে শিখেছি, সে-দেশ আমি ত্যাগ করতে পারবো না । আমি এ-দেশেই মরতে চাই, যাতে করে আমার বাপ পিতামোর হান্ডির কাছে আমার হান্ডিও ঠাই পায়—আই উয়াট্ মাই বোনস্ টু বি গেদার্ড্ আনটু মাই ফোর ফাদার্স হোয়াস দে আর ।’ ম্যাডাম, আমার বেলাও তাই—সেম্ হিয়ার । আমি চলে গেলে তাঁর গোরে ফুল দেবে কে ?”

তাই তো, অবাধ হলে ভাবলো মনে মনে শিপ্রা, তাই তো, খৃষ্টান মুসলমান ষাদের গোর দেওয়ার রীতি, তারা চায় তাদের হাড়গুলো যেন তাদের বাপ পিতামোর হাড়ের কাছে স্থান পায়, কালক্রমে ধুলো হয়ে মিশে যায়। হৃদয় দিয়ে যারা এ-দেশকে ভালোবেসেছে তাদের পক্ষে এদেশ ত্যাগ না করার বিরুদ্ধে এটা একটা অতিরিক্ত 'হৃদয়ের যুক্তি'।

সঙ্গে সঙ্গে তার মনে পড়লো, বাট'ন না ওপেন্‌হাইম্‌ কার লেখাতে সে-যেন পড়েছে, বসরা বন্দর থেকে ভারতগত জাহাজ যে-সব শত সহস্র মুসলমানদের ওষাধ-রক্ষিত মৃতদেহ "সাত-সমুদ্র" পেরিয়ে নিয়ে এসেছে, তাদের বোঝাই করে এগিয়ে চলেছে মরুভূমির এক দিগন্ত থেকে অন্য দিগন্তে বিলীন শত সহস্র উৎপ্র গর্ভের কাফেলা পুণ্যভূমি কারবালার দিকে, যেখানে তাঁদের নেতাজী শহীদ ইমাম হোসেনের রক্তধারা কারবালা-মরুভূমির সহস্রাধিক বৎসরের শুষ্ক বালুকা সিক্ত, রঞ্জিত করেছিল, যেখানে তাঁর অস্থি সমাহিত হয়েছিল তারই নিকটে একই মরুভূমিতে ভারতীয় অস্থি স্থান পাবে বলে, একই ধুলোয় ধূলি হবে বলে।

এবং এরই সঙ্গে তার মনে আরেকটি চিন্তা উদয় হয়ে তার দেহটা যেন বিধিয়ে দিল : জেনারেল ইয়েহিয়া অতিশয় গোঁড়া কটর শীয়া, এবং সম্প্রতি জানতে পেরেছে মিস্টার জুলফিকার আলী ভুট্টোও শীয়া—গোপনে গোপনে তিনিও ধর্ম্মাধ, তাঁর শীয়া মতবাদ ভিন্ন অন্য সর্ব বর্ণ সর্ব গোত্রের মুসলমানের প্রতি তার প্রতিটি লোমকূপ সাম্প্রদায়িক বিদ্বেষ-হলাহলে জর্জরিত।

এবং সে সাম্প্রদায়িকতা এমনই বিশ্বব্যাপী—“যো বিশ্বং ভুবনমাবিবেশ”— যে সে ধর্ম্মাধতাকেও পরাস্ত করে ধর্ম্মনিয়ন্ত্রিত পবিত্র মহরম মাসে, পুণ্য শুক্তের দিবসারম্ভে তাদের সর্ব পবিত্রতাকে কলুষিত করে শীয়াদের ধর্ম্মবৈরী সূক্ষ্মী মূর্খ পাঠানকে উত্তেজিত নিয়োজিত করে তার ধর্ম্মভ্রাতা পূর্ব বাঙলার সূক্ষ্মী মুসলমানকে নিধন করতে, তার বধুভগ্নী কন্যাকে—। তাদের শেখানো হয়েছে পূর্ব বাঙলার মুসলমান কাফির। ইয়েহিয়া শূধু মদের নেশায় বলতে ভুলে গিয়েছিলেন শীয়ারা সর্ব সূক্ষ্মীকে, অতএব পাঠানকেও কাফের মনে করে।

ইয়েহিয়ার পরলোক ইরাকের কারবালায়, ইহলোক শীয়া ইরানে তিনি ভুলতে পারেন না, ভুলতে চান না যে তাঁর পূর্বপুরুষ কিজিলবাস্ গোষ্ঠী এসেছে ইরান থেকে—শূধু ভুলে গেছেন তারা ইরানে এসেছিল মূল মাতৃভূমি সূক্ষ্মী তুর্কোম্যানিস্তান থেকে। ইরানের সঙ্গে তাঁর দোস্তী ; পূর্ব বাঙলার সূক্ষ্মী তাঁর দূশমন। তাঁর দোস্ত ইরান তাই তাঁর সূক্ষ্মী নিধন কর্ম্ম সূক্ষ্মাপ্ত করার জন্য শানিয়ে দিচ্ছে তাঁর তলওয়ার, সওগাৎ পাঠাচ্ছে বোমারু বিমান।

হঠাৎ সংঘাতে ফিরে এলো শিপ্রা। জিমি সম্বন্ধে শেষ কথা তার যা জানার ছিল সেটা জানা হয়ে গিয়েছে। তার আনুগত্য ইংলণ্ডে বা কানাডার প্রতি একস্‌টা টেরটারিয়ার নয়।

আমাদের মেয়েরা একদা “অষ্ট অলংকার” দিয়ে প্রসাধন করতেন, “ওষ্ঠরঞ্জন” ইদানীং বহুস্থলে—হোটেল, ট্রামে-বাসে, থিয়েটারে—তাদের এক মাত্র অলংকার। পক্ষান্তরে গোরা রায় অদ্যাপিও “অষ্টপদী” ব্লেকফাশট খায়! তারই এক চাউস সংস্করণ বেয়ারা এনে রাখলো জিমির সামনে।

শিপ্রা বললে, “আজ এই খাও। এতদিন তোমার কর্তব্যের আওতায় না পড়া সত্ত্বেও তুমিই যে আমার খানার তদারকি করতে সে আমি জানি।” একটু মন্দ হেসে বললে, “আর কলকাতার বাড়িতে খাবে পুঁইশাকের চচ্চড়ি আর মোচা-ঘণ্ট।”

“কিন্তু আপনি অর্ডার দিলেন কখন?”

“ওহে জনপদবাসী যুবক, আমি নাগরিকা। আমাদের টেকনিক ভিন্ন। আমার চেয়েও সূচতুরা, বিদগ্ধা নাগরিকার নাম বেয়োগ্রিচে। আমাকে গুলে খেতে পারে। এসো কলকাতায়। এই এঁপ্রলেই। ঐ কথাই রইল—ডান্?”

“ডান্! অনার রাইট। ঐ কথাই রইল।”

শিপ্রা সেন্টিমেন্টাল নয়। শব্দটি ইংরিজিতে স্থান বিশেষে সব সময় প্রশংসনীয় নয়। বাঙলায় আমরা বলি “ভাবাবেগে গদগদ হওয়া”, “উচ্ছ্বাসে আত্মহারা হওয়া” কিংবা যে-রকম বলা হয়, পড়ুয়া প্রহ্লাদ যখন বর্ণমালার “ক” অক্ষরে এলেন, তখন কৃষ্ণ নামের স্মরণে ভাবাবেশ মুছিত হয়েছিলেন। শিপ্রার অনুভূতি এস্থলে সে পর্যায়ের নয়। সে দেখতে পেয়েছিল জিমির ভিতর একাধিক চরিত্রগত বৈশিষ্ট্য যে-গুলোকে সাধারণ জন রেসেপ্‌সনিষ্টের মামুলী কর্তব্য বোধ মনে করে তার দিকে আরেকবার ভালো করে তাকানোর প্রয়োজন বোধ করতো না। সব ভালো হোটেলেরই রেসেপ্‌সনিষ্ট—এমন কি ক্লাব-চ্যাটার বক্সের সমগোত্রীয় হোটেল-স্নব হয় তো বলেই ফেলতো, ছোকরার উচ্চারণ “ট্যাশুয়া”—চেণ্টা করে গেস্টের সেবা, কিন্তু সেবাই যে জিমির ধর্ম সেটা যত না বৃন্দ্বি দিয়ে ততোধিক অনুভূতি দিয়ে হৃদয়ঙ্গম করেছিল শিপ্রা। শিপ্রার সেন্টিমেন্ট আছে, কিন্তু সে সেন্টিমেন্টাল নয় কারণ তার সেন্টিমেন্টের পিছনে অহরহ জাগ্রত থাকে পর্যবেক্ষণশীল অন্তর্দৃষ্টি।

শিপ্রা আর জিমি লাউজে বসে নিজেদের মধ্যে কথাবার্তায় একে অন্যকে যখন চিনে নিচ্ছিল, খান ততক্ষণে ঝগড়পু গোটা পাঁচেক জিন্ মোকামে পেঁঁছিয়ে দিয়েছে, রেস্টোরাঁতে বসে কীর্তি সঙ্গ দিয়েছে বটে কিন্তু সে আধ গেলাসও শেষ করতে পারে নি।

মাইক্রফোনে প্যাসেঞ্জারদের উদ্দেশে সমন জারী হয়েছে। খান থগু করে কীর্তির গেলাসটা তুলে নিয়ে বটম্ আপ করে বললে, “চ,—যত সব দৃশ্চরিত্র পেঁঁচ মাতাল!”

লাউজে শিপ্রাদের সামনে দাঁড়িয়ে এবারে বাক্য সম্পূর্ণ করে বললে, “যত-

সব পেঁচি মাতালদের পাল্লায় পড়ে আমার চরিত্রটা বরবরে হচ্ছে গেল !”

জিমি এখন শিপ্রার প্রটেজে । জিমির ইংরিজি ট্যাগশুয়া হোক, আর নাই হোক, তার বাঙলাটা খাজা ট্যাগ মার্কী । শিপ্রা প্রথম তাকে বুঝিয়ে বললে, “পাঁড় মাতাল অর্থাৎ কনফার্ম্‌ড বৃজার, আর পেঁচি মাতাল মানে, যারা আধ ফোঁটা গিলতে না গিলতেই ঘরের ভিতর আটটা প্যাঁচল দেখতে পায় ।” তারপর খানকে শুধলো, “পেঁচির সহবতে দুর্চারিত্র হলে কোন অলৌকিক অধ্যবসায় এবং ইন্দ্রজাল-ভানুমতীর সম্বন্ধে ?”

খান হাহাকাহ সহকারে বললে, “হায় হায়, এই সামান্য তত্ত্বটুকু পর্যন্ত জানো না, সুন্দরী । তাই বলছো ভানুমতীর খেল । ঐ যে আমাদের পাঁড়স্য পাঁড়ি কেশনগরের ব্যারিস্টার গোসাঁই, তাকে লন্ডনে পল্লিশ ধরে নিয়ে দাঁড় করিয়েছে ম্যাজিস্ট্রেটের সামনে । অপরাধ ? রাস্তার মাতলামো করেছে রাত দুটো অবধি । পল্লিশ যা প্রমাণপত্র পেশ করলে তার সামনে হাকিমের মনে কোনো সংশয়ের অবকাশ রইল না, ব্যাটা পাঁড়ি । তবু জানো তো, ব্রিটিশ জাস্টিস, অপরাধের পুরো বয়ান শোনার পর তবে তো স্থির করবে, দণ্ডটা গুরু না লঘু হবে । আসামীকে শৃঙ্খলেন, এমন কি কোনো অস্বাভাবিক ঘটনা ঘটেছিল। এমন কি কোনো বিপাকে পড়েছিল যে ফলে বেহেড মাতলামোটা করলে ?

গোসাঁই চিঁ চিঁ করে করুণ কণ্ঠে বললে, ‘আমি দুজন অসচারিত্র লোকের পাল্লায় পড়েছিলুম, ধর্মান্তার, ইওর অনার ।’

জজ উৎসাহ দিয়ে বললেন, ‘খুলে কও ।’

গোসাঁই অপ্রসন্ন কণ্ঠে, ‘মি লাট, আমার সঙ্গী-দুটো যে এতখানি দুর্চারিত্র জানা থাকলে আমি কস্মিনকালেও ওদের ছায়া পর্যন্ত মাড়াভুম না । দুই শুল্লারই—বেগু পার্ডন, স্যার—টি টি, টী টোটেলার মদ্যস্পর্শটা মুসলমানদের চেয়েও হারাম বলে বিশ্বাস করে । ক্রিস্‌মাস, আপন আপন জর্মান্দনে পর্যন্ত মদ্যপান করে না ।’

প্রহেলিকাচ্ছন্ন শ্বিবাভরা কণ্ঠে জজ ফের বললেন, ‘আরো খুলে কও ।’

‘আর ছিল, হুজুর, একটা পুরো মেগনাম্ সাইজের হুইস্কির বোতল—খাঁটি স্কচ, ছিপ পর্যন্ত খোলা হয় নি । সেই সমস্ত বোতলটা আমাকে একাই খতম করতে হল, পাষাণেরা কিছতেই হিস্যে নিলে না । মেগনাম্ বোতলে নেশা হবে না তো কি হবে ? ঐ দুটো লোককে দুর্চারিত্র বলবো না তো কি বলবো, কুসঙ্গ বলবো—”

কলকাতার স্মাট্‌ সেট্‌-এর কারদা-কেতা প্রটোকল-বাধা । কোন অঙ্গের রসিকতার মধ্যে ফুটবে একটুখানি স্মিত হাস্যের ক্ষীণাভাস, কোন পর্যায়ের চুটকিলাতে শীতের ফাটা ঠোঁটের চেরা হাসি, মোনা-লিসা-স্মিতহাস্য করে করে

স্তরে স্তরে সর্বশেষে রবীন্দ্রাগ্রজ “বড়বাবু”র ঠাঠা অট্টহাস্য। শিপ্রা কোনো প্রটোকল কখনো মানে নি, তার হাস্যমাত্রা কি হবে সেটা ‘মেট-এর’ আব-হাওয়ায় পূর্বাভাস দেওয়ার সঙ্গে তুলনীয়। কিন্তু গাইয়ী জিমি একহাতে মুখ চেপে অন্য হাতে পেট চেপে দু’ভাঁজ হয়ে গিয়েছে।

শিপ্রা বললে, “আম্মে সেই লন্ডনী জজের মত রহস্যচ্ছন্দা হয়ে শূখোই, এখানে কথিকাটি কি ভাবে প্রযোজ্য।”

“আরে কও কেনে? আমি সদাই সাথীরূপে রাখি ছ’টা বিগু হুইচিক, ছ’টা ‘ব্লা’ জিন্—তোমাদের এই প্যারা কংগ্রেস সরকারের মেহেরবানীতে এ-সব সূখা ভারতময় লুকোচুরি খেলে, কটকে রাজরাজমহেশ্বরম বা তিরুচিরপন্নী কোন্টা ড্রাই, কোন্টা ওয়েট, কোন্টা স্যাংসেঁতে, সেটা আবার হঠাৎ এক লাম্ফ বোনড্রাই হয়ে গিয়েছে কবে, তার নেই খবর—মরো গিয়ে সেখানে সূখার অভাবে। অতএব প্রকৃষ্টতম পশ্চা ক্যাণ্ডার, পশ্চাতি। আপন খেলেতে আপন মাল নিজে চলা-ফেরা করা। আজ সঙ্গে ছিল ছ’টা বড়া জিন্ আর ছিল আদেশা, দু’নো ইয়ারের তরে বাড়ন্ত হলেই তো সবেলাশ—নাশ নয় লাশ—আখেরে হল সর্বনাশই। ছ’টার সাড়ে পাঁচটা খেলুম আমি, ইয়ার খেলেন হাফ্। চরিত্র নষ্ট হল না আমার, এই পেঁচি মাতালটার পান্নার পড়ে? বরগু গোসাঁইয়ের কপাল ছিল ঢের ভালো, তার প্রলোভন ছিল মাত্র সেই বোতলটা। কাউকে খেতে দেখলে, কিংবা যদি কেউ সঙ্গ দেবে বলে জানা থাকে তবে প্রলোভনটা হয় প্যারাডাইজে সেই প্রথম নর-নারীর মত নজীরহীন, অভূতপূর্ব লালসা ভরা আপেল। এক পেগ আপেল, নো, আই মীন একটা আপেল—সেটা হাফাহাফি করে খেয়ে একে অন্যকে উৎসাহিত করলো। বাবু কীর্তিনাশ আমাকে সঙ্গ দেবার লোভ দেখিয়ে চাটলেন তাঁর জিন্টা, পেঁচি রাধুনী ষে-রকম আড়াই ফোঁটা ঝোল চেটোতে নিজে দেড় বার চেটে নুনটা পরখ করে নেয়। এখন বলো, ভদ্রে শিপ্রা, সম্পূর্ণ মদ্যবর্জিত লোক এবং কীর্তি কে বেশী বিপজ্জনক দর্শনার! তবে কি না, একটা সান্ত্বনার কথা, শূখু ঐ ছ’টা জিন্ পেগ নয়,—ছ’ বোতল স্কচ আর তিন বোতল স্কচ লুট করোই ঐ পাঁচ স্পাই পাজাবীটার ঘর থেকে।”

দ্রিমূর্তি বাক্‌হারা, স্পন্দনহীন। এলেফেণ্টার প্রস্তর দ্রিমূর্তি এদের তুলনায় তখন মুখরিত বাচাল।

“দোয়া পর সমাচার এই,
স্নেহের শিপ্রা বোন—”

শিপ্রা যেন বিজ্ঞানির শক্ খেল। খামের উপর ছিল ভারতীয় স্ট্যাম্প। ঠিকানাও অচেনা হাতের। অলস অবহেলায় চিঠি খুলেছে, আনমনে পড়তে শুরু করছে—হঠাৎ বুঝতে পারলো এ যে বিল্কিসের চিঠি! কত যুগ পরে! চিঠির ডান কোণে তাকালো—হ্যাঁ, সিলেটের ঠিকানা। খামটা তড়িঘড়ি বাস্কেট থেকে তুলে নিল—ঠিকই তো দেখেছে। ভারতীয় স্ট্যাম্প। তারিখ বিশ। তখনো তো মানুষ পূর্বে বাঙলা ছেড়ে চলে যেতে আরম্ভ করে নি। পাঁচ সেকেন্ডের ভিতর আগাগোড়া চিঠিটায় চোখ বুলিয়ে ধরে ফেলল জায়গাটা যেখানে তার উত্তর আছে। লিখেছে :

“এখানকার অবস্থা এমনই অস্বাভাবিক যে চিঠিটা এক হিন্দু ভদ্রলোক মারফত ভারতে পাঠালুম। ভদ্রলোক সেই পার্টিশনের সময় থেকে সব রকমের বড়বন্ধু সয়েছেন, কিছুতেই দেশত্যাগ করতে রাজী হন নি। কাল হঠাৎ এসে আমার মেয়েকে বললেন, তাঁকেও শেষ পর্যন্ত ভিটের মায়ী ত্যাগ করতে হল। মেয়ে আশ্চর্য হল, কারণ আমাদের অনেকেই তো এখনো পুরো আশা ধরে আছেন, লীগ আর ইয়েইয়াতে সমঝোতা হওয়া খুবই সম্ভবপর। অথচ একাধিক বার যখন হিন্দুদের চতুর্দিকে ঘোরঘুটি অন্ধকার, প্রায় সবাই পালাচ্ছে তখনো তিনি প্রতি সন্ধ্যায় এখানে এসে বৈঠকখানায় তোমার জামাইবাবুর সঙ্গে দাবা খেলে গেছেন। উপস্থিত হিন্দুদের ভিতর বিশেষ কোনো চাপল্য নেই, তবু তিনি বোঝাতে বললেন, এত দিন বাইরের গুণ্ডা এসেছে মার-পিঠ লুণ্ঠনরাজ করতে, তাঁর হিন্দু-মুসলমান প্রতিবেশী, ইয়ার দোস্তের সাহায্যে তিনি তাদের ঠেকিয়েছেন। এবারে—তাঁর স্থির বিশ্বাস—স্বয়ং সরকার আসবে বেহন্দ জুলুম করতে। জুলুম করতে আসে যে-সরকার তার জাত নেই, ধর্ম নেই। মুসলমান হিন্দু কেউ কাউকে সাহায্য করতে পারবে না। বোঝে তাঁর ইঙ্গিতের কিছুটা ধরতে পেরে ভয় পেয়ে শূন্যলো, মুসলমানদের উপরও জুলুম চলবে না কি? তিনি ভালো মন্দ কোন উত্তর না দিয়ে বোঝার হাতে চন্দন কাঠের একগাছি মালা দিয়ে চলে গেলেন। ভাষায় মশাই করিমগঞ্জ হয়ে কোথায় যাবেন সেটা এখনো স্থির করতে পারেন নি। দাদার বন্ধু শ্রীযুত দেশরঞ্জন চক্রবর্তী, করিমগঞ্জ, কাছাড়, ঠিকানায় উত্তর দিয়ে। ভাষায় আমাদেরই মত

সাদামাটা মানুষ; তাঁর দিব্যদৃষ্টি আছে এ-রকম কোনো খবর বা গুজোব আমার কানে কখনো পৌঁছয় নি, ভবিষ্যৎবাণী করতেও শূন্য নি। তাই তাঁর দেশত্যাগ শূন্য বেদনা দিচ্ছে। এর মধ্যে আশা বা নিরাশার কোনো আভাসই নেই।

বাইরে যথেষ্ট। মিনিটে মিনিটে রকমারি খবর গুজোব এখানে পৌঁচাচ্ছে—আমাদের এই অজ্ঞ পাড়াগাঁয়ে পর্যন্ত। কোন্টা সখবর, কোন্টা দুঃসংবাদ সেটা পর্যন্ত সব সময় বোঝা যায় না—কারণ তারই ফল আথেরে কি হবে, কেউ অনূমান করতে পারে না। সর্বোপরি বেবি আর তার বেতার। ঢাকা বলে এক কথা, পিণ্ডি বলে উগেটাটা, লন্ডন মনস্কির করতে পারে না। আমি শূন্য জানতে চেয়েছিলুম, ইন্ডিয়া ব্যাপারটার গুরুত্ব বন্ধুতে পেরেছে কি? কলকাতা শূন্যে তো মনে হয় না। কিন্তু কে জানে? হয়তো দিল্লীই জানে সবচেয়ে বেশী কিন্তু উচ্চবাচ্য করাটা সমলোপযোগী বলে মনে করছে না।”

চুপ করে শিপ্রা ভাবতে লাগলো—বাকি চিঠি পড়া স্থগিত রেখে। একরাশ চিন্তা একটা আরেকটাকে ঠেলে ফেলে কোনোটাই তার শেষ সীমানা অবাধ পৌঁছয় না। শূন্য একটু বেদনাবোধ তার হৃদয় মনের গভীর অতলে বসে আছে। তার কোনো পরিবর্তন নেই। ওয়ান জাস্ট্‌ কান্ট্‌ থিংক ইট আউট—বহুকাল ধরে সে জানে বিল্কিস্‌দিদের পক্ষে দেশত্যাগ করে কলকাতা চলে আসাটা সম্পূর্ণ অসম্ভব। কতকাল হয়ে গেল, কতবার সে অনুরোধ করেছে একবার দেশ থেকে বেরিয়ে আসতে—দু’দশ দিনের জন্য। সে নিজে যাবে স্থির করার সঙ্গে সঙ্গে যাওয়াটা হয়ে গেল বটে কিন্তু সেটা পাহাড়পুর নয়, সেটা স্কটল্যান্ডের পাহাড়পর্বত, নদী হ্রদ। তারপর দীর্ঘ নীরবতা। আলস্য, জড়ত্ব।

আবার চিঠিখানা পড়তে আরম্ভ করলো, অন্য এক জায়গা থেকে। লিখছে, প্রকৃত বিশ্বাসযোগ্য দেশের খবর দেবার মত কিছুই নেই। সব পরস্পর-বিরোধী। এবং সবচেয়ে মারাত্মক যে পাপ বিষ প্রত্যেকের দেহমনকে আচ্ছন্ন করে তাকে নিজীব, ক্রীত করে দিচ্ছে সেটা ভবিষ্যৎ অনিশ্চয়তা। কেউ জানে না, কার কপালে কি আছে? কোনো সন্দেহ নেই, এখন, এই মুহূর্তে দেশের পনেরো আনা লোক—মেয়েছেলেরাও পিছিয়ে নেই—লীগপন্থী। সত্য বটে এ-রকম সর্বব্যাপী আন্দোলন আমি ইতিপূর্বে আর কখনো দেখি নি। তবু মনে ভয় জাগে একাধারে ভাবালুতার উচ্ছ্বাস, অন্য দিকে অনিশ্চিত ভবিষ্যৎ সম্বন্ধে উদ্ভব জড়ত্ব—এ দুটোর ভিতর জিতবে কোনটা যদি কখনো পরীক্ষা আসে।

শেষ কথা। বেশীর ভাগ লোকের বিশ্বাস, লীগ ইয়োগ্রাহাতে যদি সমঝোতা না হয় তবে পূর্ববঙ্গবাসী যে আন্দোলন আরম্ভ করবে এবং সেটাকে আগুতে

আনার জন্য জুনাটা যে দমননীতি প্রবর্তন করবে তার আন্দোলনটা সেই স্বদেশী যুগ থেকে আরম্ভ করে যে-খারা বলে ইয়েহিয়াতে এসে পৌঁচেছে সেই সনাতন ধারা বলেই চলবে, সেই প্যাটান'ই যুগধর্মের বর্ণে রঞ্জিত হয়ে স্বপ্রকাশ হবে— মাঝে মাঝে কখনো বা ভাষার জন্য, কখনো বা রুইনভাসিটির উচ্ছৃঙ্খলতার বিরুদ্ধে লড়াই চালিয়ে কয়েকটি নিষ্পাপ যুবক আত্মাহুতি দিয়ে শহীদ হবে ; এবং ইয়েহিয়ার দমননীতিও সেই আলীপুর মামলার ফলস্বরূপ কয়েকটা স্বাধীনতার ধরনের শাস্তি, জনতা ছত্রভঙ্গ করার জন্য টিমার গ্যাস, হাঙ্গার স্ট্রাইকের সমস্ত রবারের নল দিলে জোর করে গেলানো, কখনো বা এলোপাতাড়ি গুলিবর্ষণ, গোপনে গোপনে কিছুটা উৎপীড়ন—এই প্রাচীন রাজকীয় পন্থাই অবলম্বন করবে এবং সঙ্গে সঙ্গে সে-পন্থার সমান্তরাল হয়ে চলবে সেই সনাতন তোষণ-নীতি—মোমেন খানদের সংখ্যা বাড়ানো হবে অকাতরে, স্পাই পোষা হবে অগণিত এবং অধুনা যে ছাত্র-আন্দোলন দ্রুতবেগে উগ্র হতে রুদ্রতর রূপ ধারণ করছে সেটাকে করায়ত্ত করার জন্য বিস্তর ছাত্র-স্পাইকে অকুপন হস্তে বিতরণ করা হবে দেদার কাঁচা টাকা, মাসিক মাইনে, তাদের কক্‌টেল পাটির জন্য কাপ্তাই ডামাম্বন্ধ পরিমাণ নিষিদ্ধ পানীয় এবং সমান্তরাল পন্থায় সঙ্গে সঙ্গে সানন্দে সসম্মানে এগিয়ে যাবে এতাবৎ সরকার কর্তৃক পদদালিত, সমাজ কর্তৃক লাজ্জিত ভাড়াটে গুন্ডার পাল—যে-সব দ্রুতমতি, দু'টবুদ্ধি, রাষ্ট্রদ্রোহী, পশ্চনদবৈরী সম্প্রদায় সরকারের মেহেরবানী কদরদানী তাচ্ছিল্যভরে উপেক্ষা করে সদাশয় সরকারের প্যারাদেব বদনমণ্ডলে আপন গণ্ডম্বয় পূর্ণ নিষ্ঠীবন বিচ্ছুরিত করে লাজ্জিত করেছে—তাদের পৃষ্ঠক্‌শ্মমস্তকে সরকারী ফরমান মাফিক লগুড়াঘাত করতে করতে ।

বোন শিপ্রা, বুঝতেই পারছো, এটা আমার ভাষা নয় । আমাদের পাশের গাঁয়ের এক সরল গোসাঁইজীকে সেই দেশত্যাগী ভট্টাচার্য যাত্রাকালে একখানা চিঠি লেখেন । বেচারী গোসাঁই সেই চিঠি তোমার জামাইবাবুকে কাঁদতে কাঁদতে পড়ে শোনান ।

সর্বশেষে ভাষাচর্চা ইতিপূর্বেই যে ইঙ্গিত দিয়েছিলেন সেইটেই যেন প্রাণখুলে লিখেছেন, যেন গোর গোসাঁইয়ের নরম বুকে খান খান করার জন্য কিংবা যাবার বেলা সেটাতে হিম্মৎ ভরে দেবার জন্য । লিখেছেন, “এক দরবেশ একদা আমার বললে, খুদা-পাক সব শহরে এবং প্রতিটি জনপদখণ্ডে চার চারজন করে সাধুপুরুষ “কুতুব” (মিনার) বা স্তম্ভ রাখেন । সে দেশ, সে জনপদ তাঁদেরই দৃঢ়াঙ্কার উপর নির্মিত । এ অঞ্চল তুমি একজন, তোমার পিতা ছিলেন আর একজন । এঁরা স্বেচ্ছায় কদাচ, কুহাপি দেশত্যাগ করেন না । ভুবনেশ্বরের দৈবদেশে যদি মাত্র একজনও দেশত্যাগ করেন তবে সে-দেশ, সে অঞ্চলের জনপ্রাণী কীটপতঙ্গ পর্যন্ত সমূলে বিনষ্ট হয়—“সমূলস্থ বিনশ্যতি”, “মহতী

বিনীত"—অন্য তিন মহাত্মা "কুৎস্ব"সহ। তুমি জানো—তোমাকে আর কী শেখাবো—সম্পূর্ণ গ্রাম যদি স্যাং খাণ্ডবদহনে ডম্মীভূস্ত হয় তবে সৰ্বজনপূজ্য মহাকাল মন্দিরও নিষ্কৃতি পান না। দরবেশ ফাসীতে বলোছিলেন :

দাবানল যবে জনপদভূমি

দগ্ধদহনে দহে

কিবা মসজিদ, কবরসৌধ

প্রভেদ কিছ্ন না সহে।

তুমি, গোর, এ-অণ্ডল ছাড়লে এর সৰ্বনাশ হবে।

তাই যারারম্ভে তোমাকে সে-প্রস্তাব দি নি।

গদরু, সাক্ষী, তোমার আখড়া সাক্ষী, তার রাধামাধব বিগ্রহ সাক্ষী, আমি কস্মিনকালেও ভবিষ্যৎবাণী করি নি। তবু একটা কথা বলে যাই, দীর্ঘ চর্চিশ বৎসর ধরে আমি নিরবচ্ছিন্ন পূর্ব পাকিস্তানে বাস করেছি, তার দৈনন্দিন পরিবর্তন, ক্রমবিকাশ, পতন-অভ্যুদয় সাগ্রহে লক্ষ্য করেছি। এরই উপর নির্ভর করে আমার ভবিষ্যৎ দর্শন গণনা। এর সঙ্গে গণকারণের ফলিত জ্যোতিষ গণনা পৃথকিতর কণামাত্র সাদৃশ্য সামঞ্জস্য তো নেইই, অপিচ ফলিত জ্যোতিষীর ব্যাক্যাড়ম্বরসহ দ্রাষ্টমুস্ত ভবিষ্যৎবাণী প্রচার করার কোনো প্রকারেই শাস্ত্রাধিকার আমার নেই।

জনসাধারণের বিশ্বাস, ঢাকার দর কষাকষি নিষ্ফল হলে পূর্ব পাক রাজনীতি সেই প্রাচীন ধারা বেয়েই চলবে, হয়তো ঈষৎ দ্রুততর বেগে। সঙ্গে সঙ্গে দমননীতিও তার ধারা বেয়ে চলবে, হয়তো ঈষৎ উদ্দামতর বেগে, রূঢ়তর পরিমাণে। মোদ্দা কথা প্যাটানের পরিবর্তন হবে না।

সেখানে আমার বক্তব্য, না, অবশ্যই হবে।

প্রথম সম্ভাবনা : কলমের এক খোঁচাতে পূর্ব পাক্ যে ধরনের স্বায়ত্তশাসন চায় সেইটে রাতারাতি পেয়ে যাবে। এটা কিছ্ন অভিনব ইন্দ্রজাল নয়। খুদ পাকিস্তানের জন্ম ও স্বাধীনতা কলমের এক খোঁচাতেই হয়েছিল। সে উদ্দেশ্যে ক'জন লোক, কি স্বার্থত্যাগ করেছে, শূন্য? ক'জন নেতা কারাবরণ নিবাসন গরম করেছিলেন বলতে পারো? এক সিলেটী খালাসী তার সরল ভাষায় বলেছিল, 'স্বাধীন রাষ্ট্র পাকিস্তান অর্জন করলেন জিন্না সাহেব তাঁর পাতলুনের ভাঁজ—ক্রীজ—সমুচা চোস্ত্ রেখেই, ফাইভ ফিফ্টি ফাইভ ফুঁকতে ফুঁকতে। তিনি যদি গাঁধী নেহরুর মত জেলে ফেলে যেতেন তবে গোটা হিন্দুস্তানটাই তার কঙ্কাতে এসে যেত।' অন্তত এ-কথা তো সত্য যে, ইংরেজ অকস্মাৎ অপ্রত্যাশিত ভাবে পাক্ রাষ্ট্র নির্মাণে সম্মতি দিল তখন হবু পাক্ নেতারা রীতিমত সর্বাং হারিয়ে ফেলোছিলেন।...তারপর গেল তেইশ বৎসরের মধ্যে 'কলমের এক খোঁচাতে' কি রীতিপরিমাণ স্বাধিকার অর্জন করতে পেরেছে ?

সে প্যাটান সম্পূর্ণ ভিন্ন। অবশ্য বলতে পারো, সেটা ১৯৪৭-এর প্যাটান । তাই সই। আমার প্রতিপাদ্য ছিল গত তেইশ বৎসরের প্রচলিত প্যাটানের পুনরাবৃত্তি আর হবে না। ইয়েহিয়ার কলমের এক খোঁচাতেই যদি স্বায়ত্তশাসন ভূমিষ্ঠ হয়—এবং এ-তথ্য সম্পূর্ণ বিশ্বাসযোগ্য যে মধ্য ফেরুয়ারী পর্যন্ত তাঁর সে সিদ্ধিছাই ছিল—তবে আর যা বলো, আর যা কও সৌদিরী কাঠের লাঠি আপাদমস্তক নিষ্প্রয়োজন। আমার ইয়ার মৌলবী সাহেবের জবানে, বিলকুল বেকার, বেফায়দা ফজল! এটা বললুম, নিতান্ত কথাপ্রসঙ্গে।

বিকল্পে যদি তা না হয়, তবে 'ঈশ্বর রক্ষতু'! তখন যে দমননীতির বজ্রপাত হবে সেটাও সেই মান্দাতার আমলী টিয়ার গ্যাস ছেড়ে হেথা হোথা বন্দুকের গাণ্ডা কয়েক ফাঁকা আওয়াজ মেরে, দু'দশ জনকে শহীদ পর্যায়ে উত্তোলন করে পুনরায় সেই প্রাচীন প্যাটানের অনুকরণ করবে না। (খুদাতা-লার দোহাই, এঁরা আমার নিত্যপ্রাতঃস্মরণীয়) এটা হবে সম্পূর্ণ অভিনব, অভূতপূর্ব, অবিশ্বাস্য, অতুলনীয়। যদিও বা কলমের এক খোঁচায় স্বরাজ্য দানের উদাহরণ আমাদের কারো কারোর স্মরণ থেকে সম্পূর্ণ বিলুপ্ত হয়ে যায় নি, কিন্তু এই সিলেটে তথা পূর্ববঙ্গে দমননীতির চরমতম বীভৎস বিভীষিকার প্রকাশ আমাদের স্মৃতি মন্থনে প্রভাসিত হচ্ছে না। অসম্মদেশীয় সাতিশল্প নগণ্য সংখ্যক দু'একজন মাত্র জানেন যে আমাদের সমসাময়িক কালেই বহু দু'রের এক সভ্য দেশে অভূতপূর্ব এক নবীন প্যাটান বুনিয়েছিলেন বহু বিচিত্র প্যাটানের সৃষ্টিতে পরিপূর্ণ ইতিহাসের এক অত্যুভূত অলিম্পন ডিকটেটর হিটলার। ক'জন জার্মান কল্পনা করতে পেরেছিল যে লুথার, কাণ্ট, গ্যাটে, বেটোফনের মত চিন্তাশীল, রুচিবান দেশে হঠাৎ এমন এক সৃষ্টি-ছাড়া কিং-নর আবির্ভূত হয়ে মাতৃভূমির সর্ব ঐতিহ্য সর্বসাধনার ধন লণ্ডভণ্ড করে এমন এক নৃশংস নিপাঁড়ন, সর্বব্যাপী নিধনযজ্ঞ প্রজ্বলিত করবে যে তার তুলনার জন্য মানুষকে এ-যুগ ছেড়ে যেতে হবে চেন্সিস আট্টিলার সন্ধানে?

আর ভুলো না গোসাঁই, হিটলার যুদ্ধজীবী ছিল না। তার উভয় কুল অসামরিক। সে নিজে চিত্রকর। এখানে ইয়েহিয়া, তার মন্ত্রণাদাতা, তার আদেশ বহনকারী সর্বভূতে আছে মাত্র একটি ভূত—তেজস্, অগ্নি, রণাগ্নি। এদের প্রত্যেককে তুমি ফোজাবতার নাম দিতে পারো। এমন কি ইয়েহিয়া-হারেমের রানী, প্রধান রাক্ষতার জনসমাজ প্রচলিত আদুরে নাম "জেনারেল রানী"।

অতএব, যদি স্যাৎ কলমের খোঁচায় সমস্যার সমাধান না হয় তবে বিকল্পে কি হবে? সবাই ভাবছে সনাতন সঞ্জিনের খোঁচা। না। আমাদের সুদূর এই পাহাড়পুন্ড্রও খবর পৌঁছে গেছে ঢাকাতে কি পরিমাণ ট্যাঙ্ক জড়ো হচ্ছে এবং হবে। এবারকার প্যাটানে হিটলারের কীর্তিকে ইয়েহিয়ার বিস্ফোরক-চূর্ণ-ধুলো

স্নান করে দেবে, অণ্টাঙ্গ আচ্ছাদিত করে সম্পূর্ণ অদৃশ্য করে দেবে। ঈশ্বরের আভিসম্পাতে যদি এই বিকল্পই সাধিত হয়—আমি সম্ব্যাহিকের পর প্রতি রাতে আমাদের গুরু, পীর শাহজালালকে নভজানু হয়ে স্মরণ করিয়ে দি, তিনি তাঁর মাতৃভূমি আরব-ইয়েমেন ত্যাগ করে যেখানে এসে মৃত্তি লাভ করলেন সে-দেশকে একমাত্র তিনিই রক্ষা করতে পারেন—তবে আমি যে অনিশ্চিত আশ্রয়ের সন্ধানে যাচ্ছি, সেখানে হয়তো নিষ্কৃতি পাবো না। তথাপি আমি শেষ মুহূর্ত পর্যন্ত আশা ছাড়বো না, সুদিনের প্রতীক্ষায় দিন গুনবো।

মহাত্মাজী পৃথ্বীতে যদি দেশের মনস্কামনা পূর্ণ হয় তবে সৌদরী কাঠের লাঠি বেকার!

বিকল্পে হিটলার পৃথ্বীতির ট্যাঙ্ক কামানের সামনে সৌদরী কাঠের লাঠি বেফায়দা।

তুমি তোমার পিতা গোস্বামী সমাজের উজ্জ্বল নীলমণির পুত্র এবং শিষ্য। আমি জানি, তাই তুমি ওপারে যাবার জন্য নিত্যনিয়ত প্রস্তুত; এখন এপারে থাকার জন্য প্রস্তুত হও।

আমার শেষ অনুরোধ—”

চিঠিটি অসমাপ্ত। বিস্তর দারুণ ইনটারেসটিং বইয়ের শেষ ক'খানা পাতা ছিল না বলে বালিকা শিপ্রা কতবারই না নিষ্ফল আক্বেশে গর্জন করেছে। প্লটটা কী সুন্দর সাজানো, ঘটনার ঘাতপ্রতিঘাত কী অদ্ভুত অথচ বাস্তব, চরিত্রগুলো রহস্যের কুহেলিকাচ্ছন্ন সত্ত্বেও পাত্র-পাত্রী সুস্পষ্ট—পাতা কটির অভাবে অকস্মাৎ সবাই একসঙ্গে কপূর হয়ে গেল। কত কাল চলে গেল তারপর। এখন আর সে-অনুভূতির উদয় হয় না। মিস্সো পোওয়োরো বা “দি সেন্ট” অসমাপ্ত রেখেই, ফরাসী কান্দায় কাঁধে প্রাগ-এর সামান্য ছোঁওয়া লাগিয়ে বিলিয়ে দেন।

জ্বাল আবার এল সেই প্রাচীন দিনের অনুভূতি। অসমাপ্তের নির্বিড়ঘন নৈরাশ্য—আক্বেশ দুরে থাক, স্ফোভেরও শেষ রেশ সে-নৈরাশ্যে ঠাই পায় নি। যে লোকটি প্রতি শব্দে, প্রতি ছন্দে, প্রতি দরদী কথায় শিপ্রার চোখের সামনে জ্বালদল্যমান হয়ে স্বপ্রকাশ করতে করতে তার সম্পূর্ণ আপন-প্রিয় হয়ে গিয়েছিল সে হঠাৎ কোন অদৃশ্যে নিশ্চিহ্ন হয়ে গেল। এ যে মরণেরও অধিক মরণ! এ বড় অন্যান্য, কঠিন অবিচার।...বিলকিসও এই আকস্মিক অসমাপ্তের উপর কোনো মন্তব্য করে নি।...আজ কোথায় এই জনপদ স্পষ্টবস্তা, সত্যদ্রষ্টা! হঠাৎ শিপ্রার সর্বাঙ্গ ভঙ্গে শিউরে উঠলো। হিটলারের আগমন ও ফলস্বরূপ শাস্বত রাষ্ট্রদাশবৈরী শ্মশান-খুন্নে গঠিত পৈশাচিক “ভূতীয় রাষ্ট্রের” গোড়াপত্তন শিপ্রা জয়ী ভটচাখের মত সামান্য যে কটি জর্মন বিধিদস্ত দিব্যদৃষ্টি দ্বারা দেখতে পেয়েছিলেন তাঁদের প্রায় সবাই প্রাগ দেন সূক্ষ্ম।

দৃঢ় তারে ঝুলতে ঝুলতে ক্রমে ক্রমে নিরুন্ধ নিঃশ্বাস হতে হতে । কসাই যে-রকম হুক্-এ ঝুলিয়ে রাখে শূকর বাছুরের মতদেহ, এঁদের নশ্ব শবও হিমঘরে ঝুলিয়ে রাখা হয়েছিল দিনের পর দিন—শত্রু-মিত্র সর্বজনের দর্শন ও শিক্ষা-দানার্থে ।

প্রক্লিয়ার পূর্ণ ফিল্ম্ হিটলার প্রতি রাতে ডিনারের পর সবাশ্বব আদ্যন্ত দেখতেন, আপন প্রাইভেট সিনেমা হলে ।

দশম অধ্যায়

নিজীব কণ্ঠে কীর্তি বললে, “শুনোছ, শিপ্রা ?”

শিপ্রা উঠে গিয়ে কীর্তির দু'জানুর উপর কোলে বসে ডান হাত দিয়ে তার গলা জড়িয়ে ধরে, বাঁ হাত দিয়ে তার মাথা বুলোতে বুলোতে বললে, “কিছু কিছু শুনোছি বই কি ? আজকাল বিদেশী বেতারগুলো—কাপুরুষ, মীনু, ইত্যর, কি গাল দেব ভেবে পাই নে—একটু একটু সাহস সঞ্চার করতে আরম্ভ করেছে । কিন্তু তোমার মুখে শোনা সে তো ভিন্ন—”

দীর্ঘশ্বাস ফেলে কীর্তি বললে, “শুনে কোনো আনন্দ পাবে না । সব খবরই দুঃখের । একটিমাত্র খবর আমাকে এই নৈরাশ্যের মধ্যে মাঝে মাঝে আশার আলোক দেখায় । সুন্দরবনের পাশ থেকে হাসনাবাদ, যশোর হয়ে—সীমান্তের যতখানি কাছে যেতে দেয়—গিয়েছি ডগবানগোলা, পম্মার ওপারে পূর্ব বাঙালার সারদা পুলিশ কলেজ, আইয়ুব ক্যাডেট কলেজ—দুটো জায়গাতেই হারামীরা হানা দিয়ে পুলিশকে খুন করেছে । ভাগ্যিস, ক্যাডেট কলেজের বাঙালী প্রিন্সিপ্যালে ঝাণ্ডু ঝাণ্ডু পলিটিশিয়ানদের বহু পূর্বেই অশখ গাছের মগডালের কাঁপন থেকেই কালবৈশাখীর পূর্বাভাস ঠিক ঠিক ধরে ফেলেছিল বলে মিঞাজী ছেলেরা আপন আপন বাড়ি পাঠিয়ে দিয়েছিল । এই বাচ্চা বাচ্চা ছেলেরাই হারামীদের চার নম্বরী শিকার—”

“চার নম্বরী মানে ?”

“অস্ত ব্যবহার যারা জানে, তারা ওদের শিকার । পরলা নম্বর, বেঙ্গল রোজমেন্টের বাঙালী—এরাই ৬৫-র যুদ্ধে লাহোর বাঁচিয়েছিল এবং স্বত সব বড়ফাটাই করেনওলা পাজাবী পাঠান বলে তারা রণবীর, যোদ্ধার জাত, মার্শাল রেস, এদের সম্বাইকে টিড দিয়ে পেরিয়েছিল সবচেয়ে বেশী মেডেল্ আর ডেকোরেশন । তার প্রতিদান স্বরূপ এই সব প্রাণরক্ষকদের যেখানে মেডেল্ কোলে সেখানে ঢুকিয়েছে রক্ত-বুলেট, ইয়োহিনা মেডেল্—আইয়ুব মেডেলের জায়গায় । দুই নম্বর : ষ্ট্রট পাকিস্তান রাইফল্‌স্—এরা সশস্ত্র পুলিশ ।

রাইফেল চালাতে জানে, ব্যস। তিন নম্বর : সাধারণ পুঁজি, যাদের কেউ কেউ একটু আধটু বন্দুক চালাতে পারে। এগুলোর কথা আমরা আগেই শুনিয়েছিলাম। এবার এসেছে চার নম্বর : বেস-কিট ক্যাডেট পূর্ব বাঙালান আছে তাদের ছাত্র এবং প্রাক্তন ছাত্র—এরাও কিছুটা রাইফল্ চালাতে জানে। এদের বেশ কিছু ছেলে—কত আর বলস হবে, বোল-সতেরো—পশ্চা পেরিয়ে মূর্শিদাবাদ অঞ্চলে এসে এখানে ওখানে জড়ো হয়েছে। একটা ছেলে—কি বলবো, শিপ্রা, সে কী লাভন্যভরা মুখ, আর সর্বক্ষণ চোখেমুখে হাসি লেগেই আছে, আমার কান্না পেল, বলস তার চোন্দ হয় কি না হয় !”

শিপ্রা কেমন যেন অজ্ঞানতের কীর্তির কোল ছেড়ে উঠে দাঁড়িয়েছে। তার মনে পড়লো, ভট্টাচার্য তাঁর বন্ধু গোম্বামীকে লিখেছিলেন, এবারকার প্যাটার্ন বাই হোক না কেন, সেটা হবে সম্পূর্ণ অচিন্ত্যনীয়। নইলে চোন্দ বছরের বাচ্চা—? না তো, অভিমন্ডুর বলস কত ছিল?—মনে আনতে পারলো না শিপ্রা।

কীর্তি যে ছিন্নালিঙ্গন হয়েছে সেটা সে লক্ষ্যই করে নি। গলাতে একটু জ্বোর দিয়ে বলে যেতে লাগলো, “তোমাকে শক্ত হতে হবে শিপ্রা, এ-ছাড়া অন্য গতি নেই। এখন শোনো। আমরা সেই চোন্দ বছরের ছেলোটিকে মোটরে তুলে নিয়েছিলাম। কথায় কথায় বললে, যেন তেমন বলার মত কিছু নয়, জাসট্ এমনি, কে যেন কাকে খেলা নৌকায় বলছিল, ২৫শে ছিল বিষ্ময়ংবার—”

শিপ্রা বললে, “হ্যাঁ, ২৫শে মূহরুরম্ ছিল ঐ দিন। পর দিন অমাবস্যা।” “ইসলামী পঞ্জিকা” পড়ে পড়ে তার সব-কিছু সড়গড় হয়ে গিয়েছিল। এমন কি “মূহরুরম্” যে শব্দ উচ্চারণ সেটাও শিখেছে ঐ পঞ্জিকার মেহেরবানীতে। বললে, “পরে বুঝিয়ে দেব।”

কীর্তি বললে, “শনিবার দিন সকালে ঢাকাতে কারফ্যু ছিল না। এক ভদ্রলোক বোরিয়েছেন তাঁর বন্ধুর স্থানে। সে বন্ধু থাকেন যে-পাড়ায় তার পাশের বাজারটা আগের দিন ভোরে হারামীর পুঁড়িয়ে দিয়েছে। দেখানে তাঁর স্থান না পেয়ে তিনি এসে দাঁড়িয়েছেন সেই পোড়া বাজারের এক পাশে। এমন সময় একটা ছোট্ট বাচ্চা, ‘মা, মা’ বলে ডেকে কাদতে কাদতে রাস্তা পার হতে গিয়ে হোঁচট খেয়ে পড়ে গিয়েছে—এমনিতেই সে ভালো করে চলতে শেখে নি, তার উপর দৃষ্টি চোখ জলে ভরে যাওয়াতে কিছুই ঠিক ঠিক দেখতে পারছিল না। রাস্তার ওপার থেকে এক বুড়ি ভাঙা গলায় ডাকছে, ‘ওরে দুলাল, ও দুল, আয় এদিকে আয়।’ দেশের স্বাভাবিক অবস্থার ভদ্রলোক হয়তো কিছুই লক্ষ্য করতেন না। এখন কিন্তু শুনখোলেন, কি হয়েছে? বুড়ি বললে, ‘পরশুদিন ওর বাপ রিকশা চালাতে বোরিয়েছিল; এখনো ফেরে নি। রোজ রাত দুপুরে ফেরে। সে-রাতই তো চাম্পিকে গোলাগর্দাল চললো। ভোরের দিকে বাচ্চাটার

মা রাস্তা পেরোচ্ছিল জল আনতে, এমন সমস্ত কোথেকে একটা মিলটারি গাড়ি এদিক দিয়ে জোর হাঁকিয়ে যাচ্ছিল। ধমকে দাঁড়ালো। বউটাকে গোটা তিনেক সেপাই একটানে গাড়ীতে তুলে নিয়ে চলে গেল, আমি রাস্তায় পৌঁছতে না পৌঁছতে। দেখলাম গাড়ি বোঝাই অল্পবয়সী অনেকগুলো মেয়েছেলে। মোল্লাজীর কাছে গিয়ে কেঁদে পড়লুম—আমার ছেলে বউয়ের খবর নেবার তরে। তিনি বললেন, মেয়েগুলোকে ছাউনিতে নিয়ে গিয়েছে। ওরা আর ফিরবে না—”

শিপ্রা এতক্ষণ কীর্তির মূখোমুখি টান টান খাড়া হয়ে সব শুনছিল। আশ্বে আশ্বে ডান হাত মূঠো করে, শক্ত—আরো শক্ত চাপ দিতে লাগলো। নথগুলো বন্ধ তেলোতে ঢুকে যাবে। বাঁ হাত দিয়ে ডান মূঠো জোর চেপে ধরলো। ডাইনে বাঁয়ে সে অল্প অল্প টাল খেতে শুরু করেছে। মাথাটা একদিকে কাত হয়ে গিয়েছে, মেলে যাওয়া চোখ দৃষ্টিহীন, কীর্তির চোখের মণি ভেদ করে মহাশূন্যে বিলীন। কীর্তি দেখতে পেয়ে তাড়াতাড়ি তার কোমর ধরতে গেছে। শিপ্রা তাকে নিরস্ত করে শূন্যে, “তুমি মনস্থির করেছ, তুমি কি করবে?”

অতিশয় শান্ত কণ্ঠে কীর্তি বললে, “সে তো আমি আগরতলাতেই করেছি, তুমি জানো। তবে হয়তো আমার অজান্তে লারীর কুচক্রের ব্যাখ্যান শূনে আল্লার মন বিরূপ হয়ে বিদ্রোহ করেছিল। এ কী ওশুখতা! নিরীহ পূব বাঙলার লোককে নিয়ে তোমরা বন্দুকের জোরে যা-খুঁশ করতে পারো?”

শিপ্রার চট করে মনে পড়লো, বহুদিনকার ভুলে যাওয়া একটা ঘটনা। খান তাকে বলেছিল, “ঐ যে আমার ক্যাবলা শান্ত কীর্তিকালত—ওর মত নির্বৃদ্ধাটে প্যালারাম এ-দুনিয়ার খুঁজতে হলে শকুন্তলার আশ্রমে-ফাশ্রমে যেতে হয়। মাত্র একটাবার একটা ব্যত্যয় ঘটেছিল—কেউ যদি দোসরা একটা বলতে পারে, আমি হাজার টাকা দিতে রাজী। ‘বার আসিয়াতকের’ টাকার কুমার মালিক—খোটা ফোটা হবে—খামখা, অন্তত কীর্তির বিশ্বাস, বিলকুল বে-কারণ, খামখা, ঠাস করে চড় মেরেছিল এইটুকুন একটা বন্ধকে। কীর্তি প্রথমটায় কিছুক্ষণ ধরে চিন্তা করলো। তারপর আমাদের কিছুটা না বলে মালিকের সামনে কি যেন ফিস্‌ফিস্‌ করলে। মাইনুড ইয়র—আগাপাস্তলা সাদা চোখে। মালিক ব্যাটাও কুলে দুনিয়ার মত জানতো, কীর্তিকালত সাতিশয় কর্মে ক্রান্ত শান্তিশান্ত প্রাণী। সেই হল তার ব্যাকরণে ভুল। যেমন গুন্ডাকে ডান্ডা মেরে ঠান্ডা করা যায়, তেমনি শান্ত স্বভাবকে বস করতে হয় শান্ত স্বভাব দিয়ে। সে কীর্তির দিকে দাঁত মূখ খিঁচিয়ে কি যেন একটা বললে। সঙ্গে সঙ্গে কীর্তি ঠাস ঠাস করে মালিককে মারলে দুটো চড়। হেঁহে রৈঁরৈ। পূর্লিশ এল। মালিকের বস্ত্রব্য, হোটেল বার-এ যে-কোনো ব্যক্তি আইন প্রয়োগ করার ভার

‘আপন শ্বশুর নিয়ে—টোর্টকিং ল’ ইন হিজ উন হ্যান্ড—ভায়লেন্ট এ্যাকশন নেন্ন তাকে সে ‘বার’-থেকে বের করে দিতে পারে। কীর্তীর বস্ত্রব্য, বস্ত্র যা করে থাকুক না কেন, মালিক আইন প্রয়োগ করার ভার আপন শ্বশুর নিয়ে ভায়লেন্ট এ্যাকশন করেছে—প্রথম—কীর্তীর আগে। অতএব সে ‘বার’ ছেড়ে বেরিয়ে যাক্। কে যেন মাফ চাইবার প্রস্তাব করাতে কীর্তি তাকে লাগান্ন তাড়া।...শেষটার মোকদ্দমান্ন কীর্তির জরিমানা হয়। আর মালিককে জঞ্জ ভবিষ্যতে সাবধান হওয়ার জন্য ওয়ার্নিং দেন। পরদিন থেকে কীর্তি তিন বেলা ঐ বারে ঘণ্টার পর ঘণ্টা কাটায়। ‘এশিয়ান বার’-এ কীর্তির প্রবেশ নিষেধ এ-হুকুম আদালত দেন নি। হনুমান লঙ্কায় ন্যাজ পুড়িয়েছিলেন বলে তাঁকে কি আর ফিন্সে সেখানে যেতে দেওয়া হয় নি। কীর্তি মালিকের উপর কড়া চোখ রাখে, আর মাঝে মাঝে নোটবুককে কি সব টোকে। মালিকের প্রাণ অতিষ্ঠ। তার শেষ আশা, কীর্তি এক-কর্ম কতদিন চালাবে?—ধৈর্যেরও তো একটা সীমা আছে। উঁহু। ঠিক উত্তে। প্র্যাকটিসের ফলে অভ্যাস। অভ্যাস হয়ে যাওয়ার সে তিন বেলার ম্যাদ আরো বাড়তে লাগলো। মালিক বেয়াদ, বয়কে ভালো করে শাসন করতে পারে না, মালিক চোখ রাঙালেই দেয়াল ঘড়ি থেকে টাইমটা নোটবুককে কীর্তি টুকে নেন্ন—চড় মারার বাসনা মালিকের মাথায় উঠেছে। চাকরবাকরের পোয়া বারো। তাদের শাসন করলেই তারা এক বলক কীর্তির দিকে তাকায়। কীর্তি নোটবুক খোলে।...শেষটার মালিকই হার মানলো। ‘মাফটাফ কি যেন, মনে নেই।’

খান যদিও শিপাকে বার বার বলোছিল, সবাই তখন কীর্তি যে আন্ডার ডগ্-এর তরে মালিককে চড়, সরকারকে জরিমানা দিল, তার জন্য পণ্ডমুখে প্রশংসা করেছিল, তবু শিপা লক্ষ্য করেছিল ঘটনার অন্য আরেকটা দিক—সেটা কীর্তির ধৈর্য। ক্ষণতরে উত্তেজিত হয়ে চড় মারা, জরিমানার খেসারতি দেওয়াটা বিরল নয়, কিন্তু দিনের পর দিন ধৈর্য ধরে স্বেচ্ছায় একটা রুটিন মেনে চলা বঙ্গ সত্তানের পক্ষে যে কী “গম্ববলতনা” সেটা শিপা জানে—নইলে যে-বাঙলা সাহিত্যে সব কিছু আছে সেখানে নিত্য দিনের সহজ কর্ম ডাইরি-লিখন এবং তার থেকে যে ডাইরি-সাহিত্য গড়ে ওঠে—ইয়োয়োপে যার ছড়াছড়ি—সেটা একদম নেই কেন?

আজ পূর্ব বাঙলার সাহায্যে দেবার মত যে বিরল ‘ধাতু’ কীর্তির আছে, সেটা তার ক্রান্তিহীন, নিরবচ্ছিন্ন, অতন্দ্র ধৈর্য। সবরূপে সে করতে জানে; মেঞ্জোও সে চায় না।

কীর্তির চেয়েও আরো শান্ত কণ্ঠে শিপা বললে, “কোনো প্রকারের অত্যাচারই তুমি বরদাস্ত করতে পারো না, সেটা আমি অনেক আগেই জানতুম আর আমাকেও এটা কতখানি পীড়া দেয়, সেও তুমি জানো। এ-ছাড়া তোমার

অন্য কোনো কারণ আছে ?”

কার্ত্তী খানিকক্ষণ চুপ করে ভেবে নিলে বললে, “পূবে বাঙলার পাশে গিয়ে পশ্চিম বাঙলার দাঁড়ানোটা আমার কাছে এতই স্বতঃসিদ্ধ যে নিজের জন্য আমি কোনো যুক্তি, ঐতিহাসিক নজীর বা আন্তর্জাতিক আইন-কানূনের সমর্থন খুঁজি নি। তবে সৈয়দ খানের সঙ্গে কথা বলতে বলতে আমার মনে পড়ল একজন লোকের কথা। কপাল আমার মন্দ; একদা বাধ্য হয়ে অধ্যয়ন করতে হয় আমাকে, আন্তর্জাতিক আইন। এ-বিষয়ে বহু দেশের বহু আইনজ্ঞ বিস্তর গ্রন্থ লিখেছেন; তদুপরি ছিলেন জিনীভা কনভেনশন, সাধনোচিত ধামে গত, লীগ অব নেশন্স, আছেন জীবন্মূর্তের চেয়েও অধম সংযুক্ত রাষ্ট্রপুঞ্জ—”

‘ডাক্তারেতে বলে যখন “মরেছে এই লোক,”

তাহার তরে মিথ্যা করা শোক,

কিন্তু যখন বলে “জীবন্মূর্ত”

সেটা শোনায় তিতো।’

এবং এমনই নোংরা রকমের তিতো শোনায় যে কারি স্বল্পং পুস্তকাকারে ছাপার সমস্ত এ লাইন কটি বাদ দেন। সে-কথা থাক্। “আন্তর্জাতিক আইন” শব্দ দুটো শুনলেই আমার তেতো হাসি পায়। বহুনাড়স্বরপূর্ণ স্ফীতোদর-এর ধারাগুলো নির্মিত হওয়ার বহু আগের থেকেই হোমরাচোমরা রাষ্ট্রগুলো সেগুলো তো ভেঙেছেই, নির্মিত হব-হাছি হব-হাছি যখন করছে, তখনো এগুলো মদমস্ত উম্মত পদাঘাতে চূর্ণ-বিচূর্ণ করে বার বার প্রমাণ করেছে এর ভারিষ্কি ভারিষ্কি ধারা-উপধারা সব ‘পেপার টাইগারস’, এগুলোতে বিশ্বাস করার ভান, ভক্তির ভণ্ডামি দেখায়, একমাত্র নপুংসক, পদলেহী, গাঁয়ে মানে না আপনি মোড়ল কতগুলো রাজনৈতিক যারা আপন আপন দেশের জনসাধারণের স্বীকৃতি না পেয়ে ঐ সব অস্তিত্বহীন ‘আন্তর্জাতিক আইনে’র দোহাই দিলে—অনেকটা নেই-ভূত খেদানেওলা ওঝার আগড়ম-বাগড়ম বিড়বিড় করে—ইউনাইটেড নেশন্সের পবিত্র জর্ডনজলে বাপ্তিস্ম হয়ে আপন আপন দেশে ফিরে গিয়ে প্রেসিডেন্ট, ডিকটের রূপে স্বৈরতন্ত্রের অবাধ অত্যাচার-অবিচার চালায়—সুন্দুমাত্র টিকে থাকার জন্য। তাদের জন্য প্রতি মাসের টায় টায় পয়সা তারিখে: আসে বন্দুক কামান, রোকা রূপেয়া তনখা বহৎবহৎ রাষ্ট্রের কাছ থেকে যারা এইসব ‘রাষ্ট্রপ্রধানদের’ মারফত তাদের দেশগুলোকে শোষণ করে—প্রতি মাসের পয়সা তারিখে, ‘বাড়উলী’ ও ভাড়াটিনীদের কাছ থেকে এতখানি টায়-টায় তার অতিশয় হকের পাওনা অষ্ট-গণ্ডা, ন’সিকে পায় না। পুতুল রাজার পাল আর তাদের মনিব দু’দলই প্রতিদিন দুই কায়দায় দু’নিয়াটাকে শুনিয়ে দিচ্ছে, ‘আন্তর্জাতিক আইন’—ফোঃ! ছোঃ!”

শিপ্রা জানলা দিলে শূন্যদৃষ্টিতে পার্কের নিরস ঘাসের দিকে তাকিলে

নিজীব কণ্ঠ বললে, “আমারও দে'তো, তেতো হাসির সঙ্গে বোরিয়ে আসছে সেই প্রবাদপ্রায় তত্ত্বকথাটি, তোমারই ভূতের মত উল্টো পা চালিয়ে, 'কার্দাবনী বাঁচিয়া প্রমাণ করিতেছে, সে বাঁচে নাই'।”

কীর্তি বললে, “তাই স্মরণ মিলিয়ে গাইতে প্রাণ চায়, 'ভীরু মাধবী, বাঁচবে কি মরিবে কি? শ্বিধা কেন?' কিন্তু নিদারুণতম তত্ত্ব, মানুষের ভবিষ্যৎ সম্বন্ধে নিরাশ হতে হয়, শিপ্রা. যখন সেই লোকটির কথা স্মরণে আসে, যার কথা খানকে বলা'ছিলুম। হল্যাণ্ডের হুগো গ্রিটস্‌স, একাধারে বহুবিশয়ে পণ্ডিত, বিশেষ করে ধর্মশাস্ত্র ও নীতিশাস্ত্র অর্থাৎ জুরিস্‌প্রুডেন্সে অসাধারণ প্রভাবশালী ব্যক্তির সম্বন্ধে কামিয়ে সমিয়ে বলতে গেলেও আস্ত একটা দিন কেটে যাবে। ভাবো দাঁকি নি, সেই কোন ১৬২৫-এর কাছাকাছি এক সময়ে এই লোকটি নিবাসনে, প্যারিসে প্রকাশ করেন “যুগ্ম ও শাস্তিবিষয়ক আইন-কানুন”। সেই আমলে লোকটি স্বাধীন মতবাদ প্রচার করার জন্য যাবজ্জীবন কারাদণ্ডে দাঁড়ত হন স্বদেশে। পণ্ডিত্যের সঙ্গে তাঁর ছিল আর একটি লুকনো গুণ, যে-সম্বন্ধে কড়া দণ্ডধর জেলার এবং অন্য সর্বজন ছিলেন তিমিরাশ্বকারে—তাঁর নিপুণ চতুরতা। তাই দুই বছর যেতে না যেতে গ্রিটস্‌স হল্যাণ্ডের জেল থেকে পালিয়ে, যখন, সে-দেশময় হুঙ্কার উঠেছে, “ধরো ধরো পাকড়ো পাকড়ো” তাঁর মাথাখান দিয়ে, নিজস্ব চতুরতা প্রসাদাৎ দিব্য স্বচ্ছন্দে বোরিয়ে প্যারিসে পৌঁছলেন। ফ্রান্সের রাজা সসম্মানে তাঁকে নিরাপদ আশ্রয় দিয়ে রাখেন। আজো সে-রাজা গুণীজনের শ্রদ্ধা আকর্ষণ করেন।

আন্তর্জাতিক আইনে' বিশ্বাস করো, আর না-ই বা করো গ্রিটস্‌স তাঁর জন্মদাতা বলে আজ সর্বত্র স্বীকৃত। তাঁর যে-সব বিধান তখনকার গুণী-জ্ঞানীদের শ্রম্ভিত করে দিয়েছিল আজও সেগুলো বহুলোককে বিস্মিত করে, এবং নিশ্চয়ই বিগ ইরে'হিয়া এবং জু'টার বিগার কর্ণে বন্ধ উম্মাদের প্রলাপবৎ শোনাবে।

সর্বপ্রথম তিনি বলছেন, মানুষে মানুষে যে ব্যক্তিগত সম্পর্ক, নেশনে নেশনে তাই হবে। ব্যক্তি বিশেষ অন্য ব্যক্তির আনন্ট করলে যে রকম তাকে দমন করা হয়, ঠিক সেই রকম একই মাপকাটি দিয়ে বিচার করতে হবে এক নেশন অন্য নেশনের আনন্ট করছে কিনা, যদি করে থাকে তবে সে নেশনকে দমন করতে হবে। একথাগুলো নীতি হিসেবে অনেকেই মেনে নেবে। অবশ্য ভণ্ড মূর্চক হাসি সহ।

কিন্তু এরপরই তিনি যে অভিমত প্রকাশ করেছেন, যে ব্যবস্থা অবলম্বন বাধ্যতামূলক করতে চেয়েছেন সেটা অজ যদি ইউনাইটেড নেশন'সে কেউ প্রস্তাব করে তবে প্রভু ধৃণ্ডের ন্যায় তাঁর ক্লুশাবন্ধ হওয়ার সমূহ সম্ভাবনা আছে। দুই নেশনে যদি লড়াই লাগে তবে ছোট বড় কোনো নেশনই নিরপেক্ষ

থাকতে পারবে না, সে হক্ক তার নেই।”

শিপ্রা আশ্চর্য হয়ে বললে, “সে কি ? সব নেশনকে নামতে হবে লড়াইয়ে ?”
উৎসাহিত হয়ে কীর্তি বললে, “ঠিক ধরেছ, গুরু। আমিও প্রথমটার আমার চোখ দুটোকে বিশ্বাস করতে পারি নি। আমি তো বাঙালয় বললুম ‘নিরপেক্ষ’ থাকতে পারবে না। আসলে গ্রটিংস ব্যবহার করেছেন, ‘নন-বেলিজারেনট’, হতে পারবে না, ‘অস্ব স্ববরণ’ করে থাকতে পারবে না—তিনি সম্ভ্রানে ‘নিউট্রেল’ শব্দটি এড়িয়ে গেছেন, সে তো তিনি কাউকেই থাকতে দেবেন না। ঐ যুদ্ধ আরম্ভ হওয়া বশত প্রত্যক্ষ বা পরোক্ষভাবে যে নেশনের সামান্যতম ক্ষয়ক্ষতি হয় নি তাকেও দোষী নেশনকে সাজা দেবার জন্য অস্ব-ধারণ করতে হবে।”

“সাজা দেবার জন্য !”

“হ্যাঁ, সন্দেহমাত্র কড়া শাসনের শাস্তি দেবার জন্য। তাতে করে সে-রাষ্ট্রের গৌরব বৃদ্ধি পেল কি না, আখেরে তার ক্ষতির পরিমাণটা কি দাঁড়াবে—এ সমস্ত কুটিল অগ্রপশ্চাৎ বিবেচনা সম্পূর্ণ অবহেলা করে।”

শিপ্রা ধপ করে মেঝেতে বসে পড়লো। কীর্তির একটা হাত তুলে নিয়ে সেটা দিয়ে আপন কপালে খাবড়া মেরে বললে, “হায় রে কপাল ! সাড়ে তিনশ বছর হতে চললো ভদ্রলোকের কোন প্রস্তাবটা কে মেনেছে ? কোন রাষ্ট্র আজ জানে না, পূর্ব বাঙালয় আজ কি হচ্ছে ? মাত্র তিশ বছর আগে পৃথিবীর স্বিতীয় বা তৃতীয় শক্তিশালী রাষ্ট্র—বাকি দু’জন্য আগের থেকেই হাত গুটিয়ে আরাম করছিলেন—তারই প্রধানমন্ত্রী ঘাড় ফিরিয়ে প্রাকৃতিক সৌন্দর্য উপভোগ করতে লাগলেন যখন হাহাকার রব উঠেছে অস্ট্রিয়ান, তার কাতর আত্নাদ ধয়ে চলেছে লন্ডন পানে—ধর্ষণ করছে তাকে গুন্ডা হিটলার !...কে বলে নিলক্ষ্যতারও একটা সীমা আছে ? বছরটা ঘুরলো কি না, পড়ি মরি হয়ে এবার ছুটলো সেই সৌন্দর্যমোদী গোরার রাজ—চেকদের স্বহস্তে যুগকাণ্ঠে আবদ্ধ করার জন্য যাতে করে পিশাচ পুঞ্জের পুরুত হিটলারের এক ঘাতেই পটপট করে সারি বেঁধে সব কটা মূন্ডাই—থাক !”

কীর্তি একটু চিন্তা করে বললে, “হিটলারের কীর্তি-কাহিনী পড়লে শিউরে উঠতুম একদিন। এখন মনে হয় বেচারীর শেষ সান্ত্বনাটুকুও গেল।”

“মানে ?”

“সাধনোচিতপ্রাপ্ত ধামে বসে সে অন্তত একটা গর্ব অনুভব করতো যে, এ-যুগে সম্ভ্রানে তার মত নিষ্ঠুরতা আর কেউ দেখাতে পারে নি। পৃচ্চেশের পৈশূন্য-রাগে, ইতিমধ্যে বাঙালীর মরণ কামড় খেলে সেখানে ইয়েহিয়ান বেষণ কীট চেলো হিটলারের সজ পেয়ে ‘হাইল হিটলার’ ‘পাকিস্তান জিন্দাবাদ’ সম্ভাষণান্তে দু’দুই রসালাপ করতে বসে গেলেন। যথাস্থ্যাস, হিটলার কাউকে

মুখটি খোলার মোকামাত্র না দিয়ে তাঁর গোরবময় দিনের মূর্খানকী কায়দায় বলে যেতে লাগলেন, গ্যাস চেম্বার—তার চেয়েও সম্ভার মানব্ব খতম করার ইনজেকশন আবিষ্কার, ইহুদি রমণীদের কুশলদায় দিয়ে মোলায়েমতম তাকিয়া-কুশন নির্মাণ, লাশের নীল উল্কিতে চিহ্নবিচিত্র চামড়া দিয়ে তৈরী ল্যাম্প-শেড—ওহোহো! সেগুলো কী অপূর্ব আলো-ছায়ার আলিম্পন ঘরের সর্বত্র বিচ্ছুরিত করে দিত—”

বাধা দিয়ে এক পাঠান বললে, ‘খাবসুরত নন্নী নন্নী চীজের বাৎই যদি তুললেন, তবে, আমার মনে হয়, হুজুর, গুহস্থ ঘরের উচ্চ কুচ বিশিষ্টা...’ হঠাৎ কীর্তি থেমে গেল।

শিপ্রার তিস্ত মুখ কীর্তি ইতিপূর্বে আর দেখে নি। বললে, “এখনো লক্ষ্য! ভয় তোমার গেছে, জানি, কোনো কালেই খুব-একটা ছিল না। ঘৃণাটা আমাদের কখনো যাবে না। তোমার সম্মুখে যে কঠোর কর্তব্য উপস্থিত সেখানে সহকর্মী সংগ্রহ করার জন্য তোমাকে লক্ষ্যশরম সম্পূর্ণ বর্জন করে শ্রীপুরুষ সকলকেই বলতে হবে হীনতম অশ্লীলতম আচরণের কথা।”

কীর্তি নীরস কণ্ঠে : “পাঠান বললে, ‘আমরা জনাদেশক একটা কলেজের মেয়েকে ধর্ষণ করার পর মেয়েটা আমারই নিচে খাবি খেতে লাগলো। বেহুঁশ হওয়ার আগে ‘পানি পানি’ বলে গোঙরাচ্ছিল, আধমরা গলায় আশু আশু ‘ইয়া আল্লা! ইয়া রসূল!’ আরো কী কী সব বিড়বিড় করছিল, আমি জানি নে ওসব, কিন্তু ডেরা ইসমাইল খানের মৌলবী সাহেবের জ্বানে শুনোছি। তারপর হাত পা খিঁচতে খিঁচতে হঠাৎ চোখ দুটো ইয়াস্বড়া তাম্বুর মত খুলে গেল। দোঁখ, চোখের কালো মণিটনি কিছু নেই, একদম সাদা চোখ দুটো জড়ু ছিঁড়ে ফেলে সমুচা উশেট গিয়ে ভিতরের দিকটা বাইরে বেরিয়ে এসেছে,—আমাদের সর্দারকে ফাঁসী দেওয়ার পর লাশে গ্যাসা চোখ দেখেছিলুম—মার্বেলের মত ধব্ধবে সাদাতে কিন্তু রঙের ছিট গোলাবী রঙ ধরে তার পাকা আপেলের গোলাবী গালের মত হয়ে গিয়েছিল।—তখন গাল দুটো হলুদে রঙের পুঁজ মাফিক—আলবৎ তখন না, যখন সে ছাদের উপর থেকে লাফিয়ে পড়োঁছিল আপন জ্ঞান নেবার জন্য আর আমরা নিচে তখন তৈয়ারি ছিলুম ওকে পাকড়াবার জন্য। আরো কতো পড়লো, আমরা গপাগপ পড়ার আগেই ধরে নিলুম। জ্যায়সাকে পাক্লা মেওয়া। হিটলার সাহেব, কী বাতাই আপকো। সবসে খাবসুরৎ দেখলুম, লাল খুন তার দুখের মতো সফেদ উরুর উপর—ওয়াহ, ওয়াহ। সব-কুছ আমার পীর সাহেবের মেহেরবানীতে।...কিন্তু, হুজুর, জওয়ান ঔরৎটা বড়া বেতমাজ ছিল। কুছ না—অচানক দম বন্ধ—ছটসে মরে গেল। আমাদের শের দিল খান গল্পরহ তিন বেরাদর তখনো বাকী। লোকিন ওয়া পাক্লা মর্দ। জিন্দা মূর্দাতে

ফরক করনেওয়াল পাঠানকা বেটা ওরা নয়। জঙ্গী খান একটা চোচাঁর ডগা কামড়ে মুখে পুরলো। আমি ছোরা দিয়ে দসুরাটা কেটে—এসা বড়া কভীভী দেখবার খুশ-কিসমৎ আমার জিন্দেগীতে হয় নি— পুরা সমুচা হাভিতক কেটে আমার সঙ্গীনের ডগায় খোঁচা দিয়ে সঙীন উঁচা করে খরলুম। তারপর সব ভাই বেরাদরের তালে তালে হাততালি শুনতে পেয়ে সঙ্গীন উঁচা করে জুড়ে দিলুম মহরম মিছিলের নাচ—আপনি, জনাব-ই-আলা-হিটলার-সায়ব হয়তো জানেন না, মহরম আমাদের সবসে খাস, সবসে পাক্ মাস—আর তখনো চলছে মহরম। মেজর আসদ খান আমার পিঠ চাপড়ে বললেন, ‘বড়া বড়হীয়া খেদমৎ করেছ পুরব-পার্কিস্তানের কাফির লেড়কীকে খতম করে—পাক্ মহরম মাসে। সোনার মেডেল পাবে। আমি সুপারিশী চিঠি আজই ভেজ দেব।’

হিটলারের লাল গাল তখন হলদে। সর্বাঙ্গে কম্পন।

এমন সময়ে কে একজন কঠিন দর্শন অপরিচিত, য়ুনিফর্ম-পরা অফিসার এসে উপস্থিত। সেটা হিন্দুর নরক, মুসলমানের দোজখ, খৃষ্টানের হেল, ইহুদির গেহান্নেম, গ্রীকদের কলাসিস্ কোনো “মুঞ্জুকেরই” উদী নয়। পাঠানরা ঠাহর করতে পারছিল না, তারা কোথায় এসেছে। তবে এটা যে বেহেশৎবা দোজখ্ কোনোটাই নয় সেটা বুঝে গিয়েছিল। হিটলার ধীরে ধীরে চলে যাচ্ছিলেন—অত্যন্ত বিষন্ন বদনে।

অফিসার ডানহাত তুলে “হাইল হিটলার” সম্ভাষণ জানিয়ে শূধোলে, “আপনি চলে যাচ্ছেন কেন? এ প্রতিষ্ঠানের শ্বারোস্ঘাটনের সমস্ত আপনিই ছিলেন প্রথম এবং একমাত্র সদস্য—যাকে বলে ফাউন্ডেশন মেম্বার। আপনি তকলীফ করে অন্যত্র যাবেন কেন?”

হিটলার বিষন্নতর বদনে বললেন, “আমি বিখ্যাত জর্মঁন গোষ্ঠীর একজন; কিন্তু আজ বড়ই লজ্জা পেয়েছি কতকগুলো আকাট, পাঁড় বর্বরের কথায়। আপনারা আমার সাধনোচিত খাম নির্ণয় না করতে পেরে এই নবীন প্রতিষ্ঠানের পত্তন করেন। আমার কোনো আপত্তি নেই—কারণ ইহুদিদের জন্য আমিই এক নয়া নিখনাগার—গ্যাস চেম্বার—নির্মাণ করি। কিন্তু এই পাঠানদের সামনে আমাকে নিত্য নিত্য লজ্জা পেতে হবে, এটা আমার সহ্যে না। আমাকে বরণ ডিমোট করে নিম্নাঙ্গের যে-কোনো অগ্নি পুরীষ কুণ্ডে পাঠান।”

অফিসার বিস্মিত হয়ে শূধোলেন, “লজ্জাটা কিসের? আমি অতিশয় প্রাচীন সর্বাভিজ্ঞ অফিসার। আদম ইভের প্রথম পাপ থেকে আরম্ভ করে হেন কোনো অতিশয় উর্বর মস্তিস্কধারীর অচিস্ত্যনীয় কল্পনা-প্রসূত কোনো আচরণ দর্শি নি—অপরাধ নেষ্টেন না—যেটা আপনাকে লজ্জা দিতে পারে।”

হিটলার বললেন, “খ্যাঙ্কু! আমি গর্ব অনভব করছি। কিন্তু শুনুন,

আমি ফ্রান্সকে পদানত করেছি, আরেকটু হলে আমার চেয়ে ঢের ছোট ক্যালিবারের চার্জলকেও ঘায়েল করতুম, গ্যাস চেম্বার, অনেক নতুন নতুন উৎপাদন পন্থা আবিষ্কার করেছি—সে নিজে আমার কোনো অহমিকা নেই। গর্ব, আত্মপ্রসাদ, দম্ভ, ঔম্মত্য ছিল আমার মাত্র একটি সামান্য, সৎকীরণ বিষয়ে—যেটাকে হোমরা চোমরা পার্লামেন্টারিয়ান, মিলিটারি, রাজারাজড়া, বীরবীরে:ঃ কেউই কণামাত্র সম্মান দেন না, বস্তুত অবহেলা, তাচ্ছল্য করেন, এমন কি কৃপার চোখে দেখেন—সে বিষয় আর্ট। এ-ভাবে আমার দৃঢ়তম বিশ্বাস ছিল, কলানিপুণ্যে আমি কম্পনা পরীর পাতায় ভুল করে যে সর্বোচ্চ গগনে উড়ীয়মান হয়ে নব নব সূক্ষ্মতর, সূক্ষ্মতম উৎকট উৎকট দৈহিক মানসিক যন্ত্রণাদায়িনী পদ্ধতি আবিষ্কার করতে সক্ষম হয়েছিলুম, সেগুলি মহাপ্রলয় পর্যন্ত মহামানবের অভাবনীয় গোরব, বিশ্বমানবের অকম্পনীয় বৈভব হয়ে মহাপ্রলয় পর্যন্ত উচ্চৈশ্বরে আমার জয়ধ্বনি গাইবে। এই মাত্র আমার সে-বিশ্বাস নয়ঃ হল। এখন শুনছি, দিক দিগন্তব্যাপী টিটকার।...মহামুখ যে-পাঠানের না আছে সাহিত্য না আছে নাট্য যাদের সঙ্গীত শ্রুনে শিবাশুগাল সোম্মাসে উপযুক্ত শিষ্যপ্রাপ্তির পরিভূষ্টিতে চিৎকারিয়া নব নব বর্ণপটহ বিদায়িনী “রাগ-রাগিনী” দ্বারা বনস্পতি মরুভূমি প্রকম্পিত করে—সেই পাঠান আজ আমাকে সর্বজন সমক্ষে, নিপীড়ন কলাশাস্ত্র ও তঞ্জনিত সঙ্গীনাগ্রে স্তন সর্ম্বলিত নৃত্যে প্রথম ভাগের প্রথম ছয় শিক্ষা দান করলো! যে-লোকে আছি তার স্তত নেই তাই সেখানে স্তমিত বাসনাও নেই, নইলে এই মনুহুতে বাম করতল নিষ্ঠীবনপূর্ণ করে সেই কুশে নিমস্কিত হয়ে সর্ব অবসান ঘটাতুম। আমি চললুম।”

কীর্ত বললে, “এটা এক ভদ্রলোক আমাকে রসিয়ে রসিয়ে শোনাচ্ছিলেন যে-জান্নগার একটা লজ্জড় ছাউনিতে—তার নামটাও বিকট—‘ফাঁস দেওয়ান’ না কি যেন। সেই বাগডোংরা যেখান থেকে তুমি হিমালয় দেখেছিলে, তারই কাছে। ভদ্রলোক নিষ্ঠাবান মুসলমান। পূর্ব পাক থেকে এপারে এসে ছেলে-ছোকরাদের জড়ো করে বন্দুক চালাতে শেখাচ্ছিলেন। কথায় কথায় তাঁর মুখে গড়ে নতুন নতুন হাসির গল্প, কিংবা হাসি-কান্নায় মেশানো। আমি একটা খাটিয়াল শুল্ল শুল্ল অধোমুখে দেখেছিলুম সেই হাস্যমধুর লোকটি খোলা আকাশের নিচে, জান্নামাজ পেতে প্রায় দুপুরের রাত অবধি নামাজ পড়লেন, দু’হাত তুলে প্রার্থনা করার সময় গুনগুন করে গীত গাইলেন। তিনিই তাঁর আপাতদৃষ্টিতে স্নেহ গুলতানী শেষ করে সভাপত্রের আমাকে বললেন, ‘আচ্ছা, চোখুরী সায়েব, বলুন তো হিটলার ইহুদিবুলকে নিমূল করার সমস্ত কি খুব বেশী ইহুদি স্পাই, স্যাদিস্ত-এর মদৎ পেয়েছিল? আমি বন্দুর জানি খুব কম্প কল্পকল্পন মাত্র।’

আমি বললুম, ‘স্পাই স্যাদিস্ত আদৌ পায় নি। যেটুকু যে-ক’জন করেছে

সেটা হিটলার-হিমলারের সেনাইদের গুলিভরা বন্দুকের সঙ্গীনের খোঁচা খেয়ে
থেয়ে।’

‘অথচ দেখুন, মাতাল লম্পট ইয়েহিয়া ওদিকে আবার কটুর শীয়া। ভুট্টোর
বাপ স্যর শাহ নাওয়াজ খান ভুট্টোকে খাঁটি সিন্ধী মুসলমান বলা চলে না।
সিন্ধু দেশের অধিকাংশ লোক ইসলাম গ্রহণ করে খুদ আরবদের হাত থেকে
অষ্টম শতাব্দীতে। পঞ্চমস্তরে ভুট্টোর হিন্দু পূর্বপুরুষ ইসলাম গ্রহণ করেন
রাজপুতানাতে সপ্তদশ শতাব্দীতে। পরে সিন্ধুদেশে চলে আসেন এবং ক্রমে
ক্রমে বিরাট বিস্তীর্ণ, আল্লা জানেন কত লক্ষ বিঘের জমিদারি গড়ে তোলেন।’

শিপ্রা বললে, “বাপু! একবার ভাবো তো মারওয়াড়, রাজপুতানার
যারা এদেশে বসবাস করছে, তারা যদি মাছ মাংস খেয়ে আমাদের সঙ্গে এক
হলে যেত, তবে আমরা, বাঙালীরা কি নিশ্চিন্ত হয়ে যেতুম না। পূর্ব বাঙলার
যদি তারা মুসলমান হয়ে যেত—, থাক। বলা কি বলছিলে।”

“ভদ্রলোক বললেন, ‘ভুট্টোর পিতা জমিদারীর জেরে ক্রমে ক্রমে জুনাগড়
স্টেটের প্রধানমন্ত্রী হলেন। দেশবিভাগের সময় মিঃ জিন্নার নির্দেশ অনুসারে
তিনি নওয়াব সাহেবকে জুনাগড় যেন পার্লামেন্টের সঙ্গে মিলিত হয় সেই মন্ত্রণা
দেন। কিন্তু হিন্দু মুসলমান প্রজারা রুখে দাঁড়ালো। শেষ ফল তো জানেন।
শাহ নাওয়াজ শেষ চিঠিতে জিন্নাকে লিখলেন, “জুনাগড়ের মুসলমানদের
পার্কিস্তান-প্রীতি নেই বললেও চলে।”

কিন্তু আশ্চর্য, শাহ নাওয়াজ গোষ্ঠী শীয়া এবং অত্যন্ত গোঁড়া শীয়া।
উভয় বাঙলারই শীয়ার যে ছিটেফোঁটার ভ্রূনাংশ লোকচক্ষুর অন্তরালে বাস
করে সিন্ধুতে তারও বাড়ি—আছি-কি-না-আছি গোছ। তৎসত্ত্বেও।

‘শাহ নাওয়াজ খানের চারজন বীথী ছিলেন। জনৈক প্রাক্ত সমসাময়িক
ঐতিহাসিক-কাম-সাংবাদিক এ-প্রসঙ্গে বলেছেন, এই ধরনের পরিবারে এইটেই
ছিল রীতি। সে-সম্বন্ধে তিনি পৌঁছলেন কি করে, সেটা আমি বুদ্ধিতে পারি
নি—যদিও আমি পূর্ব পাকের নিম্নতম স্তরের জজ ছিলাম বটে, তবু শব্দে যে
সেই দেশের মুসলিম আইনানুযায়ী সম্পত্তি বন্টন ব্যবস্থার গভীরে প্রবেশ
করতে হয়েছিল তাই নয়, ভারতের ভিন্ন ভিন্ন প্রদেশে মুসলমান, আধা-মুসলমান,
সিকি মুসলমানদের উপর সম্পত্তি বন্টন ব্যাপারে দেশাচার কতখানি প্রভাব
বিস্তার করেছে তার গবেষণাও আমাকে করতে হয়েছে। কিন্তু এ-সব শব্দ
শুনতে কি আপনার মন যাচ্ছে?’

আমি সর্বিনয় বললাম, ‘ধর্মবিতার, হুজুরই, বেগু পার্ডন, মহামান্য আদালতই
বিচার করুন। যদি অনুমতি দেন তবে নিবেদন, আমি খবরের কাগজের
রিপোর্টার নই।’

বাধা দিয়ে ছোট জজ বললেন, ‘সেটা আর বলতে হবে না। সংবাদদাতা

গার্শ্টির নিতান্ত চ্যাংড়া ভিন্ন কোন বড়া সাব ঢাকার ইন্টারকন্টিনেন্টাল বার, কলকাতায় তো জাত-বেজাতের এস্তের, ত্যাগ করে হোটেলের দুর্গম প্যাসেজ, বিপদসঙ্কুল বারান্দা পর্যন্ত বেরন সন্দেহ সংগ্রহণার্থে? মাফ করবেন—আপনি বলুন।’

‘ও সে তেমন কিছ্ নয়, মোন্দা কথা, ওদেরও অধম যারা তামাশা দেখবার তরে হাসনাবাদ থেকে করিমগঞ্জ আগরতলা অবাধ রোঁদ মারে, আমি তাদেরও কেউ নই, আর আপনাদের মত, স্বয়ং আল্লাতলা ম্বারা নির্বাচিত শ্রেষ্ঠতম সন্ট দেবদূতের কাছে এসে দাঁড়াবার মত দম্ভ, হীন কুপার পাগ বাতুল আমি—’

জজ জিত কেটে ‘ছি ছি, তওবা তওবা’ বলে কানে আঙুল দিলেন। ‘এ-সব না-হক অভদ্রভাবে বন্ধ না করলে আল্লা পাক আমাকে আমার মায়ের কোলে ফিরে যেতে দেবেন না।’ কীর্তি বললে, ‘ভাবালুতা, ক্ষুদ্র হৃদয়-দৌর্বল্য জজদের সর্বথা বর্জনীয়।’ তাই তাঁর আশ্মাজানের কথাটা আপন অববেচনা মনে করে সেটা ঢাকবার জন্য তাড়াতাড়ি খেই তুলে নিয়ে বললেন, ‘ভারতের যত্রত ভূস্বামী, যত্র তত্র একদারনিষ্ঠতা—এটা মূল সূত্র, অবশ্য বাস্তবতর হবে “একদারদাসত্ব”। চারটে বিয়ে করে বারটা ছেলে পয়সা করলে, ভাগ, তস্য ভাগের ফলে তিন পুরুষেই জমিদারী নিকুঁচি। অতএব “রীতি” চার স্ত্রী নয়, এক স্ত্রী এবং হারোমে জনাতিনা “খাদেমা” অর্থাৎ সৈবিকা, কিংবা ঐ জমিদার বিগ্রহের “সেনাদাসী”ও বলতে পারেন। নিতান্ত যারা আল্লাকে বস্ত বেশী ডরায় তারা দু’জন সাক্ষী সামনে রেখে বিয়ের একটা ভড়ৎ করে। তা সে যাক্ গে। মোন্দা কথা, মিঃ জুলৎ-ফিকার আলী ভুট্টোর মাতা শাহ নাওয়াজকে বিয়ের প্রাক্কালে হিন্দুধর্ম বর্জন করেন। পশ্চিম পাকিস্তানেরই একাধিক কাগজ একাধিকবার বলে, বিয়েটা নাকি আদৌ হয় নি। ভুট্টো প্রেমীজন প্রমাণ স্বরূপ বলেন, বিবাহে গুলাম মহম্মদ হিদায়েৎউল্লা ও উল্লেখযোগ্য কিছু লোক ছিলেন। নিশ্চয় বলে, “ওটা বিয়ের মজলিস্ ছিল না মোটেই। ইংরেজ যেটাকে বলে nautch—বাইনাচ। প্রধান নর্তকী কে ছিলেন, সে আলোচনা ঐতিহাসিক-কাম্-সাংবাদিকরা করবেন।

বিয়ে হইছিল কি না, সেটা তর্কধীন। জানি যে, আপনার কি মত, কিন্তু সেটা আমার মনের উপর কণামাত্র রেখাপাত করে না। তর্কাতীত সত্য, জুল-ফিকারের মাতা হিন্দুরূপে জন্ম নেন। তার উপরও আমি কোনো প্রাধান্য আরোপ করি নে। এক হজরৎ আলী ছাড়া আমাদের পন্নগম্বরের সব শিষ্যই তো মুসলিম হওয়ার আগে আরবদের বর্ষর ‘ধর্ম’ মেনে চলতেন।

কিন্তু যারা ফ্রয়েন্ট পক্ষতি ম্বারা মিঃ ভুট্টোর সর্বপ্রধান ‘ধর্ম’—ভারতের প্রতি এবং তার চেল্ল ও গুরুত্বপূর্ণ তত্ত্ব, হিন্দুদের প্রতি তার প্রতি লোমকূপে প্রোথিত বিশ্বেষ, ভদ্রজনবর্জিত ভাষায় সন্যোগে, কুযোগে, অযোগে নিত্য নিত্য

তাদের প্রাতি কুৎসিততম গ্যালিগালাজ, এই একটিমাত্র অটল আঁচল অপরিবর্তনীয় আঁচলপ্রস্থ ধাতু দিয়ে নির্মিত তার সত্তা। তবে কি তার দেহে যে হিন্দু রক্ত আছে সেইটে অস্বীকার করার জন্য, লোকে যেন সেটা স্মরণেও না আনতে পারে সেই উদ্দেশ্যে এই হিটলার প্রশংসিত নীতি, হিট্ হিট্ হিট্, হাতুড়ি দিয়ে হানো, হানো, হানো যতক্ষণ না লোকে পুনরাবৃত্তির ফলে হিপনোটাইজড, সন্মোহিত অবস্থায় তোমার বাণী, সত্যই হোক মিথ্যা হোক, গলাধঃকরণ করে ?

অপরূপ নেবেন না, আমার স্মৃতি-রাজ্যে শেক্সপীয়রকে দেবার মত আসন নেই—হেমলেট না কে যেন বলেছিলেন তাঁর দেহে তাঁর মাতার যে অংশটুকু আছে সেটা তিনি ছিঁড়ে ফেলে দিতে চান অথচ ভুট্টোর মাতৃদেবী হয়তো সত্যী সাধনী নারী ছিলেন। এবং আমি এ-সব কথা আদৌ তুলতাম না যদি ভুট্টো স্বয়ং একাধিক বার শেখ সাহেবের “ব্যাকগ্রাউন্ড” নিয়ে গবেষণা করার নির্দেশ না দিয়ে থাকতেন। শেখের ব্যাকগ্রাউন্ড জানে না কে? আমারই মত পূর্ব বাঙলার মধ্যবিত্ত শ্রেণীর মামুলী মুসলমান তিনি। ভুট্টো সুস্পষ্ট ইঙ্গিত দিয়েছেন, পূর্ব বাঙলার সমস্ত “অনাসৃষ্টির” জন্য দায়ী মুজীব এবং তাঁর ব্যাকগ্রাউন্ড। একথা তথ্যনিষ্ঠ তর্কাতীত সত্য যে মুজীবের মাতার সঙ্গে তাঁর পিতার বিবাহ হয়েছিল কি না সে প্রশ্ন ফারিদপুর অঞ্চলের লীগবৈরী, মুজীবের আশু পরলোক গমনাকাঙ্ক্ষী নেমকহারাম বিহারীরা পর্যন্ত করে নি এবং বিয়েটা প্রমাণ করার জন্য কোনো প্রধানমন্ত্রী হেদায়েতউল্লাহ উপস্থিতিও প্রয়োজন হয় নি।

ভুট্টো ইসলামের কোনো নির্দেশই মানেন না। ওঁদিকে ডয়স্কর শীয়া।

জুন্টার নির্দেশে যে-মেজর-জেনারেল ইস্কন্দর মিজা সর্বপ্রথম “আইনত” ডিক্টেটর হয়ে তিন সপ্তাহ রাজত্ব করেন তিনিও গোঁড়া শীয়া। মিজাই ধর্ম-দ্রাতা ভুট্টোকে আপন “উপদেষ্টা” রূপে বা “মন্ত্রণা সভায়” ডেকে নিয়ে রাজনীতির সমূহ (সারকার্মিশন) করান—অবশ্যই শীয়া কায়দার। অবান্তর নম্র যে মিজাকে ডিক্টেটরিতে প্রমোশন দেবার ষড়যন্ত্রটা করা হয় এক শীয়া-ভবনে, ভুট্টোজনের প্রাসাদে।

ইয়েহিয়াও গোঁড়া শীয়া। শীয়ারা বিশ্বাস করেন, সূন্নীরা তো মুসলিম নয়ই, তারা কাফির। এবং চরমপন্থী শীয়াদের স্বতঃসিদ্ধ বিশ্বাস, সূন্নীমাত্রই “ঞ্জাজিয উল্ ক্বল্” অর্থাৎ সূন্নী দর্শনমাত্রই তাকে নিধন করা শাস্তাদেশ।

ওঁদিকে জুন্টাতে কোনো শীয়া আছেন বলে শুনিনি। ইস্কন্দরের আমল থেকে এযাবৎ জুন্টাই পাক রাষ্ট্রের একমাত্র শক্তিশ্বর।

সেই সূন্নী জুন্টাকে বোকা বানিয়ে, পূর্ব বাঙলার মুসলমান মাত্রই “কাফির” সে-তালিম “মুসলমান” পাঞ্জাবী-পাঠান-বেলুচের অস্ফুটস্বাক্ষর উত্তমরূপে চূঁকিয়ে দিয়ে অর্গণিত বাঙালী মুসলমানকে করালে খুন, তাদের অবলাদের করালে শ্বর্ষণ, তাদের ঘরদোরে জ্বালালে খাণ্ডবদাহন—মাত্র দুটি শীয়া। অত্যন্ত

পৈশাচিক নৈপুণ্য না থাকলে দুটি মাত্র শীয়া—ইয়েইহিয়া এবং ভুট্টো—যাদের কাছে উভয়পাক্-এর অর্গণিত সূন্নাই “কাফির” এক পাক্-এর কাফির দিয়ে অন্য পাক্-এর কাফির উৎপাটন করার মত ধৃষ্টতা হৃদয়ে ধরতে পারতো কি ?

হিটলার পেরেইছিল কি জর্মানির “কাফির” ইহুদিদের বোকা বানিয়ে, তাতিয়ে দিয়ে ফ্রান্সের “কাফির” ইহুদিদের হত্যাধর্ষণলুণ্ঠন করতে ? দূরেই থাক সে দুরাশা ! বরষ সে যাদের মর্ত্যের আদর্শ মানব (সুপার মেন) উপাধি দিয়ে চির জীবন প্রপাগান্ডা চালালে, সেই নর্ডিক্ জাতির সর্বোৎকৃষ্ট উদাহরণ—সম্ভ্রান্ত অনেক অফিসার, রমেল সহ, তিন তিন বার চেষ্ঠা দিল তাকে হত্যা করতে । ফলে দু হাজার থেকে পাঁচ হাজার—কে জানে কত—নর্ডিক্ সুপার মেনকে মেশিন গান্-এর গুলিতে, ফাঁস কাঠে, শস্ত সরু তারে ঝুলতে ঝুলতে আধ ঘণ্টাটুক শূন্যে পা দুটো আছড়াতে আছড়াতে—এ-পদ্ধতিতে ফাঁসির মত এক ঝটকায় না—দম বন্ধ হয়ে প্রাণ দিলে । এ-যাবৎ কোনো শীয়ার শরীরে আঁচড়াটুক লাগে নি ।

এবারে বলুন, চৌধুরী সাহেব, সেই অনামা অমর্ত্য লোকে কার নীচাসন—হিটলারের না ইয়েইহিয়ার ফাঁসুড়েদের ?”

একাদশ অধ্যায়

আলিঙ্গন ঘনতর করে বাষ্প-ভরা কণ্ঠে কীর্তি বললে, “এই তো আমার অক্ষয় সম্পদ । তোমার প্রেমই আমাকে দেখিয়ে দেবে পথ, ভরে দেবে আমার বুক সাহস দিয়ে, আর সবচেয়ে বড় কথা—আমার মত অপদার্থকে করে দেবে কর্মনিষ্ঠ । যেখানেই যাই না কেন, যেতে যেতে যতই ক্লান্ত হয়ে পড়ি না কেন, তোমার কথা ভাবলেই পাবো নবীন উৎসাহ ।”

মৃদুকণ্ঠে শিপ্রা বললে, “তোমাকে আমার অদেয় কিছুর নেই ।”

কীর্তি কোনো উত্তর না দিয়ে চুপ করে রইল ।

শিপ্রা বিদায়-বেলায় পীড়া হাল্কা করে দেবার জন্য বললে, “একজন নীরবে চিত্তাম্বন হলে অন্যজন প্রায়ই বলে, ‘তুমি কি ভাবছো সেটা যদি আমাকে জানাও তবে তোমাকে একটা পেনি দেব—এ পেনি ফর ইয়োর থট্’ ; আমি যদি এটা পাশ্চটে বলে দিতে পারি, তুমি এখন কি ভাবছো, তুমি একটা পেনি দেবে ?”

কীর্তি তবু চুপ ।

শিপ্রা বাসনার লহরে লহরে রঙিন দুটি ঠোঁট দিয়ে কীর্তিকে নিবিড় চুম্বনে চুম্বনে আচ্ছন্ন করে দিয়ে বললে, “তুই ভাবাছিস, মিতা, এখন যদি বলি,

আমাকে বিয়ে করো তবে শিপি আগে মত আর না বলতে পারবে না, এইমাত্র যখন কথা দিয়েছে আমাকে তার অদেয় কিছুর নেই।' বল, কিতা, ঠিক ধরোই কি না?"

কীর্তি একটিমাত্র শব্দ উত্তর দিল, "ঠিক।"

শিপ্রা অভিমানের ছল করে বললে, "বা রে! তুমি কোনো উৎসাহ দেখাচ্ছে না যে! একদিন আমার দুর্বলতম মুহূর্তে—যেদিন আমি আমার সর্বস্ব উজাড় করে দিয়েছিলুম তোমাকে, অগ্রণী হয়ে, নিজের থেকে নারীর শেষ সম্বল—তুমি আমায় বলো নি, ঐটেই তোমার একমাত্র ভাবনা। আমি তখন সেটাকে হাল্কা করে দেবার জন্য বলোছিলুম, "হৃদয় আর ভাবনা তো একই সস্তা :

'কিবা সে হৃদয়? হৃদয় কাহারে কয়?

সে তো একবিন্দু শোণিত আর ভাবনার রাশি।'

শেষ ভাবনা উধাও হয়ে যাবে শেষ কামনা পূর্ণ হওয়ার সঙ্গে সঙ্গে। তখন রইবে শুধু এক বিন্দু শোণিত; ভাবনাটা উধাও হওয়ার সঙ্গে সঙ্গে পেয়ে যাবে লোপ হৃদয়ও। ভাবনা-ভরা হৃদয়-হারা সুন্দরমাত্র এক বিন্দু শোণিত তো মানুষ ভিন্ন সব প্রাণীরই আছে। ভাবনাভরা শোণিত বিন্দুটির নামই তো কীর্তি ঠাকুর। আমার ঠাকুর।' উত্তরে তুমি বলোইলে 'তোমার মন্তব্যটাতে শোণিত বিন্দুও নেই।'...আজ যদি কবি সুরেলা গলার সঙ্গে আমার বেসুরো গলা মিশিয়ে অর্থাৎ একটু পরিবর্তন করে গাই, জানি সেটা জনসমাজে করলে হবে ধৃষ্টতা, কিন্তু তুমি আমি মধুর ভাবে দীন, হিয়া প্রকাশে হীন, তাই কবি সেটা কমা করবেন—

'হৃদয়-বাসনা পূর্ণ হল আজ

হেরি আঁখি-ভরা মনে

মম প্রিয়া চিত্তমাঝে বাস স্থির আসনে।'

তা হলে?"

কীর্তি তখনো চুপ।

শিপ্রার আদর যেন অফুরন্ত। বললে, "আজ আমার পেনি জন্মবার দিন। যদি বলতে পারি এখন তুমি কি ভাবছো, আরেকটা পেনি দেবে?"

"বলো।"

"মিতা, আমি জানি যে, তুমি জানো, আমি কি উত্তর দেব। এবং সেই নিম্নে তোমার মনে তোলপাড় আরম্ভ হয়েছে। আগে ছিল ভাবনা, এখন দুর্ভাবনা।"

কীর্তির ঠোঁটের কাছে এনে তার নিশ্বাস শিপ্রা আপন নাক দিয়ে নিঃশেষে শুষে নিলে গুনগুন করে গাইলে, "আমাতে মিশাকু তব নিশ্বাস নবীন উষাকু

পুষ্প সুবাস—” বার বার। তারপর আবার বার বার “বাসনার রঙে লহরে লহরে রঙিন হল, হে প্রিয়/করুণ মম অরুণ অধর পিয়ো হে পিয়ো।” তার পর কীর্তিনিয়া রীতিতে বার বার আখর দিলে, “অরুণ অধর পিয়ো হে পিয়ো।” মাঝে মাঝে থেমে থেমে কীর্তির নিঃস্বাস নিঃশেষে শূন্যে নিয়ে আপন বুক ভরে নেন্ন—তার প্রাপ্তি নেই, ক্রান্তি নেই।

হঠাৎ একবার দীর্ঘস্বাস চাপার চেষ্টা করা সত্ত্বেও সেটা কীর্তির গাল ছুঁয়ে গেল। কীর্তির দুঃহাত দিয়ে ছাঁড়িয়ে পড়া ঘন কোঁকড়া চুলের নিচে আধা হারিয়ে যাওয়া মুখটি কাছে টেনে এনে বললে, “বলো দেখি, তুমি কি অবস্তুি বোধ করছো?”

শিপ্রা চোখের উপর থেকে চুল সরিয়ে ঠোঁটে মুখে স্লান হাসি ফুটিয়ে বললে, “অবস্তুি কিসের? নিজের ভিতরের দিকে তাকিয়ে শূন্য আমি একটু হতাশ হলাম। আমি আশা করেছিলুম, বাবার বন্ধু ফরাসী ফৌজী অফিসাররা যেরকম ভালো মন্দ, বিপদ আপদ, সুখ দুঃখ, সব অবস্থাতেই ধরে নেয় যে এটাই প্রকৃতির নিয়ম, এটাই তো স্বাভাবিক, আটপৌরে—এমন কি আমাদের কবির সর্বশেষ কবিতার যে প্রায় সর্বশেষ ছত্রে আছে, ‘অনায়াসে যে পেরেছে ছলনা সহিতে’ ঠিক তাও নয়, ছলনাটাও তাদের কাছে ছলনা নয়, ওটা অত্যন্ত স্বাভাবিক কিন্তু কবির ‘অনায়াস’ বেশীর ভাগ চরিত্রেই থাকে এবং সেটার মূল্য দেয় শোল্ডার প্রাগ করে, ‘তাঁ পি’ বলে, মানে, ‘জানা তো ছিলই, জীবনটা একটানা শ্যাম্পেন আর কাঁভিন্নার হতে পারে না, জেনারেল ব্যাটা আটকে দিলে প্রমোশনটা, আর প্রিয়া তো হর হামেহাল উঁচিয়ে আছেন জিল্টু, করার পিস্তল, —তারপর সেই স্বাভাবিক আটপৌরেটার সামনে তার আচরণটাও অনায়াস লবধ —গ্যারিসের ‘প্রিমা দম্মার’ অর্থাচিত প্রেম যদি স্যাৎ অকস্মাৎ বিলকুল ফুকে লটারির প্রাইজের মত পেয়ে যায় তবে অনায়াসে তাকে নিয়ে সগর্বে বুক ফুলিয়ে বোড়িয়ে বেড়াবে, আবার বিকল্পে যদি উপলব্ধি করে, পরের দিন জুন্সোর দেনা শোধ না করতে পারলে মান-ইজ্জৎ থাকবে না, তখন তো সেই নিত্য দিনের ‘তাঁ পি’—সে মাচ্ দি ওয়াস্গ আছেই—প্রিয়ার মুখটি সাদরে তুলে ধরার মতই অনায়াসে পিস্তলটা তুলে ধরে ঠেকাবে রণে—আমি আশা করেছিলুম একটানা বহু সায়ৎ সন্ধ্যা তাঁদের অনায়াসে সঙ্গ পেয়েছিলুম বলে আমিও তাদের শোল্ডার প্রাগ করে ‘তাঁ পি’—বয়ে গেল—বলতে পারবো, অন্তত খানিকটে।”

কীর্তি করুণ কণ্ঠে বললে, “কেন অথবা আত্মনিন্দা করো? আমার যদি কাল ভোরের প্লেনে করে মোলায়েম সুইটজারল্যান্ডে যাবার প্ল্যান থাকতো তা হলে তুমি সেটাকেও অত অনায়াসে নিতে পারতে না। যাকে ভালোবাসি তাকে বুক জড়িয়ে ধরে থাকলেও হারাই-হারাই ভাবনাটা সব সময়েই জেগে থাকে হৃদয়ের কোন এক গোপন কোণে। তার উপর তুমি মেরেছেলে।

পূর্বরূপের হৃদয় যদি একবিবন্ধু শোণিত আর ভাবনার রাশি দিলে গড়া হয়, তবে মেয়েদের বেলা একবিবন্ধু শোণিত আর রোদনের রাশি। আসলে আমার প্রশ্নটাই ভুল। আমি কিংবা খান তো এমন কোথাও যাবো না, যা তোমার অস্বস্তির কারণ হতে পারে, আমি কিংবা খান বন্ধুক চালিয়ে কটা পাঠানকে খতম করতে পারবো? ছোকরা জিমে পর্যন্ত জানে, তুমিই তো বর্গেছিলে, আমাদের কাজ কলকাতার। সেই ঘুঘু লারীটা পর্যন্ত জানে, নজর রাখতে হবে কলকাতার উপর। এবং আমাদের বড় বড় ক্লাবগুলার উপরও। যে সব ছেলে-ছোকরারা সমস্ত মন প্রাণ দিয়ে পূর্ব বাঙলাকে সাহায্য করতে চায়, তারা টাকার জন্য, বন্ধুকের জন্য যাবে যে সব পয়সাগুলাদের কাছে তারা তো এসব ক্লাবেরই মেম্বার। এবং এরা লারী ফারীর সামনেও বেপরোয়া বলে দেবে, ছোকরাদের জন্য একস্পেল্‌সিড যোগাড় করতে কার লবেজান, কে এক রাশ টাকা দিয়ে ছেলেদের পাঠিয়েছে নাগা পাহাড়, সেখানে যদি জাপানীদের ফেলে-যাওয়া বন্ধুক মেশিনগান নাগাদের কাছ থেকে কেনা যায়। ইন্ডিয়া গভর্নমেন্ট এখনো আসরে নামে নি বলে ছেলেরা কি হাত পা গুটিয়ে বসে থাকবে না মরুব্বীরী তাদের শূধু হাতে ফিরিয়ে দেবে। শূধু কি তাই, খান বলে নি বুদ্ধি, বাংলাদেশের এক রিটার্ডেড্‌ আমি অফিসার এপারে সময়মত চলে এসেই শূনেতে পেলেন, অমুক বাঙালী হিন্দু অফিসার বর্ডারে মোতায়েন হয়েছেন। 'ইআল্লা' বলে এক লক্ষ্য তাঁর কাছে উপস্থিত। ব্যাপার কি? পার্টিশনের পূর্বে দু'জনা একই জায়গায় ট্রেনিং পেয়েছিলেন, পার্টিশনের সময় পর্যন্ত একই আমিতে কাজ করেছিলেন। দু'জনাতে দোস্তী হয়েছিল গভীর। গিয়েই বললেন, 'জানো ভো, দোস্ত, আমি রিটার্ডার করেছি বটে কিন্তু দেশে যে সেক্ট এসেছে সেটার মোকাবেলা যথাসাধ্য আমি করবই করবো—এই ভরসা যদি আমার দেশের লোক রাখে তবে কি সেটা অন্যান্য হবে?' আসলে অতখানি লম্বা-চওড়া অজুহাত একে অন্যকে এঁরা কখনো দেন নি। এক ইয়ার আরেক ইয়ারকে দেখা মাত্রই বন্ধু গিয়েছেন ব্যাপারটা কি। বাক্য ব্যয় না করে ইয়ারকে নিয়ে গেলেন অস্তাগারে হাত দিয়ে কুলে হাতিয়ার দেখিয়ে বললেন, "যা খুশি নিয়ে যাও, যত খুশী নিয়ে যাও—হেল্প্‌ ইয়োরসেলফ্‌"। সত্যি বলছি—"

শিপ্রার অবসাদ আগাপাত্তলা উধাও। খড়মাড়িয়ে উঠে বসলো। ফরাসী অফিসারদের কাছ থেকে সে—শূধু ফোজী-তত্ত্বকথাই শোনে নি, শূনেছে বিস্তর গুলও তাদের মুখে—নইলে আমিতে ঢুকবেই বা কেন, গুলে মারার সনাতন ট্রাডিশনটাই বা ডোবাবে কেন? কিন্তু এ রকম একটা সৃষ্টিছাড়া ভূতুড়ে গুল? ঢোক গিলে রাম-তোতলার মত টক্কর ঠোক্কর খেতে খেতে শূধলো, "সে কি করে হয়? তুমি সত্যি জানো? এ তো বিশ্বজোড়া শান্তির সময়ও অসম্ভব।

আর এখানে সরকার যাকে পাঠিয়েছে সীমান্ত রক্ষার জন্য, তাঁর কি হাল হবে ? বলা তো যায় না, ইয়েইহিয়া জাঁতাকলে পড়লে দু'ঘোঁটা থেকে নিষ্কৃত পাবার জন্য কোন না কোন ডেসপারেট মিলিটারি গ্যাম্বল শুরুর করে দেবে। তার শেষ তাস দিয়ে। আক্রমণ করবে আইনত নিরপেক্ষ কিন্তু কার্যত বাংলাদেশের প্রতি সহানুভূতিশীল ভারতকে—যাতে করে রাষ্ট্রপুঞ্জ ইন্টারফয়ার করে দুই পক্ষকে ঠেকান আর ইয়েইহিয়া সেই লুপহোল দিয়ে সমুদ্র করে বোরিয়ে যায়।

কীর্তি সোল্লাসে বললে, “শুরু ইয়েইহিয়াই বৃষ্টি কলিযুগের নিরেস যুধিষ্ঠির ! সত্য যুগের আসল যুধিষ্ঠির, না ইয়েইহিয়া কে যে জুরোতে বেশী বন্দুদি দেখাতেন সেটা বাঙলার ইতিহাসে একটা চিরন্তনী সমস্যা হয়ে রইবে। সেই গুপ্তযুগ কিংবা তারো আগের থেকে কত না রাজা, পাঠান মোগল কেউ বাদ যান নি, এদেশে এসেছে জুরো খেলতে, ওদের সঙ্কলেরই মারাত্মক প্রয়োজন ছিল, যুদ্ধের জন্য হাতীর। ষ্ট্রপুরাতে প্রচুর সে মাল, প্রতিবেশী সিলেটীরা এখনো পৃথিবীর সেরা মাহুত। ইংরেজ বোম্বাই, মাদ্রাজ যে কোনো জায়গায় জুরো পাটি বসাতে পারতো। কিন্তু বেছে নিল বাঙলা। ধনী দেশ, অস্তত তখন পর্যন্ত ছিল—আমাদের তরফ থেকে স্টেকটা হবে ভারি। জিওপলিটিক নামক আধা-বিজ্ঞানটি তখনো আবিষ্কৃত হয় নি, কিন্তু তথ্যগুলো তো ছিল—আমাদের বন্দু এক কেন্দ্রীয় মন্ত্রীকে কে যেন কথাছিলে বলে, ‘অক্সিজেন আবিষ্কৃত হয়, ১৭৭৪-এ’। মন্ত্রী সবিস্ময়ে শূধোলেন, ‘তার আগে মানুষ বাঁচতো কি দিয়ে?’ তারপর পাঁচ আঙুলে খ্যাস খ্যাস করে দাড়ির উকুনকে আদর করতে করতে ডরাল, গলায় শূধোলেন, ‘কিন্তু সাপ্লাই ঠিক আছে তো?’—

শিপ্রা শূধোলে, “তুমি একদিন কথায় কথায় বলছিলে না ডাঙর ইয়েইহিয়ার আর বড়া বড়া জুরো-গোসাইদের কানও বড় বড় হয়—তখন মনে পড়ে নি ভলভের এ-সম্বন্ধে একটি সন্দর এপিগ্রাম লিখেছেন চার ছপ্রে, অনেকটা আমাদের সুভাষিতের মত, হিতোপদেশ পণ্ডতন্ত্রে বিস্তর আছে—”

কীর্তি ঠিক বঝতে না পেরে শূধোলে, “পণ্ডতন্ত্র ? সে তো কোন এক মোল্লা না কে যেন বাঙলা একটা সাপ্তাহিকে লেখে।”

শিপ্রা বললে, “দম্ভ আছে লোকটার ! স্বল্পং বিষ্কশর্ম বে বই লিখে দুই মার্কিন মুল্লুক পর্যন্ত প্রাতঃস্মরণীয় লেখক হলেন, তাঁর গল্পের কাছে কখনো কেউ আসতে পারবে নাকি যে সে তার রঙবাজ্ গুলতানির জন্য পণ্ডতন্ত্র নাম বেছে নিলে।”

কীর্তি স্বস্তির নিশ্বাস ফেলে বললে, “বাঁচলে ! আমি ভেবেছিলুম মাসটারের পড়ানো সেই ‘আগম পুরাণ বেদ পণ্ডতন্ত্রকথা’ বৃষ্টি আমাদের যে তন্ত্রটন্ত্র আছে তারই পাঁচটাতে মিলে কোনো একটা সিনথেসিস।...যাকগে...ভলভেরের একটা এপিগ্রাম বলতে যাচ্ছিলে না?”

“হ্যাঁ।

‘এলাস! লেজোরেই দে গ্রাঁ
স’ সূভা দ্য গ্রাঁদ’ জ’ অরেই’

‘হায়! বড়লোকদের যে আকছারই বড় বড় কান হয়’, অর্থাৎ গাধার কান। স্বভাবতই ইঙ্গিত রয়েছে, এদের মস্তিষ্কও ঐ প্রাণীটার মত।”

কীর্তি বললে, “তাই তো রক্ষে। বড়লোকদের ধন-দৌলত আছে, যশ প্রতিপত্তি প্রচুর। তার উপর যদি মগজটিও সরেস ধরনের হত তবে গরীবদের আর বাঁচতে হত না। তাদের হাড় মাস খেয়ে চামড়া দিয়ে ডুগডুগি বাজাতো। এই ধরো না টিক্কা ইয়েইয়ার একটা মোক্ষম মুখুখোমি। আজ যে সমস্ত পূর্ব বাঙলার বড় অত্যাচারের বিরুদ্ধে ছোট রুখে দাঁড়িয়েছে, মুক্তি-বাহিনী ধীরে ধীরে গড়ে উঠছে—দর্শন বিজ্ঞানের মূল তত্ত্ব নিকুঁচ করে দিয়ে সার্থাৎ গ্ৰোইং আউট অব ন্যাথিং—তার জন্য ঐ মুখুখোমি আচরণ কতখানি দারী সৈ-কথা ইতিহাস একদিন বিচার করবে। এটা আমার নিজস্ব বিশ্লেষণ, আপন খেয়াল নয়। মনে আছে তোমার, শিলঙে তোমাঞ্চে বলেছিলুম হবিগঞ্জের এক পাগলা-জগাই, শব্দে শব্দে,

ঢাল নেই, তলওয়ার নেই, নির্ধরাম সদরি

ট্যাঙ্ক কামান হামলা করে, হুঙ্কারে ‘মার মার’!

সেই মেজর আমার এক মুরুব্বীকে বলেছেন, “পাঁচশে রাষ্ট্রেই টিক্কা প্রয়োজনের চেয়েও ঢের ঢের অপরাধ সৈন্যবল, আধুনিকতম ট্যাঙ্ক, সাজোয়া গাড়ি, কামান সর্ব বল নিয়ে আক্রমণ করলে তিন শ্রেণীর লোককে। প্রথম দল বেঙ্গল রোজিমেণ্টের বাঙালী। একদা পাকিস্তানের, বস্তুত পশ্চিম পাকিস্তানের হয়ে এরাই লড়েছিল আইয়ুব খানী যুদ্ধে, প্রায় সঙ্গে সঙ্গে সশস্ত্র পুলিশ এবং তাঁর অল্পক্ষণ পরেই মামুলী পুলিশকে আক্রমণ করে এ... স্ত করে দিল। এদের মাত্র যে কিছু লোক পালাতে সক্ষম হয়েছিল, তা... পূর্ব বাঙলার সন্দু মাত্রই এরা জানে, কি করে রাইফেল চালানো শেখাতে হয়। এদের নিয়েই গড়ে উঠলো বাঙলা দেশময় মুক্তিবাহিনীর ছোট ছোট দল। এখন প্রশ্ন এই, এদের কিছু সংখ্যক লোক লীগের প্রতি কতখানি দরদী ছিল সেটা বলা কঠিন—জুঁটা অবশ্যই সেটা আদৌ হিসেবে ধরে নি, তাদের পুরো পাক্কা ধারণা, এদের সমূলে বিনাশ করতে কী আর বেগ পেতে হবে, সমস্তই বা লাগবে কতটুকু?—বমার অব্ বেলুচিস্তানের ঐ বাবদে দস্ত তো আজ দেশে-বিদেশে কারো অজানা নেই—কিন্তু এ-কথা তো সত্য, যে এই তিন শ্রেণীর লোক ডিসিপ্লিন্ কাকে বলে সেটা অতি উত্তমরূপে জানে, উপরওয়ার আদেশ এ-স্থলে ‘বমার’ হোক, ‘বুচার’ হোক, টিক্কা খানের—আদেশ তারা অন্তত একশ’ বছর ধরে মেনে নিতে অভ্যস্ত, এবং সর্বশেষ কথা—পাক আল্লার নামে কসম খেয়ে তারা রাষ্ট্রপতির

আনুগত্য স্বীকার করেছে। তাই প্রশ্ন, এদের এভাবে টিক্কা যদি আক্রমণ না করতো তবে কি এরা নিজের থেকে বিদ্রোহ করতো?"

কীর্তি থামলো। যেন সামান্য একটু চিন্তা করে বললে, "এ প্রশ্নের উত্তর মেজর কখনো পাবেন না। করতোই, সেটা জোর গলায় বলা চলে না, আবার আলবৎ করতো না তার উত্তরও তৎসৎ। তবে মেজরের একটা সত্য নির্ণয় তর্কাতীত। ওরা আক্রান্ত না হলে, এবং তারই ফলে স্বাধীনতা আন্দোলনে যোগ না দিলে মুক্তিবাহিনী গড়ে তোলাটা তো প্রায় অসম্ভব হত। আবার, তাদেরই চোখের সামনে গ্রামাঞ্চলে দিনের পর দিন, 'মুক্তি' গড়ে না উঠলে, গ্রামের লোক তো মনোবল হারিয়ে ফেলত—বুঝে দাঁড়ানো দূরে থাক, বিরুদ্ধ ভাব অন্তরে অন্তরে পোষণ করতই বা ক'দিন? এবং তার শেষে যখন বর্বররা ব্যাপকভাবে সর্বত্র হত্যা-লুণ্ঠন-দহন-ধর্ষণ আরম্ভ করতো—এবং করতো তার সর্বাধিকার—তখন? তখন তো টু লেট, তখন কে গড়ে তুলতো মুক্তি বাহিনী?"

শিপ্রা বললে, "আগার মনে হয়, ভারত যে সরাসরি ইন্সিহিয়ার গ্যালে চড় মারছে না, তার প্রধান কারণ, সে দেখতে চায়, বাংলাদেশে যে 'বিদ্রোহ' মনোবৃত্তি দেখা দিয়েছে সেটা বাঙালীর নিত্যকালের হৃদয়গে মেতে ওঠার সোডা-বোতলের গ্যাস কিনা। সেটা ঠিক ঠিক অনুমান না করে তড়িঘড়ি পুরোদম যুদ্ধে যদি নেমে যায় এখনুনি, এবং অল্পদিন পরেই পূর্ব বাঙালার মনোবল ভেঙে যায় তবে যে শেষটায় ভারতকে বিশ্বের কাছে বিড়ম্বিত হতে হবে। ওঁদিকে ফরাসী অফিসারদের একজন আমাকে লিখেছেন, নিঃসন্দেহে বলা যেতে পারে, মিলিটারি দৃষ্টিবিন্দু থেকে—জোর দিয়ে বলেছেন একমাত্র প্যোরালি মিলিটারি স্ট্র্যাটেজির বিচারে—এইটাই ভারতের সুবর্ণ সুযোগ, এই বেলান্নই ভারতের যুদ্ধে নেমে যাওয়া উচিত।...তা তো বুদ্ধিমত্তা, কিন্তু প্রশ্ন, সব জেনেশুনে পৃথিবীর প্রায় সব নেশনই চুপ করে আছে কেন?"

"বা—রে! তোমার আপন দেশ ভারতবর্ষও তো এখনো স্বাধীন বাংলা-দেশকে স্বীকৃতি দেয় নি।"

"সে কি কথা! একটা দেশের সরকারই বুঝি সব! আমরা—তুমি, আমি—আমরা বুঝি দেশের মালিক নই! এই বাংলাদেশেই তুমি কখনো দেখেছো, ঘটি বাঙাল হঠাৎ এক হয়ে গিয়ে পূর্ব বাঙালার বেদনায় চিংকার করে বলে উঠেছে, 'ভাই আমরা আছি'। আর এটাও তো স্বীকার করতে হবে, আজ পর্যন্ত ভারতই সবচেয়ে খোলাখুলিভাবে, স্পষ্ট ভাষায় প্রকাশ করেছে, তার পূর্বতম সহানুভূতি কার প্রতি। তুমি জানো—"

কীর্তি কেন যে দীর্ঘশ্বাস ফেলল সেটা বুঝতে না পেরে শিপ্রা থামলো। তার হাতখানা আপন হাতে তুলে নিয়ে শুনলো, "বন্ধু, আমার কোনো কথা

কি তোমাকে পীড়া দিল ?”

কীর্তির মুখে অর্মান হাসি ফুটলো। কণ্ঠস্বরে যেন সর্ব মধু তেলে দিয়ে বললে, “শিপ্রা তুমি সত্য শিপ্রা—শব্দটি এসেছে ক্ষিপ্রা থেকে, অর্থাৎ যে দ্রুতগতিতে চলে। তুমি প্রথম যৌদিন আমার দিকে তাকিয়ে একটুখানি—কেউ-দেখলো-কেউ-না—প্রসন্ন স্মিত হাস্যের আভাস দিয়েছিলে, সেদিনই সর্ব-প্রথম আমি একটা বড় বাঙলা অভিধানের স্মরণ নি। তারই কল্যাণে বন্ধুতে পারি যে শিপ্রা বা ক্ষিপ্রা—”

“ক্ষিপ্রা বললে আরো মানানসই হয়।”

চিন্তাকুল বদনে কীর্তি যেন আপন মনে বললে, “প্রেমে পাগলিনীকে খ্যাপা বা ক্ষিপ্তা বলেছেন কবি, কিন্তু সর্গক্ষপ্তা যেন না হয় আমার প্রতি তোমার প্রেম-প্রীতি-আসক্তিটি—”

শিপ্রা করুণ কণ্ঠে অনুনয় করলো, “বলবে না, রাজা, আমার কোন কথায় তোমার বন্ধুর ভিতর থেকে গরম বাতাস বেরল—হঠাৎ, কোনো আভাস না দিয়ে!”

কীর্তি যেন কাঁটীত রাজ্যদেশ পালনে শশব্যস্ত হয়ে বললে, “বলাছি, গুরু, বলাছি। যে-মুহূর্তে তুমি বললে, পশ্চিম বাঙলার লোক আজ যেন সমবেত কণ্ঠে পূব বাঙলার ডাকে সাড়া দিয়ে সাহস দিচ্ছে, ‘আমরা আছি’ আমার মনে তৎক্ষণাৎ সেই দুঃশ্চিন্তা, সেই কবেকার আগরতলায় যার জন্ম, সেটা অহরহ আমাকে আশা নিরাশায় ক্ষণে আকাশে তোলে, ক্ষণে মাটিতে আছাড় মারে। পূব বাঙলা দাঁড়িয়েছে প্রবল শক্তির বিরুদ্ধে। সে-শক্তিকে একমাত্র সৈন্যবল ছাড়া আর সব দিচ্ছে পূববীচল অস্ত্রাচলের দুই বৃহত্তম রাষ্ট্র—যুদ্ধ চালিয়ে যাবার জন্য সবচেয়ে আধুনিক অস্ত্রশস্ত্র, প্লেন যা চাই তাই, যুদ্ধ যদি দীর্ঘদিন ধরে চলে তবে পশ্চিম পাককে তার জন্য অপরিাপ্ত অকাতর অর্থসাহায্য,—সে-সব সাহায্য যদি সন্দুহমাগ্ন পশ্চিম পাকেই যেত তবে না হয় একটা ব্রাফ মারা যেত এগুলো পশ্চিম পাককে দেওয়া হচ্ছে, ভারত আফগানিস্তান ও রুশ একজোট হয়ে যেন পশ্চিম পাক আক্রমণ করে ‘কিবশান্তি’ ভঙ্গ না করে!—এগুলো খোলাখুলিভাবে পাঠানো হচ্ছে পূব বাঙলার হারামীদের হাতে, তারা কি নয়া ধরনের কিবশান্তি রক্ষা করছে সেটা জেনেশুনে যাতে করে তারা আরো নির্ভয়ে, জীবন বিপন্ন না করে আরো নিধনধ্বংসগলুণ্ঠনদহন কর্ম আরো বিজ্ঞানসম্মত পদ্ধতিতে করতে পারে। শুধু কি তাই,—নিরীহ গ্রামবাসী নরনারীকে কি ভাবে যমদূতেরও বাড়া নিষ্ঠুর নির্যাতনের ভয় দেখাতে হয়, কি প্রকারে স্বামী পিতা পুত্রের সম্মুখে অবলা নারীকে ধর্ষণ করে মানুষের শেষ সম্পদ তার আরুইক্ষণে ইমান কোন কোন বীভৎসতা দ্বারা বিনাশ করে তাকে ক্রীত পশুতে পরিণত করার বিভীষিকা দেখাতে হয় সে-সব ‘নীতি’ কায়দা শেখাবার জন্য বিস্তারিত

দেশে বাছাই বাছাই সাদিস্তানের জন্য একটা—কেউ কেউ বলেন একাধিক—বিশেষ স্কুল খোলা হয়েছে—খানদানী মিলিটারি অফিসার ও জাহানদের জন্য। আইয়ুবের সামনেই সেখানে পশ্চিম পাকের আর্মি বাছাই বাছাই লোক পাঠায়। ইয়েহিয়ার সৈনিকের খুব একটা নজর ছিল না, কিন্তু জুন্টা জানতো, হাওয়া একদিন বোন দিক দিয়ে বইবে। তারা সে 'ইস্কুলে' ছাত্র পাঠাতে কোনো কসুর করে নি। আসলে আজ আর এ বিষয়ে কোনো সন্দেহ নেই, যে স্বয়ং আইয়ুবই জানতেন, পূর্ব পাক আর পশ্চিম পাকে একদিন মোকাবেলা হবেই হবে।

তাই সব চেয়ে বড় প্রশ্ন, জনপদবাসী কতদিন ধরে এ অভ্যাসের সহ্যে পারবে? তারা যদি মনোবল হারায় তবে তো সর্বনাশ! প্রবলতর শত্রুর হাতে পয়ন্থ হওয়াতে লঙ্কার কিছু নেই, কিন্তু সে পরাজয় স্বীকার করে নেওয়াতে, তার দায়ে নিজেদের বিকিয়ে দেওয়াতে সর্বনাশের চেয়ে সর্বনাশ। কারণ তার ফল ভোগ করতে হবে তাদের সন্তানদের—বংশানুক্রমে।

ছোট বড় শহর আরসে রাখা খানদের পক্ষে কঠিন হবে না। কিন্তু গ্রামের পর গ্রাম, হাজার হাজার গ্রাম আরসে আনা অসম্ভব। কিন্তু যদি জনপদবাসী বশ্যতা স্বীকার করে নেয় তবে এই সব বাচ্চারা, ক্ষুদে ক্ষুদে বাচ্চারা, সন্দুমাড় দু'চারটে উটকো বন্দুক নিয়ে ট্যাঙ্ক সাজোয়া গাড়ির মোকাবেলা করছে, তারা পা জমাতে কোথায়?

জানো শিপ্রা, চিঁড়ে মূড়ি খেয়ে বেরয় খানদের সম্মানে। বেতার নেই, কোনো প্রকারের যোগসূত্র নেই এক গ্রুপের সঙ্গে অন্য গ্রুপের,—আর ক' রাউন্ড গুলিই বা পায় এরা যাত্রাপথে নামবার সময়—চাষাভুষো যদি এদের আশ্রয় না দেয়, চিঁড়ে মূড়ি না যোগায়, খানদের সম্মান না বাতলায় তবে কার্যকর লড়বে তারা?"

শিপ্রা অশ্বকার জানলা দিয়ে তাকিয়ে আছে, পাকের উপরের রাস্তায় ক্ষীণ একটা আলোর দিকে। তার মনে ক্ষণে ক্ষণে ভয় জাগছিল এদের জয়াশা আমাদের জয়াশা ঐ আলোরই মত ক্ষীণ। আবার সঙ্গে সঙ্গে তার মনে সাহস জেগে উঠছিল, প্যারিসের সেই বৃড়ো জেনারেলের স্মরণে। তিনি বলেছিলেন, 'মাদামোয়াজেল যতক্ষণ না একটা জাত পরাজয় স্বীকার করে নিয়েছে, ততক্ষণ সে পরাজিত হয় নি'। এবং শেষে যে আপ্তবাক্যটি বলেছিলেন সেইটে সে মুখ ফুটে কীর্তিকে শোনালে:

“যে ভেঙে গিয়ে মাটিতে শূন্যে পড়েছে, তাকে প্রবলতম শক্তিও দাঁড় করাতে পারে না। যে জাত ভেঙে পড়ে নি, সেও যেন অপরের সাহায্যের উপর বস্ত বেশী ভরসা না রাখে।”

অকস্মাৎ, অপ্রত্যাশিত, অত্যন্ত হঠাৎ হল কীর্তির প্রতিজ্ঞা! সোফা ছেড়ে

প্রায় নাচ শুরুর করে দিলে ঘরময়। শিপ্রা অবাক। এমন কি দারুণ নয়্য সত্য ছিল তার কথা কটিতে ?

শিপ্রার হাত দু'খানি আপন হাতে তুলে বললে, “বাঁচালে তুমি আমাকে। আমি কেন দীর্ঘশ্বাস ফেলোছিলুম এইবারে বলি,—যে কথাটা, কবে সেই আগরতলা থেকে আমার মনের ভিতর ঘোরপাক খাচ্ছিল কিন্তু বলার মত সাহস যোগাড় করতে পারি নি। আমি জানি, অনেকে মনে করে বাইরে তুমি যে রূপেই দেখা দাও না কেন, যেমন মনে করো হিঙ্গানি টাঙ্গে নাচে স্পেনের কনসালকে পার্টনার পেলে এদেশের অজানা টাঙ্গোর জন্মভূমিতে যে রীতিতে একে অন্যের সঙ্গে সেটে গিয়ে দু'হুঁ দু'হুঁ কুহু কুহু করতে করতে দো-দুল-দোলা জাগাও সেটা তোমার নিত্যন্ত বাহ্যরূপ, আসলে তোমার হৃদয় নামক বস্তুটি গড়া স্টেনলেস স্টীল দিয়ে। নাগরমল তুষ্ণীয়ালা ভেজাল স্টেনলেসের রাজা, একদা তোমার এডমায়ারদের রিংসীটে যে বসতো সে চিনবে না খাঁটি কতু ! কিন্তু আমি প্রথম দিন থেকেই জানি, কী দারুণ রোমান্টিক তুমি। প্রমাণ স্বরূপ পেশ করতে পারতুম; হৃদয়ের শত সহস্র সংজ্ঞা, বহু বিচিত্র বর্ণনা আছে। তবু তুমি হৃদয় বলতে ‘ভাবনার রাশিটাই’ যে তার মূল ধাতু সেটা মেনে নিলেছ কেন ? এবং সেই ভাবনারাশির সঙ্গে টানাপোড়েন জড়িয়ে রয়েছে একটা অনাগত নৈরাশ্য—যেটা আমার মনে অহরহ এনে দেয় অজানা ভীতি।”

শিপ্রা চায় না, তার আপন মনের মানুষ কোনো দুঃখ পায়—তা সে বাস্তব বা কাল্পনিক যা-ই হোক না কেন। বললে, “আমি নৈরাশ্যবাদী নই। আমার কাছে বিশ্বসৃষ্টির কোনো অর্থ বা মূল্য এখনো ধরা পড়ে নি। এর বেশী কিছু পছন্দাণ্ডি বলতে গেলেই আমি নিজের সঙ্গে নিজেই তর্ক জড়িয়ে পড়বো।”

কীর্তি যেন একটু সাহস পেল। বললে, “তাহলে তুমি বুঝতে পারবে—অন্তত অনেকখানি। কিন্তু আমি যতদূর সংক্ষেপে পারি বলতে চাই, আমার বুদ্ধকে একটা কাঁটা অহরহ খচ্ খচ্ করে খোঁচাচ্ছে সেটার কথা বলা দূরে থাক, ভাবতেও আমি চাই নে।

আমি জানি, তুমি রোমান্টিক। তাই আমার মত অপদার্থ যখন একদিন তার জড়হু ঝেড়ে ফেলল তখন তোমার আশা হয়েছে, আমি অবশ্যই একটা কীর্তি দৈখাতে পারবো—অসাধারণ না হোক, মামুলী বিস্বাদ, মিডওকারের চেয়ে উচ্চ স্তরের, অন্তত সে ভিন্ন স্তরের তো হবেই, যতই ক্ষুদ্রতম ক্ষুদ্র হোক না কেন আমার সাফল্য তার মধ্যে কিছু-না-কিছু একটা অসাধারণ থাকবেই। কারণ, আমার জড়হুটা ছিল মিডওকারের দৈনন্দিন কাজকর্মের মামুলী বিরস চঞ্চলতা থেকে সম্পূর্ণ ভিন্ন—অসাধারণ বললেও অত্যুক্তি নয়, প্রশান্তি তো নয়ই।...কিন্তু আমি যতই ঘুরে ফিরে সব-কিছু দেখি, কোন পথে মুক্তি কোন

দিকে আশার আলো তার সম্মানে সর্ব চৈতন্য নিয়োজিত করি—সেখানে কণামাত্র জড়ত্ব নেই, প্রচেষ্টাতে বিলম্বমাত্র শিথিলতা নেই,—ততই স্পষ্ট অনূভব করি, আমি এমন কোনো সফলতা অর্জন করতে পারবো না, যা দেখে তুমি গর্ব অনূভব করতে পারো—”

এতক্ষণ কীর্তি কথা কইছিল মাথা নিচু করে। অকস্মাৎ যেন তার বুকে পরশ লাগলো তারই চেনা আরেকটি বৃকের অজানা পন্দন—অর্জাবহীন আলিঙ্গনই শব্দ, সে শিহরণ জাগাতে পারে। চকিতে মাথা তুলে তাকালো শিপ্রার বিহবল মুখের দিকে।

আমাদের জাতীয় সঙ্গীতে আছে “দুঃস্বপ্ন আতঙ্কে রক্ষা করিলে অশ্বৈ শ্বেহময়ী তুমি মাতা”। সে মাতা আমাদের জনগণভাগ্যবিধাতাতেই সীমাবদ্ধ নন। সে মাতা দেশকালের অতীত—সে মা-জননী চিরন্তনী। তাঁর পরিচিত জনের নিত্যদিনের পরিচয় তাঁকে করে দেয় আমাদের কাছে অপরিচিত। নিত্য দিনের প্রাচীন অভ্যাস, সংস্কার থেকে মুক্ত হয়ে ক’জন ভাগ্যবান তাঁকে অকস্মাৎ একদিন চিনে ফেলতে পারার তুলনাসীমা সম্পদ অক্ষয় অধিকার পায়। তাই না খৃষ্ট বলেছেন, শিশুর মত সরল হতে হবে তাঁকে দেখতে যদি চাও।

শিশুর মত সরল চোখে তাই দেখতে পেল, সেই মধু, মুখ, সেই মৃদু হাসি, সেই সুখাভরা আঁখি। অবাধ হয়ে তাকিয়ে রইল সোঁদিকে।

শিশুকে আদর করার মত শিপ্রা টেনে আনলো কীর্তিকে তার কোলের দিকে।

মা মেরির মত প্রসন্ন কল্যাণ মুখ স্মিতহাস্যে আলোকিত করে বললে, “তোমার মত সরল লোক আজ বিরল। তুই কি সত্যি ভেবেছিস, আমি মনের কোণে কখনো ঠাই দিইনি, তুই একদিন গারিবাল্দি হবি, মাদ্জানি’র মত হীরো হবি! আর, দূর বিদেশের জন্য ‘খুনিয়া’ এক হীরো, আটপোরে সমাজেও যে হীরোর মত দাপাদাপি করতো, সেই বায়রন গেলেন গ্রীসে, দেশটাকে মুক্ত করতে হীরো স্টাইলে—মারা গেলেন বিষ্ঠিতে ভিক্ষে, বেতো সোঁদিতে, তার সঙ্গে এসে জুটোছিল স্যাংস’তে বিলুয়া হাওয়ার জ্বর, পূর্ব বাঙলায়ও বিলের অনটন নেই। এই বুঝি হীরোজনোঁচিত শেষ শয্যা গ্রহণের নাটুকে কায়দা! ওঁদিকে তাঁর প্রথম যৌবনের ‘অসামাজিক আচরণ’ তাঁর দেশবাসীরা তাদের বৃকের পাথরে খোদাই করে রেখেছে খুবই গভীর অক্ষরে। গ্রীসের মত একটা প্রাচীন সভ্য দেশের জন্য তাঁর সর্বস্বদান, আত্মত্যাগ, অকালমৃত্যুবরণ খান খান হয়ে গেল, না পেলেন ঠাই সেই পাথরে টক্কর খেয়ে। শেষটায় সেই নটিংহাম যেখানে একদা ডাকু-বীর রবিনহুড তার প্রতাপ দেখিয়েছিল সেইখানে বীর বায়রন পেলেন ছ’ফুট লম্বা তিন ফুট চওড়া গর্তে তাঁর চিরদিনের আবাস। ...আর এখন তো দুনিয়া জুড়ে গণতন্ত্রের জয়জয়কার। কমুনিয়স্ট’ ভান্সারাও রব

ভুলেছেন। ‘প্রিয়েরে দেবতা করা’ চলবে না, চলবে না, চলবে না। ব্যক্তি বিশেষ কিছুই নয়। আমিও বালি, যদি কেউ থাকে তবে সে হরিপদ কেরানী।

বিশ্বের লোক এখনো বলে, এককালে তো সবাই বলতো, প্রকৃত বীরের প্রকৃষ্টতম উদাহরণ যদি দেখতে চাও তবে তার সম্বন্ধ পাবে চার্চিল-এ। বলতে গেলে ঐ একটি মাত্র লোক, অবহেলিত, বহু বৎসর ধরে তার পার্টিশনারা প্রায় অপমানিত, কিছুতেই পরাজয় স্বীকার করতে রাজী হন না—বাঙলাদেশ যেন ঐরই মত কাম্বিনকালেও না করে—হিটলার যখন যুদ্ধক্ষেত্র থেকে চরম লাঞ্ছনা-সহ পলায়িত ইংরেজের দেশে উইক্‌এনড্‌ কাটাবার জন্য স্যাণ্ডউইচের রুটি কাটছেন। শত লক্ষ প্রাজ্ঞজন এখনো বিশ্বাস করেন, সেই বিকট সঙ্কট থেকে, সূনিশ্চিত বিনাশ থেকে ইংল্যান্ড ও অসুস্থান্তি কলোনীগুলোকে অবশ্যম্ভাবী শৃঙ্খলাবন্ধ দাসত্ব থেকে পরিগ্ৰাণ করতে আবির্ভূত হলেন, শেবত-কর্তক চার্চিল-বতীর! কিন্তু...কিন্তু বুদ্ধলে মিতা, স্বয়ং সেই চার্চিলও ভুলে গেলেন—কৃষ্ণাবতারও তো পরবর্তীকালে সীতা স্মরণে আনতে পারেন নি—বেবাক ভুলে গেলেন তে হি দিবসা গতাঃ! এখন আর লাটবেলাটের বীরত্বের খড়ম পুঞ্জো করার দিন নেই। এখন গণতন্ত্র আর একচ্ছত্র মানে না, জমিদার বাড়িতে পাত পাড়তে যায় না, এখন পাঁচো ইয়ারে মিলে লাগায় পাড়ায় পাড়ায় বারোয়ারী পুঞ্জো। সামন্ত জয়সেনের বীরত্বের যুগ ভিক্ষুণী সূপ্রিয়াদের ছায়াতলে শ্লান। তিন মাস যেতে না যেতেই পশুপিতার এক পিতা ভয়গ্রাতা চার্চিল পেলেন তাঁর চরম অসম্মান। এককালে পিতা পুত্রকে ত্যাজ্যপুত্র করতো, গণতন্ত্রের যুগে পুত্র-গণ—তারাই গণ, তারাই গণপতি, কবির ভাষায়, “জয়ধ্বজা ঐ যে তাদের গগন জুড়ে/পূব হতে কোন পশ্চিমেতে যায় রে উড়ে—এখন পুত্রগণ পিতাকে ত্যাজ্যপিতা করে।”

কীর্তি আরামের নিশ্বাস ফেলে বললে, “আমার পিতা আমাকে অসংখ্যবার ত্যাজ্যপুত্র করতে চেয়েছিলেন। কিন্তু তুমি যে গণতন্ত্র গণতন্ত্র কপচাচ্ছে, বলছো, পূব হতে কোন পশ্চিমেতে যায় রে উড়ে, সেটা পূবের কোন দেশে চালু হয়েছে কও?”

“তোমার কথাও ঠিক, আমার কথাও ঠিক। গণতন্ত্রের পিটুলি গোলাতে যখন পাজাবীদের অর্নুচি ধরলো তখন তারা আইয়ুবকে বানাতে ডিকটেটর। অন্য দেশে যুদ্ধক্ষেত্রে—ফীল্ড-এ—জয়লাভ করে জাঁদরেলরা হতেন ফীল্ড মার্শাল; মার্শাল ল’ জারী করে আইয়ুব খেতাব নিলেন ফীল্ড মার্শাল। জেনারেল ইয়েহিয়া সেটার কার্বন কপি হলেন না। তাই তাঁর জঙ্গীগুণ্টি তাঁর প্রথম যৌবনের রক্ষিতা, বর্তমানে ইয়া ধুমসী লাশকে খেতাব দিয়েছে ‘জেনারেল রানী’। চীনেরা যেন-রকম কাগজের বাঘ বানায়, পাক ভারতেও পেপার জেমোক্রেসী, পেপার ডিকটেটর, পেপার প’পাদর—‘জেনারেল রানী’।”

কাঁতকে আরো কাছে টেনে নিয়ে কিছুটা তিস্ততা কিছুটা করুণা মেশানো গলায় বললে, “তোমার শক্তিতে যা আছে, তাই তুমি করবে। লঙ জাম্প মেডেল-স্টুও আপন ছায়া লাফ দিয়ে ডিঙাতে পারে না। আরেকটা সত্যে আমার দৃঢ় বিশ্বাস, পূর্ব বাঙলা যদি স্বাধীনতা লাভ করতে সক্ষম হয় তবে স্বাধীনতা আনবে সে-দেশের চাষাভূষা, মালামারি এমন কি লেঠেল-ডাকাতও কিছুদিনের তরে পৈতৃক ব্যবস্থা ক্রান্ত দিয়ে—তারা গণতন্ত্র, স্বৈরতন্ত্র, পণ্ডতন্ত্র কিছুই বোঝে না। বোঝবার দরকারও নেই। সেই নিরীহ চাষা-বউকে ধর্ষণ করছে ইয়েহিয়া। ইছামতীর ওপার থেকে ওদের আতঁচঁকার শোনা যায় এপারে, আমাদের পারে। একটা অতি নগণ্য সাপ্তাহিক থেকে আমার এক বন্ধু কাটিং পাঠিয়েছে—তাতে এক ফরাসী দরদী বলেছে, “যেন তারা আপন জ্ঞাত ভাই, এখনো যাদের দেশভাই বলে মনে করে, সে-সব পশ্চিমবঙ্গের লোককে চঁকার করে আপন অসহায় অবস্থা জানিয়ে সাহায্য মাগছে। তাদের আপন মরদরা তো সম্ভেবেলায়ই বন্ধুকের গুলিতেই মরেছে আপন চোখের সামনে। তারপর সমস্ত রাত ধরে চলেছে অত্যাচার, টর্চলাইট দিয়ে বনবাদাড় থেকে খুঁজে বের করছে নতুন নতুন শিকার।”

উত্তরে তোমরা বলেছ, “ভাই, আমরা আছি।

তুমি যাবে পূর্ব দিকে, ছায়ার মত তোমার পিছনে ‘আমি আছি’ ॥”

শহু-ইয়ার

উৎসর্গ
শ্রীমান পশুপতি খানের
করকমলে—

যৌবনে আমার মাথায় ছিল কাঁথার মত চুল। সেলুনোর তো কথাই নেই, গাঁয়ের নাপতে পর্যন্ত ছাঁটতে গিয়ে হিমসিম খেয়ে যেত। কাজেই সমস্ত অপারেশনটা এমনই দীর্ঘস্থায়ী আর একঘেঁয়ে লাগতো যে আমি ঘুমের বাড়ি খেয়ে নিজে সেলুনে ঢুকতুম। চুলকাটা শেষ হলে পর সেলুনোর নাপতে ধাক্কা-ধাক্কি করে ঘুম ভাঙিয়ে দিত। সেদিনও হয়েছে তাই। কিন্তু—ইয়ান্না, আয়নার দিকে তাকিয়ে দেখি চুলের যা বাহারে 'কট' দিয়েছে সে নিজে চিতা-শয্যা পর্যন্ত ওঠা যায় না, ডোম পোড়াতে রাজী হবে না। কিন্তু তখন আর কিছুর করার নেই। মেঘে মেঘে বেলা হয়ে গিয়েছে। মহা বিরক্তি আর উন্মাদ গোস্‌সাসহ রাস্তায় নাবলুম।

ঠিক যে ভয়টি করেছিলুম তাই। দশ পা যেতে না যেতেই পাড়ার 'উত্তম কুমারের সঙ্গে দেখা। উভয়েই থমকে দাঁড়ালুম। আমার মস্তকে তখন বজ্রপাত হলে আমি বেঁচে যেতুম—উত্তমকুমার তা হলে সে বাহারে 'হেয়ার কট' দেখতে পেত না। কিন্তু আমি জ্ঞানি, আপনারা পেতায় যাবেন না, উত্তর শূন্যে, 'খাসা ফ্যাশানে চুলটা ছেঁটেছে তো হে—সেলুনটা কোথায়? তোমার আবিষ্কার বন্ধি?' গোড়ায় ভেবেছিলুম বাবু আমাকে নিয়ে মস্করা করছেন। পরে দেখলুম, না। সে গড্‌ ড্যাম সিরিসস।

সেই দিন থেকে একটি বিষয়ে আমি নিঃসন্দেহ হয়ে গিয়েছি। যা-ই করো, যা-ই পরো কেউ না কেউ সেটার প্রশংসা করবেই। এমন কি যা-ই লেখ না কেন ॥ সে লেখা সাগররমাপদমণীন্দ্রাশু সবাই ফেরত পাঠানোর পরও দেখবে, সেটি লুফে নেবার মত লোকও আছে।

তাই আমার বিশ্বাস, কোন্‌টা যে সরেস সাহিত্য আর কোন্‌টা যে নিরেস, সে সম্বন্ধে হ্রস্প করে কিছুর কলা যায় না। যদি বলেন, সবাই অমূকের লেখার নিন্দা করছে তবে আমি উত্তর দেব : প্রথমত ভোট দিয়ে সাহিত্য বিচার করা যায় না (এমন কি রাশায় নাকি একবার গণভোট—প্লেবিসিট—নেওয়া হয়, ভগবান আছেন কি নেই এবং ভগবান শতকরা একটি ভোট পান!), দ্বিতীয়ত, ভালো করে খুঁজলে নিশ্চয়ই সে-লেখকের তারিফদার পাঠকও পাবেন।

তাই আমার পরের স্টেপ : সরেস সাহিত্যিক এবং নিরেস সাহিত্যিকে পার্থক্য করা অসম্ভব।

অবশ্য আপনারা নিশ্চয়ই বলতে পারেন, আমি নিরেস সাহিত্যিক বলে এই মতবাদটি প্রচার করছি। আমি ঘাড় পেতে মেনে নিলুম।

মেনে নিইছি বলেই টেনে প্লেনে—বিশেষ করে টেনে—আমি আমার পরিচয় দি নে। দু'একবার আমার সঙ্গীসাথীরা মানা না শূনে টেনে আলোচনার মাধ্যমে অপরিচিতদের কাছে আমার নাম প্রকাশ করে দেন। দেখলুম, আমার ভয় বা ভয়সা অমূলক। কেউ কেউ আমাকে চিনতে

পারলেন। যদিও আমি নিরেস লেখক।

এসবের স্মরণে, একদিন যখন আমি একটা মহা বিপদে পড়েছি তখন নিষ্কৃতি পাবার জন্য আমার নাম, আমি যে সাহিত্যিক সে কথাটা প্রকাশ করলুম। সঙ্গে সঙ্গে যেন বোমা ফাটার শব্দ। কে একজন ব্যক্ত শেলফ ঠাট্টা মস্করা সব কিছুর একটা ঘট্যাট বানিয়ে বললেন, 'সাহিত্যিক! ছোট! এরকম ঢের ঢের সাহিত্যিক দেখাছি নিত্য নিত্য। আমি মশাই আমাদের পাড়ার লাইব্রেরী কর্মিটার মেম্বার—কই, আপনার নাম তো কখনো শুনিনি নি!' আর-সবাই তাঁরই কথায় সায় দিলে।

ঐদিন থেকে স্থির করেছি, জেলে যাবো, ফাঁসীতে ঝুলবো তাও সই কিন্তু নিজের পরিচয় প্রকাশ করবো না। পেঁয়াজ পয়জার দুই-ই কবুল বিলকুল উল্লুকই শূদ্ধ করে।

* * *

আমার আপন ভাণ্ডী পর্যন্ত ফারিয়াদ করে, আমার লয়েলটি-বোধ নেই; মুসলমান হয়েও মুসলমানদের গিয়ে গল্প উপন্যাস লিখি নে। এবারে সে বুঝতে পারবে কেন লিখি নে।

খুব বেশী দিনের কথা নয়। বোলপুর থেকে শেয়ালদা যাচ্ছি। এবং পূর্ব সংকসম অনুযায়ী মুখ যা বন্ধ করেছি তারপর কি ইরেসপনসিবল কি রেসপনসিবল কোনো 'টকে'র জন্যই ডিআই আর আমার গোঁপাণ্ড স্পর্শ করতে পারবে না—যদিও তখন কম্পার্টমেন্টে তুমুল তর্ক বেধেছে শলীল অশলীল সাহিত্যের জাতিভেদ নিয়ে। একবার লোভও হয়েছিল কিছু বলি, যখন একে অন্যে সবাই সবাইকে শূধতে আরম্ভ করেছেন, কেউ লেডি চ্যাটারলিজ লাভারজ পড়েছেন কি না? দেখা গেল কেউই পড়েন নি। আমার পড়া ছিল। কিন্তু পূর্ব প্রতিজ্ঞা স্মরণ করে আলোচনাতে কোনো প্রকারের সাহায্য করলুম না—পাছে ঐ খেই ধরে শেষটায় কেউ না দুম্ করে শূধিয়ে বসে, 'মহাশয়ের নাম?'—এদেশে এখনো অধিকাংশ লোক নাম জিজ্ঞাসা করাতে কোনো-কিছু আপত্তিজনক দেখতে পায় না। আমিও পাই নে—অবশ্য আমি যখন কৌতূহলী হয়ে অন্যকে শূধোই, ভাইস-ভারসা নয়।

তবু আমি চুপ, এবং এমনই নিশ্চুপ যে স্বল্পং কম্যানিস্ট ফরেন আপিস পর্যন্ত আমার বাক-সংঘম দেখে, 'খরশ্শো, খরশ্শো', শাবাশ শাবাশ জয়ধনি তুলতো।

মাঝে মাঝে লক্ষ্য করিছিলুম, এক কোণে যে একটি শুবতী বসে আছেন তিনি যেন আমার দিকে মাঝে মাঝে তাকাচ্ছেন—আড়নগনে না, পুরোপাক্ষা সাহস ভরেই। আমি বিশেষ শঙ্কিত হলাম না, কারণ পারতপক্ষে আমি কাউকে আমার ফটো উপহার দি না, আর খবরের কাগজে আমার যা ছবি উঠেছে তার তুলনায় আলীপুরের শিম্পানজীর ছবি উঠেছে ঢের ঢের বেশি।

১৮৩০ না ৪০ খৃষ্টাব্দে আসামে বুনো চায়ের গাছ আবিষ্কারের দিন থেকে আজ পর্যন্ত বর্ধমান-কেলনার খবর পাগ্ন নি যে চা নামক পানীয় আদৌ এ পৃথিবীতে আছে এবং বাঙলা দেশেও পাওয়া যায়। কারণ গত চার্লস বৎসর ধরে আপ্রাণ চেষ্টা করণে আমি বর্ধমান-কেলনারের কাছ থেকে চা আদায় করিতে পারি নি। এ তত্ত্বটি অনেকেই জানেন; কাজেই বর্ধমানে গ্যাড় দাঁড়ানো মাত্রই কামরার অধিকাংশ লোকই চায়ের নিষ্ফল সম্বন্ধে পল্যাটফর্মে নেবে গেলেন। আমি মুসলমান—শ্রীশ্রীগীতার মা ফলেষু, কদাচনতে না-হক্ক কেন বিশ্বাস করতে যাবো? বসে রইলুম ঠায়।

এমন সময় হুঙ্কার শোনা গেল, 'এই যে আলী সায়েব, চললেন কোথায়?' এবং সঙ্গে সঙ্গে মালপত্রসহ রেলের মজুমদারের প্রবেশ। আমি ভালোমন্দ কিছু বলার পূর্বেই ফের প্রশ্ন, 'তারপর? "শবনম" কি রকম কাটছে?'

এর পর যা ঘটলো সেটা আবিষ্কাস্য না হলেও আমার জীবনে ইতিপূর্বে কখনো ঘটে নি। সেই অন্য প্রান্তে যুবতীটি হরিণীর মত ছুটে এসে, আমার 'আরে করেন কি, করেন কি, থামুন' সম্পূর্ণ উপেক্ষা করে, মুসলমানী কল্লদায় পা ছুঁয়ে সেলাম করে বাস্কের উপর উঠে বসলেন আমার মুখোমুখি হয়ে। ঠিক যেরকম গুরু-শিষ্য পদ্মাসীন হয়ে মুখোমুখি হয়ে বসেন। কারণ, একটু আরাম করার জন্য আমি ইতিপূর্বে বাস্কের হাতলটাকে হেলান বানিয়ে বসেছিলাম হাফ-পদ্মাসনে। যুবতী যে-ভাবে আসন নিলেন তাতে আমাদের একে অন্যের হাঁটুতে হাঁটুতে আধ ইঞ্চিরও ব্যবধান নয়। এবং সমস্ত অভিযানটি তিনি সম্পূর্ণ করলেন মজুমদার, তাঁর মালবাহী-কুলী, দু'একজন প্যাসেঞ্জার যারা ভাড়ের চায়েতেই সন্মুখ হয়ে ইতিমধ্যে গাড়ীতে উঠে পড়েছেন—এঁদের সঙ্কলের ব্যাহ অবহলে ভেদ করে।

হার্ড-বয়েলড মজুমদারও যে বেকুবের মত তাকাতে পারে এটা আমি জানতুম না। আমার কথা বাদ দেওয়া যেতে পারে। আমি যে বেকুব সে আমি চার বছর বয়েস থেকে বড়দার মুখে শুনোঁছি; এখনো শুনি।

যুবতী একবার শূধু বাইরের দিকে তাকিয়ে বেশ উচ্চ কণ্ঠে ডাকলেন, 'ওগো, এদিকে এসো—আমাদের আলী সাহেব!' আমাকে শূধু বললেন, 'বে-আদবী মাফ করবেন, আমি প্রথমটায় ঠিক চিনতে পারি নি।' বাসু তখনকার মত আর কিছু না। আমি তো মূঠোর মধ্যে এসে গিরোঁছি—বাদবাকি ধীরেসুস্থে হবে।

ইতিমধ্যে ঐ 'ওগো'-টি, এবং আর পাঁচজনও কামরায় ঢুকলেন। যুবতীর আদেশে তিনি তাঁর পরিচয় দিলেন। ডাঃ জুলফিকার আলী খান। যেমন দেবী তেমন দেবা নন। ভদ্রলোক বরণ একটু মুখ-চোরা। শূধু একটু শূধুমুখে বললেন, 'ইনি আপনার প্রকৃত ভক্ত পাঠিকা।' দেবী মুখঝামটা দিলেন,

‘আর তুমি বুঝ না?’ ভদ্রলোক কোনো গাঁতকে জান বাঁচিয়ে কামরার অন্য কোণের দিকে পাড়ি দিলেন।

নিজের অপ্রতিভ ভাব কাটাবার জন্য আমি যুবতীর সঙ্গে মজুমদারের আলাপ করিয়ে দিলুম। বাঁ হাত দিয়ে ঘোমটাটি তোলার একটুখানি ইঙ্গিত দিয়ে বললেন, ‘আপনাকে বহুৎ শুকুরিয়া। ‘শবনম’ বীবীকে এ কামরায় দাওয়া না করলে আমি তাঁর স্বামীকে পুরোপুরি চিনে নিতে পারতুম না।’

সেই বর্ধমান থেকে দাঁঙ্গেশ্বর অবধি বেগম খান কি কি প্রশ্ন শূন্যেই ছিলেন, তাঁর আপন মনের কথা কি কি বলেছিলেন তার পুরো বয়ান কেন, নির্যাস দেওয়াও আমার তাগতের বাইরে। গোড়ার দিকে তো তাঁর কোন কথাই আমার কানে ঢুকছিল না। বেচারী ডাঃ খান যে বেশ কিছুটা অপ্রতিভ হয়েছেন সে তো স্পষ্ট বোঝা যাচ্ছে। বিশেষত দেবীর বসার ধরনটা। আমার দু’হাঁটুর সঙ্গে তাঁর দু’হাঁটু ছুঁইয়ে দিয়ে, আমাকে শব্দার্থে কোণঠাসা করে—আমিই বা করি কী, নড়তে গেলেই যে হাঁটুতে গোস্তা লাগবে—আসন না নিয়ে যদি ‘ভদ্রস্থতার’ দূরত্ব বজায় রেখে স্কুল-গার্লটির মত ব্রীডাভরা ব্যবহার করতো তা হলে তো ওঁদিকে আর কারো দৃষ্টি আকৃষ্ট হতো না। এ তো আকছারই হয়। গোড়াতেই আমি নিবেদন করি নি, সব লেখকই বরাবর? সঙ্কলেরই কিছু-না-কিছু ভক্ত, অন্ধ স্তাবক থাকার কথা। তদুপরি এ মেয়ে মুসলমান। বাকি গাড়ি হিন্দু। অবশ্য আমাকে আর ঐ হাফ-হিন্দু মোন্দারকে বাদ দিয়ে। হিন্দুদের ধারণা—এবং সেটা হয়তো ভুল নয়—যে, মুসলমান মেয়েরা মাত্রাধিক লাজুক (নইলে বোরকা পরতে যাবে কেন?) কিন্তু এখানে যে ঠিক তার উল্টোটা!

তা সে যাই হোক, গাড়ির সবাই ভদ্রসন্তান; তাঁরা আমাদের দু’জনকে আল্লাহ হাতে ছেড়ে দিয়ে নিজেদের নিয়ে পড়লেন। বেগম খান শূন্য মাঝে মাঝে মজুমদারকে তাঁর বাক্য সমর্থনের জন্য বরাত দিচ্ছিলেন। সেও এতক্ষণে হালে পানি পেয়ে গিয়েছে বলে শূন্য যে সায় দিচ্ছিল তাই নয়, মাঝে মাঝে খাসা টুইয়েও দিচ্ছিল। তখন আর বেগমকে পায় কে? ‘একে ছিল নাচিয়ে বড়ি, তাল পেল মৃদঙ্গের তাল!’ আমার মনে পড়লো মজুমদার কলেজ আমলে মেয়েদের নিয়ে মস্করা করে কবিতা লিখে রীতিমত নটরিয়াস হয়েছিল। বাঁদরটার খাসলৎ তিরিশটি বছরেও বদলালো না!

আমি শূন্য একাটি বার বেগমকে শূন্যেই ছিলুম, ‘আচ্ছা মিসিস খান—’ বাধা দিয়ে বললেন, ‘আমার নাম শহর-ইয়ার—আরব্য রজনীর শহর-ইয়ার।’

‘আচ্ছা, বেগম শহর—’

‘না, শূন্য শহর-ইয়ার।’

‘আচ্ছা, শহুর-ইয়ার, আপনি কি কখনো সত্যকার বড় লেখকের সঙ্গে পরিচিত হয়েছেন—যেমন মনে করুন, পরশুরাম—’

‘সত্যকার, মিথ্যেকার জানি নে,—আপনি বড় লেখক।’

আমি দীর্ঘশ্বাস ফেলে বললাম, ‘যাক। আমার কিন্তু সত্যি একবার দেখতে ইচ্ছে করে, কোনো গ্রেট লেখকের সঙ্গে পরিচিত হলে আপনি কি করেন। বোধ হয় কবিগুরু, যে বর্ণনা দিয়েছেন,

‘অমল কমল চরণ কোমল চুমিনু বেদনা ভরে—’

বেগম খান সঙ্গে সঙ্গে পদপূরণ করে বললে,

‘বাধা না মানিয়া ব্যাকুল অশ্রু পড়িতে লাগিল ঝরে।’

আমি অবাক হয়ে ভাবলাম, এই কবিতাটি যে খুব পরিচিত তা নয়, তবু মেয়েটি এর সঙ্গে পরিচিত। এর কাছে কি তবে মর্ডু-মর্ডুকের একই দর!

এবারে আমি শক্ত কণ্ঠে বললাম, ‘দেখুন, আপনি যদি আমার রচনা সম্বন্ধে আলোচনা বন্ধ না করেন, তবে আমি আর একটি মাত্র কথা বলবো না।’

বিন্দুমাত্র দখ প্রকাশ না করে বললে, ‘আপনার মরজ্বী। ভবিষ্যতে তো সুযোগ পাবো। আমার ভাবনা কি? কলকাতায় আপনার বাসা কোথায়?’

আমি অবাক হয়ে বললাম, ‘আমি কি লক্ষপতি? শান্তিনিকেতনের বাসা ঠেলতে গিয়েই আমি লবেজান! বন্ধুর বাসায় উঠবো।’

সঙ্গে সঙ্গে আসন ত্যাগ করে চলে গেল স্বামীর কাছে। আমিও তন্মহুর্ভেই পা নামিয়ে বাগে সোজা হয়ে বসলাম। পশ্চিমবঙ্গের দুই হাঁটুতে আমি আর হরিগজ বন্দী হবো না।

একটু পরেই ডাক্তার খানকে সঙ্গে নিয়ে এসে আমাকে মাঝখানে বসিয়ে দুজনা দুদিকে বসল। আমি বললাম, ‘ভাল হলো আপনার সঙ্গে পরিচয় হয়ে। মরার আগে একটা ট্রাংক কল পাবেন। তখন এসে শেষ ইনজেকশনটি দিয়ে দেবেন।’

ডাক্তার বললেন, ‘তওবা, তওবা! আর আমি তো প্র্যাকটিক্যাল ডাক্তারী ক্রমেই ভুলে যাচ্ছি। আমি তো রিসার্চ নিয়ে পড়ে আছি।’

বেগম ফিস্‌ফিস করে ডাক্তারকে বললেন, ‘আঃ! হ’ কইবার তাই কও না!’

ডাক্তার বললেন, ‘যদি ইজাজৎ দেন তবে একটা আরজ্ আছে। শুনলাম, কলকাতার আপনি এক দোস্তের বাড়িতে উঠবেন। তার চেয়ে এবারে আমাদের একটা চান্স দিলে আমরা সেটা মেহেরবাগী মেনে বড় খুশী হব। আমাদের বাড়িতে প্রচুর জায়গা আছে। যদি হিম্মত দেন তো বলি, আপনার কোনো ভুলফি হবে না।’

আমি অনেক কৃতজ্ঞতা জানিয়ে বললাম, ‘কিন্তু এ-যাত্রায় হবে না, আমারই

কপাল মন্দ । আসছে বার নিশ্চয়ই !’

বেগম ডাগর চোখ মেলে বললেন, ‘আপনার দোস্ত কি ডাক্তার ?’

আমি বললুম, ‘ঠিক তার উল্টোটা । বহুকাল ধরে শয্যাশায়ী !’

বেগম বললেন, ‘আমাদের বাড়িতে ঐ আরেকটি মাইনর সুবিধে । যা খুশী খান, যত খুশী খান, কিংবা তিন দিন ধরে কিছাই খেলেন না, হিমে সমস্ত রাত ছাতে চক্কর মারুন, যা খুশী করুন—ডাক্তার তো হাতের কাছে রয়েছে, ভয় কি ?’

আমি হেসে বললুম, ‘উনি না ডাক্তারী বেবাক ভুলে গিয়েছেন !’

বেগম বললেন, ‘কী যেন—নউজ্জুবিল্লা, বলতে নেই—হাতীর দাম লাখ টাকা ।’

আমি ভালো করে বুঝিয়ে বললুম যে আমার শয্যাশায়ী বন্ধু আমার জনম প্রহর গুনছে । তাই সেখানে না গিয়ে উপায় নেই । কিন্তু আসছে বারে অতি অবশ্য, সাত সত্য, তিন কসম ওঁরই হবেন আমার কলকাতার অনন্যদাতা—মেজ্জমান্ ।

ট্রেন দক্ষিণেশ্বরে থামলো বলে বেঁচে গেলুম । আমার এক চেনা এবং দোস্ত, পাশের ভিমকোতে কাজ করে ; বোস বলেছিল স্টেশনে আমাকে দেখতে আসবে । লাফ দিয়ে নামলুম প্ল্যাটফর্মে । মজ্জমদারও বোসকে চেনেন । তিনিও নামলেন ।

কই, রাস্কলটা আসে নি !

মজ্জমদার বললেন, ‘জানেন আলী সাহেব, মেয়েটি বড়ই সরলা । কিন্তু যে কোনো লোক অতি সহজেই ভুল বুঝে মনে করতে পারে উনি বুঝি পুশিং ফ্লাট । এ টাইপ আমি খুব বেশি দেখি নি কিন্তু যা দু’একটি দেখেছি সেও মুসলমান পরিবারে ।’

আমি বললুম, ‘আমারও তাই মনে হয়, কিন্তু আপনি এ মীমাংসায় পৌঁছিলেন কোন্ পর্যবেক্ষণের ফলে ?’

মজ্জমদার আমাকে ধাক্কা দিয়ে কামরায় তুলে দিয়ে নিজে পিছনে ঢুকলেন । বললেন, ‘পরে হবে ।’

এবারে কামরাতে সার্বজনীন আলোচনা হলো হিন্দুসমাজে যে ডিভোর্স বা লগ্নচ্ছেদ প্রবর্তন হয়েছে তাই নিয়ে । মুসলমানদের ভিতর তো গোড়ার থেকেই আছে ; কিন্তু প্রশ্ন তার সুবিধে নেয় বাঙলা দেশের কি পরিমাণ মুসলমান নরনারী ? অল্পই । তবে হিন্দুদের বেলা ? আলোচনাটা জমলো ভালো, কারণ ডাক্তার আর আমি, হিন্দুদের অজানা, মুসলমানদের পারিবারিক ভিত্তি সম্বন্ধে তথ্য সাপ্লাই করলুম, আর হিন্দুরা তাই নিয়ে স্পেকুলেট করলেন ।

বেগম সাহেব মুখ খুললেন না । তবে গুস্তাদের মার শেষ রাতে । ট্রেন বন্ধন শেয়ালদা পৌঁছল তখন তিনি মোক্ষম বাণ ছাড়লেন, ‘হিন্দুদের মেয়ে-

ইস্কুলে এখনো স্ট্যান্ডার্ড টেক্সট বুক ছুদেববাবুর পারিবারিক প্রবন্ধ। আমার বাবুদেববাবুর মেয়েকে দিন সাতেক আগেও পড়িয়েছি।'

দুই

হিন্দুরা বলে মুসলমানরা সাম্প্রদায়িক। বোধ হয় কথাটা সত্য, নইলে শহুর-ইয়ার আমার ক্যালিবারের লেখককে নিয়ে অতখানি মাতামাতি করবে কেন? এদেশে তো আর গণ্ডায় গণ্ডায় মুসলমান লেখক নেই, কাজেই আলী, আলীই সেই। কথায় আছে, বিপদে পড়লে শয়তান তক্ মাছি ধরে ধরে খায়।

উপস্থিত অবশ্য স্পষ্ট দেখতে পাচ্ছি মাছিই শয়তান খাবে। কথাবার্তায় তো মনে হলো ডাক্তার পরিবার কলকাতার খানদানীদের একটি। অতএব নিশ্চয়ই উত্তম মোগলাই খানাপিনার অনটন হবে না। সুভাষিতের একটি দোহা সামান্য ট্যারচা করলে অর্থ দাঁড়ায় 'পাঁড়তদের সবই গুণ; দোষের মধ্যে এই যে, ব্যাটারা বড় মূর্খ।' হিন্দুদের বেলাও তাই। ওদের অনেক গুণ; দোষের মধ্যে এই যে, তারা মাংস রান্ধতে জানে না। সেটা মেরামৎ করার জন্য সমস্ত জীবন ধরে—জীবনটা তো ওদের সঙ্গেই কাটালুম—চেঁচটা দিয়েছি। মাতাল যেমন গাঁঠের পয়সা খর্চা করে অন্যকে মদ খেতে শেখায়, পরে তাদের মাথায় হাত বুলিয়ে নেশাটি করবে বলে, আমিও তেমনি বিস্তর হিন্দুকে গায়ে পড়ে মোগলাই শেখাবার চেষ্টা করেছি, অর্থাৎ ফাঁকি দিয়ে শটকে শেখাবার মেহমৎ বরদাস্ত করেছি, পরে তারই মেওয়াটি খাবো বলে, কিন্তু হলে কি হয়, ঐ যে মুসলমানরা বলে হিন্দুরা বড় সঙ্কীর্ণচেতা, আপন ধর্মের গণ্ডীর ভিতর কাউকে 'ভাই-ব্রাদার' বলে নিতে চায় না, রান্নার বেলা অন্তত নিশ্চয়ই তাই। তা সে যাক্ গে, এখন যখন শহুর-ইয়ার গঙ্গোদক জুটে গেছে তখন কুপোদকের কি প্রয়োজন।

কিন্তু হায়, নল রাজার ভাঙ্গা মাছটির মত আমার মূর্গ-মুসল্লমগুলো হঠাৎ প্যাখনা গাঞ্জিয়ে ডানা মেলে 'কোকোরো' রব ছেড়ে হাওয়ায় মিলিয়ে গেল। ষ্ট্রেনে কথা ছিল, যেখানেই উঠি না কেন, ডাক্তার-পরিবারে প্রথম একটা ডিনার দিয়ে 'মুখবন্দ' অবতরণিকা সেরে পরের পরিপাটি ব্যবস্থা করা হবে, কিন্তু বন্ধুর বাড়িতে উঠেই দেখি আমার নামে টেলিগ্রাম—তন্দ্রুই শান্তিনিকেতন ফিরে যেতে হবে।

সে রায়েই আপার-ইন্ডিয়া ধরতে হলো। রেলের মোদ্দার ঠেলেঠুলে একটা কামরায় ঢুকিয়ে দিলে।

ঘণ্টা বাগচীকে বরাত দিয়ে এলুম সে যেন আমার আকস্মিক নিঘণ্ট পরিবর্তনটা শহুর-ইয়ার বান্দুকে জানিয়ে দেয়। আমার রাঢ়ী, বৈদিক, কুলীন,

মৌলিক মেলা চেলা আছে, কিন্তু মুসলমানকে ট্যাকল্ করতে হলে বারেন্দ্রই প্রশস্ততম। ওরা এখনো বদনা ব্যবহার করে।

বোলপুরের ফিরে হুন্ডা তিনেক সাধনার ফলে মূর্গা রোস্টের শোক ভুলে গিয়ে যখন পূনরায় ঝিঙ্গে-পোস্ত, কলাইয়ের ডাল আর টমাটোর টকে মনোনীবেশ করছি এমন সময় শূনি তীব্র মধুর বামা-কণ্ঠ। আমার বাড়িটা একেবারে শ্মশানের গা ঘেঁষে, অর্থাৎ লোকালয় থেকে দূরে নিজ্জনে। বামা-কণ্ঠ কেন, কোনো কণ্ঠই সেখানে শোনা যায় না। বারান্দায় বেরিয়েই দৌঁখ, শহর-ইয়ার, দূরে ডাক্তার, তারো দূরে প্রাচীন যুগের ইয়া লাশ মোটর গাড়ি।

আমার মুখ দিয়ে কথা ফোটে নি। শহর-ইয়ার পুরো-পাক্কা বাঙালী-মুসলমানী কায়দায় মাটিতে বসে, মাথায় ঘোমটা টেনে, দু'হাত দিয়ে আমার দু'পা ছুঁয়ে সালাম করলো। আমি তাকে দোয়া জানালুম, মনে মনে দরুদ পড়লুম।

এবারে দৌঁখ ওর ভিন্ন রূপ। আমি আশংকা করেছিলুম সে কলরব করে নানান অভিযোগ আরম্ভ করবে—খবর না দিয়ে চলে এলুম, এসে একটা চিঠিপত্র দিলুম না—বাকি আর বলতে হবে না; মেয়েরা ফরিয়াদ আরম্ভ করলে যাদুকরের মত ফাঁকা বাতাস থেকে ফরিয়াদের খরগোশ বের করতে পারে।

শুধু অত্যন্ত নরম গলায় বললে, 'আমরা কোনো প্রকারের খবর না দিয়ে এসে আপনাকে কোনো বিপদে ফেলি নি তো?'

আমি বললুম, 'আমি সত্যই ভাবি খুশী হয়েছি যে আপনারা আমাকে আপনজন ভেবে কোনো প্রকারের লৌকিকতা না করে সোজা এখানে চলে এসেছেন বলে।'

ইতিমধ্যে ডাক্তার এসে পৌঁচেছেন। তাঁর সঙ্গে কোলাকুলি করে তাঁকেও সেই কথা বললুম এবং যোগ করলুম, 'আপনারা জানেন না, এদেশে আমার খুব বেশি আপনজন নেই!'

শহর-ইয়ারের চোখ দুটি বোধ হয় সামান্য একটু ছলছল করছিল। বললে, 'আমাদেরও বেশির ভাগ আপনজন পাকিস্তান চলে গিয়েছেন। আমার দাদারা দাঁদিরা সবাই। সৌদির দিয়ে আমার কত লাকি।'

আমি কিছ্ বলার পূর্বেই ডাক্তার প্রায় হাতজোড় করে বললেন, 'আমার একটা গরীবানা আরজ্ আছে।'

আমি বললুম, 'কী উপাত। আমাকে চিনতে আপনার ক'শতাব্দী লাগবে?'

'হা হলে বাঁল; আপনার চেলা ঘণ্টাবাবু এসেছিলেন আপনার চলে যাওয়ার খবর দিতে। উনি সত্যি আপনার আপনজন। তাঁকে ইনি নানা রকমের প্রশ্ন শুধোন—এ জায়গা সম্বন্ধে। ঘণ্টাবাবু বললেন, আপনি নাকি বাজার-হাট থেকে অনেক দূরে থাকেন, এবং চাকর-বাকর কামাই দিলে নাকি শুধু টিন-

ফুড খেয়ে চালিয়ে দেন। তাই আমরা এটা-সেটা কিছ্ছু কিছ্ছু সঙ্গে এনেছি। যদি—

আমি বললাম, 'কী আশ্চর্য! নদীতে চানে যাবার সময় কলসী ভরে জল নিয়ে যাওয়া আহাম্মুখী, কিন্তু আমার এই সাহারা-নিবাসে জল না নিয়ে আসা ততোধিক আহাম্মুখী। আপনি সমুচা হগ্‌বাজার কিনে এনে থাকলেও অন্তত আমার কোনো আপত্তি নেই। চলুন, আপনাদের ঘর দেখিয়ে দি; হাত মুখ ধোবেন।'

আমার লোকটি খুব মন্দ রাঁধে না। সে-বিষয়ে আমার অত্যধিক দৃষ্টিচলিতা ছিল না।

বারান্দায় বসে আছি। হঠাৎ দেখি শহুর-ইয়ার তালগাছ সারির গা ঘেঁষে ঘেঁষে একা একা চলেছেন রেল লাইনের দিকে। আমি বসার ঘরে ঢুকলাম ডাক্তারের খবর নিতে। তিনি দেখি আমার জার্মান এনসাইক্লোপীডিয়া খুলে একটার পর একটা ছবি দেখে যাচ্ছেন—আরামসে বড় কেদারায় গা এলিয়ে দিয়ে। আমি যেতেই বললেন, 'শহুর-ইয়ার বেড়াতে বোরিয়েছে; ও একা থাকতে ভালোবাসে আবার, মজার কথা, খানিকক্ষণ পরে সঙ্গী না হলেও চলে না। এই দেখুন না, একশ কুড়ি মাইল ঠেঙিয়ে এল এখানে আপনার সঙ্গে দেখা করতে, আর আপনার সঙ্গে দুর্গিট কথা না বলে হুটু করে বেড়াতে চলে গেল একা একা।'

'তা আপনি সঙ্গে গেলেন না কেন?'

'ওর মডু আমি জানি। আমাকে সঙ্গে নিয়ে যেতে চাইলে বেঁধে নিয়ে যেতো—আমি শত আপত্তি জানালেও। বেড়াক না একটু আপন মনে। আপনার বাড়ির বড় সুরিধে—সিঁড়ি দিয়ে নামা গাঠই বেড়াবার মাঠ আরম্ভ হয়ে গেল! কলকাতার হাল তো জানেন।' তারপর একটু থেমে গিয়ে বললেন, 'কিন্তু আপনার কাছে অনুরোধ, আপনার ডেলি রুটিন আমাদের আসাতে যেন আপসেটু না হয়।'

আমি হেসে বললাম, 'আপনি নির্ভয়ে থাকুন, ডাক্তার, আমার রুটিন বলে কিছ্ছু নেই। আমি শুধু বালি, এন্‌জয় ইয়োরসেলভস। আচ্ছা, এখন চলুন না, আমরা ম্যাডামকে খোঁসাইডাক্তার মাঝখানে গিয়ে আবিষ্কার করে বাড়ি ফিরিয়ে নিয়ে আসি। এখানে এই বিরাট খোলামেলার মাঝখানে যে কি রকম টপ করে অশ্চকারিট ভ্রুপ করেন সেটা শহুরেরা অনুমানও করতে পারে না।'

বাড়ি থেকে বোরিয়ে বললাম, 'ঐ এখানে যে গোটা দুই ভিতের মত টিপি দেখতে পাচ্ছেন ঐটেই এ অঞ্চলের সবচেয়ে উঁচু জায়গা। সেখানে উঠলেই ঠাহর হয়ে যাবে বীবী কোথায় কবিত্ব করছেন।'

ডাক্তারিট স্বল্পভাষী। আমি শুধালুম, 'আপনি ডাক্তারি কি নিয়ে কাজ করছেন?'

বললেন, 'এখনো ঠিক হ'দিস পাচ্ছি নে। ভাবছিলাম, যজ্ঞ, বামন এদের স্কেলিটেন নিয়ে।'

আমি বললাম, 'ডক্টর ইয়াংকার যা নিয়ে—'

তিনি অবাক হয়ে থমকে দাঁড়ালেন। শূধোলেন, 'আপনি জানলেন কি করে?'

আমি বললাম, 'আপনারা দু'জনাই বড় সরল আর কর্তাভজ্জা'। 'কর্তাভজ্জা' ইচ্ছে করেই বললাম। 'কর্তার গুণ আছে কি না চিন্তা পর্যন্ত করেন না। আপনি খুব ভালো করেই জানেন, আমি ডাক্তারের কিছুই জানি নে; অতএব ইয়াংকারকে চেনা আমার পক্ষে আকস্মিক যোগাযোগ বই আর কিছু না। বনু শহরে আমি যখন পড়তুম তখন তিনি আমার প্রতিবেশী এবং আমার সংস্কৃতির অধ্যাপকের বন্ধু ছিলেন। মোটামুটি ঐ সময়, অর্থাৎ ১৯৩০/৩৪-এ তিনি পুরো মানুষের এক্সরে নেবার কল আপন হাতে বানান। ও-সব কথা আরেক দিন হবে। এই তো পৌঁছে গেছি আমাদের এভারেস্টে, আর ঐ—ঐ যে—দুটো তাল গাছের মাঝখানে বসে আছেন বেগম সাহেবা।'

অতদূরে আমাদের সাধারণ কথাবার্তার কণ্ঠস্বর পৌঁছানোর কথা নয়। কিন্তু এই নির্জনতার গভীরতম নৈস্তথ্যে বোধ হয় ধর্মান ও টেলিপ্যাথির মাঝখানে এক তৃতীয় ট্র্যান্সমিটারহীন বেতার বার্তা বহন করে! শহর-ইয়ার হঠাৎ অকারণে ঘাড় ফিরিয়ে তাকাতেই আমাদের দেখতে পেলেন। সঙ্গে সঙ্গে আমার আলসেশিয়ান 'মাস্টার' তাঁর দিকে ছুট লাগালো।

মাঝপথে দেখা হতেই আমি বললাম, 'আত্মাচিন্তার জন্য এ ভূমি প্রশস্ততম।'

বানু বললেন, 'না, আমি 'শব্দনের' কথা ভাবছিলাম।'

আমি বললাম, 'দেখুন, ম্যাজাম, আপনাদের আনন্দ দেবার জন্য আমার পক্ষে যা করা সম্ভব আমি তাই করবো। ঐ তাল গাছটা যদি চড়তে বলেন তারও চেষ্টা দিয়ে দেখতে পারি কিন্তু একটি জিনিস করতে আমার সাতিশশ বিতৃষ্ণা। আপনারা দু'জনাই আমার চেয়ে বয়সে অনেক ছোট; তাই যদি আমি করজোড়ে একটি মেহেরবাণী—'

শহর-ইয়ার যদি বটতলার চার আনা দরের সাক্ষীর পেশা কবুল করতেন, তবে তিনি ও-লাইনের সুলতানা রিজিয়া হতেন নিশ্চয়ই। উকীল আখতানা প্রশ্ন শূধোতে না শূধোতেই বটতলার হুডেল সাক্ষী আমেজ করে ফেলে, উকীলের নল কোন্ দিকে নিশানা করেছে। আমাকে বাধা দিয়ে শহর-ইয়ার বললেন, 'আর বলতে হবে না। ট্রেনে বেশ ধমক দিয়ে বর্লোছিলেন আপনি নিজের রচনা নিয়ে আলোচনা পছন্দ করেন না, এখানে সেটা ভদ্রভাবে বলতে যাচ্ছিলেন—এই তো? আচ্ছা, আমি মেনে নিচ্ছি, যদিও অতিশয় আঁচ্ছায়। শূধু একটা শেষ প্রশ্ন শোধাবো; আপ্যাস্ত আছে?'

আমি উৎফুল্ল হয়ে বললুম, 'চালান গাড়ি ! ফাঁসির খানা খেয়ে নিন !'

'শব্দনের সঙ্গে সেই শেষ বিরহের পর আপনাদের আবার কখনো দেখা হয়েছিল ?'

আমি বললুম, 'এ প্রশ্ন একাধিক পাঠক-পাঠিকা আমাকে বাচনিক, পর মারফৎ শূধিয়েছেন। তাঁর মধ্যে একজন হিন্দু মহিলা ; পাবনার মেয়ে স্কুলের হেডমিস্ট্রেস। অন্যদের আমি এ প্রশ্নের উত্তর দি না। এঁর বেলা ব্যত্যয় করলুম। লিখলুম, "মহাশয়া, আপনি যখন পাবনা সেকেন্ডারি স্কুলের হেডমিস্ট্রেস তবে নিশ্চয়ই আপনার স্কুল রাজশাহী ডিভিডনে পড়ে। আমার স্ত্রী সেখানকার স্কুল-ইন্সপেক্ট্রেস। তিনি যখন আবার আপনার স্কুল দেখতে আসবেন, তখন তাঁকে জিজ্ঞেস করলে পাকা উত্তর পাবেন।" আপনাকে ঠিক তা বলাই নে। তবে তারই কাছাকাছি ; আমার গৃহিণী বছরে একাধিকবার পুত্রবয়সহ এখানে আসেন। পথিমধ্যে কলকাতায় কয়েক ঘণ্টা জিরোতে হয়। এবার না হয় আপনাদের ওখানেই উঠতে বলবো।'

শহর-ইয়ারকে সেই ট্রেনে দেখেছিলুম উল্লাসে লক্ষ্য দিতে, আর দেখলুম এই। সেবারে অপ্ৰত্যাশিত বিস্ময়ের, এবারে অবিমিশ্রিত উল্লাসের। শূধোলেন, 'কিন্তু তাঁর সঙ্গে আলোচনা করতে পারবো তো ?'

আমি বললুম, 'কী আশ্চর্য ! সেটা আপনাদের দু'জনকার একান্ত নিজস্ব, অল রাইটস্, রিজার্ভড কারবার। সেখানে আমিই বা কে, আর ডাক্তার জুল্-ফিকারই বা কে ? কি বলেন ডক্ ?'

ডাক্তার বললেন, 'আমার বীথী কি আলোচনা করবেন আর কি করবেন না তার উপর আমাকে আমাদের ইমাম আবু হার্নাফা সাহেব কোনো হক্ দিয়ে থাকলেও—খুব সম্ভব তিনি দেন নি—আমি কসম খেয়ে বলছি। আমি হক্ চাই নে—আমি চাই শান্তি।'

আমি বললুম, 'আমেন, আমেন ! হয়। এই না-হকের উপর গড়া দুনিয়ার সিনিক পরিমাণ স্বামী-সমাজ যদি আমাদের ডাক্তারের এই মহামূল্যবান তত্ত্ব-কথাটি মেনে নিত তবে বাদবাকী তাঁদের সম্ভ্রান্ত অনসরণ করে ডিভোর্স প্রতিষ্ঠানটির উচ্ছেদ সমাপন করতো।'

ইতিমধ্যে আমরা বাড়ি পেঁছে গিয়েছি।

শহর-ইয়ারকে বললুম, 'একটা কথা আপনাকে বলতে ভুলে গিয়েছিলুম। আমার কাছে রবীন্দ্র-সঙ্গীতের ভালো ভালো রেকর্ড আছে যার বেশির ভাগ 'না কাম, না অর্থ' নাইদার ফর লাভ নর ফর মানি আজ আর পাওয়া যায় না। যখন খুশী বাজাবেন। রাত তিনটেয় বাজালেও আমার আহা-শয্যাসন-ভোজন কোনো কিছুই ব্যাঘাত হয় না।'

শহর-ইয়ার বললে, 'আমি এখুনি দেখবো।' হুট করে চলে গেল।

আমি বললাম, 'ডাক্তার, আপনার বাঙলাতে বিস্তর আরবী-ফার্সী শব্দ থাকে। এটা কি আপনাদের পরিবারেরই বৈশিষ্ট্য, না আপনাদের গোষ্ঠীর, কিংবা আপনারা যে মহল্লায় বাস করেন?'

ডাক্তার বললেন, 'বিশ্বাস করুন, আমি একটি আন্তর্জাতিক প্রাণী। চিকিৎসাশাস্ত্র—আমি বলি স্বাস্থ্যশাস্ত্র, তার মানে হাইজীন নয়—আমাকে এমনই মোহাচ্ছন্ন করেছে যে আমি যেটুকু সামান্য সাহিত্য, ইতিহাস এমন কি গণিত ইস্কুল-কলেজে পড়েছি সে সব ভুলে গিয়েছি। শহর-ইয়ারের সঙ্গে একই জিনিস উপভোগ করার উদ্দেশ্য নিয়ে আমি একাধিকবার চেষ্টা করেছি তার সব শব্দের বিষয়ে দিল্-চস্পী নিতে, কিন্তু কিছুতেই কিছু হয়ে উঠলো না। সে এক ট্রাজেডি—সে কথা পরে হবে। তা সে খাই হোক, মোন্দা কথা এই, আপনিন যে প্রশ্ন শূধিয়েছেন সেটার উত্তর দিতে হলে যে সব বিষয় জানার দরকার তার একটাও আমি জানি নে। তবে যেটুকু শুনছি তার থেকে বলতে পারি, জব চার্ণকের আমলের তো কথাই নেই, এমন কি ক্রাইভের সমস্ত এবং তার পরও কোনো ভদ্র মুসলমান এবং হিন্দু ও নবাবের মুর্শিদাবাদ, খানদানী-ঢাকা ছেড়ে এই ভূইফোড় আপস্টার্ট কলকাতায় আসতে চায় নি। আমার পিতৃপুরুষ আসেন রাজা রামমোহন রায়ের আমলে, বাধ্য হয়ে, কোনো রাজ-নৈতিক কারণে। তাঁরা আপোসে কি ভাষা বলতেন, জানি নে, তবে আমার ঠাকুরদার আমল পর্যন্ত তাঁরা ফার্সী ভিন্ন অন্য কোনো ভাষাতে লেখেন নি। আমার পিতা 'হুতোমে'র ভাষা বলতে পারতেন, কলকাতার উর্দু ডায়লেকট এবং উত্তর ভারতের বিশুদ্ধ দরবারী উর্দুও, কিন্তু আমার মা ছিলেন খাস শান্তিপুরের মেয়ে। তিনি উর্দু জানতেন না এবং সেটা শেখবার চেষ্টাও করেন নি। আমাকেও কেউ উর্দু শেখাবার চেষ্টা করে নি। ফলে আমি যে কোন বাঙলা বলি সে আমিও জানি নে। খুব সম্ভব ডাইলেক্টেড হুতোম। আমার হিন্দু ক্লাস-ফ্রেণ্ডরা আমার ভাষা নিয়ে ঠাট্টা করতো। কিন্তু তাদেরই একজন—খানদানী কলকাতাই সোনার বেনে—আমাকে বলেছিল, তার ঠাকুরমা আমারই মত বাঙলা বলেন।'

আমি বললাম, 'আশ্চর্য! বাঙলা ভাষা কী তাড়াতাড়ি তার ভোল বদলেছে! ভারতচন্দ্র এমন কি আলাল হুতোম দুজনারই আপনার চেয়ে বেশী আরবী-ফার্সী শব্দ ব্যবহার করেছেন। অবশ্য বেনামী লেখাতে বিদ্যোৎসাহের মশাই আরবী-ফার্সী শব্দ ব্যবহার করেছেন হুতোমের চেয়ে কম। কিন্তু তিনিও যা করেছেন সেটা নগণ্য নয়। আজ যদি প্যারীচাঁদ, কালীপ্রসন্ন, বিদ্যোৎসাহের কলকাতার নেমে আশ্চর্য জ্ঞান তবে তাই শুনেন বোধ হয় আপনার হিন্দু ক্লাস-ফ্রেণ্ডরা ভিন্নি যাবেন। কাজেই আমার পরামর্শ যদি নেন তবে বলবেন, আপনার ভাষা বদলাবেন না। কেউ যদি মুখ টিপে হাসে, হাসুক। আমার অণ্ডলের ব্রাহ্মণ

পাশ্চাত্যরাও অত্যন্ত সংস্কৃতমন বাঙলা বলেন—যেমন ‘হুন্স দূ’ন্তন’ না বলে বলেন—
‘পক্ষাধিককাল’ এবং তাই শুনেনে হিন্দু মুসলমান উভয়েই কৌতুক অনুভব করে।
তাতে কি যায় আসে?’

এমন সময় শহুর্-ইয়ার চিন্তাকুল ভাল নিয়ে সভামূলে উপস্থিত। শমুখোলে,
‘আপনার রেকর্ড-সংগঠন অশুভূত। আপনি বাছাই করেছিলেন কি ভাবে?’

আমি হেসে বললুম, ‘কোনো ভাবেই না। আমি বরদায় ছিলুম ১৯৩৫
থেকে ১৯৪৪। এই সময়টার মধ্যে যা রবীন্দ্র-সঙ্গীতের রেকর্ড বেরিয়েছে তাই
কিনেছি—কোনো প্রকারের বাছবিচার না করে। তার বহু বৎসর পর মোহরদি
দু’চারখানা রেকর্ড আমাকে দেয়—বাস্। ৪৪-এর পর, আজ পর্যন্ত, কোথাও
ভালো করে আসন পেতে বসতে পারি নি। ফলে কলেকশন্টা বাড়াতে পারি
নি। সে নিয়ে আমার কোনো মনস্তাপ নেই।

“সাধের জিনিস ঘরে এনেই

এনে দেখি লাভ কিছ্নু নেই।

খোঁজার পরে চলে আবার খোঁজা।”

চলুন মাদাম, চলুন মসিয়ো ল্য দক্‌তোর,

দুইটি বস্তু প্রতি মানবেরে টানিতেছে বরাবর।

দানাপানি টানে একাদিক থেকে অন্যদিকেতে গোর ॥

দো চীজ্ আদম্‌র কশদ্ জোর্ জোর্

য়কী আব্ ও দানা দিগর থাক্-ই-গোর

ঐ তো এ-বাড়ির দানা-পানির প্রতীক দিলবর জান্ সশরীরে উপস্থিত। আমি
তার রান্নার প্রশংসা বা নিন্দা কিছুই করবো না। আপনি শহুর্-ইয়ার বান্দ
যখন এখানে রয়েছেন তখন আহারাদির জিম্মদারী আপনার।

শহুর্-ইয়ার শূঙ্ক কণ্ঠে বললেন, ‘আপনার রচনা সম্বন্ধে আলোচনা ট্যাঙ্ক ;
তার উল্লেখ না করে বলাই, আপনি খেতে ভালোবাসেনে সেকথা আমি জানি।
কিন্তু—’

আমি যেন আসমান থেকে পড়ে তাঁর বক্তব্যে বাধা দিয়ে বললুম, ‘আপনিও
পে’চি-টোপির মত এই ভুলটা করলেন? লেখার সঙ্গে জীবনের কতখানি সম্পর্ক?
রিবঠাকুর নিদেন হাজারটি প্রেমের কবিতা লিখেছেন। অতএব, তিনি সমস্তকণ
প্রেমে পড়ার জন্য ছোঁক ছোঁক করতেন? সেই সুন্দর ইরোরোপে বসে মাইকেল
কপোতাক্ষর স্মরণে কি যেন লিখেছেন—‘সতত পড় হে নদ আমার স্মরণে’;
ফিরে এসে সামান্যতম চেষ্টা দিয়েছিলেন এক ঘণ্টার তরেও ঐ নদীর পারে
যাবার! এ তো আমি চিন্তা না করেই বলাই। খুঁজলে এমন সব উদাহরণ
পাবেন যে আপনার চক্ষুস্থির হয়ে যাবে। একাধিক কবি লিখেছেন, আ মরি
আ মরি গোছ প্লাতোনিক, দেহাতীত শিশির-বিন্দুর ন্যায় পদুতপবিত্র স্বর্গার

প্রেমের কবিতা—ওদিকে, তাঁদেরই একজন, হাইনে, বেরুতেন নিশাভাগে প্যারিসের কুখ্যাত—নেভার মাইন্ড, আপনি ডাক্তারের স্ত্রী, সহজে শক্ট হবেন না—’

‘এবং আমাদের বিয়ে হয়েছে দশটি বছর আগে’, বললেন শহর-ইয়ার ।

তিন

‘একি ! আপনি এখানে !’

বাড়িটার একাধিক বারান্দা, তার একাধিক প্রান্তে একান্তে অন্তরালে বসে থাকা যায় । তারই একটাতে বসে আমি পূর্বাকাশের দিকে তাকিয়ে ছিলুম । আজ কৃষ্ণপঙ্কর ষষ্ঠী বা সপ্তমী, রাত প্রায় এগারোটা, একটু পরেই চাঁদ উঠবে, তারই আভাস লেগেছে তালের সারিতে । ঘরের ভিতরে শহর-ইয়ার রবীন্দ্র-সঙ্গীত বাজাচ্ছিল । তার বাজানোর পর্ধাতটা সত্যই বিদম্ব । একটা গান বাজানোর পর অন্তত মিনিট দশেক পর আরেকটা বাজায় । অনেকক্ষণ ধরে তার কোনো সাড়াশব্দ শুনতে পাইনি বলে ভেবেছিলুম সে বুঝি শূতে গেছে । ডাক্তার আমার ঘরে পেয়ে গেছেন ন্যূরনুবের্ক মোকন্দমার একখানা বই—যেটাতে ষুন্দের সমস্ত নার্সি ডাক্তারদের অন্তত অন্তত এক্সপোরিমেন্টের পরিপূর্ণ বর্ণনা দেওয়া আছে । রাত দশটা বাজতে না বাজতেই তিনি সেই বই নিয়ে রাতের মত উধাও ।

শহর-ইয়ার বারান্দার নিভৃত প্রান্তে আমাকে আবিষ্কার করলেন ।

আমি বললুম, ‘ঠিক সময়ে এসেছেন । একটু পরেই চাঁদ উঠবে আর এই জায়গাটা থেকেই সে দৃশ্যটি সবচেয়ে ভালো দেখা যায় । ডাক্তারের ঘরে তো এখনো আলো জ্বলছে ; ওকে ডেকে আনুন না ।’

শহর-ইয়ার চুপ করে রইলেন । তারপর বললেন, ‘শুনুন, আপনার সঙ্গে সোজাসুজি পরিষ্কার কথা হয়ে যাওয়াই ভালো । আমার স্বামীর অনুপস্থিতিতে কি আমার সঙ্গে পেলো আপনার অস্বাভি বোধ হয় ?’

ঠিক ধরেছে ! আমার বোঝা উচিত ছিল শহর-ইয়ারের বুন্ধি এবং স্পর্শ-কাতরতা দুইই তীক্ষ্ণ । কিন্তু আমি এর উত্তর দেব কি ?

আমি বললুম, ‘না । কিন্তু তিনি যদি সেটা পছন্দ না করেন তবে আমি দুঃখিত হব ।’

শহর-ইয়ার বললেন, ‘আপনি নিশ্চিত থাকতে পারেন । আপনি তো জ্ঞানী লোক ; আপনি তো বুঝলেন যে, তাঁর কোনো আপত্তি থাকলে তিনি আমাকে আপনার এখানে নিয়ে আসবেন কেন ?’

আমি বললুম, ‘আমাদের এই বাঙলা দেশে মুসলমান মেয়েরা সবে মাত্র অন্দর

মহল থেকে বেরিয়েছেন। এঁরা পরপুরুষের সঙ্গে কি ভাবে মেলা-মেশা করবেন, কতখানি কাছে আসতে পারবেন এ সম্বন্ধে আমাদের কোনো স্পষ্ট ধারণা নেই, থাকার কথাও নয়। ইয়োরোপে এ বাবদে মোটামুটি একটা কোড্ তৈরী হয়ে গিয়েছে, কয়েক পুরুষের মেলা-মেশা পল্লীক্ষা-নিরীক্ষার ফলে। এই দেখুন না, কন্টিনেন্টের একটা মজার কোড্। নাচের মজলিসে কোনো বিবাহিতা মহিলার সঙ্গে আমার আলাপ হলো, কিন্তু পরিচয়টা তাঁর স্বামী করিয়ে দেন নি। এস্থলে আমি যদি মহিলাটির সহিত ঘনিষ্ঠ হবার চেষ্টা করি তবে লোকে আমাকে আর যা বলে বলুক 'ছোট লোক' বলবে না। পক্ষান্তরে স্বয়ং স্বামী যদি তাঁর স্ত্রীর সঙ্গে আমার আলাপ করিয়ে দেন, এবং তারো বাড়া, যদি তাঁর বাড়িতে নিমন্ত্রণ করে খাইয়েদাইয়ে—এবং তারপর যদি স্বামীর অজ্ঞানতে আমি মহিলার সঙ্গে মেলামেশা আরম্ভ করি তবে সমাজ আমাকে বলবে 'ছোটলোক', 'নমকহারাম'। ভাবখানা এই, ভদ্রলোক তোমাকে বিশ্বাস করে তাঁর বাড়িতে নিয়ে গিয়েছিলেন, আপন স্ত্রীর সঙ্গে আলাপ-পরিচয় করিয়ে দিয়েছিলেন, আর তুমি সেই বিশ্বাস ভঙ্গ করলে ! আবার—'

আমার 'লেকচার' আর শেষ হল না। ইতিমধ্যে শূনি শহুর-ইয়ার খিল খিল করে হাসতে আরম্ভ করেছেন। হাসি আর কিছতেই থামে না। ইয়োরোপীয় সমাজতত্ত্ব সম্বন্ধে আমার এই সূক্ষ্ম পর্যবেক্ষণে এতখানি হাসবার কি থাকতে পারে, আমি ঠিক বুঝতে পারলুম না।

হাসি পুরো থামার পূর্বেই শহুর-ইয়ার বলতে লাগলেন, এবং বলার মাঝে মাঝেও চাপা হাসি কলকলিয়ে উঠলো—'আপনি কি বেসবাক ভুলে গেলেন, ট্রেনে আমি নিজে, স্বেচ্ছায়, গায়ে পড়ে, ইংরাজিতে যাকে বলে উইদাউট এনি প্রোভোকেশন আপনার সঙ্গে আলাপ করেছিলুম ?'

আমি বললুম, 'কী আশ্চর্য ! আমি এমনি একটা উদাহরণ দিচ্ছিলুম। আমি কি আর আপনি আমি ডাক্তারের কথা ভাবিছিলুম ?'

শহুর-ইয়ার তবু হাসতে হাসতে বললেন, 'বুঝেছি বুঝেছি, খুব ভালো করেই বুঝেছি। ইয়োরোপের উদাহরণ যে এদেশে খাটে না সে আমি ভালো করেই জানি। ইয়োরোপের কেন, বাঙালী হিন্দুর উদাহরণও আমাদের বেলা সর্বক্ষেত্রে খাটে না, সেও তো জানা কথা। জানেন, এ নিয়ে আমি অনেক ভেবেছি।'

'যে সাহিত্য মানুুষ পড়ে সেটা যে তার জীবনের উপর প্রভাব বিস্তার করবে এ তো জানা কথা। বাঙলা সাহিত্য গড়ে তুলেছে হিন্দুরা। বৈষ্ণব পদাবলী থেকে রবীন্দ্রনাথ। সৈয়দ আলাওল বা নজরুল ইসলাম তো এমন কোনো জোরালো ভিন্ন আদর্শ দিয়ে যান নি যার উল্লেখ করা যেতে পারে। এই হিন্দুর গড়া বাঙলা সাহিত্যে বিবাহিতা নারীর আদর্শ কি, সে তো সবাই জানে। সে

সহধর্মণী, অধাঙ্গিনী এবং সর্বোপরি সে পতিব্রতা। ওঁদিকে দেখুন আপনার স্ত্রী আপনার সহধর্মণী নাও হতে পারেন, তিনি যদি খুঁটান হন। এবং এই 'পতিব্রতা'র আদর্শটা আমাদের, মুসলমানদের ভিতর তো ঠিক সে রকম নয়। কোনো সম্ভেদ নেই, স্ত্রী সেবা করবে, ভালোবাসবে তার স্বামীকে, তার সুখ-দুঃখের ভাগী হবে, তার আদেশ মেনে চলবে—কিন্তু, এখানে একটা বিরাট কিস্তি আসে—স্ত্রী তার সর্বসত্তা সর্বব্যক্তি স্বর্গাস্তিত্ব স্বামীতে লীন করে দিয়ে 'পতিব্রতা' হবে এ কনসেপশন তো আমাদের ভিতর নেই। খুব একটা বাইরের মানুসী উদাহরণ নিন। আমার আশ্বাজানের নাম মুহম্মদআল্লা বখ্শ খান—তার পূর্বপুরুষ পাঠান হন আর নাই হন, তাঁরা সাতপুরুষ 'খান' উপাধি ব্যবহার করেছেন। আমার আশ্মা আবার চৌধুরী বাড়ীর মেয়ে—তাই তিনি শেষ দিন পর্যন্ত নামসই করেছেন মিহরুন্নিসা চৌধুরী। তিনি মাত্র কয়েক বছর হলো ওপারে গেছেন। শেষের দিকে সবাই যখন হালফ্যাশান মারফক তাঁকে বেগম খান, মিসেস খান বলে সম্বোধন করছে তিনি তখনো সই করছেন, মিহরুন্নিসা চৌধুরী।'

আমি শুধালুম, 'সমস্যাটা ঠিক কোনখানে আমি বুঝতে পারছি নে। অর্থাৎ বাঙালী মুসলমান মেয়ের বিশেষ সমস্যাটা কোনখানে?'

শহর-ইয়ার বড় মধুরে হাসল। বললে, 'আমার মগজটা বস্তই ঘোলাটে আর হৃদয়—সেটা যেন ফেটে ফেটে বেরুতে চায়, তাই না আপনাদের বাঙাল মেয়ে বলেছে,

ইচ্ছা করে কলিজাডারে

গামছা দিয়া বান্ধি—

শুনুন। হিন্দু মেয়েরা অন্দর থেকে বেরিয়েছেন কবে? বছর তিরিশের বেশী হবে না। অথচ স্বরাজ লাভের ফলে এবং অর্থনৈতিক অবনতি বশতঃ কিংবা আকাশে বাতাসে এক অভিনব সর্বব্যাপী স্বাধীনতার আবহাওয়া সৃষ্ট হওয়ার দরুন এই দশ-পনরো বৎসরেই মুসলমান মেয়েরা দ্রুত হিন্দুদের কাছাকাছি এসে যাচ্ছে। গত ত্রিশ বৎসর ধরে হিন্দু মেয়েরা এই যে তাদের আংশিক স্বাধীনতা ক্রমে ক্রমে বাড়িয়ে যাচ্ছে, সঙ্গে সঙ্গে তারা জানা-অজানার চেষ্টা করছে সে স্বাধীনতা ঠিক কি ভাবে কাজে লাগাবে, তার কোডস্ কি, তার নরম্ কি। একটা সামান্য দৃষ্টান্ত নিন। কন্টিনেন্টে কোনো মেয়ে যদি বিয়ের উদ্দেশ্য কিংবা অন্য ষে-কোনো উদ্দেশ্য নিলেই হোক তার পরিচিতির সংখ্যা বাড়াতে চায় তবে সে তার বাস্তবী—নির্দেন ল্যাণ্ডলোডের সঙ্গে নাচের হলে যায়। পুরুষেরা এসে বাও করে নাচবার জন্য নিমন্ত্রণ জানায়—তার জন্য কোনো ফর্মাল ইন্ট্রোডাকশন দরকার নেই—এবং এই করে করে মেয়েরা যত খুশী তাদের পরিচিতির সংখ্যা

বাড়াতে পারে। এদেশে এখনো সমস্তটা চান্‌স্‌। বান্ধবীর মাধ্যমে, আপিসের সহকারীদের মাধ্যমে যে আলাপ-পরিচয় হয় সেটাকে 'উটকো' মেথড—অর্থাৎ চান্‌স্‌ বলা যেতে পারে।

আমার বক্তব্য, হিন্দু মেয়েরা যে উদ্দেশ্যে চলেছে সেটা মুসলমানদের ঠিক স্মৃতি করবে না।

একটা কথা তো ঠিক, স্ত্রী-স্বাধীনতা অর্থাৎ নো স্ত্রী-স্বাধীনতা সাড়ে পনরো আনা মেয়ে বিয়ে করে মা হতে চায়। পদারি আড়াল থেকে বেরিয়ে, আপনি স্বাধীন স্বেচ্ছায় হিন্দু মেয়ে বর বাঁছাই করে নিয়ে হবে—কি হবে?—পতিব্রতা।

মুসলমান মেয়েও ঠিক ঐ একই পন্থায় আপন স্বামী বেছে নেবে কিন্তু সে হিন্দু মেয়ের মত পতিব্রতা হওয়ার আদর্শ বরণ করে নিতে পারবে না। দোহাই আল্লার, তার অর্থ এই নয় যে সে অসতী হবে—তওবা, তওবা!—তার অর্থ, আবার বলছি, সে তার সর্বসত্তা স্বামীতে বিলীন করে দিতে পারবে না।

আপনি ভাববেন না, আমি কোন্‌টা ভালো কোন্‌টা মন্দ সে-কথা বলছি—আমি শুধু পার্থক্যটা পরিষ্কার করার চেষ্টা করছি।'

আমি বললুম, 'পতিব্রতা-ফতিব্রতার আদর্শ আজকাল হিন্দু রমণীরা কি আর খুব বেশী বিশ্বাস করে? আর 'আজকাল'ই বলছি কেন? ইংরেজী সভ্যতা-কৃষ্টির সংস্পর্শে এসে তারা সতীদাহ বন্ধ করলো, বিধবা-বিবাহ আইন পাস করালো, তারপর সিভিল মেরিজ যার ভিতর তালাকের ব্যবস্থা রয়েছে, হালে হিন্দুশাস্ত্র মত বিবাহ-প্রতিষ্ঠানের ভিতরও তালাকের ব্যবস্থা প্রবর্তিত করা হয়েছে।'

শহুর-ইয়ার বান্দু দেখলুম অনেক চিন্তা করে রেখেছেন। বললেন, 'সতীদাহ বন্ধ করাটা হিন্দুকে মেনে নিতে হয়েছে, নইলে সাজা পেতে হয়। কিন্তু যেখানে বাছাই করার স্বাধীনতা রয়েছে সেখানে হিন্দু নারী কোন্‌টা বরণ করেছে? এ যাবৎ কটা বিধবা বিবাহ হয়েছে—'

আমি বললুম, 'মুসলমান মেয়েদের ভিতরই বা কটা হয়? কিংবা ধরুন তালাক। এদেশের মুসলমান ভদ্রসমাজে কি আরবিস্তানের আধার আধারও তালাক হয়?'

শহুর-ইয়ার বললেন, 'আরবিস্তানে তালাক দেয় পুরুষে—মেয়েদের তালাক দেবার অধিকার এতই সীমাবদ্ধ যে সে-অধিকার আদপেই নেই বললে চলে। আমি মেয়েদের ইচ্ছা-অনিচ্ছার কথা তুলছি—যেমন বিধবা-বিবাহ। প্রশ্ন উঠবে, আরো অধিক সংখ্যক মুসলিম বাল-বিধবা বিয়ে করল না কেন?'

আসলে কি জ্ঞানেন, পরাধীন অবস্থায় মানুষে মানুষে পার্থক্য কমতে থাকে; স্বাধীন অবস্থায় মানুষের ব্যক্তিগত বৈশিষ্ট্য ফুটে বেরোয়। অর্থনৈতিক এবং

অন্যান্য নানা কারণে এদেশের মুসলমান রমণী উভয়ই ছিল স্বাধীনতালুপ্ত হারেমবন্দী (বরণ আফগানিস্থান, ইরান আরবের মেয়েরা বোরকা পরে রাস্তায় বেরোন, আত্মীয়স্বজনের মোলাকাৎ করে এমন কি বাজার-হাটেও যায়—এদেশে সে ব্যবস্থাও ছিল না)। তাই আপাতদৃষ্টিতে মনে হয় দুইই এক। এই যে আপনার ডুইংরুম—এর ভিতর ডাবি ঘোড়া এবং ছ্যাকড়া গাড়ির ঘোড়াকে ছেড়ে দিলে দুজনাই ছুটেবে মোটামুটি একই বেগে। কিন্তু ছেড়ে দিন আপনার বাড়ির সামনের খোলা মাঠে। তখন কোথায় ডাবি, আর কোথায় ছ্যাকড়া ! যার যার ভিতরকার সুপ্ত বৈশিষ্ট্য তখন পরিপূর্ণ মাত্রায় চোখের সামনে জাজ্বল্যমান হয়।

অন্দর মহল থেকে বেরিয়ে আসুক হিন্দু মুসলমান দুই নারীই ; তখন দেখতে পাবেন তাদের পার্থক্য কোন জায়গায়।

আবার বলছি, কসম আল্লার, আমি আদৌ বলছি না, মুসলমান মেয়ে হিন্দু মেয়ের চেয়ে সুপেরিয়ার ; আমি বলছি, সে ডিফরেন্সট।’

এমন সময় দুটো তালগাছের মাঝখান দিয়ে কৃষ্ণকর্ণের চাঁদ একটা গাছের উপর ঈষৎ হেলান দিয়ে আকাশের পূর্বপ্রান্ত আলোকিত করে দিলেন।

শহর-ইয়ার বললে, ‘আহ ! বড় সুন্দর এ জায়গাটা। অতএব এখন থাক নারী-সমস্যা !’

চুপ করে তাকিয়ে আছি ল’বাবুর বাড়ির পরিত্যক্ত ভিটে ছাড়িয়ে, রেল লাইন পেরিয়ে তালসারির দিকে। বার বার এ দৃশ্য দেখেও আমি তৃপ্ত হই নে, কিন্তু এও সত্য শহর-ইয়ারের আনন্দ তার এখানে আসা অবধি প্রত্যেক আনন্দ ছাড়িয়ে যায়। চুপ করে আছে বটে কিন্তু আমার মনে হচ্ছিল তার সর্বাঙ্গ থেকে যেন সে-আনন্দ বিচ্ছুরিত হচ্ছিল।

ঘোরঘৃষ্ণি অন্ধকার দূর করতে করতে চাঁদ আর কিছূক্ষণ পরেই তার জ্যোতিঃশক্তির শেষ সীমানায় পৌঁছবেন—এরপর রাতভর যে আলো সেই আলোই থাকবে। আমি শহর-ইয়ারকে বললাম, ‘পূর্ণিমা চাঁদের যেন বড় দেমাক, অন্তত এর তুলনায়। আচ্ছা, একবার ডাক্তারকে ডেকে দেখালে হয় না ?’

বললে, ‘নিশ্চয়ই, কিন্তু কি জানেন, উনি নিজেই বলেন, এসব দৃশ্যের সৌন্দর্য তিন বন্ধুতে পারেন কিন্তু সেটা তাঁর হৃদয় স্পর্শ করে না। ওঁদিকে অসম্ভব ভুল্লোক বলে আমরা যতক্ষণ চাই তিন আমাদের সঙ্গে দেবেন—এবং বিশ্বাস করবেন না, সানন্দে। এবং তাতে কণামাত্র ভণ্ডামি নেই। ঠিক সেই রকম শাস্ত্রীয় সঙ্গীত। দরকার হলে তিন ঘণ্টার পর ঘণ্টা সে সঙ্গীতের সূক্ষ্মতম তত্ত্ব নিয়ে বড় বড় সঙ্গীতজ্ঞের সঙ্গে আলোচনা করতে পারেন। কারণ সমস্ত সঙ্গীতশাস্ত্র তিন কঠোর কঠিন বৈজ্ঞানিক পদ্ধতিতে আয়ত্ত করেছেন। জানেন, একবার একটি অজানা অচেনা তরুণ গাঞ্জাইয়াকে এক জলসায় গোটাকয়েক

দম্ভী অথবা আক্রমণ করে—ঘরানা ঘরানায় আড়াআড়ি তো এদেশে একটা ফেলেক্কারির ব্যাপার। কেন জানি নে, উনি গেলেন ক্ষেপে—অবশ্য বাইরে তার কণামাত্র প্রকাশ তিনি হতে দেন নি, কখনো দেন না, একমাত্র আমিই শুধু বন্ধুতে পেরেছিলাম—এবং তারপর সৈকি তর্কবৃন্দ! শুধু যে সেই তরুণের ন্যায্য প্রাপ্য সম্মান সপ্রমাণ করে দিলেন তাই নয়, তার বিরুদ্ধপক্ষের মহারথীদের সঙ্গীতশাস্ত্রজ্ঞান সম্বন্ধে নিরপেক্ষ পাঁচজনের মনে গভীর সন্দেহ জাগিয়ে বাড়া ফিরলেন। অথচ তিনি আমাকে বহুবার বলেছেন, সঙ্গীত তাঁর হৃদয় স্পর্শ করে না! কী জানি, হয়তো ডাক্তারি শেখার পূর্বে রসগ্রহণ করার ফ্লিটিং পেপারখানা করকরে শুকনোই ছিল; এখন সেটা চিকিৎসা-জ্ঞানে জবজব।’

বেশ কিছুক্ষণ চুপ করে থাকার পর বললেন, ‘কি জানি! আমার প্রতি তাঁর ভালোবাসাটাও বোধ হয় ঐ ধরনের! তবে কিনা, বিশ্বের দশ বছর পরে, এই ত্রিশ বছর বয়সে এটা নিয়ে চিন্তা করা বেকার!’

হঠাৎ উঠে বললেন, ‘এবারে শূতে যাই। যে ঘরখানা আমার দিয়েছেন তার জ্ঞানলা দিয়ে মেটানে’ল আনকল টিঃ মুনোর সঙ্গে মনে মনে রসালাপ করতে করতে ঘুমিয়ে পড়বো। কিন্তু তার পূর্বে একখানা শেষ রেকর্ড বাজাবো! বলুন, কি বাজাবো?’

আমি চিন্তা না করেই বললাম, ‘কেটেছে একেলা বিরহের বেলা আকাশ-কুসুম চয়নে।’

চার

পরের দিন ওরা চলে যাওয়ার সময় আমাকে দিয়ে যে শুধু কলকাতা আমার প্রতিজ্ঞা করিয়ে নিল তাই নয়, শহুর-ইয়ার পাকা মহকুমা মোস্তারের মত ক্রস্ এগজামিনেশন করে করে একেবারে তারিখ এমন কি কোন ট্রেন ধরতে হবে সেটা পর্যন্ত ঠিক করে দিয়ে গেল। একাধিকবার বললো, ‘এখানে তো দেখে গেলুম, আপনি কিভাবে থাকেন, আমাদের ওখানে সেভাবেই ব্যবস্থা করবো। আপনার খুব অসুবিধে হবে বলে মনে হয় না।’

তিন দিন পরেই চিঠি :

১২ গোলাম সিদ্দিক রোড,
কলকাতা

“সালাম পর আরজ্ব এই,

আপনার ওখানে কিভাবে আমার সময়টা কাটল সেটা আপনি নিজেই দেখেছেন।

আমরা আলোচনা করছিলাম, মুসলমান মেয়েদের নিয়ে, যারা অদরমহল

থেকে বোরিয়ে আসছে; বলুন তো, আপনার ওখানে গিয়ে আমি যে-আনন্দ ও বৈভব—গনীমৎ শব্দটা আরও ভালো—পেলুম, কটা মুসলমান মেয়ের ভাগ্য সেটা জোটে? আমরা যে কী গরীব সে তো আপনি জানেন না, কারণ আপনি সমস্ত জীবন কাটিয়েছেন আপনার হিন্দু আত্মজনদের সঙ্গে।

স্বাধীনতা বড় সম্পদ। আমরা, মুসলমান মেয়েরাও ক্রমে ক্রমে স্বাধীন হচ্ছি কিন্তু সুস্বাধীনতার ফল আশ্বাদন করার সুযোগ পাচ্ছি কই? মনে হয়, আমি যেন একাকিনী কোনো নিজের শ্রীপে বাস করছি; প্যাটারের লক্ষ টাকা কিন্তু কিনব কি? লোকালয়ে এই লক্ষ টাকা দিয়ে যে কত কিছু করা যায় সেটা না জানা থাকলে ব্যক্তিটা অতথ্যনি নিষ্ঠুর মনে হতো না। এই লক্ষ টাকা বিলিয়ে দিয়েও আমি আনন্দ পেতুম। কিন্তু দেব কাকে?

আপনার ডাক্তার লেবরেটরিতে গেছেন সকাল সাতটায়; তাঁকে ফের পাবো রাত আটটার—কপাল যদি মন্দ না হয়!

আপনি আমার বহুৎ বহুৎ আদাব তর্কিমাৎ জানবেন।

খাকসার

শহর-ইয়ার”।

অনেকক্ষণ ধরে ঘুরিয়ে ফিরিয়ে চিঠিখানা পড়লুম। এই প্রথম নয়, আগেও ডেরোঁছ, এ-মেয়ের অভাব কোন-খানটায়? স্বামী আপন কাজ নিয়ে ব্যস্ত বলে সে তার যথেষ্ট সঙ্গ পার না—এইটেই দুঃখ? উহু, তা নয়। এ মেয়ে গতানুগতিক অর্থে শিক্ষিতা নয়; এ মেয়ে বিদগ্ধা এবং এর কম্পনাশক্তি আছে। দিন-যামিনীর অষ্টপ্রহরের প্রত্যেকটি প্রহর নিঙড়ে নিঙড়ে তার থেকে কি করে আনন্দ-রস বের করতে হয় সে সেটা খুব ভালো করেই জানে। তাকে তাস মেলে ‘পেশেনস্’ খেলে দিন কাটাতে হবে না। এ মেয়ে গোপালভাঁড়, কিন্তু সম্পূর্ণ ভিন্ন অর্থে। গোপাল ঢেউ গুলে পরস্য কামিয়েছিল। এ মেয়ে ঢেউ গুলে আনন্দের ভাণ্ডার ভরে তুলবে। এবং বাড়ি ফিরে তাই দিয়ে হারিমুট লাগাবে।

আচমকা খেরাল গেল, কই, আমার কলকাতা যাওয়ার কথা তো কিছু লিখলো না? যাক্ গে—তার জন্য এখনো সমস্ত আছে।

কোন এক পোড়ার বিশ্ববিদ্যালয় ‘তুলনাত্মক ধর্মতত্ত্ব’ প্রবর্তন করতে চায়। আমাকে অনুরোধ করেছে প্ল্যানটা করে দিতে। সাধারণ অবস্থায় এসব বুনো হাঁস খেদাতে আমি তো রাজীই হই না, উল্টে কয়েকটি সরল প্রাজ্ঞল বাক্যে এমন সব আপত্তি উত্থাপন করি যে তারা প্ল্যানটার আঁতুড়ঘরে তার গলান নুন ঠেসে দেয়। কিন্তু এ-ক্ষেত্রে সে-পথ বন্ধ। পোশাকি সরকারী চিঠির এক কোণে আমার বন্ধু—সে বিশ্ববিদ্যালয়ের ভাইস-চেন্সেলর—ক্ষুদে ক্ষুদে হরফে ফরাসীতে লিখেছেন, ‘বাপের সুপ্নস্তুরের মত প্ল্যানটি পাঠিয়ে, নইলে

এ-শহরের যে-সব পাণ্ডানাদারদের ফাঁকি দিয়ে পালিয়েছিলে তাদের প্রত্যেককে তোমার বর্তমান ঠিকানাটি জানিয়ে দেব—উইদ মাই বেস্ট্‌ কন্‌স্প্লিমেন্ট্‌স্‌ ।’

‘প্ল্যানটা তৈরী করা তো সোজা—কিন্তু সেমেন্ট কই, লোহা কোথায় ? অর্থাৎ এই পবিত্র আর্থ’ভূমিতে যাবনিক ধর্মগুলোর মেটিরিয়েল পাই কোথায় ?

তারই যোগাড়-যন্ত্রের দুর্ভাবনার দিনগুলো কোন পথে যে চলে গেল খেয়ালই করিনি । অবশেষে একদা রাতে শ্বিপ্রহরে ত্রিশটি পাতার শেষ পাতাটি টাইপ করে ঘুমুতে গেলুম ।

‘মাস্টার’ বড় ঘেউ ঘেউ করছে,—চতুর্দিকে প্রাতি রাতে চুরি হচ্ছে সে খবর বাবুর্চী আমায় দিয়েছিল—কিন্তু এ চোরটা তো একেবারেই রামছাগল । দু’দুটো আলসেসিয়ান আমার বাড়িতে । এ দেশটাই মোস্ট ইনকম্পিটেণ্ট, চোরগুলো পর্ষন্ত নিষ্কর্মা—দিনের বেলা একটু খবরাখবর নিলেই তো বুঝতে পারতো ভদ্র চোরের পক্ষেই এ বাড়ি ভাদ্রবধু !

নাঃ ! উঠতেই হলো । ‘মাস্টার’ ওরকম করছে কেন ? বিবাক্ত খাবার দিচ্ছে না কি কেউ ?

দরজা খুলে বারান্দার আলো জ্বাললুম ।

দু’বার চোখ কচলালুম । গায়ে চিমাটি কাটলে অবশ্য ভালো হতো—স্বপ্নটা তাহলে উপে যেত ।

ব্যাকরণে যখন সে ভুল হয়েই গেল তখন স্বীকার করতেই হয় সামনের ডেকচেয়ারে বসে শহর-ইয়ার ঠোঙ্গা থেকে শিককাবাব বের করে করে মাস্টারকে খাওয়াচ্ছেন । আমাকে দেখে তাচ্ছিল্যভরে বললেন, ‘আপনি আবার উঠলেন কেন !’

আমি বললুম, ‘বেশ, শ্মুতে যাচ্ছি । শ্মুধু একটা কথা শ্মুধোই, শ্মশানের কাছে এসে টাঙার পথ যেখানে শেষ হয় সেখান থেকে আপনি এলেন কি করে ? তার পর তো পথ নেই, অন্ধকার—’

‘ও । রিকশাওয়ালা খানিকটে পথ এসেছিল । আমি বিদেয় করে দিলুম । ব্যাগটা তো ভারী নয় ।’

রবীন্দ্রনাথের মত কাঁব পরিপক্ব বয়সে তাঁর যত আভিজ্ঞতা, অন্যের হৃদয়ে তাঁর অনুভূতি সঞ্চারণ করার যত দক্ষতা, তাঁর সম্মোহিনী ভাষা অলংকারধর্নি সর্বস্ব প্রয়োগ করে একটি দীর্ঘ কাঁবিতার মাঝখানে এসে ধমকে দাঁড়িয়ে, যেন হার মেনে বলছেন, দুটি শব্দ—

বুখা বাক্য ।

যামিনীর তৃতীয় যামে, জীবনেরও তৃতীয় যামে অর্থাৎ জীবনের শেষ প্রান্তে এসে গুরুবদর্শনসমূহ এই আশুবাণীটি পরিপূর্ণভাবে হৃদয়ঙ্গম করলুম । চূপ করে বসে থাকি ভিন্ন গতি কি ?

মাস্টারকে খাওয়ানো শেষ হলে বাথরুমে গিয়ে হাত ধুয়ে এসে, ঘোমটা টেনে আগের চেয়ে আরো বিনয়নম্ন সেলাম করলো।

পাশে চেয়ার এনে বসে বললে, 'আজ আর চাঁদ উঠবে না। না?'

আমি বললুম, 'আজ শুক্রা-পঞ্চমী। চন্দ্র অনেকক্ষণ হলো অস্ত গেছে। আচ্ছা আমি শুধু আপনাকে একটি প্রশ্ন শুধবো। এ আসাটা কিভাবে হলো?'

অত্যন্ত বিনয়ের সঙ্গে বললে, 'একটি কেন, আপনি যত খুশী আমাকে প্রশ্ন জিজ্ঞেস করতে পারেন; আমি নিশ্চয়ই আমার সাধ্যমত উত্তর দেব। কথা ছিল উনি লেবরেটার থেকে সম্ভ্যা আটটায় ফিরে আসবেন। আমরা খেয়েদেয়ে সাড়ে ন'টার গাড়ি ধরে এখানে দেড়টায় পৌঁছব। তিনি নিশ্চয়ই কাজে ডুবে গিয়ে সব কথা ভুলে গেছেন, আর এরকম তো মাঝে মাঝে হয়ই। আমি আদর্শেই দোষ দিচ্ছি নে। যে ঘে-জিনিস ভালোবাসে তাতে মজে গিয়ে বাহ্যজ্ঞানশূন্য হয়ে যাব এ তো সম্পূর্ণ স্বাভাবিক। আমি তাঁর জন্য শেষ মুহূর্ত অপেক্ষা করে দুটি খেয়ে স্টেশনে এসে গাড়ি ধরলুম।'

'আমি তো কাল বিকেল পাঁচটার গাড়িতে কলকাতা আসতুমই।'

'এক্জেক্ট, টেলি। যাতে সেটাতে কোনো নড়চড় না হয় তাই আসা।'

এবারে পরিপূর্ণ বিশ্বাসে মনে মনে বললুম, 'বৃথা বাক্য।'

বললুম, 'দুটি খেয়ে বেরিয়েছেন, এখন অল্প অল্প খিদে পেয়েছে নিশ্চয়ই। সামান্য কিছু খাবেন?'

'আর ক'ঘণ্টা বাকি? সকালবেলা চা খাবো।'

আমি একটু হেসে বললুম, 'কে বললে মুসলমান মেয়ে, বিশেষ করে আপনি, আপনাদের স্বাধীনতার ফল উপভোগ করতে পারছেন না? কটা হিন্দু মেয়েরই এ রকম সাহস আছে?'

খুশী হয়ে বললে, 'এবং ঠিক সেই কারণেই এইখানে বসে আপনাকে বলেছিলুম, মুসলমান মেয়ে ডিফরেন্সট, কিন্তু কলকাতায় ফিরে গিয়ে যত চিন্তা করতে লাগলুম, ততই মনে হলো এই যে আমি বারবার ডিফরেন্সট ডিফরেন্সট বলছি এটা আমারই কাছে খুব পরিষ্কার নয়, এবং যেটুকু পরিষ্কার সেটুকুও বৃষ্টি দিয়ে বৃষ্টিনি, অনুভব করেছি হৃদয় দিয়ে। বৃষ্টির জিনিস বোঝানো তেমন কিছু কঠিন নয়, কিন্তু অনুভূতির জিনিস অন্যের ভিতর সঞ্চারিত করতে পারে শুধু আর্টিস্ট—সেও বহু সাধনার পর। কিন্তু এ সব কথা পরে হবে। আপনি ঘুমতে যাবেন না?'

'আর আপনি?'

'আমি একটা কাজ সঙ্গে নিয়ে এসেছি। তার কিছুটা এইখানে বসে করবো। ওয়েস্ট জার্মানি থেকে একটা খবরের কাগজ এ-দেশের নারীসমাজের অবস্থা জানতে চেয়েছে। কিন্তু বিপদ হলো গিয়ে যে লেখাটেখার অভ্যাস একে তো আমার নেই, তার উপর ইয়োরোপীয় কাগজের জন্য লেখা, ইয়োরোপ গিয়ে

কন্সটিনেন্টাল ডিগ্রী যোগাড় করা, আরো কত কী—এক কথায় ইন্নোরোপ ইন্নোরোপ সর্বক্ষণ ইন্নোরোপ এই মনোবৃত্তিটাই আমাকে পীড়া দেয়। তাই লেখাটা তৈরী করবার জন্য কোনো উৎসাহ পাচ্ছি নে। কিন্তু আর না, আপনি দয়া করে শ্রুতে যান।'

'নিশ্চয়ই যাবো, যদি আপনিও কাজটা আজ রাতের মত মূলতুবী রেখে ঘুমুতে যান।'

'আপনার কোনো আদেশ আমি কখনো অমান্য করছি ?'

শুনে শুনে ভাবছিলুম, এ মেয়ে কী ধাতু দিয়ে তৈরী? এক দিক দিয়ে দেখতে পাচ্ছি, আমার পর্দানশীন মা বোনের মত শান্ত, নম্র, বিনয়ী। টেনে একবার ঐ যেটুকু যা হামলা করেছিল—সেটা নিশ্চয়ই ব্যত্যয়। আর এই যে দুপুর রাত আমার বাড়িতে আসা, সেটা সে পর্যায়ে পড়ে না। এটার মূলে আছে, আত্মবিশ্বাসের দৃঢ়তা। মেয়েটির মন-হৃদয় যে সম্পূর্ণ নিষ্পাপ সে-বিষয়ে আমার মনে কণামাত্র সন্দেহ নেই। এই আত্মবিশ্বাসের দৃঢ়তার সঙ্গে নিষ্পাপ চরিত্রের সম্মেলন এটা বিরল এবং এর সঙ্গে উর্চাশিক্ষাপ্রাপ্ত বা অন্দরমহল থেকে বেরিয়ে আসা না-আসা অচ্ছেদ্য সম্পর্কে গ্রথিত নয়। সম্পূর্ণ অশিক্ষিতা কটুর পর্দানশীন আমার সম্পর্কে এক ভাবী তাঁর স্বামীর নষ্টাচারে ক্রুদ্ধ হয়ে রাতদুপুরে ধানা-বাটে হাঁকডাক ছেড়ে নৌকো যোগাড় করে চলে যান কয়েক মাইল দূরের গোসাইদের আখড়ায়। একে জো ছোট সেই শহরের সবাই সে কেলেঙ্কারির কথা জেনে যায়, তদুপরি এ আখড়াটির মোহান্তের আবার খুব সুনাম ছিল না। শুবু তাই নয়, বোর্দিট আখড়ার দু'দিন কাটানোর পর ফের সেই পার্টনিকে ডেকে পাঠিয়ে ফিরে এলেন শহরে। দাসীকে দিয়ে জড়ো করালেন পাঁচজন মুরুব্বীকে। ওঁরা সবাই এসেছিলেন অত্যন্ত অনিচ্ছায়, কিন্তু জানতেন না এলে আমার বোর্দিট এঁদের প্রত্যেকের বাড়িতে গিয়ে যা হুলস্থূল লাগাবে তার সঙ্গে পণ্ডায়তে যাওয়াই ভালো—বোর্দির পল্লেন্ট অতি পরিষ্কার—'আপনারা বিচার করে দিন, আমার তালুক পাওয়ার হক আছে কিনা।' মুসলমান হিসাবে এম্বলে কেউ বোর্দির আচরণে কোনো খুঁৎ ধরতে পারে না। শেষটার বোর্দি তালুক পেল, নির্ভম কাবুলীর মত তার মহর, অর্থাৎ স্ত্রীধনের প্রত্যেক কড়ি আদায় করে মজা চলে গিয়ে সেখানে বাকী জীবন কাটালো। এর সর্বকিছু সম্ভব হলো কারণ আমাদের অঞ্চলের সবাই জানতো, ঐ বোর্দির মত পণ্ডাশীলা নারী আমাদের মধ্যে কমই আছেন। এবং তাঁর সদৃঢ় আত্মবিশ্বাস—আমি যা করছি ঠিকই করছি।

বোর্দির উদাহরণটি মনে এল বটে এবং শহর-ইয়ারের চরিত্রের সঙ্গে তাঁর চরিত্রের মিল আছে বটে, কিন্তু দু'জনার বাতাবরণে আসমান-জমীন ফারাক। আমার সম্পর্কের দাদাটি ছিলেন মাইজিয়ার লোক, কিন্তু একেতে—অর্থাৎ এক-

মাঝ ভাবীতে তাঁর 'জর্জিনাস' সীমাবদ্ধ না রেখে ভূমিতে সন্ধের সন্ধান করতেন । ডাক্তার জুল্ফিকার তাঁর ঠিক বিপরীত । অতিশয় একদারনিষ্ঠ—এমন কি স্ত্রীর খামখেয়ালি পর্যন্ত হাসিমুখে মেনে নিলে তাঁকে সজ্জ দেন । শহর-ইয়ারও তাঁকে গভীর ভাবে ভালোবাসেন এবং ভক্তি করেন—সেটা এ যুগে কিছ্র কম কথা নয় ।

তবে ?

তারপর ক্রান্তিতে ঘুমিয়ে পড়েছিলুম ।

স্বপ্নে শুনছিলাম কে যেন অতি মধুর কণ্ঠে গান গাইছে । প্রত্যেকটি স্বর, প্রত্যেকটি শব্দ যেন এক একটি নিটোল শিশুরবিন্দু । আর শিশুরবিন্দুরই মত যেন আপনার থেকে জমে উঠছে ; তার পিছনে কোনো সচেতন প্রচেষ্টা নেই । এরকম স্বতঃস্ফূর্ত মধুর ধ্বনি বছরের পর বছর আপ্রাণ রেঞ্জাজ করে হয় না—এর সঙ্গে একমাত্র তুলনা করে শুধু বলা যায় এ যেন মাতৃস্বন্যে সহজ দৃশ্যসম্মার । সহজে বসে তার স্রোত । সহজে পান করে নবজাত শিশু । যে শুনবে সে-ই পান করবে এ-সঙ্গীত শিশুরই মত অপ্রচেষ্টায় ।

ধীরে ধীরে উঠে সঙ্গীত-উৎসের সন্ধানে বেরুলুম । কোথা থেকে আসছে এ-সঙ্গীত ? বেহেশৎ থেকে না হ'লে খুঁজে পাওয়া সম্পূর্ণ অসম্ভব নাও হতে পারে । মাটিতে পা ফেলতেই বুললুম এটা স্বপ্ন নয় । মোটামুটি অনুমান করলুম কোন জায়গায় এ-গানের উৎস ।

এ বাড়ির দেড়তলায় একটি ছোট্ট কুর্টারি আছে । সেখানে দেখি শহর-ইয়ার নড়াচড়া করে কি-সব সাজাচ্ছে । আমাকে দেখেই শূধলো, 'চা খেয়েছেন ?'

'না ।'

'বসুন এই মোড়াটায়, আমি বানিয়ে দিচ্ছি । কাটু স্টেশনে গেছে, ফেরার পথে হাট করে নিয়ে আসবে—আজকে হাটবার ।'

তখন ভালো করে তাঁকিয়ে দেখি শহর-ইয়ার কুর্টারিটা চা বানাবার, এবং সেইখানেই আরামে বসে চা খাবার অতি চমৎকার ব্যবস্থা করেছে । বললে, 'এ ঘরের বা বা প্রয়োজন সেগুলো আমি বাক্সের ভিতর রেখে এসেছি স্টেশনে । কাটু আনতে গেছে । আপনি জানান না, আমি বেলা-অবেলায় চা খাই । তাই এ-ব্যবস্থা । রান্নাতে আমার কোন শখ নেই । তবে মা ডাকসাইটে রান্নার আর্টিস্ট ছিলেন । হাঁসের বাচ্চা কি আর সাঁতার কাটতে পারে না—তাই যদি নিতান্তই চান—'

একটু থেমে বললে, 'ভয় নেই, ভয় নেই । এ বাড়িটাকে আমরা উইক-এন্ড কটেজ রূপে দেখাচ্ছি নে । এটা কি রকম জানেন ? খুব বড়লোক খে-রকম ব্যাঙ্ক টাকা রাখে । ওটা খরচ করার কোনো প্রশ্নই ওঠে না, কারণ মাসের আমদানিটাই পুরো খরচ হয় না কোনো মাসেই ।'

আমি বললুম, 'আমার কি মনে হয় জানেন ? আপনি যদি এখানে এসে

আনন্দ পান তবে যত খুশী আসবেন। কিন্তু ভালো হয় ডাক্তারকে যদি সঙ্গে নিয়ে আসেন। বিশেষ করে এই কারণে বলছি, ভদ্রলোক যে রকম বেদম খাটছে সেটা তার পক্ষে ভালো নয়। এখানে এলে দেহমন দুইই তাঁর জুড়োয়, আমার তো তাই মনে হয়। ওঁরকে আপনারও কোনো অসুবিধা হবে না, কারণ আমি খুব ভালো করেই জানি আপনি এখানে আপন মনে ঘুরে বেড়ালে, আমার সঙ্গে বসে গল্প করলে উনি তাঁর খুশী হন। নয় কি ?

দীর্ঘশ্বাস ফেলে বললো, 'ওঁকে ওঁর কাজ থেকে ছিনিয়ে এখানে আনা বা অন্য কোনখানে, সে আমার শক্তির বাইরে '

তার পর একটু চিন্তা করে নিয়ে বললেন, 'হয়তো সব-কিছুই আমার আদিখ্যেতা। আমার সমস্যা আর এমন কি নতুন? আমার শ্বশুরমশাইকে আমি দেখি নি, কিন্তু শুনছি সেই যে সকালবেলা বৈঠকখানায় গিয়ে বসতেন, তার পর ফের অন্দরমহলে ঢুকতেন রাতদুপুরে কিংবা তাঁরও পরে—দু'বেলার খাওয়া-দাওয়াই ঐ বৈঠকখানায় ইয়ার-দোস্তুদের সঙ্গে। সে হিসেবে তো আমি অনেক ভালো।'

আমি জিজ্ঞেস করলাম, 'আর আপনার শাশুড়ী এ-ব্যবস্থায় সন্তুষ্ট ছিলেন?'

'কি জানি। তখনকার প্যাটানটাই ছিল আলাদা। আমার চোখের সামনে ছবিটা যেন পারিষ্কার হয়ে ফুটে ওঠে না। কারণ আমার বাপের বাড়িতে ছিল অন্য প্যাটান'। আম্মাকে আমি অল্প বয়সেই হারাই। আশ্বা সমস্ত দিন কাটাতেন নামাজ পড়ে, তসবী, তিলাওত আর দীর্ঘনিশ্বাসের কিতাব পড়ে। সংসারের সঙ্গে তাঁর মাত্র এইটুকু যোগ ছিল যে বেশ কড়া নজরে রাখতেন, আমার যন্ত্র-আস্তি ঠিক মত হচ্ছে কি না। থাক, এসব কথা এক দিনে ফুরোতে নেই। মেয়েছেলের পুঞ্জিই বা কতটুকু? ছেলেরা ঘোরাঘুরি করে, কত রকমের বিচিত্র অভিজ্ঞতা তাদের হয়। আপনিই কত না ভ্রমণ করেছেন, কত না অশুভ অশুভ—'

আমি বললাম, 'কিছু না, কিছু না। আমার বড় ভাইসাহেব তাঁর জীবনে মাত্র একবার কলকাতা আসেন, সেখান থেকে আমাকে দেখবার জন্য এই বোলপুর—ব্যস! মেজদা বুঝি একবার আগ্রা গিয়ে সেখানে দু'টিমাত্র দিন ছিল। দেশ-ভ্রমণের শব্দ তাঁদের মাইনাস নিল। অন্য লোকে আমার ভ্রমণ সম্বন্ধে যা খুশী রোমাণ্টিক ধারণা পোষণ করে করুক, কিন্তু আমি জানি, আমরা তিন ভাই যখন একসঙ্গে বসে আলাপচারী করি তখন কার দৌড় কতখানি। কিছু না, কিছু না—ওসবেতে, কিছু ক্রান্তবোধ হয় না।'

'হঁ' অনেকে-কি-দেখেছেন বলে এসব কথা কইছেন। আচ্ছা, এবারে আমি নাইতে, সাজগোজ করতে চললাম।'

সমস্ত দিন শহর-ইয়ার আপন কামরা থেকে বেরুলো না। তবে কি সে নিজের সঙ্গে কোনো রকমের বোঝাপড়া করছে? তা হলে মাঝে মাঝে আবার গান গেয়ে উঠছে কেন? আল্লা জানে তার কিসের অভাব। একাধিকবার সে বলছে সে মুসলমান মেয়ে, বহু যুগ পরে এ-যুগে এসে অন্দরমহল থেকে বেরিয়েছে; তাই তার সমস্যা এক নতুন প্যাটানের প্রথমাংশ—ক্রমে ক্রমে বহু মেয়ের চোখের জল আর ঠোঁটের হাসি দিয়ে প্যাটান সম্পূর্ণ হবে। তারপর নব যুগান্তরে সমস্ত প্যাটানটা যাবে মুছে, ভাগ্যবিধাতা বসে যাবেন আবার নতুন আত্মপনা আঁকতে।

কিন্তু আমার কাছে এটা কিহুতেই পরিষ্কার হচ্ছে না যে শহর-ইয়ার মুসলমান।

আইনের দিক দিয়ে দেখতে গেলে হিন্দু মেয়ে আর মুসলমান মেয়ের মধ্যে অধিকারের পার্থক্য আছে। এবং সে আইনের ভিত্তি কুরান-হদীসে। হিন্দুধর্মের ব্যবস্থা অন্য রকম—যেমন, হিন্দুসমাজে ব্রাহ্মণের হিন্দুর কোনো ধর্মানুষ্ঠান অবশ্যকত বা নয়। মুসলমানকে দিনে পাঁচ ওকৎ নামাজ পড়তে হয়, খুঁটানকে রববারে রববারে গির্জায় যেতে হয়, ইহুদিকে শনিবারে সিনাগগে, এবং খৃদ হিন্দুধর্মে একমাত্র ব্রাহ্মণকে সধ্যাহিক করতে হয়। সেখানেও আবার স্ত্রী-পুরুষ উভয়ের ভিন্ন ভিন্ন পৃথকভাবে ধর্মানুষ্ঠান। কিন্তু মুসলমানদের বেলা স্ত্রী-পুরুষে কোনো পার্থক্য নেই; পুরুষকে যে-রকম পাঁচ ওকৎ নামাজ পড়তে হয়, পুরো রোজার মাস উপোস করতে হয়, স্ত্রীলোককেও তাই। এবং তারই ফলে জানা-অজানাতে মুসলমান মেয়ে অনুভব করে যে স্বল্পং আল্লার সামনে যখন নামাজ রোজার মারফতে পুরুষ স্ত্রীলোককে একইভাবে দাঁড়াতে হয় তখন এই পৃথিবীতেই তার অধিকার কম হবে কেন? অবশ্য কর্মক্ষেত্রে অধিকারভেদ থাকার কথা, কিন্তু মূল নীতি তো অতিশয় অপরিবর্তনীয় সন্দেহ।

পঞ্চাংতরে ধর্ম যাই বলুক আইন-কানুন যে আদেশই দিক একই দেশে যুগ যুগ ধরে থাকার ফলে সামাজিক প্যাটান ভিন্ন ভিন্ন ধর্মে খুব বেশী ভিন্ন হয় না। এর সংবাৎকৃষ্ট উদাহরণ পাওয়া যায় প্যালেস্টাইনে। ইহুদি, খুঁটান, মুসলমান এই তিন সম্প্রদায়ের ভিতর তিন ভিন্ন ভিন্ন ধর্মের আদেশ অনুযায়ী স্ত্রী-পুরুষে তিন ভিন্ন প্রকারের অধিকারভেদ—অথচ কর্মক্ষেত্রে দেখা যায় সামাজিক প্যাটান তিন সমাজেরই মোটামুটি এক। একটি ছোট উদাহরণ মনে পড়লো: হিটলারের ভয়ে যখন ইহুদি নরনারীরা জর্মনি ত্যাগ করে জেরু-জালেমে এল তখন বার্লিনের কোনো কোনো অত্যাধুনিক যুবতী সন্ধ্যায় শর্ট শার্ট পরে রাস্তায় বেরুতে আরম্ভ করলো। এই বে-আবু বেহায়া বেশ দেখে জেরুজালেমের আদিম ইহুদিরা লজ্জায় ঘৃণায় মুগ্ধ ফিরিয়ে নিত, এবং নিজেরের সবচেয়ে বেশী কৃষ্ণত বিড়ম্বিত বোধ করতো প্রতিবেশী খুঁটান ও মুসলমানের

সম্মুখে। কারণ তিন সম্প্রদায়েরই একই মান, একই স্ট্যান্ডার্ড আর্ট, ইঞ্জিন, হায়া সম্বন্ধে।

মনে মনে ভাবলুম, শহর-ইয়ার যা-ই বলুক, বাঙলা দেশেও কি তাই নয়? এমন কি আমাদের ইলিয়ট রোডের এংলো-ইন্ডিয়ানদের আচরণ লন্ডনের স্কটল্যান্ডদের সঙ্গে যত না মেলে তার চেয়ে বেশী সাদৃশ্য ধরে প্রতিবেশী হিন্দু-মুসলমানের সঙ্গে।

তারপর দুপুরে শহর-ইয়ারের সঙ্গে দেখা।

খানার টেবিলে বাবুচাঁ একটা মাংসের কালিন্দা দেখিয়ে বললে, এটা বেগম সায়েবা রেখেছেন। খেয়ে দেখি, আশ্চর্য, একেবারে হুবহু কাবুলী রীতিতে তৈরী। কিন্তু রীথলো কখন?

শহর-ইয়ার বোধ হয় একটুখানি মৌজে ছিলেন। বললেন, 'আমার মা এক কাবুলীর কাছ থেকে এটা শেখেন।' তারপর আরম্ভ করলো সেই কাবুলীর ইতিহাস। 'কেন জানি নেন সেই খান সায়েবের ঐ-দেশটা ভারী পছন্দ হয়ে যায়। আশা তাকে একটু জমি দিলেন। সে হামুলী ধরনের ঘরবাড়ি বেঁধে বিয়ে করলো আমাদেরই এক রায়তের মেয়েকে। তার পর ডালভাত খেয়ে খেয়ে সে তার পাঠানত ভুলে গেল, গায়ের লোকও স্টো গেল ভুলে।

বিয়ের পরের বছর খানের একটি মেয়ে হয়েছিল। তার পনেরো বছর পর খান মেয়ের জন্য একটি বর বাছাই করে তার বীবীকে সুখবরটা দিল। কিন্তু পরের দিন সকালে বীবী খানকে জানালেন, মেয়ে তাকে পরিষ্কার বলে দিয়েছে ৬-বর তার পছন্দ হয় নি।

তাজবকী বাৎ! বাঙলা দেশের মুসলমান মেয়ে বিয়ের কথাটি মাত্র উঠলেই লজ্জায় ঘেমে নেয়ে কাঁই হয়ে যায়। তার যে একটা মতামত থাকতে পারে সে নিয়ে তো কেউ কখনো মাথা ঘামায় না। এ আবার কি? খান বউকে অভয় জানিয়ে বললে যে আথেরে সব দুঃস্থ হয়ে যাবে এবং বিয়ের ব্যবস্থা করে যেতে লাগলো। হয়েও গেল সর্ব-কিছু ঠিকঠাক। বরপক্ষ এলেন ঢাক ঢোল বাজিয়ে, আতশবাজি পোড়াতে পোড়াতে। তারপর যথারীতি এক উকিল আর দুই সাক্ষী বিয়ের মজলিস থেকে বরের প্রস্তাব নিয়ে গেলেন অন্দরমহলে—সেখানে কনেকে সাজিয়েগুাজিয়ে, লম্বা ঘোমটা সহযোগে তাকে একটি আস্ত পুঁটুলি বানিয়ে চতুর্দিকে বসেছেন তার সখীরা। সখীদের কাজ হচ্ছে, উকিল বিয়ের প্রস্তাব করার পর কনে লজ্জায় 'হাঁ' বলতে দেয় করে বলে তাঁরা তখন কনেকে খুঁচিয়ে খুঁচিয়ে 'কবুল' বলায়। উকিল প্রস্তাব পেশ করলেন। ভুল বললুম, প্রস্তাব ভালো করে শেষ করার পূর্বেই মেয়ে পরিষ্কার গলায় বলে উঠলো, "না, কবুল নয়"।

হঠাৎ কাহিনী থামিয়ে আমাকে বললে, 'কই, আপনার কাবুলী-কালিন্দা

খাচ্ছেন না যে বড় ?’

আমি বললাম, ‘কী আশ্চর্য রসভঙ্গ করতে পারেন আপনি ! বখতিয়ার খিলজীর আমল থেকে অই সব্বে বাংলার সুদীর্ঘ ইতিহাসে কোন মুসলমান বঙ্গনারী এ রকম “কবুল নয়” বলেছে, শুনিন ? তারপর কি হলো বলুন ।’

‘আমি সেখানে ছিলুম না, তবে খানিকটে অনুমান করতে পারি । ঐ কনের মজলিসে একশ’টা বাজ একসঙ্গে পড়লেও বোধ হয় তার চেয়ে বেশী খুন্দুমার লাগাতে পারতো না । তারই ভিতর যাঁদের একটা মাথা ঠাণ্ডা ছিল তাঁরা কনেকে পাশের ঘরে তাড়াতাড়ি সরিয়ে নিয়ে বোঝাতে আরম্ভ করলেন, হাতে পায়ে ধরলেন তাঁদের মাথায়, তাঁদের গোষ্ঠীর মাথায় যেন কেলেঙ্কারি না চাপায় । কনের মামারা তো পাগল হয়ে যাবার উপক্রম । আর বাপ, কাবুলি খান সাহেব—সে তার সর্ব পাঠানত্ব হারিয়ে ফেলা সত্ত্বেও একটা সামান্য জিনিসে তখনো তার কিছটা আটকা পড়েছিল, সেটা তার প্রাচীন দিনের একখানা তলওয়ারে । কুড়ি বছর ধরে সে ঐ তলওয়ারখানা সাফসুংরো রেখেছে । ঐটে নিয়ে করলো খাওয়া মেয়েকে খুন করবে বলে ।

ওঁদিকে বাইরে বরপক্ষের কানে খবরটা পৌঁছে গিয়েছে । একসঙ্গে গাজেঁ উঠলো সবাই, “এ কী বেইজ্জতি !” আমাদের গাঁয়ের লোক দলে ভারি কিন্তু হলে কি হয়, ওদের সঙ্গে ছিল জনাতিনেক জহাঁবাজ লেঠেল—বরের মুরুব্বীদের ভিতর । আর জানেন তো, চাষাভূষার বিস্মেতে নানা রকমের ঢং তামাশার মেকি লড়াই হয়—ভাবটা যেন বরপক্ষ কনেকে ডাকাতি করে লুটে নিয়ে যাচ্ছে—তাই সঙ্গে এনেছে যার যার লাঠি । ব্যস্ ! লাগ্ লাগ্ লাগ্ ! আমাদের গাঁয়ের মোল্লাজী, মসজিদের ইমাম সাহেব, এমন কি বরপক্ষ যে তাদের মোল্লাজী সঙ্গে এনোঁছিল তিনি পর্বন্ত, সবাই মিলে আঙ্গা রসুলের দোহাই দিয়ে ওদের ঠেকাবার জন্য প্রায় পায়ে ধরেন আর কি ?

শেষটায় আমার চাচা খবর পেয়ে ছুটে গিয়ে লড়াই ঠেকালেন । নিজের থেকেই বললেন, বিয়ের জন্য বরপক্ষের যা খরচা-পত্র হয়েছে তিনিই সেটা দিয়ে দেবেন ।

কিন্তু বরপক্ষ কনে না নিয়ে শুধু ‘হাতে’ যদি বাড়ি ফেরে তবে সারা রাস্তা ধরে তাদের শুনতে হবে পাঁচখানা গাঁয়ের টিটকারি । তার ব্যবস্থাও চাচা করে দিলেন । ওদের মোল্লাজীকে আড়ালে নিয়ে আলাপ করে খবর পেলেন আমাদের পাশের গাঁয়ে বরপক্ষের পাঙ্টাঘর আছে ও তাদের একটি মেয়েকে এই বরের সঙ্গে বিয়ে দেবার জন্য একটা ইশারাও দিয়েছিল । চাচা বরের বাপ-চাচার সঙ্গে কথা বলে আমাদের মোড়লকে তাঁর নিজের ঘোড়া দিয়ে বলে দিলেন সে যেন আমার চাচার হয়ে বিয়ের প্রস্তাবটা পাড়ে । চাচা নামকরা জমিদার আর এরা সাধারণ রায়ৎ—এ যে কত বড় সম্মান আর ইজ্জতের কথা—’

আমি বললুম, 'খুব বড়তে পেরেছি। আমার আব্বাকে বিশেষাদীর দোয়া দরুদ পড়তে আমার জীবনে মাত্র একবার আমি দেখেছি। আমাদের বাড়ির দাসীর যখন বিয়ে হল আমাদের এক কুটুম-বাড়ির চাকরের সঙ্গে, পরের দিন বরের দেমাটা যদি দেখতেন! তারপর কি হল বলুন।'

'তারপর আর বিশেষ কিছুর বলার নেই। সেই রাতেই বরপক্ষ পাশের গাঁয়ে গিয়ে বিশেষাদী সাক্ষ করে কনে নিয়ে মান-ইজ্জতের সঙ্গে বাড়ি ফিরলো। তবে শুনেনি, আমাদের গাঁ থেকে বরবার সমস্ত তারা নাকি ভিতরে ভিতরে শাশিয়ে গিয়েছিল যে এ-তল্লাটের মাথা, আমার চাচা, তাদের হাত বন্ধ করে দিলেন কিন্তু সামনের হাটবারের দিন আমাদের গাঁয়ের লোক যেন হুঁশিয়ার হয়ে হাট করতে যায়।'

'আর কনেটা?'

'সে কি আর বেশীক্ষণ চাপা থাকে, কার সঙ্গে সে মজ্জেছে? ছোঁড়াটা অবশ্য তুলকালাম দেখে গা-ঢাকা দিয়েছিল। তালাশ করে ধরে নিয়ে এসে বর-সাজানো হল।'

'তা মেয়েটা ওরকম শেষ মুহূর্তে এককম নাটুকে কাণ্ড করলো কেন?'

'ওর নাকি কোনো দোষ নেই। সে বেচারী তার মাকে অনেকবার তার অমত বেশ জোর গলায়ই জানিয়েছিল, কিন্তু মা পাঠানকে বার বার বিরক্ত করতে সাহস পায় নি। আশা করেছিল, শেষ পর্যন্ত সব কিছুর দুরন্ত হয়ে যাবে।'

আমাদের খাওয়া অনেকক্ষণ সাক্ষ হয়ে গিয়েছিল কিন্তু উঠি-উঠি করে উঠি নি। আমি বেশ বড়তে পেরেছিলাম, শহরু-ইয়ার অন্য কিছুর একটা ভাবছে এবং সেইটে চাপা দেবার জন্য ঘটনাটি বলে গেল।

বেশ কিছুক্ষণ চুপ করে থাকার পর বললে, 'চলুন।'

বসার ঘরে এসে বললে, 'কিন্তু খানের মেয়ের বিয়ে বাবদে আসল কথাটি আপনাকে এখনো বলা হয় নি। মেয়েটির বিয়ে চুকে-বুকে যাওয়ার মাসখানেক পরে খান একদিন তার বউকে বললে যে, সে বড় খুশ যে তার মেয়ের গায়ে পাঠান রক্ত আছে। ঐ রকম ঘটনা পাঠান মুল্লুকে নিত্য নিত্য না ঘটলেও ব্যাপারটা একেবারে অজানা নয়।'

আমি বললুম, 'তবেই দেখুন, ইসলাম যে-সব অধিকার আমাদের দিয়েছে আমরা সেগুলো ব্যবহার করি নে। শুনেনি, আরবভূমিতে এখনো নাকি মেয়েরা স্বতঃপ্রবৃত্ত হয়ে মাঝে মাঝে বিয়ের প্রস্তাব পাঠায়।'

শহরু-ইয়ার একটু হেসে বললে, 'ঠিক ঐ জিনিসই এখন বাঙলা দেশে অল্প অল্প আরম্ভ হয়েছে। যে-সব মুসলমান মেয়েরা এখন ছেলোদের সঙ্গে কিছুটা অবাধে মেলামেশা করে তারা নিশ্চয়ই কিছুটা হিন্টু-দেওয়ার পর ছেলোরা বিয়ের

প্রস্তাব পাড়ে।’

আমি বললুম, ‘ইংরেজীতেও বলে Courtship is the process of a woman allowing herself to be chased by a man till she catches him.’

শহুর্-ইয়ারের পছন্দ হল প্রবাদটি। তারপর বললে, ‘তবেই দেখুন, যে অধিকার মুসলমান মেয়ের ছিল ইসলামের গোড়াপত্তনের সময় থেকে, সেইটেই সে ব্যবহার করলো ইংরিজি সভ্যতার সংস্পর্শে এসে, অন্দরমহল থেকে মুক্তি পাওয়ার পর। পাঠান মেয়েরা কিন্তু চিরকাল ধরে এ-হক্কটা দরকার হলেই কাজে লাগিয়েছে। শুনছি, তারা নাকি অনেক ক্ষেত্রেই বাপ-মার তোয়াক্কা না রেখে আপন পছন্দের ছেলেকে ভালোবাসতে জান। আপনি তো আপনার লেখা নিয়ে কোনো আলোচনা করতে আমাকে দেন না, কিন্তু কাবুলে ঐ যে একাটি পাঠান মেয়ে আপনাকে ভালোবেসেছিল—’

আমি বাধা দিয়ে বললুম, ‘আপনি নিভয়ে, প্রাণভরে ‘মণিকে’ নিয়ে হত খুশী আলোচনা করতে পারেন। এ কাহিনীতে আমি এমনই না-পাস্ ফেল মেরোছি যে ওটার কথা স্মরণে এলে ‘মণি’র কাছে মনে মনে বার বার লজ্জা পাই আর মাফ চাই—এত বৎসর পরেও।’

‘সে কি? আমি বুঝতে পারলুম না।’

আমি গভীর দুঃখ প্রকাশ করে বললুম, ‘মণির কাহিনী গল্প নয়, হাজার প্যারসেণ্ট সত্য। আমি তার সিকির সিকিও ফুটিয়ে তুলতে পারি নি। আমি আমার জীবনে মাত্র একাটি বার—ঐ নিষ্পাপ কিশোরী মণির কাছ থেকে—অকুণ্ঠ, সর্বত্যাগী, হিতাহিতজ্ঞানশূন্য প্রণয় পেরোছি। ও ছিল সত্যি কাবুল পাহাড়ের চড়োর উপরকার ভাঁজন স্নো—এটা আমার ভাষা নয়, এটা বলেছিলেন মণির মূনিব বোলা, জাত ভাই বোলা—জানো তো পাঠানরা সাম্যবাদে কি রকম মারাত্মক বিশ্বাসী - সেই রসকব্বহীন স্টোন-হার্ড-বয়েলড্ ডিপ্লোমেট শেখ মহব্বের আলী খান। তিনি আমাকে একাধিকবার বলেছিলেন যে, পেশাঞ্জারে তাঁদের পরিবারে পরে এখানে ব্রিটিশ লিগেশনে পাঠান চীফ একাউন্টেন্ট থেকে আরম্ভ করে পাঠান অরডারলি পর্বন্ত—আবার সেই প্রাণঘাতী ডিমোক্রেসি—মণির কুপাদৃষ্টি লাভ করতে চেয়েছিল, কেউ কেউ বিশুদ্ধ পাঠান-স্বীতিতে মহব্বের আলীর কাছে সরাসরি বিয়ের প্রস্তাব পাঠিয়েছিল। আমার এখনো স্পষ্ট মনে আছে মহব্বের আলীর শেষ কথাগুলো, “ওমেদারদের দৃঢ়তম প্রচেষ্টাও যেন মণির মনে কোনো ক্ষণেকের তরে ছায়াটুকু পর্বন্ত ফেলতে পারে নি। যেন ওসবের কোনো অর্থই হয় না, যেন তার বয়েস ষোল নয়—চার। তাই বলছিলাম, ভাঁজন স্নো, যার উপর রক্তভর খুলোবালি পাড়ে নি। তারপর সে আপনাকে দেখল—একবার দরজা খুলে দেবার সময়, আরেকবার যখন আপনার জন্য

নাশুতা নিয়ে এল। সোঁদিন আপনি এখানে ছিলেন আধ ঘণ্টাটোক। পরদিন আমার স্ত্রী বললেন, মণি যেন জীবনে এই প্রথম জেগে উঠলো। নরনারীর একে অন্যের প্রতি বাছাই-অবাছাই-না-করা আকর্ষণ, বিবাহ, মাতৃত্ব সব যেন ঐ দিন এক লহমায় সে বঝে গেল।” এ সমস্ত ‘কবিত্ব’ একজন ধুরন্ধর ডিপ্লোমেটের মুখ থেকে—হৃদয়ের স্ফূর্তমানভূতি, স্পর্শকাতরতা যার কাছে আকাশকুসুম, সোনার পাথরবাটি।

মণির সেই প্রেম পরিপূর্ণভাবে অনুভব করেছিলুম আমি, কিন্তু তার প্রেমের আবেগ, সে প্রেমের ভিতর তার সম্মোহিত অবস্থা, যেন সে নিশির-ডাকে-পাওয়ার মত চোখ বন্ধ করে ভিতরকার প্রেমের প্রদীপালোকে চলেছে দয়িতের অভিসারে কাবুলের শঙ্কাসঙ্কুল গিরিপর্বত লঙ্ঘন করে—এসব পারলুম না আপনাদের হৃদয়ে সঞ্চারিত করতে। জানেন তো, আমাদের কোনো কমন্-ল্যানগুইজ ছিল না?—ভৎসত্ত্বেও আমার হৃদয়ে মণির প্রতিটি হৃৎস্পন্দন সঞ্চারিত হয়েছিল অব্যবহিত ভাবে।

আমার আফসোস, আফসোস,—হাজার আফসোস—যে আমি মণির প্রেমের নেমক খেয়ে সে নেমকের কিম্বৎ দিতে পারলুম না,—আমার সব সমস্ত মনে হস্ত আমি যেন নেমকহারাম রয়ে গেলুম। জানেন, মণির এই বেদনা-কাহিনী লেখার পর সেটা আর কখনো পড়ি নি? লেখার সমস্তই আমি প্রতি লহমায় হৃদয় দিয়ে অনুভব করছিলাম, সুর লাগছে না, কিন্তু প্রাণপণ আশা করছিলাম যে সৃষ্টিকর্তা আমাদের নগণ্য সৃষ্টির চলার পথ তৈরী করে দেন তিনি কোনো এক মিরাক্লে অবতীর্ণ করে শেষরক্ষা করে দেবেন। কিন্তু আফসোস, তিনি প্রসন্ন হলেন না।

শহর-ইয়ার গভীর দরদ দিয়ে শুনছিল। শেষটায় বললে, ‘মাফ করবেন, আমি আপনার সঙ্গে একমত হতে পারলুম না। কিন্তু তবু জানতে ইচ্ছে করে, আপনার এই ধারণাটা জন্মালো কি করে?’

‘অত্যধিক আত্মপ্রত্যয়, দম্ভ। আমি ভেবেছিলাম এ তো জলজ্যাস্ত ঘটনা। কোনো-কিছু বাড়তে কমাতে হবে না। স্মৃতির গভীরে কলম ডোবাবো আর লিখব। এতে তো কোনো মূর্খাঙ্ক নেই। সেই হলো আমার কাল। আপন কল্পনা, সহানুভূতি বাদ পড়ে গেল—এক কথায় আমার হৃদয়রক্তে রাঙা হয়ে রক্তশতদলের মত মণি ফুটে উঠলো না। হয়ে গেল ফোটোগ্রাফ—সেও আবার রশ্মি ফোটোগ্রাফ। ফোকাস টিলে, কোথাও গুণ্ডার-এক্সপোজড কোথাও বা আন্ডার। ফ্ল্যাট, কন্টুর নেই আর ক্যামেরাও বাঁকা করে ধরা ছিল বলে টিলটেড।’

শহর-ইয়ার শব্দার্থে তামাম শহরের ইয়ার। ইনি আমার লেখার অকৃত্রিম ইয়ার। ঘন ঘন মাথা নেড়ে নেড়ে আমার বক্তব্যের বিরুদ্ধে প্রতিবাদ জানালে।

স্টেশনে আমার পরিচিত দু'চারজনের সঙ্গে দেখা। সবাই এক কামরায় উঠলুম—যদিও আমি পরিষ্কার বন্ধুতে পারলুম, শহর-ইয়ারের এ ব্যবস্থাটা আদৌ মনঃপূত হয় নি। তাই আমি আরো বিশেষ করে ওদের সঙ্গে তাঁর পরিচয় করিয়ে দিলুম না।

শহর-ইয়ারকে অপূর্ব সুন্দরী বলা চলে না কিন্তু তাঁর সৌন্দর্যে অপূর্বতা আছে। সে সৌন্দর্য তিনি ধারণ করেছেন আতশয় সহজে, এমন কি অবহেলা-ভরে বললেও বাড়িয়ে বলা হয় না। পুরুষানুক্রমে বিস্তাশালীজন যে রকম তার বৈভব সম্বন্ধে সম্পূর্ণ অচেতন হয়ে ধনী-দরিদ্রের সঙ্গে স্বচ্ছন্দে মেলামেশা করে। আমার মনে হচ্ছিল, একে একটুখানি লক্ষ্য করলেই বোঝা যাবে, ইনি সুন্দরী-কুলে জন্ম নিয়েছেন, সুন্দরীদের ভিতর বড় হয়েছেন, তাঁর সৌন্দর্য নিয়ে ছেলে-বেলায় কেউ আদিখ্যেতা করে নি বলে তিনি এ বিষয়ে এমনই সহজ সরল যে সৌন্দর্যহীনারা তাঁর সৌন্দর্যকে ঈর্ষা করবে না, সুন্দরীরা তাঁকে প্রতিসন্দ্বিধানী রূপে দেখবে না। তাঁর সৌন্দর্যের অপূর্বতা কিছুটা তাঁর বর্ণে। বংশানুক্রমে পদারি আড়ালে বাস করার ফলে তাঁর শান্ত গোর বর্ণকে 'অসূর্যম্পশ্যা' বর্ণ নাম দেওয়া যেতে পারে। এ বর্ণ সকলেই দৃষ্টি আকর্ষণ করবে অতি অবশ্য কিন্তু সকলেরই চিত্ত আকর্ষণ করবে সে-কথা বলা যায় না। কিন্তু ব্যক্তিগতভাবে এ রঙের প্রতি আমার ন্যাড়ির টান আছে—আমার মা-বোন সকলেরই এই ধরনের রঙ—কেউ একটু বেশী গোরী কেউ বা কম। তদুপরি শহর-ইয়ার এখন পূর্ণ-যৌবনা—অনুমান করলুম তাঁর বয়স পঁচিশ থেকে আটাশের কোনো জায়গায় হবে। মাথায় সিঁদুর থাকার কথা নয়, এবং যদিও বেশভূষা হুবহু বিবাহিতা বাঙালী হিন্দু মেয়ের মত তবু কোথায় যেন, কেমন যেন একটা পার্থক্য রয়েছে। আমি কিছুতেই সে-পার্থক্যটা খুঁজে বের করতে পারলুম না। আমার এক অসাধারণ গুণী চিত্রকর বন্ধু আছেন এবং অল্পভূত তাঁর পর্যবেক্ষণ ও বিশ্লেষণ শক্তি। তিনি থাকলে আমাকে বুঝিয়ে বলতে পারতেন। পদারিশান খানদানী মুসলমান গোরীদের রঙ তিনি লক্ষ্য করে আমার সামনে একদিন ঐ প্রসঙ্গ উত্থাপন করেছিলেন।

পরিচিতেরা দু'এক বার তাঁর দিকে আড়নগ্ননে তাকিয়েছিলেন—এ মেয়ে যে আর পাঁচটি সুন্দরী থেকে ভিন্ন সেটা হয়তো ওঁদের চোখেও ধরা পড়েছিল। শহর-ইয়ার কিন্তু সে সম্বন্ধে সম্পূর্ণ নির্বিকার। কে বলবে, এঁর মারিদদিয়া যুগ যুগ ধরে পদারি আড়ালে জীবন কাটানোর পর ইনিই প্রথম বেগানা পুরুষদের সামনে আত্মপ্রকাশ করেছেন।

কামরাটা সব চলে বড় সাইজের যা হয়। তিনি কিন্তু আমার পাশে না বসে

আসন নিলেন সুন্দরতম প্রান্তে। বৌদ্ধের উপর পা তুলে মূড়ে বসে, কিন্তু আমার দিকে মুখোমুখি হয়ে। আমাদের পাঁচজনের ভিতর নানারকম আলাপ-আলোচনা আরম্ভ হলো। সকলেই বুদ্ধজীবী—বিষয়বস্তুর অনটন হওয়ার কথা নয়। শহর-ইয়ার সের্বিকে মনোযোগ দিচ্ছেন কি না, বুঝতে পারলুম না।

কবে হয়ে গিয়েছে এঁর বিয়ে, কিন্তু বাপের বাড়িতে বিয়ের পূর্বে মেয়েকে যে তালিম দেওয়া হয়—বশুরবাড়িতে গিয়ে সে কি ভাবে বসবে চলবে এবং বিশেষ করে অঙ্গসঞ্চালন নিরোধ করে থাকবে—সেটা মোটেই অনভ্যাসবশতঃ বিস্মৃত হয় নি। সেই যে বোলপুরে যে-ভাবে আসন নিয়েছিল বর্ধমান পর্যন্ত তার সামান্যতম নড়চড় হল না।

বর্ধমানে প্রায় সবাই চায়ের সম্বন্ধে প্ল্যাটফর্মে নামলেন। এঁরা হিন্দু না, এঁরা অপটিমিস্ট।

শহর-ইয়ারের পাশে গিয়ে বসে বললুম, ‘শহর-ইয়ার, এখানে কিন্তু আপনি একমাত্র আমার ইয়ার।’

মুর্খী স্মিতহাস্য ফুটিয়ে বললে, ‘হ্যাঁ, এইখানেই আমাদের প্রথম পরিচয় হয়েছিল। কিন্তু শূন্য এখানে কেন, আপনি তো সর্বত্রই আমার একমাত্র ইয়ার।’

আমি বললুম,

‘ঘোড়ার আমার জুঁটিবে সওয়ার, ইয়ার পাইবে সাকী।’

‘মানে?’

‘আমি আপনার চেয়ে বলসে ডবল না হলেও তারই কাছাকাছি। আমার পালে ওপার যাবার হাওয়া লাগে-লাগে। তখন আপনি, হে আমার সাকী, নতুন ইয়ার পাবেন।’

রীতিমত বেদনা-ভরা কণ্ঠে বললে, ‘ছিঃ, আপনি এসব কথা বলেন কেন? ভাষার উপর আপনার বিধিদ্ভে অধিকার আছে। সেটা আপনার হাতে ধারালো তলওয়ার, সাবধানে ব্যবহার না করলে আমার মত সরল জন, যে বিশ্বাস করে আপনার অতি কাছে এসেছে তার বুদ্ধের ভিতর তার ফলাটা হঠাৎ ঢুকে গিয়ে খামোকা রক্তবগ্নাবে না? আপনার কাছ থেকে আমার বহু আশা, বহু বহু বৎসর আপনার সাহায্য আমি পাবো বলে নিশ্চিত ধরে নিয়েছি।’

‘আচ্ছা, শহর-ইয়ার, আপনি ইস্কুল কলেজ গিয়েছেন, সে সূত্রে নিশ্চয়ই দু’পাঁচজনের সঙ্গে আপনার আলাপ-পরিচয় হয়েছে। অতীত কোনো কোনো অধ্যাপকের স্নেহ আপনি অতি অবশ্যই পেয়েছেন, কারণ আমি জানি আপনি পড়াশুনায় অসাধারণ ভালো ছিলেন, আপনার আদব-কায়দা মানুষকে নিশ্চিত মনে মেলামেশার সুযোগ করে দেয়, এবং তদুপরি মুসলমান ছাত্রী এই দশ বছর আগেও এতই বিরল ছিল যে হিন্দু অধ্যাপকরা তাদের বিশেষ আদরের চোখে দেখতেন—হয়তো বা তাতে নতনের প্রতি খানকটে কৌতূহলও মেশানো

থাকতো। বিয়ের পরে আপনার স্বামীর ইয়ার-দোস্তের সঙ্গে আপনার কিছুটা ঘনিষ্ঠতা না হলে যায় না। এদের ভিতর কেউ নেই যার সঙ্গে পেলে, যার সঙ্গে কথা বলে আপনি আনন্দ পান?’

‘না।’ বাস্, ঐ একটি শব্দ। এত ক্ষুদ্র পরিষ্কার উত্তর আমাকে রীতিমত হকচাঁকিয়ে দিল।

‘কিন্তু—’ আমার আর কথা বলা হল না। প্রায় চিৎকার করে উঠলুম, ‘এ আমি কি দেখছি! মরীচিকা, মরুভূমি, মিরাজ? ভানুমতী, ইন্দ্রজাল? না, না, এসব কিছুই নয়। আমার চোখ দুটো বিলকুল বরবাদ হয়ে গিয়েছে। ভাই শহর-ইয়ার, কলকাতায় নেমেই সোজা চশমার দোকান।’

আমার উত্তেজনার কারণ সরল নয়, অতি কুটিল। বুঝিয়ে বলার চেষ্টা করি। সরকারী হুকুমে যখন সর্ব রেলওয়ে স্টেশনের মদের ‘বার’ বন্ধ হয়ে গেল, তখন এই পূর্ণ্যভূমি বর্ধমান স্টেশনের কেলনার হয় ভেবেছিলেন চা, বিয়ার, হুইস্কি একই জিনিস, সব কটাই পৈশাচিক মাদকদ্রব্য, কিংবা চা মদ্য ন্যু হলেও উত্তেজক দ্রব্য তো বটে। অতএব কংগ্রেসের অকৃত্রিম সদস্য, হিসেবে কংগ্রেস ধর্মান্যায়ী তাঁরা মদ্য জাতীয় সর্ব উত্তেজক আবর্জনার সঙ্গে চাকেও কুলোর বাতাস দিয়ে তাড়িয়ে দেন। এ তত্ত্বটি আমি সাতিশয় বিশ্বস্তসূত্রে অবগত হয়েছি। কেউ যদি সন্দেহ প্রকাশ করে, আমি তা হলে তাকে দেখে নেব—কি কি করবো, এখন বলছি নে, কিন্তু সর্বপ্রথমেই যে আমি তার বিরুদ্ধে মানহানির মোকদ্দমা আনবো সে-বিষয়ে আমি স্থিরনিশ্চয়।

এহেন দৃঢ় প্রত্যয় যখন আমার হৃদয়মনে দড়ি ধানা গড়ে টাইট বসে আছে, তখন যদি বর্ধমান রেল কামরায় কেলনারের লোক স্বতঃপ্রবৃত্ত হয়ে—মনে রাখবেন, আমরা তাকে অধিক রাজত্ব ও রাজকন্যা, কিংবা তার চেয়েও ভালো, বাস্-ট্যান্ডার পার্লামেন্টের প্রলোভন দেখাই নি—আবার বলছি আপন খেয়াল-খুশী, মার্জমোতাবেক, মেহেরবানী মার্কি একথানা ট্রেতে চাউস পট চা, রুটি-মমলেট সামনে ধরে সর্বিনয় বলে, ‘মেমসার্নেব, আপকী চা’ তবে কি আপনার নলেজ বাই ইনফারেন্স্ এই হবে না, যে আপনার চোখ আল্লার গজবে বিলকুল বিনষ্ট হয়ে গিয়েছে? এ তো মাতালের সিদ্ধল বস্তু ডবল দেখা নয়। এ যে যা নেই তা দেখা, আকাশকুসুম শৌকা, গাড়ির কামরার মধ্যখানে রাজার পিসি কুমড়ো দিয়ে ক্রিকেট খেলতে খেলতে ফ্রেম থেকে খুলে আমসত্ত্ব ভাজা খাচ্ছেন তাই দেখা!

‘না, না, না। ইয়ার শহর-ইয়ার, এ সেই আরব্য রজনীর অন-নশ্শারের কাল্পনিক ডিনার। আমি এসব ‘জিনিস’ স্পর্শ করার চেষ্টা করে হাওয়ার কোমরে রিশ বাঁধনেঞ্জালার মত সমুখের ‘কর্জী উম্মাদ আগ্রমের ওয়েটিং লিস্টে নাম লিখিয়ে বাদবাকী জীবন ঝুলে থাকতে চাই নে।’

শহুর-ইয়ার বললেন, আপনার হুঁশিয়ারী অবশ্যই যুক্তিযুক্ত। তবে এ সম্পর্কে সামান্য একটি কথা আছে। আপনি যখন কাটকে টাকা দিয়ে বাড়ির খবরদারীর কথা বলছিলেন তখন আমি স্টেশনের লোককে বিশেষ করে অনুন্নোদিত জানিয়ে ব্যবস্থাটা করিয়েছিলুম। এবারে থান।

ওঃ! এ খাওয়ানো ডবল সুখ! আর সবাই জান পানি করে পেয়েছে ভাঁড়ের পানি—না চা? সে একই কথা।

আমি আগের সীটে ফিরে গেলুম না।

এবারে ডাক্তার গাফিলী করেন নি, কিংবা ভুলেও যান নি। তাঁর পিতার আমলের সেই টাউস পাঠকী গাড়ির মত মোটর নিয়ে স্টেশনে হাজির। লক্ষ্য করলুম, ডাক্তারদের সামাজিক আচরণ যদিও আর পাঁচজন হিন্দুদেরই মত, তবু বাড়ির বাইরে বিশেষ করে যেটাকে বলা হয় পার্শ্বিক প্লেস সেখানে স্ত্রীর সামনে এখনো একটু আড়ল্ট, যেন সব পরশু দিন তাঁদের শাদী হয়েছে।

প্রথমটার রাস্তার উপরকার দোকানপাট, দুটো একটা গারাজ দেখে সেগুলোর পিছনে কি বস্তু আছে ঠিক অনুমান করতে পারি নি। মোড় নিয়ে খোলা গেটের ভিতর দিয়ে গাড়ি তখন সংকীর্ণ একটা গলিপানা প্যাসেজের ভিতর দিয়ে ঢুকছে।

গাড়ি থেকে নেমে আগাপাগুলি তাবিয়ে দেখি বিরাট প্রকাণ্ড প্রাচীন যুগের একটা বাড়ি—বরগু ফরাসীতে বলা উচিত শাটো। ক্ষীণ আলোকিত আকাশের অনেকখানি ঢেকে রেখেছে বাড়িটা—তার থেকেই অনুমান করলুম সেটার সাইজ। কারণ সমস্ত বাড়িটা অন্ধকার, অপ্রদীপ। শুধু দোতলার বহু একটা অংশের সারিবাঁধা অনেকগুলো জানলা দিয়ে বেরুচ্ছে যেন আলোর বন্যা। এ যুগেও যে কলকাতার এ রকম অতিকার বসন্ত-বাঁটি আছে সে ধারণা আমার ছিল না। বাড়িটা কিন্তু রাজমহারাজাদের কলকাতার ফ্যান্সি প্যালেস প্যাট্রানে তৈরী করা হয় নি। গাড়িবারান্দায় যে একটি আলো জ্বলছিল তারই আলোকে দেখলুম, অলংকারবর্জিত সাদামাটা—কিন্তু খুবই টেকসই দড় মাল-মশলা দিয়ে বাড়িটা তৈরী। পরিষ্কার বোঝা গেল যে যিনি বাড়িটা তৈরী করান তাঁর অসংখ্য ঘরকামরার দরকার ছিল বলে সেটাকে যতদূর সম্ভব বড় আকারের করে তৈরী করিয়েছিলেন এবং সেই সময় এটাও স্থির করেছিলেন যে তাঁর বংশধরগণকে যেন অন্তত দু'শ বছর ধরে অন্য বাড়ি বানাবার প্রয়োজন না হয়।

দারওয়ানসহ জনা পাঁচেক লোক এগিয়ে এল। 'হঠাৎ নবাবদের উর্দি পরা লোকজনের হাফ মিলিটারি সেলুটাদির আশংকা আমি করি নি। তারাও মুসলমানী কায়দায় অল্প ঝুঁকি সালাম জানালো। কোনো জারগার কোনো কৃতিমতা নেই। ডাক্তার কথা বলে যাচ্ছেন, ম্যাডাম—মনে হল যেন ক্রমেই গম্ভীর হতে গম্ভীরতর হয়ে যাচ্ছেন। মুসাব্বিরী ক্রান্তিও হতে পারে।

বাড়ির বিপুল আকারের তুলনায় দোতলা যাবার সিঁড়ি যতখানি প্রশস্ত হওয়ার কথা ততখানি নয়, যদিও প্রয়োজনের চেয়েও বেশী।

কিন্তু আশ্চর্য হয়ে গেলুম যখন দোতলার একটা অতি দীর্ঘ বারান্দার উপর দিয়ে যেতে যেতে খোলা দরজা দিয়ে ডাইনের দিকে দেখি, একটার পর একটা মাঝারি সাইজের বেডরুম ড্রইংরুম, মাঝে মাঝে ডইনিংরুম—কখনো দিশী ধরনের, কখনো বা বিলিতি স্টাইলের। দু'একটা কামরা মনে হল যেন বাচ্চাদের পড়াশুনোর ঘর। বেডরুমগুলোর কোনোটাতে প্রাচীন দিনের জোড়া পালংক, কোনোটাতে ছোট ছোট তিনখানা তক্তাপোষ। কিন্তু সবচেয়ে আশ্চর্য কোনো ঘরে একটি মাত্র জনপ্রাণী নেই, বিছানাপত্র কিন্তু ছিমছাম তৈরী আর প্রায় প্রত্যেকটি বামরায় বিজলী বাতি জ্বলছে। সিঁড়ি দিয়ে দোতলার উঠে ডান দিকে মোড় নেবার সময় আমি আবার লক্ষ্য করেছিলুম বাঁ দিকে এটোরই মত একটা দীর্ঘ উইন্ড, রাইট এঙ্গেলে এটার সঙ্গে লেগে ইংরিজ এল শেপ তৈরী করেছে। সেটা কিন্তু অন্ধকার।

অবশেষে দীর্ঘ অভিযান শেষ করে আমরা একটা বড় সাইজের ড্রইংরুমে ঢুকলুম। আমাকে বসিয়ে বললেন, 'আমার বন্ধু-বান্ধবরা দেখা করতে এলে এখানেই বসেন; তাঁরাই পছন্দ করে এটা বেছে নিয়েছেন। একটু পরেই আপনার ঘর দেখাচ্ছি—শহর-ইয়ার সেটা চেক্ আপ করে নিক্। ঘরটা ভাল না লাগলে কাল আপনার খুশীমত যে কোনো একটা পছন্দ করে নেবেন। বাঁ দিকে মাদামের বৃন্দোঞ্জার—সমস্তটা দিন তিনি এখানেই কাটান। আর এই ডান দিকে আপনার ঘর—অন্তত এ-রাষ্ট্রটার মত। চলুন, দেখি, কন্দুর কি হল। শহর-ইয়ার আবার একটু অতিরিক্ত পিটাঁপটে, তাল্ল আবার আপনার প্রতি তার হিমালয়ান ভাস্তি।'

অ। মাদাম একেবারে ন'সিকে বিলিতি। একটা চেয়ারে বসে তদারকী করছেন—বেয়ারাটা আমার দুটো স্যুটকেস থেকে জিনিসপত্র, জামাকাপড় বের করে ঠিক ঠিক জায়গায় রাখছে কি না। আমার দিকে তাকিয়ে প্রশ্ন হাসি হেসে বললেন, 'বসুন, বসুন। আপনার বইপত্র, কাগজবলম পাশের ঘরে আপনার স্টাডিতে। অন্তরঙ্গ বন্ধু—' এবারে মুখে কৌতুকের হাসি, 'কিংবা বান্ধবী দেখা করতে এলে ঐ স্টাডিতে নির্বিবালিতে তাঁকে এনটারটেন করতে পারবেন। আর এই এখানে বাথরুমের দরজা। হাতমুখ ধোবেন, না গোসল করবেন? আমি ছুট লাগাচ্ছি এখন, ডালভাতের তদারকি করতে। বেয়ারা এসে আপনাকে নিয়ে যাবে—আমি বাসনবর্তন থেকে ফুস'ব না পেলে।' ভাস্তারকে শুনোলেন, 'হ্যাঁ গা তুমি খেয়ে দেলে পেটটান করে ফেলো নি তো?' ফের আমাকে বললেন, 'লেবরেটার থেকে ফেরা মাত্রই উনি খাবার টেবিলের দিকে যে স্পীডে ধাওয়া করেন যে দেখে মনে হয়, বহু শত বৎসরের

বিগ্নহ কাটানোর পর মজনু প্রিয়া লাইলিক দেখতে পেয়েছেন। কিন্তু ভদ্র-লোকের একটি অভিশয় মহৎ সদগুণ আছে—যেটি প্রতি যুগে প্রতি দেশে বিবাহিতা রমণী মাত্রই আপন পরম সৌভাগ্য বলে মনে করবে। হিন্দু হলে বলবে, না জানি কত শত যুগে তপস্যা করে এ-হেন বর পেলুম, আর আমি বলি আমার বহু মুরুব্বীর বহু দিল্-এর দোওয়ার ফলে এ-হেন কত পোয়ছি। সেই মহৎ সদগুণটি কি? খানা-টেবিলের পানে ধাওয়া করে সেখানে যদি দেখেন সের্ফ প্লেন এক ধামা মুড়ি, কিংবা পক্ষান্তরে যদি দেখেন কোর্মা-কালিয়া-মুসল্লম-কাবাব-পোলাও গয়রহ তখন এই সহদয় মহাজনের কাছে দুই পক্ষই বরাবর! আর না—আমি চললুম।’

ডাক্তার খাটের বাজুতে বসে লাজুক শাসি হাসতে হাসতে বললেন, ‘একেই তো বাপের বাড়ি থেকে নিয়ে এসেছিলেন একখানা উয়েল-লুরিকেটেড রসনা—ডাক্তার হিসাবে নিতান্ত হিউমেন এনার্টিম জানি বলে একখানা রসনাই বললুম, ইতরজন বলবে শতাব্দিক—তদুপরি আপনার সঙ্গে পরিচয়ের খুশীকস্মৎ নেক-নসীব হওয়ার পর থেকে তার উপর ভর করেছে একটা আন্ত সার্হিত্যিক জল-জ্যন্ত মামদা। আপনার সার্হিত্যিক গুণটা পেলেও না হয় সেটা সয়ে নিতুম। তা নয়। রামকে না পেয়ে পেয়েছে তার খড়ম। এখন আমার ব্রহ্মতালুর উপর শুকনো গুপূরি রেখে অষ্টপ্রহর দমাদম টিটুনি—সেই আপনি, রামচন্দ্রজী, আপনার খড়ম যে বরায়ে মেহেরবানী এনাম দিয়েছিলেন তাই দিয়ে। ওফ্।’

আমি বললুম, ‘শত যুগের তপস্যা-ফপস্যা জানি নে, ডাক্তার, কিন্তু আপনি যে রঙ্গটি পেয়েছেন সেটি অভিশয় কপালী লোকেও পায় কি না-পায় সন্দেহ। আর আমার জান্-কলিজা-দিল থেকে দোওয়া আসছে, আপনারা যেন একে অন্যর অক্রান্ত কদর দিতে দিতে দীর্ঘ, অতি দীর্ঘ, দরাজের চেয়েও দরাজ জীবন যাপন করেন। আমেন!’

ডাক্তার বললেন, ‘আমার সব মুরুব্বীজন ওপারে। এপারে মাত্র একজন—আপনি। আল্লা যেন আপনাকে একশ বছরের জিন্দেগী দেন। আমেন, আমেন।’

রুচিশ্রী অনাড়ম্বর খানা খাওয়া শেষ হলে পর একটুখানি ইতিউক্তি করে ডাক্তার বললেন, ‘আজকের মত আমাকে মাফ করে দেবেন, স্যার? দিনভর বেদম খাটুনি গিয়েছে। আমার চোখ জড়িয়ে আসছে—ওঁদিকে আবার এশার নমাজ এখনো পড়া হয় নি।’

আমি বললুম, ‘নিশ্চয়, নিশ্চয়। কাল সকালে দেখা হবে তো? না আপনি লেবরেটারিতে গিয়ে সেখানে ফজরের নমাজ পড়েন? গুড নাইট, ডাক্তার! খুদা-হাফিজ!’

ডাক্তার মাথা নিচু করে বললেন, 'গুড নাইট, স্যার।' তারপর একটু থেমে বললেন, 'আপনি আসাতে আমি যে কী আনন্দ পেয়েছি—'

আমি বললুম, 'থাক্, থাক্।'

শহরু-ইয়ার উঠে বললেন, 'আমি ঠিক দু'মিনিটের ভিতর ফিরে আসছি।'

ডাক্তার তারম্বরে প্রতিবাদ জানালেন। শহরু-ইয়ার সৈদিকে কান না দিয়ে তাঁর সঙ্গে সঙ্গে চলে গেলেন।

আমি শোবার ঘরে এসে ধীরে স্নুস্বে কাপড় ছেড়ে সবে একথানা বই নিয়ে বসেছি এমন সময় ম্যাডাম এসে উপস্থিত। যেন মাফ চেয়ে বললেন, 'ও'র নমাজের ব্যবস্থাটা আমি নিজের হাতে করে দি। ঐ একটি ব্যাপারে, সত্যি বলাই ঐ একটি মাত্র ব্যাপারে উনি সহজে সন্তুষ্ট হন না। আর-সবাই তো বছরের পর বছর একই জ্ঞাননমাজে নমাজ সেরে সেটি ভাঁজ করে রেখে দেয়, পরের বারের জন্য?—উনি বললেন "উহঁ—কত ধুলোবালি ময়লা জমে তার উপরে।" তাই তাঁর প্লেন লংক্রুথের তিনখানা জ্ঞাননমাজ আমি পালাক্রমে রোজ রাতে কেচে রাখি। উনি অবশ্য বলেছিলেন বেয়ারা কাচুক না। কিন্তু আমি জানি, আমার হাতে কাচা জ্ঞাননমাজে তিনি প্রসন্নতর চিন্তে নমাজ পড়েন।'

আমি ঈর্ষ্য বিস্মিত হয়েছিলুম, সেই এশার নমাজের কথা শুনলে। এবারে পুরো মাত্রায়। শূধালুম, 'উনি কি নমাজ-রোজাতে খুব আসক্ত? তাই তো মনে হচ্ছে।'

শহরু-ইয়ার বললেন, 'আসক্ত! ঐ দু'টি মাত্র ধাতু দিয়েই তো তাঁর জীবন গড়া। নমাজ-রোজা আর রিসার্চ।'

আমি হাসতে হাসতে মাথা দোলাতে দোলাতে বললুম, 'আমি সব জানি, আমার কোনো জিনিস অজানা নেই। আমি পয়গম্বর হজরৎ মুহম্মদ সল্লাল্লাহু ওয়া আলাইহি সসলাম-এর বংশধর, তদুপরি আমি সান্তিশ্বর সম্মানিত পীর খান-দানের ছাওয়াল, তদুপরি আমার ঠাকুরদা দাদামশাই দু'জনাই ছিলেন জ'হাবাজ মোলানা। আমি জানবো না তো কে জানবে? আপনি? ডাক্তার? আবাদন! হরগিজ নহী।' বলে তিনিটি আঙুল তুলে ঘন ঘন আন্দোলন করতে করতে বললুম, 'ট্রিনিটি, ট্রিনিটি—পিতা পরমেশ্বর, পুত্র ঈশ্বর এবং পবিত্র আত্মা। আপনি সেই পবিত্র আত্মা। আপনি সেই পবিত্র আত্মা—রূপকার্থে ও শব্দার্থে। কিংবা, ভদ্রে বেগমসাহেবা, কাছে এসে অশ্বমেদশীল গীতাটি স্মরণ করুন। স্তান-যোগ—সে ডাক্তারের রিসার্চ। কর্মযোগ—সে তাঁর আরাধনা ক্রিয়া-কর্ম। ভক্তিযোগ—সে আপনার প্রতি তাঁর অবিচল ভালোবাসা। আপনাদের উভয়ের এ জীবনে সুখ আছে এবং অন্য লোকে মোক্ষ-নজাৎ! অবশ্য শ্বতীয়টা যেন একশ' বছর পরে আসে। কারণ ফার্সীতে বলে, দেব আএদ, দু'রুস্ত আএদ—যেটা দেব-এ অর্থাৎ দেবীতে আসে সেটাই দু'রুস্ত—পরিপাটি—হলে আসে।'

আমার উৎসাহের বন্যায় শহুর-ইয়ার ডুবু ডুবু। সাদা-মাটা ভাষায় বললেন, 'আপনার মখে মধু, কানে মধু—এই মেন চিরকাল আপনার কিস্তিতে থাকে। আর আপনার শূভেচ্ছা-দোয়ার জন্য আমার যা কতব্য কাল, শুক্ৰবার, সেটি করবো। আপনার সলামৎ-কল্যাণের জন্য মহল্লার মসজিদে শিনী পাঠাবো। নমাজ্জাতে জমায়েৎ ধর্মনিষ্ঠজন আপনার আত্মার জন্য দোয়া করবেন।'

আমি দীর্ঘশ্বাস ফেলে বললুম, বে-ফায়দা, বে-কার, ইয়ার! বে-ফায়দা, বেকার। আমার মত পাশ্চ পাপীর জন্য শিনী পাঠানো তপ্তকটাহে বিস্ফুমাৎ বারিসিগুনতুল্য! তা সে যাক্—আল্লা মেহেরবান, তাঁর কাছ থেকে শেষ বিচারের দিনে মাফের আশা রাখি। এবারে বলুন তো, নমাজ্জ-রোজ্জার প্রতি আপনার কি রকম টান?'

দঃখ করে বললেন, 'আমার বদ্-নসীব। আল্লা আমাকে সৌদিকে মতিগতি দেন নি।'

'কর্তা অনুযোগ করেন না?'

'একদম না। ভদ্রলোক কক্খনো কাউকে কোনো জিনিস করতে বলেন না—ভালোও না, মন্দও না। এমন কি তাঁর মডান বন্ধুবান্ধবদের কেউ কেউ তাঁর আচারনিষ্ঠতা নিয়ে অল্পস্বল্প স্নেহসিক্ত কৌতুকের ইঙ্গিত করলে তিনি শূধু মিটামিটেয়ে হাসেন। শূধু তাই নয়, মাঝেমাধ্যে ধর্ম নিয়ে তাঁদের ভিতর আলোচনা আরম্ভ হলে তিনি সর্বকছ শোনে মন দিয়ে। কিন্তু আজ পর্যন্ত তাঁরা তাঁকে কক্খনো সে আলোচনার যোগ দেওয়াতে পারেন নি। বিশ্বাস করবেন না, আমার সঙ্গে তো সব বিষয়েই কথাবার্তা হয়—আমার সঙ্গে পর্যন্ত তিনি কখনো ঐ একটি বিষয় নিয়ে আলোচনা করেন নি, আমি সূত্রপাত করলেও না। এই দেখুন, রববারে কাজে বেরন না বলে ফজরের নমাজ পড়ে প্রথম এক ঘণ্টা কুরান পড়েন সুর করে 'কারীদের' মত। তারপর খানাতিনেক ইংরিজি বাংলা অনুবাদ আর একখানা আরবী টীকা নিয়ে আরেক ঘণ্টা খুঁটিয়ে খুঁটিয়ে প্রতিটি শব্দের গভীরে গিয়ে, সঙ্গে সঙ্গে নোট করে টোকেন। আমি তাঁকে একদিন ঐ অধ্যয়নের দিকটা আমার সঙ্গে করতে অনুরোধ জানিয়েছিলাম। তিনি বললেন, "আমি নিজে এতই অল্প জ্ঞান যে তোমাকে কর্মপিটেটিল সাহায্য করার শক্তি আমার মধ্যে নেই। আমি বরং তোমার জন্য একজন ভালো মৌলানা যোগাড় করে দিচ্ছি।" আমি বললাম, থাক। আপনিই তো করি ওমর টখরামের একটি চতুষ্পদী অনুবাদ করেছেন,

“তব সাথে, প্রিয়ে মরুভূমি গিয়ে
পথ ভুলে তবু মরি,
তোমাতে ছাড়িয়া মসজিদে গিয়া
কি হবে মস্ত স্মরি!”

আমি বললাম, 'এটা কি ডাক্তারের উচিত হল? পরিপূর্ণ সত্য একমাত্র আল্লার হাতে; আমাদের শ্বহুদ চেম্বা তার কওথানি কাছে আসতে পারি। ডাক্তার কি ভাবছেন, তিনি যে মোলানা এনে দেবেন কুরান শরীফ সম্বন্ধে তাঁর পরিপূর্ণ জ্ঞান আছে? আমি ডাক্তার হলে বলতুম, "মোস্ট ওয়েল্‌কাম!" তার পর একসঙ্গে পড়তে গিয়ে যদি আপনি দেখতেন যে ব্যাপারটা থ্রী-লেগড্‌ রেস হয়ে যাচ্ছে তখন চিন্তা করতুম, এখন তা হলে কি করা যায়? তার বদলে মোলানা এনে লাভ? তিনি তো প্রথম বাড়া পাঁচটি বৎসর আপনাকে ব্যাকরণ কঠিন করাবেন, এবং তারপর? আপনি, ডাক্তার, আমি—আমরা কুরানে যা শ্বহীদ, মোলানা তো সেটা খোঁজেন না। তাই দাঁড়াবে:

তুফায় চাহিন্দু মোরা এক ঘটি জল

মোলানা এনে দিল আখানা বেল!

আপনি ডাক্তারের প্রস্তাব না মেনে বেশ করেছেন। কিন্তু ডাক্তারের কথা ওঠাতে মনে পড়লো, বেচারী সমস্ত দিন খেটেছে, আপনার সঙ্গে দু-চারটে কথা বললে তার শরীর-মন জুড়োবে। আপনি যান না।'

শহুদ-ইয়ারের সে কী খিলখিল হাসি। হাসতে হাসতে যেন চোখে জল দেখা গেল। বললে, 'ইয়া আল্লা! আপনি আছেন কোন ভবে? এশার নমাজ সেরে বালিশের উপর ভালো করে মাথাটি রাখার আগেই তো তাঁর আগের থেকে তৈরী পরিপাটি নিদ্রাটি আরম্ভ হয়ে যায়। যেন ঘণ্টা হাতে নিয়েই সঙ্গে সঙ্গে দ্রুত বাজনা—আলাপ না, বিলম্বিত না, আর ঘণ্টা বাঁধার তো কথাই ওঠে না। আর হুপ্পায় কদিন আল্লায় মালুম, শ্বুতে গিয়ে দেখি তিনি নমাজ সেরে জায়ন-মাজেই ঘুমিয়ে পড়েছেন। খাটে ওঠবার আর তর সয়নি। আর সে কী ঘুম, কী ঘুম! অত্যন্ত নিষ্পাপ মানুষ ভিন্ন অন্য লোক বোধ হয় আল্লার কাছ থেকে এ-ইনামটি পায় না।'

আমি শ্বহালুম, 'এ বাড়ীতে আপনার সঙ্গী-সাথী কেউ আছে?'

অবাক হয়ে বললেন, 'এ বাড়ীতে?'

'হ'্যা!'

বললেন, 'এ বাড়ীতে তো আমরা দুজন থাকি। সঙ্গী-সাথী আসবে কোথেকে?'

এবার আমার আশ্চর্য হবার পালা। শ্বহালুম, 'এই যে গাডায় গাডায় সাজানো-গোছানো ঘর পেরিয়ে এলাম।'

'কেউ থাকে না তো।'

'ঐ যে উইংটা—এল শেপের মত এসে লেগেছে?'

'সেখানেই বা থাকবে কে? ওখানে তো আলোই জ্বালানো হয় না।'

'নিচের তলায়, তেতলায়?'

‘সেগুলোও তো অন্ধকার দেখলেন। কেউ থাকে না উপরে, নিচে। থাকি আমরা দু’জনে আর যে ক’টি লোক দেখলেন, আমরা যখন গাড়ি থেকে নামলুম।’

আমি বিহ্বল দৃষ্টিতে তাকিয়ে বললুম, ‘এই বিরাট বাড়িতে মাত্র দু’জন লোক!’

শহরু-ইয়ার একটু বিষন্ন হাসি হেসে বললেন, ‘আপনার ভয় করছে? কিন্তু এটা ভূতুড়ে বাড়ি নয়, রহস্য উপন্যাসের ‘অভিশপ্ত পুরী’ও নয়। যিনি এ বাড়ি বানিয়েছিলেন—সে ক’য়ুগের কথা আমি জানি নে—তার পরিবার, ইষ্টকুটুম্বগুণ্টে নিলে এ বাড়িটাও নাকি যথেষ্ট বড় ছিল না। কিন্তু আমি সত্যি বিশেষ কিছু জানি নে। উনিও যে খুব বেশী কিছু জানেন, তাও তো মনে হয় না! ওঁকে জিজ্ঞেস করবেন নিঃসঙ্কেতে। এ বংশের, এ বাড়ির কোনো গোপন রহস্য নেই, আপনি নিশ্চিন্ত থাকুন।’ তারপর একটু ভেবে বললেন, ‘আর উনিই বা বলবেন কি? সেই খুদায় মালুম ক’শ লোকের পরিবার করতে করতে মাত্র এক জনাতে এসে ঠেকলো তারই তো ইতিহাস? আমার মনে হয় না, তিনি খুব বেশী কিছু একটা জানেন—আর এ বাবদে তাঁর কোনো কৌতূহলও নেই। তাতেও আশ্চর্য হবার কিছু নেই। কত বিরাট বিরাট পরিবার প্রতিদিন ‘বল ক্ষীণ’ ‘আরুহীন’ হয়ে ক্ষয় পেয়ে যাচ্ছে, অতীতে গেছে, ভবিষ্যতেও যাবে। এতে বৈচিত্র্যই বা কি, আর রোমানসই বা কোথায়? আর, এ তো শুধু একটা পরিবার। কত জাতক জাত কত নেশনকে নেশন পৃথিবীর উপর থেকে নিশ্চিহ্ন হয়ে মুছে গেছে, তারই বা খবর রাখেন কে?’

আমি বললুম, ‘থাক্ এসব দুঃখের কথা। আমি এখানে রোমানসের সম্বন্ধে আপনি নিজে তো আপনি জানেন। এবারে বেশ মোলায়েম, মধুর, দিল-চস্পু কোনো একটি বিষয়বস্তুর অবতারণা করুন। আপনার নামের মিতা বাগদাদের শহরু-ইয়ার শহর-জাদী এক হাজার এক রাতি গল্প বলেছিলেন। আপনি না হয় হাজারের শেষের এক রাতি সেইটে আরম্ভ করুন, বা শেষ করুন।’

শহরু-ইয়ার বললেন, ‘যবে থেকে এখানে এসেছেন, সেই থেকে তো আমি সন্যোগ খুঁজছি।’

আমি বললুম, ‘মাফ করে দেবেন।’

তিনি বললেন, ‘আপনার দোষ কে বললে? বলছিলেন কি, আমরাও রবীন্দ্র সঙ্গীত রেকর্ডের একটি মামুলী সংগ্ৰহ আছে। দু’একখানা শুনবেন?’

‘নিশ্চয়ই, একশ বার এবং ধরে নিচ্ছি ডাক্তারের বিধিদস্ত যোগানদ্রা তাতে ব্যাহত হবে না।’

আশ্চর্য, আমার শোবার ঘরের দেয়ালে শহরু-ইয়ার বোতাম টিপে একটা ঢাকনা চিৎ করলেন। ভিতরের ক্যাবিনেট বা কুলুঙ্গি থেকে যেন রেল লাইনের উপর দিয়ে প্লাইড্ করে বেরল একটি রোডিয়োগ্রাম। এ না হয় বুঝলুম,

কিন্তু ঘরের পশ্চিম প্রান্তের এস-পার-উস-পার জোড়া দেয়ালে বিল্ট্-ইন্-দেরাজের স্লাইডিং দরজাগুলো যখন এদিক ওদিক সরতে আরম্ভ করলেন তখন তার 'মামুলী সপ্তয়ন' দেখে—আমি বাঙাল—জীবনে এই ম্ভিতীয় বার হাইকোর্ট দেখলুম। দশবিশ বছর ধরে প্রত্যেকটি রবীন্দ্রসঙ্গীত রেকর্ড না কিনলে তো এ রকম বিরাত সপ্তয়ন হয় না। এবং খাস মার্কিন স্টাইলে সেগুলো কার্ড ইনডেক্সিং পর্মাতিতে সাজানো। গোটা ছয় কার্ডশেল্ফ্ আমার সামনের টেবিলে রেখে বললেন, 'ক্যাটলগ দেখতে চান তো এই রইল। আমার নিজের দরকার নেই। আমার মুখস্থ আছে। আরেকটা কথা, এ সপ্তয়নের অনেক out of print রেকর্ড কাগজে বিজ্ঞাপন দিয়ে পূর্না রেকর্ড নতুনের দামে কেনা।' তারপর আমাকে কিছু জিজ্ঞেস না করেই লাগালেন, 'কেটেছে একেলা বিরহের বেলা আকাশকুসুম চয়নে'—এ গানটা যেন আমাদের উভয় পক্ষের সর্ম্মিলিত 'বিস্মিল্লা' 'আল্লার নামে আরম্ভ করি'-র মত।

শহর-ইয়ার দেখলুম গান শোনার সমল চোখ বন্ধ করে পাহাণ-মূর্তির মত স্থবধ হয়ে বসে থাকেন।

এখানেও সেই বোলপুর পর্মাতি। দুটো গানের মাঝখানে দীর্ঘ অবকাশ দেন।

আমাকে শূধোলেন, 'এবারে আপনার পছন্দ কি?'

আমি আমার কণ্ঠ পরিপূর্ণ আন্তরিকতা প্রকাশ করে বললুম, 'আমি এই রবীন্দ্রসঙ্গীতের শপথ নিলে বলাছি, আপনার আমার রুচি একই। আমার বাড়িতে আপনি বাছাই করে যে-সব গান বাজিয়েছিলেন তার থেকেই আমার এ দৃঢ় প্রত্যয় হয়েছে।'

বললেন, 'মুশকিলে ফেললেন! আমি যখন নিতান্ত নিজের জন্যও বাছাই করি তখনো আমার এক যুগ কেটে যায় একটা রেকর্ড বাছাই করতে।' তারপর রেডিয়োগ্রামের দিকে যেতে যেতে আপন মনে বললেন, 'হুঃ! তারও দাওয়াই বের করেছি। কাল আমি শূধে থাকবো পাটরাণীর মত আর এই পীরের সন্তানকে বলবো রেকর্ড বাজিয়ে গানের সূত্রপাত করে পাপ সপ্তয় করুন তিনি।'

এবার বাজালেন, 'তোমার আমার এই বিরহের অন্তরালে কত আর সেতু বাঁধি।'

তার মোহভঙ্গ হওয়ার পর যখন আমার কাছে এসে বসলেন তখন আমি তাঁকে শূধালুম, 'আপনার আশ্বার খাদ্য কি?'

'আরো ষুঝিলে বলুন।'

'দেহ ছাড়া আছে মানুষের মন, হৃদয়, আত্মা। আপনার বেলা এঁরা পরিতৃপ্ত হন কি পেলে? যেমন মনে করুন, সাহিত্যচর্চা, নাট্যদর্শন, সঙ্গীতশ্রবণ,—এমন

কি প্রাকৃতিক সৌন্দর্য নিরীক্ষণ, বা যেমন আপনার স্বামীর বেলা সৃষ্টিকর্তার আরাধনা, কিংবা—'

বাধা দিয়ে বললেন, 'এবারে বুদ্ধোঁছ এবং তারপর উত্তর দিতে আমাকে আদপেই বাছ-বিচার করতে হবে না, একলহমা চিন্তা করতে হবে না। আমার জীবন-রস রবীন্দ্রসঙ্গীত। ঐ একটি মাত্র জিনিস।'

আমি বললুম, 'ব্যস্ ?'

'ব্যস্ !'

এবারে বাজালেন, 'আমার নয়ন—'

কাছে এলে ফের শূধালুম, 'রবীন্দ্রসঙ্গীত ছাড়া আর কি ?'

বললেন, 'এর অনেক, অনেক পরে আসে যে-সব জিনিস সেগুলোর মধ্যে একাধিক জিনিস আমাকে আনন্দ দেয়, মৃগ্ন করে, সম্মোহিত করে, আত্মবিস্মৃত করে, কিন্তু এরা আমার প্রাণরস নয়।'

'সেগুলো কি ?'

'যেমন ধরুন, রবীন্দ্রনাথের কবিতা, শরচ্চাটুয়ের বড় গল্প, আপনার শব্দনম্,—'

আমি বললুম, 'থাক্, থাক্। এ নামগুলো আর কখনো এক নিশ্বাসে করবেন না। লোকে বলবে, আপনার রসবোধ অশুভূত, বিজ্ঞান্, গ্রেটেস্ক।'

'বলুক। আমি কুমারস্বামী নই, স্টেলা ক্লামরিশও হতে চাই নে।'

এবারে বাজালেন আরও একটা আমার প্রিয় গান।

ফিরে এসে আমার পায়ের কাছে বসলেন। আমি লম্বা হয়ে শূয়ে উত্তম যশ্ঠে, সমঝদার কর্তৃক সযশ্ঠে বাজানো বে-জ্জখমী রেকর্ড শূনছিলুম—পরম পরিতৃপ্ত ও শান্তিলাভ করে আমি যেন আমার সব্ দেহ মন কোনো এক মন্দাকিনী ধারায় ভাসিয়ে দিয়েছি। মৃদুকশ্ঠে বললে, 'আপনার পা টিপে দি ?'

আমি সর্পাহতবং লাফ দিয়ে উঠে খাড়া হয়ে বসে বললুম, 'এ আবার কি ?'

দেখি, তাঁর মৃখ থেকে সর্বশেষ রক্তবিন্দু অন্তর্ধান করেছে। আমার দিকে তাকালেন না, দৃষ্টি অন্যদিকে ফিরায়ে চূপ করে বসে আছেন।

আমি তখন আস্তে আস্তে বুদ্ধতে পারছি, ভুল আমারই, উত্তোজিত হওয়াটা আমার গাঁইয়া বেকুবী হয়েছে। সেটা ঢাকবার জন্য রেডিযোগ্রামের কাছে গিয়ে না দেখে-চোরে আগের রেকর্ডটার উল্টো পিঠটা বাজাবার চেষ্টা করলুম কিন্তু মৌসিনটা এমনই নূতন মডেলের যে কোন্ বোতাম টিপলে কি হয়, কোন্ স্ক্রুর কি ফানকশন অনুমান না করতে পেরে ভ্যাবাচ্যাকার মত দাঁড়িয়ে রইলুম। শহূ-ইয়ার বুদ্ধতে পেরে কাছে এসে বললেন—আপ্লাকে শূক্, তাঁর গলায় কণামাত্র উত্তাপ বা আঁভমান নেই—'এখন আমি বাজাই। কাল আপনাকে দেখিয়ে দেব। তা হলে আপনার ইচ্ছেমত যখন খৃশী তখন বাজাতে পারবেন।

তাই এই ঘরটাতেই আপনার থাকার ব্যবস্থা করেছিলাম।' কথাগুলো শুনলে লক্ষ্মায় আমার যেন মাথা কাটা গেল। এ মেয়ের অনেক গুণ প্রথম পরিচয়ের দিন থেকেই লক্ষ্য করেছি কিন্তু সে যে এতখানি দয়ালু আর ক্ষমাশীলা সেটা লক্ষ্য করে যেমন লক্ষ্মা পেলুম তেমনই আনন্দও হল যে এমন সদগুণ শূন্য যে পৃথিবী থেকে অস্তর্ধান করে নি তাই নয়, আমারই এক পরিচিতার ভিতর পরিপূর্ণ মাহাত্ম্য রয়েছে।

রেকর্ড চালু করে দিয়ে এবারে শহুর-ইয়ার চেয়ারে বসলেন। আমি ততক্ষণে বিছানায় আবার লম্বা হয়েছি।

বললাম, 'শহুর-ইয়ার।'

'জী?'

'আগে যেখানে বসেছিলেন সেইখানেই এসে বসুন।'

'জী' বলে এসে বসলো।

আমি বললাম, 'টিপতে হবে না, হাত বুলিয়ে দিন।' এবারে তাঁর মূখ্য আগের মতই উজ্জ্বল হয়ে উঠলো।

আমি বললাম, 'আমি বড়ই মূর্খ। মনে আছে আপনারা দুজনা এখন বোলপুরে আসেন তখন প্রথম পাঁচ মিনিটের ভিতরই আমি বলেছিলাম, "এদেশে আমার আত্মজন নেই?" তখন লক্ষ্য করেছিলাম, আপনার চোখ ছলছল করেছিল। তারপরও দেখুন দেখি, আমি কত বড় বেকুব।'

শহুর-ইয়ার হাত বুলোতে বুলোতে বললেন, 'থাক না। এই সামান্য জিনিস নিয়ে—'

আমি বাধা দিলে বললাম, 'আমি কত বেকুব দেখুন। আচ্ছা, কাল যদি আমার শব্দ ব্যামো হয়, তা হলে আপনাই তো আমার দেহমনের সম্পূর্ণ ভার নেবেন এবং নার্স যা করে তার চেয়েও বেশী করবেন! নয় কি? তবে আজ আমার এত লক্ষ্মা কেন?'

এবারে শহুর-ইয়ার শিঁশরিবিন্দুটির মত বলমল করে উঠলো।

উঠে এসে আমার মূখের উপর তাঁর হাত রেখে আদরে ভরা দৃঢ় কণ্ঠে বললেন, 'আপনাকে বলি নি আর কথা না বলতে। এই আপনার মূখ বন্ধ করলাম। দেখি, কি করে ফের কথা বলেন। আসলে আপনার যাতে এখানে কোনো অসুবিধা না হয় তাই কাটুকে আমি আপনার কি কি দরকার, আপনার ডেলিভারি কি এসব অনেক প্রশ্ন শোধিয়েছিলাম। কথায় কথায় সে বললে, আপনিন গা টেপাতে ভালোবাসেন তাই। এবার সব ভুলে যান।' হাত মূখ থেকে সরালেন।

বললাম, 'ভুলে গিয়েছি!'

হাসলেন। শূধালেন, 'এবারে কি বাজাব?'

ক্ষণমাত্র চিন্তা না করে বললুম, 'ঐ মরণের সাগর পারে, চুপেচুপে তুমি এলে !'

সঙ্গে সঙ্গে একদম ডেড্‌ স্টপ। তারপর আমার হাতের কাছে খাটের বাজুতে বসে অনেকক্ষণ আমার দিকে তাকিয়ে রইলেন। তারপর অতি ধীরে ধীরে বললেন, 'এই বারে আমার মনের অশ্বকারতম কোণেও আর কোনো সংশয় রইল না যে আপনার আমার রুচি এমনই অস্বাভাবিক ধরনের এক যে, আর কেউ জানতে পারলে বলবে, আমি আপনার অশ্ব ভক্ত বলে আমার রুচি আপনার রুচির কার্বন কপি মাত্র। অথচ কী আর বলবো, এ গান আমাকে যে রকম আত্মহারা করে দেয় অন্য কোনো গান সে-রকম পারে না। জানেন, এ গান কিন্তু এখানে রবীন্দ্রসঙ্গীত সমঝদারদের ভিতরও অতি, অতি দৈবে-দৈবে গাওয়া হয়। এবং যে দু'বার শুনোঁছি সেও একদম বাইরের অজানা অচেনা গাওয়াইয়া গেয়েছে—অর্থাৎ সমঝদারদের চেলাচেলীর কেউ না। আমার তো বিস্ময় বোধ হয়, রেকর্ড কোম্পানি কোন সাহসে এ-গানটি বাছাই করলো? দিন দু'বাবুর চাপের দরুন না কি ?

'আর কী অশ্বভূত সাহস দেখিয়েছেন আপনার গুরুদেব এই গানে।

'ভুবন-মোহন স্বপন রূপে'—কি বস্তাপচা সমাস এই 'ভুবনমোহন'-টা। কোনো মেয়ের নাম ভুবনমোহিনী শুনলেই তো আমার সঙ্গে সঙ্গে মনে পড়ে জগদম্বা, রক্ষাকালী, কালতর্মাণ! না? অথচ এই গানের ঠিক এ জায়গাটার সমাসটা শূনে নিজের কানটাকে-বিশ্বাস করতে ইচ্ছে করে না যে, এই কুলি-কাড়া, সাতান ঘাটের জল খাওয়া, হেকনি'ড, ক্রিশে সমাসটি এত মধু ধরে, তার এত বৈভব, এত গোরব! সঙ্গে সঙ্গে আমার বশ্ব চোখের তারা দুটি যেন আকাশের দিকে ধাওয়া করে—নইলে সমস্ত ভুবন কিভাবে মোহন হল সেটা দেখবে কি করে অনেকখানি উঁচুতে না উঠে, সেখান থেকে নিচের দিকে, ভুবনের দিকে না তাকিয়ে! আর তার পর? ঐ উর্ধ্বলোক থেকে যখন বিশ্বভুবনের মোহনীয়া রূপ বাহ্যজ্ঞানশূন্য হয়ে আশ্বাদন করছি তখন অকস্মিক কি নিদারুণ গভীর গহবরে পতন! শূনি,

বশ্ব হিলাম এই জীবনের অশ্বকূপে—

আমার চোখের সামনে তখন কী বীভৎস দৃশ্য ভেসে ওঠে, জানেন! আমাদের গ্রামাঙ্গলের লোক এখনো বিশ্বাস করে, কোনো কোনো বিরাট ধনের মালিক তার সমস্ত ধন কোনো এক গভীর অশ্বকার গহবরে পুঁতে রেখে যায়, এবং সেটাকে পাহারা দেবার জন্য চুরি-করে-আনা একাট আট বছরের শিশুককে জন্মের মত শেষবার তাকে ভালো করে খাইয়েদাইয়ে, সাজিয়েগুঁজিয়ে সেই ধনের পাশে বসিয়ে গুঁহা-গহবর বাইরের থেকে সীল করে দেয়। আমি যেন চোখের সামনে দেখতে পাই, সেই ক্ষুদ্র বালকটি যেন অশ্বভাবে ধীরে ধীরে

আপন অবস্থা হৃদয়ঙ্গম করছে। তার পর অনুনয়-বিনয়, তার পর রোদন ; সর্বশেষে তার ক্ষুদ্র মূর্তি দিয়ে চতুর্দিকের দেয়ালে আঘাতের পর আঘাত—

আমি বললাম, 'দয়া করে ক্ষান্ত দিন, আমি আর শুনতে চাই নে।'

বললেন, 'তবে থাক! ঐ যে 'বন্দ ছিলাম অন্ধকূপে'—আমাদের প্রত্যেকের জীবন কি তাই নয়? অন্ধকূপের দেয়ালে জীবনভর করে যাচ্ছি মুষ্ট্যাঘাত আর আতর্নাদ. "ওগো খোলো খোলো, আমাকে আলোবাতাসে বেরুতে দাও।"

তারপর 'ভুবনমোহন' রূপ নিয়ে মৃত্যু এসে দেয় নিকৃতি—সে 'শ্যামসমান' মোহনীয়া। এ কী ভ্রান্ত ধারণা যুগ যুগ ধরে চলে আসছে যে মৃত্যু বিকট বীভৎস! সে আসা মাত্রই উর্ধ্বপানে তাকিয়ে দেখি, আকাশে 'স্তরে স্তরে সন্ধ্যাদীপের প্রদীপ জ্বালা'—কত না নক্ষত্র স্তরে স্তরে প্রদীপ জ্বালিয়ে প্রতীক্ষা করছে আমাকে অমর্ত্যলোকের পথ দেখিয়ে নিয়ে যাবে বলে. আর পদপ্রান্তে—যে মর্ত্যভূমি থেকে বিদায় নিচ্ছি সেখানে কিঞ্জলি-সঙ্গীতের সঙ্গে পুষ্পবনের গন্ধধূপের সৌরভ!

আপনাকে শুন্যধোই, আপনি বয়সে বড়, অনেক-কিছু পড়বার, শোনবার সুযোগ পেয়েছেন—এ রকম আরেকখানা গান কেউ কখনো রচতে পেরেছে?"

আমি বললাম, 'না, কিন্তু আপনি যে-রকম গানটিকে হৃদয় দিয়ে গ্রহণ করেছেন, ক'জন বাঙালী পারে সেটা?'

শহর-ইয়ার অনেকক্ষণ ধরে সম্মুখপানে শূন্য দৃষ্টিতে তাকিয়ে গভীর চিন্তায় মগ্ন হলেন। শেষটায় বললেন, 'ঠিক কোন্ দিক দিয়ে আরম্ভ করবো বন্ধুতে পারিচ্ছ নে। আমি যে গানটিকে হৃদয় দিয়ে গ্রহণ করেছি তার জন্য আমার হৃদয় হিল প্রস্তুত। কিন্তু সে প্রস্তুতিটি নির্মিত হল কি প্রকারে? রবীন্দ্রনাথের গানে গানে। ভিলেজ ইন্ডস্ট্রেরও হৃদয় আছে কিন্তু সেই আকারহীন পিণ্ড সারাজীবন ধরে একই পিণ্ড থেকে যায়। আমার হৃদয় প্রতি নূতন গানের সামনে নূতন আকার ধরেছে, যেন সে শিল্পীর হাতের কাদা। ঐ চিন্ময় গান শুনতে শুনতে আমার হৃদয় যেন ঐ গানেরই মৃন্ময় রূপ ধারণ করে একটি মূর্তিরূপ ধারণ করে। গানটি যেন শিল্পী। গানের প্রতিটি সুর প্রতিটি শব্দ তার আঙুলের চাপ। সুরে সুরে শব্দ শব্দ অর্থাৎ গান-শিল্পীর আঙুলের চাপে চাপে মূর্তিটি সম্পূর্ণ হয়েছে। তারপর শুনলাম আরেকটি গান। আগের মূর্তিটি তন্মূহূর্তই আবার শিল্পীর হাতে কাদাতে পরিবর্তিত হয়েছে। সুরে সুরে শব্দ শব্দ আবার সে এক নবীন মৃন্ময় মূর্তিতে পরিণত হল। এভাবে আমার হৃদয় কত শত মূর্তিতে পরিণত হয়েছে কত শত গানে গানে। আর এখন? এখন চেনা গানর দুটি শব্দ শোনা মাত্রই সম্পূর্ণ মূর্তি আপনার থেকেই তার আকার, তার রূপ নিয়ে নেয়। অথবা অন্য তুলনা দিয়ে বলবো, রবীন্দ্রনাথের প্রত্যেকটি গান যেন ভিন্ন আকারের রঙিন কি পানপাত্র, আর আমার হৃদয় বর্ণহীন

তরল দ্রব্য। ঐ গানের পাঠে প্রবেশ করে সে নেন্ন তার আকার, তার রঙ।

আমার সুখ-দুঃখের অনুভূতি, আমার মান-অভিমান, বিরহ-মিলনের অশ্রুপাত আনন্দোদ্বাস আমার সব-প্রকারে সূক্ষ্মানুভূতি, স্পর্শকাতরতা—সব, সব নির্মাণ করেছে, প্রাণবশত করেছে রবীন্দ্রনাথের গান; সেই শত শত গানই শিল্পী—স্রষ্টা !

আমি চুপ করে, কোনো বাধা না দিয়ে প্রত্যেকটি শব্দ হৃদয় দিয়ে গ্রহণ করছিলাম। বললাম, 'আমরা হিন্দু আর মুসলমান মেয়ের হৃদয়বৃত্তি নিয়ে আলোচনা করছিলাম। সেই সূবাদে আপনাকে একটি প্রশ্ন জিজ্ঞেস করি। রবীন্দ্রনাথ তাঁর ধর্মসঙ্গীতে যে চরম সত্তার কাছে আত্মনিবেদন করেছেন তিনি তো মুসলমান সূফীদের 'অল-হক্' পরম 'সত্য' সত্তাস্বরূপ। এ গানগুলো আরবী বা ফার্সীতে অনুবাদ করলে কারো সাধ্য নেই যে বলতে পারো এগুলো রচছে এমন এক কবি যে মুসলমান নয়। আপনি মুসলমান। এ গানগুলো শুনুন আপনার হৃদয় কি রবীন্দ্রনাথের প্রেমের গানের চেয়ে বেশী সাড়া দেয়?'

গভীর দুঃখ প্রকাশ করে বললে, 'ঐখানেই তো ট্র্যাজেডি। কয়েকটি ব্যত্যয় বাদ দিলে রবীন্দ্রনাথের অধিকাংশ ধর্মসঙ্গীতই আমার বুকুে তুফান তোলে না। তুললে তো আমার সব সমস্যা ঘুচে যেত। আমার দেহমন সেই চরম সত্তার কাছে নিবেদন করে পরমা শান্তি পেতুম। একেই তো বলে ধর্মানুরাগ। বরণ দেখুন, আমি কিছুর্তেই বিশ্বাস করবো না, আল্লা মানুষের রূপ ধারণ করে অবতার রূপে পৃথিবীতে অবতীর্ণ হন এবং তৎসত্ত্বেও যে ধর্মসঙ্গীতটি আমার হৃদয়ের ভিতর দুরন্ত তুফান তোলে, সেটি—

মেরে তো গিরিধর গোপাল

দোসরা তো্য কোঈ নহী রে—

চরম অসহায় অবস্থায় এ-ভঙ্গনাটি যে আমি কত সহস্র বার কখনো চিৎকার করে এই নির্জন বাড়িতে গেয়েছি, কখনো গাড়িতে বসে গুনগুনিয়ে, আর সবচেয়ে বেশী জনসমাজে—বস্তুত সেখানেই আমি সবচেয়ে বেশী একা, বর্জিতা, অসহায় শক্তিহীনা বলে নিজেকে অনুভব করি—নিঃশব্দে শুধু হৃৎপিণ্ডের স্পন্দন নিয়ে।'

*

*

*

নিবন্ধ নীরব সে গৃহ, বিরাট ভবন স্তব্ধ, বাইরের ভুবন তন্দ্রামগ্ন।

হয়তো এস্থলে আমার উঁচত ছিল সহানুভূতি প্রকাশ করে জিজ্ঞেস করা শহর-ইয়ার কেন নিজেকে 'বর্জিতা' 'অসহায়' বলে মনে করেন। কিন্তু করলাম না।

'সর্বনাশ!' হঠাৎ বলে উঠলেন শহর-ইয়ার। 'তিনটে বেজে গেছে, আপনি ঘুমুন, আপনি ঘুমিয়ে পড়ুন। ছি ছি, আমার একেবারে কোনো

কান্ডগুস্তানই নেই !'

ছয়

আমার মনে কোনো সন্দেহ নেই, সৃষ্টিকর্তা নারী পুরুষ ভিন্ন ভিন্ন ধাতু দিয়ে গড়ে ছন। শহর-ইয়ার ঘুমিয়েছে ক'ঘণ্টা ? তিন ঘণ্টা ? সাড়ে তিন ঘণ্টার বেশী নিশ্চয়ই নয়। সাড়ে সাতটার খাবার ঘরে চা খেতে এসে দেখি, তার চেহারা যেন শিশির-ধোয়া শিউলি ফুলটি। কোনো সন্দেহ নেই, সৃষ্টিকর্তা তাদের প্রতি বেশী মেহরবান।

শহর-ইয়ার ডাক্তারের ব্রেকফাস্টের তদারকি করছে, সঙ্গে সঙ্গে তার লাগের জন্য স্যান্ডউইচ সল্ডেশ এটা সেটা ছোট টিফিনবক্সে সাজাচ্ছে এবং তারই ফাঁকে ফাঁকে বাজার-সরকারকে হাটের ফিরিস্তি বলে যাচ্ছে। আমাকে এক কাপ চা এঁগিয়ে দিয়ে বললে, 'আপনি দুপুরে, রাতে কি খাবেন যদি বলেন তবে এই বেলাই হাটের সঙ্গে সেগুলো এসে যাবে।'

আমি বললাম, 'দোহাই আপনার ! আমাকে নিষ্কৃতি দিন। আপনি তো দেখেছেন, আমি আমার বাড়িতে এক্কেবারে একা। দিনের পর দিন কাঁচা, পাকা—সব বাজারের ফিরিস্তি বানানোর মত একঘেয়ে মেয়েলী কাজ করতে হয় আমাকে। আমি ছুটি চাই।'

কাছে বেরবার পোশাক পরে ডাক্তার এলেন। ভালো ঘুম হয়েছে কি না শূন্যোলন, সকালবেলা যে শূন্য চা না খেয়ে এটা সেটা খাওয়া উচিত সেটা শোনালেন এবং তারপর দুঃখ প্রকাশ করে বললেন, 'আমার কপাল, তাছাড়া আর কি বলবে। এগার নমাজ যেই না শেষ হয় অমনি সুলেমান বাদশার দুই জিন্দা আমার দুই চোখের পাতার উপর তাদের আড়াই'শ মন ওজন নিয়ে হয় সওয়ার। আপ্রাণ চেষ্টা করে তখন পাঁচটি মিনিটও জেগে থাকতে পারি নে। সকালবেলা উঠেই বুক পাপ হিংসার উদয় হল—আপনারা দুঃজনাতে যে মজলিস জমালেন আমি তার হিসেয়াদার হতে পারলুম না বলে।'

আমি বললাম, 'আপনি বিশ্বাস করবেন যে আমি আপনাকে বার বার মিস করছি ?'

ডাক্তার বললেন, 'কোথায় না সাক্ষনা পাবো, শোকটা আমার আয়ো উথলে উঠছে।'

শহর-ইয়ার সস্কেচের সঙ্গেই ডাক্তারকে বললেন, 'তাহলে আজ একটা বেলাবোলি বাড়ি ফিরলেই তো ও'র সঙ্গে কথাবার্তা বলার জন্য খানিকক্ষণ সময় পাবে।'

ডাক্তার সোৎসাহে বললেন, 'ঠিক বলেছো। আজ তাহলে গাড়ি সাতটার

সময়ই পাঠিয়ে দিয়ে।' আমাকে বললেন, 'গাড়ি আমাকে পেঁছে দিয়েই ফেরৎ আসবে। আপনি যদি কোথাও যেতে চান তো কোনো অন্তর্বিধে হবে না। এমন কি সাতটার সময় গাড়ি না পাঠাতে পারলেও আমার কোনো হান্সামা হবে না। আমাদের দফতরে একটি হর-ফন্-মৌলা, সকল-কাজের-কাজী চাপরাসী আছে—জিনিয়াস লোকটা। এই কলকাতা শহরের একশ' মাইল রেডিয়ারের ভিতরও যদি কুল্লি একখানা ট্যাক্সি খালি থাকে তবে সে সেটা পাবেই পাবে—যেন স্লাড হাউন্ডের মত সে ট্যাক্সির বদ্ বো শুকতে পায়।'

আমি বললুম, 'আমি বাড়ি থেকে বেরুচ্ছিই না; আমার কোনো প্রকারের এনগেজমেন্ট নেই।'

ডাক্তার বললেন, 'তাহলে তো আরো ভালো। শহর-ইয়ার আপনাকে নিয়ে যাবে এখানে সেখানে, সর্বশেষে তার প্যারা প্যারা বইয়ের দোকানে। আর ইতিমধ্যে যদি ইচ্ছে হয়, তবে আমাদের পাঁচ-পুরুষের জমানো আরবী ফার্সী কেতাব ঘাঁটতে পারেন আমাদের লাইব্রেরীতে—একপাশে আছে, আমার কেনা কিছু ইংরেজী আর বাঙলা বই। না, না, না। তওবা! ডাক্তারী বই এখানে থাকবে কেন?'

হঠাৎ যেন নতুন অনুপ্রেরণা পেয়ে বললেন, 'আপনার বাগচী, ভটচাষ, চাটুখ্যা চেলাদের একদিন ডাকুন না এখানে, কলকাতাই মোগলাই খানা খেতে? দোস্ত আপনাদেরও? না, তাহলে বোধ হয় ঠিক জন্মবে না। আলাদা আলাদা করে দাওরাং করলেই ভালো। কি বলেন আপনি?'

আমি নশ্টামির চোখে বললুম, 'তার চেয়ে শহর-ইয়ার তাঁর বাম্ববীদের স্মরণ করুন। তাঁদের সঙ্গে দ'দ'ড রসালাপ করে সেই গোলাপজলে শুকনো জ্বানটাকে ভিজিয়ে নেব।'

ডাক্তার যেন সম্মুখে ভূত দেখতে পেয়ে বললেন, 'ওরে বাপরে! ওর মত জেলাস আর পজেসিভ রমণী আপনি হিসংসারে পাবেন না। বরং আপনাকে আমাকে দুজনাকে চিরজন্মের মত যমের হাতে ছেড়ে দেবে, তবে তার বাম্ববীর হাতে এক মিনিটের তরেও ছাড়বে না—হোক না সে বাম্ববীর ব্যেসন নব্বুই।'

টোঁবল ছেড়ে উঠে বললেন, 'তাহলে স্যর, খুদা হাফিজ টিল উই মীট এগেন।'

বটরের দিকে তাকিয়ে একটু লাজুক হাসি হেসে বুলেট-বেগে বেরিয়ে গেলেন।

অনেকক্ষণ পরে স্পান হাসি হেসে শহর-ইয়ার বললেন, 'আপনি সত্যি বিশ্বাস করেন, তিনি আজ সাতটার ফিরবেন? সময়মত ফেরা, না ফেরা কি ও'র এখুতেয়ারে? সেটাতো সম্পূর্ণ তাঁর কাজের নেশার হাতে। নেশা না কাটা পর্যন্ত কি মাতাল দাঁড়িয়ে উঠে চলতে পারে? আজ যদি সাতটার কাটে

তো ভালো। আর যদি তার বদলে দশটাল কাটে, তবে সেটা কাটার পর, ঐ মাতালেরই মত আপনার পা ধরে মাফ চাইবেন একশ' বার, হাজার বার। আপনাকে উনি যা শ্রম্বা করেন তাতে আপনাকে অবহেলা করা তাঁর স্বপ্নেরও বাইরে। কিন্তু নেশা জিনিসটা নেশা। কাজের নেশা, ঘোড়ার নেশা, প্রেমের নেশা।'

একটু ভেবে নিয়ে দুঃখের সুরে বলেন, 'আমার যদি কোনো একটা নেশা থাকতো তাহলে 'এই জীবনের অন্ধকূপের' তলায় দিব্য মাতাল হয়ে পড়ে রইতুম।'

আমি বললুম, 'আপনি না-হক্ পেসিমিস্ট।'

'আমি পেসিমিস্ট নই। আমি ইমোশোনাল—বহু বেশী স্পর্শকাতর—মাত্রাধিক অনুভূতিশীল। এবং তার জন্য সম্পূর্ণ দায়ী আপনার গুরুদেব রবীন্দ্রনাথ। তাঁর শত শত গানের শত শত মেশিনের ভিতর দিয়ে আমার কলিজাটাকে এস্পার-উস্পার করে কিমা-কিমা বানিয়ে ছেড়েছেন। তবে এখন আর এসব কথা বলবো না। এ প্রসঙ্গের জন্য পুণ্য লন্নে রাতে, গান শোনার মাঝে মাঝে। আর ঐ আমার কতটি যে বললেন, আমি জেলাস, আমি পজ্জিস্ভ সেটা উনি চিন্তা না করে বলেছেন—'

আমি বললুম, 'কি বলছেন! উনি মস্করা করেছেন।'

'না, উনি চিন্তা না করেও একদম খাঁটি সত্য কথা বলেছেন। আমি খুব ভালো করেই জানি আমি জেলাস্ এবং আমার হক্ আমার সম্পদ সম্বন্ধে সর্বক্ষণ সচেতন। তবে হ্যাঁ, আমি লড়নেওয়ালী নই। কেউ হামলা করলে আমি তখন আমার চোখের জলের সঙ্গ খুঁজি।'

আমি বললুম, 'খাঁটি মুসলমান বঙ্গ রমণী! কোথায় গেল মুসলমান পাঠান রমণীর দৃষ্টকণ্ঠের জঙ্গী জবাব, 'না, কবুল না।' ?'

গুনগুন করে গান ধরলো, 'কেন চোখের জলে ভাসিয়ে দিলাম না রে।' সঙ্গে সঙ্গে দিব্য ল্যাম্পের টেবিল সাজানো, ব্রেকফাস্টের জিনিস সারিয়ে নিয়ে যথাস্থানে রাখা, ফাঁকে ফাঁকে নামাঘরের তদারকী করা, বাঙলা কথার পুরো গেরস্থালির কাজ করে যেতে লাগলো—গান-গাওয়াতে কোনো খিরকিচ না লাগিয়ে। বাইরে থেকে যে কেউ সে-গাওয়া শুনে নিঃসন্দেহে ভাবতো, চোখ বন্ধ করে প্রাণমন ঢেলে তন্ময় হয়ে কেউ গানটি গাইছে।

শেষ হলে আমি বললুম, 'আমার মতের মূল্য অনেকেই দেয়, তাই বলাহি। আপনি বড় সুন্দর গাইতে পারেন। কিন্তু বাইরে, মজলিসে কোথাও গেয়েছেন বলে শুনিনি, কাগজেও দেখিনি।'

বললো, 'একই বিষয়বস্তু কেউ লেখকরূপে সভাস্থলে-প্রকাশ করে, অনেকে ঘরের ভিতর পাঁচকথার মাঝখানে বলে। আমার গান—যদি সত্যিই সেটা গানের

স্তরে ওঠে—শ্বতীয় পর্যায়ে। বাড়িতে, কাজের ফাঁকে ফাঁকে, এ গান তার জায়গা খুঁজে নিলেছে। সভাস্থলে গাইলে নিশ্চয়ই আমার গান আড়ষ্ট শূঙ্ক কাষ্ঠ হয়ে যাবে।’ সঙ্গে সঙ্গে একটি গানের মাঝখান থেকে গেয়ে উঠলেন,

‘সভায় তোমার ও কেহ নয়,

ওর সাথে নেই ঘরের প্রণয়

মাওয়া-আসার আভাস নিয়ে

রয়েছে এক পাশে।’

এ গানের ঘরের প্রণয়ীও নেই। নিতান্ত আমার কাজকর্মের নিরালা দিনের, নিজের অবসরের এক পাশে পড়ে থেকে বেচারী আমাকে সঙ্গ দেয়।’

‘বজরুল ইসলামের গানে শখ নেই? আর কিছুর না হোক, মুসলমান হিসেবে, অন্তত যোগ্যলোর যোগ আমাদের ধর্মের সঙ্গে আছে?’

‘আছে কিন্তু মুশাকিল স্বরলিপি যোগাড় করা। আর যে-ভাবে সচরাচর গাওয়া হয় সেটা আমার পছন্দ নয়। কুক্ষণে তিনি ‘বিদ্রোহী’ রচোঁছিলেন। গাওয়াইয়ারা এখন তাঁর শান্ত লিরিকগানেও ঐ বিদ্রোহী সুর লাগান। বিলকুল বেথাপ্পা। এমন কি বিশ্বাস করবেন না, তাঁর ‘বিঙে ফুলের’ মত লক্ষে গোটেক, ধরা-ছোঁওয়ার বাইরের ‘নাজুক’ কবিতাটিও আবৃত্তি করা হয় ‘মোশন’ ঢুকিয়ে, জোশ লাগিয়ে! বদখদ বরবাদ! চলুন, আমার কাজ উপস্থিত এখানে খতম। বাজার আসুক; তখন দোসরা কিস্তি।’

আমি বেরুতে বেরুতে বললুম, ‘একটি রেওয়াজ আমি পৃথিবীর সর্বত্রই লক্ষ্য করেছি। স্বামী স্ত্রী ভিন্ন অন্য তৃতীয় প্রাণী যে-বাড়িতে নেই, এবং স্বামী লাগু খেতে বাড়ি আসেন না, সেখানে স্ত্রী লাগু রাঁধে না। কি খায় সে অবশ্য দেশভেদে খাদ্য ভেদ। জানি নে লাগের পরিবর্তে আপনি কি খান। বিশ্বাস করুন আমি সেই খেয়েই সন্তুষ্ট হব। সেফ আমার জন্য আসমান জমীন স্থানচ্যুত করে আগা খানের খাওয়ার মত লাগু তৈরী করতে হবে না।’

চলতে চলতে বললেন, ‘আপনার লোক দিলজান শখও বলাঁছিল আপনি লাগের তোয়াক্কা করেন না। ডিনারও নাকি প্রায়ই মীটসেফ থেকে বের করে রাতদুপুরে খান। কিন্তু এ বাড়িতে আমি বে-চারী, নিরুপায়। ইসলামী অনুশাসন অনুসারে এ বাড়িতে শতাধিক বর্ষ ধরে অলগ্য ঐতিহ্য, প্রভু-ভৃত্য খাবেন একই খানা। চাকররা সরু চাল খেতে পছন্দ করে না এই আজ্ঞা পেশ করায় কতী সরু চাল ছেড়ে দিয়ে মোটা ধরেছেন! আমার কাছ থেকে পয়সা নিয়ে ওরা মোড় থেকে মাঝে মধ্যে ফুচকা নিয়ে আসে—জানেন তো কি রকম ধুলোবালির সঙ্গে মিলে মিশে সে-ফুচকার ‘মার্টির শরীর’। কোনো দিন যদি দৈবাৎ ওঁর চোখের সামনে পড়ে যার তবে সঙ্গে সঙ্গে উল্লাসে লক্ষ্য দিয়ে ঠোঙা প্রায় ছিনিয়ে নিয়ে চিৎকার, “দে, দে আমার দে। একা একা খাস নি। গুনাহ্

হবে।” শূন্য, মশাই, শরিয়তের অভিনব ব্যাখ্যা! চাকরকে না দিয়ে মূনিব যদি একা একা খুশু খানা খায় তবে সেটা অশোভন (মকরুহ) বলা হয়েছে, গুনা (পাপ) কি না জানি নে, কিন্তু মূনিবকে বাদ দিয়ে চাকর যদি—এবং সেটা মূনিবেরই পয়সায়—মামুলীই কিছু একটা খায় তবে নাকি সেটা চাকরের গুনাহু। আবার ফুচকা খেতে খেতে গম্ভীর কণ্ঠে সদুপদেশ বিতরণ : “দ্যাখু, রাস্তার ফুচকা খাসু নি। জাম’টার্ম থাকে। অসুখ-বিসুখ করে।” তারপর আবার বিড় বিড় করে বলেন, “বাড়ির ফুচকা কিন্তু অখাদ্য রন্দি।” এই তো এখানকার হাল। অতএব আপনি খান আর না খান, আমি খাই আর না খাই, দুপূরের রান্না হবে ঠিক ঠিক। কাল সন্ধ্যায় দেখলেন না. ঘরের পর ঘর সাজানো—জনপ্রাণী নেই? এটাও ঐতিহ্য!'

আমি বললুম, ‘আরেকটা কথা। আজ বিকেলে সাড়ে ছ’টার আপনাকে নিয়ে আমার প্রয়োজন। অবশ্য আপনার যদি ঐ সময় অন্য কোনো কাজ নাথাকে।’

‘কি ব্যাপার? আমার তো ভয় করছে।’

আমি হাসতে হাসতে বললুম, ‘রিস্তভর ভয়ের কারণ নেই। বঙ্গবালাদের—অবশ্য সবই হিন্দু—‘লাজুক’ তবিয়ৎ বাবদে আমি ওয়াকিফু-হাল।’

উনি গান গাইতে গাইতে বিদায় নিলেন,

‘জয় করে তবু ভয় কেন তোর যায় না,

হায় ভীরু প্রেম. হায় রে।’

দুপূরে খেতে বসার সঙ্গে সঙ্গে শহুরু-ইয়ার বললেন, ‘ক’বার যে গিয়েছি আপনার বন্ধ দরজার কাছে! দোরের কান পেতে না দেখেও স্পষ্ট বুঝতে পেরেছি আপনি পড়ছেন। তাই দোরের টোকা দি নি।’

আমি বললুম, ‘সর্বনাশ করেছেন। আমি জাগ্রত অবস্থায় কিছু-একটা না পড়ে থাকতে পারি নে। আর সর্বক্ষণ পাড়ি বলে যে কোনো সময়ে যত ঘণ্টার জন্য চান আমি সে-পড়া মূলতুবী রাখতে পারি। তাই আপনি যে সময় খুশী যত ঘণ্টার তরে খুশী আমার কাছে এসে গল্প করতে পারেন. রেকর্ড বাজাতে পারেন—যা খুশী তাই। ও! অত প্রশংসার দুর্গিষ্টে তাকাচ্ছেন কেন? বিস্তর পাড়ি বলে? হায়, হায়, হায়! জানেন, মাথা খাবড়াতে ইচ্ছে করে যখন কেউ বলে, কিংবা তার মুখের ভাব থেকে বুঝতে পারি যে, সে ভাবছে, আমি পড়ে পড়ে জ্ঞানসমুদ্রের গভীর থেকে গভীরতর স্তরে ডুব দিচ্ছি। বিশ্বাস করুন, কসম খেয়ে বলাছি, জ্ঞান যৎসামান্য একটু আধটু হয়তো মাঝে-মাঝে বাড়ে, আসলে কিন্তু আমি পাড়ি ওটা আমার নেশা, নেশা, নেশা। একেবারে নেশার মত। মাতালকে শূধোবেন, সে বলবে, প্রথম দুর্গিতন পাস্তর তার দেহমনের জড়তা কাটে, সে সমস্ত মনে ফুঁটিও লাগে কিন্তু তার পর যে সে খেয়ে যায় সেটা

নিতান্তই মেকানিক্যাল। সর্বশেষে সে নিস্তেজ হয়ে আসে, তবু খাওয়া বন্ধ করে না। তাই তো ওটার নাম নেশা। যতক্ষণ মদ তাকে আনন্দ দিচ্ছে ততক্ষণ তো সেটা কাজের জিনিস—খুব বেশী গালাগাল দিতে চাইলে হয়তো বলতে পারেন বিলাসিতা—বিস্তৃত যখন সেটা আর আনন্দ না দিয়ে তাকে নিস্তেজ থেকে নিস্তেজতর স্তরে নামিয়ে নিলে যায় তখন সেটা রীতিমত নিন্দনীয় নেশা। আমার পড়া ঐ ধরনের। আপনার চোখ থেকে স্পষ্ট বৃষ্টিতে পারছি আপনি আমাকে বিশ্বাস করতে পারেন নি। আরেক দিন না হয় আরো গভীরে গিয়ে আপনাকে বোঝাবো। আপনিও যদি না বোঝেন তবে আমার শেষ নোঙর ভাঙলো।

কিন্তু আপনার কতটা বেলা ব্যাপারটা অন্য রকম। প্রথমতঃ তাঁর বয়েস কম বলে এখনো বহু বৎসর ধরে তাঁকে নানা রকম তথ্য ও তত্ত্ব সঞ্জয় করে জ্ঞানবৈভব বাড়াতে হবে এবং শ্বিতীয়তঃ তারই সাহায্যে তাঁর জীবনদর্শন—জার্মানরা বলে ভেন্টআনশাউউঙ, গড়ে উঠবে। সব জ্ঞানবিজ্ঞান চর্চার আদর্শ এই জীবনদর্শন নির্মাণ করা। কিন্তু আজ এখানেই ফুলস্টপ না, ফুলস্টপ স্টপ !

শহুর্-ইয়ার বললেন, 'আচ্ছা। এখনকার মত না হয় বিশ্বাসই করে নিলুম।' বললুম, 'শাশা! এই জন্যই তো আপনাকে এত ভালোবাসি। তর্কাতর্কি অত্যন্তম প্রতিষ্ঠান কিন্তু সেটা সময়মত, কিছু সময়ের জন্য, মূলতুবী রাখার মত সহিষ্ণুতা আর বদান্যতা যেন দিলের ভিতর থাকে। গাঁয়ের মেয়েরা অবশ্য কোঁদল মূলতুবী রাখে অন্য কারণে। সংসারের কাজে ফিরে যেতে হবে বলে দুই লড়নেওয়ালী তখন জিহবাস্ত্র সংবরণ করে অদৃশ্য কাগজকালিতে টেম্পারার আর্মিস্টিস নই করে; এবং তার প্রতীক, দুজনা দুই শূন্য ধামা ধপু করে মাটিতে উবু করে কোঁদলটা 'ধামাচাপা' দিয়ে রেখে যার বার ঘরে চলে যায়। কাজকর্ম শেষ হলে উভয় পক্ষ রণাঙ্গনে ফিরে এসে ধামা দুটো তুলে নিয়ে কোঁদলকে দেয় নিক্ষেপিত। তার পর ফিন্ শুরুরূপে।

কিন্তু, মাদাম, বললে পেত্যর যাবেন না, এই যে রেজালা নামক সরেস জিনিসটি খাচ্ছি, এটা যে তৈরী করেছে সে মাইকেল এঞ্জেলো—রান্নার কলাসৃষ্টিতে।'

মাদাম আমার দিকে না তাকিয়ে বললেন, 'আপনার বাড়ি সব দিক দিয়ে আমার অনেক বেশী ভালো লাগে। সেখানে আমার দেহমনে এক অপূর্ব নিরবচ্ছিন্ন শান্তি নেমে আসে। ঐ একটি মাত্র জায়গা যেখানে আল্লাকে শুকুর্ দেবার জন্য তসবী জপতে ইচ্ছে করে।'

আমি বললুম, 'হুঃ! দিলজ্ঞান শেখের রান্না—তাও বোলপুর হাটে যা পাওয়া যায় সেই আড়াইখানা শুকনো পটোল, চিমসে উচ্ছে আর সজনের ডাঁটা, সূপিচ্ছল কলাইয়ের ডাল, বিঙে-পোস্ত তদাভাবে বাড়িপোস্ত দিয়ে, কুকুরের

জিভের মত যে রুটিকে টেনে-টেনে খাবার টেবিলের এসপার-ওসপার করা যায় তাই দিয়ে ব্রেকফাস্ট। তারপর শোবার জন্য শক্ত কাঠের তক্তাপোষ এবং বাথরুমে কলের জল নেই। এমন কি সেই আদ্যযুগের গ্রামোফোনটা বাজাতে গেলে দম দিতে দিতে হঠাৎ বেবাক হাতখানা ধড় থেকে আলাদা হয়ে যায়। রাতে, হয় এমনি নিষ্প্রাণে নিবন্ধ্যম যে বৃকের রক্ত হিম হয়ে যায়, নয় শেয়ালের কনসার্ট ঘণ্টার পর ঘণ্টা—নাগাড়ে।

আবার বলি, 'হুঁ! রমণীর রুচি যে কত বিদকুটে, বদখৎ হতে পারে এই তার সর্বশ্রেষ্ঠ উদাহরণ!'

হঠাৎ মূখ তুলে বিস্ময়ে হতভম্ব হয়ে দেখি, শহূর-ইয়ারের দু'গাল বেয়ে জল পড়ছে।

আমি হতবুদ্ধি হয়ে মাফ চাইতে গিয়ে কি যে অসংলগ্ন কথা তোতলাতে তোতলাতে বলেছিলুম সেটা তখনো নিজেই বুঝতে পারি নি এবং এখন স্মরণে আনা তো সম্পূর্ণ অসম্ভব।

কিন্তু আল্লার কী আপন হাতে গড়া এই মেয়ে শহূর-ইয়ার! আমার বিহবল অবস্থা দেখে সঙ্গে সঙ্গে সে তার সম্পূর্ণ আত্মকর্তৃত্ব কব্জায় এনে দু'চারটি কথা দিয়ে আমাকে স্বান্তর নিশ্বাস ফেলবার মত অবস্থার সৃষ্টি করে দিল। বললে, 'আমার রসিকতাবোধ ইদানীং বস্তু কমে গেছে—কতকগুলো আকস্মিক অপ্রিয় ঘটনা ঘটে যাওয়ায়। এই যা সব এখুঁনি বললেন, তার সব কটি কথা সত্য, কিন্তু আপনার কাছে মিথ্যা, আমার কাছে আরো মিথ্যা। যদি সত্যই হবে, তবে আমি আপনার বাড়ীতে প্রতিবার আসামাত্রই এত প্রাণভরা আনন্দে আমার দিকে এগিয়ে আসেন কেন, আপনার বৃকের ভিতর থেকে উচ্ছ্বাসিত হয়ে বেরিয়ে আসে না আপনার মহবৎ, আপনার প্যার, আপনার হাঁক-ডাক, চেলা-চেলিতে? কই, আপনি যে সব অনটনট অসুবিধার লিস্ট দিলেন তার দুর্ভাবনায় তো ক্ষণতরেও আপনাকে প্রকুণ্ডন করতে দেখি নি। মনে আছে, একদিন রুটি খারাপ ছিল বলে টোস্টগুলো মিইয়ে যায়—কই, আপনি তো একবারও আমাদের কাছে দুঃখপ্রকাশ করেন নি বা ব্যতিব্যস্ত হয়ে উঠেন নি। তবে আজ হঠাৎ এসব কেন? দেখুন সিতারা সাহেব—'

এবারে আমি বিস্ময়ের যেন বিজালি শক্ খেয়ে শূধালুম, 'আমার ডাকনামটা আপনাকে বললে কে?'

মোনালিজার মত রহস্যভরা নয়নে তাকিয়ে বললে, 'যদি বলি এটাও ঐ তর্কের মত উপস্থিত ধামাচাপা দিয়ে মূলভবী রাখা যাক, তবে আপনার আপত্তি আছে?'

আমি বললুম, 'হরগিজ নহী। যে কোনো একদিন বললেই হলো।'

এতক্ষণ খাঁচ্ছল বলে শহূর-ইয়ার কোনো গান ধরতে পারে নি। সে-কর্ম সমাধান হতেই সিতারা (তারা) তাকে টুইয়ে দিল ঐ কর্মে ফিরে যেতে।

শুরু করলো,

নিবিড় ঘন আঁধারে
জ্বলিছে ধুবতারা
মন রে মোর পাথারে
হোস নে দিশেহারা !

অনেকক্ষণ ধরে চোখ বন্ধ করে গাইল। বুলুম, এটি তার বিশেষ প্রিয় গান। আমি বললুম, 'ভুলবেন না অখণ্ড সৌভাগ্যবতী শহর-ইয়ার, এই গানের মূল মন্ত্রটি—'শোভন এই ভুবনে রাখিয়ে ভালোবাসা'। আর কাজের কথা শুনুন—অবশ্য গানের মূল মন্ত্রটি সর্ব কাজের চেয়েও মহান—আজ সাড়ে ছ'টার সময় আপনার সঙ্গে আমার রাঁদেভু—কয়েক মিনিট আগে এলেই ভালো এবং বাইরে যাবার জন্যে তৈরী হয়ে আসবেন, প্লীজ। পটের বীবী সাজতে পারেন, নাও পারেন। সাজবার সময়কার মুড্‌মারফিক। আচ্ছা, গাড়টা পাওয়া যাবে তো ?'

'নিশ্চয়ই। কিন্তু বলুন তো, আমায় কোথায় নিজে যাবেন ?'

'এমনই সাদামাটা সর্ব রোমান্স্ বিবর্জিত স্থলে যে সেটা সত্যি বলার মত নয়। কাজেই সর্ব সারপ্রাইজের ভয়-ভরসা বর্জন করে দিন এই বেলাই।'

শহর-ইয়ার

নির্শিদিন ভরসা রাখিস

ওরে মন হবেই হবে

গুনগুন করতে করতে চলে গেল।

সাত

'হা ! জিহ্ব!' 'হা'টার উচ্চারণ আরবী কায়দায় যতদূর সম্ভব দীর্ঘ এবং জিহ্বাটি সেই অনুপাতে হ্রস্বের চেয়েও হ্রস্ব।

আমি বললুম, 'এ কি ! এ যে একেবারে রাজরাজেশ্বরীর বেশে সাজেছো ?'

সঙ্গে সঙ্গে গান ধরলো, "তোমায় সাজাবো যতনে কুসুমের রতনে

কেরুরে কঙ্কণে কুঙ্কুমে চন্দনে ॥"'

পূর্বেই বলেছি, পুরোপাক্ষা বঙ্গ হিন্দু রমণীর বেশ পরলেও শহর-ইয়ারের সঙ্গে হিন্দু রমণীর কোথায় যেন একটা পার্থক্য থেকে যায়। উহু ! মাথায় এক খাবড়া সিঁদুর বসিয়ে দিলেও সে পার্থক্য ঘোচবার নয়। এতদিন তাকে প্রতিবারেই দেখেছি সাদামাটা বেশে ; আজকের এ বেশেও সেই পার্থক্য, বরণ একটু বেশী।

সিঁড়ি দিয়ে নামতে নামতে বললে, 'কেন ? আমার কি সাজতে সাধ

যায় না ?'

আমি বললাম, 'এর চেয়ে অনেক বেশী ঘন ঘন যাওয়া উচিত। সাজসজ্জা করলে সকলেরই যে সৌন্দর্যবৃদ্ধি হয় তা নয়। এবং কারো কারো বেলা মনে হয় এ যেন ভিন্ন, অচেনা জন। আপনার বেলা দুটোর একটাও নয়। আর সব চেয়ে বড় কথা আপনি আপনার সৌন্দর্য সম্বন্ধে যে রকম সম্পূর্ণ অচেতন থেকে সেটিকে অবহেলে ধারণ করেন, আপনার সাজসজ্জা প্রসাধনও আপনি ঠিক সেই ভাবে দেহে তুলে নিয়েছেন। মনে হয়, আপনি এই বেশেই নিত্যদিনের গৃহকর্ম করেন, ঘটলবণতৈলতড়ুলবস্ত্রইঞ্চন সমস্যা সমাধান করেন। যে-কথাগুলো বললাম তার সব কাঁট আমি শেষ-বিচারের দিনের সূঁটকর্তার সামনে, ডাক পড়া মাত্র, আপনার মত হা।। জিরু বলে কসম খেয়ে বলতে রাজী আছি—অবশ্য যদি এই বেলা এই বেশে আপনি আপনার একটি ছবি তুলিয়ে দেন—কারণ 'তসবিরে জানা' সে সময় 'দরু-বগল' না হলে চলবে না।'

'সে আবার কি? মনে হচ্ছে ফাসী। বৃদ্ধিয়ে বলুন।'

আমি বললাম, 'সমূহ মর্শকিলে আমাকে ফাঁসালেন। দোহাটি শুনোছি গুরুর কাছে—ওস্তাদ বললুম না, কারণ তিনি ছিলেন কামোজের কটুর গোড়া ব্রাহ্মণ এবং জানতেন উৎকৃষ্টতম ফাসী—আমার বয়েস যখন তেরো-চোদ্দো। তারপর এটি আমি অন্য কারো মুখে শুনিনি, ছাপাতেও দোঁষিনি। কাজেই আমার পাঠে ছন্দপতন ও যাবতীয় গলদ থাকার প্রভূত সম্ভাবনা। অর্থাৎ হচ্ছে এই, শেষ বিচারের দিন (দরু কিয়ামৎ) প্রত্যেককেই (হরু কস) সে সমস্ত জীবন ধরে যা যা পাপ কর্ম, পুণ্য কর্ম করেছে এবং করে নি তারই একটি পুরো রিপোর্ট (আমলনামা বা শূধু নামা বা নাম) আপন আপন হাতে ধরে (দস্ত গীরদ্) দাঁড়াবে। আমিও নিজে (মনু নীজ) হাজির হব (হাজির মীশওম) বগলদাবায় (দরু বগলু) প্রিয়র তসবিরাট (তসবিরে জানা) নিয়ে।

'অর্থাৎ ঐ লোকাঁট সেই শেষ বিচারের সর্বমান্য পাক-পবিত্র বিচারপাতিকে বলবে, 'অন্যেরা আপন আপন কৃতকর্মের পুরো বয়ানের 'আমল-নামা' নিয়ে উপস্থিত হয়েছে, কিন্তু, হুজুর, আমার কোনো আমল-নামা নেই। তার কারণও সাতিশয় সরল। আমি সমস্ত জীবন ধরে আর-কিছু করি নি—জীবনভর শূধু আমার প্রিয়র ছবিটি এঁকেছি আর দেখেছি, দেখেছি আর এঁকেছি। সেইটিই আমার কৃতকর্মের 'আমল-নামা'। এই নিন্, হুজুর, দেখে নিন্!' তাহ বলিছিলুম, অশু-অলঙ্কার-পরা আপনার এখনকার একটি ছবি আমাকে দিন। নইলে শেষ বিচারের আদালতে জেরার চোটে আমার জেরবার হয়ে যাবে—একসিবিট নাম্বার ওয়ান এন্ড লাস্ট্ না থাকলে।'

শহুর-ইম্মার বললেন, 'আমার অল্প বয়সে আমাদের বাড়িতে প্রায়ই মৌলবী-মৌলানারা আসতেন। তখন এরকম কল্পনাতীত, অসম্ভব অসম্ভব

প্রেমের দোহা অনেকগুলো শুনোঁছি। এসবেতে অতিশয়োক্তি নিশ্চয়ই, তবু কেমন যেন মনে হয়, ঐ যুগে ওরা বোধ হয় আমাদের তুলনায় প্রেমের মূল্য দিত ঢের ঢের বেশী। আচ্ছা, সে তত্ত্ব বাদ দিয়ে আপনার বর্তমান সমস্যা সমাধানের জন্য পরামর্শ দিই; আপনি আমার ছবি আঁকুন !

আমি ভীত রুম্ব কণ্ঠে বললুম, 'আর হঠাৎ যদি 'শব্দনম্' এসে পড়ে ছবিটা দেখে? ও তো আসবে অতি অবশ্যই। ও যাবার সময় যখন বলে গিয়েছিল সে ফিরে আসছে তখন সে আসবে নিশ্চয়, দৃঢ় নিশ্চয়।'

জাচ্ছিয়াভরে শহুর-ইয়ার বললে, 'এখন এলে আপনি তাকে চিনতেই পারবেন না।'

রীতিমত তাজ্জব বনে বললুম, 'আপনার মুখে এই কথা! আপনার অনুভূতির কলিজাটা না রবিঠাকুরের কিমা-মেশিনে তুলো-পেঁজা হয়ে গিয়েছে! শব্দনমের অনন্ত তারুণ্য তো কখনো পরিবর্তিত হতে পারে না—তাকে তো আমি গর্ডেছি আমার জিগর কলিজার বিন্দু বিন্দু খুন দিয়ে এবং সে নির্মাণে বহু শত যোজন পৌঁরিয়ে এখনো পূর্ণোদ্যমে অগ্রগামী। আচ্ছা, এ যুক্তিটা না হয় বাদই দিন। ধরুন, একশ বছর পরে নিতান্ত দৈবদৃষ্টিনা বশতঃ, কিংবা কোনো ছোকরা লাইব্রেরি-এসিস্টেন্ট 'শব্দনম্' সম্বন্ধে লিখিত আমার আর পাঁচখানা নগণ্য পুস্তকের মত এই পুস্তকখানি পড়লো, নিতান্ত অনিচ্ছায়, সূক্ষ্মমাত্র বইটা ক্যাটালগের কোন কোঠে কোঠে পড়বে সেইটে ঠাহর করার জন্য। একশ বছর পরে পড়ছে বলে কি আপনার ধারণা শব্দনম্ তখন একশ বছর বয়সের জরাজীর্ণ বৃন্দা হয়ে সে ছোকরার সামনে আবির্ভূত হবে?'

রসভঙ্গ করে ড্রাইভার বিনয়নম্ন কণ্ঠে শুধলো, 'সরকার, যাবো কোথায়?'

'সাহেব যেখানে কাজ করেন।'

কাকিয়ে উঠে শহুর-ইয়ার বললে, 'ঐ রসকসহীন জায়গায় যাবার জন্য আমি এই বেশভূষা সর্বাস্ত্রে চড়ালুম! হা আমার কপাল! এ কপাল কি আর কখনো বদলাবে না? আপনার সঙ্গ পেলেও না?' আরেকটু হলে কেঁদে ফেলতো আর কি!

আমি দৃঢ় কণ্ঠে বললুম, 'আপনি আমাদের ইসলামের কিছুই জানেন না। তাহলে অবহিতচিত্তে শ্রবণ করুন একটি হদীস। জ্ঞানসম্বল এবং পুণ্যলাভ দুইই হবে। অবশ্য আমি ঘটনাটি শব্দে শব্দে টায় টায় বলতে পারবো না, কিন্তু প্রতিপাদ্য বিষয় বর্ণনে যে কোনো প্রকারে উনিশ-বিশ হবে না তার জিম্মাদারী আমি নিচ্ছি—যদিও আল্লাই সর্বশ্রেষ্ঠ সর্বস্ত (ওয়াল্লাহু আ'লম্) !'

একদা এক অভিবানান্তে আল্লার পয়গম্বর যখন তাঁর সঙ্গীসাথীসহ তাঁদের বাসভূমি মদীনা শহরে প্রত্যাবর্তন করছেন, তখন তিনি লক্ষ্য করলেন, দলের এক আরব যুবো বড় অসহিষ্ণু ভাবে তার উটকে খুঁচিয়ে খুঁচিয়ে সকলের আগে

আগে যাবার চেষ্টা করছে। আরবরা বড়ই সাম্যবাদী—এরকম অবস্থায় দলের মুরব্বীরাই যে দলের পুরোভাগে থাকবেন এমন কোনো বাঁধা-ধরা নিয়ম নেই। তৎসত্ত্বেও ঐ যুব্বাটির অসহিষ্ণুতা হজরতের চোখে পড়ল। তিনি তাঁর পাশের উট-সওয়ারকে শুনোলেন, “ব্যাপার কি? লোকটার অত তাড়া কিসের?” সে বললে, “হে আল্লার প্রেরিত পুরুষ! এ-যুব্বা অতি সম্প্রতি বিবাহ করেছে। তাই তাড়াতাড়া বাড়ি পেঁছতে চায়।” হজরৎ বললেন, “আচ্ছা, ওকে আমার কাছে একবার ডেকে নিয়ে এসো তো।” হজরতের আহ্বান শুনে যুব্বা শ্লাঘা অনুভব করে তাঁর কাছে এল। হজরৎ বললেন, “বৎস, শোনো। তুমি যদি সকলের পয়লা পয়লা উট চালিয়ে সকলের পয়লা আপন বাড়িতে পেঁছে যাও তবে খুব সম্ভব দেখতে পাবে তোমার নবাবিবার্হিতা বধু এই আর্কাস্মিক প্রত্যাবর্তনের সংবাদ জানতো না বলে বিরহিণী হয়তো তার আটপৌরে অতিশয় মামুলী বেশ-ভূষা অথক্রে অবহেলায় পরিধান করে বিষন্ন বদনে বসে আছে। সে দৃশ্য তোমার মনোপূত নাও হতে পারে, তুমি পুলাকিত নাও হতে পারো। পক্ষান্তরে তুমি যদি দলের সকলের পিছনে থাকো তবে যে-মুহূর্তে মদিনাবাসী দলের পুরোভাগ দেখতে পাবে তন্মুহূর্তেই শহরের সর্বত্র আনন্দ-দামামা বেজে উঠবে, এবং যেহেতু তুমি দলের সর্বপশ্চাতে আছ তাই বাড়ি পেঁছতে তোমার সময় লাগবে বেশী—ইতিমধ্যে তোমার বধু সেই অবসরে উত্তম প্রসাধন করে, উৎকৃষ্ট বেশ-ভূষা ধারণ করে তোমাকে প্রসন্ন অভ্যর্থনা জানাবার জন্য প্রফুল্ল বদনে তোমার জন্য অপেক্ষা করার সুযোগ পাবে।” তাই বলি, শহর-ইয়ার, আপনার সর্বোৎকৃষ্ট অলংকার, আপনার মধুরতম মৃদুহাস্য কার জন্য? অপরিচিতজনের জন্য, পথগামী জনতার জন্য—সেখানেও মনে রাখবেন রাস্তাঘাটে স্বেচ্ছায় অঙ্গপ্রত্যঙ্গ অলংকার প্রদর্শন ইসলামে নিষিদ্ধ। অতএব আপনার বেশভূষা নিশ্চয়ই অপরিচিতজনের জন্যে নয়। আপনি যখনই স্বামীর কাছে যাবেন তখন আপনার বেশভূষা হবে রাজরাণীর মত, তাঁর সঙ্গে কথা বলবেন যেন তিনিও আসমুদ্রাহিমাচল ভারতবর্ষের রাজাধিরাজ, এবং তিনিও যখন আপনার কাছে আসবেন তখন আসবেন সন্ন্যাসীর বেশে এবং আপনার সঙ্গে কথা বলবেন যেন আপনি রাজরাজেশ্বরী।

ইঠাৎ গলা নামিয়ে ঘরোয়া সুরে বললুম, ‘জানেন, শহর-ইয়ার, তাই আমার তাজ্জব লাগে যখন দেখি আমাদের মেয়েরা—কি হিন্দু কি মুসলমান—বাড়িতে ট্যানা পরে মেলছের মত স্বামীর চোখের সামনে আনাগোনা করছে, আর যত পাউডার যত অলংকার বাড়ি থেকে বেরবার সময়! যেন ঐ হতভাগা স্বামীটাই এসেছে বানের স্ফলে ভেসে।’

শহর-ইয়ার চিন্তিত হয়ে শুনোলেন, ‘আমি কি বাড়িতে সত্যি মেলছের মত থাকি।’

আমি হেসে বললুম, ‘আদপেই না। আপনি জেনে-না-জেনে সৌন্দর্ষের

এতই কদর দেন যে আপনার পক্ষে অসুন্দর বেশ পরা অসম্ভব, অসুন্দর আচরণ অসম্ভব, অসুন্দর—’

‘ব্যস্, ব্যস্, হয়েছে। কিন্তু বাড়িতে সাজতেগুজতে কি রকম যেন শরম শরম লাগে। লোকে কি ভাবেবে?’

আমি প্রায় হৃৎকার দিয়ে বললুম, ‘আমার যত রাগ তো ঠিক ঐখানেই। ‘লোক’ বলতে আপনি কাদের মীন করছেন? চাকর-বাকর এবং যে দু’একটা উটকো লোক যারা বিন্-নোটিশে কাজে-অকাজে বাড়িতে আসে। আমার প্রশ্ন, আপনি তাদের বিয়ে করেছেন, না ডাক্তারকে? তারা কি ভালো, আপসে কি বলাবলি করলো তাতে কি যায় আসে? আচ্ছা, এখন তবে এ আলোচনা আজ থাক্। আমরা মোকামে পৌঁছে গিয়েছি? আপনি ড্রাইভারকে বলুন না, সে যেন ডাক্তারকে গিয়ে বলে আমি গাড়িতে তাঁর জন্য অপেক্ষা করছি।’ ড্রাইভার চলে গেলে বললুম, ‘এইবারে দেখি, আমার সোনার চাঁদটি কি করেন। শহুর্-ইয়ার, আমিও একদা রিসার্চ করছি এবং কেউ এসে এভাবে উপাত্ত করলে বস্ত্রই বিরক্ত হয়েছি। কিন্তু আমার আপনার অভিজ্ঞতা থেকেই বলাছি, সেটা পাঁচ-সাত মিনিটের ভিতরই অন্তর্ধান করে। বিশেষ করে যারা ডিস্টার্ব করলো তারা যদি তার আপন জন হয়—যাদের সঙ্গলাভে সে আনন্দ পায়। দু’ পাঁচ মিনিট তাদের সঙ্গে কথা বলতে না বলতেই রিসার্চের ভানুমতী কেটে যায়।’

জোর পাঁচ মিনিট, দেখি ডাক্তার টাট্, ঘোড়ার মত ছুটে আসছেন। শহুর্-ইয়ারকে দেখে সামান্য বিস্মিত হলেন বটে কিন্তু তাঁর নিজের ভিতরকার কী এক উত্তেজনা সব-কিছু ছাপিয়ে যেন উপচ পড়ছে। মেশিনগানের চাইতেও দ্রুততর বেগে আমাকে বলে যেতে লাগলেন, ‘ওঃ! আমার কিস্মৎটা আজ সত্যই বড় ভালো, বড়ই ভালো। এই দশ মিনিট আগে আমি আপনাদের ফোন করে পেলুম না। মহা বিপদে পড়লুম, করি কি? হয়েছে কি জানেন, আমার এক ভেরি ডিয়ার ফ্রেন্ড বউকে নিয়ে দিল্লী থেকে এসেছে। কাল ভোরের পেলনে ফের দিল্লী চলে যাবে। আপনাকে সে চেনে, দিল্লীতে আপনার লেকচার শুনছে, দু’একবার আপনার সঙ্গে সামান্য কথাবার্তাও বলেছে। আপনার গ্রেট এড্‌মায়ারার। আর তার বউ যখন এসেছে তখন শহুর্-ইয়ারকে নিয়ে যেতে হয়, নইলে বড় অভদ্রতা হয়। দিল্লীর খানদানী ঘরের ছেলে—ভাববে কলকাতার লোক তম্বীজ তহজীব কিছই জানে না। আপনারা এসে আমায় বাঁচালেন। চলুন, চলুন, আর দাঁর না। আমি ওকে কথা দিয়েছি, আপনাদের নিয়ে গ্রেট ঈস্টানে সাতটা সাড়ে সাতটার ভিতর পৌঁছব! আঃ। বাঁচলুম, আল্লার কী মেহেরবানী।’

আমি বললুম, ‘এত নমাজ রোজা করার পর আল্লা আপনাকে মেহেরবানী

দেখাবে না তো দেখাবে কাকে ?' ওঁদিকে গ্যাড়ির ভিতরকার আলো-অন্ধকারে না দেখেও যেন গাঢ় অন্ধকারেই বিদ্যালেখার মত উজ্জ্বলতম জ্যোতিতে দেখলুম. শহর-ইয়ারের গ্রেট ঈস্টানে বাবার উৎসাহ ফ্রীজিং পয়েন্টেরও নিচে ; আমারও তখনও । কিন্তু উপায় কি ? ডাক্তারের বাবলিং সফেন উত্তেজনা, তার অবিমিশ্র আনন্দ বরবাদ করতে পারে নিতান্ত পাষণ্ড জন । তদুপরি বেচারী ডাক্তার তো বারো আস শুমু লেবরেটরি আর বাড়ি, এরই ভিতর মাকু চালায় । করুক না বেচারী একটুখানি ফুটি ! আমরা দু'জনা না হয় সারেঙ্গী তবলার সঙ্গতই দেব ।

হোটেলের সব ক'জন রেসেপসনিস্ট এরকম লম্ফ দিয়ে উঠে ডাক্তারকে অতথানি সসম্ভ্রম অভ্যর্থনা জানায় কেন—ডাক্তার তো এখানে আসে অতিশয় কালেভদ্রে ? লিফটের দিকে যেতে যেতে অনুমান করলুম, ডাক্তারের বাপ ঠাকুর্দা এঁরা কলকাতার প্রাচীন খানদানী বিস্তালালী লোক ; এ হোটেল আসুন আর নাই আসুন এরকম একটা হোটেল নিশ্চয়ই কোনো না কোনো সময়ে এঁদের আনুকূলা পেয়েছে ।

শহর-ইয়ার ও আমি দু'জনাই চুপ । ডাক্তার কিন্তু সেটা আদৌ লক্ষ্য করে নি । এমনিতে মুখচোরা, লাজুক—এখন,—এখন কেন, যবে থেকে আমাদের সঙ্গে দেখা সেই থেকে অনর্গল কথা বলে যাচ্ছে । অনুমান করলুম. দিল্লী-আগত জনের সঙ্গে একদা নিশ্চয়ই বন্ধুত্ব তার সুগভীর ছিল । নইলে এত উৎসাহ, এত উত্তেজনা !

ভালো. বড় ঘরই পেয়েছেন দিল্লীর মেহমানশ্বর ।

ভদ্রলোকের পরনে অতি দামী কাপড়ের অত্যুত্তম দাঁজের হাতে বানানো সূট । শার্ট, টাই একটু যেন বেশী আত্মপ্রকাশ করছে । সুপুরুষ না হলেও ভদ্র চেহারা । আর অতিথিকে অভ্যর্থনা জানিয়ে তার আরামের ব্যবস্থা করতে দিল্লীর লোক পাকা, এটিকেট-দুরুস্ত ।

ম্যাডামটি কিন্তু কনট সার্কলের খাঁটি চক্রবর্তিনীদের একজন । সর্বপ্রথমই চোখে পড়ে এঁর ব্লাউজটি । সেটির নাম ব্লাউজ দেব, না কাঁচুলির সংক্ষিপ্ত সংস্করণ বলে উল্লেখ করবো ? এই পেট-কাটা ব্লাউজ যে তাঁর শরীরের উত্তমার্ধ আচ্ছাদিত করার জন্য নির্মিত হয় নি সেটা দেখামাত্রই বোঝা যায় । সেটা যেন সে চিৎকার করে প্রচার করছে । আমরা ঘরে ঢোকায় সময় তিনি তাঁর শাড়ির ক্ষুদ্রতম অণুলাংশ একবারের তরে তাঁর কাঁধে আলতো ভাবে রেখেছিলেন । আমরা ভালো করে আগন নেবার পূর্বেই সেটি স্থানচ্যুত হয়ে উরুতে স্তূপীকৃত হলো । এর পর সেটি আর প্রমোটেড হয় নি । আমি ভাবলুম, শাড়ি ছেড়ে ইনি রাজপুতানীদের মত ঘাঘরা পরলে তো অনেকখানি কাপড়ের সাশ্রয় হয় । কিন্তু এহ বাহ্য । আসলে দেখতে হয় তাঁর মেক আপ । এরকম চুলের ঢপ

আমি ইতিপূর্বে কখনো দেখি নি—খুব সম্ভব প্যারিসের ফ্যাশান পত্রিকা দেখে দেখে হেয়ার ড্রেসার তাঁর মাথার উপরকার ঐ তাজমহলটি নির্মাণ করেছে। ঠোঁটে যে রঙ মেখেছেন সেটা লাল তো নিশ্চয়ই নয়, হয়তো রোনঞ্জ বলা যেতে পারে। নখের রঙ অলিভ গ্রীন। কিন্তু সংস্কৃত কবিগুলোর মত আমি যদি তাঁর দেহ এবং প্রসাধন এগুলো দফে দফে বর্ণাতে যাই তবে সব প্রথমই আমাকে বৎসরার্থিক কাল তাঁর প্রসাধন নির্মাণে যে-সব গুঢ় রহস্যাবৃত রসায়নাদি সাহায্য করেছে তাদের নিয়ে একাগ্রমনে গবেষণা করতে হবে। ঐতিহাসিক ঔপন্যাসিকগণ অবহেলে থার্মোমিটার দিয়ে শরশয্যায় শায়িত ভীমের টেম্পারেচার অজুর্নকে দিয়ে নিতে পারেন, কিন্তু এযুগের বর্ণনাতে আমি হার নম্বর নিয়ে গুবলেট করলে কেউ তো আমায় ছেড়ে কথা কইবে না।

হোস্টেলের সিঁড়ি দিয়ে ঔঠবার সময় একবার সামান্য একটু মোকা পেয়ে শহুর্-ইয়ার ফিস ফিস করে আমাকে বলেছিল, 'আপনার জন্যই আজ আমার এই লাঞ্ছনা। এরা ভাববে আমি মারোয়াড়ীদের মত আমার গয়নার দৈম্যক করতে এসেছি।' আমি বললাম, 'কিন্তু ডাক্তার তো আপনার এই অ্যাকসিডেন্টাল গয়না পরা দেখে খুশী হয়েছেন। তাঁর বন্ধুর কাছে বউকে তো আর বিধবার বেশে নিয়ে যেতে পারেন না।'

আমরা কেউ ড্রিঙ্ক করি না শুনে মহফিলের পয়লা রাগিণীটিই সামান্য কম-সুরা হয়ে শুরুর হলো। দিল্লী নগরীর মনসুর মুহাম্মদ সাহেব বিড়ি বিড়ি করে যা বললেন তার মোটামুটি অর্থ, বিংশ শতাব্দীর সঙ্গে মানিয়ে চলতে হলে তেরোশ বছরের প্রাচীন বিধি-বিধান একটু-আধটু, এঁদিক-ওঁদিক উনিশ-বিশ করতে হয়। বেগম মনসুর এক ঢৌক শেরি গিলে মাথা নেড়ে সাহা দিলেন। ডাক্তার তেরোশ বছরের পূর্না কান্দায় এখনো নমাজ পড়েন, উপোস করেন; তবু তিনি কোনো আপত্তি জানালেন না। ওঁদিকে এ বাবদে উদাসীন শহুর্-ইয়ারের মুখ দেখি লাল হয়ে উঠেছে।

তারপর বিশেষ কোনো সূত্র ধরে বাক্যালাপ এগলো না। আমরা যাকে বলি আশকথা পাশকথা। কথার ফাঁকে ফাঁকে মালুম হলো, মনসুর সাহেব একদা এই কলকাতার কারমাইকেল হস্টেলে বাসা বেঁধে বছর দু'দুই পড়াশুনা করেছিলেন এবং সে সময়ে ডাক্তারের সঙ্গে দোস্তী হয়। আমার তাই মনে হচ্ছিল, শ্রেষ্ঠতম ব্যবস্থা হতো যদি দুই ইয়ারের 'দোকলা-দোকাল' বসে, দুহুঁ দুহুঁ কুহুঁ কুহুঁ করতেন—শহুর্-ইয়ার আর আমার তো কথাই নেই, মাদাম মনসুর পর্যন্ত দ্য এ—ওয়ান টু মেনি। অর্থাৎ সাকুল্যে ত্রী টু মেনি।

মনসুর এবং তাঁর বীবি মাঝেমাঝে যে দু'একটি ইংরিজি কথা কইলেন সেগুলো শুম্ব এবং ভাল উচ্চারণে, অথচ কেন যে তাঁরা অধিকাংশ সময়ই উদুর্ চালিলে যেতে লাগলেন সেটা বঝতে পারলাম না। ওঁরা তো স্পষ্ট দেখতে

পাচ্ছেন ডাক্তারের যা উদ্বুদ্ধ জ্ঞান সেটা দিয়ে বহুৎ ব-তকলীফ্ ব-মুশাকিল কাজ চালানো যায় কি না যায় সে নিয়ে সন্দেহের অবকাশ আছে, আমার ভাঙা-চোরা উদ্বুদ্ধ আমি সভাস্থলে পেশ না করে, যে কটি বাক্য বলেছি সে সবই ইংরিজিতে এবং শহর-ইয়ার যে উদ্বুদ্ধর প্রতি পরিপূর্ণ ওদাসীন্য দেখিয়ে এ পর্যন্ত তার জীবন কাটিয়ে দিয়েছে সেটা আমি পরিষ্কার বঝতে পেরেছিলাম তার সঙ্গে বোলপুর থেকে কলকাতা একসঙ্গে আসার সময়। কি মুটে, কি চা-ওলা, কি রেস্টোরাঁ-বয় কারো সঙ্গে সে ভুলেও বিশুদ্ধ বাঙলা ছাড়া অন্য কোনো ভাষার সাহায্য নেবার প্রয়োজন বোধ করে নি। এস্থলেও সে ব্যত্যয় করে নি, তবে বাঙলা না বলে বলেছে ইংরিজি—অবশ্য মুখ খুলেছে সামান্য দু'একবার মাত্র। এসব দেখে শুনেও দেবা-দেবী দু'জনা যে উদ্বুদ্ধ কপচাচ্ছিলেন তাঁর থেকে যে কোনো লোকের মনে সন্দেহ জাগা নিতান্ত খামখেয়ালী নগ্ন যে, এঁরা যেন একান্তই 'উদ্বুদ্ধ আনজুমনের' মিশনারিরূপে এই 'বর্বর' বাঙলা দেশে 'বিসুদ্ধ' উদ্বুদ্ধ ফলাতে এসেছেন!

এ-অভিজ্ঞতা আমার একাধিকবার ইতিপূর্বেও হয়েছে। উত্তরপ্রদেশ তথা দিল্লীবাসিন্দা কলকাতার মুসলমানদের মাঝখানে বসে উদ্বুদ্ধ তড়পাবার সময় ভাবখানা করেন যে ওনারাই একমাত্র 'খানদানী মনিষ্য', খাস বেহেশতে জিন্নাইল গররহ দেবদুতরা উদ্বুদ্ধতেই বাণিচং করেন—অবশ্য তাঁরা সকলেই বাল্যকালে মনুষ্যরূপ ধারণ করে নিদেন বছর দশ দিল্লী-লক্ষ্মণায় উদ্বুদ্ধটা রপ্ত করে যান। উত্তরপ্রদেশ দিল্লীর উদ্বুদ্ধ ওলাদের এই হম্-বড়াইর জন্ম অবশ্য বেশ-কিছুটা দায়ী কলকাতার মুসলমানই। সে-বেচারী হিন্দু-প্রধান কলকাতায়—যেখানে উদ্বুদ্ধসহ আগত মুসলমান কণেক পায় না—তার জাতভাইকে যতখানি পারে সৌজন্য দেখাতে চায় এবং তার চেয়েও বড় কথা, তার মনের কোণে আছে উদ্বুদ্ধর প্রতি একটা সপ্রশংস মোহ। কিন্তু তার অর্থ অবশ্য নিশ্চয়ই এ নয় যে, সে তার মাইকেল-কবি-কাজী নিয়ে গর্ব অনুভব করে না। সে-রকম কোনো বাগ-বিতণ্ডা উপস্থিত হলে সে ওঁদের জন্য জোর লড়াই দেয়। তবে লক্ষ্য করোঁছি, উদ্বুদ্ধ ওলারা এ রকম তর্ক-যুদ্ধে প্রবৃত্ত হতে চান না; তাঁদের ভিতর যারা চালাক তাঁরা অতীত অভিজ্ঞতা থেকে জানেন, বরণ কলকাতাই মুসলমান কিছ্নু কিছ্নু গালিব ইক্বাল পড়েছে, এঁরা টেগোরের নাম শুনেনেছেন—বাদবাকি ব্রাহ্মণ।

দুর্ভাগ্যক্রমে ডাক্তারের বন্ধু তাঁর উদ্বুদ্ধর ঝাংজা ব্যোমলোকের এমনই উচ্চ থেকে উচ্চতর স্তরে হয়েস্ট করতে লাগলেন যে, আমার তো ভয় হলো ওটা না এভারেস্টের চূড়ো ছাড়িয়ে বেহেশতের 'লস্ট এন্ড ফাউন্ড' দফতরে গিয়ে পৌঁছয়! ডাক্তার নিরীহ মানুষ—হুঁ হুঁ করে যাচ্ছিলেন সঙ্গে সঙ্গে। শহর-ইয়ারের মুখে কোনো পরিবর্তন লক্ষ্য করলাম না। আর আমি যে অনারোগ্য, গোরস্তানগমনোৎসাহী কাঠন ব্যাধিতে কাতর তারই নিষ্পেষণে 'নিশ্চুপ'—

সে ব্যামোর নাম 'সুপেরিয়ারিটি কম্পেক্‌স্‌'। আমি আমার মাতৃভাষা নিয়ে এমনই শশবাক্ত যে অন্য ভাষা তার চেয়ে উচ্চ পর্যায়ের কি না সে চিন্তা আমার পুরনু নিকেট খুলিটা ছিদ্র করে ভিতরে ঢুকতে পারে না।

কথায় কথায় মনসুর সাহেব বললেন, উর্দুর প্রচার ও প্রসারের জন্য কলকাতা মাদ্রাসায় ব্যাপকতর ব্যবস্থা করা উচিত যাতে করে তাবৎ কলকাতার মুসলমান ছেলেমেয়ে সেখানে গিয়ে উর্দু শিখতে পারে।

আশ্চর্য! এতক্ষণ যে শহরু-ইয়ার বিলকুল চুপসে বসে আড়াই ফোঁটা নিম্বু-পানি চোষাতে সব চৈতন্য নিয়োজিত করে সময় কাটাচ্ছিল সে হঠাৎ বলে বসলো, 'কলকাতা মাদ্রাসা ইসলাম ধর্মশাস্ত্রের চর্চা করে; কুরান, হদীস, ফিকাহ এবং তৎসংশ্লিষ্ট বিষয়াদি। সেগুলো এ টু জেড আররীতে। তাই সেখানে আরবী ভাষা শেখানো হয় এবং নিতান্তই যখন সাহিত্যও ব্যতিরেকে ভাষা শেখানো যায় না তাই কিছুটা আরবী সাহিত্যও শেখায়। ফাসী শেখায় অতিশয় নগণ্য পরিমাণে এবং গভীর অনিচ্ছায়—তার কারণ ফাসী সাতশ বছর ধরে এদেশের রাষ্ট্রভাষা ও বিদগ্ধ জনের ভাষা ছিল বলে সেটা চট করে ঝেড়ে ফেলা যায় না। যে সব কাচ্চাবাচ্চাদের মাতৃভাষা উর্দু, তাদের হয়তো ষৎসামান্য উর্দুও শেখায়। কিন্তু মাদ্রাসার একমাত্র ও সর্বপ্রধান কর্ম হচ্ছে ইসলামশাস্ত্র চর্চা, ইসলামিক থিয়োলজি। সে হঠাৎ 'ব্যাপকভাবে'—এবং নিতান্ত মিনিমাম প্রয়োজনের বাড়া যে কোনো ভাবে উর্দু পড়াবার ব্যবস্থা করবে কেন?'

বিস্ময়ে আমি হতচৈতন্য! ঠাকুরদার নাম স্মরণ করতে পারছি নে!

কিন্তু মোক্ষম তাজ্জব মেনেছেন 'মৌলানা' মনসুর।

বাজারে যতখানি গাম্ভীর্য সৈদিন বেচা হিচ্ছিল তার সাকুল্যে স্টক কিনে, সব মুখে মেখে বললেন, 'উর্দু ভাষা ও সাহিত্য এদেশে ইসলামের প্রতিভু!'

শহরু-ইয়ার বিস্ময় প্রকাশ করে বললো, 'তাই নাকি? তা হলে বিবেচনা করি, প্রত্যেক মুসলিমের যেটা প্রথম কর্তব্য—অর্থাৎ ইসলাম-ধর্ম-তত্ত্ব-শিক্ষা, সে সম্বন্ধে কি উর্দুতে ভূরি ভূরি কেতাবপত্র রয়েছে? কিন্তু আমি তো শুনোঁছি—অবশ্য আমার সংবাদদাতা ভুল করে থাকতে পারেন—আপনারা কুরান শরীফের উর্দু অনুবাদ ছাপিয়েছেন মাত্র পঞ্চাশ-ষাট বৎসর পূর্বে; তারও ত্রিশ বৎসর পূর্বে হিন্দু গিরিশবাবু বাঙলাতে কুরান অনুবাদ ছাপিয়েছিলেন।'

তাঁর কথা শেষ হওয়ার পূর্বেই মনসুর বললেন, 'আরবীর সঙ্গে উর্দুর ঘনিষ্ঠ সম্পর্ক!'

আমি জানি শহরু-ইয়ার আগের পয়েন্টে আরো অনেক-কিছু বলতে পারতেন, কিন্তু প্রতিপক্ষ যখন 'ভিন্ন রণাঙ্গনে' চলে গেলেন তখন শহরু-ইয়ার সঙ্গে সঙ্গে সেখানে উপস্থিত। বললেন, 'সে আবার কি করে হলো? আরবী ভাষা হিব্রুর মত সেমেটিক; উর্দু ভাষা বাঙলারই মত আর্ষ-গোষ্ঠীর ভাষা।

সম্বন্ধটা নিবিড়তর হলো কি করে ?'

মনসূরের মুখ ক্রমেই লাল হতে আরো লাল হচ্ছে। ডাক্তার নীরব, কিন্তু ঈষৎ অপ্রতিভ। মাদাম মনসূর পানপ্রসাদাৎ ইতিমধ্যেই ঈষৎ বে-এখতেয়ার। আমি চুপ। কারণ শহর-ইয়ার তার তলওয়ার চালাচ্ছে পাকা গুল্লাদের মত। তার মুখে রিস্তভর উত্তেজনা নেই।

মনসূর বললেন, 'উদূর তার শব্দসম্পদ আহরণ করে আরবী থেকে।'

শহর-ইয়ার বললেন, 'So what? উদূর কেন, বাঙলার তুলনায়ও ইন্দোনেশিয়া এবং মালয়ের ভাষা নিয়েছে অতি সামান্য পরিমাণ আরবী শব্দ এবং ওগুলো যে আরবীর মত সেমেটিক গোষ্ঠীর ভাষা নয় সেও তো জানা কথা। কিন্তু ইন্দোনেশিয়ারা যে রকম ইসলামী ঝাড়া খাড়া করেছে, পেরেছে সে-রকম এদেশের উদূরওলারা? আমি তো শুনতে পাই, দিল্লী আগ্রা লক্ষ্মী এলাহাবাদের স্কুলে স্কুলে উদূর সরিয়ে হিন্দী শেখানো হচ্ছে। উদূরওলারা কী লড়াই দিচ্ছেন তার বিরুদ্ধে? 'আকাশবাণী' স্বরাজের পর থেকে আর উদূরতে নিউজ বুলেটিন দেয় না, শুনছি শিগগীরই দেবে। তবে সেটা পণ্ডিতজীর চাপে। আপনাদের আন্দোলনের ফলে নয়।'

মনসূর ফেটে যাওয়ার উপক্রম। বললেন, 'আমরা পাকিস্তান নির্মাণ করছি।'

এই প্রথম শহর-ইয়ারের কণ্ঠ ঈষৎ ব্যঙ্গের পরশ লাগলো। বললো, 'তাই নাকি? আমি তো শুনছি বাঙলার মুসলমান—যাদের অধিকাংশ এখন পূর্ব পাকিস্তানে বাস করে, এবং সংখ্যায় পশ্চিম পাকিস্তানীদের চেয়ে বেশী তাদেরই ক্রেডিট বেশী। তা উদূর যদি এতই ইসলামী ভাষা হবে, তবে পূর্ব পাকিস্তানীরা উদূরকে তাদের অঙ্গলে রাষ্ট্রভাষা করছে না কেন? শুনছি, তাদের মাতৃভাষা বাঙলার জন্য লড়তে গিয়ে কেউ কেউ প্রাণ দেওয়াতে 'শহীদ'রূপে আজও পরিচিত হচ্ছে। আর পশ্চিম পাকিস্তানেই বা উদূর কোথায়? দিল্লীর বলে সিংধী ভাষা, বেলুচরা বেলুচী, পাঠানরা পশতু—রইল বাকি পাজাব। তারা তো বলে পাজাবী, শেখে উদূর। কিন্তু ইতিমধ্যেই তো সেখানে আন্দোলন শুরু হয়ে গিয়েছে, পাজাবী কথ্যভাষা, শিক্ষাদীক্ষার মাধ্যম করার জন্য সেটাকে লিখিত রূপ দিয়ে অন্যতম রাষ্ট্রভাষার ইচ্ছা দেওয়া। এ-জাতীয় সম্মান পাজাবী কথ্যভাষা তো আগেও পেয়েছে। গুরু নানকের 'গ্রন্থসাহেব' তো পাজাবী কথ্যভাষায় রচিত। কিন্তু এসব বিবরণ থাক্—আমি পশ্চিম পাকিস্তান সম্বন্ধে যথেষ্ট ওয়াকিবহাল নই। কিন্তু এ সম্পর্কে আমার একটি শেষ নিবেদন আছে। আপনি বললেন, আপনারা, অর্থাৎ উদূরভাষীরা পাকিস্তান নির্মাণ করেছেন। উত্তম প্রস্তাব। আজকের দিনের পাকিস্তানীরা যে কায়দে-ই-আজম মরহুম মুহম্মদ আলী জিন্নাহ সাহেবকে তাদের 'জাতির পিতা' বলে

সর্বোচ্চ সম্মান দেয়, তাঁর মাতৃভাষা কি উদ্দু ছিল ?'

মনসূর চূপ করে রইলেন। তর্ক যে আরও চালাতে পারতেন না তা নয়। কারণ যুক্তির অভাবই যদি তর্কের সমাপ্তি ঘটাবার কারণ হতো, তবে পৃথিবীর শতকরা নিরানব্বই ভাগ এই মুহূর্তেই মুখ বন্ধ করে গোরের নীরবতার আশ্রয় নিত।

ডাক্তার কি একটা বলতে যাচ্ছিলেন এমন সময় মনসূর বললেন, 'বাঙলা হিন্দু ভাষা—তার প্রভাব বাঙালী মুসলমানকে হিন্দু-মনোবৃত্তির দাস করে দেয়।'

'দাস' কথাটা বোধ হয় শহূর্-ইয়ারকে বলদের সামনে লাল পতাকা দেখানোর মত হলো। স্পষ্ট দেখলুম, তার মুখে সামান্যতম কাঠিন্য দেখা গেল। তার পরিমাণ এতই সামান্য যে শুধু আমিই সেটা লক্ষ্য করলুম। কারণ এতদিন ধরে তাঁর নয়নে বদনে বহু ভাবের খেলা আমি দেখেছি। বেশীর ভাগ সময় তার মুখ শান্ত। ভদ্র পরিবারের বধূর মত। কিন্তু সামান্যতম রসের সন্ধান পেলেই মূর্চ্ছিক হাঙ্গে কিংবা খলখলিয়ে। বিষয়, চিন্তিত, বিহবল আরো বহু ভাবের খেলা তার চোখেমুখে আমি দেখেছি, কিন্তু ঐ ভদ্রবধূর শান্তিমাখা মুখে সব চেয়ে বেশী দেখেছি তার রহস্য-ভরা আঁখি। কাঠিন্যতা কখনো দেখি নি।

বললে, 'বাঙলার শ্রেষ্ঠ ধর্ম-সঙ্গীত টেগোরের। সেগুলোতে হনুমানজী, রামচন্দ্রজী কেউই নেই। আছেন যিনি, তিনি সূফীদের অল্-হক্, অল-জমীল—টুথ এন্ড বিউটি। আপনি যখন এদেশে বাঙালী হস্টেলে বাঙালী-মুসলমানদের ভিতর তিন বছর বাস করে বিস্তর বাঙলা শুনছেন, তখন আশা করতে পারি এসব টেগোর-সং-এর কিছু কিছু সে যুগে আপনার কানে পৌঁচেছিল এবং তার কাণ্ডে রসগ্রহণ করতে সক্ষম হয়েছিলেন—বাঙালী বন্ধুবান্ধবদের শূন্যে অতত মোটামুটি অর্থটা জেনে নিয়েছিলেন।'

যেন গৌরীশঙ্করের চুড়ো থেকে গুরুগম্ভীর ঐশী বাণী নেমে এল :

'না, বাঙলা শেখার কোনো জরুরং আমার ছিল না।'

শহূর্-ইয়ার হঠাৎ কি রকম যেন বদলে গিয়ে একেবারে ভিন্ন কণ্ঠে বললে, 'সে তো ঠিকই করেছেন। এদেশে কত ইংরেজ বক্‌স্‌ওলা দশ-বিশ বছর কাটিয়ে যায়, এক বর্ণ বাঙলা না শিখে। আপনারই বা কী জরুরং।'

'বক্‌স্‌ওলা' কথাটা আমি স্বরাজ্যলাভের পর আদৌ শুনিনি। ইংরেজ চাকুরে সির্ভিলিয়ান 'স্নব'রা চা-বাগিচার অশিক্ষিত—এমন কি বর্ষর বললেও অত্যাঙ্ক হয় না—সাবেবদের এই বিদ্রূপসূচক নাম দিয়েছিল—চায়ের পেটি বা 'বক্‌স্‌' নিয়ে তাদের কারবার করতে হয় বলে। মনসূর সাহেব হয়তো কথাটা পূর্বে কখনো শোনেন নি তাই অর্থটা ধরতে পারেন নি। জিজ্ঞেস করলেন, 'বক্‌স্‌ওলা কি?'

শহর-ইয়ার যেন প্রশ্নটা শুনতেই পায় নি এ রকম ভাব করে মিসিস মনসুরের দিকে ঝুঁকি দরদভরা কণ্ঠে কি যেন শোধলো ।

তর্ক ধেমি গেছে কিন্তু তবু মনসুর থামতে চান না । তিনি উদ্বাস সাহিত্যের ঐশ্বর্য ও প্রসাদগুণ সম্বন্ধে দীর্ঘ বক্তৃতা দিয়ে চললেন । তার অধিকাংশই খাঁটি সত্য কথা, কিন্তু বলার ভঙ্গীতে ভঙ্গীতে কেমন যেন একটা কক'শ কক'শ ইঙ্গিত, 'তোমার বাঙলায় এ রকম আছে ?' এঁ গোছ । কিন্তু শহর-ইয়ার সেই যে মুখ বন্ধ করেছিল আর একবারের তরেও খুললো না । এই অবস্থার বর্ণনা দিতে গিয়ে ইরাণীরা বলেন, 'তখন আলোচনার কাপেট রোল করে তুলে নিজে খাড়া করে একপাশে রেখে দেওয়া হলো ।' উপস্থিত তারও বাড়া কিছু যেন চোখের সামনে দেখতে পেলুম । যেই শহর-ইয়ার সামান্যতম আভাস পেল যে দ্রব্যগুণেই হোক আর যে কোন কারণেই হোক মনসুর আবার সেই কাপেটটা গড়গাড়িয়ে খুলতে চান, ধুরন্ধরী সঙ্গে সঙ্গে এক লম্ফ যেন টাইট হয়ে গিয়ে বসলো সেই রোল করা কাপেটটার উপর ।

আল্লায় মালুম, মনসুর সাহেবের লেকচার কখন শেষ হবে । আমার প্রিয় বাম্বব ডাক্তার সাহেব আবার কারো কথা মাঝখানে কেটে দিয়ে আপন কথা বলতে একবারেই অসমর্থ ! ওঁদিকে আমি যেন আমার ষষ্ঠেন্দ্রিয় দিয়ে একটা দুর্গন্ধ পেলুম যে ডাক্তারের ইচ্ছে আমাদের সকলকে বাইরে কোনো মোগলাই রেস্টোরাঁতে খাওয়াতে চান এবং এখানে আসবার সময় সেটা বলতে ভুলে গেছেন । সর্বনাশ ! তা হলেই হয়েছে ! কী করি. কী করি ! মনে পড়লো, ইন্স্কুলের পণ্ডিত মশাই আমাকে একদিন বলেছিলেন, 'সাহিত্যিক হতে হলে যে কাঁট গুণের প্রয়োজন. যেমন ভাষার উপর দখল. কল্পনার্শক্তি এবং আরো বহুবিধ কলাকৌশল তার মাত্র একটি তোর আছে—নিজ'লা মিত্যে বলার নিল'ঙ্ক চতুরতা । জয় গুরু, জয় গুরু ! তোমার মাহিমা অপার । তোমাকে স্মরণ করা মাত্রই অজ্ঞান-তিমির-অন্ধকার দূরীভূত হয়ে গেল : সম্মুখে দেখি দিব্য জ্যোতি, সত্য জ্যোতি ।

যেই মনসুর সাহেব দিতে গেছেন গেলাসে আরেকটি চুমুক অর্মান আমি সবাইকে না শুনিয়ে আবার শুনিয়েও শহর-ইয়ারকে বললুম, 'আমি তা হলে উঠি । আপনি বাবুর্চ'কে বলে এসেছেন তো কি ভাবে আমার পথিটা তৈরী করবে ?' তার পর লজ্জায় কাচুমাচু হয়ে মনসুর সাহেব'ক বললুম, 'আপনার বন্ধু ডাক্তার সাহেবের আপন হাতের চাঁকৎসার জন্যই আমার মফঃস্বল থেকে শহরে আসা । পাছে অপথ্য কুপথ্য কারি তাই আমাকে প্রায় তালাবন্ধ করে রেখেছেন আপন বাড়িতে, হে' হে' হে' হে' । আপনার সঙ্গে আবার পরিচয় হওয়ায় বড় আনন্দ হলো, হে' হে' ।' ডাক্তার গোবেচারা ফ্যালফ্যাল করে আমার মুখের দিকে তাকালে । শহর-ইয়ার আমার কথা শেষ হওয়ার বহু পূর্বেই আমার

মতলবটা ভালো করেই বুঝে নিয়েছে—আমি নিঃসন্দেহ, স্বেও এখান থেকে পালাবার পথ খুঁজছিলাম, কিন্তু বেচারী মেয়েছেলে হলেও না পারে অশিক্ষিত পটুকের অভিনয় করতে, না পারে নিজেরা মিছে কথা কইতে। এবারে আমি একটা পথ করে দেওয়া মাত্রই সে চেয়ার ছেড়ে এমন ভাবে ঘাড় নাড়ালে যে তার থেকে এও হয় ওও হয়। ডাক্তার বিশেষ মনঃক্ষুণ্ণ হলেন বলে মনে হলো না—কারো কোনো ইচ্ছাতে বাধা দেওয়া তার খাতেই নেই। এ রকম মহামানব সংসারে বড়ই বিরল।

বিশ্বর শেকহায়াড, খুদা হাফিজ, ফী আমানিল্লাহ, ব' ভগ্নাইয়াজ বলার পর শহু-ইয়ার শখু মনসুর সাহেবকে দুটি অনুরোধ জানালে, আসছেবার কলকাতায় এলে যেন তাঁদের ওখানে ওঠেন এবং আজ রাত্রে মত যেন ডাক্তারকে একটু তাড়াতাড়ি ছেড়ে দেন। মাদাম মনসুরকে শহু-ইয়ার এ অনুরোধ আগেই জানিয়ে রেখেছিলেন।

ঘর থেকে বেরিয়ে কারিডরে পৌঁছনো মাত্রই শহু-ইয়ার গান ধরলো, আর বেশ উচ্চকণ্ঠেই, অবশ্য এ সময় কেউ যদি আদপেই কাছে-পিঠে থাকে তবে সে সে-রকের বেয়ারা—

‘হাটের ধূলা সল্ল না যে আর, কাতর করে প্রাণ।

তোমার সুরসুরধুনীর ধারায় করায় আমার স্নান।’

জাট

ড্রাইভার শুবোলে, ‘কোথায় যাবো, আশ্মা?’

শহু-ইয়ার ক্ষণমাত্র চিন্তা না করে বললে, ‘বেহেশৎ কিংবা দোজখু—যেটা। এ জায়গা থেকে বেশী দূরে।

বেচারী ড্রাইভার বুঝতে পারে নি। আমি বললুম, ‘উপস্থিত গঙ্গা-পারে চলো। পরে দেখা যাবে।’

একটা জায়গায় ভিড় সামান্য কম। আমি বললুম, ‘শহু-ইয়ার, এখানে ঐ গাছতলায় একটু বসবেন?’

বললে, ‘নিশ্চয়ই বসব, একটুখানি তাজা হাওয়া বুকের ভিতর ভরে নি। গ্রেট ষ্ট্রিটান’ তবু পদে আছে, অন্য হোটেলগুলোতে যেন আমার দম বন্ধ হয়ে আসে। গঙ্গার হাওয়া গঙ্গাজলের চেয়ে ঢের ভালো। তাই হিন্দুরা গঙ্গাস্নানের পরিতোষে এখন গঙ্গার হাওয়া খেয়ে পাপমুক্ত হয়। এ হাওয়ার বহু গুণ। সন্ধ্যে সন্ধ্যে প্রথম আবৃত্তি করলো,

‘নমো নমো নমো সন্দরী মম জননী বঙ্গভূমি!

গঙ্গার তীর, স্নানসমীর, জীবন জুড়ালে তুমি।’

তারপর গান ধরলো, 'হাওয়াল হাওয়াল করোছি যে দান—

তোমার হাওয়াল হাওয়াল করোছি যে দান—'

হঠাৎ গান বন্ধ করে বললো, 'মিস্টার মনসুর কিন্তু লোক খারাপ নয়—কি বলেন আপনি? আসলে কি জানেন, ও'রা থাকেন এক ভুবনে, আমাদের বাস সম্পূর্ণ অন্য ভুবনে। বিপদ শূন্য এই, ও'রা আমাদের কনভার্ট করতে চান।'

আমি বললুম, 'কনভার্ট করাটা কি দোষের? ঐটেই তো মুসলমানদের স্ট্রেং পয়েন্ট। কাইরোর অজহর বিশ্ববিদ্যালয়ে একটা বিষয় সবাইকে পড়তে হয়। কি করে অমুসলমানকে মুসলমান করা যায়! মনসুর মিশনারীর দোষ বিশ্বসমূহ লোককে উদ্বৃত্তে কনভার্ট করার চেষ্টাতে গলদ নয়—গলদ তার পক্ষান্তরে, মেথডে, মডুস্ অপেরাণ্ডিতে। দশ নিয়মে প্রচার আরম্ভ করলে যাকে কনভার্ট করতে চাও, সে সঙ্গে সঙ্গে ভাবে, আমি যত ভালো উদ্বৃত্তই শিখি না কেন, এ'র সঙ্গে তো কখনো কাঁধ মেলাতে পারবো না, কারণ উদ্বৃত্ত এ'র মাতৃভাষা। অতএব বাকী জীবন ধরে ও'র মুখের দশেভাদ্গীরণ আমাকে সয়েই যেতে হবে। কী দরকার গায়ে পড়ে করুণার পাঠ হওয়ার! তার চেয়ে থাকি আমি আমার বাঙলা নিয়ে। দু'পাঁচটা ভুল সে ভাষাতে করলে কীই বা এমন দৃষ্টিচ্যুতা—পাড়া-প্রতিবেশীরাও করে। আমরা সবাই বরাবর। ঐ উদ্বৃত্ত গোসাইও নিশ্চয় দু'পাঁচটা ভুল করেন তাঁর চোস্ত উদ্বৃত্তে—মানুষ তো আর আল্লা নয়—কিন্তু সে ভুল তো আমার ধরা-ছোঁওয়ার বাইরে। চোখে আঙুল দিয়ে দেখাবো কি করে? কিন্তু এসব নিয়ে এখন আর চিন্তা করেন কেন? এ তো অতি সাধারণ, স্থূল দৈনন্দিন ঘটনা। দেখলেন না, আমি আলোচনার মোটেই যোগ দিলুম না।'

'সে তো স্পষ্ট দেখলুম। এবারে বলুন, কাইরোতে ইসলাম-প্রচার-পক্ষান্ত মুচ্যারূপে শেখার পর ক'জন অমুসলমানকে মুসলমান করেছেন?'

আমি বললুম, 'প্রথম তো নিজেকেই সামলাই। আমার মত গুনাহ'গার—পাপী মুসলমান এ-সংসারে খুব বেশী নেই। আগে তো একটা মিনামাম স্ট্যাণ্ডার্ডে পৌঁছই, তবে না প্রচারকার্য আরম্ভ করার হুকু জমাবে।'

শহুর-ইয়ারের চেহারা দেখে মনে হল আমি যুক্তি দেখিয়ে তাঁকে আমার সঙ্গে একমত করতে পারি নি। সো ভী আচ্ছা। শেষ বিচারের দিনে তিনি যদি সাক্ষ্য দেন যে আমি খুব খারাপ মুসলমান ছিলাম না—অন্ততঃ আমি নিজের সম্বন্ধে যতটা ভেবেছিলাম তার চেয়ে কম—সেও একটা ভরসার কথা।

বললুম, 'একটু সরে এসে এই গাছটার তলায় ঐ শিকড় দুটোর মাঝখানে বসুন। এখানে বসলে তন্দুই মেয়ে মাহেরই একটি বিশেষ শক্তিলাভ হয়। নির্ভয়ে নির্বিচারে মিত্যে কথা বলতে যখন তার আর কোনো বাধাবন্ধ থাকে না। পরের দিন বিকেলে আর একটি ছেলের সঙ্গে তার লীলাখেলার

এপয়েন্টমেন্ট—আজ সন্ধ্যায় এখানে বসলে সে অকুণ্ঠ ভাষায় নিম্নলিখিত বিবেক নিয়ে গদগদ হয়ে অন্য জনকে বলতে পারে, ‘আই লাফ্ ইউ, আই লাফ্ ইউ।’

‘“লাফ” কেন, “লাভই তো উচ্চারণ। ভাষাটা তো আর জার্মান নয় যে ‘ভ’ ‘এফ’ হবে?’

‘এটা সর্বাধুনিক, chic উচ্চারণ।’

‘না! আমার মনে হয় তা নয়। মেয়েটা “আই লাফ্ এট ইউ, আই লাফ্ এট ইউ”। “এট”-টা উহ্য রেখেছিল, ভদ্রতার খাতিরে।’ সঙ্গে সঙ্গে শহর-ইয়ার হেসে ওঠাতে সাদা দাঁতগুলো বিলম্বিত করে উঠলো কিন্তু মুখের রঙটি অন্দরমহলের বংশানুক্রমিক ধবলের চূড়ান্তে পৌঁছে গেছে বলে কন্ট্রাসটার খোলতাই জুংসই হল না—মুখের রঙ কালো হলে যে রকম হতো।

শহর-ইয়ার গুচকি হেসে হেসে বললে, ‘আচ্ছা, বলুন তো, একটা মেয়ের যদি দুজন প্রেমিক থাকে, এবং সে-যদি দুজনকেই পরিতৃপ্ত করতে পারে, তাতে সমাজেরই বা কি, আর আপনি শিক্ষিত লোক, আপনাই বা কি মরেল অবজেক্শন থাকতে পারে?’

আমি বললুম, ‘সমাজের আপত্তি বা আমার মরেল অবজেক্শন এগুলো পরের কথা। আসলে কি জানেন, জিনিসটা ঠিক স্বাভাবিক ভাবে চলতে পারে না। মেয়েটাকে সর্বক্ষণ লুকোচুরি খেলতে হয়, সর্বক্ষণ ভয়, দু’জনার একজন কখন না অন্যজনের গম্ব পেয়ে যায়—বিবাহিতা রমণী উপপতি রাখলে তাকে যে রকম অস্টপ্রহর আশংকায় আশংকায় কাটাতে হয়। একে তো মেয়েটার স্বাভাবিক স্নু জীবন বরবাদ—তদুপরি ব্যাপারটা খুব বেশী দিন গোপন থাকে না, জানাজানি হয়ে যায়। জানাজানি হয়ে যাওয়ার পূর্বেই যদি মেয়েটা এই দোটানার স্ট্রেন সহিতে না পেয়ে একজনকে বিদায় দেয় তখন তার এবং ছেলেটার বন্ধুত্বমহলে সে ‘জিল্টিং’ রূপে মশহুর হয়ে যায়, কারণ, তারা তো আর জানে না যে মেয়েটা দুটো ভিন্ন লোকের সঙ্গে একই সময়ে লীলাখেলা চালাচ্ছিল এবং সে স্ট্রেন সহিতে না পেয়ে একজনকে বিদায় দিয়েছে। আর আসল তত্ত্ব জানাজানি হয়ে গেলে তো আরো চাঁত্তর। তখন রাস্তা দিয়ে যাবার সময় পাড়ার নটবররা তার গায়ে পড়ে ‘প্রেম’ নিবেদন করে। ভাবখানা এই, দু’জন যখন ছিলই তখন তিনজনেই বা কি দোষ? আর সর্বশেষে বলি, মেয়েটার পক্ষে ছেলেটাকে বিদায় দেওয়ার ‘জিল্টিং’ কর্মটি কি অতই সহজ! চিন্তা করুন, ছেলেটার মোহ যদি তখনো কেটে না গিয়ে থাকে তবে সে চোখের জল ফেলবে, প্রাচীন দিনের প্রণয় স্মরণ করিয়ে দিয়ে তার শপথ কাড়বে! না ‘জিল্টিং’ কর্মটি শুধু ‘জিল্টিং’ হতভাগার পক্ষেই অপমানজনক তাই নয়, যে জিল্টিং করে তার পক্ষেও পীড়াদায়ক!’

শহর-ইয়ার বললে, ‘এ যুগের অবিবাহিতা তরুণী যুবতীদের চেয়ে আমার

বয়স খুব বেশী নয়, তবু এদের সঙ্গে আমার যোগসূত্র সম্পূর্ণ ছিন্ন হয়ে গিয়েছে। তাই জানতে ইচ্ছে করে এদেশে আমাদের অল্প বয়সে শেখা একনিষ্ঠ প্রেমের আদর্শ কি ধীরে ধীরে কিংবা দ্রুতবেগে জিল্টিং নামক নয়া মালের জন্য জায়াগা ছেড়ে দিচ্ছে, কিংবা ছেড়ে দিতে বাধ্য হচ্ছে?’

আমার চিন্তে কৌতুকরসের সঞ্চার হল। বললুম, ‘আমার বয়সটি কি নিতান্তই প্রেমে পড়-পড় তরুণদের বয়স, যে তাদের সঙ্গে আপনার চেয়ে আমার দহরম-মহরম শ’দুই লিটার বেশী! এবং আমি বাস করি মফঃস্বলে!’

‘কী খালা! আপনার যে গন্ডায় গন্ডায় চ্যাংড়া চেলা রয়েছে। আর আমার বিশ্বাস পুরুষমানুষ নিজের থেকে নিতান্ত না চাইলে সহজে বৃড়ো হয় না। সে কথা থাক, আমার প্রশ্নটার উত্তর দিন!’

‘দেখুন এ-প্রশ্নের উত্তর ঠিক ঠিক কেউ দিতে পারে না। সবাই শুধু আপন আপন একটা খসড়া গোছ, একচোখা ধারণা প্রকাশ করতে পারে। আমার ধারণাটা প্রকাশ করার পূর্বে একটি অতি হৃস্ব ভূমিকা দি। এক আতিশয় সহদয় বাঙালী সমস্ত জীবন জেলের বড়কর্তা রূপে কাজ করে পেনশন নেওয়ার পর কি একটা ঘটনা উপলক্ষে বলেন, তাঁর জেলে একবার একজন গুণী পিণ্ডিত আসেন যার অধ্যয়ন ও অধ্যাপনার বিষয় ছিল মনস্তত্ত্ব, এবং বিশেষ করে অপরাধীদের মনস্তত্ত্ব। দেশ-বিদেশের জেলে তিনি তাঁর অধ্যয়ন-রিসার্চ করেন সাজা-প্রাপ্ত অপরাধীদের নিয়ে এবং তাঁর একটি আতিশয় বিরল গুণ ছিল এই যে, যত হাড়-পাকা, মুখ-চাপা কয়েদীই হোক না কেন, তাঁর বাক্য তাঁর আচরণ, এক কথায় তাঁর ব্যক্তিত্বের সামনে সে তার হৃদয়ের গোপনতম কথা প্রকাশ না করে থাকতে পারতো না। মাসখানেক কাজ করার পর তিনি আমাদের এই বাঙালী জেলারটিকে বলেন, ভারতবর্ষের একাধিক জেলে রিসার্চ করার পরও তিনি এযাবৎ একটিমাত্র জার্নালিনাল, অর্থাৎ যে নিরুস্ববেগে, বিবেক নামক প্রতিবন্ধকের নুইসেন্স সম্বন্ধে অণ্টপ্রহর সম্পূর্ণ অচেতন থেকে ক্লাইমের পর ক্লাইম করে যান, জাস্ট ফর ইট্‌স্‌ ওন সেক্—এরকম প্রাণী এদেশে পান নি, তার মানে এদেশে জার্নালিনাল নেই। আমারও মনে হয় এদেশে ‘জাত-জিল্টিং’ নেই। সুস্থমাত্র ফুলে ফুলে মধু পান করার জন্য একটার পর একটা পুরুষ জিল্টিং করে করে যৌবনটা কাটাচ্ছে এ রকম রমণী এদেশে বোধ হয় বিরল। এই যে আপনি হিন্দু নারীর পতিত্বতা হওয়ার আদর্শের কথা একাধিকবার তুলেছেন, সেই সংস্কারটা এদেশের তরুণীর ভিতর আবির্ভূত হয়—যেই সে প্রথম প্রেমে পড়ে। আর আপনার যে উদাহরণ;—একটি তরুণী দুটো প্রেমিকের সঙ্গে একই সময়ে প্রেম চালাচ্ছে যাচ্ছে, সেটাও এদেশে হয় অন্য কারণে। আমার মনে হয়, একটু অনুসন্ধান করলেই ধরা পড়বে, বেচারী মর্দাশ্বর করতে পারছে না, দুটোর কোনটাকে বিয়ে করলে সে আবেগে সখী

হবে, এবং তাই কোনোটাকেই হাতছাড়া করতে পারছে না।

আপনার প্রশ্নের উত্তর খানিকটে তো দিলুম, কিন্তু আমার প্রশ্ন 'জিটিং' নামক অতি প্রাচীন অথচ নিত্যনবীন কর্মটির প্রতি আপনার এ কৌতূহল কেন? আমি নিভয়ে, নিঃসন্দেহে দৃঢ়কণ্ঠে ঘোষণা করতে পারি আপনি কখনই 'জিটিং' রহস্যের মর্মস্থলে পৌঁছতে পারবেন না। আপনি হিন্দু হলে বলতুম, এ জন্মে না, জন্ম-জন্মান্তরেও না।

'কেন, আমি কি এতই ইঁড়িয়েট?'

আমি বললুম, 'তওবা, ! তওবা !! আপনি ইঁড়িয়েট হতে যাবেন কেন? আপনি অতিশয় বুদ্ধিমতী—এ কথা আমি কেন, আমার গুরুর গুরুরও বলবেন। কিন্তু, কল্যাণী, এ তো বুদ্ধি দিয়ে বোঝবার বস্তু নয়। এটা সম্পূর্ণ অনুভূতির ব্যাপার, এবং মনে রাখবেন, আপনি আমাকে অতি উত্তমরূপে, পুণ্যস্থান পুণ্য-ভাবে বুদ্ধিয়েছেন আপনার অনুভূতি, আপনার স্পর্শকাতরতা এর সব-কিছু গড়ে উঠেছে, আঁকার নিয়েছে, আদ্রতা পেয়েছে রবীন্দ্রনাথের গানের ভিতর দিয়ে। এবং সঙ্গে সঙ্গে এ-কথাও বলেছেন, আপনি আপনার হৃদয়ের খাদ্য আহরণ করেন ঐ একমাত্র রবীন্দ্রসঙ্গীত থেকে।

কিন্তু রবীন্দ্রসঙ্গীতে জিটিং নিয়ে গান কই? জিটিং হওয়ার তিন্ত অভিজ্ঞতা কি কামিনকালেও তাঁর হয়েছিল? শব্দ প্রভাত মুখো কেন, ঠাকুর-বাড়ির প্রাচীনতম বৃদ্ধবৃদ্ধা এবং সে-বাড়ির সঙ্গে বাল্যকাল থেকে সংশ্লিষ্ট জন কেউই তো কখনো সামান্যতম ইঁড়িত দেন নি যে রবীন্দ্রনাথ কখনো কাউকে ভালোবেসে জিটিং হয়েছেন। তাঁর প্রেমের গানের মূল সুর মূল বস্তু কি? 'আমি তোমাকে ভালোবেসেছিলাম, তুমিও আমাকে বেসেছিলে। তার পর তুমি হঠাৎ অকালে চলে গেলে। তাই

এখন আমার বেলা নাই আর

বাহব একাকী বিরহের ভার ?

কিংবা

তোমার আমার এই বিরহের অন্তরালে

কত আর সেতু বাঁধি।

এটা অবশ্যই তাঁর দুর্ভাগ্য যে তাঁর প্রিয়া অকালে অন্য লোকে চলে গেলেন। এই দুর্ভাগ্য নিয়েই তিনি রূপ দিয়েছেন শত শত গানে—দু'দশ বছর ধরে নয়, সমস্ত জীবন ধরে—কিন্তু মোতফ এক : 'তুমি চলে গেলে; আমি আর কতকাল ধরে তোমার বিরহ-ব্যথা সহিব?'

শহুর-ইয়ার বললে, 'মাফ করবেন—হঠাৎ আমার মনে একটা প্রশ্ন এল। আমার অনুভূতি আমার ইমোশান যেমন রবীন্দ্রনাথের গান গড়ে দিয়েছে আপনার ক্ষেত্রেও কি তাই নয়? আপনি তো তাঁকে কাছের থেকে দেখেছেন, তাঁর বহু

বহু গান আপনি এবং আপনার সতীর্থরাই সর্বপ্রথম শুনছেন।’

আমি বললাম, ‘গুরু যেন অপরাধ না নেন! আমার অনুভূতি জগৎ নির্মিত হয়েছে অন্য বস্তু দিয়ে। গুরুর কাছ থেকে সিক পরিমাণও নিয়োছি কিনা সন্দেহ!’

শহর-ইয়ার বিস্মিত হয়ে শুন্যথালো, ‘তবে কোথা থেকে?’

‘বৈষ্ণব পদাবলী থেকে।’

‘আপনি নিশ্চয়ই জানেন বাঙলা দেশের সর্বত্রই যে মোতিফ নিজে সব চেয়ে বেশী গান গাওয়া হয় সেটি রাধাকৃষ্ণের। এবং আরো পরিষ্কার হয়, আরো সংকীর্ণ পরিসরে সেটা জ্বজ্বল্যমান হয় যদি বলি আসলে মোতিফটা শ্রীরাধার বিরহ। সেই বিরহের গান গাওয়া হয়, নিত্য নব রচা হয় বাঙলাদেশের নানা অঞ্চলে নানা সুরে। কথার দিকে শ্রীরাধার বিরহ-যন্ত্রণার সর্বোত্তম অতুলনীয় প্রকাশ এই আমাদের বীরভূমের চণ্ডীদাসে। এ’র পরে আসেন বিদ্যাপতি, জ্ঞানদাস ইত্যাদি। মুসলমান কবিও বিশ্বর আছেন তবে একমাত্র সৈয়দ মর্ত্তুজা ছাড়া আর কেউ খুব উচ্চস্তরে উঠতে পারেন নি—যদিও তাঁদের সহদস্ততা, শ্রীরাধার প্রতি তাঁদের অনুরাগ ও সহানুভূতি হিন্দু কবিদের চেয়ে কণামাত্র কম নয়।

আর সুরের দিক দিয়ে শ্রীরাধার বিরহসঙ্গীতের সর্বোত্তম অতুলনীয় বিকাশ ফুটে উঠেছে কীর্তনীগায়কদের কণ্ঠে, সুরে।

আমি ঐতিহাসিক নই, তাই বলতে পারবো না, কত শত বৎসর ধরে কত হাজার বৈষ্ণব কবি তাঁদের আপন আপন বিরহবেদনার নিদারণ অভিজ্ঞতা শ্রীরাধার কণ্ঠে শ্রদ্ধাজ্বলি স্বরূপ রেখে গেছেন। অর্থাৎ তাঁরা নবীন কাব্য রচনা করে, নতুন নতুন নায়ক-নায়িকা নির্মাণ করে, যেমন মনে করুন, নলদময়ন্তী কিংবা লায়লী মজনুন, তাঁদের কণ্ঠ দিয়ে আপন আপন বিরহযন্ত্রণার অভিজ্ঞতা প্রকাশ করেন নি। তাবৎ বৈষ্ণব কবিদের বিরহবেদনা শ্রীরাধার বিরহবেদনা, আর যুগ যুগ ধরে শ্রীরাধার কণ্ঠে সঞ্চিত তাবৎ বিরহগাথা সর্ব বৈষ্ণব কবির গৌরব-সম্পদ!

নিজেকে নিশ্চিহ্ন করে, এমন কি আপন প্রিয়াকে রক্তমণ্ড থেকে নির্বাসিত করে দুঃস্বপ্নেরই নিষ্ঠুরতম বিবহুজ্বালার অভিজ্ঞতা ব্রজসুন্দরীর কণ্ঠে সমর্পণ—এই যে প্রকৃষ্টিটি এর সম্বন্ধে রবীন্দ্রনাথ পরিপূর্ণ সচেতন ছিলেন। আপনার মনে আছে, বোলপুরে পারুল বনে যেতে যেতে এক সকালে আমি একটি কবিতা আবৃত্তি করে আপনাকে শোনাই—কোনো টীকাটিপ্পনী না করে?—

সত্য করে কহ মোরে হে বৈষ্ণব কবি,

কোথা তুমি পেরেছিলে এই প্রেমচ্ছবি,

কোথা তুমি শিখেছিলে এই-প্রেমগান

বিরহ-তাপিত । হেরি কাহার নয়ন
রাধিকার অশ্রু-আঁখি পড়েছিল মনে
বিরহ-তাপিত ?

অবশ্য আমারও ইচ্ছে করে গুরকে সিবনয় ঙ্গেঙ্গেস করতে, তাঁর খেলা, যার
‘বিরহ-তাপিত’ অশ্রু তাঁকে অনুপ্রেরণা দিয়েছিল, যার ‘মুখ’ যার ‘আঁখি’ হতে

‘—এত প্রেমকথা

রাধিকার চিত্তদীর্ণ তীর ব্যাকুলতা
চুরি—’

করেছিলেন তিনিও, তাঁর প্রতি তিনি তাঁর কাব্যে স্মৃতিচারণ করেছেন তো ?

ঠিক ঐ একই প্রাক্তিয়ায়ই ইয়োরোপের বহু বহু কবি ‘হিস্তান আর ইজলদের
প্রেমগাথায় আপন আপন নিজস্ব প্রেম, বিরহ, মিলন—অবশ্য মিলন অংশ সর্ব
কাব্যেই অতি ক্ষুদ্র অংশ পায়—অকাতরে ঢেলে দিয়েছেন । কিন্তু বাঙলা দেশের
বিরাই বৈষ্ণবগাথার তুলনায় হিস্তানগাথা সূচ্যগ্র পরিমাণ ।’

শহুর-ইয়ার এতক্ষণ গভীর মনোযোগ দিয়ে শুনছিলেন । এবারে শুনলো,
‘কই, আমি তো হিস্তান ইজলদে কাহিনীর নাম পৰ্ব্বন্ত শুনিনি ।’

বড় বেদনার গাথা । আর ইয়োরোপীয় এজাতীয় যত গাথা আছে তাদের
মধ্যে আমি এটাকেই সর্বোচ্চ আসন দি । আপনি যে শোনে নিন সেটাও খুব
বিস্ময়ের ব্যাপার নয় । প্রায় অর্ধ শতাব্দী ধরে ইয়োরোপের লোক ক্রমেই এ
সব গাথার প্রতি উদাসীন হয়ে যাচ্ছে । তাই দেখে ‘ফ্রেণ্ড একাডেমি’—এবং
জানেন তো পৃথিবীর আর কোন একাডেমি এর একশ’ যোজন কাছে আসতে
পারে না—প্রায় চল্লিশ বৎসর পূর্বে তাঁদেরই এক সদস্যের স্কন্ধে গুরুভারটি
দেন তিনি যেন হিস্তান সম্বন্ধে যে কটি ব্যাঙ্গ্য পাওয়া যায় তারই উপর নির্ভর
করে কালোপযোগী একখানা নবীন ‘হিস্তান’ রচনা করেন । সে ‘হিস্তান’ আমাকে
মুগ্ধ করে, এবং তার বাঙলা অনুবাদ আমি আরম্ভ করি কিন্তু শেষ করতে
পারি নি ।

মূল কথায় ফিরে আসি । এবং যদি অনুমতি দেন, তবে ব্যক্তিগত অভিজ্ঞতা
দিয়েই আরম্ভ করি । আপনার খুব খারাপ লাগবে না, কারণ আপনি আমি
দুজনাই মুসলমান ; ওঁদিকে রাখাক্ষের কাব্যরূপ রসস্বরূপ বাদ দিলে তাঁরা
হিন্দুদের—বিশেষ করে ষোড়শী বৈষ্ণবদের—উপাস্য দেব-দেবী এবং প্রীকৃষ্ণ
শুধু বন্দাবনের রসরাজ নন, তিনি গীতাকার রূপে বিষ্ণুর অবতার । আমি
মানুষ হয়েছি আচারনিষ্ঠ মুসলমান পরিবারে । অথচ যে গানটি আমার আট
বৎসর বয়সে মনে অশ্রুত এক নবীন অনুভূতির সঞ্চার করেছিল সেটি

“—দেখা হইল না রে শ্যাম,

আমার এই নসুন বয়সের কালে—”

এ বিষয় নিয়ে ব্যক্তিগত অংশটা যতদূর সম্ভব তাড়াতাড়ি সারি, যদিও আমার অভিজ্ঞতাটার কিঞ্চৎ—অতি সামান্য—মূল্যও আছে।’

শহুর-ইয়ার দৃঢ় অথচ সর্বিনয় মধুর কণ্ঠ বললেন, ‘আপনি দয়া করে কোন বস্তু বাদ দেবেন না। কীর্তন গান রেকর্ডে, বেতার থেকে আমি শুনোঁছি কিন্তু ওর গভীরে আমি কখনো প্রবেশ করি নি।’

আমি বললাম, ‘তার কারণও আমি জানি। জানতে চাইলে পরে বুঝিয়ে বলবো।’

হ্যাঁ। আমি পানির দেশের লোক, চতুর্দিকে জল আর জল! সঙ্গে সঙ্গে ভোরে, সন্ধ্যায়, রাতি শিবপ্রহরের অনেক পরেও ভাটিয়ালি গীত। নিশ্চয়ই প্রথম শুনোঁছি: মায়ের কোলে শূয়ে শূয়ে। সামান্যতম বোধশক্তি হওয়ার পর থেকেই শুনোঁছি কান পেতে এবং অতি শীঘ্রই সেটা আমার রক্তের সঙ্গে মিশে যায়, যে রকম আমার দেশের দানাপানি আমার রক্তের সঙ্গে মিশে আছে। কিন্তু এ ‘দেখা হইল না রে শ্যাম’-এর আগেকার কোন গানই আমার মনে নেই।

আমাদের পরিবার আচারানিষ্ঠ, তার ঐতিহ্যে কটুর পরিচয়। গান-বাজনা আমাদের পরিবারে বরাহমাংসবৎ ঘৃণ্য। কিন্তু সে কোন নিয়তি আমাকে ঐ গানের দিক আকৃষ্ট করলো জানি নে। আট বছর বয়সে ‘নস্তুন বয়সের কালে’ দেখা না হওয়ার ট্রাজেডি হৃদয়ঙ্গম করার কথা নয়। তবে আকর্ষণ করলো কি? জানি নে, সত্যি জানি নে।

তার পর বহু গান শুনতে শুনতে পরিচিত হলুম রবীন্দ্রসঙ্গীতের সঙ্গে। আমাদের দুজন্যই প্রিয় গান ‘কেটেছে একেলা বিরহের বেলা’-র ‘নতুন ভুবন নতুন দ্যলোকে’ যেন অকস্মাৎ আমার মত দীন অকিঞ্চনজন সম্পূর্ণ অপ্রত্যাশিত প্রবেশাধিকার পেলে। আপনারই মত যখন আমার হৃদয়ানুভূতি রবীন্দ্রসঙ্গীতের রসগন্ধ্যবৈভবে নির্মিত হচ্ছে তখন হঠাৎ পরিচয় হল চণ্ডীদাসের সঙ্গে। তার তাৎ গানের সঙ্কলন ঘণ্টা তিনেকের ভিতর পড়ে শেষ করা যায়। আমার লেগেছিল পূর্ণ একটি বৎসর। ইতিমধ্যে জানতে পারলাম চণ্ডীদাসের জন্মস্থল নানুর আমাদের বোলপুর থেকে মাত্র মাইল আষ্টেক দূরে। এক বন্ধুকে বুঝিয়ে সন্ধ্যায় গেলাম সেখানে পল্লদল। কিন্তু সব চেয়ে বড় কথা, জমিদার অনাদিবাবুর ছোট ভাই শোনালেন কীর্তন গান। তিনি আমাকে ফরমাইশ করতে বললে আমি চণ্ডীদাস থেকে বেছে বেছে আমার আদরের গানগুলো পেশ করলাম। মাত্র কয়েক বছর হল শুনলাম, তিনি গত হয়েছেন, তাঁর সদগতি হোক!

তারপর বহুবার শুনোঁছি সন্ধ্যা আটটা-দশটা থেকে ভোর অর্ধাধি কীর্তন গান। তার বর্ণনা আপনাকে আরেকদিন দেব। এদেশ থেকে বহু উত্তম উত্তম প্রথা প্রতিদিন লোপ পাচ্ছে; আমার গভীরতম শোক, দুর্নিবার হাহাকার—বার কোনো সন্তান নেই যে সন্তান হারাতে কীর্তন গান যাওয়ার প্রথা প্রায়

সম্পূর্ণ লোপ পেয়েছে। আমার মতামতের কী মূল্য? তবু, ঘাবার পূর্বে নিবেদন করে যাই এটেই ছিল বাঙলার সর্বাপেক্ষা মূল্যবান ঐতিহ্যগত সম্পদ—এর লক্ষ যোজন কাছে আর কোনো সম্পদ কোনো বৈভব আসতে পারে না।

বিবেকানন্দ 'কুমড়ো গড়াগাড়ি' কথাটা একাধিকবার ব্যবহার করেছেন— কারণ ছবিটা যেন চোখের সামনে স্পষ্ট ভেসে ওঠে।

কীর্তনের আসরে ছেলে-বুড়ো রাখার বিরহবেদনা শূনে 'কুমড়ো গড়াগাড়ি' দেয়। আমি দিই নি কিন্তু দুই চোখ বেয়ে অবিরল অপ্রুধারা বসে গেছে।

গুরু, ক্ষমা করবেন, আপনিনও অপরাধ নেবেন না, শহর-ইয়ার; কারণ আপনার অনুভূতি-ভূবন গড়ে তুলেছে আমার গুরুর শতাধিক গান, কিন্তু যদি বলি, রবীন্দ্রসঙ্গীতের সর্বোত্তম সম্মেলনেও আমি কাউকে কাঁদতে দেখি নি, কুমড়ো গড়াগাড়ির কথা বাদ দাও।

ব্যস! আমি অন্য আর কোনো তুলনা করবো না, নিতান্ত প্রয়োজন না হলে। ইতিমধ্যে বলে রাখি, রবীন্দ্রসঙ্গীত বিশ্ববৈভবে অতুলনীয়। যে জার্মান 'লীডার' ইয়োরোপে সর্বশ্রেষ্ঠ বলে স্বীকৃত, রবীন্দ্রসঙ্গীত তার চেয়ে অনেক বেশী সূক্ষ্ম, তার বৈচিত্র্য এবং বহুমুখী বিকাশ; কাব্যলোকে তাবলোকে ছাড়িয়ে চলে গেছে বহু উর্ধ্বে।

কিন্তু প্রশ্ন, কীর্তন শূনে বালবৃন্দ (আমি যখন প্রথম শূনে দু'হাত দিয়ে মুখ ঢেকে কান্নার শব্দ চাপতে চেয়েছিলুম তখন আমার বয়স ষোল) 'কুমড়ো গড়াগাড়ি' দেয় কেন? আমি অবশ্যই এখানে আড়াইখানা কীর্তনের রেকর্ড বা বেতারে আধঘণ্টা কীর্তন প্রোগ্রাম শোনার কথা ভাবছি নে—স্বভাবটা তো বহুবিশ বছরের খচখচানি এবং অংশতঃ সেই কারণে কীর্তনীয়ার অবোধ্য শব্দোচ্চারণ সমস্ত ব্যাপারটাকে সত্যাকার কীর্তনের এক হাস্যস্পদ ব্যঙ্গরূপে আধঘণ্টা ধরে মুখ ভ্যাংচায়। আজকের দিনে তাই শতগুণে শ্রেয়ঃ—নিভূতে নিজনে চণ্ডীদাস, বিদ্যাপতি, জ্ঞানদাসাদি সশ্রম্ণ বারংবার পঠন—প্রহরের পর প্রহর ব্যাপী। সে সময়ে গানগুলি যে সুরবাজিত হয়ে দীনদারদ্রুপে হৃদয়ে প্রবেশ করছে সেটা আমার দুর্দৈব কিন্তু তবু সেটাকেও নমস্কার—সেও লক্ষ্যগুণে শ্রেয়, প্রাগুক্ত ঐ অধঘণ্টাব্যাপী নির্মম লাজ্জনার চেয়ে। সাহস নেই কলকাতা আকাশবাণীর সূর্যাস্ত থেকে রাতি স্মিপ্রহর অবিধি জনতিনেক কীর্তনীয়া—মূল গায়ের উত্তম হওয়া চাই—এনে একটানা, অবিপ্রান্ত সূক্ষ্মতার কীর্তন শোনার? বিরক্ত হয়ো না, শহর-ইয়ার, এ-নিম্নে আমার ক্ষোভ কোনো সান্তন্য মানে না, তাই তোমাকে বললুম।

আরেকটা কথা। জানো বোধ হয়, পাঁচমেশালী গানের মজলিসে কারো যদি কীর্তন গাইবার প্রোগ্রাম থাকে—বেশীক্ষণ না, ধরো আধঘণ্টাটুকু—তবে সেটা আসে পুরো প্রোগ্রামের একবারে সর্বশেষে। কেন জানো? ঐ উটকো

কীর্তনটাও যদি মোটামুটি রসের পর্যায়ে উঠে যায় তবে তার পর আর কেউ অন্য কোনো গান জমাতে পারবে না। রবীন্দ্রনাথও কীর্তন সুরের ম্যাজিক-জানতেন—কীর্তনের কথাই নেই—তাই তিনি এ যুগে যে গান সর্বপ্রথম রেকর্ডে দিলেন সেটি কীর্তন সুরে।

এ সবই বাহ্য। সব চেয়ে বড় প্রশ্ন, কীর্তনে আছে কি যে শ্রোতা কুমড়া গড়াগাড়ি দেন ?

আছে অবহেলিত, অপমানিত, পদদলিত প্রেম। শ্রীরাধার মূখ দিয়ে সহস্র সহস্র কাঁব শত শত বৎসর ধরে যা বলিয়েছেন তার সারাংশ দেওয়া কি সহজ, না আমার বাদবাকি জীবনটাতে কুলোবে !

রাধা বেচারী বিবাহিতা কন্যা। ওঁদিকে কৃষ্ণ অতি শিশুবল্লভ থেকেই করেছেন একাধিক অলৌকিক কর্ম—মিরাকুল—বৃন্দাবনের সর্বত্র তাঁর যশ প্রচারিত হয়ে গিয়েছে। বৃন্দাবনে সুন্দরী কুমারী গোপিনীরও অভাব নেই। সেই বালক কৃষ্ণকে ভালোবাসে সর্ব গোপিনী, তাদের মাতা, পিতামহী, বৃন্দাবনের সর্ব নরনারী। যে কোনো কুমারী কৃষ্ণের অনুরাগ পেলে জীবন ধন্য মনে করবে কিন্তু তিনি স্বেচ্ছায়, সজ্ঞানে মৃগধ করলেন, আকর্ষণ করলেন, সম্মোহিত করলেন, আত্মহারা হিতাহিত জ্ঞানশূন্য করলেন বিবাহিতা শ্রীরাধাকে। একদিকে তার আনন্দ-গরবের অন্ত নেই, অন্যদিকে তার শাশুড়ী ননদী করে তুললো তার জীবন বিষময়। অলগ্ন্য বাধাবিল্ল অতিক্রম করে পাগলিনী শ্রীরাধা ছুটে আসতেন কৃষ্ণের বংশীধ্বনি শোনা মাগই। শত দুঃখ শত যন্ত্রণার মাঝখানেও শ্রীরাধা আনন্দে আত্মহারা—আর হবেই বা না কেন ? শ্রীকৃষ্ণের মত প্রেমিক এই ভারতবর্ষে জন্মেছে কীট !

তার পর একদিন শ্রীকৃষ্ণ সেই সর্বত্যাগিনী রাধার প্রেম অকাতরে অবহেলা করে—আমি বলি অপমানিত পদদলিত করে চলে গেলেন মথুরায়।

‘শহুর-ইয়ার, তুমি মথুরা বৃন্দাবন দেখেছ ?’

‘মোটরে দিল্লী থেকে আগ্রা যাওয়ার সময় দেখেছি। ও দুটো তো খুব কাছাকাছি। দুটোর শেষপ্রান্ত তো প্রায় মিলে গেছে।’

‘ঠিক বলেছ। সেই মথুরা থেকে তিনি এক দিনের তরে, এক মিনিটের তরে বৃন্দাবনে আসেন নি শ্রীরাধাকে দেখতে। উঠেট বৃন্দাবনের ঐ অতি পাশের মথুরায়, বলতে গেলে শ্রীরাধার কানের পাশে তিনি ঢাকঢোল বাজিয়ে করতে লাগলেন একটার পর একটা বিয়ে—রুক্ষিণী, সত্যভামা, আরো কে কে আমি ভুলে গিয়েছি, মনে রাখবার কোনো সিঁদছাও আমার কোনোকালে হয় নি।

বরুলে শহুর-ইয়ার, একেই বলে টায়-টায় ‘জিগটেড্’ লাভ্। তামাম বিশ্ব-সাহিত্য তন্ন তন্ন করে খুঁজলেও এই হতভাগিনী ‘জিগটেড্’ শ্রীরাধার শত যোজন কাছে আসতে এমন রিক্ত হতসর্বস্বা তুমি পাবে না।

তাই আকারে, গাম্ভীর্যে, মহিমায় হিমালয়ের মত বিরাট কলেবর বৈষ্ণব সাহিত্যের মূল সুর—লাইট-মোর্টিফ—জিলেটড্ লাভ, পদদালিত প্রেম।

সে সাহিত্যে দূর্গাধিনী শ্রীরাধার হৃদয়-বেদনা যে কত কবি কত দিক দিয়ে দেখেছেন, কত ভাবে বর্ণনা করেছেন, তার সামান্যতম অংশ কেউ অন্যের হৃদয়ে সঞ্চারিত করতে পারবে না। শ্রীরামকৃষ্ণ ঠিক ঠিক কি বলেছেন বই না খুলে বলা যায় না তবে যা বলেছেন তার সারাংশ এই, মদ দেখলে নেশা হয় না, শুকলেও না, চাখলেও না, এমন কি সর্বাঙ্গে মাখলেও না। মদ গিলতে হয়।

পদাবলীরস আকর্ষণ গিলতে হয়।'

নয়

আজ রববার। সপ্তাহে মাত্র এই একটি দিন ডাক্তার আর শহুর্-ইয়ার একে অন্যকে নিরবচ্ছিন্নরূপে পায়। এ দিনটার আমি দ্য হ্রো—ওয়ান টু ম্যানি—হতে চাই নে। তাই রেকফাস্টে পর্যন্ত গেলুম না। খাই তো কুঞ্জে দু'কাপ চা—সে কর্মটি শুলে শুলে দিব্য করা যায়। মোগলাই কণ্ঠে বেয়ারাকে চা আনতে হুকুম দিলুম। কিন্তু উল্টা বুদ্ধি রাম। চায়ের সঙ্গে সঙ্গে এলেন 'কপোত-কপোতী'। ডাক্তারের মুখে পুরো উদ্বেগ। ঢুকেই নাভাস কণ্ঠে দ্রুতগতিতে বলতে লাগলেন, 'আপনার কি হয়েছে? শরীর খারাপ? জ্বর? ব্যাটাট্যাটা?' শহুর্-ইয়ার খাটের পৈথানে কাঠের বাজু ধরে শূন্য তাকিয়ে আছে। তার মুখে উদ্বেগের কোনো চিহ্ন নেই।

আমি ভালো করে কিছু বলার পূর্বেই ডাক্তার খাটের বাজুতে বসে আমার হাতখানা আপন হাতে তুলে নিয়ে বললেন, 'আমি প্রথম দিনই স্থির করেছিলাম। সন্ধ্যোগমত আপনার শরীরটা একটু দেখে নেব। এইবেলা সেটা করা যাক। আজ রববার, বেশ আহিস্তা আহিস্তা রফ্তা রফ্তা।'

আমি দ্রুতগতিতে বোঝাতে চেষ্টা করলাম, আমার স্বাস্থ্যটা পুরুণ্টু পীঠার মত, হজম করতে পারি ভেজালতম তেল, নিদ্রা ভিলেজ ইন্ডিয়ানের চেয়েও গভীরতর—ভুল বললাম, বলা উচিত ছিল রৌদের পলিশের চেয়েও। ডাক্তার কোনো প্রকারের আপত্তি না জানিয়ে, প্রশান্ত নিঃশব্দ হাসি মারফৎ প্রসন্নতা প্রকাশ করে আমার দেহটি বদখলে এনে তাঁর ইচ্ছামত উল্টেপাল্টে দেখতে লাগলেন, যেন ঘড়ের ক্যাশিনার হাজার টাকার নোটের কোনো না কোনো জালের চিহ্ন খুঁজে বের করবেই করবে—কারণ ইতিমধ্যে, স্বামীর আদেশ হওয়ার পূর্বেই শহুর্-ইয়ার স্বতঃপ্রবৃত্ত হয়ে স্নাজপ্রশারের যন্ত্র, স্টিটস্কাপ এবং আরো কিছু আমার অচেনা যন্ত্রপাতি নিয়ে এসেছেন।

সঙ্গে সঙ্গে ডাক্তার একাধিকবার বললেন, 'আমি ডাক্তারী ভুলে গিয়েছি।

সে কথা তো আপনাকে বলছি। এটা নিছক, প্রাথমিক আনার্দ্ৰ পরীক্ষা। পরে আমার এক বন্ধু এসে পাকা ভাবে দেখে যাবেন।'

আমি বললাম, 'আমি কি হিন্দুসমাজের অরক্ষণীয়া যে আমাকে কাঁচা দেখা পাকা দেখা সব জ্বলমই সহিতে হবে?'

ডাক্তার খুশী মুখে বললেন, 'ভালোই হল, ঐ কনে-দেখার কথাটা উঠলো। আপনার কাছে আমার একটা সর্বিনয় আরজ আছে। কিন্তু আপনার যদি কণামাত্র আপত্তি থাকে তবে আপনি দয়া করে অসম্মোচে আপনার অসম্মতি জানিয়ে দেবেন। আমি কথা দিচ্ছি, আমি নিরাশ হব না।'

আমি বললাম, 'অত তকল্লুফ করেন কেন? বলুন না খুলে।'

খোঁড়াদের চলার মত হীন খুঁড়িয়ে খুঁড়িয়ে কথা বললেন। 'মানে, অর্থাৎ, ব্যাপারটা হচ্ছে এই; আমার অতি দূরসম্পর্কের একটি ভাণ্ডারী আছে। বাপ-মানেই—অরক্ষণীয়া বলা যেতে পারে। আপনাদের অঞ্চলে বিয়ের প্রাথমিক আলাপ-আলোচনা কি পদ্ধতিতে হয় আমার জানা নেই। এ অঞ্চলে কিন্তু কনেপক্ষ কখনোই বিয়ের প্রস্তাব পাঠায় না—সে বড় শরমের কথা। হিন্দুদের মত প্রোফেশনাল ঘটকও আমাদের নেই। তাই চতুর্দিকে আটঘাট বেঁধে কনের মামার ভায়রা-ভাইয়ের ভণ্ডারীপতি, পারলে তার চেয়েও দূরসম্পর্কের কেউ তার কোনো বন্ধুকে—আত্মীয়কে নয়—বরের ভণ্ডারীপতির মেসোমশায়ের বেরাইয়ের কোনো বন্ধুকে যেন ইন্দিত দেয় এই বিয়েটা সম্বন্ধে। তার পর স্টেপ বাই স্টেপ সেটা এগোয়। সেগুলো না হয় নাই বললাম। এক্ষেত্রে অনেকখানি এঁগিয়ে গেছে। আজ সকালে বরের এক নিকটআত্মীয় এখানে আসছেন—ভদ্রলোক আমার সম্পূর্ণ অপরিচিত নন—কথাবার্তা আরেকটুখানি পাকাপাকি করার জন্য। আপনি তো জানেন, এসব দুনিয়াদারী বাবদে আমি একটি আন্ত যাধ্য। তাই আপনি যদি সেখানে—'

আমি বললাম, 'আমি সানন্দে উপস্থিত থেকে আপনাকে সাহায্য করতে প্রস্তুত, কিন্তু বিপদ কি জানেন, আমি এসব ক্ষেত্রে অত্যন্ত অভিমানী। আলোচনার সময়ে যদি আমার কখনো মনে হয়, বরপক্ষ আমাদের কনেকে যেন নিতান্ত মেহেরবাণী করে বিয়ের প্রস্তাব নিয়ে এসেছেন কিংবা—থাক, অর্থাৎ বাংলা কথায়, কনে কিংবা তার আর্থিক অবস্থা অথবা তার বংশমর্যাদা সম্বন্ধে কোনো প্রকারের সামান্যতম কটাক্ষ যদি বরপক্ষ করে তবে লেগে যাবে ফৌজদারী। আমি খুব ভালো করেই জানি, এক্ষেত্রে আমার সভাস্থল পরিত্যাগ করা উচিত, কারণ আলোচনা চালু রাখার জন্যে তো অন্য মনুষ্যবীরাও রয়েছেন, কিন্তু আমি পারি না, আমি ত্রিভুবন অধিকার দোঁখি ও আমার ব্রহ্মরশ্মি দিয়ে যেন ধুনো বেরুতে থাকে। অতএব বড়ই প্রয়োজনীয় প্রশ্ন, আলোচনার আমার যোগদান করাটা কি আপনাদের পক্ষে বাঞ্ছনীয়?'

আমার কথা শুনে দুঃখনাই এমন হাসি লাগালেন যে তার আর শেষই হয় না। ডাক্তার তাঁর বউকে সঙ্গে সঙ্গে কি যে বলছেন সেটা আমার ঠাहर হল না। পরে শুনলুম বলছেন, 'ঠিক আমার আপন মামুর মত, হুবহু যেন আমার আপন মামু এ কথাগুলো কইলেন! তুমি তাঁকে দেখো নি শহুর-ইয়ার—তিনি চলে যান আমি যখন ম্যাট্রিকে। কী দম্ভ, কী দেমাক ছিল ভদ্রলোকের! কিন্তু এ একমাত্র বিয়ের আলাপের সময়। অন্য সময় মাটির মানুষ বললেও কমিয়ে বলা হয়। আর তাঁর দোস্তী ছিল কাদের সঙ্গে, জানো? দুনিয়ার যত মুটেমজুর, গাড়েয়ান বিড়িওলার সঙ্গে। তিনি গত হলে পর আমরা তো বেশ জাঁকজমক করে তাঁর ফাঁতহা (প্রাম্ধ) করলুম, আর বিশ্বাস করবে না, শহুর-ইয়ার, আরেকটা আলাদা করলো তাঁর টাঙাওলা বিড়িওলা দোস্তরা—দু' পরস, চার পরস করে চাঁদা তুলে তুলে।'

আমি বললুম, 'নিশ্চয়ই অত্যন্ত খানদানী ঘরের শরীফ আদমী ছিলেন।'

ডাক্তার বললেন, 'দি বেস্ট না হলেও ওয়ান অব্ দি ভোরি বেস্ট ইন মুশিদাবাদ। কিন্তু আপনি আঁচলেন কি করে।'

উচ্চতম স্তরের লোক ভিন্ন অন্য কেউ নিম্নতম স্তরের সঙ্গে মেশবার হিম্মৎ করলজ্ঞান ধরে না।'

ডাক্তার বললেন, 'সে তো বুললুম, কিন্তু আপনি, স্যার, কি এখনো উনিবিংশ শতাব্দীতে বাস করেন?'

আমি বললুম, 'ঠিক তার উল্টো। আমি বিংশ শতাব্দীও পেরিয়ে গিয়েছি। যে-কোনো প্রকারেই হোক মেয়েকে বিয়ে দিতেই হবে এই মাথাভার আমলের কুসংস্কার আমি বিশ্বাস করি না। কিন্তু এ নিয়ে আলোচনা পরে হবে। ওনরা আসবেন কখন?'

'দেঁরি নেই, এনি মিনিট।'

'তা হলে তাড়াতাড়ি জেনে নিই। কনের মা'র মহর (স্বীধন) কত ছিল?'

ডাক্তার ঘাড় চুলকাতে চুলকাতে বললেন, 'তাই-তো। ওদের আবার ফোন নেই যে শুববো।'

শহুর-ইয়ার বললে, 'দশ হাজার।'

'সঙ্গে সেকুঁরিটি হিসেবে জমি-জমা, কলকাতার কোনো স্থাবর সম্পত্তি?'

'না।'

'মুহম্মদী চার শত ছাড়া অন্য কোনো শত ছিল যেটা বর ডাঙলে মেয়ে তালুক চাইতে পারবে।'

'না।'

'কনের কোনো ভাই-বোন আছে?'

'একটি দাঁদি ছিল। বিয়ের অল্প দিন পরেই মারা যায়।'

‘কার্বিন্-নামায় (ম্যারেঞ্জ কন্ট্রাক্ট) ওর স্ট্রীথন (মহর্) কত ছিল ?’

‘হাজ্জার পনরো ।’

‘ওরা কত গল্পনা দিয়েছিল ?’

‘হাজ্জার তিনেকের ।’

‘আর আমরা ?’

‘ঐ হাজ্জার তিনেক । তবে জেহজের খাটতোশক, ড্রেসিং টোঁবল, পেতলের কলসীটলসী নিয়ে হাজ্জার পাঁচেক হবে ।’

শহর্-ইয়ারই সব কটা উত্তর দিলে ।

ডাক্তার সত্যই একটা নিষ্কর্মা খোদার খাশী । ফ্যাল ফ্যাল করে শূধু আমাদের কথাবার্তা শোনে আর তাকানোর ভাব থেকে অতি স্পর্গট বোঝা যায়, এ সব প্রশ্নোত্তরের তাৎপর্য তার মস্তকে আদৌ প্রবেশ করে নি ।

শহর্-ইয়ারকে শূধালুম, ‘বরের বাড়ির মেয়েরা হরদরে কত স্ট্রীথন পেয়েছে এবং বরেরা আপন আপন দুল্‌হিন্কে (কনেকে) কত টাকার গল্পনাগাঁট দিয়েছে সেটা বোধ হয় জানেন না এবং আমাদের সূচতুর ডাক্তারও সে খবর গোপনে গোপনে সংগ্রহ করেন নি । না ?’

আমার অনুমান সত্য ।

ডাক্তার মেয়েটি কি কি পাশ দিয়েছে, রবীন্দ্রসঙ্গীত গাইতে পারে কিনা এসব খবর দিতে আরম্ভ করেছেন । আমি বললুম, ‘ওসব জেনে কি হবে ? তার জেয়ে স্ট্রীথন বাড়াবার সম্ভাবনা ক্ষীণ । বরপক্ষ তাদের অন্যান্য ছেলের বিয়েতে কার্বিন্-নামায় কনেপক্ষের প্যাঁচের টাইটে কি কি দিয়েছে সেটা জানতে পারলে, বেটার স্টিল ওদের দুল্‌চারখানা কার্বিন্-নামার কর্পি যদি গোপনে গোপনে যোগাড় করে রাখতেন তবে সেগুলো হতো আমার এ্যাটম্ বম্ । এখন যা অবস্থা, মনে হচ্ছে, গাধা বন্দুকটি পর্যন্ত হাতে নেই ।’

প্রাইজ-ইডিগট আর কারে কয় ! ডাক্তার বলে কি না, বরপক্ষকে শূধোলেই তো সব জানা যাবে ।

আমার কান্না পাবার উপক্রম । বললুম, ‘ওরা জলজ্যান্ত মিথ্যে খবর দেবে । আর আমিও কনেপক্ষের সুবিধের জন্যে যে খাণ্ডারিং মিথ্যে বলবো না, সে প্রতিজ্ঞাও করছি নে ।’

শহর্-ইয়ারকে শূধালুম, আপনি আমাদের সঙ্গে বসবেন ?’

‘না ।’

‘এক্সসেলেন্ট ! কিন্তু আপনি কোথাও পালাবেন না । কোনো খবরের দরকার হলে আপনার কাছে কোনো অঁহলায় চলে আসব ।’

‘আমি ওঁদের জন্যে খাবার-দাবার তৈরী করার তদারকিতে থাকবো ।’

বেয়ারা খবর দিল ওঁরা এসেছেন । ডাক্তার সঙ্গে সখে দ্রুতগতিতে এঁগিয়ে

গেলেন। আমি পা বাড়াতেই শহর-ইয়ার দুষ্টু মুচর্চক হাসি হেসে বললে, 'আপনাকে যে কত রূপেই না দেখব! এখন দেখছি ঘটক রূপে। এও এক নব রূপ।' গুনগুন করে গান ধরলো—

তুমি নব নব রূপে এস প্রাণে

ডাক্তার মহা সাড়ম্বরে বরপক্ষের দুই ভদ্রলোকের সঙ্গে আলাপ করিয়ে দিলেন এবং বললেন, আমি যে কনেপক্ষের হয়ে এই আলোচনায় যোগ দিতে রাজি হলেছি তার জন্য তিন এবং তাঁর পরিবার নিজেকে অত্যন্ত গর্বিত অনুভব করছেন। কনেপক্ষের দু'জনও তাঁদের আনন্দ প্রকাশ করলেন এবং বললেন, আমার নাম তাঁদের গোষ্ঠীতে অজানা নয়।

ডাক্তার বললেন, 'হীন আছেন বলে আমার আর কোনো দুর্শ্চিন্তা নেই যে, আমরা অতি সহজেই সব বিষয়েই একমত হয়ে যেতে পারবো।'

আমি এ-জাতীয় অদৃশ্য সশস্ত্র সংগ্রাম—অজ্ঞজন যাকে বলে বিবাহের শর্তগুলি স্থির করার জন্য বর ও কনে পক্ষের মধ্যে আলোচনা—শেষবারের মত দেখেছি দেশে। তার পর দু'একটি বিয়ে-শাদীতে আনুষ্ঠানিকভাবে পেট ভরে খেয়ে এসেছি—বাস্।

আমি সেই ত্রিশ বৎসর পূর্বেকার শেষ অদৃশ্য সশস্ত্র সংগ্রামে আমার অদৃশ্য তলওয়ারটাতে শান দিতে লাগলুম।

কিন্তু হা কপাল! সব বেকার, সব বরবাদ, সব ভুড়ুল।

এজাতীয় আলোচনা সব সময়ই আরম্ভ হয় মহরু বা স্ত্রীধনের পরিমাণ নিয়ে। কনের দাঁদর স্ত্রীধন পনেরো হাজার ছিল, তারই স্মরণে গুনগুন করলুম, 'কুড়ি হাজার।'

আমি ছিলুম তৈরী যে তাঁরা মৃদু হাস্য করে অতিশয় ভদ্রতা সহকারে দশ হাজার দিয়ে দর-কষাকষি আরম্ভ করবেন। ইয়া আল্লা! কোথায় কি? দু'জনাই অতি প্রসন্ন বদনে সঙ্গে সঙ্গে স্বীকার করে নিলেন! আমি তো সাত হাত পানিমে!

মৃদুকণ্ঠে বললুম, 'আপনারা তো সবই জানেন, কনের বাড়ির হালও জানেন; গয়নাগাটি আমরা আর কি দেব! আপনারাই বরণ একটা আন্দাজ দিন!'

ফের ফাটলো বম্-শেল! দু'জনাই সাততাড়াতাড়ি বললেন, 'এ কি বলছেন, সাহেব। না, না, না। আপনারা যা খুশ্ দিলে দেবেন আগাদের পক্ষে সেইটেই গণিমৎ (বৈভব, সৌভাগ্য)।'

তার পর ও'রা নিজের থেকে যা বললেন তা শুনেন, বিশেষ করে 'থার্ট' ইয়ারস উল্লোরের' স্মরণে, আমি আমার কান দুটোকে বিশ্বাস করতে পারলুম না। ও'রা কনেকে কি গয়নাগাটি দেবেন সে প্রশ্ন হীতীর্ভূত করে আমি শূধোবার পূর্বেই তাঁরাই স্বতঃপ্রবৃত্ত হয়ে বললেন, 'মাফ করবেন, আর আমাদের পক্ষ

থেকে তো বলার কিছুই নেই। আপনারা জানেন দুর্ল্‌হার (বরের) ভাইবোন নেই। কাজেই দুর্ল্‌হিনই শাশুড়ীর সব-কিছু পাবেন এ তো জানা কথা, আর আমরাও সেই কথাই দাঁছি। তার দাম—'ভদ্রলোক সঙ্গীকে শোধোলেন, 'কত হবে ডায়া?' সঙ্গী বললেন, 'হালে যাচাই করা হইয়াছিল। কুঁড়ি হাজারের কম না। তিন পুরনোর পুরনো গয়না, নতুন করে গড়াতে হবে।'

'কুঁড়ি হাজার'—বলে কি! কিন্তু সঙ্গে সঙ্গে তড়িঘড়ি বললুম, 'অমন কম্বাটি করতে যাবেন না। আল্লার মেহেরবাণীতে ভালোয় ভালোয় আক্‌-রসুমাৎ (পরিপূর্ণ শাদী) হলে যাক তখন না হয় দুর্ল্‌হিন্ তাঁর শাশুড়ীর সঙ্গে পরামর্শ করে যা করার করবেন। কি বলেন ডাক্তার? আর আপনারা?'

দুর্জনেই সানন্দে সাঙ্গ দিয়ে, একজন বললেন, 'আমার মেয়ে বলাছিল, পুরনো ফ্যাশান নাকি আবার হালফ্যাশান হচ্ছে! এখন ভেঙে গড়ালে পরে হয়তো দুর্ল্‌হিনই—' কথাটা তিনি আর শেষ করলেন না।

ইতিমধ্যে নাশ্তা আসতে আরম্ভ করেছে। সে আসা আর শেষ হয় না। নাশ্তা না বলে এটাকে হক্ক-মাফিক ব্যানকুয়েট বলা উচিত। বরপক্ষ ক্রমাগত আমাদের শুনিয়ে একে অন্যকে বলে চলেছেন, 'হবে না কেন? চিরকালই হয়ে আসছে এরকম। এঁয়ার গুলালের (পিতার) আমলে আমি কতবার খেয়েছি এ রকম। আমার দাদাকে (ঠাকুন্দা) কত শত বার বলতে শুনিয়েছি, এঁয়ার ঠাকুরদার শাদীর দাওয়া! তিন রকমের খানা তাইয়ার হয়েছিল। তিন বাবুচাঁর একজন এসেছিল পাটনা থেকে, অন্যজন দিল্লী থেকে আর তিসরা হায়দ্রাবাদ নিজামের খাস বাবুচাঁ-খানা থেকে। আর—' চললো তো চললো—তার যেন শেষ নেই।

নাশ্তার বাসন-বর্তন খাওয়াদাওয়ার পর যখন সিরিয়ে নেওয়া হল তখন আমি অতিশয় মোলায়েম সুরে বললুম, 'আমার একটি আরজ আছে; যদি অভয় দেন—'

উভয়ে সম্ভবে বললেন, 'আপনি আরজ না, হুকুম করুন।'

আমি বললাম, 'আমি যা বলতে যাচ্ছি সেটা বোধ হয় আদালতে টেকে না। কুরান শরীফের কানুন মতাবেক যে কোনো মুসলমান চারিটি বীবী একই সময়ে রাখতে পারে। এখন আমরা যদি কাবিন্-নামায় দুর্ল্‌হার কাছে শর্ত নিই অর্থাৎ আপনারা যদি মেহেরবাণী করে সে শর্ত কবুল করেন যে তিনি দুর্ল্‌হিনের বিনা অনুমতিতে দূসরী শাদী করবেন না, তবে আইনত সেটা বোধ হয় আলটো ভাইরেন্। আদালত খুব সম্ভব বলবে, "কুরান শরীফ মুসলিমকে যে হক্ক দিয়েছেন, মানুষ একে অন্যের কাছ থেকে শর্ত আদায় করে সে হক্ক খর্ব করতে পারে না।" আমি এতক্ষণ ধরে এই সমস্যাটা নিয়ে চিন্তা করছিলাম।'

কন্যাপক্ষ বললেন, 'আমরা খুশীর সঙ্গে সে শর্ত দেব। সে শর্ত আপনাদের

তরফ থেকে নিতে তো কোনো দোষ নেই। তার মূল্য শেষ পর্যন্ত যদি না থাকে তো নেই। এখন নিতে আপত্তি কি?’

সমস্ত বাক্যালাপটা আমার কাছে অত্যন্ত অবাস্তব ঠেকছিল। কোথায় গেল সেই গ্রিশ বৎসর পূর্বেকার লড়াই? আলোচনার নামে চিৎকার, রাগারাগি, নাশুতা স্পর্শ না করে বরপক্ষের সভাত্যাগ; এমন কি বিয়ের রাতেও—উভয় পক্ষ তর্তাদনে বিয়ের প্রস্তুতির জন্য হাজার হাজার টাকা খরচ করে ফেলেছেন—কাবিন্-নামা লেখার সময় সামান্য একটা শর্ত নিয়ে বচসা, তারপর মারামারি, সর্বশেষে বিয়ে ভাঙল করে বরপক্ষ বাড়ি যাবার পথে অন্য কোনো মেয়ের সঙ্গে বিবাহ-পর্ব সমাধান করে মুখরক্ষা করলো—এ ব্যাপারও মাঝে মাঝে হয়েছে।

আর আজ দেখি ঠিক তার উল্টো! আমি যা শর্ত চাই সেটাতেই তাঁরা রাজী! যেন সমস্ত কলকাতা শহরে আর কোনো বিবাহযোগ্য্য কুমারী নেই! এই গ্রিশ বছরে দুনিয়াটা কি আগাপাস্তলা বদলে গেল?

এ অবস্থায় আর খাঁই বাড়ানো চামারের আচরণ হবে। শুধু বললুম, ‘আর বাকী যেসব ছোটখাটো শর্ত আছে, যেমন আমাদের মেয়ে যদি—আল্লা না করুক—শ্বশুরবাড়ির সঙ্গে মনোমালিন্য হেতু বাপের বাড়িতে এসে কিছুকাল বা দীর্ঘকাল বাস করে তবে সে শ্বশুরবাড়ি থেকে কত টাকা মাসোহারা পাবে, আপনারা যে স্ত্রীধন দেবার জন্য প্রতিজ্ঞাবদ্ধ হবেন তার জিম্মাদার কে কে হবেন, এ সবেের জন্য আর চিন্তা করতে হবে না। বিয়ের পূর্বে আমাদের উকীলের সঙ্গে আপনাদের উকীল বসে এ-সব ফর্মালিটিগুলো দূরস্ত করে নেবেন। আজ আমি এতই খুশী যে বিনা তর্কে বিনা বাধায় বড় বড় শর্তগুলো সম্বন্ধে একমত হতে পেরেছি যে অন্য আর কোনো ছোট শর্ত স্পর্শ করতে চাই নে।’

সবাই সমস্তের তখন আমাকে অনুরোধ করলেন আমি যেন আল্লার কাছে শুকরিয়া জানিয়ে একটি মনাজাত (প্রার্থনা) করি। এসব মোল্লাদের (পুরুষদের) কাজ,—তারা দু’পয়সা পাল্লও—এসব আমাদের (অর্থাৎ ‘স্মৃতি-রত্নদের’) কাজ নয়। তবু অতিশয় প্রসন্ন চিত্তে আল্লাকে ধন্যবাদ জানিয়ে প্রার্থনা সমাপ্ত করলুম।

দশ

ডাক্তার বললেন, ‘আমার খুব ছেলেবেলায় এ বাড়ির দুর্দীনজন অতি বৃন্দ মুরুব্বীর কোলে বসে তাঁদের আদর পেয়েছি, আর মনে আছে, আমাকে আদর করতে করতে হঠাৎ তাঁরা কেঁদে ফেলতেন। আমি তখন এই বিরাট বাড়ির বিরাট গোষ্ঠীর একমাত্র সন্তান। আপনি যে-সব প্রশ্ন শূখোলেন, এর অধিকাংশের উত্তর এই মুরুব্বীর নিশ্চয়ই জানতেন, কিন্তু আমি তখন এতই

অবোধ শিশু যে আমাকে তাঁরা প্রাচীন দিনের কোনো কাহিনীই বলেন নি ।’

একটু অপ্রতিভ হাসি হেসে বললেন, ‘কিন্তু এই বৃন্দেরা একটা গভীর পরিভূপ্তি সঙ্গে নিয়েই ওপারে গেছেন । ঐ নিতান্ত শিশুবয়সেই আমি ওঁদের নামাজের সময় তাঁদের পাশে দাঁড়িয়ে, বসে, সজ্জদা দিয়ে তাঁদের অনুকরণ করতুম, তাঁদের কোলে বসে মসজিদে যেতুম, আর বাড়িতে শিনী বিলোবার সময় সদর দরজায় তাঁদের পাশে গিয়ে দাঁড়াতুম । আমাকে তাঁরা তখন একটা খুব উঁচু কুর্সীতে বসিয়ে জমায়েৎ গরীব-দুঃখী, নায়েব-গোমস্তা সবাইকে বলতেন, ইনিই বাড়ির মালিক ; এঁর হুকুমত চললে আমাদের দোওয়া তোমাদের উপর থাকবে ।’ আর সবচেয়ে মজার কথা কি জানেন, সৈয়দ সাহেব, আমার আপন ঠাকুন্দার বড় ভাইসাহেব, যিনি তখন বাড়ি চালাতেন, তিনি প্রায় প্রতিদিন আমার পড়ার ঘরে এসে বলতেন, ‘ভাইয়া, শোনো । মিজাপুর (উনি অবশ্য মীরজাফর-ই বলতেন) অম্বলে আজ আরেকটা বাড়ি কেনা হলো । ঠিক আছে তো ?’ কিংবা ঐ ধরনের ব্যবসায় সংক্রান্ত কিছ্—একটা । আজ ঐ ছবিটা যখন চোখের সামনে ভেসে ওঠে তখন হাসি পায় । ঠাকুন্দা খবরটা দেবার সময় ভাবখানা করতেন, যেন তিনি আমার নায়েব, কিছ্—একটা করে এসে হুকুমের পাকা সম্মতি চাইছেন ! এরকম একাধিক ছবি আমার চোখের সামনে এখনো আবছা-আবছা ভাসে ।

ছ’মাসের ভিতর তিন ঠাকুন্দাকেই গোরস্তানে রেখে এলাম । আমার তখন-কার শিশুমূনের অবস্থা আপনাকে বোঝাবার চেষ্টা করবো না ।

ঐ যে পুরো একটা উইং জুড়ে রোজ সন্ধ্যায় সাজানো-গোছানো ঘরে আলো জ্বলে তাঁরা ঐখানে বাস করতেন, তাঁদের আপন আপন শব্দশুরবাড়ির কিংবা ঐ ধরনের কিছ্—কিছ্—জ্ঞাত-গোষ্ঠী নিয়ে । বহু বৎসর পরে আমাদের প্রাচীন দিনের নায়েব সাহেব আমাকে বলেন, ‘ঐ বৃদ্ধা ঠাকুন্দারা তাঁদের মৃত্যুর বছরখানেক আগে কলকাতার অন্যত্র পুণ্ড্রদের জন্য ভালো ব্যবস্থা করে দেন, ঠাকুন্দারা নাকি চান নি যে তাঁরা এ বাড়িতে পরবর্তীকালে আমার কোনো অসুবিধার সৃষ্টি করেন ।’

আমি শূধালুম, ‘এই নায়েব নিশ্চয়ই বৃন্দ বয়সে মারা যান । তিনি আপনাকে প্রাচীন দিনের কোনো কাহিনী বলেন নি ? পাড়ার আর পাঁচ বৃদ্ধো ?’

‘কি করে বোঝাই, ডাক্তার সাহেব, বাপ-মা, আমার আপন ঠাকুন্দা নিয়ে চারজন ঠাকুন্দা—আমার আপন ঠাকুন্দা আর পাঁচজন চাচা মারা যান আমার জন্মের পূর্বে—ওঁদের সবাইকে হারিয়ে ছ’বছর বয়স থেকে আমি একা—এই বিশাল বাড়িতে একা । শূধু নায়েব সাহেবের ক্ষুদ্র পরিবার এবং তাঁর এক বিধবা পুত্রবধূ—ইনিই আমাকে মানুষ করেন আপন ছেলের মত করে । কিন্তু আমার এমনই কিম্বৎ, এঁরাও সবাই চলে গেলেন ওপারে—তর্দানে আমি মোড়কেল

কলেজের ফাইনাল ইয়ারে। বাকি রইলেন, শুধু আমার ঐ মা-টি। তাঁকেও হারালুম এমন এক সময় যে আমি রাতে হাউ হাউ করে কেঁদেছি। এই মা আমার আত্মগোপন করে শহর-ইয়ারকে গোপনে দেখে এসে আমাকে বললেন, 'জুল্ফিকার, আমি নিজে দুল্হিন দেখে তোর বিয়ে ঠিক করে এসেছি। এই-বারে তুই রাজী হলেই আমি পাকা খবর পাঠাই।' আমি জানতুম, ঐ নিঃসন্তান বৃন্দার ঐ একাটি মাত্র শেষ শখ। তাঁর সঙ্গে আমার কোনো রক্তসম্পর্ক নেই, সুন্দরতম আত্মীয়তাও নেই, অথচ তিনি আমাকে দিনে দিনে মানুষ করে তুলেছেন সামান্যতম প্রতিদানের চিন্তা পর্যন্ত না করে—ঘোর নেমকহারামী হতো এঁর শেষ আশা পূর্ণ না করলে। আর বিয়ে তো করতেই হবে একদিন—বংশরক্ষা করার জন্য, অন্য কোনো কারণ থাক্ আর নাইবা থাক্। বিয়ে না করলে আমার পিতৃপুরুষ পরলোক থেকে আমাকে অভিসম্পাত দেবেন, একসংস্কার আমার নেই; কিন্তু তাঁরা যতদিন এ-লোকে ছিলেন ততদিন আমিই, একমাত্র আমিই যে তাঁদের শেষ আশা, আমিই তাঁদের বংশরক্ষা করবো—সে-আশা যে এ বাড়ির বাতাসের সঙ্গে গিয়ে মিশে প্রতি মুহূর্তে আমার প্রতিটি-নিঃবাসের সঙ্গে আমাকে প্রাণবায়ু দিচ্ছে। এক মুহূর্তে চিন্তা না করে সম্মতি দিলুম।'

'আমি শূদ্যালুম, ইতিমধ্যে আপনি প্রেমেষ্ট্রেমে পড়েন নি? কলকাতার ডাক্তারি শিক্ষাবিভাগ পাছে আমার বিরুদ্ধে মানহানির মোকদ্দমা করে তাই সভয়ে বলছি, অন্যদের তুলনায় প্রেমেষ্ট্রেম করার সুবিধে আপনাদেরই তো বেশী। আর আপনার চেহারা, ধনদৌলত—'

হেসে বললেন, 'প্রেমেষ্ট্রেম হয় নি, তবে মাঝে মাঝে যে চিন্তাচঞ্চল্য হয় নি একথা অস্বীকার করলে গুনাহ হবে। তবে কি জানেন, আমি যে মুসলমান সে-বিষয়ে আমি সচেতন এবং তাই নিয়ে আমার গর্ববোধ আছে। ওদিকে হিন্দুরা নিজেদের মুসলমানের চাইতে শ্রেষ্ঠতর মনে করেন। সেটা নিতান্তই স্বাভাবিক। প্রত্যেক জাতই—একস্ট্রীম এভনরমেল কমিউশন না হলে—নিজেকে অন্য জাতের চেয়ে শ্রেষ্ঠ মনে করে। অবশ্য এসব বাবদে সম্পূর্ণ উদাসীন মহাজনও কিছ্, কিছ্ সব সময়ই পাওয়া যায়। আমার সহপাঠী সহকর্মী প্রায় সবাই হিন্দু, কিছ্, কিছ্ অ্যাংলো-ইন্ডিয়ান, যে দু'একজন মুসলমান তাঁরা থাকেন হস্টেলে। কয়েকজন হিন্দুর সঙ্গে অস্তরঙ্গতা হয়—এখনো আছে—এবং তাঁরা অত্যন্ত সজ্জন বলে বাড়িতে নিয়ে গিয়ে মা-বোনদের সঙ্গে আলাপও করিয়ে দেন। সেখানে প্রেম করে হিন্দু পরিবারে বিপর্যয় বাণ্ড বাধাবার কোনো বাসনাই আমার ছিল না—তদুপরি কোনো হিন্দু তরুণী যে আমার প্রতি বিশেষভাবে আকৃষ্ট হলেছেন সেটাও আমার গোচরে আসে নি।'

আমি বললুম, 'অত অগ্র-পশ্চাৎ বিবেচনা করে প্রেম হয় না। তারপর কি

হল, বলুন ।’

ডাক্তার বললেন, ‘পাক্সা হক্ কথা বলেছেন । আচ্ছা, তবে এখন পুরনো কথায় ফিরে যাই । বিয়ের সম্মতি পেয়ে আমার মা তো আসমানের চাঁদ হাতে পেলেন । বাড়ির লোকজন পাড়াপড়শী সবাইকে বার বার শোনান—যা দিন কাল পড়েছে, আপন গর্ভের সন্তান মায়ের মরার সময় মুখে এক ফোঁটা জল দেয় না । আর আমার জুল্ফিকার একবার একটা প্রশ্ন পর্যন্ত জিজ্ঞেস করলো না, দুর্লহিন কোথাকার, লেখাপাড় করেছে কি না, দেখতে কি রকম । বললে, মা, তুমি যখন পছন্দ করেছ, তখন নিশ্চয়ই ভালো হবে । আর সঙ্গে সঙ্গে সম্মতি দিলে ।

তারপর বৃষ্টির দিনগুলো কাটলো বিয়ের ব্যবস্থা করতে ।

আমাদের বিয়ের ঠিক সাতদিন আগে তিনি হার্টফেল করে বিদায় নিলেন ।’

ডাক্তার অনেকক্ষণ ধরে চুপ করে থাকার পর বললেন, ‘হ্যাঁ, ঐ প্রাচীন যুগের নায়েব সাহেবের কথা হাঁচ্ছিল যিনি যথের মত এ গোষ্ঠীর বিষয়-সম্পর্কিত জীবনের শেষ দিন পর্যন্ত আগলিয়েছেন । তিনি নিশ্চয়ই অনেক কিছুর বলতে পারতেন, কিন্তু বলেন নি, কারণ আমার দিক থেকে তিনি কখনো কণামাত্র কৌতূহল দেখতে পান নি । আর তিনিই বা এসব কথা আমার স্মরণে এনে কি আনন্দ পাবেন ? ঠাকুন্দাদের বয়েসী নায়েব সাহেব আমার ঠাকুন্দার বাবাকেও তাঁর ছেলেবেলায় দেখেছেন, তাঁর জন্ম হলে নাকি আকবরী মোহর দিয়ে তিনি তাঁর মুখ দেখেছিলেন । কারণ তাঁর বাপ ছিলেন আমার ঠাকুন্দার ঠাকুন্দার নায়েব । এবং সেই ঠাকুন্দার ঠাকুন্দার আব্বা বানান এই বাড়িটা । তিনি তাঁর ভাই বেরাদর ভাতিজা ভাগিনা, আপন এবং ভাই-ভাতিজাদের শালা-শালাজ জ্বাতি-গোষ্ঠী পুঁথি, মসজিদের ইমাম সায়েব, মোয়াজ্জিন (যে আজান দেয়), পাশের মকতবের গোটা চারেক মৌলবী—মকতবটা বহুকাল উঠে গেছে—বিষয়-আশয় দেখবার দুর্পাচজন কর্মচারী, ডজনখানেক মাদ্রাসার গরীব ছাত্র নিয়ে এ বাড়িতে থাকতেন । এইটুকু ভাঙ্গা-ভাঙ্গা ভাবে শুনোঁছি ।

কিন্তু মোম্বা কথা এই : ঠাকুন্দাদের গোর দেবার সময় আমার অতীত এবং এ-বাড়ির অতীতকেও আমি যেন আমার অজ্ঞানতে সঙ্গে সঙ্গে গোর দিলুম । বৃষ্টিসমৃদ্ধি বাড়ার সঙ্গে সঙ্গে আমার অতীতের প্রতি কৌতূহল, আকর্ষণ দুটোই যেন আরো নিভে যেতে লাগল, বরঞ্চ উল্টে অতীতের প্রতি যেন আমার একটা রোষ জন্মাল । মনে হলো সে আমার প্রতি ভয়ঙ্কর অবিচার করেছে । আমাকেও তো সে অনায়াসে মেরে ফেলতে পারতো । আমি কি তার যক্ষ যে এ বাড়ি ভূতের মত আগলাবো ?

আমার মনে হয়, বৃদ্ধো নায়েব এবং পাড়ার পাঁচবৃদ্ধো আমার চোখেমুখে অতীতের প্রতি আমার বিতৃষ্ণা দেখতে পেতেন এবং তাই স্বেচ্ছায় ঐ পাঁচ

ঘ'্যাটাতেন না ।

আর বলতে গেলে তাঁরা বলবেনই বা কি ? সেই ১৮২৫-এর গমগমে বাড়ি কি করে একজনাতে এসে ঠেকলো । একজন একজন করে সঙ্কলের বংশলোপ পেল—এ ছাড়া আর কি ? আর্পনিই বলুন, সে-সব শুনতে কার ইচ্ছে যায় ?

তবে হ'্যা, কারো যদি ইচ্ছে যায় পুরো ইতিহাসটা গড়ে তোলবার, তবে সে সেটা করতে পারে—কিন্তু বিস্তর তৎপরীফ বরদাশ'ত করার পর । নিচের তলায় 'এল' উইঙ্গের শেষ দু'খানা ঘরে আছে, যাকে বলতে পারেন আমাদের পারিবারিক আর্কাইভ অর্থাৎ মহাফেজখানা । ১৭৮০ বা ৯০ খৃষ্টাব্দ থেকে আজ পর্যন্ত যেমন যেমন দলীল-দস্তাবেজ, চিঠিপত্রের আদান-প্রদান, জমা-খরচের হিসেব-নিকেশ, কর্মচারীদের রিপোর্ট, মোকদ্দমা সংক্রান্ত কাগজ এবং আরো শত রকমের ভিন্ন ভিন্ন কাগজপত্র, টুকটুকি প্র্যাকটিকাল কারবার-ব্যবসায়ের জন্য বেকার হয়ে গেল, সঙ্গে সঙ্গে সেগুলো রেখে দেওয়া হয় ঐ দু'খানা ঘরে । বেশ যত্নের সঙ্গেই রাখা হয়েছে, এবং পুরূষানুক্রমে নায়েবরাও সেগুলোর যত্ন নেন । শহুর-ইয়ারও মাস তিনেক অন্তর অন্তর সেগুলোর তদারক করে । আমার লজ্জা পাওয়া উচিত, আমার কিন্তু মাষা পরিমাণ দিল্-চস্পী এ-সব কাগজপত্রের প্রতি নেই ।'

আমি চুপ করে ভাবলুম এবং ডাক্তারকে মোটেই কোন দোষ দিতে পারলুম না । যে অতীত তাঁর গোষ্ঠীর সব-কিছু নির্মম ভাবে কেড়ে নিয়েছে তাকে আবার যত্নআত্ত করে পু'থির পাতায় লেখার কি প্রয়োজন ? এবং এর সঙ্গে আরেকটা তত্ত্ব বিজড়িত আছে । পরিবারের অতীত ইতিহাস নিয়ে যারা নাড়া-চাড়া করে তাদের বেশীর ভাগই কেমন যেন পূর্ব ইতিহাসের স্মরণে বেশ কিছুটা দম্ভী হয়ে যায় । সৌদিক দিয়ে দেখতে গেলে আমাদের ডাক্তার তো ফকীর, সূফীর বিনয় আচরণ ধরেন, সংসারে থেকে, গৃহীরাপে ।

একটু প্র্যাকটিকাল বৃন্দ্বি দেখিয়ে শূখালুম, 'এই যে শূন্য অশ্বকার একতলা, দোতলার একটা পুরো উইং, তেতলা—এগুলোর একটা ব্যবস্থা করেন না কেন ?'

'কি ব্যবস্থা ? ভাড়া দেওয়া ছাড়া আর গতি কি ? কলকাতায় আমার যে-সব বাড়ি ভাড়ায় খাটছে তার আমদানীই আমাদের দু'জনার পক্ষে যথেষ্টেরও ঢের ঢের বেশী । পরিবার যে অনর্তিবিলম্বে বৃহত্তর হবে তার সম্ভাবনাও তো দেখাছ নে ।'

এর পর ডাক্তার কি বর্লোছিলেন সেটা আমি সম্পূর্ণ মিস করলুম, কারণ আমার মনে তখন অদম্য ইচ্ছা যে তাঁকে শূধোই : দশ বছর হলো তাঁদের বিয়ে হয়েছে, এখনো কোনো বংশধর না আসার কারণ কি ? তিনি স্বয়ং ডাক্তার, তিনি তো সর্বশ্রেষ্ঠ বিশেষজ্ঞদের সাহায্য নিতে পারেন, প্রয়োজন হলে বিদেশে

যেতে পারেন, কিন্তু ইচ্ছেটা অতি কষ্টে দমন করলুম। আমি ভীর্ণ; যদি কোনো অপ্রিয় সংবাদ শুনতে হয়।

আবার কান পেতে শুনলুম, বলছেন, 'অতি বিশ্বস্ত আমাদেরই প্রাচীন নায়েব বংশের ছেলে এখন নায়েব আছেন, কর্মচারীরাও বিশ্বস্ত, তবে আমার জ্ঞান পানি পানি। নায়েবকে আমি সর্ব ডিভিশন নেবার ভার কমপক্ষে সাতাশবার বলেছি, বিরক্ত হয়ে কাগজ লিখে ডাকে তার বাড়িতে পাঠিয়েছি। কোনো ফল হয় নি। সে কাজ করে যায় তার আবার কাছ থেকে ঐতিহ্যগত যে পশ্চাৎতে কাজ শিখেছে। দুদিন অন্তর অন্তর এ-বাড়িতে এসে সভয় নয়নে উঁকিঝুঁকি মারে—হৃদয়কে কখন বিরক্ত না করে দুটো ডিভিশন ফাইনেলাইজ করে নেওয়া যায়। এই উঁকিঝুঁকিটা আমাকে বিরক্ত করে আরো বেশী। আমি কি বাঘ, তাকে চিবিয়ে খেয়ে ফেলব! যদি তার বাপ বেঁচেছিলেন, আমি ছিলুম সুখে। সপ্তাহে একদিন এসে দশ মিনিট ধরে গাড়গাড় করে যা কিছুর করেছেন সেগুলো বলে নিয়ে শোধোতেন, "ঠিক আছে তো, মিয়া?" অনেকটা আমার সেই ঠাকুন্দার রিপোর্ট দেওয়ার মত। অবশ্য প্রায় দুটি বছর সর্ব আপত্তি, প্রতিবাদ, চিৎকার সম্পূর্ণ উপেক্ষা করে, বলতে গেলে প্রায় আমার কানে ধরে সব কটা বাড়ি বার বার খুঁটিয়ে খুঁটিয়ে দেখিয়েছেন, সব কাজ শিখিয়েছেন। ঐ সব বাড়ি আর তাদের ভাড়াটে আমার জন্য দুনিয়ার দোজখ রূপে অবতীর্ণ হয়েছেন।

এখন যদি একতলা আর তিনতলাটা ভাড়া দি তবে সেটা খাল কেটে ঘরে কুমির আনা নয়, সেটা হবে ক্লাইভ এনে ব্রিটিশ রাজত্ব স্থাপনা করা। সিরাজ-উদদৌলার মত আমার মনু'ডুটি যাওয়াও বিচিত্র নয়।

অন্য কোনো ব্যবস্থার কথা যে একেবারেই ভাবি নি তা নয়, কিন্তু আমার সময় কোথায়?'

এগারো

আল্লাহালা যাকে খুশী তোলে, যাকে খুশী নামান—এ সত্যটি পাপীতাপী আমরা প্রায়ই ভুলে যাই।

ডাক্তারের ডাক্তারী নিয়ে ঠিক হয়ে গিয়েছে। তার অবতরণিকায় যে কৃতিত্ব সর্বকিছুর দুরন্ত-সহী করেছিলুম তাই নিয়ে বেশ একটু আত্মপ্রসাদ—এমন কি দম্ব বললেও বাড়িয়ে বলা হয় না—অনুভব করছিলুম। অবশ্য বরপক্ষ যদি একটুখানি লড়াই দিত তা হলে তাদের ঘায়েল করে কৃতিত্ব ও আত্মপ্রসাদ হতো পরিতৃপ্ত ভরা। তা ওরা যদি লড়াই না দেয়, তবে আমি তো আর ডনকুইসটের মত উই-ডমিল আক্রমণ করতে পারি নে!

কিন্তু শূন্যে শূন্যে সব-কিছুর বিচার-বিবেচনা করার পরও যে সূত্র পাচ্ছিলুম, সেটা অস্বীকার করবো না।

এমন সময় মূর্চ্চা ক'ম মূর্চ্চা হ'লে শহুর-ইয়ার খাটের পৈথানে দাঁড়াল।

বিজয়ী সেনাপতি যে রকম পদাতিকের প্রতি প্রসন্ন দৃষ্টি নিষ্ক্রেপ করেন, আমিও ঠিক তেমনি শহুর-ইয়ারকে যেন মেহেরবাগী মনজুর করে বললুম, 'বসতে পারেন।'

তারপরই ফাটলো আমার চাউস বেলুনটা!

শহুর-ইয়ার হাসিমুখে বললে, 'বলুন তো, আমরা কতবার আলোচনা করেছি—মুসলমান মেয়েদের পর্দার আড়াল থেকে বেরনো নিয়ে। পাল্লায় তুলেছি একদিকে সুবিধেগুলো, অন্যদিকে অসুবিধেগুলো এবং যেহেতু আমরা উভয়ই শেষরাস্তাতক্ ইমানদার সদাগর তাই কখনো আপনি বাটখারার পর বাটখারা চাপিয়ে গেছেন একদিকে আমি আর অন্য পাল্লায় চাপিয়ে গেছি মালের পর মাল। তারপর হয়তো আপনি চাপিয়েছেন মাল আর আমি বাটখারা। তার অর্থ, আমাদের আলোচনার স্বপক্ষে বিপক্ষে যা যা যুক্তি আমরা বের করেছি কেউ কোনোটা লুকিয়ে রাখি নি। নয় কি?'

আমি বললুম, 'নিশ্চয়ই। এ নিয়ে তো আমরা কেউ কোনো প্রকারের সন্দেহ এষাৎ প্রকাশ করি নি। আপনার মনে কি কোনো সন্দেহের উদয় হচ্ছে?'

শহুর-ইয়ার জিভ কেটে বললে, 'উপরে আল্লা; সন্দেহের অবকাশ নেই।'

আমি শূন্য এসেছিলুম আরেকটি অতি সদ্য আবিষ্কৃত যুক্তি নিয়ে যেটা মুসলমান মেয়েদের অন্দর-ত্যাগের স্বপক্ষে যায়। আপনি তো সোদিন আমাদের ভাঙ্গীর জন্য আবিষ্কৃত অশ্বেকর স্ত্রীধন, প্রচুর গয়না, এমন কি শেষ পর্যন্ত আইনে টেকে কি না টেকে এমন একটা শর্তও ভাঙ্গীর সুবিধার জন্য আপনার সুললিত রসনা সঞ্চারণ করে বিস্তর দৌলত জয় করে, রূপকার্থে বলাই, লোহার সিপদুকে তুলে রাখলেন। আপনার ডাক্তার সে কেরদানী দেখে অচৈতন্য। পাছে আপনার ন্যাজ মোটা হয় তাই তাঁর সবিস্তর প্রশান্তিগীতি আর গাইবো না। তবে একটি বাক্য আপনাকে শোনাই। তিনি বললেন, "এরকম মধুর, ললিত বিদগ্ধ ভাষা ব্যবহার করে মানুষ যে নিষ্ঠুর কাবুলীওলার মত তার প্রাপ্যের অগুনতি গুণ বেশী চাইতে পারে—এ আমি স্বকর্ণে না শুনলে কক্খনো বিশ্বাস করতুম না।" তা সে যাক্। এইবারে আসল তত্ত্বটি অবহিত চিন্তে শ্রবণ করুন।

আমাদের ভাঙ্গী তো তার প্রাচীনপন্থী চাচার সঙ্গে ঝগড়া-কাঁজিয়া করে যেতে আরম্ভ করলো কলেজে—অবশ্যই 'কালো তাঁবু' নামক বোরকা সর্বাক্ষেপেটে নয়। মেয়েটি যে বেহেশতের হুররীর মত খাপসবৃত, তা নয়—তবে সুশ্রী, স্বাস্থ্যবতী আর চলাফেরায়, কথাবার্তা বলায় হায়া-শরম আছে। লেখাপড়ায়

খুব ভালো, প্লেস পাবার সম্ভাবনাও কিছুটা আছে, এবং গোড়া চাচাটিকে না জানিয়ে হিন্দু বান্ধবীদের বাড়িতে রবীন্দ্রসঙ্গীত, নজরুল ইসলাম ও অতুলপ্রসাদের গানও বেশ খানিকটে আয়ত্ত করে ফেলল। গলাটি মিষ্টি, তাই গানের ভুলচুক-গুলো ওরই তলায় চাপা পড়ে যায়। চাচাটি অবশ্য এসব কীর্তিকলাপের কিছুই জানেন না, শুধু মাঝে মাঝে দোরিতে বাড়ি ফিরলে একটু আধটু চোটপাট করেন। তাও খুব বেশী না, কারণ তিনি কখনো কলেজে পড়েন নি, তদুপরি কুণ্ডো মানুষ—তাই কলেজের কায়াদা-কেতা, এমনিতে কখন কলেজ ছুটি হয়, ফান্‌কশন থাকলেই বা কখন, সে-বিষয়ে সম্পূর্ণ বে-খবর।

কিন্তু বাদবাকি দুর্নিয়তা তো আর বেখেয়াল নয়। একাটি এম. এ. ক্লাসের ছেলে তাকে লক্ষ্য করছিল বছর দুই ধরে। কারণ ভাণ্ডারীটি যে-বান্ধবীর বাড়িতে গিয়ে গান শিখত ছেলোট থাকে তার সামনের বাড়িতেই। প্রথমে মূগ্ধ হইছিল ভাণ্ডারী মিষ্টি গলাটি শুনেনে। তারপর সামান্য অনুসন্ধান করে তার সম্বন্ধে বাদবাকি খবর যোগাড় করলো। বিবেচনা করি ছোকরা আকাশ-ছোঁয়া লক্ষ্য মেরেছিল যখন জানতে পারলো মেরেটি তারই মত মুসলমান। ইতিমধ্যে সে আবার এম. এ. পাশ করে কোন একটা কলেজের লেকচারার হয়ে গিয়েছে। তাকে তখন ঠেকায় কে ?

ভাণ্ডারী নামঠিকানা, তার সম্বন্ধে যাবতীয় বৃত্তান্ত তার চাচাতো ভাবীকে বয়ান করে বললে, বিয়ের প্রস্তাব পাঠাও—অবশ্য সোজাসৃজি না, কনপঙ্কের এক দূর আশ্রায়ের কাছে। আলাপচারী বেশ খানিকটে এগিয়ে যাওয়ার পর স্থির হল, অমুক দিন বরপক্ষ থেকে অমুক অমুক মুরদুস্বী মহর্ ইত্যাদি স্থির করবার জন্য আমাদের বাড়িতে আসবেন। ইতিমধ্যে অবশ্য ভাণ্ডারী চাচা খবর নিয়ে জেনেছেন ছেলোট সত্যি অত্যন্তম দুর্ল্‌হার পর্যায়ে পড়ে।

আমাদের এখানে এসে আলোচনা করার আগের দিন সেই দুই ভদ্র-লোক—যাঁদের সঙ্গে পরে আপনি কথাবার্তা কইলেন—দুর্ল্‌হার বাপ-মা এবং আতিশয় অন্তরঙ্গ আশ্রায়স্বজনের সঙ্গে বসে আলোচনা করে জেনে নিলেন, মহর্ গয়নাগাঁট, ফালতো শর্ত যদি আমরা চাই ইত্যাদি তাবং আইটেমে তাঁরা কতখানি মেকসিমামে উঠতে পারেন। এবং আকছারই এ-সব ক্ষেত্রে যা হয় তার ব্যত্যয়ও হলো না। রাত দুটো না তিনটে অর্ধাধ দফে দফে আলোচনা করার সময় বিস্তর মতভেদ, প্রচুর তর্কাতর্ক ততোধিক মনোমালিন্য হলো। দুর্ল্‌হার চাচার অনেকগুলো ছেলে। তাঁর বক্তব্য—এবং সে-বক্তব্য আতিশয় যুক্তিসঙ্গত—যে, তোমরা যদি আজ দরাজ্জিদলে, মুক্তহস্তে বরপঙ্কের দাবীদাওয়া মেনে নাও তবে আমার ছেলেগুলোর বিয়েতেও দুর্ল্‌হীন পক্ষ এই বিয়ের নাজির দৌঁথয়ে এরই অনুপাতে দাবী করে বসবে প্রচণ্ড মহর্ অণ্ট-অলঙ্কারের বদলে অণ্টগণ্ডা এবং খুদায় মালুম আর কি কি। অতএব সর্ব-বাবদে

ম্যাক্সিমামটা আরো নিচে নামাও, কলকাতায় দুর্লহিনের অভাব নেই, তাঁরই পরিচিতদের ভিতরে এস্তার ডানা-কাটা হুরীপরী রয়েছে ।

সবাই তাঁকে বোঝাবার চেষ্টা করলেন; তাঁর ভয় সম্পূর্ণ অমূলক । অর্থনৈতিক চাপেই হোক বা সামাজিক যে কোনো কারণেই হোক, এখন মুসলমান মেয়ের অবস্থা প্রায় হিন্দু মেয়েরই মত । তাদেরই মত এখন বরপক্ষই জোরদার পক্ষ । দুর্লহার চাচা তাঁর এতগুলো ছেলে নিয়ে তো রীতিমত ম্যারেজ-মার্কেট কুর্ণার করবেন—এবং ঐ ধরনের আরো কত কী ।

তা সে যা-ই হোক, রাত প্রায় দুটো না তিনটোর সময় রফারফি হয়ে দফে দফে ম্যাক্সিমামগুলো পিন্ ডাউন্ করা হলো ।

এ সভাতে দুর্লহার থাকার কথা নয় । সে ছিলও না । কিন্তু সামনের ঘরে তার চাচাতো ভাবীর সঙ্গে বসে আলোচনার প্রত্যেকটি শব্দ বুঝতে তার কোনো অসুবিধা হয় নি । সে গুম্ হয়ে বসে রইল ।

পরদিন অতি ভোরে ভাবীর মারফৎ সে তার আশ্বাকে খবর পাঠালে, দুর্লহিন্ পক্ষের সব দাবীদাওয়া যেন তাঁদের চাহিদা-মাফিক মেনে নেওয়া হয় । দুর্লহা পক্ষের দর-কষাকষির দরুন যদি শাদী ভেঙ্গে যায় তবে সে স্কলারশিপ নিয়ে নাকবরাবর বিলেত চলে যাবে এবং কস্মিনকালেও এদেশে ফিরবে না । পক্ষান্তরে শাদী যদি হয়ে যায় তবে সে চাচাতো ভাইদের পারিবারের পছন্দমত জায়গায় তাদের শাদীর জিম্মাদারী এইবেলাই আপন স্কন্ধে নিচ্ছে ।

প্রথমটায় তো লেগে গেল হৈহৈ রৈরৈ । কিন্তু বাপ-মা জানতেন, ছেলেটা ভয়ঙ্কর একগুয়ে এবং চাচাও জানতেন তার কথার নড়চড় হয় না । ভাইদের বিয়ে সম্বন্ধে যে প্রতিজ্ঞা করেছে সেটা রাখবেই । অতএব শেষটায় সেই দুই ভদ্রলোককে সর্ব্বাবাদে আকাশে-ছোঁয়া ম্যাক্সিমামের সর্ব্ব এখতেরার দেওয়া হল ।

অবশ্য আপনার কেঁরদানি কিছু কম নয় ।

আমি চটে গিয়ে বললুম, 'বাস্, বাস্ হলেছে ।'

শহুর্-ইয়ার আমার কপালে হাত বুলোতে বুলোতে বললে, 'আহা ! আপনি কেন বিরক্ত হচ্ছেন ? আপনি না থাকলে আপনার ডাক্তার সাহস করে পাঁচ হাজারেরও মহুর্ চাহিতে পারতেন না । আর বরপক্ষ যে সুবোধ বালকম্বয়ের ন্যায় আপনার সব তলব মেনে নেবে, এ তত্ত্বটা না জেনেই তো আপনি কেনের জন্য বেস্ট্ টার্মস গুঁছিয়ে নিলেন । আচ্ছা, আমি কি বলি আর কি কই সে আপনি বাদ দিয়ে শধু এইটুকু শুনেন রাখুন ; ডাক্তারের ভাণ্ডীবাড়িতে আপনার খ্যাতি রুটেছে যে আপনি এমনই হিকালজ্ঞ পীরসাহেব যে বরপক্ষের উপর এক ঝলক চোখ বোলাতে না বোলাতেই সাফসুংরো অতিশয় পরিপাটীরূপে মালুম করে নিয়েছিলেন যে ওঁরা আপনার তলব মাত্র আপনার খেদমতে পেশ করার

জন্য সঙ্গে ফ্রাস্ক করে বাঘের দুধ নিয়ে এসেছিল।'

বললুম, আপ্যায়িত হলুম এবং আজ সম্ব্যয় গাড়িতেই আমি বোলপুরে চললুম।'

শহুর-ইয়ার সৈদিকে খেলাল না দিয়ে বললে, 'কিন্তু আসল কথাটা যে এখনো বলা হয় নি। আমি কোন্ কথা দিয়ে আমার বয়ান আরম্ভ করেছিলুম মনে আছে?—মুসলমান মেয়ে অন্দরমহল ত্যাগ করলে তার সন্নিবেশ-অসন্নিবেশের কথা। এইবারে দেখুন, ডাক্তার সাহেবের ভাণ্ডারী যদি জনানা ত্যাগ করে কলেজ যাওয়া আরম্ভ না করতো তবে কি এরকম একটি উৎকৃষ্ট বরের নজরে পড়তো, এবং এরকম সসম্মানে তার বিয়ের ব্যবস্থা হতে পারতো? ও যদি ম্যারিটিকের পর চাচার সঙ্গে ফসাদ করে না বোঁরিয়ে পড়ে অন্দরমহলে বসে বসে দিন কাটাতে তবে কি তার চাচা মাথা খুঁড়েও এরকম একটি বর জোটাতে পারতেন?'

আমি বললুম, 'গ্রামাগুলের সঙ্গে সেই কবে যে আমার যোগসূত্র ছিন্ন হয়ে গিয়েছে সেটা স্মরণেই আসছে না। এঁদিকে আবার কলকাতা আর রাঢ়ের মুসলমানদের সঙ্গেও যোগাযোগ হয় নি। তাই জানতে ইচ্ছা করে, আপনাদের ভিতরও মেয়ের জন্য বর যোগাড় করা কি একটা সামাজিক সমস্যা হয়ে উঠেছে?'

আমাদের আত্মীয়স্বজন তো নেই বললেই হয়; তবু যেটুকু খবর কানে আসে তার থেকে মনে হয়, কলকাতার মুসলমান সমাজের প্যাটার্ন ক্রমেই হিন্দু প্যাটার্নের কাছাকাছি এসে যাচ্ছে। অর্থাৎ মুসলমান যুবকও চায়, তার স্ত্রী যেন শিক্ষিতা হয়, গানটান জানলে তো আরো ভালো, এবং সে নিজে যদি লেখাপড়ার নাম করে থাকে তবে হয়তো মনে মনে এ-আশাও পোষণ করে যে শ্বশুর তাকে বিলেত পাঠাবে। তবে যতদূর জানি, এদের খাইগুলা এখনো রুচু ককর্শরূপে সমাজে প্রকাশ করা হয় না।'

আমি বললুম, 'সৈদিক দিয়ে দেখতে গেলে হিন্দু সমাজ ও তার প্যাটার্ন বদলে বদলে আমাদের কাছে চলে আসছে। আমার ছেলেবেলায় হিন্দুর পণপ্রথা যতখানি নির্দয় ছিল আজ তো নিশ্চয়ই ততখানি নয়। আর 'লভ ম্যারেজের' সংখ্যা যতই বাড়বে, পণপ্রথা ততই বাতিল হতে থাকবে।'

শহুর-ইয়ার বললে, 'আমার কিন্তু ভারি কৌতূহল হয়, এই যে হিন্দুরা ডিভোর্স, মনোগেমি, বাপের সম্পত্তিতে মেয়ের অধিকার এসব আইন চালু করলো তার ফল আখেরে হিন্দু সমাজকে কি ভাবে পরিবর্তন করবে?'

'গ্রামাগুলে কিছুই হবে না। মনোগেমি ছাড়া আর দুটো আইন তো মুসলমানদের ছিলই। তবু আমাদের সমাজে ডিভোর্স হতো ক'টা? বাপের সম্পত্তির হিসেবে নিয়ে ক'টা মেয়ে ভাইদের বিরুদ্ধে মোকদ্দমা লাড়ছে? আর মনোগেমি আইন না থাকা সত্ত্বেও বাঙলা দেশের ক'টা মুসলমান ভদ্রলোক দুটো বাউ পুষেছে? হিন্দুদের বিধবা-বিবাহ আইনসম্মত হয়েছে প্রায় একশ বছর

আগে। ভদ্র হিন্দু সমাজে তার ফলে প্রতি বৎসর ক'টা বিধবা-বিবাহ হয় ? না, দাঁদি, এদেশের অদৃশ্য, অলিখিত আইন—মেয়েরা যেন মাথা তুলে না দাঁড়াতে পারে। তা সে মুসলমানই হোক, আর হিন্দুই হোক।'

শহরু-ইয়ার অনেকক্ষণ চুপ করে থাকার পর গভীর একটা দীর্ঘশ্বাস ফেলে বললো, 'বোধ হয় আপনার কথাই ঠিক।'

আমি কিন্তু সঙ্গে সঙ্গে বলে উঠলুম, 'কিন্তু যা বললুম, তার সঙ্গে আমার আরেকটা কথা যোগ না দিলে আমার বক্তব্য অসম্পূর্ণ থেকে যাবে। সেটা সোজা বাঙলায় এই, বলি তো অনেক কথা, কিন্তু যখনই চিন্তা করি তখনই দেখি, আমাদের সমাজ যে কোন্ দিকে চলেছে তার কোনো কিছুই অনুমান করতে পারছি না।'

শহরু-ইয়ার আমার সর্বশেষ মন্তব্যটি বোধ হয় শুনতে পায় নি; দেখি, দৃষ্টি যেন দেয়ালের ভিতর দিয়ে দূর-দূরান্তর চলে গিয়েছে। হঠাৎ বললে, 'এদেশের মেয়েরা আপন পায়ে দাঁড়িয়ে উঠে সামান্যতম প্রতিবাদ জানাবে কি করে? তার জন্য তো আপনার ঐ শ্রীরাধাই দায়ী। বৈষ্ণব কবিরাই তো তাঁকে শত শত গানে সঁহিষ্ণুতার সাক্ষাৎ মূর্তিমতী প্রতিমারূপে নির্মাণ করে তুলেছেন। কৃষ্ণ তাঁর প্রতি যে অবিচার করে চলে গেলেন তাই নিজে তাঁর রোদনক্রন্দন হাহাকার আছে শত শত গানে, কিন্তু তাঁর বিরুদ্ধে প্রতিবাদ কিংবা বিদ্রোহ, অভিষম্পাত না হয় বাদই দিলুম, আছে কি কোনোখানে? উল্টে তিনি তো বসে রইলেন গালে হাত দিয়ে ঠাকুরের প্রতীক্ষায়। যদি তিনি কোনোদিন ফিরে আসেন! এই শ্রীরাধাই তো হলেন আমাদের হিন্দু প্রতিবেশিনীর আদর্শ!'

শহরু-ইয়ার গরম। অবশ্য মাত্রাধিক নয়।

আমি বললুম, 'সুন্দরী, আপনি এখন যা বললেন তার উত্তরে আমাকে একখানা পুণ্ড্র থীসিস বাড়াতে হয়। অতিশয় সংক্ষেপে উত্তর দি।

ইসলাম অবতীর্ণ হওয়ার পূর্বে আরবদের অন্ধকার যুগে—জাহিলীয়ায়—অতি উচ্চাঙ্গের কাব্য রচিত হয়েছিল। বলা বাহুল্য, সে কাব্যে ইসলামের একেশ্বরবাদ তো নেইই, যা আছে সে-সব জিনিস কেউ বিশ্বাস করলে তাকে আর মুসলমান বলে গণ্য করা যাবে না, অথচ এসব কাব্য পড়েন শিক্ষিত আরব মাত্রই—তা সে তিনি ধার্মিক মোলানাই হোন, আর সাদামাটা কাব্য-রসিকই হোন—কিন্তু বিশুদ্ধ কাব্যরূপে, অতি অবশ্যই তার থেকে ধর্মানুপ্রেরণা পাবার জন্য নয়। তাই আমার তাস্ত্রব লাগে, যখন এদেশের গোড়ারা আপত্তি তোলেন কোনো মুসলমান বালক বাঙলা সাহিত্যের গভীরে প্রবেশ করার জন্য রামায়ণ, মহাভারত, পদাবলী, মঙ্গলকাব্য পড়লে। মধ্যযুগের একাধিক মুসলিম কবি বাণী-বন্দনা দিয়ে তাঁদের কাব্য রচনার গোড়াপত্তন করেছেন। অথচ কাব্যের গভীরে

প্রবেশ করলেই দেখা যায়, এঁদের প্রায় সকলেরই উদ্দেশ্য ছিল, ইসলামের মূল সরল নীতি বাঙলার মাধ্যমে প্রচার করা। আরেকটা উদাহরণ নিন। পরধর্ম বাবদে খৃষ্টান মিশনারিরা যে অত্যধিক সহিষ্ণু ও কথ্য তাঁদের পরম শত্রুরাও বলবে না। অথচ এঁদের অধিকাংশই গ্রীক শেখার সময়—ঐ ভাষাটি না শিখে নিউ টেস্টামেন্ট মূলে পড়ার উপায় নেই—বিস্তর দেবদেবীতে ভাঁতি প্রাক-খৃষ্ট গ্রীকসাহিত্য গভীরতম শ্রদ্ধার সঙ্গে পড়েন। হাতের কাছের আর একটা উদাহরণ নিন। ইরাণে ইসলাম আগমনের পূর্বে যেসব রাজা, বীর, প্রেমিক-প্রেমিকার কাহিনী লোকমুখে প্রচলিত ছিল, সেগুলো নিয়ে মুসলমান ফিরদৌসী লিখলেন তাঁর মহাকাব্য 'শাহনামা'—সে কাব্য পড়েন না কোন মৌলানা?

আপনি হয়তো বলবেন, পদাবলী সাহিত্য বৈষ্ণব ধর্মের অঙ্গবিশেষ; অতএব সে সাহিত্য থেকে হিন্দু তার জীবনাদর্শ গ্রহণ করেন। উত্তম প্রস্তাব। আপনি ভাবছেন বাঙলার হিন্দু রমণী শ্রীরাধার কাছ থেকে তার সহিষ্ণুতা শিখেছে। কিন্তু কই, সে তো তারই অনুকরণে আপন স্বামী ত্যাগ করে অন্য পুরুষে হৃদয় দান করে না। এদেশের কোনো মেয়েরই প্রশংসা করতে হলে আমরা সর্বপ্রথমই বলি, আহা, কী সতীলক্ষ্মী মেয়েটি!

অবশ্য এর সঙ্গে আরেকটি তত্ত্ব যোগ না করলে সম্পূর্ণ সত্য বলা হয় না।

রাধাকৃষ্ণের প্রেম অনেকেই রূপক রূপে গ্রহণ করেন। রাধা মানবাত্মার প্রতীক। কৃষ্ণ পরমাত্মার। কৃষ্ণামিলনের জন্য রাধার হাহাকার আর পরমাত্মার কামনায় মানবাত্মার হাহাকার একই ক্রন্দন।

সূফীদের ভিতরেও ঐ জিনিষটি আছে। আপনি পাঁচজন মৌলানা কে জিজ্ঞেস করলে তার অন্তত চারজন বলবেন, হাফিজ যেখানে মদ্যপানের উল্লেখ করছেন সে মদ্য মদ্য নয়। সে মদ্য আল্লাহর প্রতি মহাবৎ—ভগবৎ-প্রেম। যে সাকী মদ্য বিতরণ করেন তিনি মুশাঁদ অর্থাৎ গুরু। তিনি শিষ্যকে মদ্যপানে আসক্ত করান—গুঢ়ার্থে আল্লাহর প্রেমে অচেতন্য হতে, সেই চরম সত্তা পরমাত্মার আপনা সত্তা সম্পূর্ণ বিলীন করে দিতে শিক্ষা দেন।

পার্শ্ব প্রেমকে আধ্যাত্মিক প্রেমের স্তরে নিয়ে যাবার জন্য খৃষ্টান এবং ইহুদি মিস্টিক—রহস্যবাদী—ভক্তও ঐ প্রতীকের শরণাপন্ন হন।

কিন্তু আপনি আমি—আমরা সাধারণ মানুষ। আমরা কাব্য পাড়ি কাব্য-রসের জন্য। আর কোনোদিন যদি আপনার ধর্মানুরাগ নির্বিড়তর হয় তবে আপনার ভাবনা কি? আপনার ঘরেই তো দেখলুম ইমাম গম্ভালীর 'সৌভাগ্য স্পর্শমাণি' বাঙলা অনুবাদে।

বারো

পরিপূর্ণ স্মৃতিশালিতর উপর অকস্মাৎ কী ভাবে বজ্রপাত হয়—এই আমার বিকটতম অভিজ্ঞতা।

ইতিমধ্যে আমি অভিনয়কে হার মানিয়ে, শহুর-ইয়ার ও ডাক্তার নিমিত্ত চক্রবর্ত্ত ভেদ করে মোকামে ফিরে এসেছি।

আবার সেই খাড়াবাড়ি-উচ্ছেতে যখন অধরোষ্ঠ পরিপূর্ণ বিতিস্ত তখন হঠাৎ একদিন লক্ষ্য করলুম, ডাক্তার পরিবার আমাকে যেন 'কট্' করেছে। আমি পর পর দু'খানা চিঠি লিখলুম শহুর-ইয়ারকে। কোনো উত্তর পেলুম না। এ যে নিদারুণ অবিশ্বাস্য! তখন লিখলুম ডাক্তারকে। অবিশ্বাস্যের তারতম্য হয়? হয়। এ যেন আরো অবিশ্বাস্য! এ যেন সেই প্রাচীন যুগের টেলিফোনে 'নো রিপ্লাই মিস্'?

আমি কি হীন, নীচ! যাক্ গে চুলোয়। বলে যেই বারান্দায় বোঁড়য়েছি, দেখি, দূর থেকে মাঠ ঠোঁঙ্গিয়ে আসছে ডাক্তার। আর তাকে অভ্যর্থনা জানাতে ছুটে যাচ্ছে আমার আলসেশিয়ান 'মাগটার' তার রিজার্ভ স্পীডও ছেড়ে দিয়ে।

আমি বারান্দা ছেড়ে যেই রোন্দুরে নামতে যাচ্ছি এমন সময় লক্ষ্য করলুম, দূর থেকে ডাক্তার হাত নেড়ে বোঝাবার চেষ্টা করছে, আমি যেন অথবা এই কড়া রোন্দুরে না নামি।

ডাক্তার পৌঁছল। লগেজ দু'রের কথা, হাতে একটি এটাচি পর্যন্ত নেই।

এ-বাড়ির কতী দিলবরজান—কুক্-শেফ্-মেজরডমো—দুই মিনিটের ভিতর বালতি করে জল সাবান গামছা ধুঁদুল ডাক্তারের পায়ের কাছে রাখলো। ডাক্তার তার আপন-জন। মনে নেই, কখন কোন বারে সে দিলবরের কোন এক মাসীকে বাঁচিয়ে দ্যায়!

ডাক্তারের চুল উস্কাখুস্কা। হাত দুটো অল্প অল্প কাঁপছে। কপালে ঘামের ফোঁটা।

শুধু দেহের দিক দিয়ে, এ ধরনের অপ্রমত্ত, শান্তসমাহিতচিত্ত লোকও যে রাতারাতি হঠাৎ মৃগী রুগীর মত চেহারা ধারণ করতে পারে, এ যেন সূফী-সাধুর অকস্মাৎ মৃত্যুদণ্ডাজ্ঞা পেলে নীরব আত্ননাদ!

আমি এমনই হতবুদ্ধি হয়ে গেলুম যে তাঁকে কুশল প্রশ্নও শুধোতে পারলুম না। কিংবা হয়তো আমার মগ্নচৈতন্য তার অতল থেকে কোনো প্রকারে প্রতিফলিত আমার চৈতন্যলোকে পাঠাতে সম্মত হলো না। আর কুশল প্রশ্ন শুধোবই বা কি? যা দেখছি সে তো জড়ভরতও লক্ষ্য করতো। আমি স্তম্ভ হয়ে দাঁড়িয়ে রইলুম।

আম্মা যেন হঠাৎ আমাকে আদেশ দিলেন। 'দিলবরজানকে বললুম, এখানে না। ওঁকে বাথরুমে নিয়ে গিয়ে নিজের হাতে চান করিয়ে, তাজা জামাকাপড় পরিয়ে নিয়ে আর।'

যে ডাক্তার কারো কোনো প্রকারের সাহায্য নিতে সদাই কুণ্ঠিত, বিরত—বিদ্রোহী পর্যন্ত বলা চলে—সেই ডাক্তার কলের পদতুলের মত দিলবরের পিছনে পিছনে চলে গেল।

আমি বাথরুমের দরজার কাছে গিয়ে শূধালুম—কি করে শূধালুম জানি নে—'শহরু-ইয়ার?'

যেন পৃথিবীর অন্য প্রান্ত থেকে উত্তর এল, ভালো আছে। না, ভুল বললুম। শূধু ঘাড় নাড়িয়ে ঐ সংবাদটুকু দিলে।

তাহলে কি হয়েছে?

এরপর তাকে খাওয়ানোর চেষ্টা, শোওয়ানোর চেষ্টা, কথা বলাবার চেষ্টা—এসব নিষ্ফল প্রচেষ্টার পীড়াদায়ক বর্ণনা দিয়ে কে কাকে পীড়া দিতে চায়!

কোথা থেকে মানুষ কখন কি অনুপ্রেরণা পায় কে জানে? দিলবরকে বললুম, 'যাও, রিকশা নিয়ে এসো। আমরা কলকাতা যাচ্ছি। আর ডাক্তারের কোট-পাতলুন আমার সূটকেসেই ভরে দাও।' এ লোকটাকে আবার কাপড় ছাড়ানো—সে তো হবে আলট্রামডার্ন সোসাইটি লেডির রুপ্ন বাচ্চাকে সায়েবী কায়দায় বেকার পাঁচবার কাপড় বদলানো।

আমি অশ্ৰুভাবে বুকতে পেরেছি, এখানে ডাক্তারকে আটকে রেখে কোনো লাভ নেই। যা হবার হবে কলকাতায়। ডাক্তারের জীবন বলতে বোঝায় তার দুটি শ্বাস-প্রশ্বাস—তার শহরু-ইয়ার আর তার রিসার্চ। এবং যেহেতু শহরু-ইয়ারকে সঙ্গে নিয়ে আসে নি, অতএব নিশ্চয়ই সে-ই। তার যে ডাক্তার ঘাড় নেড়ে জানালে সে ঠিক আছে—ও, না, সে তো আমার অনুমান।

সঙ্গে নিলুম ইমাম গঞ্জালীর কিমিয়া আর হুজবেরীর কশ্ফু-অল্-মহজুব। রিকশাতে উঠে ইচ্ছে করেই আরম্ভ করলুম, বকর-বকর। কিন্তু সেটা মোটেই সহজ কর্ম হয় নি। আর সহজ কঠিন যাই হোক, ফল হল সম্পূর্ণ বেকার। এ যেন ধূঁয়োর সঙ্গে কুয়াশার লড়াই। এমন কি তাতে করে ধূঁয়াশাও তৈরী হল না।

ডাক্তার আচারনিষ্ঠ মুসলিম। তাই আরম্ভ করলুম ধর্মতত্ত্ব নিয়ে যেন কিছুটা আত্মচিন্তা কিছুটা বক্তৃতা। একটা বিশেষ মতলব নিয়ে।

বললুম, 'আপনি তো ইমাম গঞ্জালীর ভক্ত। তাঁর জীবনটাও ভারী অশুভ। তিনি ছিলেন বাগদাদ বিশ্ববিদ্যালয়ের মহানুভব—যে আমলে কি না, হয়তো এক চীন ছাড়া অন্য কোথাও ঐ 'বিশ্ববিদ্যালয়ের' জন্মি ছিল না—আমি অবশ্য ক্ষুদ্র ক্ষুদ্র বিদ্যাপীঠের সম্ভবলকে বিশ্ববিদ্যালয় অর্থে ধরিছি না। একে তো

সর্বজনমান্য রেঙ্কর, তদুপরি শাস্ত্রীরূপে তিনি মুসলিম জগতে সর্বপ্রখ্যাত। রাজদত্ত অত্যন্তম পোশাক পরিধান করে যেতেন রাজদরবারেও।

হঠাৎ একদিন তাঁর খেয়াল গেল, এ সব তাবৎ কর্ম অর্থহীন—বর্বরস্য শাস্ত্রক্ষয়—ভ্যানিটি অব্ ভ্যানিটিস, অল্ ইজ ভ্যানিটি, বাইবেলের ভাষায়। সেই রাতেই মাত্র একখানা কস্বল নিয়ে বাগদাদ থেকে অন্তর্ধান। পৌঁছিলেন গিয়ে সিরিয়ার দমশকশে—আশ্রয় নিলেন মসজিদে, ছম্মনামে। সেই মসজিদের ইমাম ছিলেন উচ্চস্তরের পণ্ডিত। তাঁর সঙ্গে একদিন শাস্ত্রালোচনা হতে হতে সেই পণ্ডিত বললেন, 'এ আবার আপনি কি বলছেন! স্বয়ং ইমাম গঞ্জালীর মত সর্বশ্রেষ্ঠ পণ্ডিত বলেছেন ঠিক তার বিপরীত বাক্যটি!'

গঞ্জালী ভাবলেন, আর এ-স্থলে থাকা নয়। কোন দিন এরা জেনে যাবে আমার প্রকৃত পরিচয়। আর সঙ্গে সঙ্গে লোপ পাবে আমার ধ্যানধারণার সর্ব অঙ্গসং।

সেই রাতেই অন্তর্ধান করলেন বয়তুল্ মুকদ্দস—জেরুজালেমের দিকে। সেখান থেকে গেলেন ইহুদি, আরব, খৃষ্টান তিন কুলের পূর্বপুরুষ হজরত ইব্রাহিমের পুণ্য সমাধি দর্শন করে অশেষ পুণ্যলাভার্থে। ভারতবর্ষে হিন্দুরা যে রকম পুণ্যতীর্থে দেবতাকে কোনো কিছুর প্রিয় খাদ্য বা অন্য-কিছুর দান করে, ঠিক সেই রকম ইব্রাহিমের মোকামে মুসলমানরা একটা বা একাধিক শপথ নেন। ইমাম নিলেন তিনটি। তার মধ্যে সর্বপ্রধান ছিল, 'এ জীবনে আমি কোনো বিতর্কমূলক বাক্য কন্ট্রভার্সিয়াল) উত্থাপন করবো না।'

এখানে এসে আমি চুপ করে গেলুম। স্বেচ্ছায় এবং অতিশয় কুট উদ্দেশ্য নিয়ে।

জয় হোক ভারতীয় রেলের! শতম্ জীব, সহস্রং জীব—ভারতীয় রেলের কর্মকর্তাগণ!

বোলপুর স্টেশন আমাকে দু'খানা ফাস্ট ক্লাস টিকট বেচলে।

দার্জিলিং মেল পৌঁছিল—এই অতি সামান্য নস্যবৎ—দু'ঘণ্টা লেটে, যাকে বলে 'বিলম্বিত গাড়ীস্বীকার' একটি হয়ে। তাতে আমার আর্পিত নেই, কিন্তু ফাস্ট ক্লাস সব ক'টা কামরা যে দার্জিলিং থেকেই প্রাতি আউন্স্ ভার্ত, সে খবর না জেনে—খুব সম্ভব জেনেই—বোলপুর স্টেশন টিকট বেচেছে। দার্জিলিঙের ক'গাড়া মেয়ে-ইস্কুলের ছুটি হয়েছে জানি নে—নীলে নীলে উর্দূপরা মেয়েরা কাঁঠাল-বোঝাই করে ফেলেছে সব ক'টা কামরা।

সে দুঃস্বপ্ন আজ আর আমার নেই—কি করে কোন কামরায় উঠেছিলুম। খুব সম্ভব ক্যাটল্ ট্রাকে, কিংবা হয়তো এঞ্জিনের ফারনেসে। এক দিক দিয়ে ভালোই হল। সে সঙ্কটময় অভিযানে দু'জন দুই কোণে ছিটকে পড়েছি। ডাক্তারের মনটাকে পুনরায় সজীব করার গুরুভার থেকে রেহাই পেলাম বটে,

কিন্তু আমার মনটা ক্রমেই নিজী'ব হতে লাগলো।

দিলবরকে বলেছিলুম কলকাতায় ঘ্রাণক-কল করতে। ডাক্তারদের সেই প্রাচীন দিনের গাড়িটা এত দিনে আমার বড় প্যারা হয়ে গিয়েছিল। সেও স্টেশনে আসে নি। দুঃখের দিনে নিজী'ব প্রাণীও প্রিয়জনকে ত্যাগ করে বলেই কবি হাহাকার করেছেন—

তঙ্গ দস্তীমে কৌন্ কিসকা সাথ দেতা হৈ

কি তারিকী মে' সায়ী ভী জুদা হোতা হৈ ইনু'সাসে।

দুর্দিনে বলে, কোথা সে সৃজন হেথা তব সাথী হয় ?

আঁধার ঘনালে আপন ছায়াটি সেও, হেরো, হয় লয় ॥

অন্ধকার, অন্ধকার, অন্ধকার। যে পুরো সম্পূর্ণ ফাঁকা উইংটি ঠাকুদাদের স্মরণে ডাক্তারের আদেশানুযায়ী চিরন্তন দেয়ালি উৎসব করতো সেটিও অন্ধকার। আমি আমার ঘরে গিয়ে ঢুকলুম। স্পষ্ট বোঝা গেল বেয়ারাই সেটা গোছগাছ করেছে। শহ'র্-ইয়ার কোথায় ? কে জানে ? আমি শুধালুম না। ডাক্তার বললেন, তিনি থাকেন না। ট্রেনের ভিড়ে সন্ধ্যায় নামাজ পড়তে পারেন নি। এখন এঘর নামাজ পড়ে ঘুমুবেন। কিন্তু শহ'র্-ইয়ার কোথায়. যার পরম পরিতৃপ্ত ছিল স্বহস্তে তাঁর নামাজের ব্যবস্থা করে দেবার ?

আমি স্থির করলুম, ডাক্তার যতক্ষণ না নিজের থেকে কথা পাড়ে আমি কিছু শূধোবো না।

বিছানায় শুয়ে বই পড়া'ছি। এমন সময় আমার প্যারা বেয়ারা—শহ'র্-ইয়ারেরও—ঘরে ঢুকলো। অন্য সময় তার মুখে হাসিই লেগে থাকতো. আজ সে যন্ত্রের মত তার নৈর্মিত্তিক কত'ব্যগুলো করে যেতে লাগলো।

আমি খুব ভালো করেই জানি গৃহস্থের পারিবারিক ব্যাপার কারকুন-কর্মচারী সহচর-সেবকদের শূধোতে নেই. তবু বড় দুঃখে মনে পড়লো শহ'র্-ইয়ার দিলবরজানকে আমার আচার-অভ্যাস সম্বন্ধে একদা খু'টিয়ে খু'টিয়ে শূধিয়েছিল, যাতে করে আমি তাদের কলকাতার বাড়িতে এলে আমার কোনো অসুবিধা না হয়।

তবু শূধাভরা মনে জমীল শেখকে শূধালুম, 'আমাদের ঘ্রাণক-কল সময়মত পৌঁছয় নি ?'

'জী হাঁ, সে তো সন্ধ্যা সাতটার সময়ই। আমিই ধরেছিলুম।'

'তবে ?'

প্রশ্নটার তাৎপর্য ঠিক বুঝেছে। বললে, 'মা জী বাড়িতে ছিলেন না। তিনি তো দুপুরবেলাই গাড়ি নিয়ে তাঁর পীর সাহেবের বাড়ি চলে গিয়েছিলেন. আমি—'

শহ'র্-ইয়ারের পীর ! বলে কি ! হাবার মত শুধালুম, 'পীর !'

জমীল ঘাড় ফির্টারিয়ে যেন অতি অনিচ্ছায় অত্যন্ত আফসোস করে আস্তে আস্তে বললে, 'সেখানেই তো প্রায় সমস্ত দিন কাটান।' তারপর যতদূর সম্ভব আদব-ইনসানিয়ৎ বাঁচিয়ে, 'সালাম হুজুর, গরীবের বেয়াদবী মাফ করবেন' বলে ঘর থেকে বেরিয়ে গেল।

আল্লার কসম খেয়ে বলছি, জমীল যদি বলতো, শহর-ইয়ার আত্মহত্যা করেছে তা হলেও আমি এরকম বড়বক্ বনে যেতুম না! শহর-ইয়ার পীর ধরেছে! এ যে বাতুলের বাতুলতার চেয়েও অবিশ্বাস্য। সাধারণতম মুসলমান মেয়েরও নামাজ-রোজার প্রতি যেটুকু টান থাকে সেটুকুকেও ধুয়ে-মুছে সাফ করে দিলেও যেটুকু থাকার সম্ভাবনা তাও তো আমি শহর-ইয়ারের কথাবার্তা এল-চলনে কখনো দোঁখ নি। সে নিজেই আমাকে একাধিকবার বলেছে, তার দিল্ তার জান্, তার সব কিছুর এয়ারং দাঁড়িয়ে আছে—চৌবট খাম্বার উপর নয় রবীন্দ্রনাথের তিন হাজার গানের তিন হাজার স্তম্ভের উপর। সেখানে গুরুবাদই বা কোথায়, আর পীর সাহেব তো সেই হাজারো স্তম্ভের কোনো একটার পলগুরা পর্যন্ত নন।

আর এই রমণীর মণি মমতার খনি—সে তো কিছু পাগলা গারদের ইমবে-সাইল নয় যে চায়ের কাপে জল ভরে, পেন্সিলের ডগায় সূতো-ব'র্ডাশ লাগিয়ে মাছ ধরার চেষ্টা করবে! গুরুব'র্ডি তা হলে চায়ের কাপ্, আর শহর-ইয়ারের ভক্তি সেই পেন্সিলের ব'র্ডাশ! তাই দিয়ে সে ধরবে ভগবদ্-প্রেম, নজাৎ-মোক্ষ!

তাও বুঝতুম যদি তার বাউলদের দেহতত্ত্ব গীতে, লালন ফকীরের রহস্যবাদ-মারিফতী জনপদসঙ্গীতের প্রতি মমতা থাকতো! এমন কি এই যে রবীন্দ্রনাথের ধর্মসঙ্গীত, বাউল-গান—তার প্রতিও শহর-ইয়ারের বিশেষ কোনো মোহ নেই—সে-কথাও তো সে আমাকে স্পষ্ট বলেছে!

খাটে শূয়, বই হাতে নিয়ে পড়ছি, পাতার পর পাতা উল্টে যাচ্ছি—তার এক বর্ণও মাথায় ঢুকছে না; ভাবছি শূধু শহর-ইয়ারের কথা, যাকে আল্লা মেহের-বাণী করে আমার কাছে এনে দিলেন, যে আমার বোনের চেয়েও বোন, প্রিয়ার চেয়েও প্রিয়া!

রাত তখন এগারোটা। শহর-ইয়ার ঘরে ঢুকলো।

তাকে কি ভাবে দেখব, সে নিয়ে আমার মনে তোলপাড় হিচ্ছিল যখন থেকে শূনতে পেরেছি, সে 'গুরুব লাভ' করেছে।

যেমনটি ছিল, তেমনটিই আছে। শূধু পূর্বেকার মত যখন খাটের পৈথানে এসে খাড়া কাঠের টুকরো ধরে দাঁড়ালো তখন স্পষ্ট লক্ষ্য করলুম, চোখ দুটোর উপর যেন অতি হালকা স্বচ্ছ দু'খানা ফিল্মের মত কি রকম যেন কুলাশা-কুলাশার মত আবরণ। এ জিনিসটে আমি বুঝিয়ে বলতে পারবো না। কারণ কুলাশাভাক্ থাকা সত্ত্বেও তাতে রয়েছে কেমন যেন একটা বিপ্রান্ত দ্যোতি।

সৈয়দ মুজিব আলী রচনাবলী (৬ষ্ঠ)—১৮

পাঁচ-ভক্ত হওয়ার পূর্বে শহরু-ইসারের হার্দিক ও দৈহিক সৌন্দর্য একদিনে আমার কাছে স্বপ্রকাশ হয় নি। তার হাসি তার গান, দূরে থেকে দেখা তার আপন মনে মনে একা একা তালসারির গা ঘেঁষে ঘেঁষে ভ্রমণ, আমার বাড়ির দেড়তলাতে তার আবাস নির্মাণ, মুসলমান রমণীর স্বাতন্ত্র্য নিয়ে তার অভিমান—তার আরো কত শত আহাশয্যাসনভোজন, কত কিছুর ভিতর দিয়ে তার সঙ্গে আমার পরিচয় হয়েছে। দিনে দিনে সে আমার কাছে সুন্দরের চেয়ে সুন্দর, মধুরের চেয়ে মধুর হয়ে বিভাসিত হয়েছে।

আর আজ ? আজ থেকে আবার তাকে নতুন করে চিনতে হবে। এ যদি একেবারে নতুন মানুষ হতো তবে তো কোনো ভাবনাই ছিল না। নতুন মানুষের সঙ্গে তো আমাদের জীবনভর পরিচয় হয়। কোনো পুরনো মানুষকে আবার নতুন করে চেনা ? সামান্য লেখক হিসেবে বলতে পারি : নতুন লেখা তো দু'দিন অন্তর-অন্তরই লিখতে হয়, কিন্তু কোনো একটা লেখা যদি হারিয়ে যায় এবং সেইটেই আবার নতুন করে লিখতে হয়, তখন যা যন্ত্রণার ভিতর দিয়ে যেতে হয় সে-তত্ত্বটা শূন্যে গিয়ে—আমাকে না—খ্যাতনামা লেখকদের।

এর চেয়েও সোজা উদাহরণ দি। আপনি রইলেন পড়ে দেশে। বন্ধু বিলেত থেকে ফিরলেন পাঁচ বছর পরে। তার সঙ্গে ফের বন্ধুত্ব জন্মাতে গিয়ে খান নি মার ?

আশ্চর্য ! এখনো শূন্যে না, আমার কোনো অসুবিধা হয় নি তো, খাওয়া-দাওয়া কি রকম হয়েছে—কিছুই না। না, আমি আশ্চর্য হই নি। আমি ব্যাপারটা কিছু বুঝতে পেরেছি।

আমি স্থির করছি আমি কোনো ফারিয়াদ করবো না—চিঠির উত্তর দিলে না কেন, আপন হাতে প্রত্যেকটি জিনিস বেছে বেছে—বহু কিছু কলকাতা থেকে সঙ্গে এনে—আমার বাড়ির দেড়তলাতে যে তোমার বাড়ি বানাতে সেটা এরকম ছেঁড়া চটিজুতোর মত না বলে না করে হঠাৎ এরকম উৎখাত করে দিলে কেন ; না না, কিছু শূন্যে না। আমি ভাবখানা করবো, সে হঠাৎ যেন কোনো আঁতমখানা বা নাইট ইন্সকুলে এমনই মেতে গিয়েছিল যে আমার তত্ত্ব-তাবাশ করতে পারে নি। সমস্তটা সহজ ভাবেই গ্রহণ করবো। কিন্তু হায়, সহজ হওয়া কি এতই সহজ ? সহজিয়া ধর্মের মূল মন্ত্র 'সহজ হাবি, সহজ হাবি'—সেটা যদি অতই সহজ হবে তবে বিশ্বসংসারের তাবৎ ধার্মিক অধার্মিক সর্বধর্ম পরিত্য্যক্ত করে ঐ ধর্মই গ্রহণ করলো না কেন ?

ওদিকে হৃদয় ভরে আসে অভিমানের বেদনায়।

এ-রমণীর সঙ্গে যদি আমার সম্পর্ক প্রণয়ের হতো তবে তার আজকের অবহেলা আমার হৃদয়ে অন্য প্রতিক্রিয়া সৃষ্টি করতো। প্রেম তো পূর্ণচন্দ্র। তাই তার চন্দ্রগ্রহণও হয়। কিন্তু বন্ধুত্বও শত্রুপক্ষের চন্দ্রমার মত রাতে রাতে

বাড়ে এবং চতুর্দশীতে এসে ধামে। পূর্ণিমাতে পৌঁছয় না। তাই তার গ্রহণ নেই, ক্ষয়ও নেই, কৃষ্ণক্ষয়ও নেই। তবে আমাদের বন্ধুত্বের উপর এ কিসের করাল ছায়া!

কিন্তু অতশত চিন্তা করার পূর্বেই প্রাচীন দিনের অভ্যাসমত মুখ দিয়ে বেরিয়ে গেল, 'কি পড়াছা, আজকাল?' ঐটেই ছিল আমাদের প্রিয় অবতরণিকা—যা দিয়ে 'মুখবন্ধ' নয়, মুখ খোলা হতো।

বললাম, 'বসো।'

কেমন যেন সঙ্কেচের সঙ্গে খাটের বাজুতে বসলো।

এই মেয়েই না একদিন স্বতঃপ্রবৃত্ত হয়ে আমার পদসেবা করতে চেয়েছিল।

তবে কি পীরের মানা—গুরুব বারণ—পরপুরুষস্পর্শ বিষবৎ বজ্রনায়?

নিকৃটি, নিকৃটি। পীরের গৃহিষ্ঠ আর গুরুবর দঙ্গল!

'অভিমানের বদলেতে নেব তোমার মালা' এ-সব মরিমিয়া মাল আমার তরে নয়। আমার হল রাগ। এই নিষ্পাপ শিশুটিকে কে শেখালে এইসব কাঙ্ক্ষনিক পাপ? কে সে পীর? তাকে একবার দেখে নিতে হবে। কিন্তু পীরের নিকৃটি যতই করি না কেন, আমার ঠাকুরদা থেকে উর্ধ্বতম ক'পুরুষ যে পীর ছিলেন সে তত্ত্ব অদ্যাপিও বিলক্ষণ অবগত আছে তরফ্ পরগণার কিহ্নু কিহ্নু চাষাভূবো, মোল্লামুনশী। এরা বংশানুক্রমে আমাদের পরিবারের শিষ্য। কিন্তু আমার পিতা এবং আমার অগ্রজেরা পীর হতে রাজী হলেন না বলে এদের অধিকাংশই অন্য পীরের আশ্রয় নিলেছে। কিন্তু গুরুভক্তি শূন্য গুরুতেই সীমাবদ্ধ থাকে না, সে-ভক্তি গুরুবর বংশধরণকেও নিষ্কৃতি দেয় না; তাই এদের কয়েকটি পরিবার অন্য পীর বরণ না করে দুর্দিন পুরুষ ধরে অবিশ্বাস্য ধৈর্য ধরে বসে আছে, আমার দাদাদের বা আমার বেটা-নাতি যদি সদয় হয়ে কোনো এক দিন এদের বেটা-নাতিদের শ্যাগদ-(সাকরেদ) রূপে গ্রহণ করেন। ইতিমধ্যে যে-পীর বাঙলাদেশে এসে আমাদের বংশ স্থাপনা করেন তাঁর দর্শিতে এই সব প্রতীক্ষমাণ সাকরেদরা শির্ণী চড়াচ্ছে, ফুল সাজাচ্ছে, মানত মানছে।

মাত্র এই দু'পুরুষ—আমার পিতা আর আমরা তিন ভাই—পীর হতে রাজী হই নি। তাই বলে চোন্দপুরুষ যে-সব ধ্যানধারণা করেছে, সাকরেদদের দীক্ষা দিয়েছে, ধর্মপথে চালিয়েছে সেটা কি দু'পুরুষেই আমার রক্ত থেকে নিশ্চিহ্ন হয়ে যাবে? হাঁসকে দু'পুরুষ খাঁচায় বন্ধ রাখার পর তৃতীয় পুরুষের বাচ্চাদের জলে ছেড়ে দিলে কি তারা সাঁতার না কাটতে পেরে পাথর-বাটির মত জলে ডুবে মরবে!

এই তো মাত্র দুর্দিন বৎসর পূর্বে শান্তিনিকেতনের কর্তৃপক্ষ আমার উপর হামলা করে অনুরোধ—আদেশও বলতে পারেন—করলেন, পৌষমেলা ও সমাবর্তন উৎসবের প্রাক্কালে যে সাম্প্রসারিক উপাসনা করা হয় তাতে আচার্যের

আসন গ্রহণ করতে। আমি সাতিশয় সর্বিনয় সর্বিস্তর অনিচ্ছা প্রকাশ করেছিলুম। ওঁদের বলি নি কিন্তু আমি মনে মনে জ্ঞান এসব কর্ম করে পুরুত-মোস্তাফা পেটের অন্ন জ্বোটায়—অবশ্য এ-স্থলে এঁরা আমাকে একটি কানাকাড়িও দেবেন না, সে-কথা আমি বিলক্ষণ অবগত ছিলাম। আবার এ তথ্যও তো জ্ঞানি যে, বিপদে-আপদে কাছোঁপাঠে নিতালতই কোনো মোস্তাফা-মুন্শী ছিল না বলে আমার পিতৃ-পুরুষ এ-সব ক্লিয়াকর্ম কালেকস্মিনে অত্যন্ত অনিচ্ছায় সমাধান করেছেন। পূর্বেই বলেছি, তবুও আমি আপ্যস্ত জ্ঞানিয়েছিলুম। তখন কর্তৃপক্ষ তাঁদের আবেদন মৌক্ষম বজ্রবাণ ছেড়ে বললেন, আমারই উপর ভরসা করে তাঁরা অন্য কোনো ব্যবস্থা করেন নি; এই শেষ মুহূর্তে অন্য ব্যবস্থা সম্পূর্ণ অসম্ভব। আমার সন্দেহপূর্ণ মন অনুমান করলো, অন্য কোনো ডাক্তার চাইকে হয়তো কর্তারা কাবু করে রেখেছিলেন এবং তিনি শেষ মুহূর্তে তাঁর অক্ষমতা জানিয়ে খবর পাঠিয়ে কস্তাদের সমূহ বিপদে ফেলেছেন। বিপদে পড়লে শয়তানও মাছি ধরে ধরে খায়। তাই এসেছেন অধমের কাছে। অবশ্য এনারা শয়তান নন, আশ্মা মাছি নই। আমি শুধু রিলেটিভিটি সিম্পলফাইড থু প্রভাব বোঝাবার জন্য এই প্রবাদটি উদ্ধৃত করলুম।

তখন অবশ্য আমি তিন কবুল পড়ে মুসলমান যে-রকম বিয়ে করে সে-রকম ধারা আমার সম্মতি দিলুম।

এটা আমার 'পীরত্ব' প্রমাণ করার জন্য শহর-ইয়ারকে বলবোই বলবো। সে কোন দম্ভভরে চিন্তাপ্রসাদ অনুভব করছে যে তার পীরই ইহলোক পরলোকের একমাত্র পীর! আমি সপ্রমাণ করে ছাড়বো, বেলাভূমিতে তাঁর পীরই একমাত্র নুড়ি নন, আরো 'বিস্তরে বিস্তর' আছে, এবং আমি তো রীতিমত একটা বোল্ডার—এ্যাবডা পাথরের চাঁই।

অবশ্য সেও ধুরধরী। সে যদি শুধোয়, শান্তিনিকেতনে আচার্যের কর্ম আমি কিভাবে সমাধান করলুম তখন আমি কিছুরি না বলে সাক্ষী মানবো কলকাতার একখানি অতি প্রখ্যাত দৈনিকের সম্পাদক মহাশয়কে। তিনি সে-উপাসনায় উপস্থিত ছিলেন।

গতানুগতিক সাধারণ অবস্থায় আমি আত্মচিন্তার জন্য এতখানি ফুরসৎ পেতুম না। ইতিমধ্যে শহর-ইয়ারের সফন বন্দু-বন্দিত চিন্তা কথায় কথায় বক-বকানিতে ফেটে পড়তো। কিংবা তিনখানা রবীন্দ্রসঙ্গীত গেয়ে ফেলত—তার অভ্যাস অনুযায়ী প্রত্যেকটি অসমাপ্ত রেখে।

এমন কি, এদানির সে কি পড়ছে, আমার সেই প্রথম প্রশ্নের উত্তরও এ-ভাবে সে দেয় নি।

আমি বললুম, 'জানো, শহর-ইয়ার, আমার চতুর্দশ পুরুষ কিংবা ততোধিক ছিলেন পীর—সুফী?'

এতক্ষণ অবধি শহর-ইয়ার ছিল আপন মনের গভীর গহনে আত্মচিন্তায় মিমগ্ন। “পীর”, “সূফী” এ-দুটি শব্দ তার কানে যেতেই সে খড়মাড়িয়ে জেগে উঠলো। তার নিম্প্রভ, কুয়াশা-মাখা চোখ দুটি সপ্তে সপ্তে প্রাচীন দিনের মত জ্বলজ্বল করে জ্বলে উঠলো।

কিন্তু মুখ দিয়ে কথা ফুটলো যেন হোঁচট খেতে খেতে।

শুধলো, ‘সে—সে—সে কি? আপনি—আপনি—আপনি তো আমাকে কখনো বলেন নি। কি বললেন?—সূফী?’

আমি তন্মহুতেই বুক্বে গেলুম, শহর-ইয়ারের পীর তাকে সূফীমার্গে দীক্ষিত করেছেন। কিংবা চেষ্টা করেছেন।

আমি কিন্তু অত সহজে ধরা দেব না। তুমি কি আমার কান্ধে যে, বাঁশী শুনেনি উদ্যম হয়ে ছুটবো!

আমি প্রাচীন দিনের চটুলতা আনবার ভান করে বললুম, ‘তা, আমি তো কখনো বলি নি—তুমিও শুধোও নি—আমি প্রথম যৌবনে ক’বার প্রেমে পড়েছিলাম, তুমি তো কখনো শুধোও নি—’

কিন্তু একটা বিষয় লক্ষ্য করে মনে মনে কিছটা তৃপ্ত পেলুম। শহর-ইয়ারের গুরু তাকে অজগরের মত আটেপুষ্টে পেঁচিয়ে ধরতে পারেন নি। নইলে অন্য গুরু অন্য সূফী সম্বন্ধে সে কণামাত্র কোঁতুল দেখাতো না। বরঞ্চ এ-স্থলে কুরূচিরা মায়ই অন্য গুরুর কথা উঠলেই তাকে নস্যং করবার জন্য উঠে পড়ে লেগে যায়। প্রাচীন দিনের আপ্তবাক্য মনে এল—অন্যের পিতার নিন্দাবাদ না করেও আপন পিতার প্রশংসা করা যায়।

ওদিকে দেখি, শহর-ইয়ার আমার দিকে অপলক দৃষ্টিতে তাকিয়ে আছে। আর এই সর্বপ্রথম দেখলাম, আমার ‘রসিকতা’ প্রতিজ্ঞিত স্বরূপ তার সদাশান্ত ভালের এক প্রান্তে, আঁধারকোণে যেন সামান্যতম অসহিষ্ণুতার স্নুকুণ্ডন পরশ লাগিয়ে চলে গেল।

আর দুঃখ হল এই দেখে যে, যে-শহর-ইয়ার আমার ভেঁতা রসিকতাতেও একটুখানি সদয় স্মিতহাস্য করতো—দু’একবার বলেওছে, “এটা কিন্তু জ্বুংসই হল না”—সে আজ রসিকতার পুকুরে (মানছি, ঘোলা জলের এঁদোপুকুরে) যেন সাক্ষাৎ পরমহংসিনী হয়ে গিয়েছেন!

এ-অভিজ্ঞতা আমার বহুকালের। যে-কোনো-কিছুতেই মানুষ মজে গিয়ে সিরিয়স হলেই সবচেয়ে সর্বপ্রথম তার লোপ পায় রসবোধ। এর প্রকৃষ্টতম উদাহরণ প্রেমের বেলা। রসে টইটম্বুর পাড়ার সুকুমার যখন প্রথম প্রেমে পড়ে—ইংরিজিতে যাকে বলে ‘কাফ লভ্’—তখন তাকে যদি আপনি কোনো কিছু না জেনেশুনে নিতান্ত হার্মলেসলি শূন্যে ‘কি হে মুখখানা এত শূন্যে কেন?’ সে তখন সেই কাঠিরাগুর্গাড়ি চাষার মত তেড়ে বলবে, শূন্য-শূন্যকে

লর্কাড় বন্ জাউংগা—তেরা ক্যা শালা ।’

ধর্মরাজ্যে আমাদের অশুভসৌভাগ্যবতী খাজিস্তে-বান্দু মুসল্লৎ বেগম শহরু-ইয়ার—আল্লা তাঁর শান-শওবৎ লুৎফ-নজাবৎ হাজার চন্দু বৃষ্টি করুন ।—কোন গোরীশঙ্করের শীর্ষদেশে তথাগতা হয়েছেন সে জানেন তাঁর অধুনালব্ধ পীর সাহেব ; আমার কিন্তু এ তত্ত্ব বিলক্ষণ মালুম হচ্ছে, বীবীজান তাঁর স্বামী এশ্তেক বাড়ির খানসামা-বাবুরচি এবং আর পাঁচজনের লবেজান বরে এনেছেন তো বটেই, আমার সঙ্গে তাঁর যে রসে রসে ভরা রসের মিতালী দিনে দিনে গড়ে উঠেছিল সেই শিশু নীপতরুটি অধুনা অবহেলার খর তপনে বিবর্ণ পান্ডুর ; আসন্ন কালবৈশাখীতে ধূলিদলিতা এবং শ্রাবণে হবে কদম্মদিতা ।

শান্তকণ্ঠে বললুম, ‘তুমিই তো আমাকে একাধিকবার বলেছ—এখন মনে হচ্ছে, তাতে হয়তো সামান্য বিষাদের সুর মাথানো ছিল—যে, রবীন্দ্রনাথের ধর্মসঙ্গীতে তোমার বুক তুফান তোলে না । অথচ তার সঙ্গে সঙ্গে প্রতিবারই শ্লাঘার সঙ্গে নিজেকে ধন্য মনেছ যে রবীন্দ্রনাথের প্রেম-প্রকৃতির গান তোমার আস্থমঞ্জা তোমার অনিন্দ্যমোহন চিন্ময় ভুবন নির্মাণ করেছে ।

রবীন্দ্রনাথের সেই ধর্মসঙ্গীত এবারে একটু কান পেতে শোনো তো ।

আমাদের পরিবারে একাধিক সাধক সূফীমার্গ অবলম্বন করেছিলেন । ঐ পন্থার শেষ পথচারিণী ছিল আমার ছোট বোন সৈয়দা হবীবুন্নেসা, সে এখন ও-পারে । আমার এক ভান্নী ঢাকাতে বাংলার অধ্যাপনা করে । সে তার সম্বন্ধে প্রামাণিক প্রবন্ধ লিখেছে । আমার এই বোনটি আবার ছিল সিলেটের ‘পীরানী’ । প্রতি ভোরে তার বাড়ির সামনে জমে যেত মেয়েছেলেদের ভিড় । তারা এসেছে বোনের দোওয়া নিতে কাচাবাচ্চাদের অসুখ সারানোর জন্য, বন্দ্যারা এসেছে মা হবার জন্য, আরো কত কী ! আমার বোন তাবিজ-কবজ পানি-পড়া কিছুটি দিত না । এক এক জন করে মেয়েরা ঘরে ঢুকতো আর সে শব্দে আশীর্বাদ করতো । বহুকাল ধরে, কেন জানি নে, সে শয্যাগ্রহণ করেছিল । শব্দে শব্দে গুন গুন করে গান গাইত । সূফীতত্ত্বের মারিফতী গান । এবং নিজেরই সুর দিয়ে অনেকগুলো গান রচোঁছিল । ঢাকা বেতার মাঝে মাঝে সেগুলো শোনায় । তার একটা গীতিসঙ্কলন আমার আশ্বা প্রকাশ করেন । কিন্তু সে কথা থাক । আমি বলছিলাম—

শহরু-ইয়ার প্রাচীন দিনের দৃঢ়কণ্ঠে বাধা দিয়ে বললে, ‘না । আপনার বোনের কথা বলুন ।’

আমি দৃঢ়তর কণ্ঠে বললাম ‘না ।’ আমিও এখন তপ্ত গরম । তুমি যদি শব্দে নিয়ে মেতে উঠে আপন-জন, বেগানা-জন সর্বজনকে স্বচ্ছন্দে অবহেলা করতে পারে, তবে আমিও তোমার ইচ্ছা-অনিচ্ছাকে তারও বেশী অবহেলা করতে পারি ।

বললুম 'তুমি প্রশ্ন শোধনোইছিলে, আমাদের পরিবারের সূফীদের সম্বন্ধে । তাই অনিচ্ছা সত্ত্বেও কিছ, কিছু বললুম । নইলে কোথায় রবীন্দ্রনাথের বিশ্বজনমান্য ধর্মসঙ্গীত—আফটার অল্, গীতাজালির ধর্মসঙ্গীতই তো তাঁকে নোবেল প্রাইজ পাইয়ে দেয়—আর কোথায় আমার ছোট বোনের মারিফতী সূফীগীতি ।'

আমি কিন্তু তখন মনে মনে বেশ খানিকটে আত্মপ্রসাদ উপভোগ করছি । বাবীকে যে তাঁর আকস্মিক ধর্মসঙ্গীতের বচ্ছপের খোল থেকে (তওবা ! তওবা !! কাঁছিম আমাদের কাছে হারাম—পার্বাবিন্দ অর্পাবিন্দ—না হলেও মকরুহ, অর্থাৎ বজ্রনীর) বের করতে পেরেছি সেটাও তো কিছ, হেলাফেলার ফেলনা নয় ।

যদিও আমি নতুন শান্তা সূফী-কন্যার অগ্রজ তবু, তুর্ক'-সিপাহীর মোগলাই কণ্ঠ আদেশ দিলুম, 'ঐ রেকর্ডটা বাজাও তো—

"তাই তোমার আনন্দ আমার'পর

তুমি তাই এসেছ নীচে ।

আমায় নইলে গ্রিভুবনেশ্বর,

তোমার প্রেম হত যে মিছে" ॥'

শহরু-ইয়ার রেকর্ডটি লাগালো । এতদিন অন্য গানের বেলা মাঝে মাঝে সে যে-রকম গুনগুন করতো, এ-গানে সে সেটা করলে না । ধর্মসঙ্গীত তাঁর মনে কি প্রতিক্রিয়ার সৃষ্টি করছে সেটা ঠিক ঠিক বুঝতে পারলুম না ।

গান শেষ হলে বললুম, 'জানো শহরু-ইয়ার, এ-গানেরই একটি লোকায়ত রূপ আছে :

স্ত্রানের অগম্য তুমি, প্রেমের ভিখারী ।

'বারে 'বারে মাগো প্রেম নলনেতে বারি ॥

কোথায় তোমার ছত্রদণ্ড কোথায় সিংহাসন ।

পাতকীর চরণতলে লুটায় আসন ॥'

শহরু-ইয়ার কোনো কিছ, বলার পূর্বেই আমি আদেশ দিলুম, 'অনেক রাত হয়েছে ; ঘুমুতে যাও ।'

আসলে শহরু-ইয়ার এখন ধর্মপথে স্বপনচারিণী । পরিপূর্ণ স্বেচ্ছা অবস্থায় কোনো কোনো মূর্ছিতাঁখি নারী-পুরুষ দৃঢ় পদক্ষেপে ভয়-নির্ভরতাতে অবস্থায় ভ্রমণ করে সংকীর্ণতম আলিসার উপর দিয়ে—কোন বিধাতা বা অপদেবতার অদৃশ্য করাসুর্লি সঙ্কেতে কে জানে ? এই স্বপনচারীর হাল তখন বড়ই নাজুক এবং সংকটময় । অকস্মাৎ কেউ তখন তার নাম ধরে ডেকে উঠলে বা তার গাঢ়স্পর্শ করলে সে তার সম্মোহিত ভারসাম্য হারিয়ে ফেলে এবং সেই মুহূর্তেই কোনো একটা মারাত্মক দুর্ঘটনা ঘটে যাওয়ার সম্ভাবনা উঠেই অসম্ভব নয় ।

শহর-ইয়ার এখন সে ক্ষুরস্য ধারা সুফীরহস্যের কেশ-পরিমাণ সংকীর্ণ পথের উপর দিয়ে এই নব-অভিযানে বেরিয়েছে—অর্ধসম্মোহিত অর্ধসচেতনাবস্থায়—তাকে এখন আকাঙ্ক্ষিক তর্ক-মুণ্ডার দ্বারা সর্চকিত জাগরণে ফিরিয়ে আনা কি আদৌ সমীচীন হবে?—যদি্যপি সেটা আদপেই সম্ভবে।

কিন্তু প্রশ্ন, তাকে জাগাতে যাবো কেন? নিতান্ত জড়বাদী চার্বিকপন্থী ভিন্ন এ দায়িত্ব নেবে কোন-সব-জ্ঞানতা প্যাকস্বর! হয়তো সে সত্য পথেই চলেছে। তদুপরি আমার জ্ঞানা আছে, খৃষ্টান, মুসলিম, জৈন, বৌদ্ধ, হিন্দু, ভক্তিতত্ত্বের, বহু তথাগত মহাত্মা বলে গেছেন, এ-মার্গে পদার্পণ করার প্রথম অবস্থায়—অবতরণিকায়—প্রায় প্রত্যেক সত্য সাধকই অল্পাধিককাল মোহাচ্ছন্ন অবস্থায় কাটায়। সামান্য মানবীর প্রেমমুগ্ধ দাল্তেও নাকি মোহাচ্ছন্ন অবস্থায় দিক্-প্রান্তের মত যত্নতর ঘুরে বেড়াতেন। আর এ-নারী তো মুগ্ধা সবচেয়ে ‘সর্ব’নেশে’ প্রেমে।

কিংবা এ-নারী কি এখন দ্বিতীয় মন্জিলে—খৃষ্টান মিষ্টিকরা যাকে বলে মেনশন? এখানে নাকি আসে এ্যারির্ডিট—উষরতা, অনুব্রতা। জগৎস্বল্পভ নাকি ভক্তকে গোড়ার দিকেই এক ঝলক ‘দর্শন’ দিয়ে মিলিয়ে যান। শ্রীরাধা তাঁর বল্লভ রসরাজের সঙ্গ সুখ কতকাল পেয়েছিলেন সেটা পরবর্তীকালে—অর্থাৎ শ্রীকৃষ্ণের মথুরা গমনের পর—তিনি নিজেই বলতে পারতেন না। সিলেটের একাধিক গ্রামাণীতিতে শুনছি, তিনি বলেছেন, ‘আমার মরম তাঁর স্মরণে বলে আমি তাঁকে পেয়েছি ঐটুকু সময়ের তরে বিদ্যুৎস্রবতার পৃথিবীতলে পৌঁছতে যতখানি সময় লাগে।’ তারপরই আরম্ভ হয় আকুলি-বিকুলি।

বৃন্দাবন ত্যাগ করে শ্রীকৃষ্ণের মথুরা-গমন এবং সাধককে একবার ক্ষণতরে ‘দর্শন’ দিয়ে জগৎস্বল্পভের অন্তর্ধান—সম্পূর্ণ একই ঘটনা।

তখন সেই উষরকালে সর্ব প্রেমিকই প্রেমিকাই আর ‘গৃহবাসিনী’ হয়ে থাকতে চায় না, তার তখন ‘কোন প্রয়োজন রজত কাণ্ডন,’ সে তখন ‘গেরুয়া বসন অঙ্গতে’ ধরে তার স্নেহময়ী মাতাকে পর্যন্ত ত্যাগ করে।

শহর-ইয়ার যে আত্মজন প্রিয়জনকে অবহেলা করেছে সেটা তো সজ্ঞানে স্বেচ্ছায় নয়।

বৌদ্ধ ভিক্ষুগণীদের জন্য, ক্যাথলিক নানু-দের জন্য যে রকম সংঘ মনাস্টারি আছে, মুসলমান রমণীর জন্য সে-রকম কিছুর একটা থাকলে এতদিনে হয়তো সে সেখানে আশ্রয় নিলে নিত। জীবন কাটাতো ধ্যানধারণায়, উপবাস-কৃচ্ছ্রসাধনে, জনসেবায়—

সেবা?

আমি যে এতক্ষণ শহর-ইয়ারের সমর্থনে যুক্তিতর্ক দিয়ে মহলের পর মহল গড়ে তুলিছিলুম সেই চিন্তায় এয়ার এক লহমায় সম্পূর্ণ ধ্বংস হয়ে ধূলিদালিত—মাত্র একটি শব্দের অর্থাধিকার প্রকল্পে। ‘সেবা’!

সঙ্গে সঙ্গে মনে পড়ল, নবীন সাধকের প্রতি সূফী সম্প্রদায়ের প্রধান গুরুর
হুজবেরীর প্রত্যাদেশ :—

সাধনার প্রথম বৎসরে মানুষের সেবা করবে,
দ্বিতীয় বৎসরে আল্লার সেবা করবে,
তৃতীয় বৎসরে আত্মদর্শনে নিয়োজিত হবে।

ডাক্তার, আমি, বাড়ির এত যে খেদমৎগার সুবো-শাম শহুর্-ইয়ারের মুখের
পানে তাকিয়ে থাকে, তাকে সত্যকার মা জেনে আশ্মা বলে ডাকে—আমরা কি
মানুষ নই? সাধনার প্রথম বৎসরে তো মানুষের সেবা করারই প্রত্যাদেশ।

একদা শহুর্-ইয়ারকে বলেছিলুম, তোমার সর্বস্বসুন্দর বেশভূষা হবে
তোমার স্বামীর জন্য। আর আজ যদি তুমি সর্বসুন্দরের সাধনায় নিজে
নিয়োজিত করো, তবে তার সর্বপ্রথম সর্বোত্তম সেবা পাবে তোমার স্বামী।

তেরো

খুব বেশীক্ষণ আত্মাচিন্তা করি নি। দেহের ক্লান্তি তো ছিলই, তদুপরি
ডাক্তারের বিপাক-বিহ্বলতা, শহুর্-ইয়ারের দূরত্ব-দূরত্ব ভাব আমার মনকেও
অসাড় করে তুলেছিল। ঘুমিয়ে পড়েছিলুম অল্পক্ষণের মধ্যেই। হজরত পয়গম্বর
বলেছেন—যদিও তাঁর বাক্যটি কোনো শাস্ত্রগ্রন্থে আমি স্বচক্ষে দেখিনি—‘মুখের
উপাসনা অপেক্ষা পান্ডিতের নিদ্রা শ্রেয়ঃ।’ কিন্তু মুখের নিদ্রা কোন পর্ষয়ে পড়ে
সে-সম্বন্ধে কোনো আশ্ববাক্য আমি এ-তাবৎ শুনিনি, শাস্ত্রেও দেখি নি। আমি
মুখ। জাগ্রতাবস্থায় আমার পাপাত্মা স্ফুটকর্তাকে স্মরণ করে না। তাই বোধ
হয় তিনি নিদ্রিতাবস্থায় তাঁর নামগান শুনিয়ে দেন।

ধড়মাড়িলে জেগে উঠে সম্পূর্ণ সচেতন হলাম।

শুনতে পেলুম, বেশ কিছুটা দূর থেকে অতি মধুর কণ্ঠে জপগীতি :

ইয়া লতীফুল/ তুফ্বি না।

নাহ্ননু শ্বিদক্/কুল্লি না ॥

আরবী ভাষার দোঁহা।

হে সুন্দর, তোমার সৌন্দর্য আমাদেরকে দাও।

(কারণ) আমরা তোমার পূজারী, আমরা সকলেই।

আমার মনে ধোঁকা লাগল, শহুর্-ইয়ার কি এ-দোঁহাটির গভীরে পৌঁছে
পুরোপুরি মর্মার্থটি হৃদয়ঙ্গম করতে পেরেছে?

যে আল্লাকে এ-স্থলে আহ্বান করা হচ্ছে তিনি ‘লতীফ’। শব্দটি সুন্দর
এবং করুণাময় দুই অর্থই ধরে। অর্থাৎ একই শব্দে তাঁকে ‘শিবম্’ ও ‘সুন্দরম্’
বলা হচ্ছে। এখানে তাঁর কাছে প্রার্থনা করা হচ্ছে ‘উল্-তুফ’!

এর একটি অর্থ সরল—‘তুমি করুণাময় হও’ (‘বি’ ‘না’—আমাদের প্রতি) কিন্তু অন্য অর্থ—‘তোমার সৌন্দর্য আমাদের প্রতি বিকিরণ করো’ কিংবা/এবং ‘আমাদেরকেও সুন্দর করে তোলা।’

আল্লামার বহু গদ্য বোঝাবার জন্য মানুষ তাঁকে বহু নাম দিয়েছে। কিন্তু সুফীদের কাছে তিনি ‘হক্ক’, অর্থাৎ ‘সত্যমু’। প্রখ্যাত সুফী মনসুর অল্-হল্লাজ ‘আনাল্-হক্ক’, অর্থাৎ ‘আমিই সত্য’ ‘আমিই ব্রহ্ম’ প্রচার করার দরুন মৃত্যুদণ্ডে দণ্ডিত হন। কথিত আছে, যখন তাঁর অঙ্গপ্রত্যঙ্গ ক্ষুদ্র ক্ষুদ্র অংশে কাঁটত হয় তখন প্রতি খণ্ড থেকে রব ওঠে ‘আনাল্-হক্ক, আনাল্-হক্ক!’

শহুর-ইয়ার ‘সত্যের’ স্থানে বেরিয়েছে, না সুন্দরের স্থানে ?

তার লিখিত কণ্ঠের করুণ জপের (‘জিকর’) :

—সুর

লাগিছে আমার কানে অশ্রুসাথে মিলিত মধুর

.....আছে তাহে সমাপ্তির ব্যথা,

আছে তাহে নবতম আরাবের মঙ্গল-বারতা।’

কিন্তু আপন অনিচ্ছা সত্ত্বেও লক্ষ্য করলুম শহুর-ইয়ারের কণ্ঠস্বর তাদের শোবার ঘর থেকে আসছে না। তবে কি সে স্বামীসঙ্গ ত্যাগ করেছে! এ ইস-লামের আইন-অনুযায়ী সে তো তা পারে না, তার স্বামীও পারে না।

কিন্তু আমিই বা ঘামের ফোঁটার কুমীর দেখছি কেন ?

হয়তো দ্বিধামায়ামিনী ব্যাপী তার জিকর স্বামীর নিদ্রাকে ব্যাঘাত করবে বলে সে অন্য কামরায় আশ্রয় নিয়েছে।

অবসন্ন মনে জানালা দিয়ে বাইরের দিকে তাকালুম। রাত্রির কলকাতার আকাশ যেন নিগূর্ণ ব্রহ্ম। কোনোরকম পরিবর্তন তার হয় না। সদাই একই, কেমন যেন হিমালয় প্লানি-মাথা পাণ্ডুর ধূসর। শুনছি, যুদ্ধের সময় নাকি ব্র্যাক-আউটের কল্যাণে কলকাতার ‘মডান’ কবিরা জীবনে প্রথম চন্দ্রমা দেখতে পান, এবং ভয়ে আঁতকে উঠেছিলেন।

এটা কাল সকালেই শহুর-ইয়ারকে বলতে হবে। সে আকছারই ‘গীতা’ নিয়ে টকবাল ফোড়ন কাটে—ওঁদিকে এসব আবার খুঁটিয়ে খুঁটিয়ে পড়েও। একদিন বিবাদমাথা সুরে আমাকে বলেছিল, ‘আমি যে এ-সব কবিতাতে রস পাই : নে তার জন্য কি আমার দঃখ হয় না ? আমি এরই মধ্যে এত বড়িয়ে গেলুম কি করে যে নবীনদের সুর আমার প্রাণে সাড়া জাগাতে পারে না ?’

তখন হঠাৎ মনে ব্যথা জাগলো, সে-সব উবা-রসের নিশা তো তার আর নেই।

এ-সব ব্যথার উপশমের জন্য বিধাতা সৃষ্টি করেছেন নিদ্রা।

বেলাতে ঘুম ভাঙল। স্বস্তির নিশ্বাস ফেলে বললুম, 'বাঁচলে, বাবা।' এতক্ষণে নিশ্চয়ই ডাক্তার চলে গেছেন কর্মস্থলে এবং শহুর্-ইয়ার গেছেন তাঁর পীরের আন্তানায়। কে যেতে চায় ঐ নিরানন্দ ডাইনিংরুমে? আর এই তো প্রথম আমরা তিনজন একসঙ্গে মুখোমুখি হব। কি হবে গিয়ে ঐ আড়ট মুক সমাজে। আমি তো আর বাশ্বেদবী নই যে, মুককে বাচাল করে তুলবো।

কিন্তু শান্তি কোথায়? কোঁটিল্য যে বলেছেন, উৎসবে ব্যসনে, দুর্ভিক্ষে রান্ধিবিল্বে যে সন্ন দেয় সেই ব্যক্তিই বাশ্বব—তার কি?

ব্যসন মানে অত্যধিক আর্সিক্তজনিত বিপাক। শহুর্-ইয়ারের এই অত্যধিক ধর্মাসিক্তও এক প্রকারের ব্যসন। কিন্তু এটাই বা দীর্ঘস্থায়ী হবে কে বলতে পারে? অবশেষে সে হয়তো তার ভারসাম্য ফিরে পাবে এবং সর্বশেষে সে শব্দার্থে ডাক্তারের সহধর্মিণী হবে। ভুল বললুম, এতদিন ধরে ডাক্তার তো ভেবেছে, সে যে ক্লিয়াকর্ম করে যাচ্ছে সেখানেই তার ধর্মজীবনের পরিসমাপ্তি—সেই শূন্য আচারানুষ্ঠানের বিশীর্ণ তরুমূলে বরণ শহুর্-ইয়ার তখন সিংগন করবে সুফী সন্তদের প্রেম-উৎস থেকে আহরিত নব মন্দাকিনীধারা। ধর্মবাবদে কৌতূহলী অথচ সেটাকে বাস্তবে পরিণত করতে হলে যে ধ্যানধারণা সাধনা-উপাসনার প্রয়োজন সে-খাতায় সম্পূর্ণ রিক্ত এই যে অধম—সেও উপকৃত হবে।

'গুড মনিং, গুড মনিং, গুড মনিং' হেঁকে খানা-কামরায় ঢুকলুম।

ডাক্তারকে অপেক্ষাকৃত প্রযুক্ততর দেখাচ্ছে। তবে কি এই খোদার-সিখে লোকটা ঐ দুরাশা নিয়ে নিশ্চিন্ত হয়েছে যে, আমি আসার দরুন তার সব মূর্খকিল আসান হলে যাবে! মূর্খ, মূর্খ, মূর্খ! আমি কি টেলিফোনের 199 যে, 'হোয়েন ইন্ ট্রবল'-এ নম্বর রিং করলেই সর্ব কামেলা ফৈসালা হয়ে যাবে, না আমি পীরপ্যাকম্বর-গুরুগোসাইয়ের খ্যাতি?—যদিপি শহুর্-ইয়ারের নবলবধ ঞ্জিমা—রোঙরাবুটাকে কথিগুং ঘায়েল করার জন্য কাল রাতে আমি মুখে মুখে হাইজাম্প লঙ্জাম্প মেরেছি বিস্তর—শহুর্-ইয়ারের 'জিকুরের সেই লতীফ' তাঁর 'লুংফ' (দাক্ষিণ্য) বর্ষণ করে বর্ষরতম আমার এ মদদপ' যেন ক্ষমা করে দেন।

ডাক্তারকে শুধালুম, 'কই, আজ যে এস্তা ল্যাটে? তবে কি যে-সব কংকাল নিয়ে রিসার্চ করছেন তারা সরকারী ধর্মঘট করেছেন, না রবিঠাকুরের 'কংকাল'ের মত মোলায়েম মোলায়েম গল্প বলার জন্য মহিলা-মহলে'র প্যাটানে 'কংকাল-মহল' প্রতিষ্ঠিত করার জন্য তাবৎ কংকাল বেতার থেকে দাওয়াং পেয়েছে?'

অনুমান করলুম, ডাক্তার সজ্ঞানে কর্মস্থলে যেতে বিলম্ব করেছে। বউকে হতখানি পারে ঠেকিয়ে রাখছে।

ডাক্তার বললেন, 'তা আর বাঁচত কি? শহুর্-ইয়ারই কিছুর দিন পূর্বে' বলাছিল বেতারের হাঁড়িতে যা চাল বাড়ন্ত, আমার কংকালের না ডাক পাড়ে?'

শহর-ইয়ার তখন ডাক্তারের লাগের জন্য স্যালাড়ে যে মায়োনেজ দেবে তার জন্য ডিমের কুসুম, সরষের তেল আর নেবু নিয়ে বসেছে।

আমি তার দিকে তাকিয়ে বললাম, 'তবেই দেখ, ইয়ার, শুধু যে "গ্রেট মাইন্ড্‌জ্ থিন্ক এলাইক" তাই নয়, দৈবাৎ কখনো-সখনো কোনো 'নীলমণি-চন্দ্রমায়' তোমার মত গ্রেট মাইন্ড্ আর আমার মত স্মল মাইন্ড্ ও একই রকম চিন্তা করে। আর তুমি যে বেতার তথা কণ্ঠকালতত্ত্ব ডাক্তারকে বলেছ সেটি আমি একটি ব্যক্তিগতও দেখছি। গত যুদ্ধে হিটলারের যখন তাবৎ সৈন্য খতম, তখন আমাদেরই ডাক্তারের মত এক ডাক্তার বার্লিনের যাদুঘরে গিয়ে একটা কণ্ঠকালের পাজিরার উপর স্টিতস্কেপ রেখে পাশের রংরুট আপিসারকে বলছেন, "হ্যাঁ, ফিট্ ফর্ দি আমি!"

তারপর কথা ঘুরিয়ে নিয়ে বললাম, 'আমি তো শুনছি, মায়োনেজ তৈরী হয় অলিভ অয়েল আর সিরকা দিয়ে।'

শহর-ইয়ার আমার দিকে না তাকিয়েই বললে, 'ঠিকই শুনছেন, কিন্তু অনেকেই তো মায়োনেজের ধকু বাড়াবার জন্য ফিকে অলিভ অয়েলে বাঁজালো মাসটার্ড পাউডার দেয়। ও দুটোতে মিশে তা হলে তো সরষের তেলেই দাঁড়াবে। আর ইয়োরোপে টক নেবু নেই বলেই তো শুনছি, তারা ভিনিগার ব্যবহার করে। নেবু অনেক তাজা।'

ইতিমধ্যে জমীল এসে শোধলো, কি খাব ?

উদাস্ত কণ্ঠ বললাম, 'বাদার, আমি তো ব্লেকফাশট খাই নে। কিন্তু কাল রাতের খানাতে ঠিক রুচি ছিল না বলে মেকদারে একটু কর্মতি পড়ে গিয়েছিল। ...দাও কিছ্ একটা।' শেষ কথা দুটি বললাম ঈষৎ অবহেলা ভরে।

আমার মংলব, শহর-ইয়ারকে ইঙ্গিতে অতি মোলায়েম একটি খোঁচা দেওয়া। ভাবখানা এই, 'তুমি সামনে বসে ভালো করে খাবার জন্য চোটপাট করবে, রসা-লাগের মধুসিগুন করবে, তবে তো আমার জিভে জল, পেটে জারক রসের ছয়লাপ জাগবে। নইলে আমার কি আর অন্যত্র অন্য জোটে না?'

এবারে শহর-ইয়ার মধু তুলে আমার দিকে তাকালো। সে-দৃষ্টিতে আমি যেন দেখতে পেলুম, কেমন যেন একটা বেদনা-ভরা নৈরাশ্য।

তবে কি সে বলতে চায়, সে খেরালখুশীতে আমাকে অবহেলা করে নি; আমাকে, তার স্বামীকে সেবা করার মত শক্তি তার আর নেই।

তারপর ধীরে ধীরে জমীলের কাছে গিয়ে বললে, 'আমি খাবার তৈরী করছি, তুমি কমলালেবুর রস ঠিক করো।'

আমার আপসোস হল। কী দরকার ছিল আমার এ-অভিমান দেখাবার। আমি না স্থির করেছিলাম, আমি অভিমান করবো না। আমি, অগা, কি করে জানবো এ-ময়ের বৃকের ভিতর কি তুফান উঠেছে? আমি কি করে বুঝবো

ওর মনের কথা ? আপন মা-ই কি সব সময় বুঝতে পারে, তার সন্তানের আশা-আকাঙ্ক্ষার শব্দ ? আমার তরুণ বয়সে দেখেছি, একাধিক সুশিক্ষিতা মাতা পুত্রকে স্বাধীনতা সংগ্রামে নামতে বাধা দিয়েছেন। হয়তো সন্তানের অবশ্যম্ভাবী ভবিষ্যৎ কারাবাসের দুঃখ-যন্ত্রণা মাতাকে গ্রাসাতুর করে তুলেছিল। যাই হোক যাই থাক, মা তো তখন বুঝতে পারে নি, ছেলে বিভীষিকা দেখছে, সে যদি তার আদর্শ ত্যাগ করে কারাগারের বাইরে থেকে যায় তবে সেই মুক্ত পৃথিবী তখন তার পক্ষে হয়ে দাঁড়াবে বৃহত্তর, বৃহত্তম কারাগার !

শহুর্-ইয়ার আমার কে, যে, আমি তার হৃদয়মনের আশা-আকাঙ্ক্ষার শব্দ আপন হৃদয় দিয়ে অনুভব করতে পারবো ? মুসলমান সমাজের ভিতর আমাদের দু'জনার মধ্যে যে সম্পর্ক দিন দিন ক্রমশঃ বিকশিত হচ্ছিল, সে রকম সম্পর্ক আমাদের সমাজে কিছুদিন পূর্বেও ছিল সম্পূর্ণ অসম্ভব, এখনো সীতিশয় বিরল। খুদ আরব দেশ, ইরান-তুরান আফগানিস্তান এমন কি এদেশের হরিয়ানা মধ্যপ্রদেশও তো এ-সব বাবদে বাঙালী মুসলমান সমাজের ঢের ঢের পিছনে। ও-সব দেশে আমাদের সম্পর্ক নিয়ে হৃদয় খুঁজতে যাওয়া বিলকূল বেকার। বরণ শহুর্-ইয়ার ও আমার উভয়ের অনুভূতিক্ষেত্রে যিনি আবাল্য রসসিঞ্জন করেছেন, সেই রবীন্দ্রনাথকে শুধোই। তিনি এই সম্পর্ক নিয়ে চিন্তা করে করে পৌঁছেছিলেন কবি বাণভট্টের 'কাদম্বরী' আখ্যানে। সেখানে পত্রলেখা নাম্নী তরুণী কুমারী যুবরাজ চন্দ্রাপীড়ের 'পত্নী নয়, প্রণয়িনীও নয়, কিংকরীও নয়, পুরুষের সহচরী'।

কিন্তু শহুর্-ইয়ার আমার সহচরী কেন, নর্মসহচরীও তো নয়।

তদুপরি সে বিবাহিতা, স্বামীর প্রতি অনুরক্তা ; আমিও একদারনিষ্ঠ।

কবিগুরু ভীষ্মদৃষ্টির খরতর শর কিন্তু আমাদের এই 'নাজুক' বা ডেলিকেট সম্পর্কের অন্তত একটি সূক্ষ্মতম কেন্দ্রবিন্দুকে লক্ষ্যভেদ করতে পেরেছে। 'পত্রলেখা যেখানে (চন্দ্রাপীড়ের সান্নিধ্যে) আসিয়া যে অতি অল্প স্থানে আগ্রস্ন লইয়াছে সেখানে তাহার আসিবার কোনোপ্রকার প্রয়োজন ছিল না। স্থানটি তাহার পক্ষে বড় সংকীর্ণ, একটু এদিকে ওদিকে পা দিলেই সংকট।'

পরিাস্থিতিতে অবশ্য পার্থক্য আছে। পত্রলেখা ছিলেন চন্দ্রাপীড়ের তাম্বুল-কলঙ্কবাহিনী পরিচারিকা ; চন্দ্রাপীড় যুবরাজ। যুবরাজকে তো সাবধানে পালিয়ে ফেলাতে হয় না। কিন্তু শহুর্-ইয়ার ও আমার সম্পর্ক তো 'বরাবরের'।

তাই শহুর্-ইয়ারের 'স্থানটি তাহার পক্ষে' যেমন 'বড় সংকীর্ণ' আমারও 'একটু এদিকে ওদিকে পা ফেলিলেই সংকট'।

তার প্রতি আমার সহানুভূতি, তার প্রতি আমার ভালোবাসা, তার অন্তরের শব্দে তাকে সহায়তা করা—এ সবই যেন 'একটু এদিকে ওদিকে পা ফেলে' ! তা হলেই সংকট।

আমার চিন্তাধারার বাধা পড়লো। ডাক্তার আসন ছেড়ে উঠে বললে, 'তা হলে আসি; আজ বস্ত দেরি হয়ে গেছে।' আমিও সঙ্গে সঙ্গে উঠে দাঁড়ালুম, অর্ধ-সমাপ্ত রেকফাস্ট টেবিলে রেখে। বললুম, 'আমাকেও একটুখানি বাইরে যেতে হবে। আপনি আমাকে ড্রপ করতে পারবেন?'

উভয়েই আশ্চর্য। কারণ আমি এ-বাড়ি থেকে মাত্র একবার বেরিয়েছিলুম—তাও ওদেরই সঙ্গে।

ডাক্তার বললে, 'নিশ্চয়, নিশ্চয়! কিন্তু আপনি রেকফাস্ট শেষ করুন।'

আমি তাজিল্যা-ভরা কণ্ঠে বললুম, 'ওঃ! রেকফাস্ট! সে বালাই যা আমি কালেকস্মিনে খাই, সে তো বৃন্ডি ছোঁওয়ার মত।'

এটা নিছক শহুর-ইয়ারকে খুশী করার জন্য। সে যেন না ভাবে যে, সত্য-সত্যই কাল রাতে আমি অভুক্ত ছিলাম।

ওষুধ কিছুটা ধরলো, শহুর-ইয়ার আমার দিকে যেন একটুখানি কৃষ্ণনয়নে তাকালো। মেয়েটি সর্বার্থে অতুলনীয়।

ওরা কিহু শূধোন নি। আমি নিজের থেকেই বললুম, 'চললুম আঁভসারে। আমার সিঁথির সিঁদুরের সম্বানে।'

ডাক্তার তো বিস্ময়বিহবল, সিঁথির সিঁদুর? সে আবার কি? শহুর-ইয়ারও তম্বৎ।

একগাল হেসে বললুম, 'আমার পাবলিশার গো, আমার পাবলিশার। উনি আছেন বলেই তো দু'পয়সা পাই, মাছ-মাংস খাই। সিঁথির সিঁদুর না তো কি?' ওদের পরিতর্কনার অপেক্ষা না করেই বললুম, 'আমার ফিরতে দেরি হবে। আমার পাবলিশার রীতিমত খানদানী মনিষ্য। সারেসবসুবোদের মত পয়সা নম্বরী হোটেলে লাগু খান। বিজনেস টকমক্ যা-কিহু সেসব হোটেলে 'বার'-এ—পিন্জিন্ (পিংক্ জিন্) গেসাশের ঝারমোমিটার সাইঞ্জের ডাঁটাটি ঘোরাতে ঘোরাতে।...আমার গাড়ির দরকার নেই।'

আমার ইচ্ছা, শহুর-ইয়ারের এদানীংকার প্রোগ্রাম ডিস্টার্ব না করা। মূর্খাশদমঞ্জলে যাবার জন্য তার যদি নিত্যনিত্য পারিবারিক গাড়ির প্রয়োজন হয় তবে তাই হোক। আমি রাত না করে ফিরবো না।

আমি আশা করেছিলুম, সে বৃখে যাবে এটা আমার কোনো অভিমানজাত প্রত্যাখ্যান নয়। কিছুটা প্রসন্ন নয়নে আমার দিকে মূহূর্তেক তাকাবে।

রহস্যময়ী এ নারী। শূধু বললে, 'আমারও তো গাড়ির দরকার নেই।'

আমার খুশী হওয়ার কথা, কারণ এ-যুগে মায় ড্রাইভার চোম্পর দিনের জন্য মোটরপ্রাপ্ত যেন চোরজীতে সৌন্দর্যবনের কেঁদো বাঘ-সওয়ার গাজী পীরের ইয়ার দক্ষিণ-রায়ের দক্ষিণ্যপ্রাপ্ত। কিন্তু আমার উশ্টে হল ঘোশ্শা। ওঃ!

তুমি বৃষ্টি ধরে নিয়েছো, যানাভাবে শ্বিপ্রহর রৌদ্রে, ঘর্ষিত কলবরে যত বেশী
ঠোঙয়ে ঠোঙয়ে গুরুর পদপ্রান্তে পৌঁছবে সেই অনুপাতে তোমার মুরাশিদসেবার
পুণ্যধন্য মনুমেট ছাড়িয়ে আল্লাতালার কুঁসিপানে ধাওয়া করবে ! 'তক্লীফ
বরদাস্ত করাতেই সওয়াব্' 'কৃচ্ছসাধনেই পুণ্য'—অর্ধসিম্ব বৈরাগ্যাবলাসীদের
মুখে একাত্মীয় জনপদসুলভ নীতিবাক্য শূনে শূনে এক কার্মিল্ সূফী বিরক্ত-
ভরে বক্তোক্তি করেছিলেন, 'তবে চড়া না গে' প্রতি ভোরে হিমালয়ের চূড়া,
সেখানে পড়া গে' ফজরের নামাজ ! বেহেশতের বেবাক ফেরেশতা সেই হুদো
হুদো পুণ্যের খতেন রাখতে গিয়ে হিমাসিম খেয়ে যাবেন । আর চূড়া চড়ার
বেপাথে যদি টে'সে যাও তবে তা তো হাজার দফে বেহ'তর্ । তখন তুমি পাবে
শহীদের উচ্চাসন । পূর্বকৃত সর্বপাপভার থেকে নিষ্কৃতি পেয়ে সরাসরি চলে
যাবে বেহেশতে !'

না গো, শহর-ইয়ার, তোমার পুণ্যপন্থা আমি অত সহজে নিষ্কটক করে
দেব না । দুপুরে বাড়িতে খাবও না । তোমার প্রোগ্রাম-প্ল্যান আমি এতই
নর্মাল সহজ করে দেব যে তুমি কৃচ্ছসাধন করার রুশ্টি পর্যন্ত খুঁজে পাবে না ।
আমি সতী বেহুলার চেয়ে ঢের বেশী চালাক ।

উর্পাস্থিত আমি স্নেফ একটি বারের তরে তোমার মুরাশিদ-বিরিগ-বাবার
মুখারিবন্দরুটিটির দর্শনলাভ করে যে পুণ্যসগুণ হবে সেইটে মনিঅর্ডার করে
পাঠিয়ে দেব স্বর্গের পোস্টা'পিসে—হোথায় সীট রিজার্ভেশনের জন্য ইনসিও-
রেন্সের পরলা কিস্তি !

আহা, শহর-ইয়ার, তুমি দর্শন পেয়ে গেলে, তুমি ভাগ্যবতী :-

'অদ্যাপিও সেই খেলা-খেলে গোরা যায় ।

মধ্যে মধ্যে ভাগ্যবানে দেখিবারে পায় ॥'

এবং ততোধিক বিস্ময় মানতে হয় যে আবাল্য ধর্মশাস্ত্র, এমন কি ধর্মসঙ্গীতও
উপেক্ষা করে কোন মস্তবলে কোন পুণ্যফলে নিরকুশ অব্যবহিত পন্থাতিতে
আজ অকস্মাৎ হৃদয়ঙ্গম করে ফেললে,

'যদ্যপি আমার গুরু, বেশ্যাবাড়ি যায় ।

তথাপি আমার গুরু, নিত্যানন্দ রায় ॥'

চৌধ

সর্বপ্রকারের বাদ-প্রতিবাদ অখণ্ড উপেক্ষা করে গোলম শোবার ঘরে । চীনাং-
শুক-অঙ্গবাসিটি ঞ্কেধাপরি লম্বমান করে দৃঢ়পদক্ষেপে দৃকপাত না করে সোপান
অবরোহণান্তে রাজাসিক পন্থাতিতে আরোহণ করলুম সেই মাথাতাতাতব্বনাশ্ব
সমসাময়িক স্বতন্ত্রলক্ষণকটে ।

ডাক্তার সন্তান সর্বিনয় কণ্ঠে অনুরোধ করলেন, 'গ্যাড়টা রাখুন না সমস্ত দিন আপনার সঙ্গে। আমি ভারি খুশী হব। আর জানেন তো কলকাতার যান-বাহনের হাল !'

আমি স্থির কণ্ঠে বললাম, 'আপনাকে কোনো বাবদেই "না" বলতে আমার বড় বাধে। কিন্তু ক্ষণতরে বিবেচনা করুন, আমি বোরিয়েছি চতুর্ভুজের মিত্রবর্গের অর্থাৎ অর্থের সম্বন্ধে; পক্ষান্তরে শহূর্-ইয়ার বেরুবেন চতুর্ভুজ বর্গ অর্থাৎ মোক্ষের সম্বন্ধে। কার সেবাতে এম্বলে নিয়োজিত হবে এই শকট ?' তারপর মৃদুহাস্য করে বললাম, 'অপরাধ নেবেন না, শকটটিও মদুমুর্দু তথা মদুমুর্দু— তারওতো ভূত-ভাবিষ্যৎ আছে। সেইবা যাবে না কেন রাজেশদ্রাণী সঙ্গমে দেবদর্শনে?'

ডাক্তার নিম-সম্মতি জানিয়ে বললেন, 'এ গ্যাড় আমি অতি অবশ্যই স্ট্রুপ-রূপে বিক্রী করবো না। তাকে তার আপন গারাজ্যচ্যুতও করবো না। এবং নিশ্চয়ই রাখবো নিত্য রানিং অর্ডারে, আপনার ভাষায় স্বতচ্চলাবস্থায়।'

আমি প্রসন্ন বদনে বললাম, 'আর আপনার নাতি সেটি চড়ে 'ভিন্টেজ কার' রেসে নামবে।'

বলতে পারবো না, হয়তো আমার দৃষ্টিভ্রম—কিন্তু আমার যেন মনে হল ডাক্তার অন্যদিকে অতি সামান্য মূখ ফেরালেন।

আমি সে-কুহেলি কাটাবার জন্য শূখালুম, 'ডাক্তার, আপনার মনে আছে, গত বর্ষারশ্বে আপনারা যখন শান্তিনিকেতনে বেড়াতে এসেছিলেন তখন একদিন অপরাহ্নে ওঠে প্রচণ্ড কালবৈশাখীর ঝড়, তারপর মৃদুগরধারে শিলাবৃষ্টিপাত এবং সর্বশেষে রূপালি ঝালরের মত বিম্বিম্বি বরষন? শহূর্-ইয়ার বৃষ্টিতে ভিজতে বলে একা চলে যায় আদিত্যপুরের দিকে ?

আমরা দুজন্যে তখন বারান্দায় বসে অনেকক্ষণ ধরে ইসলামের প্রচার ও প্রসার নিয়ে আলোচনা করি। শেষের দিকে আপনি ইসলাম সম্বন্ধে ভালো ভালো রেফারেন্স বইয়ের একটি ফির্সতি আমার কাছে চান। সে-নির্ঘণ্ট শেষ করার পূর্বেই শহূর্-ইয়ার বার্ডি ফেরে।—তাই তখন দশ খণ্ডে অসমাপ্ত একখানি অতুলনীয় গ্রন্থের কথা আমার আর বলা হয়ে ওঠে নি।

বইখানির—বরণ্ড বলা উচিত এই "ইসলামবিশ্বকোষ"-এর নাম "আহ্মালি দেল্ হসলাম" অর্থাৎ অ্যানালস্ অব্ ইসলাম, ইতালীয় ভাষায় লেখা। কিন্তু তার পূর্বে এই অজ্ঞাতশত্রু বিশ্বকোষের একক শ্রুটার পরিচয় কিছুটা দিই। এ'র নাম প্রিন্স্—উডিকও বলা হয়—লেওনে (অর্থাৎ সিংহ) কাগ্রতানি। ইতালীয় তিনটি পরিবারের যদি নাম করতে হয়, বাঁদের সঙ্গে রাজপরিবারের ঘনিষ্ঠ সম্পর্কে আছে তাহলে কাগ্রতানি পরিবারের নাম বাদ যাবে না। কিন্তু এহ বাহ্য।

আসলে এ-পরিবারের যশ প্রতিপত্তি আরম্ভ হয় যখন চন্দ্রোদশ শতাব্দীতে

এ-পরিবারেরই একজন বনিফাতিয়ুস নাম নিয়ে তদানীন্তন খৃষ্ট-জগতের পোপ নিৰ্বাচিত হন। ইনি ছিলেন অসাধারণ পণ্ডিত ও কুটনৈীতিতে চাণক্য! ওদিকে যুদ্ধবিদ্যায়ও পারদর্শী। ডেনমার্কের রাজাকে তিনি পদানত করেন এবং ফ্রান্সের সম্রাটকেও প্রায় শেষ করে এনেছিলেন। কিন্তু এসব তথ্য বলার কোনো প্রয়োজন নেই—এইটুকু বললেই যথেষ্ট যে তাঁর সমসাময়িক অমর কবি দাল্তে তাঁকে তাঁর বিশ্ববিখ্যাত কাব্যে যীশুখৃষ্টের সঙ্গে তুলনা করেছেন। কিন্তু এহ বাহ্য। ওতু কথা এই যে বনিফাতিয়ুস সে-যুগের সর্বোত্তম দার্শনিক স্পেনের মুসলমান আবু রুশদের দর্শন প্রায় সর্বাংশে গ্রহণ করে নিয়েছিলেন। এটা প্রায় অবিশ্বাস্য। কারণ আবুরুশদ (ঐ যুগেই তাঁর দর্শন একাদশ খণ্ডে লাতিন ভাষায় অনূদিত হয়—লাতিনে রুশদের নাম আভেরএস্) যুক্তিওর্ক্ স্বারা প্রমাণ করতেন যে মৃত্যুর পর মানবাত্মা অনন্ত স্বর্গভোগ বা অনন্ত নরকযন্ত্রণা সহ্য করতে পারে না। তার কারণ অনন্ততা, আনন্ত্যগুণের অধিকারী একমাত্র মহান আল্লা। মানবাত্মা নয়, এবং অনন্ত স্বর্গ অনন্ত নরকের আনন্ত্যগুণ স্বীকার করলে এরা সকলেই সেই মহান আল্লার (বেদান্তের ভাষায় একমেবাম্বেতম্ ব্রহ্মের) প্রতিস্বন্দী হয়ে যাবে—এ-ধারণা কিভূতকিমাকার অশ্বভিষ্ব—আটারালি এসর্ড। তাই আবু রুশদের মতে মৃত্যুয়ারা স্বর্গ-নরক যথোপযুক্ত কাল ভোগ করার পর আল্লাতলা অবশেষে সর্ব আত্মা, স্বর্গ, নরক সব, সর্বকিছু নিজেই মধ্যে আপনাতে সংহরণ করে নেবেন। তখন তিনি আবার একম্, অম্বেতম্।’

ডাক্তার বাধা দিয়ে বললেন, ‘এই মতবাদটা আমি ঠিক ঠিক বুঝতে পারি নি। একটু সবিস্তার বলুন।’

আমি বললাম, ‘নোঃ! আমি দর্শন প্রচার করি নে। আমি শোনাই কাহিনী। একটি করুণ কাহিনী শোনাবার জন্য আমি এম্বলে অতি সংক্ষেপে একটি পটভূমি নির্মাণ করলাম মাত্র। তৎপূর্বে আরো আধ মিলিগ্রাম দর্শনবিলাস করতে হবে। এদিকে আবার খৃষ্টান মাত্রেরই অটল অচল বিশ্বাস পুণ্যাত্মা অনন্ত স্বর্গসুখ এবং পাপাত্মা অনন্ত নরকযন্ত্রণা পাবে। ওদিকে পোপ, খৃষ্টজগতের পিতা, যার পুণ্যাস্যানর্গত প্রতিটি বাক্য শাস্ত্রাতিশাস্ত্র আপ্তবাক্য, সেই সর্বশাস্ত্রবিশারদ পোপ বনিফাতিয়ুস ‘শ্লেচ্ছ যবন’ দার্শনিক আবুরুশদের মতবাদ এমনই আকণ্ঠ গিলে বসে আছেন যে তিনি তাঁর সহকর্মী কাউনালদের সমক্ষে গোপন রাখতেন না যে, তিনি মৃত্যুয়ার অনন্ত স্বর্গনরক-ভোগাদিতে বিশ্বাস করেন না। তাই পূর্বেই বলেছি, এটা প্রায় অবিশ্বাস্য। খৃদ বাইবেলের বিরুদ্ধে এই ‘শ্লেচ্ছ’ ‘যাবনিক’ মতবাদ প্রচার করার জন্য পোপকে দণ্ডভোগ করতে হয়েছিল। তারই উল্লেখ করে কবি দাল্তে বিলাপ করে তাঁর মহাবাঘ্যে লিখেছেন, যীশুকে ক্রুশবিষ্ম করে তাঁর জল্লাদরা যেরকম তাঁকে শুনিয়ে শুনিয়ে ব্যক্তিবিদ্রূপ করেছিল

ঠিক সেই রকম 'প্রভু যীশুকে দ্বিতীয় বারের মত ব্যঙ্গবিদ্রুপ করা হল ।

কিন্তু এক বাহ্য ।

যে কাএতানি পরিবারে এই পোপের জন্ম হে-পরিবারে যুগ যুগ ধরে বহু পণ্ডিত, বহু গবেষক জন্ম নিয়েছেন । এ-পরিবারের শেষ পণ্ডিত, আমার অতিশয় প্রশ্বেয় ঐতিহাসিক লেওনে কাএতানি । আমার ব্যক্তিগত বিশ্বাস, কিন্তু আমি প্রমাণ করতে পারবো না যে, এই পোপের উপর আরব দার্শনিক আবু রুশদের প্রভাব সম্বন্ধে তাঁর পারিবারিক ও পোপদের প্রচলিত ইতিহাস অধ্যয়ন করার ফলে তিনি আরবী ভাষা ও মুসলিম সভ্যতার প্রতি আকৃষ্ট হন ।

পর পর দু'খানি অত্যন্তম গ্রন্থ প্রকাশ করে তিনি ইয়োরোপ তথা মধ্যপ্রাচ্যের মুসলিম ভূখণ্ডে নব "শমসু-ল-উলেমা" (জ্ঞান-ভাষক) রূপে আন্তরিক অভ্যর্থনা ও অকুণ্ঠ প্রশস্তি লাভ করলেন । তখন তিনি স্থির করলেন, এ-সব উটকো বই না লিখে তিনি তাঁর সম্পূর্ণ জীবন নিয়োজিত করবেন ইসলামের একখানা পূর্ণাঙ্গ ইতিহাস রচনা করতে । বিম্বজ্ঞান সোচ্ছাসে হর্ষধ্বনি তথা সাধুবাদ প্রকাশ করলেন ।'

ইতিমধ্যে লক্ষ্য করলুম, মোডিকেল বলেজ আর বেশী দূরে নয় । বললুম, 'এবার আমি আমার মোন্দা কথাতে চলে এসেছি ।

রাজপরিবারের অংশবিশেষ, অসাধারণ সুপুরুষ, সংগীতচিত্রভাস্কর ইত্যাদির সাক্ষর সমঝদার কাএতানি প্রেমাবন্ধ হলেন এক পরমা সুন্দরী, সর্বগুণাবিত্তা রোমান রমণীর সঙ্গে । সৌভাগ্যক্রমে প্রেমটি হল উভয়ত ও গভীরতম ।

বিবাহ হয়ে গেল । তাবৎ ইতালী এক কণ্ঠে বললে, তাদের দেশের নীলাম্বুজের ন্যায় গভীর নীলাকাশের সঙ্গে চক্ৰবালবিস্তৃত ইন্দ্রধনুর এহেন পূর্ণাঙ্গ আলিঙ্গন ইতিপূর্বে তাদের এবং সর্ববিশ্বপূজ্য 'রোমেও জ্বলিয়েতের' প্রেমভূমিতেও হয় নি ।

তারপর আমাদের লেওনে—"নরাসিংহ"—ডুব দিলেন তাঁর ইসলামের ইতিহাস—তাঁর "আম্মালি" বা "অ্যানালস্—" গ্রন্থে ।

বউ এসে বললেন, "ওগো, শুনছো, কাল সন্ধ্যায় আমাদেরই তসকানীনি আসছেন সঙ্গীত পরিচালনা করতে । ঐ দেখো টিকিট পাঠিয়েছেন । অন্য লোকে হন্যে হয়ে খমা দিচ্ছে শুম্ধুমাও ও'র দর্শন পাবার জন্য ।"

লেওনের মুখে বিবর্ণ । অপরাধীর মত বললেন, "কিন্তু আমার 'আম্মালি'—এ-অধ্যায়টা শেষ না করে—আচ্ছা, কাল দেখব ।"

কিন্তু 'কাল'ও সেই 'দেখবো'টা দেখা হয়ে উঠলো না । লেওনে ডুব মেরেছেন 'আম্মালি'র গভীর অরণ্যে ।

তারপর এলেন দুনিয়ার সর্বশ্রেষ্ঠ টেনর গাওয়াইয়া কারুজো । ফল তম্বৎ ।

মাঝে মাঝে বলতেন, "তা তুমি, ডালিং (দিলেস্তো), দিনোর সঙ্গে যাও

না কেন ? সে তো সর্বসঙ্গীতে আমার চেয়ে ঢের ঢের বেশী সমঝদার । আমার আশ্রয়—”

বউ ঠোঁট চেপে বললেন, “দিনো তার ‘প্যাতীত্ আমির’ (প্রিয়া বান্ধবী-র) সঙ্গে যাচ্ছে ।”

আকাশপানে হানি যুগল ভুরু লেগনে অবাক হয়ে শুনলেন, “সে কি ? দিনোর তো সূন্দরী বউ রয়েছে । এই হালেই বিয়ে করেছে । এর-ই মধ্যে ‘প্যাতীত্ আমির’ ?”

যা শুনেনিছ, তারই স্মরণে যতটুকু মনে আসছে তাই বলছি, বউ নাকি ঠোঁট দুটি আরো কাঠন ভাবে চেপে চলে যাচ্ছিল—

লেগনে তোৎলাতে তোৎলাতে—তিনি ছিলেন লক্ষ্মীটার মত অতিশয় ফাঁকিগুণ লক্ষ্মী-তোৎলা—বললেন, “কিন্তু, কিন্তু, ডালিং, আমার আশ্রয়, আ—”

আশ্রয়, আশ্রয়—আবার সেই আশ্রয় ।

প্রমিষ্ট, রসিক, লালিতকলার বিদগ্ধ সমঝদার লেগনে এখন হয়ে গিয়েছেন সূক্ষ্মমাত্র পাণ্ডিত । পাণ্ডিতেরও বউ থাকে । কিন্তু এ-স্থলে লেগনের একটি ‘প্যাতীত্ আমির’ তাঁর হৃদয়সন জুড়ে বসে গেছেন । আশ্রয় ।

লেগনে যে তাঁর বউকে সর্বহৃদয় দিয়ে ভালোবেসে তার পদপ্রান্তে তাঁর সর্বাঙ্গা নিবেদন করেছেন এ-তত্ত্ব তাইবোঁরয়ো রোমবাসী জেনে গিয়েছে । বস্তুতঃ লর্ডিকলার রোমান নটবররা তখন ফিস্ফিস্ গুজ্গুজ্ করতে আরম্ভ করেছে, লেগনেটা একটা স্মরণ, ভেড়ুয়া ভাসুয়া (পূর্ববঙ্গের ভাষায় বউয়ের দেওয়া ‘ভাত’ না পেলে যে ক্রীষের দিন গোজরান হয় না) আস্ত একটা নপুংসক ।

এদিকে লেগনে তাঁর সর্বসত্তা স্ত্রীর কাছে নিবেদন করে নিশ্চিত । তাঁর দেবী যে তাঁর আশ্রয়কে তার সপত্নী, তার “প্যাতীত্ আমির” রূপে কস্মিনকালেও ধরে নিতে পারে সেটা তার সুদূরতম কল্পনারও বাইরে । কিন্তু ডাক্তার, এই দগ্ধ জগতে কত টপবেটপেরই না সতীন হয় । সেই যে হিংসুটে শ্বিতীয়পক্ষ দেখলো তার স্বামী একটা মড়ার খুলি বেড়ার কাঁধের উপরে রাখছে, সঙ্গে সঙ্গে মীমাংসা করে ফেললে, এটা নিশ্চয়ই তার মৃত্যু সপত্নী সীমন্তিনীর সীমন্ত-বহনকারী মস্তকের খুলি ! তাই না মিনষের পরাণে এত সোহাগের বান জেগেছে ! দাঁড়াও, দেখাচ্ছি । তুমুহুতেই—না, বরগু বলবো—তুমুহুতেই—তিন মিনিট আগে, রাষ্ট্রভাষায় যাকে বলে “ফোরনকে পাঁচ মিনিট পেহুলে”, সেই খুলিটা ফেলে দিলে বাড়ির পিছনের বিষ্ঠাকুণ্ডে । সে কেছা থাক, ডাক্তার, এ-বাবদে আমি বিস্তর গবেষণা করেছি—সুবিধে-কুবিধে মত কোনো এক সময়ে সেটা হবে । শুনু একটি আশ্রয়বাক্য বলি, এ-দেশের হরিপদ কেয়ানী

যে তার কুলে জীবনের দশটা-পাঁচটা বেচে দিয়েছে তার জন্য তার বউ খেদ করে না। কিন্তু বাবদ-বাকি ষোল সতেরো ঘণ্টা সেই পদী-বউ হয়ে যান রাজরাজেশ্বরী পটুর্মহিষী রানী পদিদানী পদ্যাবতী—শাহ্-ইন্-শাহ্ বাদশা আলাউদ্-দীনও সেখানে ইতর জন।

আমাদের পশ্চিম লেওনে একটি আশ্চর্য মূর্খ।

এই সামান্য তত্ত্বটুকু পর্যন্ত জ্ঞানেন না, গভীর, উভয়পাক্ষিক প্রেমের পর, বিয়ে হওয়ার পরও অনেক কিছু করার থাকে। সেগুলো জিতি ছোটখাটো জিনিস। কিন্তু ছোট হলেই কি ছোট জিনিস সর্বাবস্থাতেই ছোট, বড় জিনিস বড়? পিপীলিকা অতিশয় ক্ষুদ্র প্রাণী; হাতি বৃহত্তম। চোখের সামনে স্পষ্ট দেখতে পাচ্ছি। কিন্তু বানানের বেলা? সেখানে পিপীলিকার বানান ঢের বেশী শক্ত—হাতির তুলনায়।

লেওনে মূর্খ। তিনি বৃদ্ধিতে পারেন নি, এসব ছোটখাটো অনেক ব্যাপার আছে। বউকে কনসার্টে নিয়ে যাওয়া, তার জন্মদিন বা নামকরণ দিন স্মরণে রেখে ভালোমন্দ কিছু-একটা সওয়াগ নিয়ে আসা, বিবাহের বর্ষাবর্তনের দিন হৈ-হুল্লোড় করে বন্ধুবান্ধবকে নিমন্ত্রণ করে উত্তমরূপে সমাধান করা—এসব কিছুই লেওনের স্মৃতিতে আসে না। আম্মালির গভীর গর্ভে এসব জিনিস ডুবে গিয়ে সম্পূর্ণ নিরুদ্দেশ।

হঠাৎ এক সকালে লেওনে রেক্‌ফাস্ট খেতে এসে দেখেন, তাঁর পেলেটের উপর ছোট্ট একটি চিরকুট।

এবং হাঁতমধ্যে তাঁর মত আপন-ভোলা লোকও লক্ষ্য করলেন, যে-বউ সদাসর্বদা তাঁর রেক্‌ফাস্ট তৈরী করে দিত, সেও সেখানে নেই।

চিরকুটটি খুলে পড়লেন, “আমি তোমার ভবন পরিত্যাগ করলুম। অপরাধ নিয়ো না।”

ডাক্তার হতভম্ব।

তারপর রাম-গাভের মত তোৎলাতে তোৎলাতে যা শুধলো তার বিগলিতার্থ, এরকম একটি সর্বগুণসম্পন্ন মহিলা যিনি তাঁর আপন দায়িত্বের পরিপূর্ণ আত্মনিবেদন পেয়েছেন তাঁকে ত্যাগ করে চলে গেলেন?

আবার নতুন করে বৃদ্ধিতে পারলুম, আমাদের এই মাইডিলার লানোর্ড ডাক্তারটি হয়তো তাঁর চিকিৎসা-শাস্ত্রজ্ঞানপ্রসাদাৎ মড়াকে জ্বালাত করতে পারেন, কিন্তু জ্বালাত লোক যে দৈহিক মৃত্যু ভিন্ন অন্য নানাভাবে মরতে পারে—ক'এস ঘেরকম লায়লীকে ভালোবেসে বন্ধ উন্মাদ হয়ে গিয়ে লোকমুখে প্রচারিত মজনুন (যার শক্ধে জিন্ = ভূত চেপেছে) উপাধি পান—এসবের কোনো এনিষ্ট তাঁর জীবনের খাতাতে নেই। তাঁর কাছে সব-কিছুই সরল

সিলিজিমে প্রকাশ করা যায় :—

ডাক্তার শহর-ইয়ারকে সম্পূর্ণ আত্মনিবেদন করেছেন ।

শহর-ইয়ার ডাক্তারকে সম্পূর্ণ আত্মনিবেদন করেছে ।

অতএব এঁদের মধ্যে কোনো বিচ্ছেদ আসতে পারে না ।

কিউ ই ডি !!!

প্রভু যীশু নাকি বলেছেন, শূন্য রুটি খেয়েই মানুষ বাঁচে না, ঠিক তেমনি বলা যেতে পারে দাম্পত্যজীবনে শূন্য প্রেম দিয়েই পেট ভরে না ।

কিন্তু এসব তত্ত্বকথা ডাক্তারকে এখন বলে আর কি লাভ ? মেঘে মেঘে যে বেলা হলে গিয়েছে ।

বললুম, 'ডাক্তার, আমাকে অনেকেই শূন্য—বিশেষ করে আমার মস্তান চলারা শূন্য, কোন দেশের রমণী আমাকে সব চেয়ে বেশী মূগ্ধ করেছে । কী প্রশ্ন ? আমি কি দেশে দেশে কালতা, দেশে দেশে প্রিরা করে বেড়িয়েছি না কি যে, এর পাঁক উত্তর দেব ! তবে নিতান্ত 'হাই-কোর্ট' মাত্রই দোঁধ নি বলে চোখ কান খোলা ছিল । এবং লক্ষ্য করেছি, স্পেন আর ইতালির মেয়েরা হয় তেজী আর স্বামী হ'ক প্রেমিক হ'ক তার উপর যে হ'ক বতায় সে সম্বন্ধে তাদের জ্ঞানটি হয় খুবই টনটনে—ভয়ঙ্কর জেলাস । 'অভিমান' শব্দের ইংরিজি প্রতিশব্দ নেই, ইতালি ভাষায়ও খুব সম্ভব নেই । তবে ইতালির নিম্নশ্রেণীতে হিংসুটে রমণী প্রতি গলিতে গাডায় গাডায়, আর ভদ্রসমাজে অভিমানিনীরা অভিমানের চূড়ালেত পেঁছে আত্মহত্যাতে বোধ করি জাপানীদেরও হার মানায় । কাএতানির বউ এক অর্থে আত্মহত্যা করলেন, এবং করলেন একটি জলজ্যান্ত খুন । কিন্তু এহ বাহ্য ।

লেওনের মনে এর কি প্রতিক্রিয়া হয়েছিল সে-সম্বন্ধে সবিস্তর সংবাদ কেউই দিতে পারে নি । তবে তাঁর পরবর্তী আচরণ থেকে এ-সম্বন্ধে কিছুটা অনুমান করা যায় ।

আম্রালির দশাংশের একাংশ তখনো শেষ হয় নি ।

তার পর একদিন লেওনে ইতালি থেকে উধাও । কেউ জানে না কোথায় গেছেন ।

তার কিছুদিন পরে খবর এল লেওনে তাঁর বিরাট জমিদারী বিষয়-সম্পত্তি বিক্রি করে চলে গেছেন দু'বের চেয়ে দু'র সূদূর ক্যানাডায় । সেখানে সামান্য জমি-জমাসহ একটি কুটির খরিদ করেছেন । বনের ভিতর ।

সেখানে দিন কাটান কি করে ?

সকাল থেকে সন্ধ্যা অবধি জলের ধারে, ব'ড়িশ ফেলে ।

কে জানে মাছ ধরা পড়তো কিনা ।

আর তাঁর হাজার হাজার বই—অন্তত ত্রিশটি ভাষায়—যার উপর নিষ্ঠুর

করে, যে সব ইন্ট-স্কুলিক দিনে তিনি তাঁর আন্সালি কুৎবমিনার গাড়ে তুলেছিলেন ?

জ্ঞানি নে। কিন্তু একথা জ্ঞানি, তিনি ক্যানাডা যাবার সময় একখানা বইও সঙ্গে নিয়ে যান নি।’

ডাক্তার বললেন, সে কি কথা ? তাঁর সমস্ত সাধনা বিসর্জন দিলেন ?’

‘তাই তো বললুম, লেওনের বউ তাঁকে ছেড়ে যাবার সময় খুন করে গেলেন, পিণ্ডিত লেওনেকে। আর যেহেতুক পিণ্ডিত লেওনেই ছিলেন লেওনের চোন্দ্র আন্সালি সত্তা তাই বলা যেতে পারে, তিনি লেওনেকেই খুন করলেন।

তিনি যেন যাবার সময় বলে গেলেন, “আন্সালিই যদি তোমার আরাধ্য দেবী হন, তবে আমার স্থান কোথায় ?”

লেওনে যেন উত্তরে বললেন, “তুমিই ছিলে আমার জীবনের আরাধ্য। আন্সালি নয়। প্রমাণ ? সেই অসমাপ্ত আন্সালি-প্রতিমাকে ভেঙে চুরমার করে চললুম নিরুদ্দেশে।”

এবং আমার মনে হয়, লেওনে যেন পঙ্কীর উদ্দেশে বলতে চেয়েছিলেন, “তুমি রোমান সমাজের উচ্চাশিক্ষিতা রমণী হয়েও বৃদ্ধিতে পারলে না, আমি কাকে কোন্ জিনিসকে কতখানি মূল্য দিই !”

এ-কাহিনীর সমাপ্তি এখানেই নয়।

লেওনে কিন্তু তাঁর তাবৎ পাণ্ডুলিপি বিনষ্ট করতে পারেন নি বা তাঁর সৈদিকে হাশু ছিল না। কাজেই দশ-দশ বিরাট ভলুমে বেরুলো তাঁর আন্সালির আতিশয় অসমাপ্ত অংশ। আরবী প্রাচ্যবিদ্যামহার্ণবরা সোর্টিকে রাজমুকুটের কুহ-ই-নুরের মত সম্মান দেন।

সঙ্গে সঙ্গে প্রাচ্যবিদ্যামহার্ণবরা আন্দেদশা করতে লাগলেন, লেওনেকে কি করে সেই পাণ্ডববর্জিত ক্যানাডা থেকে ফিরিয়ে এনে পুনরায় তাঁকে সঙ্ঘ শ্বাভাবিক করা যায়—যাতে করে অস্তিত্ব তিনি তাঁর আন্সালি সমাপ্ত করে যান।

এক প্রাচ্যবিদ্যামহার্ণবদের সাধারণ সঙ্ঘলনের পর পিণ্ডিতরা গোপন বৈঠকে বসে স্থির করলেন কয়েকজন সমঝদার গেরেম্ভারী বৃদ্ধ পিণ্ডিতকে পাঠাতে হবে, ডেপুটেশন, লেওনের কাছে। এঁদের সবাইকে বিনয়ী লেওনে অত্যন্ত শ্রদ্ধা করতেন। এঁরা আপন আপন খরচে পৌঁছলেন, পৃথিবীর সেই সূদূর অন্য প্রান্তে ক্যানাডার ভ্যানকুভারে—বিন্ নোটিশে। লেওনে সবাইকে তাঁর সরল অনাড়ম্বর কায়দায় অভ্যর্থনা জানালেন।

ডেপুটেশন ডিনারের পর কফিলিকোর খেতে খেতে আতিশয় যুক্তিসম্মত পর্ধাতিতে, তাঁদের সমস্ত ধার, সমস্ত ভার, লেওনের স্কন্ধে নামিয়ে কি সব উপদেশ দির্য়েছিলেন, কি সব অনুনয়বিনয় করিছিলেন তার কোনো প্রতিবেদন বা রিপোর্ট নেই, তবে আমি কল্পনা-রাজ্যে উদ্ভীন হয়ে কিছুটা অনুমান করতে

পারি। কিন্তু আমার অনুমানে কি যায় আসে! এ যে এক বিরাট ট্রাজেডি। এ তো শুধু দুটি নরনারীর ব্যক্তিগত মান-অভিমান বিরহ-মিলন এবং সর্বশেষে অন্তহীন বিচ্ছেদের কাহিনী নয়—যেটা হর-আকছারই হচ্ছে—এখানে যে তার বাড়া রয়েছে, অকস্মাৎ অকালে ঐকটি প্রজ্ঞাপ্রদীপের অন্ধকারে নিলয়। শুধু পণ্ডিতজন না, যুরোপের বহু সাধারণ জনও আশা করেছিল, লেওনের আমালির জ্যোতিঃ ইসলাম-ইতিহাসের বহু অন্ধকার গুহাগহবর প্রদীপ্ত করে তুলবে— কারণ লেওনে লিখতেন অতিশয় সাদামাটা সরল ইতালিয় ভাষা।

ডেপুটেশনের সর্ব বস্তব্য লেওনে অত্যন্ত শ্রম ও মনোযোগের সঙ্গে শূন বললেন, কয়েকদিন চিন্তা করে তিনি ডেপুটেশনকে তাঁর শেষ মীমাংসা জানাবেন।

ডেপুটেশন দেশে ফিরে গেল। দীর্ঘ প্রতীক্ষার পরও তাঁরা লেওনের তরফ থেকে কোনো চিঠি পান নি।

লেওনে কাএতানি তাঁর খোলস দেহটি ত্যাগ করে ইহলোক ছাড়েন ক্যানাডাতেই, খৃষ্ট জন্মাবসে, বড়দিনে, ১৯৩৪ খৃষ্টাব্দে। তাঁর জন্ম রোম শহরে ১৮৬৯ খৃষ্টাব্দে। আমার গুরু আমাকে এ-কাহিনীটি বলেন লেওনের মরজগৎ ত্যাগ করার প্রায় এক বৎসর পূর্বে।

যুদ্ধে মিসিং জোঞ্জানের মা যেরকম বছরের পর বছর নিস্তব্ধ, স্নিগ্ধ প্রতীক্ষা করে, তার দুলাল একদিন নিশ্চয়ই ফিরে আসবে, আমার গুরু আরবী শাস্ত্রে অতুলনীয় পণ্ডিত, স্নেহময়ী মাতার ন্যায় বহু বৎসর ধরে প্রতীক্ষা করতেন লেওনে একদিন আবার তাঁর ক্যানাডার অরণ্যানীর বনবাস ত্যাগ করে ফিরে আসবেন তাঁর মাতৃভূমি ইতালীতে। তার পর অধ্যাপক গুনগুন করে যেন আপন মনে বলতেন, “লেওনের মত এরকম স্পর্শকাতর লোক কি আমৃত্যু বিদেশ-বভুইয়ে পড়ে থাকবে? নাঃ, হতেই পারে না। সে নিশ্চয়ই মৃত্যুর পূর্বে রোমে ফিরে আসবে। যাতে করে তার হাস্তিগুলো তার মায়ের হাস্তিগুলোর পাশে শেষ-শয্যায় শয়ান করা হয়।” কিন্তু আমার গুরুর এ দুরাকাঙ্ক্ষা পূর্ণ হয় নি।’

ততক্ষণে ডাল্লার আবার খানিকটে স্তব্ধ হতে ফিরে এসে কি যেন শূন্যে আছে। আমি ঈষৎ উত্তপ্ত কণ্ঠে বললুম, ‘ব্যস, আমরা মেডিকেল কলেজে পৌঁছে গিয়েছি। এবারে আমি পাবলিশার্সদের কাছে যাচ্ছি।’

মনে মনে বললুম, বৃন্দুটা এখনো যদি না বোঝে আমি কোন্ দিকে নল চালাচ্ছি, তবে ঝকঝক, ঝকঝক, হাজার বার ঝকঝক।

পনরো

প্রকাশকদের সঙ্গে আমার দীর্ঘকালের অভিজ্ঞতা এস্থলে অবান্তর।

তবে এস্থলে এ-বাবদে একটি কথা বলতে হয়। শহর-ইয়ারদের বিস্তর টাকাকড়ি। আমার অর্থাভাব সে ভালোভাবেই বঝতে, কিন্তু বুদ্ধিমতী রমণী বলে আরো জানতো আমাকে কোনো প্রকারের সাহায্য করতে চাইলে আমার আত্মাভিমান লাগবে।

একদিন তাকে ঠাট্টাচ্ছিলে বলেছিলুম, 'আমি জীবনে সাতবার না আটবার ক'বার চাকরি রিজাইন দিয়েছি বলতে পারবো না। কারো সঙ্গে আমার বনে না। যখন চাকরিতে থাকি, তখন 'সাহিত্য-সৃষ্টি'র কোনো কথাই ওঠে না। মাইনের টাকা তো আসছে। বই লেখার কী প্রয়োজন? চাকরি যখন থাকে না, তখন 'পঞ্চতন্ত্র', 'শব্দম্' এসব আবোলতাবোল লিখতে হয়।'

শহর-ইয়ার তাজ্জব হয়ে শূধিয়েছিল, 'আপনি শূধু টাকার জন্য লেখেন!' আমি বলেছিলুম, 'এঞ্জেলিক্টলি! মোস্ট সার্টেবলি!'

তারপর বলেছিলুম, 'জানো, শহর-ইয়ার, এ-বাবদে অন্তহীন সাহিত্যাকাশে আমিই একমাত্র ক্ষুদ্রাচক্ষুদ্র তারকা নই। মহা মহা গ্রহ-উপগ্রহও ঐ একই নভোমণ্ডলে বিরাজ করার সময় বলেছেন, লজ্জাঘৃণাত্মক অনায়াসে তাচ্ছিল্য করে বলেছেন, কথাগুলো আমার ঠিক ঠিক মনে নেই, তবে মোন্দা কথা এই, "নান্ বাট্ এ ফুল রাইট্‌স একসেপ্ট ফর মানি" অর্থাৎ "অর্থাগম ভিন্ন অন্য কোনো উদ্দেশ্য নিয়ে লেখে শূধু গাড়োলরাই।" স্বয়ং ডক্টর জনসন বলেছেন, "আমি লিখি টাকার জন্য!" বুদ্ধেল ইয়ার, 'শহর-ইয়ার?'

ঐবং প্রকৃষ্ণন করে শহর-ইয়ার শূধিয়েছিল, 'আচ্ছা, কাল যদি আপনি দশ লক্ষ টাকার লটারি জিতে যান তবে কি করবেন?' (আমি জানতুম, ডাক্তারের জমিদারী, কলকাতার গণ্ডা গণ্ডা বাড়ি থেকে প্রতি মাসে ওদের দশ-পনরো হাজার টাকা আমদানি হয়, আর ব্যাংকে আছে দশ-পঁচিশ লাখ)।

আমি সোজাসে বলেছিলুম, 'দশ লাখ? পঁচ লাখ পেলেই আমার কাজ হাসিল। সঙ্গে সঙ্গে বালি কলম কাগজ পুঁড়িয়ে দিয়ে বলব, বাঁচলুম। এখন থেকে লিখব শূধু প্রেমপত্র, আর, আর চেকের উল্টো দিকে নাম সই।'

শহর-ইয়ার টাকাকড়ি বাবদে বড়ই অনভিজ্ঞা। শূধুলো, 'চেকের উল্টো-পিঠে সই, তার অর্থ কি?' আমি লক্ষ্য করলুম, প্রেমপত্র নিয়ে সে কোনো প্রশ্ন শূধুলো না। আর চেক্‌ফেব্ তো তার স্বামীর নামেব সই করে। সে-সব জিনিস তার জানার কথা নয়।

বলেছিলুম, 'চেকের উল্টোপিঠে সই, মানে, সে-টাকা আমি পাবো। আর এ-পিঠে সই, তার মানে টাকাটা আমাকে দিতে হচ্ছে। জানো না, দিশী ছড়া:—

“হরি হে রাজা করো, রাজা করো ।

যার ধারি তারে মারো ॥

যার ধারি দু'চার আনা,

তারে করো দিন-কানা ।

যার ধারি দু'শ চারশ'

তারে করো নিব'ংশ ॥”

বুঝলে চেকের এঁপঠে সহি করার প্রতি আমার অনীহা কেন ?

এস্থলে বলে রাখাটা প্রয়োজন মনে করি যে, আমার যে ক'টি ইয়েসমেন চেলা আছে, তারা সবাই তখন বলে, “না, স্যর ! আপনার দশ লাখ টাকা পাওয়ার কোনো প্রয়োজন নাই। ভগবান করুন, আপনার যেন চাকরি না জোটে। তাহা হইলে আপনি লেখনী বন্ধ করিবেন না। ফলস্বরূপ বঙ্গসাহিত্য শ্রীবৃন্দিশালী হইবেক, শনৈঃ শনৈঃ উন্নতিমার্গে উচ্চাপ্রমে প্রবেশ করিবেক।”

কিন্তু শহু-ইয়ার এস্থলে সে-বুলি আওড়ালো না। সে বুদ্ধিমত্তা মেয়ে। বিলম্বণ জানে, আমার ‘সাহিত্যসৃষ্টি’ সাম্প্রতিক যত মূল্যই ধরুক তার দীর্ঘস্থায়ী মূল্য নাও থাকতে পারে।

তা সে যাই হোক, প্রকাশকের কাছে দরিদ্র লেখকের দু'পাঁচ টাকার জন্য ধম্মে দেওয়াটা সে বিতৃষ্ণার সঙ্গে শূনে যেত। তার সহানুভূতি ছিল লেখকের সঙ্গে।

তাই জানতুন সে আমাকে শূধোবে না, আমি টাকা পেলাম কি না।

ব্রাইভার যখন বাঁকম চাটুয্যে স্ট্রীটে পৌঁছিল তখন তাকে বললুম, ‘তুমি বাড়ি যাও, আমি ট্যাক্সিস ধরে ফিরব। মা-জী পীরের বাড়ি যাবেন। গাড়িটার দরকার হবে।’

কাঁচুমাচু হয়ে বললে, “কিন্তুক সায়েব যে বললেন, আমি আপনার জন্য গাড়িটা রাখি।”

স্পষ্ট বুঝতে পারলুম, ব্রাইভারও শহু-ইয়ারের এই গুরু নিয়মে মাতামাতি পছন্দ করে না।

তাই দ্রুত এবং মোল্লারেম কণ্ঠে বললুম, ‘না, ভাই, তুমি বাড়ি যাও।’

ব্রাইভারকে শূধিয়েছিলাম, পীরের নাম ঠিকানা কি ?

ঘণ্টাখানেক পরে সেই উদ্দেশে রওয়ানা দিলুম।

আমার এক মূদলমান চেলা একদিন আমাকে বলিছিল, সে নাকি তার এক ল্যাটাই-ভক্ত দোস্তের পাল্লায় পড়ে সেই দোস্তের পীর দর্শনে যায়। গিয়ে তাজব মেনে দেখে, গুরু বসে আছেন একটা বিরাট হলের মাঝখানে। আর তাঁকে ঘিরে গোটা আন্টেক ডপকী ছুঁড়ী দাঁড়িয়ে। তাদের উত্তমার্গে ব্লাউজ-চেলী

নেই। ক্ষণে ক্ষণে শ্যাড় খসে পড়ে গিয়ে বন্ধঃহুল অনাবৃত করে দিচ্ছে। কেউ তখন শ্যাড় তোলে, কেউ তোলে না। আর গুরু বলছেন, 'এই দেখো, আমি চতুর্দিকে আগুন জ্বালিয়ে রেখেছি, কিন্তু আমার ঘি গলছে না।'

আমি ভেবেছিলুম, অতখানি না হলেও অনেকটা ঐ রকমেরই হবে। শহর-ইয়ার নিশ্চয়ই কোনো বৃক্ষরুক শাটটেনের পাল্লায় পড়েছে।

বিরাট গৃহে বসে আছেন পীরসাহেব। আমি তাঁর দিকে তাঁকিয়ে হতভম্ব।

পীরটি তো আমার প্রাচীন দিনের বন্ধু আমীনুর রশীদ মজুমদার !!

ঘোলা

আমি স্তম্ভিত।

আমি বেকুবের মত বাক্যহারা। এমন কি পীরসাহেবকে সেলামটা পর্যন্ত করতে ভুলে গিয়েছি। পীর মানি আর নাই মানি, স্বেচ্ছায় পীরের আস্তানায় গিয়ে তাকে সেলামটা পর্যন্ত করলুম না, এতখানি বেয়াদব, বেতমীজ মস্তান আমি নই।

বাড়িটা খুঁজে বের করতে আমার কিছুমাত্র অসুবিধা হয় নি। পার্ক সার্কিস আমার চেনা পাড়া। পীরমুর্শিদরা সচরাচর এ-পাড়াতেই আস্তানা গাড়েন। আমার এক পুত্রবৎ সখা মুসলমান ছেলে, কচিবাবু যে আমাকে একদিন বলেছিল, ঐ পীরসাহেবের কথা, গিয়ে দেখেছিল পীরসাহেবের চতুর্দিক গোটা আশেটক খাপসুরত উপকী হুরী তাঁর চতুর্দিকে তাঁকে ঘিরে বসে আছে। আর তিনি নাকি ক্ষণে ক্ষণে উম্বাহু হয়ে বলছেন, 'এই দেখো, এই দেখো, আমার চতুর্দিকে আমি আগুন জ্বালিয়ে রেখেছি, কিন্তু আমার ঘি গলছে না, আমার ঘি গলছে না।' কচিবাবু নাকি একেবারে বেবাক নিবাক হতভম্ব হয়ে গিয়েছিল।

আমি কিন্তু সেভাবে হতভম্ব হই নি।

সিঁড়ি দিয়ে ওঠবার সময় মনে হয়েছিল, একতলাতে বাড়ির মালিক সপরিবার বাস করেন, দোতলাতে পর্দা চিকি কিলিগিলির প্রাচুর্য থেকে অনুমান করলুম, এখানে পীরসাহেবের শিষ্যারা আলাদা ভাবে থাকেন, আসেন।

তেতলায় যে ঘরে পীরসাহেব বসে আছেন সেটি অনাড়ম্বর। খানচারেক তক্তপোশ মিলিয়ে একটি ফরাশ। পীরসাহেব ছোট্ট একটি তাঁকিয়াতে হেলান দিয়ে ঐ তক্তপোশেই উপবিষ্ট কয়েকজন শিষ্যকে কি-একখানা চটি বই থেকে পড়ে শোনানছেন।

তক্তপোশের এ-পারে কয়েকখানি চামড়ামোড়া আরাম-কোয়ারা।

এ-সবেতে হতভম্ব হবার মত কিছু নেই।

পীরসাহেবের চতুর্দিকে ঘি-গলানেউলী অন্তরমণী নেই, এমন কি চিরে

খুস্টান সেন্টদের মস্তকের চতুর্দিকে যে 'হেলো' বা 'জ্যোতিঃচক্র' থাকে সেটি পর্যন্ত তাঁর মস্তক ঘিরে নেই।

লৌকিক, অলৌকিক, কুলৌকিক কোনো কিছুই নেই। অত্যন্ত সাদামাটা পরিস্থিতি।

আমি স্থম্ভিত হলুম পীরসাহেবের মুখের দিকে তাকিয়ে।

আমি আন্দেশা করেছিলুম, দেখতে পাবো এক বৃজরুক, ডুড, শালাটেন। আমারই ভুল, আমারই বোঝা উচিত ছিল, শহর-ইয়ার এরকম কাঁচা মেয়ে নয় যে বৃজরুক দেখে বানচাল হবে।

আমি অবাক, এই পীরটি আমার সাতিশল্প পরিচিত জন।

বছর পঁচিশেক পূর্বে এঁর সঙ্গে আমার পরিচয় হয় স্বর্গত হরপ্রসাদ শাস্ত্রীর খ্যাতনামা পুত্র, পণ্ডিত বিনয়তোষ ভট্টাচার্যের বাড়িতে—বরদায়; বিনয়তোষ ও আমি তখন বরদাতে সরকারী কর্ম করি। পীর খাঁটি বাঙালী মুসলমান।

শহর-ইয়ারকে মনে মনে পুনরায় সানন্দ নমস্কার জানালুম। বাঙালী মাত্রই—কী হিন্দু, কী মুসলমান—হরবকত তাকিয়ে থাকে পশ্চিমবাগে। কম্বোজের ব্রাহ্মণগুরু, দিল্লীর মুসলমানপীর এঁরা যেন এই 'পাপ' বঙ্গদেশে আসেন পশ্চিমের কোনো-এক 'পুণ্যলোক' থেকে। একমাত্র কাবুলে দেখেছি, সেখানকার হাজার ঘাটেক হিন্দু পূর্ববাগে তাকায়, কারণ পশ্চিমবাগে তো আর কোনো হিন্দু নেই। তাই প্রতি দু'তিন বৎসর অন্তর তাদের এক গুরু আসেন বৃন্দাবন থেকে। তাদের মন্ত নেওয়া প্রাচীন্তুর-ফীন্তুর করা বছর দুয়েকের জন্য বন্ধ থাকে।

শহর-ইয়ারের হৃদয় মন গড়ে দিয়েছেন বাঙালী রবীন্দ্রনাথ।

ধর্মক্ষেত্রে সে যখন অবতরণ করলো তখন সে বরণ করেছে, বাঙালী পীর। বাঙালী পীরই তো বাঙালী রমণীর অভাব-অপরিপূর্ণতা বৃদ্ধিতে পারবে সব চাইতে বেশী। শহর-ইয়ার পশ্চিমবাগে তাকায় নি।

এই পীরটির নাম—অবশ্য তখনো তিনি পীর হন নি—আমীনের রশীদ মজুমদার। তিনি গুরুজ্ঞানে এসেছিলেন মধ্যযুগের পীরদের আস্তানার স্থানে। কবীর, দাদু, জমাল কামাল, বৃডুটনু এঁদের অনেকেই তাঁদের হিন্দু-মুসলমান-সম্প্রীতিমূলক মতবাদ প্রচার করেন গুরুজ্ঞানে। তদুপরি বরদার অতি কাছেই নর্মদা নদী বয়ে যাচ্ছেন। হিমালয়ে প্রধানত থাকেন সাধু-সন্ন্যাসী। নর্মদার পারে পারে থাকেন পীর-ফকীর সাধু-সন্ন্যাসী দুই সম্প্রদায়। স্বর্গত অরবিবন্দ ঘোষ বরদায় অধ্যাপনা করার সময় প্রতি শনি-সোম কাটাতে নর্মদার পারে পারে উভয়ের স্থানে।

এই আমীন সাহেবের সঙ্গে আলাপ করে তখনই বুঝে গিয়েছিলুম যে, বিনয়-তোষ সত্যই একটি সত্যশ্বেষীকে বাড়িতে এনেছেন তাঁর চিন্তাধারা তাঁরা

অভিজ্ঞতা জ্ঞানবার জন্য ।

বিনয়তোষের ধর্মপত্নী ছিলেন ভূদেববাবুর আদর্শ ছাড়িয়েও প্রাচীনতরা হিন্দু-গৃহিণী । এদিকে পূজ্যা আচ্চা বৃত-উপবাসে পান থেকে চুন খসতো না, ওদিকে দরিদ্রনারায়ণ অতিথি সেবার বেলা তিনি বিলকুল নিষ্পরোয়া 'মুচি-মোচরমান' ডেমচাঁড়ালের সেবা করে যেতেন । বিরাট কাঁসার থালায় তিনি আমীনুর রশীদ মিঞার সেবা করলেন ।

বিনয়তোষের অনুরোধে তাঁর ওপেল গাড়িতে করে মিঞাকে তাঁর বাসস্থানে নিয়ে গেলুম । সেখানে গিয়ে দেখি, তিনি একটি নিমবস্ত্রী অগাশত অণ্ডলে আশ্রয় নিয়েছেন ।

আমি একটু আবছা আবছা ভাবে যেন ক্ষীণস্ফুট আত্মাচিন্তা করলুম, 'এখানে আপনার অসুবিধা হচ্ছে না ?'

আমীন সাহেবের স্মিতহাস্যটি বড় মধুর এবং কিঞ্চিৎ রহস্যময় । বললেন, 'তেমন কি আর অনুবিধে । এদের অধিকাংশই মুসলমান । কাপড়ের মিলে কাজ করে । মদ খায়, জুরো খেলে আর বউকে ঠ্যাঙায় । কিন্তু আমার মত বেকারের প্রতি তাদের স্নেহ আছে প্রচুর । তবে মাঝে মাঝে বস্ত্র বেশী চিংকার হৈহুঞ্জোড়ের দরুন আমার কাজের একটু-আধটু অসুবিধে হয় বৈ কি !'

আমি একটু আশ্চর্য হয়ে শূধিয়েছিলুম, 'আপনার কাজটা কি ?'

রশীদ সাহেব কোনো উত্তর দেন নি । আমি অনুমান করলুম, তিনি যে শূধু নর্মদার পারে পারে তত্ত্বানুসন্ধান করছেন তাই নয়, খুব সম্ভব ধ্যানধারণা, জিক্র, তসব্বী, যোগাভ্যাস, সুফী-চিন্তাবৃত্তি-নিরোধও করে থাকেন

অতিশয় সবিদয় কিন্তু কিন্তু করে নিবেদন করলুম, 'আপনার যদি কোনো আপত্তি না থাকে তবে আমার বাড়িতে এসে থাকুন না ।'

'কী দরকার ! এই তো বেশ চলে যাচ্ছে । আপনাদের অসুবিধে হবে হয়তো ।'

আমি বললুম, 'আমি তো একা থাকি । মাত্র একটি পাচক আছে । তবে সে মাছ-মাংস ছোঁয় না । ফলে আমিও বাড়িতে নিরামিষাশী । আপনার একটু কণ্ট হবে । আর আমার দিন কাটে কলেজে । অপরাহু আর রাত্রির এক ঘাম কাটাই আমার পাশী সহকর্মী অধ্যাপক ওয়াজিয়ার বাড়িতে ।'

জানি নে, হয়তো এই নিরামিষের চ্যালেঞ্জ মৎস্যভুক বঙ্গসন্তানকে আমার বাড়িতে নিয়ে আসে ।

কিন্তু আমীন মিঞা যদিও মাঝে মাঝে আমাকে নর্মদার পীর-ফকির সাধু-সন্ন্যাসীদের কাহিনী শোনাতেন তবু তিনি ছিলেন ঘোরতর সংসারী । প্রতি ভোরে ফজরের নামাজ পড়ে পাচক ইন্দুরায়কে নিয়ে বেরুতেন বাজারে । কেনাকাটা সেরে বাড়ি ফিরে কুটনো কুটতেন, কল্লা ভাঙতেন, উনুন ধরাতেন আর

ইন্দ্ররাজকে হাতেকলমে বাতলাতে ন কি প্রকারে ছানার ডালনা, ধৌকার ঝোল, বাড়ির চচ্চড়ি তৈরি করতে হয়।

আমি অত বোকানই। আমি শুধু গিয়েছি তিন কারো স্কন্ধারোহণ করে মুফতে থাকতে চান না। বরং যদিও আমি সংসার চালানো বাবদে একটা আশু অগা, তথাপি লক্ষ্য করলুম, চিরকুমারকে বিবাহ বাবদে উৎসাহিত করে লোকে যে বলে, 'টু ক্যান লিভ অ্যাজ চীপার্লি অ্যাজ ওয়ান'—'বামীন্দ্রীর যা খরচা অবিবাহিত পুরুষেরও সেই খরচা—সেটা কিছ্নু মিথ্যে প্রলোভনকারী স্তোকবাক্য নয়। দু'জনার খরচাতে তিনজনেরও চলে। তদুপরি তখন ছিল সস্তাকড়ির বাজার।

বড় আনন্দে বড় শান্তিতে কেটেছিল ঐ ছ'টি মাস। কখনো আমীন মিঞার ঘরে, কখনো বিনয়তোষের বারান্দায়, কখনো ওয়াল্ডার রকে আমাদের চার-জনতে নানাপ্রকারের আলোচনা হতো। সবচেয়ে মজার লাগত, বিনয়তোষ তন্দ্রঘেষা, আমীন মিঞা ভিক্তমাগের সুফী, আর বরদা-আহমদাবাদ, সুরাট-বোম্বাইয়ের তাবজ্ঞন জানতো, ঢাবাকের পর সোহরাব ওয়াল্ডার মত পাড় নাস্তিক কস্মিনকালেও ইহভুবনে অবতীর্ণ হন নি।

তারপর একদিন আমাদের কাউকে, এমন কি তাঁর জান দিলের দোস্তো ইন্দ্ররাজকে ছায়ামাত্র আভাঙ্গ-ইঙ্গিত না দিয়ে আমীন মিঞা এক গভীর শ্বিপ্রহর রাতে নিরুদ্দেশ। জানতুম, অনুস্থান বৃথা, তবু আমরা তিনজনাই মাঝে-মাঝে সেটা করেছিলুম। কোনো ফল হয় নি।

তার পরিপূর্ণ গ্রিশ বৎসর পর আবার আমাদের চারি চক্ষে মিলন।

পীরও কিছটা বিস্মিত হয়েছিলেন; তবে পীর, পুলিশ, ব্যারিস্টার, ডাক্তার সংসারের এত শত বিচিত্র জিনিস দেখবার সুবিধে-কুবিধে পান যে তাঁদের অভিজ্ঞতার কেলাইডেস্‌কোপ যত বিচিত্র প্যাটান-ই তৈরী করুক না কেন এঁরা সর্থাৎ হারান না। 'কোন বাকি কী ধন দেখাবে, কোনখানে কী দায় ঠেকাবে?' এই অপ্রত্যাশিতের আশা কবিদের—পীর পুলিশের নয়।

ততক্ষণে আমি সর্থাৎ ফিরেছি। আদব-মাফিক মাথা কুঁকিয়ে ওঁকে একটা সালাম জানিয়েছি। তিনি প্রত্যাভিবাদন জানালেন। যদিও আমার শোনা ছিল, বহু পীর বহু গুরু প্রতিনমস্কার করেন না।

কারণ এত রবাহূত, অনাহূত এমন কি অবাহূত জনও পীরের ঘরে সুবোশাম্ আনাগোনা করে যে এক পলিটিশিয়ান ভিন্ন অন্য কোনো প্রাণীর সাধ্য নেই যে, প্রত্যেককে ব্যক্তিগত 'সালামালিক' জানায়, বা 'শতংজীব' বলে।

আস্তানায় গিয়েছিলুম বেঙ্গা প্রায় চারটার সময়। ঐ সময় 'আসরের নামাজ' বা অপরাহ্নকালীন উপাসনা আরম্ভ হয়। পীরসাহেব আসন ত্যাগ করে অন্য ঘরে

চলে গেলেন—অনুমান করলুম, নামাজ পড়তে। মুরীদান (শিষ্য সম্প্রদায়) পাশের মসজিদে নামাজ পড়তে রওয়ানা হলেন। আমি ‘কি করবো, কি করবো’ ভাবছি এমন সময় একজন গেরেমভারী চেলা এসে আমাকে কানে কানে বললেন, ‘হুজুর আপনাকে তসলিমাৎ জানিয়েছেন। হুজুরের নামাজ-ঘরে একটুখানি আসবেন কি?’ যে সসন্দ্রম-কণ্ঠে চেলাটি আমাকে দাওয়াৎ-সন্দেশটি জানালেন, তার থেকে অনান্যাসে বুঝে গেলুম যে পীরের নামাজ-ঘর হোলি অব্ হোলিঞ্জ, সান্খটুম-সান্, ক্টরুম, হিন্দু-মন্দিরের গভ’গৃহপ্রায়। সেখানে প্রবেশাধিকার অল্পজনেরই। আর আমি প্রথম ধাক্কাতেই!

নামাজ-ঘরে ঢুকতেই পীর আমাকে আলিঙ্গন করলেন, তারপর ঘরের এক কোণে পাতা একখানি সিলেটি শেতল-পাটিতে আমাকে বসালেন, নিজেও বসলেন। দু’ একটি কুশল প্রশ্ন শ্রুতিয়ে বললেন, ‘আপনি একটু নাশতা করুন। ততক্ষণে আমি নামাজটি সেরে নি।’

আমি বাধা দিয়ে বললুম, ‘সে কি করে হয়? আপনি নামাজ সারুন। তারপর একসঙ্গে খাব।’

অভিমানভরা কণ্ঠে পীর আমীন বললেন, ‘এই তো আপনার সখার প্রতি ভালোবাসা, আর এই তো আপনার স্মৃতিশক্তি! আমি যে দিনে একবার খাই সেও ভুলে গেছেন?’

আমি বেহদু শরম পেলুম। এটা আমার মনে রাখা উচিত ছিল। তাই লজ্জাটা ঢাকবার জন্যে সস্ত্রে সস্ত্রে আমার মত মূর্খের মাথায়ও একটি মিথ্যা সদুত্তর জুটে গেল—নিছক আল্লার মেহেরবাণীতেই বলতে হবে। কারণ আসমান-জমীনে কে না জানে, যা সরস্বতী মূর্খকেই (যথা কার্লিদাস) হরহামেশা দয়া করেন; নইলে ঢালাকরা নিশ্চয়ই এতদিনে আমার মত কুল্পে বেওয়ারিশ বেকুবের সর্বস্ব গ্রাস করে, আমাদের ‘সত্য নাশ’ করে আমাদের পিতামহাশয়দের নিবংশ করতো।

সেই কিম্বৎ-প্রসাদাৎ প্রাপ্ত কদুত্তরটি দিতে গিয়ে জড়িত কণ্ঠে বললুম, ‘তা-তা-তা, সে-সে, সে তখন আপনি—আপনি ছিলেন আমার গরীবখানার—’

পীরের কপালে যেন হালকা মেঘের সামান্য আবছা পড়েছে। তাই দেখে আমি থেমে গেলুম। তিনি শান্ত কণ্ঠে বললেন, ‘আর এখন আমি পীর—না? এখন আমি যত খুশী গাণ্ডেপণ্ডে গোগ্রাসে যত চাই তত গোস্ত গিলতে পারি—না?’

থেমে গেলেন। আমি আশঙ্কা করেছিলুম, এর পর তিনি আমাকে খোঁটা দিয়ে বলবেন, ‘তাই আমি পীর হয়েছি—না? চেলাদের ঘাড় ভেঙে তাদের মন্বজ দিয়ে মূর্ড-ঘণ্ট খাবো বলে—না?’

না। এ লোকটি যে অতিশয় ভদ্র।

আমি চূপ করে গিয়ছি দেখে বললেন, 'ভাই সৈয়দ সাহেব, আমি জানি, আপনি খাঁটি পীরের নাতি। আপনি কথার মূখে কথায় কথায় ওটা বলে ফেলেছেন।

আমি খুশী হয়ে বললুম, 'আমি যে পীরের নাতি সেটা মেহেরবাণী করে আর তুলবেন না, সেটা দয়া করে ভুলে যান। আপনি তো নিশ্চয়ই ভুলে যান নি, ধর্মবাবদে আমি একটা আস্ত চিনির বলদ। ওটা দেখেছি, শূকোঁছ, ওর দরদাম নিয়ে বিস্তর আলোচনা করেছি, কিন্তু ওটা ককখনো চাখি নি—থেকে দেখা তো দূরে।'

তিনি বললেন, 'এসব কথা পরে হবে ; কেন আমি এখানে আছি, কেন আমি 'পীর' রূপে এখানে 'দর্শন' দিচ্ছি—'

ইতিমধ্যে সেই গেরেমভারী চেলা একটা বিরাট ষ্ট্রে নিয়ে এসে আমার পাশে রেখেছেন। তার উপর অতিশয় সযত্নে সাজানো দু'খানি মূড়ুমুড়ে চেহারা তেকোনো পরাটা, গ্রেট, ইন্টারনের পাঁউরুটির মত ফোলানো টেবো-টেবো বিরাট একটি মম্লেট, ডুমো-ডুমো আলু-ভাজা, এবং কাঁচা-লঙ্কার আচার।

আমি আবার পেলুম দারুণ শক্। এ সব যা এসেছে এ তো আমার জন্য তৈরী করা শহূ-ইয়ারের ফেভারেট মেনু।

এ তো আমাদে উভয়ের প্রিয় মেনু !

কি করে শহূ-ইয়ার জানলো, আমি এখানে এসেছি ?

কিন্তু এ-শক্টা সামলাতে না-সামলাতে পেলুম এর চেয়ে মোক্ষমভার দুসরা শক্।

পীরসাহেব আমার দিকে তাকিয়ে বললেন, 'হ্যাঁ, শহূ-ইয়ার বানু।' আর কিছূ না বলে খাটে উঠে নামাজ পড়তে আরম্ভ করলেন।

সতেরো

আমি মিরাকুল্ বা অলৌকিক কাণ্ডকারখানায় বিশ্বাস করি নে। যে ইরান কত্ভিজার্গারিতে ভারতের সঙ্গে অনায়াসে পাল্লা দিতে পারে তারই এক গুণীজন হাফ-মস্করা করে বলেছেন :

'পীরেরা ওড়েন না, ওঁদের চেলারা ওঁদেরকে ওড়ায়।'

'পীরহা নমীপন্নন্দ, শাগিরদান উনহারা মীপরানদ।'

বিশেষতঃ, এই পীর আমীন সাহেবকে আমি অন্তরঙ্গভাবে একদা চিনে-ছিলুম। তিনি যে এরকম একটা বাজে স্টান্ট্ মারবেন—খাস করে আমার উপর—যে, তিনি অলৌকিক প্রক্টিয়ার ধরে ফেলেছেন, আমি শহূ-ইয়ারের সম্বন্ধে এসেছি সেটা আমি বিশ্বাস করতে নারাজ। কাজেই সে-কথা পরে বিজ্ঞপ্তস করে জেনে নেব।

কিন্তু শহর-ইয়ার জানলো কি করে যে আমি এখানে এসেছি ?

সে নিজে পর্দা মানে না, কিন্তু পীরসাহেব যে তাঁর শিষ্যদের সম্পর্কে কিছুটা মানেন সেটা দোতলার চিক্, পর্দা থেকে খানিকটে অনুমান করেছিলুম। কিন্তু সেই চিকের আড়াল থেকে শহর-ইয়ার যে উকিবুর্কি মারবে সে-রকম মেয়ে তো সে নয়। বরঞ্চ আজকের মত মেনে নিলুম, শহর-ইয়ার অলৌকিক শক্তির অধিকারিণী হয়েছে। আজ বাড়ি ফিরে যদি কথা ওঠে, তবে সেই ইরানী গুণীর হাফ-মস্করাকে ডবল প্রমোশন দিয়ে তাকে বলবো—

‘পীরেরা ওড়েন না, কিন্তু ওঁদের চেলাদের, বিশেষ করে ‘চেলা’দের কেউ কেউ ওড়েন।’

‘পীরহা নমীপরন্দ, ওয়া লাকিল বা’জী শাগিরাদান, সখুসান জনানা মীপরন্দ।’

এত তাঞ্জব বনবার মত কী’ই বা আছে ? ঠাকুর রামকৃষ্ণ বিশ্বভঙ্গ করেন নি কিন্তু তাঁর শিষ্য বাণীরাজ বিবেকানন্দ করেছিলেন !

একজন নামাজ পড়ছেন, তার অনতিদূরে আরেকজন আছে—এটা দৃষ্টিমধুর না হলেও ইসলামে বারণ নয়। হুঃ! বারণ হবে কেন ? দূর-সম্পর্কের আমার ফুফুকে দেখেছি, বাচ্চার মুখে মাই তুলে দিয়ে তসবী-মালা জপ করতে।

আমি কোনো প্রকারের শব্দ না করে মিনিমামতম পরোটা খাচ্ছি—যদিও শহর-ইয়ারের আপন হাতে সমস্ত তৈরী (এটা ভুল বললুম, তাকে আমি অস্বস্তি কখনো কোনো কাজ করতে দেখিনি) খাস্তা, ক্রিস্প, মুরমুরে পরোটা মর্মর-ধর্নিবির্জিত কায়দায় খেতে পারাটা একটি মিনি-মিরাকুল্—এমন সমস্ত আমার চিত্তাম্বরের একপ্রান্তে একটি বিদ্যুল্লেখ্যে খেলে গেল।

ওঃ! তোমার আপন বাড়িতে আমি কি খাই না-খাই সে-বাবদে তুমি আমার যত না দেখ-ভাল করো তার চেয়ে এখানে তোমার হুঁশিয়ারি চেষ্টা বেশী টনটনে! গুরুর বাড়ির ইঞ্জৎ? না?

অভিমানভরে হাত-চলা বশ্ব হয়ে গেল।

কিন্তু সঙ্গে সঙ্গে আমার বিবেকাম্বরে আরেকটি সং বুদ্ধির বিদ্যুল্লেখ্যে শাখা-প্রশাখা মেলে দিল :

আমি কী নেমকহারাম! মাত্র অর্ধ-দিবস, তার চেয়েও কম, হয়তো সম্পূর্ণ অজ্ঞানায়, সে বাড়িতে ছিল না বলে আমি আমার পরিচিত পরিচর্যা পাই নি। আর সঙ্গে সঙ্গে বেবাক ভুলে গেলুম তার এতদিনের দিল-ঢালা খেদমৎ, প্রাণ-ভরা সেবা? ছিঃ! এ তো সেই প্রাচীন কাহিনীর নিত্যদিনের পুনরাবৃত্তি! যে-লোক একদা আমাকে হাতী দিয়েছে, ঘোড়া দিয়েছে, সে আজ বেরালটা দিল না বলে তম্মহুতেই নিলাজ নেমকহারামের মত তাবৎ অতীতের অকৃপণ

দান ভুলে গিয়ে 'মার মার, কাট কাট' হুহুকার ছেড়ে তার পশ্চাতে খান্ডার নিলে তাড়া করা !

তদুপরি আরেকটা রীতি-রেওয়াজ মনে পড়ল। যদিও আমার প্রত্যক্ষ অভিজ্ঞতা নেই তবু বিশ্বস্তজনের কাছে শুনছি, যে পীরের কিছুমাত্র সামর্থ্য আছে দেখানাই মহিলা-শিষ্যারা আপন হাতে রান্নাবান্না করে, নাশ্বতা বানিয়ে সমাগত জনের সেবা করেন। এ-রীতি তো অত্যন্ত স্বাভাবিক।

যে কাজ যারা উত্তমরূপে করতে পারে বিধাতা তাদেরই স্বল্পে সে কাজ চাপান।

নইলে তিনি শেখালের কাঁধে দিতেন সিংহের কেশর, বেরালকে দিতেন হাতীর শৃঙ্খ।

শহর-ইয়ার যে বস্তু সব-চেয়ে ভালো তৈরী করতে পারে সেইটেই করেছে।

মনে শান্তি পেলুম। পীর মিরাকুল করতে পারুন আর না-ই পারুন, বহু তৃষিত নরনারী শৃঙ্খ হৃদয় নিয়ে যেখানে ভক্তির সমবেত হয়েছে সেখানে আল্লাতাল্লা কিছু-না-কিছু শান্তির সুধাবারি বর্ষণ করবেনই করবেন !

এর সঙ্গে অবশ্য আরেকটি কথা যোগ দিতে হয়। শহর-ইয়ারকে আমি দিনে দিনে, এতদিনে যে-ভাবে হৃদয়ে গ্রহণ করছি, তারপর তার যে-কোনো আচরণ—সে আপাতদৃষ্টিতে যতই অপ্রিয় হোক—গ্রহণ করতে গোপনে গোপনে সে-হৃদয় সব সময়ই তৈরী। চোরাবাজারীর চোরাই মাল নেবার জন্য কালো-বাজারী যে-রকম তৈরী থাকে।

প্রসন্ন মনে আবার হাত চালালুম। পরোটার অন্যপ্রান্ত চুরমুরলুম।

অপরাত্তের যে-আস্রের নামাজ পীর পড়াছিলেন শাস্ত্রাদেশে সেটি হুস্ব।

পীরসাহেব পনেরো মিনিটের ভিতর নামাজ শেষ করে উঠলেন। আমি উঠে দাঁড়ালুম। তিনি ঘরের এক কোণ থেকে একটা ভাঁজকরা ডেক চেয়ার টেনে এনে আমার সামনে সেটি পেতে বসলেন।

আমি চুপ করে আছি। যদিও একদা তিনি আমার সখা ছিলেন তবু তিনি আমার চেয়ে বয়সে বড়। বাক্যলাপ তিনিই আরম্ভ করবেন।

বেশীক্ষণ অপেক্ষা করতে হলো না; তিনিই বললেন, শহর-ইয়ারের কথা ভাবছি।

আমার মনে সেই প্রথম প্রশ্নের পুনরুদয় হলো, তিনি জানলেন কি করে, আমি শহর-ইয়ারের সম্বন্ধে এখানে এসেছি? তবু চুপ করে রইলুম।

বললেন, 'আমার কাছে অনেক লোক আসে। মনে আছে আপনার, আমরা যখন একসঙ্গে বরদাতে বাস করতুম তখন একদিন আপনি রবীন্দ্রনাথের একটি কবিতা আমাকে পড়ে শোনানিছিলেন?—

সৈয়দ মজতবা আলী রচনাবলী (৬ষ্ঠ)—২০

“ভক্ত কবীর সিম্বপন্নরুধ খ্যাতি রটিরাছে দেশে ।
কুটির তাহার ঘিরিয়া দাঁড়ালো লাখে নরনারী এসে ।
কেহ কহে, ‘মোর রোগ দূর করি মন্ত্র পড়িয়া দেহো’,
সন্তান লাগি করে কাদাকাটি বন্দ্যা রমণী কেহ ।
কেহ বলে ‘তব দৈব ক্ষমতা চক্রে দেখাও মোরে’,
কেহ কয় ‘ভবে আছেন বিধাতা বুঝাও প্রমাণ করে।’”

রবীন্দ্রনাথ মহান্ করি। তিনি মানুষের কামনা-বাসনার সংক্ষিপ্ত একটি ফিরিস্তির ব্যঞ্জনা দিয়ে বাঁকটা বিদগ্ধ পাঠকের সম্পনাশক্তির উপর বরাৎ দিয়ে রেখে ছন। কিন্তু আমাকে তো সম্পনা করতে হয় না। মানুষের সম্ভব অসম্ভব সব অভিলাষই আমাকে শুনতে হয়। বিশ্বাস করবেন কি, সৈয়দ সাহেব, জাল দলিলপত্র তৈরী কবে, ভেজাল মোকদ্দমা রুজু করে আমার কাছে শ্বেচ্ছায় অকপটে সেই কপটতা কবুল করে অনুরোধ জানান আমি যদি তার জন্য সামান্য একটু দোণ্ডা করি তবে সে মোকদ্দমাটা জিতে যায় !’

আমি বিস্ময় মেনে বললাম, ‘সে কি?’

স্বান হাসির ইঙ্গিত দিয়ে পীর বললেন, ‘উকীল, বৈদ্য আর পীরের কাছে কোনো কিছু লুকোতে নেই, এই হলো এদের বিশ্বাস। বিশেষ করে পীরের কাছে তো নগ্নই। কারণ তিনি নাকি দিব্যদৃষ্টি দিয়ে মনের গোপন কথা দেখতে পান! এক পীরসাহেব তো কোনো মেয়েছেলেকে সামনে আসতে দিতেন না, কারণ তাঁর “আধ্যাত্মিক” শ্যেনদৃষ্টি নাকি কাপড়জামা ভেদ করে সব কিছু দেখতে পার!’

আমি বললাম, ‘থাক!’

‘আপনি তো জানেন, আমি পারতপক্ষে ভালোমন্দের যাচাই করতে যাই নে। তবু শুনুন, সোঁদিন এক মারগোড়ি জৈন এসে উপস্থিত। ওঁদিকে জৈন কিন্তু এঁদিকে করুণাময়ের করুণাতে তার অশেষ বিশ্বাস। লোকটির সঙ্গে কথাবার্তা বলে বড় আনন্দ হলো। বড় সরল, অকপট, সজ্জন। ইতিমধ্যে শহরু-ইয়ার তাঁর জন্যে এক জাম-বাঁটি লসুসী পাঠিয়েছে। আমাদের কথাবার্তা সে বারান্দায় আড়ালে বসে শুনছিল। তার থেকে অনুমান করেছে, ইনি ছোঁরাছুরি মানে না, নইলে হিন্দু অভ্যাগতদের অনুমতি ভিন্ন সে কোনো খাবারের জিনিস ওঁদের সামনে পেশ করে না। আর আপনি তো জানেন, মেয়েটির দেহমনহৃদয় কতখানি সরলতা দিয়ে গড়া। সে মোহমুক্ত বলে প্রায়ই ভুল করে ভাবে ইহসংসারের সবাই বুঝি তারই মত সংস্কারমুক্ত।—শহরু-ইয়ারের কথা কিন্তু পরে হবে। এবারে সেই মারগোড়ি সজ্জনের কথা শুনুন। ...লসুসী সামনে আসতেই তাঁর মুখ শূন্য হয়ে গেল। আমি বুঝতে পেরে ভাড়াতাড়ি বললাম, “না, না, আপনাকে খেতে হবে না। আপনি হয়তো স্বস্তর

পানাহার করেন না। সেটা তো কিছ্ মন্দ আচরণ নয়। আমিও তো বাড়ির বাইরে কোথাও খাই নে।” তখন তিনি কি বললেন জানেন? তিনি নিরা-মিমাশী। আমি একটু আশ্চর্য হয়ে শুধালুম, লস্‌সী আবার আমিষ হয় কি প্রকারে? তিনি যা বললেন তার অর্থ একটা পশুর রক্তমাংস নিংড়ে যে নির্যাস বেয়র সেটা সব চেয়ে কড়া আমিষ। তিনি খান—না, পান করেন স্‌দু মাট ডাবের জল। অন্য কোনো-কিছ্ খান না। স্‌দুমাট ডাবের জল খেয়ে লোকটি গত পঁচিশ বৎসর ধরে বেঁচে আছে।’

আমি বললুম, ‘এ-ধরনের ডায়েরিটিং হয়, সে তো জানতুম না।’

পীর বললেন, ‘আপনি ভাবছেন, আমি পীর ব’নে গ্যাট হয়ে কসে আছি বলে আমার আর-কিছ্ জানবার নেই, শেখবার নেই! হাজার দফা ভুল। নিত্য নিত্য শিখছি। তার পর শুনুন ব্যাকটা। হঠাৎ, বলা নেই, কওয়া নেই, স্ত্রলোক দ’ হাত দিয়ে মুখ ঢেকে হাউ হাউ করে কেঁদে ফেলে যা বললেন তার অর্থ, তার ছেলেরা জাহান্নমে গেছে। মদমাংস মেয়েমানুষ নিয়ে অষ্টপ্রহর মেতে আছে। ব’নুন ব্যাপারটা, নৈয়ত সাহেব। যে-লোক মাছমাংস এমন কি দুধ পর্যন্ত না খেয়ে অজ্ঞাতশত্রু হয়ে জীবনধারণ করতে চায়, তারই একমাত্র পুত্র হয়ে উঠেছে তার সব চেয়ে বড় শত্রু। তার পরিবারের শত্রু, তার বংশপরম্পরায় ঐতিহ্যের শত্রু, পিতৃপিতামহের আচারিত ধর্মের শত্রু।

সর্বশেষে কাঁদতে কাঁদতে বললে, “আমি নিশ্চয়ই পূর্বজন্মে কোনো পাপ করেছিলাম, তার জন্য আজ আমি এই শাস্তি পাচ্ছি। আপনি আমার ছেলের জন্য দোওয়া করুন।”

বলুন তো, তার সঙ্গে তখন পূর্বজন্ম পরজন্ম আলোচনা করে কী লাভ। আর দোওয়া তো আমি সকলের জন্যই করি, আপনিও করেন, কিন্তু, আমি কি মিরাক্‌ করতে পারি?’

তার পর পীর বেদনাপীড়িত কণ্ঠে বললেন, ‘কেন লোকে বিশ্বাস করে, আমি অলৌকিক কর্ম করতে সক্ষম।’

পীরসাহেব অনেকক্ষণ ধরে চুপ করে রইলেন বলে আমাকে বাধ্য হয়ে সেনারীভা ভাঙ্গ করতে হলো। বললুম, ‘আপনাকে এ-সব ব্যাপারে আমার কিছ্ বলতে যাওয়া গোস্‌তাকি হবে। অপরাধ নেবেন না। তবু, বলি, এ-সব লোক আসে আপনার কাছে ভক্তি-বিশ্বাসসহ। আপনি তাদের জন্য দোওয়া-আশীর্বাদ করলেই তারা পরিতুষ্ট হয়।’

পীর বললেন, ঠিক। আমি তাই মারওয়াদিকে বললুম, “আপনি শান্ত হোন।” তারপর তাঁকে এই নামাজের ঘরে এনে দ’জনাতে একাসনে বসে আল্লার কাছে দোওয়া মাঙ্‌লুম।’

এর পর পীর একদম চুপ মেয়ে খেলেন বলে আমাকে বাধ্য হয়ে শুবোতে

হলো, 'তার পর কি হলো?'

দীর্ঘশ্বাস ফেলে তিনি বললেন, 'তার পর দীর্ঘ তিন মাস ধরে সে ভদ্রলোকের আর দর্শন নেই।'

তারপর আমি শহর-ইয়ারের মুখে খবর পেলাম, ছেলেরিট নাকি সৎপথে ফিরে এসেছে, এবং সে-ভদ্রলোক আমাদের পাড়ার জরাজীর্ণ মসজিদটি নিদেন দ্বিশ হাজার টাকা খর্চা করে মেরামত করে দিয়েছেন। ঠিক ঠিক বলতে পারি নে, হয়তো আমি মুসলমান বলেই।

আচ্ছা এবারে বলুন তো, এর মধ্যে আমার কেরামতি—মিরাকুল কি?'

আমি আর কি বলি! কাকতালীর হতে পারে, আল্লার অর্থাচত অনুগ্রহ হতে পারে। কে জানে কি? আমি চুপ করে নিরুত্তর রইলাম।

পীরসাহেব তখন স্মিতহাস্য করে বললেন, 'শহর-ইয়ার কিন্তু তখন কি মন্তব্য করেছিল জানেন?'

কিন্তু আমি অতশত নানাবিধ জিনিস আপনাকে বলাই কেন বলুন তো? ঐ সব শত শত হরেক রকমের লোকের মাঝখানে এখানে এল শহর-ইয়ার। কিন্তু আপনি একটু চিন্তা করবেন তো, শহর-ইয়ার তখন কি মন্তব্য করেছিল?'

খানিকক্ষণ চুপ থেকে পীরসাহেব বললেন, 'ভক্ত কবীরের কাছে কে কি চেয়েছিল, সে তো জানেন। আমি কবীর সাহেবের পদধূলি হবার মত যোগ্যতাও ধরি নে, তবু আমারই কাছে কারা কি চায়, তার দুই প্রান্তের দু'টি একস্ট্রীম উদাহরণ আপনাকে দিলাম।

আজ পর্যন্ত আমি যে-সব পীরদের আশ্রয় ঘুরেছি, এবং আমার এই ডেরাতে যারা আসে, এদের ভিতর এমন একজনও দেখি নি, যে সম্পূর্ণ নিঃস্বার্থ দিল নিয়ে এসেছে। অবশ্য বেশ-কিছু লোক আসেন তথাকথিত 'শাস্ত্রালোচনা' করতে। সেও এক বিলাস, ফ্যাশান। তা হোক। আল্লা পাক্ কার জন্য কোন পথ স্থির করে দিয়েছেন, তার কী জানি আমি!

এরই মাঝখানে এল শহর-ইয়ার। এক মুহূর্তেই আমার কাছে পরিষ্কার হয়ে গেল, সে কোনো কামনা নিয়ে আসে নি। বিশ্বাস করবেন না, সে আজ পর্যন্ত একবারের মতও আমার সঙ্গে 'শাস্ত্রালোচনা' পর্যন্ত করে নি। এযাবৎ একটি প্রশ্নমাত্রও শূন্যে গেল।

আমি হতভম্ব হয়ে শূন্যে গেলুম, 'সে কি?'

'হ্যাঁ। এটা আপাতদৃষ্টিতে রহস্যময় মনে হতে পারে। সেটার সমাধান হলো, একদিন যখন শূন্যে গেলুম, শহর-ইয়ার কার যেন প্রশ্নের উত্তরে জনান্তিকে বলছে, সে এমন কিছু জিনিয়াস নয় যে উল্ভট নতুন কোনো প্রশ্ন শূন্যে। সে নাকি আতিশয় সাধারণ মেয়ে। তার মনে আতিশয় সাধারণ

প্রশ্নই জাগে। সেগুলো কেউ না কেউ আমাকে শোধোবেই। আমি উত্তর দেব। ব্যস্, হয়ে গেল। কী দরকার ও'কে—অর্থাৎ আমাকে—বিরক্ত করে।'

আমি জিজ্ঞেস করলুম, 'তা হলে সে আপনার শিষ্য হলো কেন ?

পীরসাহেব একটু চমকে উঠলেন। সঙ্গে সঙ্গে শান্ত হয়ে বললেন, 'আমার কোনো শিষ্য-শিষ্যা নেই। আমি কখনো মুরশীদরূপে মন্ত্র দিয়ে কাউকে শিষ্য বা শিষ্যারূপে গ্রহণ করি নি !'

আমি হতভম্ব।

ইতিমধ্যে বিস্তর লোক পাশের ঘরে জমায়েৎ হয়েছে।

এবং সান্থ্য নামাজের আজান শোনা গেল।

পীর এবার এদের সঙ্গে নামাজ পড়বেন। তারপর শাম্রালোচনা তত্ত্বালোচনা হবে হয়তো।

আমি হতভম্ব অবস্থাতেই বিদায় নিলুম।

আঠারো

যা জানতে চেয়েছিলুম তার কিছুই জানা হলো না; কম্পনায় যে ছাঁবি এ'কোঁছিলুম তার সঙ্গে বাস্তবের ফিঙার প্রিন্ট একদম মিলল না। উল্টে রহস্যটা আরো ঘনীভূত হলো। কোনো-কিছুর সঙ্গে কোনো কিছুই খাপ খাচ্ছে না।

আমি কলকাতা থেকে আকছারই স্ট্রেনে করে বোলপুরে যাই। একবার বোলপুর স্টেশনে ঢোকান পূর্বে সব-কিছু কেমন যেন গোবলেট, পাকিয়ে গেল। কই, এতক্ষণে তো অজয় রিজের উপর দিয়ে গ্যাঁড়টা গম গম করে পেরবে, তার পরে বাঁ দিকে পুকুর, ডানদিকে জরাজীর্ণ একটা দোতলা—কই সে-সব গেল কোথায়? উল্টে মাথার উপর দিয়ে হুশ করে একটা ওভাররিজ চলে গেল! এটা আবার রাতারাতি কবে তৈরী হলো! এখন হঠাৎ আমার হুশ হলো, এবারে আমি কলকাতা থেকে বোলপুর আসছি না, আসছি ভাগলপুর থেকে। অর্থাৎ আমি স্টেশনে ঢুকছি দক্ষিণ থেকে উত্তর দিকে নয়, উত্তর থেকে দক্ষিণ দিকে। সঙ্গে সঙ্গে ভৌলিকবাজি। উত্তর হয়ে গেল দক্ষিণ, পূর্ব হয়ে গেল পশ্চিম। বাইরের দু'দিকের দৃশ্য ফটোফটু ফিট করে গেল।

তবে কি আমি শহর-ইয়ার রহস্যের দিকে এগুচ্ছলাম উল্টো দিক দিয়ে? তবে কি আমার অবচেতন মন প্রতীক্ষা করছিল, পীর আমার দিক-প্রান্তি দেখিয়ে দেবেন আর সঙ্গে সঙ্গে শহর-ইয়ার রহস্য অর্থাৎ তার আকস্মিক গুরুধর্মের কাছে ঐকান্তিক আত্মসমর্পণ, সাংসারিক নিত্যনৈমিত্তিক কর্মের প্রতি প্রচ্ছন্ন ঔদাস্য, ত্রিযামা যামিনী ব্যাপি জপ-জিকরু—এসব তার পূর্ববর্তী জীবনের সঙ্গে সহজ সরল ভাবে ফিট করে যাবে, সর্ব রহস্যের সমাধান হয়ে যাবে ?

বরণ পীর যে সব দুটি একটি তথ্য পরিবেশ করলেন সেগুলো যেন চর্কিতে চর্কিতে বিজলী আলো হয়ে চোখেতে আরো বেশী ধাঁধা লাগালো।

সিঁড়ি দিয়ে আপন মনে ভাবতে ভাবতে নামাছ এমন সমস্ত জানা-অজানা লক্ষ্য করলুম, কালো নরুনপেড়ে শাড়ি-পরা একটি বৃদ্ধা মহিলা নেমে যাচ্ছেন। মনে হলো হিন্দু বিধবা। আক'ঠ রহস্যনির্মিত অবস্থায়ও আমার মনে রাস্তাভ্রম কৌতুক সঞ্চারিত হয়ে মানসিক মূদুহাস্য বিকসিত হলো।...কে বলে, এদেশে হিন্দু মুসলমান সন্দু ঝগড়া-ফসাদই করে। যানু না, যে কোনো পীর-মুর্শাদ গুরু-গোসাইয়ের আস্তানায়। হিন্দু-মুসলমান তো পাবেনই, তদুপরি পাবেন গুডাখানেক দিশী সাহেব, দু'চারটি খাস বিলিতি গোরা। তবে হ্যাঁ, কবিরাজ ওমর খৈয়াম বলেছেন, সর্ব ধর্মের সর্বোত্তম সম্মেলন পাবে শূঁড়িখানায়। সেখানে সব জাত, সব জাতি, সব ধর্ম সন্মিলিত হয়ে নির্বিচারে একাসনে বসে পরমানন্দে মদিরাপাত্র চুম্বন দেয়।*

কিন্তু ভুললে চলবে না, সুফী-ফকীর সাধুসন্তরা সাবধান করে দিয়েছেন, এস্থলে মদিরা প্রতীক মাত্র, সিম্বল্। মদিরা বলতে এস্থলে ভগবদ্প্রেম বোঝায়। তাই তো পীর গুরুর আস্তানায় এত শত ছাপান দেশের ইউ-মাইটেড নেশন, এবং তারা বাড়া, ইউনাইটেড রিলিজিয়ন ইউনাইটেড জাতবেজাতের সম্মেলন। এরা এখানে এসে জন্মগত পার্ধব সর্বপার্ধক্য অগ্রাহ্য করে গুরুমুরশীদ—যিনি সাকী—তার হাত থেকে ভগবদ্প্রেমের পেয়লা-ভরা শরব তুলে নেয়।...থাক্ গে এসব আত্মচিন্তা।

ততক্ষণে পেভমেন্টে নেমে গিয়েছি।

সামনে দাঁখ একটা বেশ গাট্টাগোট্টা জোয়ান মর্দ—কেমন যেন ঈষৎ চেনা-চেনা—একটা কালো মোটর গাড়ির স্প্রিং-ভাঙা দরজাটা নারকোলের সরু দাঁড়ি দিয়ে বাঁধছে।

আমার পাশে ততক্ষণে সেই বৃদ্ধা হিন্দু বিধবাটি এসে দাঁড়িয়েছেন। তাঁকে দেখে সেই জোয়ান (মিলিটারি অর্থে নয়, রুচার্থে) তাঁর দিকে এগিয়ে এল। হঠাৎ তার চোখ পড়ল আমার চোখের উপর। সঙ্গে সঙ্গেই একে অন্যকে চিনে ফেললুম।...বেশ কয়েক বছর পর পুনর্মিলন।

এ তো আমার বশুরবাড়ির দ্যাশের লোক! নাম, ভূতনাথ খান। 'খান'

* ইরানের এক গণ্যমান্য সভাকবি নাকি নিকটতম শূঁড়িখানার চাঁড়ালদের সঙ্গে বসে ভাঙে করে মদ্যপান করছিলেন। নগরপাল মারফৎ খবরটা জানতে পেরে বাদশা নাকি অনুযোগ করতে কবি একটি দোহা রচনা করেন :

“হাজার যোজন নিচেতে নামিয়া আকাশের এ তারা
গোপনে হ'ল প্রতিবিশ্বত ; তাই হ'ল মানহারা ?”

পদবী মুসলমানের হলেও এটা ওদের সম্পূর্ণ একচেটে নয়। খান হিন্দুস্তান।

‘তুমি এখানে?’ অবাধ হয়েই শুধালুম। খানকে আমি চিনি। মহা: পাষাণ্ড। দেবশিষ্যে ভক্তি নেই, পীর মুশিদেয়র তো কথাই এঠে না।

‘আপনি এখানে?’ সেও সঙ্গে সঙ্গে জিজ্ঞেস করলো। কারণ সে বিলম্বিত জানতো আমি পীরটীরের স্থানে কখনো বেরুই না। খান ঝাণ্ডু ছোকরা। তাই পুরো পাক্কা ‘তরুণ’, ‘মডার্ণ’ হয়েও প্রাচীন প্রবাদে বিশ্বাস করে, কাগে কাগের মাৎস খায় না।

বৃন্দাকে কোমরে জড়িয়ে ধরে সে তাঁকে মোটরের পিছনের সীটে বসালো, কোনো প্রকারের প্রতিবাদ না শুনে আমাকে হিড়িহিড় করে টেনে নিয়ে সামনে বসালে। স্টার্ট দিতে দিতে পিছনের দিকে ঘাড় ফিরিয়ে বললে, ‘ঠাকুমা, একে তুমি কখনো দেখ নি, কিন্তু চিনবে। তোমার ঐ শাজাদপুরের প্রতিবেশী মৌলবী বশীরুদ্দীনের মেয়েকে বিয়ে করেছেন—’

বাকিটা কি বলেছিল আমার কানে আসে নি। বৃন্দা তাকে তীক্ষ্ণ কণ্ঠে ‘চুপ কর—’ বলে তাঁর কম্পিত শীর্ণ হস্ত আমার মস্তকে রেখে বার বার আশীর্বাদ করতে লাগলেন। খানের সেই ভিষ্টেজকারের নানাবিধ ককর্শ: কানফটা কোলাহল ভেদ করে যে ক’টি শব্দ আমার কানে এসে পৌঁছল তার একটি বাক্য শুধু বৃন্দাতে পারলুম, “আঃ! তুমি আমার বশীর ভাইসাহেবের মাইয়্যারে বিয়া করছো।” বৃন্ডি একই কথা বার বার আউড়ে যেতে লাগলেন।

আমার মনে দৃঢ়প্রত্যয় হল, বৃন্ডির কাপড়ের খুঁটে আকবরী মোহর বাঁধা ছিল না বলে তিনি সাড়ম্বর জামাইয়ের মুখদর্শন কর্ম সমাধান করতে পারলেন না। বৃন্ডি পিছনের সীটে গুটিগুটি মেয়ে শূয়ে পড়লেন। হায় দিদিমা, তুমি হয়তো এখন মনে মনে চিন্তা করছো, জামাইরে কি খাওয়াইমু!

আমি খানকে শুধালুম, ‘তুমি ঐ পীরের আস্তানায় জুটলে কি করে?’

খান তার সেলফ-মেড একটা সিগারেট আমার দিকে এগিয়ে ধরে বললে, ‘না, আমার কোনো ইনট্রেস্ট নেই। ঠাকুরমাকে আপিসে যাওয়ার সময় ছুপু করে বাই, ফেরার সময় দুই এক পেগ স’গ্যাট স’গ্যাট করে নামিয়ে, ঠিক মগরীবেয়র নামাজের ওস্তে তাঁকে ফের পিক্ অপ্ করে নি—’

ঠাকুরমা যাতে শুনতে না পান তাই ফিসফিস করে শুধালুম, ‘সে তো বৃন্দলুম, কিন্তু আমি তো জানতুম, তোমার ঠাকুরমা নিষ্ঠাবতী হিন্দু রমণী। তিনি আবার এই মুসলমান পীরের কাছে এলেন কি করে?’

খান বললে, ‘অতি সহজ এর উত্তর। তাঁর নার্বিনর মারফৎ। সেই নার্বিনর এক ক্লাসফ্রেণ্ডের সঙ্গে ঠাকুরমার পরিচয় হয়। মেয়েটা মুসলমান।’

‘ওরে বাব্বা!’

শিউরে উঠে ছুতনাথ খান বললে, অর্পিশিখা, মশাই, অর্পিশিখা।

অগ্নিকুণ্ডও বলতে পারেন। জ্বররতের অগ্নিকুণ্ড। যেখানে গন্ডার গন্ডার লেডি-কিলার ঝাঁপিয়ে পড়ে প্রাণ দিতে পারে। কিন্তু আজ পর্যন্ত কোনো নটবরই সে-অগ্নিকুণ্ডের কাছে যাবারও ইজাজৎ পান নি—ঝাঁপ দেওয়া দূরের কথা। লেডি-কিলার হিসেবে আত্মা কম যাই নে, হেঁ'হেঁ' হেঁ'হেঁ'; কিন্তু ঐ মুসলমানীর দিকে এক নজর বুলোতেই—সে তখন পীরসাহেবের বাড়ির সিঁড়ি দিয়ে নামছিল—হাড়ে হাড়ে টের পেয়ে গেলুম এ-রমণী ফাঁসুড়ে। তার একটিমাত্র চার্ভান যেন অদৃশ্য একথানা রুমালে পরিবর্তিত হয়ে সাঁ করে উড়ে এসে লটবরবাবুর গলাটিতে ফাঁস লাগিয়ে, জগুট্ শেট্‌গুল্‌স্ হিম্ টু ডেথ্, কিংবা বলতে পারেন, তার হী-ম্যান হবার প্ল্যানটি নস্যাত্ করে দেয়! বাপ্‌স্।'

রগ্ন-রগে বর্ণনাটা শুনেন আমার মনে কেমন যেন একটু কৌতূহল হলো। শুনালুম 'নামটা জানো?'

'দাঁড়ান, বর্নাছ, স্যার। আরব্য উপন্যাসের কোন এক নারিকানা না নয়কের নাম। শহর-জানী?' শহর-বান্? হ্যাঁ, হ্যাঁ, শহর-ইয়ার—'

আজ আমার বার বার স্তম্ভিত হবার অর্থাৎ নিশ্চল নির্বাক স্তম্ভে পরিণত হওয়ার পালা।

শুনেছি, একদা নগরের একাংশ সহস্র স্তম্ভের ('খাম্বার') উপর নির্মিত হইয়াছিল বলে অন্যকার ক্যাম্বে বন্দরকে গুজরাতিতে 'খাম্বা' বলা হয়, প্রাচীন যুগে 'স্তম্ভপুত্রী' বলা হত। দিল্লীবাগীর কাছে এ-শব্দতত্ত্ব ফুজল। সেথাকার চৌধুরিটি স্তম্ভের উপর খাড়া বলে আকবর বাদশার দৃধবাপ আজাজ্ কোকলতাসের কবরকে 'চৌসট্, খাম্বা' বলা হয়।

আজ আমি এতবার হেথাহোথা স্তম্ভে পরিণত হইয়াছি যে আমার উপর দিয়ে অনাগ্রাসে কলকাতার ওভার-হেড রেলওয়ে নির্মাণ করা যায়!

ইতিমধ্যে ভূতনাথ ফের বকর বকর আরম্ভ করেছে। আমি ফের ফিসফিস করে বললুম, 'চুপ, চুপ। ঠাকুরমা শুনতে পাবেন। তুমি নিতান্ত অবাচীন; তাই জানো না, প্রাচীনারা বয়স বাড়ার সঙ্গে সঙ্গে যে-একটি মহৎ সদগুণ রপ্ত করে নেন সেটি হচ্ছে, যে-কথা তাঁরা শুনতে চান না, সেটা তাঁদের কানের কাছে কাড়া-নাকাড়া বাজিয়ে শোনালেও শোনে না, আর যেটি তাঁরা শুনতে চান সেটি তুমি বাঁশবনের কলমর্মরের ভিতর 'রাজার মাথায় শিং গোছ গোপনে গোপনে বললেও তাঁরা দিব্য শুনতে পান। তাই তো তাঁরা দীর্ঘজীবী হন! আফটার্ অল্ কানের ভিতর দিয়ে যে-সব কথা মরমে পৌঁছে তার চৌন্দ আনাই তো দঃসংবাদ। অস্তত এ-যুগে।'

ভূতনাথ নিশ্চয়ই ভূতকালটা সম্বন্ধে ওয়ার্লিফ্-হাল। তদুপরি সে 'বৃথা-মাংস' খার না, বৃথা তর্ক করে না। গম্ভীর কণ্ঠে বললে, 'সর্ব যুগেই, সত্যযুগেও।' পূর্বেই বলেছি, সে একটা আস্ত চাবকি। আর আমার যন্দুর

জানা, প্রথম চাবাক এই পন্থাভূমিতে অবতীর্ণ হন সত্য ও দ্রোতাধ্বংসের মর্ধ্যস্থানে ।
ভূতনাথ জাতিস্মর ।

ঠাকুমা গুটি গুটি রান্নাঘরের দিকে রওয়ানা হলেন ।

খাইছে !

ঠাকুমা নিশ্চয়ই তাঁর ভাইয়া বশীরুদ্দীনের জন্য যে ভাবে লুচি ভাজতেন সেইভাবে ভাজবার জন্য ভূতনাথের বটকে ফরমান ঝাড়বেন । তার বয়স গ্রিহ হয় কি না হয় । আমাদের পাড়ার চ্যাংড়া হীরু রায় বাজাবে ওস্তাদ আলাউদ্দীন খানের সামনে বাজনা ! তওবা, তওবা !

তা সে যাক্ গে ।

ইতিমধ্যে ভূতনাথ আমাকে তার হাফ প্রাচীনপন্থী বৈঠকখানায় বসিয়ে ব্যাপারটি সংক্ষেপে সারলো :

‘আপনি ঠিক বলেছেন, আমার ঠাকুরমা নিষ্ঠাবতী হিন্দু রমণী । এখনো স্বপাকে খান । আমাকে তাঁর হেঁসেলে ঢুকতে দেন না । ইংরিজিতে একটা শব্দ আছে—এমরাল । মরাল নয়, ইমরালও নয় । আমার ঠাকুরমা এলিবারেল । তিনি ধর্মবাবদে লিবারেল নন, ইলিবারেলও নন—তিনি এলিবারেল । কথাটা একটু বদ্বিগ্নে বলতে হয়, কারণ ঐ শহু-ইয়ার বীবীর সঙ্গে তাঁর একটা সম্পর্ক আছে—অবশ্য সেটা অনেক পরের কথা ।

উত্তরবঙ্গের কোন হিন্দু সর্ব মুসলমানের সংস্পর্শ বর্জন করে বাস করেছে কবে ? তাই তিনিও মুসলমানদের কিছুটা চেনেন । যেমন আপনার মরহুম শবুর সাহেবকে খুব ভালো ভাবেই চিনতেন ।

কিন্তু আপন ধর্মচার তিনি করতেন—এখনো করেন—তাঁর মা শাশুড়ী যে-ভাবে করেছেন হুবহু সেইরূপ । অন্য ধর্ম সম্বন্ধে তাঁর কোনো কৌতূহল কখনো ছিল না—এখনো নেই এবং সেখানে পুনরায় আসেন ঐ শহু-ইয়ার বীবী । এমন কি ঐ হিন্দুধর্মেই যে—পূজা আচার নানাবিধ পন্থাও রয়েছে সে সম্বন্ধে ঠাকুমা ছিলেন সম্পূর্ণ উদাসীন । তাই বলাহলুম তিনি ধর্মবাবদে ছিলেন এলিবারেল । তিনি তো, আর-পাঁচটা ধর্ম সম্বন্ধে গ্লোয়াকফ-হাল হয়ে সেগুলো রিজেক্ট করেন নি । সে হলে না হয় বলতুম, তিনি ইলিবারেল, কটুর, কনজারভেটিভ । হাওয়ার ধাক্কায় যখন তেতলার আলসে থেকে ফুলের টব নিরীহ পদাতকের কাঁধে পড়ে তাকে জখম করে তখন কি সে-টব চিন্তা করে ঐ কর্মটি করেছে ? সে কি চিন্তা করে জানতে পেরেছে, উক্ত পদাতিক আতিশয় পাপিষ্ঠ ব্যক্তি ? অতএব ফুলের টব-এর একর্মটি এমরাল । ঠিক ঐ ভাবেই আমার ঠাকুরমার যাবতীয় চিন্তাধারা কর্মপন্থাতি পূজা-আচ্চা সব, সব-কিছু ছিল এলিবারেল । ফুলের টব-এর মতই তিনি ছিলেন অন্য পাঁচটা ধর্ম

সম্বন্ধে সম্পূর্ণ অজ্ঞ, আনন্স্‌গাস,—’

আমি বাধা দিলে বললুম, ‘থাক্, তোমার এসব কচকচানি। আমি জানতে চেয়েছিলুম, তোমার নিষ্ঠাবতী হিন্দু ঠাকুমা ঐ মস্‌লা পীরের মোকামে পৌঁছিলেন কি করে?’

খান বড় সহিষ্ণু ব্যক্তি। বললে, স্যর, ঐ সময়ই নাট্যমঞ্চে শহুরু-ইয়ার বানুর অবতরণ। তাই আমি তার পটভূমি নির্মাণ করছিলাম মাত্র। এইবারে আদল মোন্দা কথায় পৌঁছে গিয়েছি। শুনুন।

দেশ-বিভাগের পর ঠাকুমাকে প্রায় দৈহিক বল প্রয়োগ করে কলকাতায় নিয়ে আসা হয়। তিনি তাঁর শব্দশূরের ভিটে স্বেচ্ছায়, সজ্ঞানে ছাড়তে চান নি। এরকম বিস্তর কেস্‌ আপনি রেফুজি কলোনিয়ালোতে পাবেন।

ঠাকুমার সঙ্গে দেশত্যাগ করে এসেছিল তাঁরই পিতৃকুলের সুদূর সম্পর্কের একটি অরক্ষণীয়া। রান্নাবান্না খোয়ামোছার পরও আর কিছু করার নেই বলে সে কলেজ যেত। ঠাকুমা ব্রাহ্মণী, ন্যাচুরলী আত্মীয় পালিতা বন্যাও ব্রাহ্মণী। কিন্তু, মোশয়, সে যে-ক্রাসফ্রেণ্ডের সঙ্গে প্রেমে পড়লো সে এক বন্দি সন্তান। তাকে বিয়ে করতে চায়।

ঠাকুমা তো শুনেন রেগে কাঁই! কাঁই! বাদ্যর সঙ্গে বামুন মেয়ের বিয়ে! বরণ গোহত্যা করা যায়, গোমাংস ভক্ষণ করা যায়, কিন্তু বামুনের সঙ্গে বাদ্য! বরণ ছুঁড়িটা ডোমচাঁড়াল, মুঁচিমোচরমান বিয়ে করুক। কারণ ঠাকুরমার মনঃসিন্দুককে একটি আপ্তবাক্য প্রায় গোপন তত্ত্বরূপে লুক্কায়িত আছে :

“একশ’ গোথরোর বিষ নিয়ে সৃষ্টিকর্তা একটি বাদ্য তৈরী করেন।”

কিন্তু ঠাকুরমা জানতেন না যে, “একশ’ বাদ্যর বিষ নিয়ে সৃষ্টিকর্তা একটি বারেন্দ্র ব্রাহ্মণ তৈরী করেন।” আমরা বারেন্দ্র।’ ভূতনাথ তার হোম্‌মেড্‌ সিগারেটে আগুন ধরাবার জন্য ক্ষণতরে চূপ করে গেল।

আমি গুনগুন করে বললুম, ‘এবং একশ’টি বারেন্দ্রের বিষ দিয়ে আল্লাতাল্লা তৈরী করেন একটি সৈয়দ।’

খান আন্ত একটা চাণক্য। কিন্তু এ-নীতিটি জানতো না। খানিকক্ষণ এই নবীন তত্ত্বটির গভীর জলে খাবি খেয়ে খেয়ে বললে।

‘তাই বুকি সৈয়দরা এত বিরল?’

আমি বললুম, ‘চোপ্, তুমি যা বলাছিলে, তাই বলা।’

খান তাবৎ বাক্য হজম করে নিলে বললে, ‘এ-হেন সময়ে, যে-নাটে ছিলেন সুন্দুমাত্র দুটি প্রাণী, ঠাকুমা এবং অরক্ষণীয়া, সেখানে প্রবেশ করলেন স্বীকৃতভাবে পৃথিবী প্রকল্পিত করে একটি তৃতীয় প্রাণী।

ভুল বললুম, স্যর, আমার মনে হল যেন আমাদের সরু গলি দিয়ে ঢুকলো

একটি জ্বলন্ত মশাল। অথচ অলিম্পিকের টর্চ-বেয়াটার নেই। সুন্দরুমাত্র মশালটাই যেন স্বাবলম্ব হয়ে, গালি পেরিয়ে, আমাদের বাড়িতে প্রবেশ করে, ঠাকুরমার ঘরে ঢুকলো।

সেই মশাল শহরু-ইয়ার। আপনাকে বলি নি, অগ্নিশিখা ?

আমি শূধালুম, 'কেন এসেছিল ?'

'আপ্তে—'

এমন সমস্ত ঠাকুমা আমাদের কাছে এসে দাঁড়ালেন। হাতে পাথরের খালা। খান ঠোঁটে আঙ্গুল রেখে ইঙ্গিত দিলে, এই আর ও-কাহিনী বলা চলবে না।*

ভূনিথ

এত দিনে বুঝতে পারলুম, শহরু-ইয়ারকে আমি চিনি নি, চেনবার চেষ্টাও করি নি। কোনো মানুষকে দিনের পর দিন দেখলে, তার সঙ্গে কথা কইলেও তার একটা মাত্র দিক চেনা হয়। কারণ যার যেরকম প্রবৃত্তি, সে সেই রকম ভাবেই অন্যজ্ঞনকে গ্রহণ করে। শহরু-ইয়ার মধ্য আমার মনের পাত্র যখন পূর্ণ করলো তখন সে শেপু নিল আমার মনের গেলাসেরই শেপু। কিন্তু সেইটেই যে তার একমাত্র শেপু নয় সেটা আমি আনমনে ভুলে গিয়েছিলাম। এমন কি তার স্বামী, ডাক্তার তাকে কি শেপু-এ নিয়েছে সেটাও আমি ভেবে দেখিনি। এবং সে-ই বা তার গড়া—অবশ্য তার মনের মাধুরী মিশিয়ে গড়া শহরু-ইয়ারকে যে শেপু দিয়েছে সে নিয়ে আমার সঙ্গে 'ডিপ্লোম্যাটিক ডিসপ্যাচ একশুচেঞ্জ' করতে যাবে কেন ?

এইবারে একটি 'তৃতীয় পক্ষ' পেলুম যে শহরু-ইয়ারকে দেখেছে, একটুখানি দূরের থেকে—এবং তাতে করেই পেয়েছিল বেসট্ পারসুপেক্টিভ্—এবং তারই ভাষায়, সেই 'অগ্নিশিখা'কে সাইজ্ অপু করতে গিয়ে একদম বিমূঢ় হয়ে গিয়েছে। আমিও মনে মনে বললাম, অগ্নিশিখা তো তরল দ্রব্য নয় যে তাকে তোমার মনের পেয়ালার ঢেলে নিলে আপন শেপু দেবে !

ঠাকুমা চলে যেতেই ভূতনাথ দরজাতে ডবল খিল দিলে।

ছেঁড়া কথার খেই তুলে নিলে বললে, 'দ্রৌপদী, মশাই, সাক্ষাৎ দ্রৌপদী।'

* এই উপন্যাসের পূর্ববর্তী এক অধ্যায়ে আমি লিখি যে, প্রসিদ্ধ ইউরোপীয় প্রণয়গাথা "গিভান ইজল্বে" বাঙলাতে অনুবাদিত হয় নি। বড়ই আনন্দের সঙ্গে জানাই, পক্ষাধিককাল পূর্বে জনৈক সাতিশর মেহেরবান পাঠক আমাকে জানিয়েছেন যে তিনি স্বয়ং ঐ গাথা নিয়ে একটি—কিছুটা অনুবাদ, কিছুটা স্বয়ংসংগত—"গিভান" কাহিনী বাঙলার রচনা করেছেন। এবং সঙ্গে সঙ্গে বে-এজেরার সহস্রং বশতঃ ঐ পুস্তিকার একখণ্ড আমাকে সপ্তগাং করেছেন।

আমি শূধালুম, দ্রৌপদীর সঙ্গে তুলনা করছো কেন ?

এক গাল হেসে বললে, 'কেন, সার, আপনিই তো হালে একখানা গবেষণাপূর্ণ রসরচনা ছেড়েছেন যাতে দেখিয়েছেন, এ-সংসারে একটি প্রাণ, তাও রমণী, কি করে পাঁচ-পাঁচশটা মন্দাকে তর্ক-যুদ্ধে চাটনি বানাতে পারে। সেই নারীই তো দ্রৌপদী। দুঃশাসন যখন তাঁকে জোর করে কুরূসভাস্থলে টেনে এনে হাঙ্গির করলো তখন তিনি যে স্বাধীনা, তাঁকে যে তাঁর অনিচ্ছায় প্রকাশ্য সভাস্থলে টেনে আনা সম্পূর্ণ বে-আইনী, আজকের আদালতী ভাষায় যাকে বলে 'আলট্রা ভাইরীসা' তাঁর সেই বক্তব্য যখন তিনি অকাটা যুক্তির পর যুক্তি দিয়ে পেশ করতে লাগলেন, ভুল বললুম, পুশ্ করতে লাগলেন, সজ্ঞারে কড়া কড়া যুক্তিসহ—তখন কী কুরূবৃদ্ধ পিতামহ ভীষ্মদেব, কী শ্বব্জশ্রেষ্ঠ নিষ্ঠাচারী দ্রোণাচার্য কেউ কি কোনো উত্তর দিতে পেরেছিলেন ?...তার এক হাজার বছর পরে সোক্রাটেস—না ? তারপর এ-তাবৎ ব্রাঙ্কো ! না—?'

আমি অধৈর্ষ হয়ে বললুম, 'ধাক ! তোমার কচকচানি থামাও। শহুর-ইয়ারের কথা কও !'

পূর্বেই বলেছি শ্রীমান ভূতনাথ বৃথা তর্ক করে না। ঘাড় নেড়ে বললে, 'শহুর-ইয়ারের কথাই তাবৎ শহরের ইয়ার—অথবা হওয়া উচিত।

ভেবে দেখুন, ঠাকুমা একা। শহুর-ইয়ার একাই একশ' দ্রৌপদী। ঠাকুমা পারবেন কেন ? শহুর-ইয়ার কি যুক্তিতর্ক উত্থাপন করেছিলেন সে আমার জানা নেই, কারণ আমার কলিজাতে পুকুর খোঁড়ার ভয় দেখালেও তখন আমি সে-সভাস্থলে যেতে রাজী হতুম না। ঠাকুমা একে মেয়েছেলে তদুপরি বৃথা। তাঁর কথা আলাদা। কিন্তু আমি মন্দা। আমাকে ঐ দ্রৌপদী চিবিয়ে গিলে ফেলত না—যদিস্যৎ তার মনে ক্ষণতরেও সন্দেহ হতো, আমি ঠাকুমার পক্ষ সমর্থন করতে এসেছি !'

আমি সত্যিই তাৎজব মানলুম। শহুর-ইয়ারকে তো আমি চিনি, শাস্তা, স্নিন্ধা কল্যাণীয়া রূপে। সে যে তর্কজ্ঞানে রণরঙ্গিনী হয়ে তার রুদ্ধাঙ্গী রূপ দেখাতে পারে সে কম্পনা তো আমি কখনো করতে পারি নি।...তাই তো বলিছিলুম, 'তৃতীয় পক্ষের মতামত অবজ্ঞানীয়।

ইতিমধ্যে ভূতনাথ খাড় চুলকে চুলকে বললে, 'পরে আমার কানে কি একটা ঐতিহাসিক যুক্তিও এসেছিল। বেগম্ শহুর-ইয়ার যা বলেছিলেন তার মোন্দা নির্যাস ছিল :

বৃদ্ধদেব ব্রাহ্মণ শ্রমণকে একাসনে বসিয়ে বার বার বলতেন, "ব্রাহ্মণ-শ্রমণ, ব্রাহ্মণ-শ্রমণ।"

তার বহু শত বৎসর পর, বৌদ্ধধর্ম যখন এদেশ থেকে লোপ পেলে, তখন সর্বশেষে, এই শ্রমণরা হিন্দুধর্ম গ্রহণ করলেন। এবং হিন্দু ধর্মনিয়মী বিবাহাদি

করলেন। তাঁদেরই বর্তমান বংশধর বৈদ্যসম্প্রদায়। অতএব তাঁরা স্বাস্থ্যগণদেরই মত কুলসম্মান ধারণ করেন। একদা তারা শ্রমণরূপে লোকসেবার জন্য আকুবুর্বেদ অধ্যয়ন করতেন, হিন্দুধর্মে প্রত্যাবর্তন করার পর তাঁরা সেই বৈদ্য-বিদ্যাই জীবিকারূপে গ্রহণ করলেন। তারপর—

আমার কান তারপর ভূতনাথের আর কোনো কথাই গ্রহণ করে নি। কারণ আমার মন তখন বিস্ময়বিমূঢ়। আমি ভালো করেই জানতুম, শহুর্-ইয়ার ইহজন্মে কখনো কোনো প্রকারের গবেষণা করে নি।...এমন কি তার স্বামী যে মোড়কাল রিসার্চে আচৈতন্য নিমগ্নিত সেটাও সে বোধ হয় হৃদয় দিয়ে গ্রহণ করতে পারে নি। অবশ্য সে এযাবত ইতালির লেওনে কাএতানির স্ত্রীর মত বিদ্রোহ ঘোষণা করে নি।

তবে কি তাবৎ সমস্যা এভাবে দেখতে হবে যে, কাএতানির স্ত্রী স্বামীকে ত্যাগ করে চলে গিয়েছিলেন, আর শহুর্-ইয়ার স্বামীকে ত্যাগ না করে ধর্মে আশ্রয় নিয়েছে!

ভূতনাথ বললে, 'সে বিয়ে তো নির্বৈধে হল। কিন্তু আমার মনে হয়, বীবাী শহুর্-ইয়ার ঠাকুরকে কাবু করেছিলেন, যুক্তিতর্ক দিয়ে নয়, তাঁর ব্যক্তিত্ব দিয়ে। "ব্যক্তিত্ব" বা পাস'নলাটি বললে অল্পই বলা হয়। বরঞ্চ ঐ যে আমি বললাম, "অগ্নিশিখা"—সেই অগ্নিশিখা যেন আগুনের পরশমাণি হয়ে ঠাকুরমাকে—'

হঠাৎ ভূতনাথের ভাব পরিবর্তন হল। আপন উৎসাহের আবেগ আতিশয্যের ভাটি গাঙে এতক্ষণ অবধি সে এমনই ভেসে চলেছিল যে শহুর্-ইয়ার সম্বন্ধে আমার কোতুলটা কেন সে-সম্বন্ধে সে আদৌ সচেতন হয় নি। এখন যেন হঠাৎ তাঁর কানে জল গেল।

ভুরু কুঁচকে আমার দিকে ঈষৎ সন্দেহপূর্ণ দৃষ্টিতে—অবশ্য পরিপূর্ণ লাল-বাজারী ডবল-ব্যারেল বন্দুকের দু'নাল উঁচিয়ে নয়—জিজ্ঞেস করলে, 'স্যর, আপনি কি ওনাকে চেনেন?'

'হ'্যা।'

বেচার ভূতনাথ! অত্যন্ত লজ্জা পেয়ে তাড়াতাড়ি বললে, 'মাফ করবেন, স্যর, প্লীজ। আপনার সামনে ও'র সম্বন্ধে আমার এটা-ওটা বলাটা বস্তুই বেয়াদবী হয়ে গিয়েছে।'

আমি বললাম, 'সে কি কথা! তুমি তো এখনো তার কোনো নিষেদ করো নি। এবং ভবিষ্যতে করবে বলেও তো মনে হয় না। এটাকে তো পরনিন্দা পরচর্চা বলা চলে না।...আর আমি জানতে চেয়েছিলুম বলেই তো তুমি আমাকে এ-সব বললে। আর, এগুলো আমার কাজে লাগবে।'

যেন একটুখানি শঙ্কিত হয়ে খান শূধোলে, 'এনি ট্রবল, স্যর?'

আমি বললাম, 'ইয়েস্। কিন্তু সে-কথা পরে হবে। তুমি যা বলছিলেন,

বলে যাও ।’

কর্থাৎ শান্তি পেয়ে ভূতনাথ বললে, ‘বলার মত তেমন আর বিশেষ-কিছু নেই। পূর্বেই বলেছি, বিয়ে হয়ে গেল। চতুর্দিকে শান্তি। শহর-ইয়ার ঠাকুমাকে দেখতে আসেন কি না তাও জানি নে।...ইতিমধ্যে ঠাকুমা যখন ‘নির্শির্চন্দ মনে ওপারে যাবার জন্য যাব-যাচ্ছি যাব-যাচ্ছি করছেন তখন তাঁর জীবনসম্ব্যয় এল একটা দুর্ঘটনা। তাঁর এক পিঠাপিঠো ছোট ভাই বহু বৎসর ধরে হিমালয়ে ঘোরাঘুরি করতেন, দু’তিন মাস অন্তর অন্তর দাঁদিকে পোস্ট-কার্ডও লিখতেন।

ইহাৎ একদিন এক চিঠি এল সেই ভাইয়ের এক বন্ধুর কাছ থেকে— তিনিও তাঁর সঙ্গে হিমালয় পর্যটন করতেন। চিঠির মূল বক্তব্য ছিল, মাস তিনেক ধরে সেই ভাইয়ের সন্ধান নেই।

ঠাকুমার আদেশে আমাকেই যেতে হল হিমালয়ে তাঁর খোঁজে। সে দীর্ঘ নিষ্ফল কাহিনী আপনাকে আর শোনাবো না। তিন মাস পর ঠাকুমার আদেশে কলকাতার ফিরে এসুম।

এসে দেখি, বা ভেবেছিলুম ঠিক তার উল্টো।

ধাকুমা শান্ত প্রশান্ত।

আমি অনুসন্ধান করে জানতে পারলুম, ইতিমধ্যে ঐ শহর-ইয়ার বাবী নারিক ঠাকুমাকে কোন এক পীরের আস্তানায় নিয়ে গিয়েছেন এবং সেখানে তিনি মনের শান্তি পেয়েছেন। সে তো খুব ভালো কথা। দেহমনের শান্তিই তো সর্বপ্রধান কাম্য। কিন্তু আপনি জানেন, আমি এ-সব গুরুপীর কর্তা-ভজাদের একদম পছন্দ করি নে।’

আমি বসলুম, ‘আমিও করি না।’

ভূতনাথ বললে, ‘কিন্তু অনুসন্ধান করে জানলুম, শহর-ইয়ার নারিক ঠাকুমাকে পীরের আস্তানায় নিয়ে যাবার পূর্বে পাকাপাকিভাবে বলেছে, “পীর সাহেব আপনার ভাইকে হিমালয় থেকে এখানে উঁড়িয়ে নিয়ে আসবেন না। কিন্তু আমি আশা রাখি, তিনি আপনাকে কিছুটা মনের শান্তি এনে দিতে পারবেন—অল্পার কৃপায়”।’

ভূতনাথ খান ধানিকঞ্চণ চূপ করে থেকে বললে, ‘তাই তো এই মহিলার প্রতি আমার এত শ্রদ্ধা।’

কুড়ি

কলকাতা মহানগরীর কোনো কোনো অঞ্চলে মধ্যরাতে যে নৈশস্থায়ী উপভোগ করা যায় গ্রামাঞ্চলে সেটা অতর্কিত সহজসভ্য নয়। যদ্যপি কবিরা ভিন্ন মত পোষণ করেন। জনপদবাসী দুপুর রাতে কেমন যেন নিশ্চিন্ত মনে ঘুমুতে জানে না। এ-বাড়ি থেকে নিদ্রাহীন বৃদ্ধের কাশির শব্দ, ও-বাড়ি থেকে চোর সস্বস্ত্র মাগাধিক সচেতন মরাই-ভরা ধানের গেরেমভারী মালিকের গলা-খাঁকির, তিকংসভাবে কাতর জ্বরাতুর শিশুর নিজীব গোঙরানো এসব তো আছেই, তার উপর পশুপক্ষীর নানা রকমের শব্দ। তারা যেন মধ্যরাতে একাধিক শত্রুর অর্কিত আক্রমণের ভয়ে আর্কিত। অথচ বেশ লক্ষ্য করা যায়, এদের ভিতর তখন এক রকমের অপ্রত্যাশিত সহযোগিতা দেখা দেয়। হঠাৎ মোরগটা ভয় পেয়ে ডেকে উঠলো, সঙ্গে সঙ্গে কুকুরগুলো ঘেউ ঘেউ করে উঠলো, ছাগলটা ম্যাঁ ম্যাঁ করলো, সর্বশেষে পাশের গোয়ালের গাইটা একটুখানি ঘড় ঘড় করলো,—খুব সম্ভব চেক্ অপ্ করে নিলো, অধুনা প্রসবিত ভার বাছুরটি পাশ ছেড়ে কোথাও চলে যায় নি তো !

একমাত্র ব্যতন্ন আমার আলসেশিয়ান 'মাস্টার'। সে ঐ একতানে কাম্বনকালেও ঘোণ দেয় না, যদিও তার কন্ঠই এ-অঞ্চলে সর্বাপেক্ষা গ্রামভারী। সোজা বাঙালার, গম্ভীর অস্বরে যথা নাদে কাঙ্গিনী! তার কারণ সে তার আচার-আচরণে অনুকরণ করে আমাকে। আমি নীরব থাকলে সেও নিশ্চুপ। আমিও তাকে অনুসরণ করার চেষ্টা করি—সর্বোপরি তার ধৈর্য আর সহিষ্ণুতা। কিন্তু এ-শীলে সে আমাকে রোজই হার মানায়।

হুঃ। ঠিক। শহুর-ইয়ারকে আমি একটি আলসেশিয়ান-ছানা সওয়াৎ দেব।

হঠাৎ একটা লোক আমার সামনে দাঁড়িয়ে বললে, 'হুজুর, মাফ করবেন। এই তো আমাদের বাড়ি।'

ওঃ হো! তাই তো। আমি এ-বাড়ি ছাড়িয়ে বেথেয়ালে কহাঁ কহাঁ মূর্খকে চলে যেতুম, কে জানে।

অর্থাৎ এই লোকটিকে মোতালেন করা হয়েছে, আমি যদি রাত সাড়ে তেরটার সময় বাড়ির সামনে চক্কর খাই তখন সে যেন আমাকে ধরে নিলে যায়। কিন্তু এই লোকটাকে মোতালেন করল কে? ডাক্তার? তার তো অতর্কিত কমন্ সেন্স নেই। শহুর-ইয়ার? সে তো পীরের আন্তানা থেকে ফেরে অনেক রাতে।

দীর্ঘ চক্কর পেরিয়ে যখন বাড়িতে ঢুকলুম, তখন দেখি আরো দুটি লোক জেগে বসে আছে। স্পষ্টতঃ আমার-ই জন্য। আমি লক্ষ্য পেলাম। তিন-তিনটে লোককে এ-রকম গভীর রাত অবাধ জাগিয়ে রাখা সভ্যই অন্যাঙ্গ।

এ-পাপ আর বাড়ানো নয়। চূপিসাড়ে আপন ঘরে ঢুকে অতিশয় মোলায়েমসে খাটে শুল্লে পড়বো। আলোটি পর্যন্ত জ্বালাবো না। সুইচের ক্লিক-এ যদি ডাক্তার, শহর-ইয়ারের ঘুম ভেঙ্গে যায়, আর আমার ঘরে হামলা করে!

এক কথায়, মাতাল যে-রকম গভীর রাতে বাড়ি ফেরে।

অতিশয় সন্তর্পণে দরজার হ্যান্ডেলটি ঘুরিয়ে ঘরে ঢুকে আমি অবাক! ঘর আলোয় আলোময়। আমার খাটের পৈথানের কাছে যে কেদারা তার উপর বসে আছে শহর-ইয়ার!

কিছু বলার পূর্বেই সে উঠে দাঁড়িয়ে বললে, 'আপনি আমাকে আরে কত সাজা দেবেন?'

আমার মুখে কোনো উত্তর জোগালো না। কিসের সাজা? একে দেব আমি সাজা! ওর মত আমার আপন জন এ-দেশে আর কে আছে?

এ-স্থলে সাধারণজন যা বলে, তাই বললুম 'বসো!'

কিন্তু শহর-ইয়ার যেন লড়াইয়ে নেমেছে।

তার চেহারা দেখে কেছা-সাহিত্যের দুটি লাইন আমার মনে পড়ল:

'রাগীর আকৃতি দেখি বিদরে পরাণ।

নাকের শোণ্ডাস যেন বৈশাখী তূফান ॥'

কিন্তু আমি কোন মতামত প্রকাশ করার পূর্বেই সে বললে, 'আমি খুব ভালো করেই জানি, কলকাতার রাস্তাঘাট আপনি একদম চেনেন না। ওদিকে গাড়ি-ড্রাইভার দিলেন ছেড়ে। এদিকে রাত একটা। তখন কার মনে দূর্শ্চলতা হয় না, বলুন তো!'

এ-সব আভ্যেগ সত্ত্বেও আমার হৃদয় বড় প্রসন্ন হয়ে উঠেছে। কারণ, এতক্ষণে আমার কাছে বেশ স্পষ্ট হয়ে গিয়েছে যে, কাল রাতে, আজ সকালে তার চোখে অধ-সুপ্ত, আচ্ছন্ন-আচ্ছন্ন যে ভাবটা ছিল সেটা প্রায় অন্তর্ধান করেছে। সেই প্রাচীন দিনের শহর-ইয়ারের অনেকখানি—সবখানি না—যেন ফিরে এসেছে। এর কারণটা কি? তখনো বুঝতে পারি নি। পরে পেরেছিলুম। সে-কথা আরো পরে হবে। কিন্তু উপস্থিত তার এই অবস্থা পরিবর্তনের পুরো-পুরি ফায়দাটা ঠাঠাতে হবে।

আমি গোবেচারি সঙ্গে বললুম, 'তা তো বটেই। আমি যে কলকাতার রাস্তাঘাট চিনি নে সে তো ন'সিকে সত্য কথা। এই তো, আজ সন্ধ্যায়ই, আমি ট্যাক্সি ধরে গেলুম ধর্মতলা আর চৌরঙ্গীর ক্রসিং-এ। আমি জানতুম, সেখানে ঠনঠনের কিংবা কালীঘাটের মা-কালীর মন্দির। ও মা! কোথায় কি! সেখানে দেখি টিম্পু, সুলতানের মসজিদ। কি আর করি। গুরু করে দু'রেকাৎ নফল নামাজ পড়ে নিলুম। তারপর বেরলুম দক্ষিণেশ্বর বাগে। সেখানে তো-জানতুম, মোলা আলীর দরগা—'

এতক্ষণে শহর-ইয়ারের খেঁচচ্যুতি হলো।

তবু, প্রাচীন দিনের মত শান্ত কণ্ঠে বললো, 'দেখুন, আপনারা সাহিত্য সৃষ্টি করেন। আপনাদের কম্পনাশক্তি সাধারণজনের চেয়ে অনেক বেশী, ভাষা আপনাদের আয়ত্তে, স্টাইল আপনাদের দখলে। সেই ক্ষমতা নিয়ে আপনারা অনেক-কিছু করতে পারেন—লোকে ধন্য ধন্য করে। কিন্তু আমাদের নিত্যন্ত ব্যক্তিগত জীবনে আপনি সে-সব শব্দ ব্যবহার করেন কেন? সেটা কি উচিত? আমরা কি তার উত্তর দিতে পারি? আমরা—'

প্রাচীন দিনের শহর-ইয়ার যেন নবীন হয়ে দেখা দিচ্ছে।

আমি তারই সুযোগ নিয়ে মন্তব্য করলুম, 'বড় খাঁটি কথা বলেছ, শহর-ইয়ার। এ-কর্ম বড়ই অনুচিত!...আমি তোমারই পক্ষে একটি উদাহরণ দিঃ—

আমাদের শান্তিনিকেতনে কয়েক বৎসর পূর্বে একটি অপ্রিয় ঘটনা ঘটে। তার জন্যে কে দায়ী আমি সঠিক জানি নে। হয় জনৈক অধ্যাপক, নয় ছাত্র। তখন শান্তিনিকেতনবাসী জনৈক প্রখ্যাত লেখক ছাত্রদের বিরুদ্ধে একটা কঠোর কঠিন মন্তব্যপূর্ণ পত্র খবরের কাগজে প্রকাশ করেন।...তুমি এখুনি যা বললে, তারই স্বপক্ষে আমি এ-ঘটনাটার উল্লেখ করছি।...তখন ছাত্ররা করে কি? সেই প্রখ্যাত সাহিত্যিকের শাণিত তরবারির বিরুদ্ধে লড়তে যাবে কে? তারা ফোর্ড-ইয়ার ফিফথ-ইয়ারের ছাত্র। তাদের ভিতর তো কেউ সাহিত্যিক নয়।...সিংহ লড়বে সিংহের সঙ্গে, বাদির—'

আমি খেমে গেলুম। কিন্তু শহর-ইয়ার চুপ করে রইল।

ইতিমধ্যে আমি আশ্তে আশ্তে আপন মনে বুঝে গিয়েছি, শহর-ইয়ার কেন আপন স্বাভাবিক অবস্থায় ফিরে আসছে।

অবশ্য নিঃসন্দেহ, নিঃস্বন্দ কোনো-কিছু বলা কঠিন।

সে ভুল করেছিল, তার পীরেতে আমাতে লাগবে লড়াই!

ফলে সে হারাবে পীরকে, নয় আমাকে।

এই স্বপ্নের সামনে পড়ে কাল সন্ধ্যায় সে ডুব মেরেছিল ধ্যানের গভীরে। সেই ধ্যানের পথ সুগম করার জন্য অনেকেই বহুক্ষণ ধরে জপ-জিকর করেন। শহর-ইয়ার তাই কাল রাতে 'লতীফ' 'সুন্দরের নাম জপ করেছিল। শুনোছি, বহু গোড়ায় বৈষ্ণব সাধক জপ করতে করতে 'দশা' (আরবীতে 'হাল') প্রাপ্ত হন।

এ-নিয়ে তো দিনের পর দিন আলোচনা করা যায়, এবং আমি কিছুটা করোছিও, শহর-ইয়ারের পীরের সঙ্গে বরদায়। কিন্তু এ-সব করে আমার কি লাভ? আমি চাই শহর-ইয়ারের মঙ্গল, ডাক্তারের মঙ্গল এবং আমরা তিনজন এতদিন যে-পথ ধরে চলোছি—সুখেদুঃখে হাসিকান্নার ভিতর দিয়ে—সে-পথ দিয়েই যেন চলতে পারি। এরই মধ্যে একজন ছিটকে পড়ে যদি স্বয়ং পরস্পরকেও

পেয়ে যান্ন তাতে ডাক্তারের কি লাভ, আমারই বা কি লাভ? বৃন্দেব বৈরাগ্য আর সন্ন্যাস দিয়ে বিশ্বজয় করেছিলেন; কিন্তু সে খন কি পিতা তথা রাজা শূন্যস্থানকে আনন্দ দান করতে পেরেছিল? তিনি তো কামনা করেছিলেন, পুত্র যেন যুবরাজরূপে দীপ্বজয় করে। এবং গোপা-যশোধরা? তিনিও তো চেয়েছিলেন, একদিন রাজমহিষী হবেন, তাঁর পুত্র যুবরাজ রাহুলের রাজমাতা হবেন।

কিন্তু যে-কথা বলছিলুম :

পীরেতে আমাতে কোনো ঝগড়া-কাঁজিরা তো হলই না, বরণ প্রস্থায় পেল, দুজনকার বহুদিনের হৃদয়তা। শহরু-ইয়ারের যেন একটা দৃশ্যবর্ণন কেটে গেল, তার যেন দশ নিশ ডেল নিরম্বন্দর।

* * *

হঠাৎ না ভেবে-চিন্তেই বলে ফেললুম, 'আচ্ছা, শহরু-ইয়ার, এখন রবীন্দ্রনাথের ধর্মসম্বন্ধিত তোমাকে আনন্দ দেয়?' "এখন" শব্দটাতে বেশ জোর দিলুম। 'আগে তো তুমি পছন্দ করতে না।'

একটুখানি ম্লান হাসি হেসে বললে, 'না'।

আমি বললুম, 'সে কি? এখন তুমি যে-পথে চলেছ সেখানে তো তাঁর ধর্মসম্বন্ধিত তোমাকে অনেক-কিছু দিতে পারে, তোমার একটা অবলম্বন হতে পারে।'

মাথা নিচু করে বললে, 'হলো না। কাল দুপুরেই—আপনি তখন বাড়িতে ছিলেন না—আবার কিছু রেকর্ড বাজালুম। অস্বীকার করছি নে, খুব সুন্দর লাগল। ভাষা, ছন্দ, মিল সবই সুন্দর। এমন কি আল্লাকে নতুন নতুন রূপে দেখা, নতুন নতুন পন্থায় তাঁর কাছে এগিয়ে যাবার প্রচেষ্টা সবই বড় সুন্দর। আমার মন যে কতবার নেচে উঠেছিল, সে আর কী বলবো!...কিন্তু, কিন্তু, আমার বুদ্ধের ভিতরে কোনো সাড়া জাগলো না।'

আমি বললুম, 'আমার কাছে, কেমন যেন হে'য়ালির মত ঠেকছে। বুঝিয়ে বলো।'

এবারে একটুখানি মধুরে উচ্চহাস্য করলো—'আপনাকেও বোঝাতে হবে?'

উঠে দাঁড়িয়ে দক্ষিণের জানলা খুলে দিল।

আহ্। বাইরে কী নিরন্তর নৈস্তম্ব্য। গ্রামে নন্ন, কলকাতাতেই এটা সম্ভবে।

বন্ধ জানলা খুলে দিলে বাইরের বাতাস যে রকম কামরাটাকে ঠাণ্ডা করে দেয়, হুবহু সেই রকম বাইরের নিস্তম্ব্যতা যেন আমাদর তকালোচনাটাকে শীতল করে দিল।

শহরু-ইয়ার বললে, 'জানলার কাছে আসুন। আরাম পাবেন।'

আমি শয্যাভ্যাগ করে সেই প্রশস্ত জানলার অন্য প্রান্তে দাঁড়ালুম।

শহু-ইয়ার ধীরে ধীরে আমার কাছে এসে গা ঘেঁষে দাঁড়ালো। আমার দু'হাত তখন জানলার আড়ল উপর। সে তার ডান হাত আমার বাঁ হাতে বুলোতে বুলোতে বলল, 'এই নিচের আঙিনার দিকে তাকান। এখানে ভোর-সাঁজ র্ভির্ভার-আতুর আসে। তাদের জন্য ব্যবস্থা আছে এ-বাড়ি পত্তনের সঙ্গে সঙ্গেই। কিন্তু এ-আঙিনায় সব চেয়ে বেশী আদরবল্প করা যায় জানেন? ঞ্জনি-হাতে বোম্টিম, একতারা-হাতে বাউল, সারেকী-হাতে ফকীর। আপনি হয়তো ভাবছেন, এরা সদাই শূধু আধ্যাত্মিক পারলৌকিক, 'এ সংসার নশ্বর', এই সব নিয়েই গীত গায়—'

আমি বাণা দিয়ে বললুম, 'মোটাই না, এরা বহু ধরনের গীত জানে।'

ভারী খুশী হয়ে বললে, 'ঠিক ধরেছেন। অবশ্য আমি ভালো করে জানতুম, আপনার কাছে এ-ততু অজানা নয়। তাই আপনাকে একটুখানি খুঁচিয়ে আমি সুখ পাই। কিন্তু সে-কথা থাক।'

আমার বিয়ের রাতে, গভীর রাতে, এই আঙিনাতেই তারা অনেক মধুর মধুর গান আমাকে ডাঙারকে শুনিয়ে গিয়েছিল। তারই একটি ছয় আমার কানে এখনো বাজে :

"শ্যামলীয়াকে দরশন লাগি পরহু কুসুম্বী সাড়ী"

বুঝুন, কী অশুভ কালার-কনট্রাস্ট-সেন্স। শ্রীকৃষ্ণ শ্যামল। তাই শ্রীরাধা তাঁর শ্যামবর্ণের কনট্রাস্ট করার জন্য হলদে রঙের—কুসুম্বী রঙের শাড়ি পরে অভিনয়ে বেরিয়েছেন।

কিন্তু মোন্দা কথাটা এইবারে আপনাকে বলি।

আমি সেই বিয়ের রাতির পর থেকেই এখানে দাঁড়িয়ে শতসহস্র বার এদের গীত—বিশেষ করে ধর্মসংগীত শুনোছি। বরঞ্চ এদের এই সরল, অনাড়ম্বর, সর্ব অলংকার বিবাক্ত ভক্তিগীতি মাঝে মাঝে আমার বুকে সাড়া জাগিয়েছে, এমন কি তুফান তুলেছে,—মনে হঠাৎ-চমক লাগায় নি শূধু। তার কারণ, অস্তিত আমার মনে হয়, এদের অভাবের অস্ত নেই, এরা গরীব-দুঃখী অনাথ-আতুর। খুদোজলা ছাড়া এদের অন্য কোনো গীতি নেই। তাই এদের গীতে থাকে আন্তরিকতা, ডীপেস্ট সিনসিয়ারিটি।

কিন্তু বিশ্বকবি, আবার বলছি, সর্ববিশ্বের কবি রবীন্দ্রনাথ তো এই হতভাগাদের একজন নন। তিনি তো অনাথ আতুর নন। তাঁর ভক্তিগীতিতে ওদের মমান্তিকতা, ঐকান্তিকতা, সর্বাঙ্গীণ আত্মসমর্পণের সুর বাজবে কি করে? তিনি—'

আর আমি থাকতে পারলুম না। বাধা দিয়ে বললুম, 'এ তুমি কী আবেল-তাবেল বকতে আরম্ভ করলে শহু-ইয়ার! অস্বাভাব, বস্তুভাব, আগ্রাস্তাব— এই গুলোই বন্ধি ইহজীবনের পরম দুর্দৈব, চরম বিনাশ? রবীন্দ্রনাথের বলল

চল্লিশ হতে-না-হতেই তাঁর যুবতী স্ত্রীর মৃত্যু হলো, তার পাঁচ বছরের ভিতর গেল তাঁর এক ছেলে, এক মেয়ে। তাদের বয়স তখন কত? এগারো, তেরো। অত্যন্ত অপ্রয়োজনীয় অকাল মৃত্যু। তাঁর বাল্য-কৈশোরের কথা তুলতে চাই নে। সেই বা কিছুর কম? ছেলেবেলায়ই ওপারে গেলেন তাঁর মা। সেই মায়েল আসন নিলেন তাঁর বৌদি। শুধু তাই নয়, সেই মহীশূরী নারীই কিশোর রবিকে হাতে ধরে নিয়ে এসে প্রবেশ করালেন জহান-মুশায়েরায়, বিশ্বকাবিসম্মেলনায়নে।... আজ যদি আমাকে কেউ শূধায়, রবীন্দ্রনাথ কার কাছে সব চেয়ে বেশী ঋণী, তবে নিশ্চয়ই বলবো, তাঁর অগ্রজ জ্যোতির্শূদ্রনাথের কাছে। কিন্তু সঙ্গে সঙ্গে বলবো, তার চেয়েও বেশী ঋণী তিনি তাঁর বৌদির কাছে।... সেই বৌদি আত্মহত্যা করলেন একদিন। রবীন্দ্রনাথের বয়স তখন কত? বাইশ, তেইশ! এই নারীই ছিলেন রবীন্দ্রনাথের কাব্যদীক্ষিকা। তাঁর রুচি, তাঁর নির্দেশ অনুযায়ী রবীন্দ্রনাথ কাব্য রচনা করেছেন তাঁর জীবনের প্রথম বায়ে বয়সের ধরে।

অস্বাভাব, বস্প্রাভাব সব মানি। কিন্তু আবার শূধাই, এগুলোই কি শেষ কথা? আত্মহত্যা, পর পর আত্মজ্ঞানবিস্মোগ এগুলো কিছুরই নয়?

এই যে তুমি বার বার “অনাথ আতুর, অনাথ আতুর” বলছো, এই সমাসটি তুমি কোথেকে নিয়েছ, জানো? তোমার জানা-অজ্ঞান্তে?

সেও রবীন্দ্রনাথের।

“শূনেছে তোমার নাম অনাথ আতুর জন—

এসেছে তোমার শ্বারে, শূন্য ফেরে না যেন ॥”

এ-নীতে কি-রবীন্দ্রনাথ বিধাতার প্রধান মন্ত্রী?—তিনি যেন হুজুরকে বলছেন, “মহারাজ, এই অনাথ আতুর জনকে অবহেলা করবেন না।” তিনি তখন স্বয়ং, নিজ, ঐ অনাথ আতুরদের একজন। অবশ্য তাঁর অস্বপ্ন যথেষ্ট ছিল, কিন্তু প্রভু খৃষ্ট কি সর্বাপেক্ষা সার সত্য বলেন নি, মানুষ শূধু রুটি খেয়েই বেঁচে থাকে না। ঈশ্বরের করুণাই (ওয়ার্ড) তাঁর প্রধানতম আশ্রয়।

আর এও তুমি ভালো করে জানো, রবীন্দ্রনাথকে তার অধিক জীবন— ১৯০১ থেকে ১৯৪১ পর্যন্ত ভিক্ষার ঝুলি কাঁধে নিয়ে বিশ্ববয় ঘুরে বেড়াতে হয়েছিল। বিশ্ববিখ্যারীদের তিনি ছিলেন ওয়ার্ল্ড চ্যাম্পিয়ন নশ্বর ওয়ান। পৃথিবীর হেন প্রান্ত নেই যেখানে তিনি ভিক্ষা করতে যান নি। তাঁর পূর্বে স্বামীজী। এবং দুজনাই ফিরেছিলেন, ঐ গানের “শূন্য ফেরে না যেন” প্রার্থনায় নিষ্ফল হয়ে।

রবীন্দ্রনাথ বেরিয়েছিলেন বিশ্বভারতীর জন্য। তিনি “বিশ্বপ্রেম”, “বিশ্বভারতী”—“বিশ্ব” শব্দ দিয়ে একাধিক সমাস নির্মাণ করেছেন; আমি, অধম, তাঁরই সমাস নির্মাণের অনুকরণে তাঁকে খেতাব দিয়েছি “বিশ্বভিক্ষুক”। এ হুজ

আমার কিছটা আছে। রবীন্দ্রনাথ বন্দ্যোপাধ্যায়, উপাধি ঠাকুর। কিন্তু তাঁর বংশপরিচয় “পীরিলি” বা “পীর” + “আলী” দিয়ে। আত্মা “আলী”। আমারও “পীর” বংশ। কিন্তু থাক্, এসব হাত্কা কথা।

তুমি হয়তো বলবে—তুমি কেন, অনেকেই বলবে—এসব সখের ভিখারি-গিরি। আমি এ-নিজে তর্কাতর্ক করতে চাই নে। কারণ স্বয়ং কবিই গেয়েছেন,

“এরে ভিখারী সাজ্জামে
কী রঙ্গ তুমি করিলে,
হাসিতে আকাশ ভরিলে ॥”

কিন্তু এহ বাহ্য।

আমি বার বার জোর দিতে চাই তাঁর মাথার উপর দিয়ে যে আত্মহত্যা, যে-সব অকালমৃত্যুর বাড় বয়ে গেল, তারই উপর। সেখানে তিনি অনাথের চেয়েও অনাথ, আতুরের চেয়ে আতুর।’

শহর-ইয়ার বড় শাস্ত মেয়ে। কোনো আপত্তি জানালো না দেখে আমার উৎসাহ বেড়ে গেল। বললাম, ‘আচ্ছা, রাশার সম্রাট জার নিকলাসের নাম শুনেনে?’

‘না তো।’

‘কিছু এসে যায় না। এইটুকুই যথেষ্ট যে তাঁর কোনো অভাব ছিল না। ইয়েরোরোপের রাজা-সম্রাটদের ভিতর তিনিই ছিলেন সবচেয়ে বিস্তশালী। দোদর্শু প্রতাপ। তাঁরই রচিত একটি কবিতার শেষ দুটি লাইন আমার মনে পড়েছে, আবছা আবছা। ভুল করলে অপরাধ নিয়ো না। সত্যেন দত্তের অনুবাদ :

“কাতরে কাটাই
সারা দিনমান
কাঁদিয়া কাটাই নিশা।
সহি, দাঁহ, ডাঁক
ভগবানে আমি
শান্তির নাহি দিশা ॥”

এর চেয়ে আশ্চর্যকতা ভরা, হৃদয়ের গভীরতম গূহা থেকে উচ্ছ্বসিত কাতরতা ভরা আত্ম-বক্তব্য তুমি কি চাও ?

না হয় রাশার জার-এর কথা থাক্।

কুরান শরীফ এবং এদিক ওদিক নানা কেতাবে রাজা দাউদের—King David-এর কাহিনী নিশ্চয়ই কিছ, কিছ, পড়েছ ? ইনি শূন্য প্রবল পরাক্রান্ত বাদশাহই ছিলেন না, তিনি বাইবেল কুরান উভয় কতৃক স্বীকৃত পল্লগম্বর।

ভগবৎ-বিরহে কাতর এই রাজার Psalms বাইবেলে পড়েছ ?

“কর্তাদিন ধরে, এমন করিয়া
ভুলিয়া রহিবে প্রভু ?”

“Why standest thou afar off, O Lord ? Why hidest thou
thyself in times of trouble ?”

আরো শুনবে ?

শহুর-ইয়ার মাথা না তুলেই বললে, ‘আমার একটা কথা আছে—’

আমি বললুম, ‘অনেক রাত হয়েছে। কাল সে-সব হবে।’

তারপর ছাড়লুম আমার সর্বশ্রেষ্ঠ, সর্বশেষ অর্পিতবাণ :

‘তোমারও তো খনদৌলতের কোনো অভাব নেই। তবে তুমি কেন সকাল
সন্ধ্যা ছুটছো পীর সাহেবের বাড়িতে ? ভেবেচিন্তে কাল বুঝিয়ে বলো।’

একদশ

কি একটা স্বপ্ন দেখে ধড়মড়িয়ে জেগে উঠলুম।

স্বপ্ন কি, তার অর্থ কি, সে ভাবব্যবাহারী করে কি না, এসব বাবদে এখনো
মানুষ কিছুই জানে না। অনেক গুণী-জ্ঞানী অবশ্য অনেক-কিছু বলেছেন।
আঁরি বেগনসন থেকে ফ্রেট সাহেব পর্যন্ত। পড়ে বিশেষ কোনো লাভ হয় নি—
অন্তত আমার।

তবে এ-বাবদে একটি সাত বছরের ছেলে যা বলেছিল সেটা সব পিণ্ডতকে
হার মানায়। অতীত, স্বপ্ন জিনিসটা কি, সে-সম্বন্ধে তার আপন বর্ণনা। ডাক্তার
তাকে শোধিয়েছিলেন, সে স্বপ্ন দেখে কি না ? পুটে করে উত্তর দিল, ‘ও, ঘুমিয়ে
ঘুমিয়ে সিনেমা দেখা ? না ?’

বেশ উত্তর। কিন্তু এখানেই শেষ কথা নয়। আমি এর থেকে একটা তত্ত্বও
আবিষ্কার করেছি—কারণ একাধিক শাস্ত্রগ্রন্থ বলেছেন, স্বর্গরাজ্যে সর্বপ্রথম
প্রবেশাধিকার শিশুদের। সেই তত্ত্বটি সুদেয়রূপে প্রকাশ করলে দাঁড়ায় : আজ-
কের দিনের বাঙলা ফিল্মে দেখে যেমন আসছে বছরে বাঙলার ভবিষ্যৎ কি হবে
সে-সম্বন্ধে কিছু বলা যায় না, ঠিক তেমনি আজ রাতে আমি যা স্বপ্ন দেখলুম,
তার থেকে তিন মাস পরে আমার কি হবে, সে-হদীস খোঁজা সম্পূর্ণ নিষ্ফল।...
তার চেয়ে অনেক নিরাপদ, তাস ফেলে ভবিষ্যৎ নির্ণয় করে সেই অনুযায়ী কার্য
করা, কিংবা তার চেয়েও ভালো, অচেনা বাড়ির সিঁড়ি দিয়ে ওঠবার সময় ধাপের
সংখ্যা জোড় না বেজোড়, গানে গানে সেটা বের করে আপন কর্তব্য নির্ধারণ
করা। জোড় হলে মোলায়েম কায়দায় কাজ হাসিল করার চেপ্টা—বেজোড়
হলে লোকটার মাথায় সুপনার রেখে খড়ম পেটানোর মত সম্মান-চর্চিকৎসার।

কিন্তু আমি স্বপ্নটা দেখেছিলুম একটু ভিন্ন পর্দাভিত্তে।

সেই বাচ্চাটার মত সিনেমা দেখি নি। আমার ফিল্ম্‌টা যেন 'যান্ত্রিক গোলযোগে' (অবশ্য তার অন্য 'প্রোগ্রাম' শেষে মরমিয়া ডব্‌ডব্বরে কেউ স্ক্রমা চায় নি) কেটে যায়। কিন্তু সিনেমার বাক্যগুটি বিকল হয় নি। সে যেন সাথীহারা বিধবার মত একই রোদন বার বার কেঁদে যাচ্ছিল : 'সবই বৃথা, সবই মিথ্যা, সবই বৃথা, সবই মিথ্যা।'...বোধ হয় ফিল্ম্‌টা বাইবেলের কোনো কাহিনী অবলম্বন করে তার রূপ বাণী পেয়েছিল। কারণ, তারই সঙ্গে সঙ্গে ইংরাজিতে ঠিক ঐ একই সন্তাপ কানে আসছিল, 'ভ্যানিটি অব্‌ ভ্যানিটিজ্‌ ; অল্‌ ইজ্‌ ভ্যানিটি।' যেন বোম্বদের সেই 'সর্বং শূন্যং, সর্বং ক্ষণিকম্'।

এবং সঙ্গে সঙ্গে কী আশ্চর্য ! বহু, বহু বৎসর পূর্বে দক্ষিণভারতের 'অরুণাচলে' শোনা একটি সংস্কৃত মন্ত্র কানে আসছিল :

কর্তুরাজ্ঞেরা

প্রাপ্যতে ফলম্ ।

কর্ম কিং পরং

কর্ম তঞ্জড়ম্ ॥'

এর বাঙলা অনুবাদ আমার এমনই সুপরিচিত যে, স্বপ্নশেষে সেটিও আমার স্মৃতিপটে ধরা দিল :

'ইশ্বরাস্ত্রাধীন কর্ম ফলপ্রসূ হয়।

জড় কর্ম সেই হেতু দ্বৈশ বাচ্য নয় ॥'

অর্থাৎ কর্ম জিনিসটাই জড়।...ঐ একই কথা—তুমি যে ভাবছো, তোমার যে 'অহংকার', তুমি কর্ম করছো এবং সেই কর্ম থেকে ফল প্রসবিত হচ্ছে। সেটা সর্বৈব মিথ্যা, সেটা ভ্যানিটি ('অহংকার')।

বলতে পারবো না, কটা ভাষাতে, গদ্যে পদ্যে, পদ্যে গদ্যে মেশানো ভাষায়, কত সুরে এই ফিলার্মিনিক্‌ অকে'স্ট্রা চলোঁছিল।

কিন্তু তখনো স্বপ্ন শেষ হয় নি।

শেষ হলো সেই অরুণাচলের আরেকটি শ্লেোক দিয়ে :

ঈশ্বরপিপাতং

নেচ্ছয়া কৃতম্ ।

চিন্তশোধকং

মুক্তিসাধকম্ ॥'

পাঁজরে যেন গুস্তা খেয়ে খড়মাড়িয়ে জেগে উঠলুম।

স্বপ্নলক্ষ প্রত্যাদেশে আমি কিংবাস করি নে। কিন্তু এবারে আমার ঘাড়ে হুড়-মুড়িয়ে আস্ত একটা ট্রাকের চার্লিশ মণ ই'ট খে-ভাবে পড়লো তাতে অত্যন্ত বিমূঢ় অবস্থায়ও আমি হৃদয়ঙ্গম করলুম, আমার কর্ম দ্বারা কোনো কিছুই সমাধান হবে না, শহর-ইয়ার, ডাক্তার, পীর সাহেব—এদের জট ছাড়ানো আমার

‘কম’ নয়, আমার ‘কম’ ঈশ্বর-অর্পিত’ নয়।

অতএব এ-পদুরী থেকে পলায়নই প্রশস্ততম পন্থা।

* * *

তখনো ফজরের নামাজের আজান পড়ে নি। চন্দ্র অস্তে নেমেছে, কিন্তু তখনো রাত রয়েছে। পূর্ব দিকের অলস নয়নে তখনো রক্তভাতি ফুটে ওঠে নি।

প্রথম একটা চিরকুট লিখলুম। তার পর হাতের কাছে যা পড়ে, নূন ময়লা ধূতি কুর্তা পরে, গরীবের যা রেশম তাই পকেটে পুরে চৌর এবং আভিসারিকার সন্মিলিত নিঃশব্দ চরণক্ষেপে নিচের তলার সদর দরজার কাছে এসে দাঁখ, দরজা খোলা। আন্না মেহেরবানু। তখন দাঁখ, বৃক্ষ দারওয়ান শূন্য বদনা দোলাতে দোলাতে দরজা দিয়ে ঢুকছে। পরিষ্কার বোঝা গেল, বৃক্ষ ফজরের নামাজের পূর্বেরকার তাহাজ্জুদের নামাজও পড়ে।

মনে পড়ল, বহু বহু বৎসর পূর্বে, ১৯২১ সালে রবীন্দ্রনাথের বাণ্ডবনের আঁত কাছে, ‘নূতন বাড়িতে’ কয়েক মাসের জন্য আমার আশ্রয় জুটছিল। তখন অনিদ্রাকাতরতাবশত অনিচ্ছায় শয্যাভ্যাগ করে আমলকী গাছের তলায় পাইচারি করতে করতে দেখছি, শূভ্রতম বস্ত্র আচ্ছাদিত গুরুদেব পূর্বাস্য হয়ে উপাসনা করছেন। পরে তাঁর তৎকালীন ভৃত্য সাধুর কাছে শুনছি, তিনি আগের সংখ্যায় তোলা বাসি জলে কী শীত কী গ্রীষ্মে স্নানাদি সমাপন করে উপাসনায় বসতেন। তাঁর সর্বাঙ্গ, তাঁর চেয়ে একুশ বছরের বড় শ্বিল্পেশ্বরনাথকেও আমি শান্তিনিকেতনের অন্য প্রান্তে ঐ একই আচার-নিষ্ঠা করতে দেখছি। রবীন্দ্রনাথের বয়স তখন ষাট; বড়বাবুর একাশ।

কোথা থেকে কোথা এসে পড়লুম। কিন্তু এসব প্রাচীন দিনের কাহিনী বলার লোভ সম্বরণ করা বড় কঠিন। অনেকে আবার শুনতেও চায় যে।

* * *

ঘটিদের একটা মহৎ গুণ, তারা অহেতুক কৌতূহল দেখায় না। যদিও আড়ালে আবডালে বসে তক্কে তক্কে থেকে আপনার হাঁড়ির খবর, পেটের খবর, যে সাদামাটা পোর্টফোলিও নিয়ে বাড়িতে ঢুকলেন, বেরুলেন তার ভিতরকার খবর সব জেনে নেন। আর বাঙালিরা এ-বাবদে বৃক্ষদু। বেমক্কা প্রশ্ন করে অন্য পক্ষকে সন্দিহান করে তোলে। ঘটি তখ্খানি জিভে কানে কুরফর্ম ঢেলে, ঠোঁট দুটো স্টিংকিং প্ল্যাস্টার দিয়ে সেঁটে নিয়ে চড়চড় করে কেটে পড়ে।

তদুপরি এ-বৃক্ষ দারওয়ান এ-বাড়ির অনেক কিছুই দেখেছে। বেশীর ভাগই দুঃখের। যে-বাড়ি একদা গমগম করতো, সে এখন কোথায় এসে ঠেকেছে! ভূতুড়ে বাড়ি বললেও বাড়িয়ে বলা হয় না। সে জানে, প্রশ্ন জিজ্ঞেস করলে যে-সব উত্তর শুনতে হয়, তার অধিকাংশই অপ্রিয়।

আমি তার দিকে চিরকুটটি এগিয়ে দিয়ে বললুম, ‘সাহেব, বেগম-সাহবকো

দেনা।' খুদা-হাফিজ' 'আভি আলা' (সেটা হবে মধ্যে) এ-সব তো বললুমই না বর্খাশশু দিলে তো এক মনুহুতেই সব কামুফ্লাজ ভণ্ডুল হয়ে যাবে।

চিরকুটে লেখা ছিল, 'আমি বোলপুর চললুম; সময়মত আবার আসবো।' 'যঃ পলায়িত স জীবিত।' আমি স্মেল্ছ, দেব-ভাষা জানি নে। 'স জীবিত' না, হয়ে 'যুবতী' ও হতে পারে। সতীত্ব রক্ষা করতে হলে যুবতীকে পলায়ন করতে হয় বই কি!

• * * * *
প্রথম হাওড়াগামী ট্রামের জন্যে মনে মনে অপেক্ষা করতে করতে কদম কদম বাড়িয়ে হাওড়াবাগে এগিয়ে চললুম।

ট্রাম এল। উঠলুম। পাঁচ কক্ষম যতে না যেতেই বুবলুম, 'তে হি নো দিবসা গতাঃ।' আমাদের ছেলেবেলায় ট্রাম গাড়ির কি-সব স্বেন থাকতো স্মিণ্ডিং, শক্-এব্জরবার আরো কত কী। গাড়ি এমনই মোলায়েমে যেত যে, মনে হতো ওয়াই এম সি এ'র বিল্লিয়ার্ড টেবিল পেতে এখানে ওয়ালার্ড্-চ্যাম্পিয়ানশিপ দিব্য খেলা যেতে পারে। বস্তৃত তখনকার দিনে এরকম আরামদায়ক নিরাপদ বাহন কলকাতায় আর শ্বিতীয়াটি ছিল না। আর আজ! প্রতি আচমকা ধাক্কাতে মনে ভয় হলো, কাল রাগিতে যা খেরোঁছ তারা বুব্বি সব রিটার্ন টিকিট নিয়ে গিরোঁছিল, এই বুব্বি সবাই একসঙ্গে হুডুমুড়িয়ে মোকামে ফেরৎ এসে কন্ডাকটরের কাছে 'গুহ কমিশনের রিপোর্ট' পেশ করবেন, আমি ভোরবেলাকার বেহেড মাতাল।

০৬'৫০-এ বারার্ডিন প্যাসেঞ্জার ধরে নির্বিধে বোলপুর ফিরলুম।

কিছু বর্ধমানে চা জুটলো না। বর্ধমানে চা যোগাড় করার ভানুমতী খেল গুণীন একমাত্র শহর-ইয়ারই নব নব ইন্দ্রজালে নির্মাণ করে দেখাতে পারেন। সে তো ছিল না।

ট্রেনে মাত্র একটি চিন্তা আমার মনের ভিতর ঘোরপাক খাচ্ছিল।

এই যে আমি কাউকে কিছু না বলে কয়ে সরে পড়লুম, এটাকে ইয়ো-রোপের প্রাচ্যবিদ্যামহার্ণব পিণ্ডতেরা নাম দিয়েছেন 'পলায়ন-মনোবাস্তি' না কি স্বেন—বোধ হয় 'এস্কেপিজম'—রাজভাষায়। এবং সঙ্গে সঙ্গে তাঁরা তাঁদের সংস্কৃত 'পিণ্ডতের' শ্বিরদরদস্তম্ভের উচ্চাসনে বসে যে তত্ত্ব প্রচার করেন—ইংরেজ 'পিণ্ডত'রা তো বটেনই, এবং তাদেরই নুন-নৈমক-খেকোহনকরণকারী জর্মন ফরাসি 'পিণ্ডতের'ও একাধিক জন—সে তত্ত্বের নির্যাস : 'ভারতীয় সাধু-সন্ত, গুব্বীজ্ঞানী, দার্শনিক-পিণ্ডত সবাই, সঙ্কলেই অত্যন্ত স্বার্থপর, সেলফিশ্। তারা শূদ্র আপন আপন মোক্ষ, আপন আপন নির্বাণ-ইকবল্যানন্দ লাভের জন্য অষ্টপ্রহর ব্যাতিব্যস্ত। বিশ্বসংসারের আতুরকাতরজনের জন্য তাদের কশামাত্র শিরঃপীড়া নেই, নো হিউমেন সিম্পেথি, নো পরোপকার প্রবাস্তি। এই

ভারতীয়দের দর্শন—কী সাংখ্য, কী বেদান্ত, কী যোগ—সবই পাবে এক অনুশাসন, “আত্মচিন্তা করো, আপন মোক্ষচিন্তা করো।” মোস্ট স্লেফিশ্চ এগোইস্টিক ফিলসফি।

এসব অর্ধভুক্ত বমননিঃসৃত ‘আপ্তবাক্য’ যুক্তিকল্পনারা খণ্ডন করা যায় না। ভূতকে বশদূকের গুলি ছুঁড়ে ছায়েল করা যায় না। সেখানে দরকার—জৈসন কে তৈসন—ভেজী সরষে, ঝাঁজালো লঙ্কা পোড়ানো।

সে মুষ্টিযোগ রপ্ত ছিল একমাত্র বৈষ্ণবমতের। এ-স্থলে তিনি প্রয়োজ্য করলেন ঝাঁজালো লঙ্কা-পোড়া। অর্থাৎ ব্যঙ্গ-বিচূপ। অভিযোগ সিংহহস্তে। অথচ সে পুণ্যশ্লোক রচনা এমনই সুনিপুণ পৃচ্ছন ইঙ্গিত তথা সুক্ক্য ব্যঞ্জনা-ভরা যে, আজো, অর্ধশতাব্দীধিক কাল পরও, এখনো কোনো কোনো ‘ভরতপ্রেমী’ ‘হিন্দু সভ্যতা তথা মর্বাদা রক্ষাকরনেগুলা বামনাবতার মন্ডলী’ বৈষ্ণবমতের ব্যঙ্গ বদ্বতে না পেয়ে ‘বৈষ্ণব মূর্দাবাদ, বৈষ্ণব মূর্দাবাদ’ জিগির তুলে গগনচুম্বী লক্ষ্যপ্রদানে উদ্যত হন।

বৈষ্ণবের সেই ‘রামায়ণ সমালোচনার’ কথা ভাবছি।

অবশ্য এ-সব ব্যঙ্গ ছাড়াও এদেশের পাণ্ডিত্যগণ দার্শনিক পদ্ধতিতেও ইয়ো-রোপীয় ‘পাণ্ডিতদের’ মুখ-তোড় উত্তর দিয়েছেন। কিন্তু হয়, দর্শনশাস্ত্রে আমার আলিফের নামে ঠাণ্ডা। আমি অন্য-দৃষ্টি অন্য দর্শনের আশ্রয় নি।

অপবাদটা ছিল কি? আমরা নাকি বস্তুই স্বার্থপর, নিজের মোক্ষচিন্তা-ভিন্ন অন্য কারো কোনো উপকার বা সেবার কথা আদৌ ভাবি নে।

এস্থলে আমার বক্তব্যটি—তার মূল্য অসাধারণ কিছুর একটা হবে না জানি—সামান্য একটি পর্ববৈষ্ণব দিলে আরম্ভ করি। এই বাঙলা দেশে সব চেয়ে বেশী কোন্ গ্রন্থখানা পড়া হয়? অতি অবশ্যই মহাভারত। মূল সংস্কৃত, মহাত্মা কালীপ্রসন্নের অনুবাদ, বা রাজশেখরীয়, কিংবা কাশীরামের বাঙলায় রূপান্তরিত মহাভারত কিছুর-না-কিছুর-একটা পড়ে নি এমন বাঙালী পাওয়া অসম্ভব। এই হিসেবের ভিতর বাঙালী মুসলমানও আসে। প্রমাণস্বরূপ একটি তথ্য নিবেদন করি। দেশ-বিভাগের প্রায় পনেরো বৎসর পর আমি একটি পাকিস্তানবাসিনী মুসলিম ইন্সপেকট্রিস অব স্কুলস্কে শ্রুধোই, ‘আমাদের দেশে কাচা-বাচ্চাদের ভিতর এখন কোন্ কোন্ বই সব চেয়ে বেশী পড়া হয়?’ ক্ষণমাত্র চিন্তা না করে বললেন, ‘রামায়ণ-মহাভারত—বরং মলা উঁচত মহাভারত-রামায়ণ—কারণ মহাভারতই কাচাবাচ্চার পছন্দ করে বেশী। তবে তারা প্রামাণিক বিরাট মহাভারত পড়ে না। গ্রামাঞ্চলে হিন্দু পরিবারে এখনো কাশীরাম, কিন্তু বাচ্চার পড়ে “মহাভারতের গল্প” এই ধরনের সাদা-সোজা চিঠি বই।’ তারপর একটু চিন্তা করে বললেন, ‘অবশ্য ব্যত্যয়ও আছে। আমার ঝারো বছরের ছেলেটা ইতিমধ্যেই তার মামার মত “পুস্তক-কাঁট” হয়ে

গিয়েছে। তাকে কালীপ্রসন্ন আর রাজশেখর দুইই দিলেছিলুম। মাস দুই পরে আমার প্রস্নের উত্তরে বললে, “রাজশেখর বাবুর ভাষাটি বড় সহজ আর সুন্দর। কিন্তু সর্বাঙ্কুর বড় ঠাসঠাসি। কালীপ্রসন্নবাবুটা বেশ ছাঁড়য়ে ছাঁড়িয়ে লেখা। আশ্রম করে ধীরে ধীরে পড়া যায়”। এর পর মহিলাটি একটু হেসে বললেন, ‘জ্ঞানেন,—বলস্ক মুসলমানদের কথা বাদ দিন, তাঁরা তো দেশ-বিভাগের পূর্বেই কারিকুলাম-মাফিক রামায়ণ-মহাভারত অন্নদামঞ্জল মনসামঞ্জল এ-সবেরই কিছুর কিছু গুড়োছিলেন—কিন্তু পার্টিশনের এই পনেরো বৎসর পরও, আমাদের মুসলমান বাচ্চারা “দাতাকর্ণ”-কে চেনে বেশী, কর্ণের অপজিট নাম্বার আরব দেশের দাতাকর্ণ হাতিম তাঈ-কে চেনে কম।’

এই মহাভারতটি যখন বালব্ধবনিতার এতই সুপ্রিয় সূত্ৰপাঠ্য, তখন দেখা যাক, এ-মহাগ্রন্থের শেষ অধ্যায়ের শেষ উপদেশ কি—ভুল বললুম, ‘উপদেশ’ নয়, আপন আত্মবিসর্জনকর্ম্ম্বারা দৃষ্টান্ত-নির্মাণ, আদর্শ নির্দেশ—সেটি কি ?

ধর্মরাজ যুধিষ্ঠিরের প্রাণাধিক প্রিয় চারি ভ্রাতা, মাতা কুন্তীর পরই যে নারী তাঁর জীবনে সর্বাঙ্গিক সমাদৃত্য, যার শপথ রক্ষার্থে এই শান্তিপ্রিয় যুধিষ্ঠির শৃংগস কুরুক্ষেত্রের সমরাজ্যে অবতীর্ণ হলেন, সেই নারী, এবং পর পর তাঁর চার ভ্রাতা মহাপ্রস্থানকপর্বে বর্ণিত হিমালয় আতঙ্কম করার সময় একে একে যখন মৃত্যুমুখে পতিত হলেন, তখন পরম স্নেহশীল যুধিষ্ঠির তাঁদের জন্য ক্ষণতরেও শোক করেন নি, কারো প্রীতি মূহুর্তেক দৃষ্টিপাত না করে সমাহর্তিচক্রে অগ্রসর হতে লাগলেন। এ-সময় সেই কুকুর, যে হস্তিনাপুর থেকে এঁদের অনুগামী হয়েছিল, সেই শূদ্র যুধিষ্ঠিরের পশ্চাতে।

এমন সময়ে ভূমণ্ডল নভোমণ্ডল স্তম্ভশব্দে নিনাদিত করে দেবরাজ স্বর্গরাজ ইন্দ্র যুধিষ্ঠিরের সম্মুখে সমুপস্থিত হয়ে বললেন, ‘মহারাজ, তুমি অবিলম্বে এই রথে সমারূঢ় হয়ে স্বর্গারোহণ করো।’

এর পর উভয়ে অনেক কথাবার্তা হলো। আমার ভাষায় বলি, বিস্তর দর কষাকষি হলো। শেষটার সমঝাওতা ভী হলো। ঐ ষে-রকম দেশ-বিভাগের পূর্বে কংগ্রেস লীগে হয়েছিল। কিন্তু সে তুলনার এখানেই সমাপ্তি। ইতিমধ্যে চতুর্থপাণ্ডব এবং দ্রৌপদী স্বর্গারোহণ করেছেন।

এর পর, পুনরায় আমার নগণ্য ভাষাতেই বলি, বখেড়া লাগল সেই নোড়ি কুস্তাটাকে নিয়ে। যুধিষ্ঠির ফারিয়াদ করে বলছেন, ‘এ কুস্তাটা আমার সঙ্গে সঙ্গে এত দীর্ঘদিন ধরে এসেছে। একে ওখানে ছেড়ে গেলে আমার পক্ষে বড়ই নিষ্ঠুর আচরণ হবে।’

সরল ইন্দ্র মনে মনে ভাবলেন, এ তো মহা ফ্যাসাদ। এই যুধিষ্ঠিরটা তো আপন স্বার্থ কখনো বোঝে নি, এখনও কি আপন কল্যাণ বোঝে না? প্রকাশ্যে বললেন, ‘ধর্মরাজ, আজ তুমি অতুল সম্পদ, পরমাসিদ্ধ, অমরস্ব ও আমার স্বল্পপুঙ্

লাভ করবে (এই 'স্বরূপে লাভ'টা আমি আজ্ঞা বুঝতে পারি নি ; মরলোকের ধর্মরাজ যুদ্ধার্থী হলে তো স্বর্গলোকে তাঁর স্বরূপে লাভ করবেন স্বর্গের ধর্মরাজার অন্তিম বিলীন হয়ে—ইন্দ্রের স্বরূপে লাভ করবেন তো তাঁর পুত্র অর্জুন !) । এসব বিদকুটে বয়নাক্ষা করো না । আমার এই অতি পুত্র, হেডেনলি বেহেশতের মধ্যে ঐ নোড়ি, ঘেয়ো আঁতশয় অপবিত্র কুকুর—আর হাইড্রফবিয়া থাকাকিছুমাত্র বিচিত্র নয়—কি করে ঢুকতে পারে ?'

* * *

এ-সব তাবৎ কাহিনী সঙ্কলেরই জানা । আমি শুধু আমার আপন ভাষাতে কাহিনীটির পুনরাবৃত্তি করার লোভ সস্বরণ করতে পারলুম না । কেউ যেন অপরাধ না নেন । যুগ যুগ ধরে আসমুদ্র-হিমাচল সবাই আপন আপন ভাষাতে মহাভারত নয়া নয়া করে লিখেছে । আমি যখন । আপ্তবাক্য বেদে আমার শাস্ত্রাধিকার নেই । কিন্তু মহাভারতে অতি অবশ্যই আছে । সাবধান ! বাধা দেবেন না । কমুনাল রায়োট লাগিয়ে আপন হক কেড়ে নেব ।

কিন্তু এহ বাহ্য ।

ইয়োরোপীয়রা বলে আমরা স্বার্থপর । তবে আমাদের এই যে সর্বপরিচিত সর্বজনসম্মানিত গ্রন্থে যুদ্ধার্থীর বলছেন, তাঁর স্বর্গসুখের তরে কোনো লোভ নেই, তিনি মোক্ষলুপ্ত নন, এমন কি স্বর্গে না যেতে পারলে তিনি যে তাঁর দ্রাভবর্গ, কুলতী, পাণ্ডালীর সঙ্গসুখও পাবেন না, তাতেও তাঁর ক্লোভ নেই—কিন্তু, কিন্তু, তিনি—

এই 'ভক্ত শরণাগত' কুকুরটিকে কিছুতেই পরিত্যাগ করতে পারবেন না ।

* * *

ট্রেনে কলকাতা থেকে আসতে আসতে এই সব কথা ভাবাছিলুম । স্বপ্নে যে শুনোঁছিলুম, যার মোক্ষা ছিল,

'ওরে ভীরা, তোমার উপর নাই ভুবনের ভার ।

হালের কাছে মাঝ আছে, করবে তরী পার ॥'

'তুই কলকাতা ছেড়ে পালা' । না, যুদ্ধার্থীরকে সামনে রেখে সেই পৃথ্বা অবলম্বন করবো ?—অবশ্য আমি যুদ্ধার্থীর নই বলে, আমার যেটুকু সঙ্গীত আছে সেইটুকু সস্বল করে নিয়ে ।

হজরৎ নবী প্রায়ই বলতেন, 'আল্লার উপর নির্ভর (তওয়াক্কুল্) রেখো ।' একদা এক বেদুইন শুনলো, 'তবে কি, হজরৎ, দিনান্তে উটগুলোকে দাঁড় দিয়ে না বেঁধে মরুভূমিতে ছেড়ে দেব—আল্লার উপর নির্ভর করে?' পরগম্বর মৃদুহাস্য করে বলেছিলেন, 'না । দাঁড় দিয়ে খুঁটিতে বেঁধে আল্লার উপর নির্ভর রাখবে।' অর্থাৎ বাঁধার পরও ঝড়ঝঞ্ঝা আসতে পারে, দাঁড় ছিঁড়ে যেতে পারে, চোর এসে দাঁড় কেটে উট চুরি করে নিয়ে যেতে পারে—এই সব অবোধ্য দৈব-

দাবিপাকের জন্য আল্লার উপর নির্ভর করতে হয়।

তবে কি আমার কলকাতাতে রয়ে গিয়ে যেটুকু করার সেইটুকু করাই উচিত ছিল—আল্লার উপর নির্ভর করে—অর্থাৎ ‘মা ফলেষু কদাচন’ করে :

*

*

*

শুনে যাবার সমস্ত হঠাৎ একটি কথা মনে পড়ে যাওয়াতে আপন মনে একটু হাসলাম।

সেই পাকিস্তানী মহিলাকে শূধিয়েছিলুম, বলা নেই কওয়া নেই, হঠাৎ এই নাপাক কুকুরটা মহাভারতে ঢুকলো কেন ?

তিনি বলেছিলেন, ‘আমি ভেবে দেখেছি কথাটা।... আসলে কি জানেন, মহাভারত সব বয়সের লোকের জন্যই অবতীর্ণ হয়েছে—বাচ্চাদের জন্যও।

তারা কুকুর বেরাল ভালোবাসে। তাই তারা কুকুরের জন্য সর্বস্ব ত্যাগ দেখে মৃগ্ন হয়। ঐটেই তাদের কাছে সর্বশ্রেষ্ঠ আত্মত্যাগ।’

বাইশ

কলকাতা,

হাজার হাজার আদাব তসলিমাৎ পর পাক জনাবে আরজ এই,

সৈয়দ সাহেব,

আমি ভেবেছিলাম, দু’একদিনের ভিতর আপনাকে সব-কথা খুলে বলার সুযোগ পাব, কিন্তু আপনি হঠাৎ চলে গেলেন। আপনার ডাক্তার বিস্মিত ও ঈর্ষ্য নিরাশ হয়েছেন। কিন্তু আমি চিন্তা করে দেখলাম, এই ভালো। আপনার সামনে আমার বক্তব্য রাখার সঙ্গে সঙ্গে আপনি এমন সব আপত্তি, প্রতিসমস্যা তুলতেন যে, শেষ পর্যন্ত আমার কোনো কিছই বলা হয়ে উঠতো না। তাই চিঠিই ভালো। কে যেন আপন ডায়েরি লেখার প্রারম্ভই বলেছেন, মানুষের চেয়ে কাগজ ঢের বেশী সহিষ্ণু।

অবশ্য একথা আবার অতিশয় সত্য যে পত্র লেখার অভ্যাস আমার নেই। ভাষার উপর আমার যেটুকু দখল সেও নগণ্য। তাই যা লিখব তা হবে অগোছালো। তবে তার সঙ্গে সঙ্গে একথাটিও বলি; আমার ভাবনা-চিন্তা সবই এমনই অগোছালো যে অগোছালো ভাষাই আমার অগোছালো মনোভাবকে তার উপযুক্ত প্রকাশ দেবে। তদুপরি আমি জানি, আপনি গোছালো অগোছালো সব স্নানিশ সব সারবস্তু মেশানো যে ঘট্যট, তার থেকে সত্য নির্যাসটি বের করতে পারেন।

আপনি হয়তো অধৈর্য হয়ে উঠছেন। আমি মোশদা কথায় আসিছি না কেন? সেটাতে আসবার উপায় জানা থাকলে তো অনেক গাজগোলই কেটে যেত।

আপনার গুরুদেব রবীন্দ্রনাথের ধর্মসঙ্গীত আমার বৃক্কে তুফান তোলে না, সে কথা আপনাকে আমি বলছি। এখনও ফের বলছি—আপনার সে-রাগের দীর্ঘ ডিফেন্সের পরও। অথচ এম্বলে আমাকে তাঁরই শরণ নিতে হলো।

গানটি আপনি নিশ্চয়ই জানেন :

‘যদি জানতেম আমার কিসের ব্যথা

তোমায় জানাতাম।’

এম্বলে আমি এটা স্বীকার করে নিচ্ছি, যে, কবিগুরুর তুলনায় আমি শোকদুঃখ পেয়েছি অনেক অনেক কম। আপনি সে-রাগে তাঁর একটার পর একটা দুটো বের কাহিনী বলার পূর্বে আমি সেদিকে ও-ভাবে কখনো খেয়াল করি নি। আপনার এই সুন্দরমাত্র তথ্যোন্মত্ত অসম্মার মনে গভীর দাগ কেটেছে। আমি ভাবিছিলুম, রবীন্দ্রনাথ পর পর এতগুলো শোক পাওয়ার পরও কি জানতে পারলেন না, তাঁর ‘কিসের ব্যথা’, তাঁর শোকটা কোন দিক থেকে আসছে ?

তাই অসম্মোচে স্বীকার করছি, আমি এখনো ঠিক ঠিক জানি নে, ‘আমার কিসের ব্যথা’, আমার অভাব কোন্‌খানে, যার ফলে বিলাসবৈভবের মাঝখানেও যেন কোনো এক অসম্পূর্ণতার নিপীড়ন আমাকে অশান্ত করে তুলেছিল।

কিন্তু এখানে এসেই আমার বিপত্তি—এতদিন ধরে আমার সঙ্গ সঙ্গ আছে। আপনার সঙ্গ প্রথম পরিচয়ের দিন থেকে। এবং সত্য বলতে কি, তার অনেক আগের থেকেই। কিশোরী অবস্থার যখন প্রথম পরপুরুষের সঙ্গ আলাপ হয় তখন থেকেই। পুরুষ কথাটার উপর আমি এখানে জোর দিচ্ছি।

আমার বিপত্তি, আমার সমস্যা—পুরুষমানুষ কি কখনো নারীর মন বুঝতে পারে, চিনতে পারে, হৃদয় দিয়ে অনুভব করতে পারে? সাহিত্যজ্ঞ সমালোচক পণ্ডিতরা বলেন, সার্থক সাহিত্যিকের ঐ তো কর্ম, ঐ তো তার সত্যকার সাধনাজীর্ণ সিদ্ধি। জমিদার রবীন্দ্রনাথ গরীব পোস্টমাস্টার, ভিনদেশী কাবুলীওয়ার বৃকের ভিতর প্রবেশ করে তাদের হৃদয়ানুভূতি স্পন্দনে স্পন্দনে আপন স্পন্দন দিয়ে অনুভব করে তাঁর সৃজনীকলায় সেই অনুভূতিটি প্রকাশ করেন। যে কবি, যে সাহিত্যিক আপন নিজস্ব সত্তা সম্পূর্ণ বিস্মরণ করে, অপরের সত্তায় বিলীন হয়ে যত বেশী গ্রহণ করে আপন সৃজনে প্রকাশ করতে পারেন তিনিই তত বেশী সার্থক কবি, সাহিত্যিক।

এ-তত্ত্বটা আমি স্বীকার করে নিচ্ছি। কিন্তু আমার দৃঢ়তর বিশ্বাস, পুরুষ কবি, পুরুষ সাহিত্যিক কখনো, কস্মিনকালেও নারীর হৃদয়ে প্রবেশ করতে পারে নি, পারবেও না; তার কারণ কি, কেন পারে না, সে নিয়ে আমি অনেক চিন্তা করেছি, কিন্তু কোনো সদন্তর পাই নি।

যদিও কিঞ্চিৎ অব্যক্তর তবু এই প্রসঙ্গে একটি কথা তুলি। নারী-হৃদয়ের স্পন্দন এবং পুরুষ-হৃদয়ের প্রতিস্পন্দনের আলোচনা নয়; নারী পুরুষের একে

অন্যকে হকম দিয়ে অনুভব করার যে চিন্ময় প্রেম সেটাও নয়। আমি নিতান্ত মৃগ্ময়, শারীরিক যৌন সম্পর্কের কথা তুলছি। আজকাল সাহিত্যিক, তাঁদের পাঠক সম্প্রদায়, খবরের কাগজে পত্র-লেখকের দল সবাই নিভায়ে এ-সব আলোচনা সর্বজনসমক্ষে করে থাকেন। আমার কিন্তু এখনো বাধো বাধো ঠেকে। কত হাজার বৎসরের 'না, না'-র taboo আজ অকস্মাৎ পেরিয়ে যাই কি প্রকারে ?

তবে আমার এইটুকু সান্ত্বনা, যাঁর আপ্তবাক্যের শরণ আমি নিচ্ছি, তিনি আপনার গুরু গুরু শ্বিজেন্দ্রনাথ ঠাকুর।

কে 'দেশ' পত্রিকার সঙ্গে আপনি বহু বৎসর ধরে বিজড়িত সেই পত্রিকাতেই বেরিয়েছিল তাঁর একখানা চিঠি। আমার শব্দে শব্দে মনে নেই। তবে মূল ভুক্তিটি আমার মনে স্বলস্বল করছে।

কে যেন তাঁকে শূধিয়েছিল, পুরুষ যখন কখনো কোনো রমণীকে দেখে কামাতুর হয় (এখানে দেহাতীত স্বর্ণীয় প্লাতানিক প্রেমের কথা হচ্ছে না), তার কামকে উত্তেজিত করে রমণীর কোন কোন জিনিস ?

তার মুখমণ্ডল, তার গুণ্ডাধর, তার নয়নাশ্রিত, তার কুচম্বয়, তার নিতম্ব, তার উরু।

এইবারে প্রশ্ন, কোনো পুরুষকে দেখে যখন কোনো রমণী কামাতুরা হয় তখন কি দেখে তার কামবাহি প্রস্বলিত হয় ?

যে-ভদ্রলোক দার্শনিক শ্বিজেন্দ্রনাথকে এ-প্রশ্ন শূধিয়েছিলেন তাঁর পত্র 'দেশ' পত্রিকায় প্রকাশিত হয় নি। কিন্তু 'দেশ' প্রকাশিত শ্বিজেন্দ্রনাথের পত্রোত্তর থেকে সে-প্রশ্নের মোটামুটি স্বরূপ অনুমান করা যায়।

আবার বলছি, শ্বিজেন্দ্রনাথ কি উত্তর দিয়েছিলেন সেটি আক্ষরিক, হুবহু আমার মনে নেই। তিনি যা লিখেছিলেন তার মোহদা তাৎপর্য ছিল; তিনি যে এ-সম্বন্ধে কোনো চিন্তা করেন নি, তা নয়। কিন্তু কোনো সদুত্তর খুঁজে পান নি।

তারপর ছিল ইংরিজি একাট সেস্টেন্স। যতদূর মনে পড়ছে, তিনি লিখলেন, But why ask me? Ask Rabi. He deals in them. অর্থাৎ বলতে চেয়েছিলেন, তিনি দার্শনিক, এ-সব ব্যাপারে তিনি বিশেষজ্ঞ নন; তবে লার্কিল তাঁর ছোট ভাইটি এ-বাবদে স্পেশালিস্ট; তিনি প্রেম, কাম, নিস্কাম-প্রেম সম্বন্ধে সূচীর্ষিত অন্বেষণ দিতে পারেন।

কিন্তু সৈয়দ সাহেব, পীর সাহেব, আমার ব্যক্তিগত বিশ্বাস কনিষ্ঠ ভ্রাতাটিও এ-বিষয়ে খুব বেশী ওয়াকিফ্‌হাল ছিলেন না। প্রথম যৌবনে তিনি এ-সব নিয়ে কাঁবতা লিখেছেন, কিন্তু বোলপুরে ব্রহ্মচার্যপ্রম প্রতিষ্ঠা করার পর তিনি—যাকে বলে হট্-স্টাফ—সেটাকে তাঁর গানের বিষয়বস্তু করেন নি। বোধ হয় ভেবেছিলেন, তাঁর রচিত হট্-স্টাফ্‌ গান আশ্রমের ব্রহ্মচারী ব্রহ্মচারিণীরা দিনের পর দিন শুনবে, এটা কেমন বেন বাছনীয় নয়। এবং এগুলো তো আর ওয়টার-

টাইট কমপার্টমেন্টে বন্ধ করে খাস কলকাতার বয়স্কদের কন্‌জাম্পশনের জন্য চালান দেওয়া যায় না। ওগুলো বৈশিষ্ট্য কিছুর ভাগ বন্টনের মত ফিরে আসবে সেই বোলপুরেই—প্রথম যুগে গ্রামোফোন রেকর্ডের “কল্যাণে”, পরবর্তী যুগে বেতার তো ঘরে ঘরে।

অথবা বিনয় আমার সঙ্গ না। আমি রবীন্দ্রসঙ্গীত বৈশিষ্ট্য ভালো করেই চিনি, অবশ্য বিশ্বভারতী প্রকাশন বিভাগের মত তাঁর গানের “ফুলস্টপ-কম্পার্শালিস্ট” নই। তাই অফহ্যান্ড বলছি তাঁর শেষের দিকের গানের একটিতে হট-স্টাফের কিশোরী পরশ আছে :—

“বাসনার রঙে লহরে লহরে

রাঙিন হল।

করণ তোমার অরণ অধরে

তোলো হে তোলো।”

আর বার বার বলছেন, “পিয়ো হে পিয়ো।” সর্বশেষে বলছেন, আমার এই তুলে-খরা পান-পাত্র চুম্বনের সময় তোমার নিশ্বাস যেন (আমার) নিশ্বাসের সঙ্গে মিশে যায়।

এই যে প্রিয়র “নবীন উষার পুষ্পসুবাসের” মত নিশ্বাস, একে নিঃশেষে শোষণ করার মত সাবলাইম কাম আর কী হতে পারে ?

কিন্তু আপনার মুখেই শুনছি, রবীন্দ্রভক্তদের ভিতর এ-গানটি খুব একটা চালু নয়। অথচ দেখুন, সিনেমা এটা নিয়েছে, গ্রামোফোন এটা রেকর্ড করেছে। মাফ করবেন, আমার মাঝে মাঝে মনে হয়, এইসব তথাকথিত রবীন্দ্রভক্তদের চেয়ে ব্যবসায়ী সিনেমা, গ্রামোফোন কোম্পানি রবীন্দ্রনাথ ক বহু বহু বার অধিকতর সম্মান দেখিয়েছে, নিজেদের সুরচর্চা পরিচয় দিয়েছে।

হ্যাঁ, আগে ভাবি নি, এখন হঠাৎ মনে পড়লো আরেকটি গানের কথা। এটি অবশ্য হট-স্টাফ নয়, কিন্তু আমার মূল বক্তব্যের সঙ্গে এর যোগ রয়েছে।

“ঝড়ে যায় উড়ে যায় গো

আমার মূখের আঁচলখানি।

ঢাকা থাকে না হায় গো,

তারে রাখতে নারি টানি ॥

আমার রইল না লাজলজ্জা,

আমার ঘুচল গো সাজসজ্জা—

তুমি দেখলে আমারে

এমন প্রলম্ব-মাঝে আনি

আমায় এমন মরণ হানি ॥”

আজ্ঞা, চিন্তা করুন তো এ-গানটি কেন্দ্র সম্বন্ধে রচনা ? ভাষার পারিপাট্য-

স্বতঃস্ফূর্ত মিলের বাহার, আরো কত না কারুকার্য—যেগুলো চোখে পড়ে না, কারণ প্রকৃত সার্থক কলার ভিতরে তারা নিজেদের এফাট'লেসলি বিলীন করে দিয়েছে—এগুলো তো ঐ গানের পরবর্তী শ্লেকের ভাষায় “আকাশ উজ্জলি” লাগিয়ে বিজ্ঞান আমাকে পরিষ্কার ইঙ্গিত দিচ্ছে, গানটি কবির পরিপক্ব বয়সের অত্যুৎকৃষ্ট সৃজন। নিশ্চয়ই এ-শতাব্দীর শ্বিতীয় বা তৃতীয় দশকে।

কিন্তু যে গুণী আমাকে এ-গানটি শুনিয়েছিলেন এবং শেখাবারও চেষ্টা করেছিলেন তিনি “গীর্ভিতানে” যে মূর্ছিত পাঠ আছে তার থেকে মাত্র একটি শব্দ পরিবর্তন করে গানটি গেয়েছিলেন; ছাপাতে আছে, ঝড়ের দুর্দান্ত বাতাসে কে যেন আতঁরব করছে, তবে ‘মুখের আঁচলখানি উড়ে যাচ্ছে।’

গুণী বলেছিলেন, “১৯২০-১৯৩০”—এ মুখের আঁচল উড়ে যাওয়াতে কোন মেয়ে এরকম চিল-চ'গাচানো চেঞ্জার্চেন্সি পাড়া-জাগানো হৈ-হুঞ্জোড় আরম্ভ করবে? তার নাকি “সাজসজ্জা লাজলজ্জা” বেবাক কপ্পুর হয়ে গেল। (এম্বলে বালি, ঐ গুণীটি আপনার ভাষার অনুকরণ করেন।) আর শব্দ কি তাই? তাকে “প্রলয় মাঝে আনি/এমন মরণ হানি”—“তুমি দেখলে আমারে!”—

গুণী বললেন, ‘এটা হতেই পারে না। আসলে গানটি কি ছিল জানেন? সে যখন ভূমিষ্ঠ হয় সে ছিল তখন উলঙ্গ। সে গান ছিল,

“ঝড়ে যায় উড়ে যায় গো

আমার বৃকের

বসনখানি”

অর্থাৎ ঝড়ে মুখের “আঁচলখানি” যায় নি, গেছে “বৃকের বসনখানি”।

কিন্তু গানটি প্রথমবার গাওয়া মাত্রই যাঁরা সে নিতান্ত ঘরোয়া জলসাতে উপস্থিত ছিলেন, তাঁরা কেমন যেন অশ্বস্তি অশ্বস্তি ভাব প্রকাশ করে কেউ বা জানলা দিয়ে প্রাকৃতিক সৌন্দর্য নিরীক্ষণ করতে লাগলেন, কেউ বা পায়ের বৃড়ো আঙুলের নখ খুঁটতে লাগলেন। রবীন্দ্রনাথ নূতন গান প্রথমবার সর্জন-সমক্ষে গাওয়া হয়ে যাওয়ার পরই আপন প'য়াসনে চশমাটি পরে নিয়ে সঙ্কলের মুখের দিকে এক নজর চোখ বুলিয়ে নিতেন এবং বৃক্ষে যেতেন, নূতন গানটি শ্রোতাদের হৃদয়-মনে কি প্রতিক্রিয়া সৃষ্টি করেছে। এবারে তিনি বৃক্ষে গেলেন, কোনো কিছুর্তে একটা খটকা বেধেছে—যেটা অবশ্য ছিল বড় বিরল। তাই কাকে যেন শূধোলেন—আমার ঠিক ঠিক মনে নেই—ব্যাপারটা কি? কারণ আজ আমরা স্পষ্ট দেখতে পাচ্ছি, গানটি অপূর্ব।

তখন কে যেন একজন সভয়ে বললেন, “ঐ বৃকের বসন” কেউ, কেউ মিসআন্ডারস্টেণ্ড করতে পারে হয়তো।”

রবীন্দ্রনাথ এ-সব রসের আসরে তর্কাতর্কি করতেন না। চুপ করে একটু-খানি ভেবে বললেন, “আচ্ছা দেখছি।”

আশ্রমে রাত্রের খাবার ঘণ্টা পড়ে গেল। সভা ভঙ্গ হলো।

তার পর দিনই টোলগ্রাম পেয়ে কলকাতায় ফিরে আসতে হলো। তার কিছুদিন পরে ছাপাতে দাঁখি,—গান্ধী কোথায় যেন বেরিয়েছিল—“বুকের বসনের” বদলে “মুখের আঁচল” এই বিরূপ নিয়ে প্রকাশ পেয়েছে।”

“গুণী কিছুটা সহানুভূতিমাথা সুরে আপন বক্তব্য শেষ করলেন এই বলে, “অর্থাৎ সেই নবন নবজাত শিশু গান্ধীটির উপর রবীন্দ্রনাথ পরিষ্কারে দিলেন চোখা-চাপকান—পাঁচজনের পাল্লায় পড়ে।...এ-সম্বন্ধে আমার মতামত তো বললুম, কিন্তু কবি, সুরকার, নব নব রাগরাগিনীর সৃষ্টিকর্তা রবীন্দ্রনাথকে সমালোচনা করার—নিন্দাবাদ দূরে থাক—আমার কী অধিকার! আমার অতি নগণ্য রসবোধ যা বলে, সেইটেই প্রকাশ করলুম মাত্র।

কিন্তু প্রিয় সৈয়দ সাহেব, এই যে মুখের আঁচল, বুকের বসন নিয়ে কাহিনীটি ঐ গুণী কীর্তন করেছিলেন সেটা নসিখে লিজেডারি বা—আপনাদের রকের ভাষায় গুলুও হতে পারে, কিংবা এর ভিতর সিকি পরিমাণ সত্যও থাকতে পারে। কারণ ঐ গুণী প্রধানত গাইতেন শাস্ত্রীয় সঙ্গীত। সেখানে তাঁকে ক্রমাগত ইম্‌প্রভাইজ করতে হয়, নব নব রস সৃষ্টি করার জন্য নব নব কল্পনার আশ্রয় নিতে হয়। সেটা পরে অভ্যাসে দাঁড়িয়ে যায়। তাই তো সঙ্গীতের ক্ষেত্রে ওস্তাদদের নিয়ে এত গন্ডায় গন্ডায় লিজেড। হয়তো তিনি সেটা নিছক কল্পনা দিয়ে রঙে রসে জ্বাল বনেছেন, এবং বার বার একে ওকে সেটা বলে বলে, সেই “রেওয়াজের” ফল স্বরূপ নিজেই এখন সে-কাহিনী সর্বান্তঃকরণে বিশ্বাস করেন।

আপনিই না এক দিন বলেছিলেন, “পরিপূর্ণ পাক্ষা মিথ্যাবাদী হওয়ার পথে যেতে যেতে যারা উত্তম সুযোগ না পেয়ে দড়কচ্চা মেরে গেল, অর্থাৎ যাদের গ্রোথ্‌ স্ট্যান্টেড্‌ হয়ে গেল, তারাই আর্টিস্ট, সাহিত্যিক, কবি, আরো কত কী!

তবে ঐ যে-লিজেডারি কাহিনী এই মাত্র বললুম, সেটা সত্য না হলেও হওয়া উচিত ছিল,—এবং যাই হোক, যাই থাক—কাহিনীটি ক্যারেক্টারিস্টিক এবং টিপিক্যাল।

কিন্তু আপনি এতক্ষণে নিশ্চয়ই আঁতস্ত হয়ে উঠেছেন—আবার ভাবছেন, আপনাকে আমার এ-চিঠি লেখার উদ্দেশ্যটা কি? এখ-খুনি বলাই।

আমার বক্তব্য, কী রবীন্দ্রনাথ, কী কালিদাস, কী বুদ্ধদেব—কেউই রংগী-রহস্য এ-যাবত আদৌ বুঝে উঠতে পারেন নি। সহস্র বৎসরের এই সাধনার ধন পুরুষমানুষ অন্ধকারে হাতড়ে হাতড়ে শূন্য খুঁজেছে কিন্তু সম্ভান পায় নি।

প্রশ্নটা তো অতি সরল। যা দিনে আমি এ-চিঠি আরম্ভ করছি। উপস্থিত কঠিনতর সমস্যা, রহস্যগুলো বাদ দিন। সেই যে অতিশয় সাদামাটা প্রশ্ন :

পুরুষের কি দেখে রমণী কামাতুর হয়? এবং সেটা শূধু নারী পুরুষেই সীমাবদ্ধ নয়। পশুপক্ষী কীটপতঙ্গও সেটা সমানভাবে বিদ্যমান। অর্থাৎ অবজ্ঞাকটিভ্ স্টাডি করারও পূর্ণ সুযোগ রয়েছে।

অথচ কিমাশ্চব্ মতঃপরম্ ! হাজার হাজার বৎসর চেষ্টা করেও পুরুষজাত যখন এর সমাধান বের করতে পারে নি, তখন এই ভেড়ার পাল, এই পুরুষজাত—স্বপরাধ নোবন না—বের করবে স্ত্রীচরিত্রের রহস্য, তাদের প্রেমের প্রহেলিকা—যেটা শারীরিক সম্পর্কের বহু বহু উর্ধ্বে—তাদের হৃদয়ের আধা-আলো আকারের কুহেলিকা !

তাই নিবেদন, এই পুরুষজাতকে আমার কোনো প্রয়োজন নেই। ডাক্তার না, পীর না, আপনিও না।

পুরুষজাতটা যে মেয়েদের তুলনায় মুখ এবং আপন মঙ্গল কোন্ দিকে সেটা না বৃক্ষে বাঁদরের মত যে-ডালে বসে আছে সেই ডালটাই কাটে কুড়িয়ে-পাওয়া করাও দিয়ে। নইলে এই সাত হাজার বছর ধরে এত বৃক্ষ, এত রক্তপাত ! আমার নিজের বিশ্বাস, স্ত্রীজাতি যদি এ-সংসারের সর্ব গবর্ণমেন্ট চালাতো, কিংবা এখনো চালায় তবে ও-রকম-খারা হবে না। আজো যদি ইউনাইটেড নেশনস্ থেকে সব কটা পুরুষকে ঝেঁটিয়ে বের করে দিয়ে নারীসমাজকে প্রতিষ্ঠিত করা হয়, তবে তারা ন'মাস দর্শাদিনের ভিতর মার্কিন-রুশ-মৈত্রী প্রসব করবে ! আমি আপনার মত দেশবিদেশ ঘুরি নি ; যেটুকু দেখেছি তার মধ্যে সব চেয়ে মুগ্ধ হয়েছি, শিলঙের খাসিয়া সমাজে বাস করে—কারণ সে-সমাজ চালায় মেয়েরা। শূনেছি বমার সমাজব্যবস্থাও বড়ই সহজ সরল পদ্ধতিতে গড়া।

আরেকটা কথা : হজরৎ মুহম্মদ নবী ইসলাম স্থাপনা করেন। এবং সে শূভকর্মের প্রারম্ভিক মঙ্গলশুখ কাকে দিয়ে বাজালেন? কাকে তিনি সর্বপ্রথম এই নবীন ধর্মে দীক্ষিত করলেন? তিনি তো বীবি খাদিজা—নারী। তার পর আসেন পুরুষ সম্প্রদায়, হজরৎ আলী, আবু বকর, ওয়র ইত্যাদি। তা হলে দেখুন, আপনি মুসলমান, আমি মুসলমান, অন্ততঃ আমাদের স্বীকার করতে হবে যে সর্বজ্ঞ আল্লাতাল্লা—যিনি সত্যং জ্ঞানমনঃতং—তিনিই তাঁর শেষ-ধর্ম প্রচারের সময় একটি নারীকে সর্বোচ্চ আসন দিয়েছিলেন। ফাতিমা জিন্নাহ যখন পাকিস্তানের প্রেসিডেন্ট হবার জন্য আইয়ুব সাহেবের বিরুদ্ধে দাঁড়ান তখন কলকাতার কোনো কোনো মুসলমান আপিস্ত জানিয়ে বলেন, তিনি নারী। আমি তখন বলেছিলাম, পাকিস্তানের প্রেসিডেন্ট হওয়ার চেয়ে মুসলিম জাহানে সর্বপ্রথম মুসলমানরূপে দীক্ষিত হওয়ার শ্লাঘাগৌরব অনেক অনেক বেশী—কোনো তুলনাই হয় না। সেই সম্মান যখন একটি নারী তেরশ' বছর পূর্বে পেয়েছে তখন আরেকটি আজ প্রেসিডেন্ট হতে পারবেন না কেন ?

তখন তাঁরা তর্ক তোলে, কিন্তু হজরৎ নবী তো পুরুষ ।

আমি বলি, তাঁর তো আল্লার বাণী—যার নাম ইসলাম—আল্লার কাছে মিশন রূপে পেয়ে বীথী খাদিজাকে সেইটি দিলেন । স্বয়ং নবী তো ঐহিসেবের মধ্যে পড়েন না । (এস্থলে আমার মনের একটি ধোঁকা জানাই । উত্তর চাই নে । কারণ পূর্বেই বলেছি, আপনাদের কাউকে দিয়ে আমার কোনো প্রয়োজন নেই । এ-চিঠির উত্তর আপনাকে লিখতে হবে না, কারণ সেটি আমি পাবো না ।...ব্রাহ্মধর্মের সর্বপ্রথম ব্রাহ্ম কে ? প্রাতঃস্মরণীয় রাজা রামমোহন ? তবে তাঁকে ব্রাহ্মধর্মে দীক্ষিত করলো কে ?...কিংবা নিন্ বুদ্ধদেব । তিনি স্বয়ং কি বৌদ্ধ ? তাঁকে বৌদ্ধধর্মে দীক্ষিত করলো কে ? অন্যদের বেলা, যেমন খৃষ্ট, রামমোহনের বেলা অনুমান করতে পারি, স্বয়ং গড্ (গ্লাহ্ভে) বা পরব্রহ্ম খৃষ্টকে খৃষ্টধর্মে, রামমোহনকে ব্রাহ্মধর্মে দীক্ষিত করেন, কিন্তু বুদ্ধের বেলা ? তিনি তো ভগবান সম্বন্ধে সম্পূর্ণ উদাসীন ছিলেন, এবং বলেছেন তিনি, তাঁরা (দেবতারা) থাকলেও তাঁরা মানুষকে সাহায্য করার ব্যাপারে অশক্ত । তা হলে ?...এবং আজকের দিনের ভাষায় মার্ক্‌স্ কি মার্ক্‌সিস্ট ? লেনিন অবশ্যই মার্ক্‌সিস্ট, কিন্তু লেনিন কি লেনিনিস্ট ?)

কিন্তু একটা কথা পুরুষমাগকেই স্বীকার করতে হবে ।

আল্লার হুকুমেরই দৃশ্য অদৃশ্য সব-লোকই চলে, কিন্তু মানুষের কৃতিত্বও তো মাঝে মাঝে স্বীকার করতে হয় ।

“অদ্যাপিও মধ্যে মধ্যে পুণ্যবান হয় ।

নারীরে স্বীকার কারি জয় জয় কয় ।”

হজরৎ নবী এঁদেরই একজন । বড় বিরল, বড় বিরল, হেন জন যে নারীকে চিনে নিয়ে তার প্রকৃত ন্যায্য স্বীকৃতি দেয় । তাই হজরৎ বলেছিলেন,

“বেহেশ্ মাতার চরণপ্রান্তে ।”

এবং নিশ্চয়ই তখন একাধিক দীক্ষিত মুসলমানের অমুসলমান মাতা ছিল । হজরৎ এস্থলে কোনো ব্যত্যয় করেছেন বলে তো জানি নে । এবং এ-কথাও জানি হজরৎ শিশুকালেই তাঁর মা'কে হারান ।

আমি হাড়ে হাড়ে অনুভব করতে পারছি, আপনি অতিষ্ঠ হয়ে উঠেছেন ।

আমি করজোড়ে ক্ষমা ভিক্ষা করছি এবং সপ্তে সপ্তে নিবেদন করছি, আপনার উদ্দেশ্যে লেখা এই চিঠিই আমার শেষ চিঠি । আপনি নিশ্চিন্ত থাকুন । পূর্বেই বলেছি, এ-চিঠির উত্তরও আপনাকে লিখতে হবে না ।

আপনিই আমাকে একদিন বলেছিলেন, যখন আপনার কোনো পাঠক বহু সন্ন্যাসিভ্রাড়া, নানাধি প্রশ্নসম্বলিত দীর্ঘ পত্র লিখে, দফে দফে তার প্রতিটি প্রশ্নের সদুত্তরসহ দীর্ঘতর উত্তরের প্রত্যাশা করে তখন আপনি মনে মনে স্মিতহাস্য করে বলেন, ভদ্রলোক বা জানতে চেয়েছেন, সেগুলো একটু গুঁছিয়ে রম্যরচনাকারে “দেশ” বা “আনন্দবাজারে” পাঠিয়ে দিলে তো আমার দিব্য

দু'পয়সা হয়। আর লেখা জিনিসটা নাকি আপনার পেশা। ওটা আপনার নেশা নয়। এবং পেশার জিনিস তো কেউ ফ্রী বিলিয়ে বেড়ায় না। আমি তাই আপনার কাছ থেকে কোনো কিছু মক্ষতে চাই নে।

(শহর-ইয়ারের চিঠি এতখানি পড়ার পর অকস্মাৎ “শংখচুড়ের ডংশনের” মত আমাকে সে-চিঠি স্মরণে এনে দিল, আমি এমনই পাশ্চাত্য যে, যবে থেকে, পোড়া পেটের দায়ে লেখা জিনিসটাকে পেশারূপে স্বীকার করে নিয়েছি, সেই থেকেই, শহর-বাঁগত ঐ কারণবশতই আপন বউকে পর্যন্ত দীর্ঘ প্রেমপত্র লিখ নি। শূন্যভত হয়ে ভাবলুম, সেই যে স্যাকরা যে তার মাসের গয়নার ভেজাল দিইয়েছিল আমি তার চেয়েও অধম। স্যাকরা তবু ভালো মন্দ বাহোক মা'কে এক-জোড়া কাঁকন তো দিইয়েছিল, আমি সেটিও প্রকাশক সম্পাদককে পাঠাচ্ছি! ...এই অনুশোচনার মাঝখানে আমার মনে যে শেষ চিন্তাটির উদয় হলো সেটি এই : এ-হেন নিমর্ম আচরণে হয়তো আমিই একা নই। নেইবনে হয়তো আমি একাই খাটাশ হয়েও বাঘের সম্মান পাচ্ছি নে। আরো দু'চারটে খাটাশ আছেন! কিন্তু হয়, তাঁরা তো আমাকে পত্র লিখে তাঁদের হাঁড়ির খবর জানাবেন না!)

*

*

*

আত্মচিন্তা স্বদেহ-‘ডংশন’ স্থগিত রেখে আবার শহর-ইয়ারের চিঠিতে ফিরে গেলুম। এবং সপ্তে সপ্তে স্বীকার করছি, নিলশ্জের মত স্বীকার করছি, অকস্মাৎ পুরুষাবিশেষে রূপান্তরিত এ-রমণীর জাতক্লেবে পরিপূর্ণ এই পত্রখানা আমার খুব একটা মন্দ লাগছিল না।

এর পর ইয়ার লিখেছে,—

আদিখেস্তা, না, আদিখেস্তা? কিন্তু আপনি এই মেয়েলী শব্দটি বুঝবেন। আপনি ভাবছেন, আমি আদিখেস্তা, বা আপনাদের ভাষায় “আধিক্যতা” করছি। কিন্তু আপনি তো অন্তত এইটুকু জানেন—যদিও, অপরাধ নেবেন না, স্ত্রী-চরিত্রে আপনার জ্ঞান এবং অনুভূতি ঠিক ততটুকু, যতটুকু একটা অশ্ব এশ্কমোর আছে, হুগলি নদীর অগভীর বিপদসংকুল ধারায় পাইলট জাহাজ চালাবার—আপনি নিশ্চয়ই জানেন, এ-হাফাকার দৈন্যের মরুভূমিতে আমি একা নই, আমার মত বিস্তর রমণী রয়েছে যাদের জীবন শূন্য। হিন্দু মুসলমান উভয় সম্প্রদায়েই। কিন্তু তাদের অধিকাংশই—বিশেষ করে হিন্দু রমণী—সেটা জীবনভর এমনই আশ্চর্য সংগাপনে রাখে যে তাদের নিকটতম আত্মজনও তার আভাসমাত্র পায় না। গুরুগানে আছে তাঁর বেদনার

“ভরা সে পাত্র তারে বুকু করে

বেড়ানু বহিন্না সারা রাত ধরে।”

আর এই রমণীদের বেলা তাদের বেদনার

“ভরা সে পাত তারে বৃকে করে

বেড়ান, বঁহিয়া সারা আন্ন ধরে ।”

ঐ যে আপনার ‘ভক্ত’ খানের ঠাকুরমা । তিনি যে তাঁর সমস্ত জীবন শূন্যে শূন্যে কাটিয়েছেন তার আভাস কি তার জাদু ভূতনাথ (হোয়াট এ নেম ! আমার বিশ্বাস ওর বাপ-মা তার নাম রেখেছিলেন ‘অনিন্দ্যাসুন্দর’ খান’ এবং বড় হয়ে, এ্যাজ এ প্রটেস্টে, সে অন্য এক সৃষ্টিমে গিয়ে, এফডেভট দিয়ে ‘ভূতনাথ’ নাম নেয়) পর্যন্ত পেয়েছে ?

ঐ ঠাকুরমার শূন্যতা এবং আমার শূন্যতা যেন হংসমিথুনের মত আমাদের একে অন্যকে কাছে টেনে নিয়ে আসে । ওঁদকে উনি নিষ্ঠাবতী ব্রাহ্মণী এবং আমিও গরীবনী মুসলমানী । শূন্যেছি, প্রলয়ঙ্করী বন্যার সময় একই গাছের-গুঁড়ির উপর ঠাসাঠাসি করে সাপ, ব্যাঙ, ইঁদুর, নকুল, গোসাপ নিরাপদ তাঁরের আশায় ভেসে ভেসে যায় । কেউ তখন কারো শত্রুতা করে না, এমন কি আপন অসহায় ভক্ষ্য প্রাণীকেও তখন আক্রমণ করে না । আর আমাতে ঠাকুমাতে তো পান্না-সোনার মির্জাট মানানসই । আমরা দুজন্য বসে আছি একই নোকায় । একমাত্র রাজনৈতিক সুরবিধাবাদীরা বলে, হিন্দু মুসলমানের সম্পর্কটা অহিনকুলের—আজকের দিনের ভাষায় বজ্রুয়া প্রলেতারিয়ার) । আর আমাদের উভয়ের সামনে,

“টেউ ওঠে পাড়ে কাঁদার, সম্মুখে ঘন আঁধার

পার আছে কোন্ দেশে ॥...

হাল-ভাঙা পাল-ছেঁড়া ব্যথা

চলেছে নিরুদ্দেশে ॥

পথের শেষ কোথায় শেষ কোথায়

কী আছে শেষে !”

ঐ তো আমার ‘দোষ’ । কোনো-কিছু বলতে গেলেই আমার রসনায় এসে আগুন নেন রবিঠাকুর, কালিদাসের রসনায় যে-রকম বীণাপানি আসন জমিয়ে মধুচক্র গড়তেন । আর লোকে ভাবে—হয়তো ঠিকই ভাবে—আমার নিজস্ব কোনো ভাব-ভাষা নেই, আমি “চাঁচতা গর্দভী”—রবিকাব্যের গামলার নীল রঙে আমার খবলকুষ্ঠের মত সাদা চামড়াটি ছুঁপিয়ে নিয়ে নবজলধরশ্যাম কলির মেরিক কেণ্ট হয়ে গিয়েছি !

কিন্তু আপান জানেন, আপনাকে অসংখ্য বার বলেছি, আমি রাজা পিণ্ণামালিয়োন—এম্বলে রবীন্দ্রনাথ নির্মিত মর্মরমূর্তি । বরণ তারো বাড়ী । পিণ্ণামালিয়োন তাঁর গড়া প্রস্তরমূর্তিতে প্রাণসঞ্চার করতে অক্ষম ছিলেন বলে দেবী আফ্রোদিতেকে প্রার্থনা করেন, তাঁর সেই মূর্তিটিকে জীবন্ত করে দিতে । দেবীরা—পূর্বেই কথ্য স্মরণ করে দিয়ে আবার বলছি, পুরুষের তুলনায় তাঁর

চিরন্তনী করুণাময়ী। “খন্য মা মেরি, তুমি, মা, পূর্ণা করুণাময়ী” সর্বদেবীর সর্বশেষ সর্বাঙ্গসুন্দরী মা-জননী—দেবী আফ্রোদিতে রাজার বর পূর্ণ করে দিলেন। এ-স্থলে দেবীর এমন কী কেরামতী, কী কেরদানী! পক্ষান্তরে দেখুন, আমার এই মূর্ত্যু-দেহ নির্মাণের জন্য, প্রশংসা হোক, নিন্দা হোক, সেটা পাবেন আমার জনক-জননী। কিন্তু সে-দেহটাকে চিন্ময় করলো কে? গানে গানে, রসে রসে, রামধনুর সপ্তবর্ণের সঙ্গে মিশিয়ে তার ভিতর দিয়ে উড়ে-যাওয়া নন্দনকানন-পারিজাত রঙে রঞ্জিত প্রজাপতির কোমল-পেলব জানা দুটি বীচি বর্ণে, নবীন উষার পুষ্পসুবাসে, প্রেমে প্রেমে, বিরহে বিরহে, বেদনা বেদনায় কে নিরামল আমার হৃদয়, আমার স্পর্শকাতরতা, কোণের প্রদীপ যে-রকম জ্যোতিঃসমুদ্রে মিলিয়ে যায় হুবহু সেইরকম সৌন্দর্যসাগরে ক্ষণে ক্ষণে দিনে দিনে আমার নিজের সত্তাকে বিলীন করে দেবার জন্য স্বতঃস্ফূর্ত আকুলতা—এটি নির্মাণ করলো কে? মহাপ্রভুর বর্ণ দেখে কে যেন রচাছিলেন—শব্দে শব্দে মনে নেই—

“চাঁদের অমিয়া সনে চন্দন বাটীয়া গো,

কে মাজিল গোরার দেহখানি!”

ভারী সুন্দর! আকাশের চাঁদ আর পৃথিবীর চন্দন—অর্থাৎ স্বর্গের দেবতা চন্দ্র আর এই মাটির পৃথিবীর চন্দন দিয়ে, কন্দসী স্ভারা স্বর্গমর্ত্যের সমন্বয়ে মাজা হল গোরাক্ষের দেহখানি! কিন্তু মহাপ্রভুর ভাষাতেই বলি এহ বাহ্য। ‘দেহ’ তো বাইরের বস্তু।

বাগডি শ’রাজা পিগমালিয়োনকে অবশ্যই ছাড়িয়ে গিয়েছেন। তিনি তাঁর মূর্তি এলাইজাকে দিলেন সূক্ষ্ম ভাষা এবং সুভদ্র বিষয় নিয়ে সর্বাৎকষ্ট সমাজে আলোচনা করার অনবদ্য দক্ষতা।

শ’কে ছাড়িয়ে বহু বহু সম্মুখে এগিয়ে গেলেন রবীন্দ্রনাথ। আমার চিত্তময় হৃদয় জগৎ নির্মাণ করে তিনি আমাকে যে বৈভব দিয়েছেন, শ’র সৃষ্টি তার শতাংশের একাংশও পায় নি।

আপনাদের ছেড়ে যাওয়ার পূর্বে আপনার সম্মুখে শেষবারের মত আমার শেষ গুরুদাক্ষিণী নিবেদন করে গেলুম।

কিন্তু মেয়েদের এই শূন্যতা, দীনতা, ফ্রাসট্রেশনের জন্য দায়ী কে?

নারী হয়েও বলবো, তার জন্য সর্বাঙ্গে দায়ী রমণীকুল। প্রধানতঃ।

আপনারই গুরু স্বর্গত ক্লিঁতমোহন সেনের “দেশ” প্রকাশিত রচনাতে একটি সুভাষিত পড়েছিলুম,

“কুঠারমালিনং দৃষ্টবা

সর্বে কম্পাণ্ডিতা দ্রুমাঃ।

বৃন্দ্র দ্রুমো বস্তি, “মা ভৈঃ
ন সন্তি জ্ঞাতয়ো মম” ॥

“কুঠারমালাধারীকে দেখে সমস্ত গাছ যখন কম্পাশ্বিত তখন বৃন্দ্র একটি গাছ বললে, ‘এখনই কিসের ভয়? এখনো আমাদের (জ্ঞাতি) কোনো গাছ বা বৃন্দ্রাংশ ওর পিছনে এসে যোগ দেয়নি’।

শহুর-ইয়ার লিখছে, বড় হক্ কথা। কামারের তৈরী কুড়ালের সুন্দ্রমায় লোহার অংশটুকু দিয়ে কাঠুরে আর কি করতে পারে, যতক্ষণ না কাঠের টুকুরো দিয়ে ঐ লোহার ঢুকিয়ে হ্যাণ্ডল বানায়। পুরুষজাত ঐ লোহা; সাহায্য পেল মেয়েদের সহযোগিতার কাঠের হ্যাণ্ডল। তাই দিয়ে যে-মেয়েরই একটু ‘বাড়’ হয় তাকে কাটে, আর যেগুলো নিতান্ত নিরীহ চারা গাছ বা যে-সব বছর-বিগ্নানীরা গণ্ডায় গণ্ডায় বাচ্চা বিইয়ে বিইয়ে জীবন্ত তাদের রেহাই দেয়।

এই সব অপকর্মে যুগ যুগ ধরে সাহায্য করেছে মেয়েরাই। শুনোছি, সতীদাহের পুণ্যসম্পন্ন করার জন্য বিধবাকে প্ররোচিত করেছে সমাজপ্রণয়ী নারীরাই।

এত দিন বলি নি, এই বারে আপনাদের কাছ থেকে বিদায় নেবার বেলা বলি, এই কলকাতার মুসলমান মেয়েরা—দু’চারটি হিন্দুও আছেন—আপনার সঙ্গে আমার অবাধ মেলা-মেশা দেখে টিডিট্রাকার দেয় নি? বেহায়া বেআরু বেপর্দা বেশরম, তওবা তওবা বলে নি? তবে কি না, আপনি বিলক্ষণ অবগত আছেন, “চাঁদের অমিয়া সনে চন্দন বাটিয়া” হয়তো আমার দেহ এমন কি হৃদয়ও মাজা হয়েছে, কিন্তু আমার মস্তিস্ক, তর্জনিত বৃন্দ্র এবং বিশ্বব্রহ্মাণ্ডকে অবহেলা করার মত আমার গণ্ডারচর্মবিন্দিত দার্ঢ্য নির্মিত হয়েছে, সুইডেনের প্যার স্টেনলেস স্টীল ও সাউথ আফ্রিকার আন্-কাট্ ডায়মন্ড মিশিয়ে। আর আছেন, ভূতনাথের ঠাকুমা। যাকে বলতে পারেন আমার টাওয়ার অব পাওয়ার।

তদুপরি আমার অভিজ্ঞতা বলে, এই সব “আজ-আছে-কাল-নেই” জিভের লির্কালিকানি অনেকখানি বিলুপ্ততাধমনা পরশ্রীকাতরতা বশতঃ। ইলিয়েট রোডের সায়েব মেমরা বর্ডিনে যখন নানাবিধ ফুর্তির সঙ্গে একে অন্যকে জড়িয়ে ধরে খেই খেই করে নৃত্য করে তখন আমরা—হিন্দু-মুসলমানরা—প্রাণভরে ছ্যা ছ্যা করি বটে, কিন্তু তখন কসম খেতে হলে ধোওয়া তুলসী পাতাটির পাট্ পেল করা বশ্ব করে শ্বীকার করতে হবে, মনের গোপন কোণে হিংসেন মরি, “হায়! আমাদের রন্দী বৃড্‌টা সমাজ এ-আনন্দ থেকে আমাদের বশ্বিত করলো কেন?” নয় কি? সত্য বলুন। কিন্তু আপনার কথা আলাদা। আপনি বিদেশে বিস্তর নেচেছেন, আর এখন, আমাদের মত নিরীহদের মৃদুমন্দ নাচাচ্ছেন। আহা! গোস্‌সা করলেন না তো? শুনোছি, সৈয়দরা বস্ত্র রাগী হন। তবে সঙ্গে সঙ্গে একটা সান্ত্বনার বাণীও পেলোছি; ওঁদের রাগ নাকি খড়ের আগুনের মত—

ধপ্ করে জ্বলে আর ঝপ্ করে যায় নিভে—সঙ্গে সঙ্গে ।

অবশ্য একটা জিনিস আমাকে গোড়ার দিকে কিছুটা বেদনা দিগ্নেছিল—এই সব নগণ্য ক্ষুদে ক্ষুদে, কিন্তু বিবেৰ্ভাৰ্ৎ চেরা-জ্জিভ যখন আমার স্বামী, আপনার বন্ধু ডাক্তারের বিরুদ্ধে হিস্ হিস্ করে বিষ বমন করতো । সেখানে আমি যে নাচার । আমি কি রকম জানেন ? আপনার ডাক্তার যখন কোনো রুগীকে ইন্‌জেকশন দেয় তখন আমি সৈদিকে তাকাতে পারি নে । আমার বলতে হচ্ছে করে, না হয় দাও না, বাপ্, ইন্‌জেকশনটা আমাকেই ।

অবশ্য আল্লার মেহেরবাণী । ডাক্তারের কাছে এ-সব হাম্‌লা পৌঁছয় না । তাঁর রিসার্চ-ক্লরফরম্ দিয়ে তিনি তাঁর পণ্ডিত্য অবশ্য অসাড় করে রেখেছেন ।

আপনাকে বলোঁছি কি সেই গল্পটা ? এটি আমি শুনোঁছি বাচ্চা বয়সে আমাদের বাড়ির এক নিরক্ষরা দাসীর কাছ থেকে । তাই এটা হয়তো লোকমুখে প্রচলিত আণ্ডলিক কাহিনী মাত্র—কেতাব-পড়ে স্থান পায় নি বলে হয়তো আপনার অজানা ।

এক বাদশা প্রায়ই রাজধানী থেকে দূরে বনের প্রান্তে একটি নিজ্‌র্ন উদ্যান-ভবনে চলে যেতেন শান্তির জন্য । সেখানে বালক যুবরাজের ক্রীড়াসঙ্গী নর্ম-সখা-রূপে জুটে যায় এক রাখাল ছেলে । তাদের মধ্যে রাজপুত্র কৃষকপুত্রের ব্যবধান ছিল না ।

বাদশা মারা গেলে পর যুবরাজ বাদশা হলেন । দীর্ঘ কুড়ি বৎসর ধরে যুবরাজ আর সুযোগ পান নি সেই উদ্যানভবনে আসার । যখন এলেন তখন সন্ধান নিলেন তাঁর রাখাল বন্ধুর—স্বয়ং গেলেন তার পর্গকুটরে । রাখাল ছেলে পূর্বেই মত মোড়ামুড়ি দিল । যুবরাজ শূধোলেন, “তোমার বাপকে দেখাঁছি না যে ?”

“তিনি তো কবে গত হয়েছেন ! আল্লা তাঁর আত্মার মঙ্গল করুন ।”

“গোর দিলে কোথায় ?”

“ঐ তো হোথায়, খেজুর গাছটার তলায় । বাবা ঐ গাছের রস আর তাড়ি খেতে ভালোবাসতো বলে আমাকে আদেশ দিয়ে গিয়েছিল তাকে যেন ওরই পায়ের কাছে গোর দি ।” (নাগরিক বিদগ্ধ ওমর খৈয়ামও দ্রাক্‌কাজে সমাধি দিতে বলেছিলেন, না ?)

রাখাল ছেলে জানতো, আগের বাদশা গত হয়েছেন । তাই শূধলো, “আর হুজুর বাদশা'র গোর কোথায় দেওয়া হলো ?”

ঈশং গর্ভভরে নবীন রাজা বললেন, “জানো তো রাজা-বাদশারা বড় নিমক-হারাম হয়, বাপের গোরের উপর কোনো এমারং বানায় নাও ।...আমি, ভাই, সেরকম নই । বাবার গোরের উপর বিরাট উঁচু সৌধ নির্মাণ করেছি, দেশ-বিদেশ থেকে সর্বোত্তম মার্বেল পাথর যোগাড় করে ।...এই বনের বাইরে

গোলেই তার চুড়োটা এখান থেকেও স্পষ্ট দেখা যায়।”

রাখাল ছেলে বললে, “সে আর দেখি নি ? কিন্তু তুমি, ভাই, করেছ কি ? শেষবিচার কিয়ামতের দিন. আল্লার হুকুমে ফিরিশ্তা ইসরাফিল যখন শিশু বাজাবেন তখন কত লক্ষ লক্ষ পাথর খুঁড়ে খুঁড়ে ভেঙে ভেঙে উঠতে হবে বেহেশৎ বাগে। তাঁর জন্য এ মেহেন্তী তৈরী করলে কেন ?...আর আমার বাবা তার গোরের উপরকার আধ হাত মাটি এক ধাক্কায় ভেঙে ফেলে হুশ হুশ করে চলে যাবে আল্লার পায়ের কাছে।”

*

*

*

প্রিয় সৈয়দ সাহেব, আমাকে দিয়েছে জ্যাস্ত গোর বিরাট ই*ট-সুর্কির এই বাড়িতে। বধু হলে যে-সন্ধ্যায় এ-বাড়িতে প্রথম প্রবেশ করি তখনই আমার শরীরটা কেমন যেন একটা শীতলতার পরশে সিরুসিরু করেছিল, যদিও আমার পরনে তখন অতি পুরু আড়ি-বেল বেনারসী শাড়ি, কিংখাপের জামা আর সর্বাঙ্গ জড়িয়ে আপনার ডাক্তারের ঠাকুমার কাশ্মীরী শাল—যার সান্না জরির ওজনই হবে আধসের।

আপনি এ-বাড়ির অতি অল্প অংশই চেনেন। এ-বাড়ির পুরো পরিষ্কমা দিতে হলে ঘণ্টাটোক লাগার কথা। আমাকে কয়েক দিন পর পরই এ-পরিষ্কমা লাগাতে হয়। প্রথম প্রথম খুব একটা মন্দ লাগতো না—প্রাচীন দিনের কতশত সম্পদ, টুর্কিটাকি, নবীন দিনের সঞ্জয়ও কিছ, কম যায় না—এসক কার যেন প্রেক্ষেণ্ট দেওয়া একটা টোলিভিসন সেট—যদিও কবে যে এটা কাজে লাগবে, সেটা ভবিষ্যতের গর্ভে ! যেন যাদুঘরে এটা-ওটা দেখাছ, ঘুরে বেড়াচ্ছি।

কিন্তু চিন্তা করুন, যদি আপনাকে যাদুঘরে আহারনিদ্রা দাম্পত্য-জীবন যাপন করতে হয়, তবে কি রকম হাল হয় !

তবু বলি, এও কিছ নয়। সামান্য ই*ট-পাথর, প্রাচীন দিনের সঞ্জয়—এরা প্রাণহীন। এরা আমার মত সজীব প্রাণচঞ্চল জীবকে আর কতখানি সম্মোহিত করবে ?

কিন্তু এরা যে সবাই সর্বস্ব চিন্তার করে করে আমাকে শোনচ্ছে,

“ট্র্যাডিশন ! ট্র্যাডিশন !! ঐতিহ্য ! ঐতিহ্য !!”

সবাই বলছে, সাত পুরুষ ধরে এই খানদানী পরিবারে যা চলে আসছে, সেইটে তোমাকে মেনে চলতে হবে, বাঁচিয়ে রাখতে হবে, এবং মরার সময়েও তার ভবিষ্যতের জন্য পরিপাটি ব্যবস্থা করে যেতে হবে।

আর যারা জ্যাস্ত ? নায়েব, তাঁর পরিবারবর্গ, এ-বাড়ির দারওয়ান ড্রাইভার বাবুচি চাকর হালালখোর, পাশের মসজিদের ইমাম মোয়াজ্জিন সঙ্কলের চেহারাতোই ঐ একটি শব্দ নিঃশব্দ ফুঠে উঠছে : ট্র্যাডিশন। বিগলিতার্থ : বেগমসাহেবা যদি খানদানী প্রাচীন পন্থা মেনে চলেন তবে আমরা তাঁর

গোলামের গোলাম, আমরা নামাজের পর পাঁচ বেকৎ আল্লার পদপ্রান্তে লুটিয়ে বসবো, “ইয়া খুদা, এই শহর-ইয়ার বানু ‘জিল্লুল্লা’, এই দুনিয়ায় ‘আল্লার ছায়া’। তারই সশীতল ছায়াতে আমাদের জীবন, আমাদের সংসার, আমাদের মৃত্যু, আমাদের মোক্ষ। তুমি তাকে শতায়ু করো, সহস্রায়ু করো! আমেন!”

আমি সিনিক্ নই। তাদের এ-প্রার্থনায়, তাদের ঐতিহ্যরক্ষার্থ-কামনায় প্রচুর আন্তরিকতা আছে, কিন্তু সঙ্গে সঙ্গে আছে সেই আদিম ইনস্টিঙ্কট্, জীবনসংগ্রামে কোনোগতিকে টিকে থাকবার, কোনোগতিকে বেঁচে থাকবার প্রচেষ্টা।—আজ যদি কালীঘাটের মন্দির নিশিচ্ছ করে পুরনু পুজোরীদের আদেশ দেন “চরে খাও গো!” তবে তারা যাবে কোথায়? বর্তমান যুগোপযোগী জীবনসংগ্রামে যুদ্ধ করার মত কোনো ট্রেনিং তো এদের দেওয়া হয় নি। এদের অবস্থা হবে, খাঁচার পাখিকে হঠাৎ ছেড়ে দিলে যা হয়। খাঁচার লৌহদুর্গে দীর্ঘ-কাল বাস করে সে আত্মরক্ষার কৌশল ভুলে গিয়েছে, দু’বেলা গোরস্তের তৈরী ছোলা-ফাঁড়িং খেয়ে খেয়ে ভুলে গিয়েছে আপন খাদ্য সংগ্রহ করার ছলা-বলা।

আবার আমার ‘লোক-লস্করের’ কথায় ফিরে আসি। এদের সবাইকে যদি আমি কাল ডিসমিস করে দি,—সে এস্তেয়ার ডাক্তার আমাকে দিয়েছেন—তবে কি হবে? অধিকাংশই না খেয়ে মরবে। তারা শূন্য জানে ট্র্যাডিশন। তাদের জন্ম হয়েছে এ শতাব্দীতে, কিন্তু মৃত্যু হয়ে গিয়েছে উনবিংশ শতাব্দীর গোড়াতেই।

আমি একাধিকবার চেষ্টা দিয়েছিলুম এ-বাড়িতে ফ্রেস্ স্ক্লাড আমদানি করতে। চালাক চতুর দু’একটি ছোকরাকে বয়ু হিসেবে নিয়ে এসেছি। জানেন কি হলো? পক্ষাধিক কাল যেতে না যেতেই তারা ভিড়ে গেল প্রাচীনপন্থী দারওয়ান বাবুর্চার সঙ্গে। বন্ধু গেল, রুটির ঐ-পাঠেই মাখন মাখানো রয়েছে। সিনেমা যাওয়া পর্যন্ত তারা বন্ধ করে দিল। অক্লেশে হৃদয়ঙ্গম করলুম, দেড়শ’ কিংবা তারো বেশী ট্র্যাডিশনের মায়াজাল ছিন্ন করার মত মোহমুগ্ধার আমি রাতারাতি—রাতারাতি দূরে থাক, বাকি জীবনভর চেষ্টা করলেও—নির্মাণ করতে পারবো না।

অবশ্য আমার দেবতুল্য স্বামী আমাকে বাসরঘরেই স্বাধীনতা দিয়ে-ছিলেন, স্বর্ বাবদে—সে-কথা আমি আপনাকে পূর্বেই বলেছি। কিন্তু স্বাধীনতা দিলেই তো সব মূশকিল আসান হয়ে যায় না। স্বাধীনতা পেয়ে খাঁচার পাখিটার কি হয়েছিল? অনাহারে যখন ভিন্নি গিয়ে চৈত্রের ফাটাচেরা মাঠে পড়ে আছে, তখন শিকরে পাখি তাকে ছেঁ মেরে তুলে নিয়ে গাছের ডালে বসে কুরে কুরে তার জিগর-কলিজা খেল।

সে-কথা জানে বলেই এ-বাড়ির লোক আমাকে প্রথম দিনই খাঁচাতে পুরতে চেরেছিল। ওরা সবাই ট্র্যাডিশনের খাঁচাতে। খাঁচার ভিতরকার

নিরাপত্তা, অস্বস্তি বাইরে কোথায় পাবে? আমাদের এক সমাজতত্ত্ববিদ নাকি বলেছেন, ১৯৪৭-এ স্বাধীনতা না পেলেই নাকি আমাদের পক্ষে ভালো হতো। ও'র বক্তব্য, ইংরেজ আমলে নাকি আমাদের ঘৃণিতলবণতৈলতণ্ডুলবন্দু-ইশ্বনের দৃষ্টিশক্তি ছিল অনেক কম।

এই বারে মোম্বা কথা বলি। সেই রাখাল ছেলের বন্ধুর পিতা বাদশা তাঁর সমাধিসৌধের প্রস্তর ভেঙে ভেঙে উঠতে যত না হিমসিম খাবেন, তার সঙ্গে আমার এই উৎকট সংকটের কোনো তুলনাই হয় না। জ্বালন্ত গোবরের মানুষ আপন ছটফটানিতে নিরুশ্ব-নিশ্বাস হয়ে প্রাণবায়ু ত্যাগ করে।

তথ্যটি আমি ঐ খানদানী পাষণদুর্গে থাকতে চাই নি। ঠিক মনে নেই, তবে গল্পটি খুব সম্ভব সার্থক সাহিত্যিক শ্রীযুক্ত আশাপূর্ণা দেবীর; একটি বালিকা স্বাধীনতা আন্দোলনে সংশ্লিষ্ট করে একটি যুবকের সংস্পর্শে এসে স্বাধীনতা সংগ্রামের আদর্শে উদ্দীপ্ত হয়। অহেতুক যোগাযোগের ফলে তার কিন্তু বিয়ে হয়ে গেল এক অতি দুর্ধর্ষ কৃষাণরক্তশোষণ জমিদারের ছেলের সঙ্গে। আমার মনে নেই, মেরোটি হয়তো বা অনিচ্ছায় বিয়ে করেছিল, কিংবা হয়তো বলদপ্ত পদে স্বামীগৃহে প্রবেশ করেছিল, কঠোর প্রতিজ্ঞা নিয়ে যে এ-জমিদার পুরুষ-ক্রমে যা করেছেন, যেটা দু'ছত্রে বলা যায়,

“পাকা রাস্তা বানিয়ে বসে দু'খীর বুক জুড়ি

ভগবানের ব্যথার 'পরে হাঁকায় সে চার-ঘুড়ি।”

(আবার রবীন্দ্রনাথ! এই মুহম্মদী মামদোর উপর তিন আর কত বৎসর ভর করে থাকবেন!) সেই পিচেশী রক্তশোষণ সে চিরতরে বন্ধ করবে—আপ্রাণ সংগ্রাম দিয়ে, প্রয়োজন হলে পরমারাধ্য স্বামীকে পর্যন্ত চ্যালেঞ্জ দিয়ে, ডিফাই করে।

এবং দিয়েও ছিল সে মোক্ষম লড়াই তাঁর খাণ্ডারনী শাশুড়ীর বিরুদ্ধে—তিনিই ছিলেন এই প্রজা-শোষণ-উচাটনের চক্রবর্তিনী।

সংক্ষেপে সারি। তার বহু বৎসর পরে কি পরিস্থিতি উদ্ভাসিত হলো? সেই পূর্বে'রটাই। যথা পূর্বে তথা পরং! যবৎ তবৎ পূর্বে'বৎ। ইতিমধ্যে শাশুড়ী মারা গিয়েছেন এবং সেই “বিদ্রোহী” তনুদেহধারিণী বধূটি দশাসই গাড়ুগুম্ কলেবর ধারণ করে হয়ে গেছেন সে-অশ্লের ডাকসাইটে রক্তশোষণী!

ট্র্যাডিশন! ট্র্যাডিশন!! সেই দ' থেকে বাঁচে কটা ডিঙি?

কিংবা রবীন্দ্রনাথের সেই কথিকাটি স্মরণে আনুন;

“বুড়ো কতীর মরণকালে দেশসুখ সবাই বলে উঠল, 'তুমি গেলে আমাদের কী দশা হবে!...দেবতা দয়্যু করে বললেন...লোকটা ভূত হয়েই এদের ঘাড়ে চেপে থাক না। মানুষের মৃত্যু আছে, ভূতের তো মৃত্যু নেই।”

সেই ভূতই হলো ট্র্যাডিশন!

তারপর মনে আছে সেই ভূত-ট্র্যাডিশনের পায়ের কাছে “দেশসুম্ম সবাইকে” কি খাজনা দিতে হলো ?

“মশান থেকে মশান থেকে বোড়ো হাওয়ায় হা হা করে উত্তর আসে [খাজনা দেবে] ‘আন্নু দিয়ে, ইচ্ছত দিয়ে, ইমান দিয়ে, বুকের রক্ত দিয়ে’ ।” ।

সৈয়দ সাহেব, আমি ট্র্যাডিশন ভূতের খপরে সে-‘খাজনা’ দিতে রাজী ছিলুম না। তার কারণ এ নয় যে আমি রূপণ। কিন্তু এ-মূল্য দিলে যে আমার সর্বসত্তা লোপ পাবে, আমার ধর্ম আমার ইমান যাবে।

সুভদ্রা আশাপূর্ণার সেই বধুর মত দিনে দিনে আপন সস্তা হারিয়ে হারিয়ে আমি আমার শ্বশুরবাড়ির অচলায়তনে বিলোপ হতে চাই নি। সেইটেই হতো আমার মহতী বিনাশি।...

কিন্তু তবু জানেন, সৈয়দ সাহেব, হাসিকান্না হীরাপান্না রান্নাবান্না নিয়ে আমার দৈনন্দিন জীবন কেটে যাচ্ছিল। আমাদের কাঁচকাঁচা বয়সে একটা মামুলী রাসিকতার কথোপকথন ছিল, “কি লো, কি রকম আঁহিস?” “কেটে যাচ্ছে, কিন্তু রক্ত পড়ছে না।” আমার বেলা কিন্তু “দিন কাটার” সঙ্গে সঙ্গে হুংপিণ্ড কেটে কেটে রক্ত করে করে ফুসফুসের রশ্মি রশ্মি প্রবেশ করে সৈগুলোকে বন্ধ করে দিয়ে আমার শ্বাসপ্রশ্বাস নিরুশ্বাসিঃশ্বাস করে তুলেছিল। সর্বশেষে একদিন আমাকে ডুবে মরতে হতো, আমার আপন দিল-বরা খুনে। আমি কর্তার কাছে শুনোছি, যুদ্ধের সময় বুলেটের সামান্যতম এক অংশ যদি হুংপিণ্ডে ঢুকে সেটাকে জখম করতে পারে তবে তারই রক্তক্ষরণের ফলে সমস্ত ফুসফুস ফ্লাডেড হয়ে যায়, এবং বেচারি আপন রক্তে ড্রাউনড হয়ে মারা যায়।

অবশ্য আমার বেলা বুলেটের টুকরো নয়। ঐ ভূতুড়ে বাড়ির ট্র্যাডিশনের একথানা আস্ত চাই।...

আপনি অবশ্যই শূন্যে, অকস্মাৎ তোমার এ-পরিবর্তন এল কি করে ?

পরিবর্তন নয়। জাগরণ। নব জাগরণ।

*

*

“রূপনারাণের কূলে

জ্যেগে উঠিলাম

জানিলাম এ জগৎ

স্বপ্ন নয়।

রক্তের অন্ধরে দেখিলাম

আপনার রূপ...”

আমার ‘নব জাগরণের’ পর আমি এ-কবিতাটি নিয়ে অনেক ভেবেছি। স্পষ্টত এখানে রূপনারাণ রূপকাথে। অবশ্য এর পিছনে কিছুটা বাস্তবতাও

থাকতে পারে। শূন্য, পশ্চিম নয়, কবি গঙ্গাতেও নৌকোর করে সফরে
 বেরনতেন। হয়তো বজবজ অঞ্চলে কোথাও ঘুমিয়ে পড়েছিলেন ; হঠাৎ ঘুম
 ডাঙল ডারমশাহারবারের একটু আগে যেখানে রূপনারায়ণ নদী গঙ্গার সঙ্গে
 এসে মিশেছে। জেগে উঠলেন রূপনারায়ণের কূলে, 'কোলে'ও হতে পারত।
 স্বপ্ন' দেখাছিলেন এতক্ষণ। অর্থাৎ তাঁর আশী বৎসরের জীবন স্বপ্নে স্বপ্নে,
 স্বপ্নের অবাস্তবতায় কাটাবার পর হঠাৎ রূপনারায়ণের কূলে পরিপূর্ণ বাস্তবের
 অর্থাৎ 'রূপের' সম্মুখীন হলেন। এক আলংকারিক রূপের ডেফিনিশন দিতে
 গিয়ে বলেছেন, ভূষণ না থাকলেও যাকে ভূষিত বলে মনে হয় তাই 'রূপ'।
 অর্থাৎ পিওর, নেকেড রিয়ারলিটি। তার কোনো ভূষণ নেই।

সার 'নারায়ণ' অর্থ তো জানি ; নরনারী যার কাছে আশ্রয় নেয়।

আমি অতত এই অর্থে ই কবিতাটি নিয়েছি।

তাই আমি জপ করি দেই আল্লাহ (নারায়ণ) আশ্রয় নিয়ে, তাঁর রূপ-
 স্বরূপকে স্মরণ করে, যার নাম "লতীফ" (সুন্দর)। এবং তিনি শিব এবং
 সত্যও বটেন।

কারণ আমি যখন আমার রূপনারায়ণের তীরে পৌঁছলুম, রূঢ়তমরূপে
 আমার নিদ্রাভঙ্গের 'বিক্রমের' সম্মুখীন হলুম তখন শূন্য বে আমার
 পূর্ব-বর্ণিত

ট্র্যাডিশন ! ট্র্যাডিশন !!

ট্র্যাডিশনের পাষণপ্রাচীর নির্মিত 'অচলয়তন' দেখতে পেলুম, তাই নয়।

আতঙ্ক, বিস্ময়, এমন কি নৈরাশ্যে প্রায় জীবমৃত্যবস্থায় আমি আরো
 অনেক অশ্রুপ্রাচীর, কনসেনট্রেশন ক্যাম্পের চতুর্দিকে যেরকম চার দফে
 ইলেকট্রিকফাইড লোহার কাঁটাজাল থাকে সেগুলোও দেখতে পেলুম।

এবং তার চেয়েও মারাত্মক বিভীষিকাময় : ভুল আদর্শ, ভুল মরালিটি,
 বেকার 'পরোপকার,' মহাশূন্যে দোদুল্যমান আলোকস্তর উপর স্তরে স্তরে
 ফুটে-ওঠা সঙ্কীর্ণের ক্ষণস্থায়ী আকাশকুসুম, কবি বায়রনের ভাষায়

"এ যেন জীর্ণ প্রাসাদ ঘোরিয়া

শ্যামা লতিকার শোভা,

নিকটে ধূসর জর্জর অতি

দূরে হতে মনোলোভা !!"

আমি কি সব ভুল দেখেছিলাম তার ফিরিস্তি আপনাকে দিতে খেলে পুরো
 একখানা "মোহম্মদী পঞ্জিকা" লিখতে হবে। এক কথায় দেহের ভুল, হৃদয়ের
 ভুল, মনের ভুল—পশ্চিমদ্বয়ের ভুল। অর্থাৎ কিশোরী অবস্থা থেকেই শূন্য
 করেছি ভুল এবং চলোঁছি ভুল পথে।

আমি নিরাশাবাদী নই, অতএব টেলে সাজাতে হবে নতুন করে। জীবনের

সঙ্গে রিটান'ম্যাচের এখনো সমস্ব আছে—প্রস্তুত করবার ।

কিন্তু পত্থা কি ?

শিশু যেমন মায়ের হাতে মার খেয়ে মায়ের কোলেই ঝাঁপিয়ে পড়ে আমি তেমন “রূপনারাণের কূলে” নয় “রূপনারাণের কোলে” আছাড় খেয়ে পড়লুম ।

“বিশ্বরূপে”র অতিশয় রূঢ় প্রকাশ এই পৃথিবীতে আমরা যাকে “সৌন্দর্য” বলি, তার সঙ্গে আমার কিছুটা পরিচয় ছিল । অতি ক্ষুদ্র কীট ও তার জীবন-স্পন্দনে অতহীন গ্রহসূর্য তারায় তারায় যে জীবনস্পন্দন আছে তার লক্ষ্য-ক্ষোঁহিণী অংশ যতখানি অল্পভাবে অনুভব করে, ঠিক ঐ অতি অল্পখানি । সেই-ই প্রচুর ! পর্যাপ্তেরও প্রচুরতর অপর্থাপ্ত ! আরব্য রজনীর অন-নশ্শার এক ঝুড়ি ডিম দিয়ে কারবার আরম্ভ করে উজ্জরবানুকে বিয়ে করবার প্ল্যান করছিল । তার হিসেবে রক্তভর ভুল ছিল না—ভুল ছিল তার হঠকারিতায় । আর আমার হাতে তো কুলে সর্বসাকুল্যে মাত্র একটি ডিম । কাউন্সিল নিউম্যান কি গেরোঁছিলেন—স্মৃতিদৌর্বল্যের জন্য ক্ষমা ভিক্ষা করছি—“আমি তো যাত্রা-শেষের দূরদিগন্তের কাম্যভূমি দেখতে চাই নে ; আমাকে, প্রভু ; একটি পা ফেলার মত আলো দেখাও ।” “আই ডু নট্ উয়েস্ট টু সী দ্য ডিসটেন্ট সীন/ওয়ান স্টেপ ইনাক্ ফর মী ।” তাই আমি “বিশ্বরূপ লতীফের” সম্বন্ধে বেরলুম ।

এরপর আমার যে সব নব নব অভিজ্ঞতা হলো তার বণ না দেবার ভাষা আমার নেই, কখনো হবে না, কারণ আমি তাপসী রাখা নই । আমি সব কিছু ঝাপসা ঝাপসা দেখছি । তাই আপনি আমার চোখ কেমন যেন কুলাশা-ভরা ফিল্মে-ঢাকা দেখেছিলেন ।

অতএব অতি সংক্ষেপে সারিছি ।

প্রথমেই আপনার কথা মনে পড়েছিল । কিন্তু চিন্তা করে দেখলুম, আপনি স্বপ্নমগ্ন না হলেও রূপনারাণের তীরে আপনি এখনো পৌঁছাননি । প্রার্থনা করি, কখনো যেন না পৌঁছতে হয় ।

সবাইকে ধে পৌঁছতে হবে এমন কার, কোন মাথার দিব্য ? যদি রূপনারাণে পৌঁছতেই হয় তবে যেন পৌঁছেন আপনার গুরুরই মত আর্শী বছর বয়সে । আমার কপাল মন্দ (মূনিধাষিরা হয়তো বলবেন “ভাগ্যবন্ত” আমি “অখণ্ড-সৌভাগ্যবতী”), আমি যৌবনেই সেখানে পৌঁছে গিয়েছি । কোনো ইয়োরোপীয় বিলাসরভসে নিমজ্জিত এক ধনীর সন্তান যৌবনে বলেছিলেন “স্যালভেশন, মুক্তি, মোক্ষ ? নিশ্চয়ই চাই, প্রভু । কিন্তু not just yet—” অর্থাৎ একটু পরে হলে হয় না, প্রভু ? আমার বিলাসবাসনা তেমন কিছু একটা নেই, কিন্তু আমার যে ভয় করে ।... আপনার কাছে যাওয়া হলো না ।